






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.6





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.6





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.6





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.6





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.6





*Ex Libris Joannis Nencini*  
1874








*Ald. 3/3*

























M. T. CICERONIS ORA-  
TIONVM VOLVMEN  
PRIMVM.



**C**Ne quis alius aut Venetijs, aut usquam locorum has  
impune orationes imprimat, & Leonis X.  
Pontificis maxim, & Senatus Veneti  
decreto cautum est.

M. T. CICERO NIS OR A-  
TIO NVM VOLV MEN  
PRIMVM.



Quoque aliter aut vndeque aut nesciam locumque  
inque oratione inueniuntur. Et sicque X.  
Tuncque inueniuntur et sicque vndeque  
dicitur inueniuntur.



## LEONI . X . PONTIFI

## CI MAXIMO.

m Agna quædam res est, & ut nihil for-  
 tasse præstantius, ita longe difficilius  
 quiddam, quàm homines opinantur, elo-  
 quetia excellere. uni est id homini à na-  
 tura datum: ut ea, quæ mente concipimus, communica-  
 re inter nos, ac dicendo animi sensa eloqui possimus.  
 hac una re maxime à cæteris nos animantibus natu-  
 ra se iunxit. hæc iam inde ab initio humani generis  
 egregias nobis semper utilitates attulit. atq; hæc cum  
 æque omnibus concessa sit: unum quempiam è multis  
 esse: quem magna cæteri cum admiratione dicentem au-  
 diant: cui maximis ita plerumq; de rebus assentian-  
 tur: ut illi potius, quàm sibi ipsis credendum putent:  
 qui clamores, qui lachrymas, qui risus, cum uelit, moue-  
 at: atq; omnes adeo animorum motus quasi habenis  
 quibusdam regit: qui deniq; ita loquatur: ut tantum  
 propè reliquæ hominum multitudini præstare uidea-  
 tur: quantum homines ipsi bestijs antecellunt: profecto  
 id fieri necesse est: quod is, & longe præstantiora quæ-  
 dam, q̃ alij omnes, cogitatione, atq; animo complecta-  
 tur: et ea, quæ cogitarit, admirabili ac diuina quadà di-  
 cendi ratione explicare, ac proferre possit. at hoc, si quis  
 id recte consideret: eiusmodi est: ut eo omnia, quæ in ho-  
 minum cognitionem cadere possunt, comprehendantur.  
 quid enim illi, qui & res omnes, de quibus possit acci-



dere ut aliquando loquendum sit, optime omnium te-  
neat: quod ei qui perfecte eloquēs esse uoluerit, neces-  
sarium est: Et ornatissimis ac grauissimis eas uerbis  
illustrare, atq; omni lumine orationis queat: deesse dicen-  
dum est: id uero quā arduum, ac magnum sit, uel  
ex eo facillime cognosci potest: quod cum nemo fere  
unquam fuerit: qui non hanc sibi eloquentiæ gloriā  
summopere appetendam duxerit: permulti uero acerrimo  
ingenio homines nihil aliud summo studio tota ui-  
ta egerint: perpauci tamen tot ætatibus inuenti sunt:  
qui ita probati sint: ut non multa illis deesse uideren-  
tur. Et certe singulas quasque artes egregie aliquem  
nouisse permagnum est: nedum ut plurimæ ab uno  
quopiam comprehendere possint. Sed ut ea quis etiam  
ingenij felicitate fuerit: ut omnium sit maximarū re-  
rum scientiam consecutus: tum uero quotiens illi di-  
cendum sit, suo quicq; loco collocare, quantæ prudentiæ  
est? Iam res ipsas eo orationis genere, his uerbis orna-  
re: eaq; ipsa uerba tam composite, tam concinne, tam apte  
inter se connectere: ut nihil illustrius, nihil auditu in-  
cundius esse possit: id uero longe omnium difficillimum  
haberi debet. profecto cum multa etiam in oratore alia  
requirantur: ab hac una re tamen eloquentiæ inditum  
nomen est. Quid de actione dicam? huic primas, hu-  
ic secundas, huic tertias tribuisse Demosthenes dicitur.  
hac una si cæreat: ut cætera illi omnia cumulatissima  
concessa sint: nihil est, quod magnum ab se quippiam  
effici posse orator putet. at cuiusmodi ea est: ut si cui a  
natura negata sit: paruum sit, et exile quoddam, quod  
ab arte tradatur. Sed Et multo minus memoria aut



procreari, aut inseri arte ulla potest. ratio certe quædā,  
qua ea adiuvetur, reperta est. sed hæc nulla sit: nisi  
id ipsum prius naturæ bonum in ingenijs nostris exti-  
terit. at hæc in oratore quasi fundamentum quoddam  
est: quo sublato cætera omnia collabi necesse sit. Quā-  
obrem cum ex his eloquentia rebus constet: quæ par-  
tim maximo uiri ingenio summa sibi industria ac la-  
bore parare tamen possunt: partim, nisi à natura con-  
tigerint, nulla ipsi nobis fingere ratione possumus: ni-  
hil dicendi laude difficilius, nihil perfectō oratore in-  
uentu rarius existimandum est. Sed quo plures hu-  
ic laudi propositæ difficultates sunt: eo magis, & ut  
eā adipiscantur eniti oēs decet: et si quis adeptus fuerit:  
admirabilior, et quasi qdam inter homines deus haberi  
debet. quid enim ex omnibus humanis rebus ad deorū  
propius potestatem accedit? quā posse & inimicos,  
cum uelis, ledere: & amicis adiumento esse: & re-  
pugnantes tuam in sententiam adducere: et consentien-  
tes confirmare: consolari: hortari: ad misericordiam,  
ad odium, ad quencunq; animi motum, quos uolueris,  
uel inuitos impellere. hæc ea nimirum sunt: quæ non  
fieri humana ui, sed diuinum esse quiddam homines  
arbitrentur. Atq; in hac quidem re sunt qui omniū  
maxime græcos homines admirentur: ac longe illos no-  
strorum ingenijs anteponant. Et profectō, quod in omni  
ei studiorum genere non minus contigit, summorū sem-  
per oratorum copia Græciā redundauit. ē romanis q̄q̄  
multos fuisse legimus: qui plurimum dicendo potuerint:  
qui nihil non eloquentia affecuti sint: et complures ex  
his tamen nihil omnino literis mandauerunt: & eo-



rum qui aliquid scripserunt, præter unius Ciceronis  
nihil cuiusquam extat, quod proferre possimus. Sed  
et in tanto hoc tamen eloquentiæ naufragio, ma-  
gnæ ob id saltem dijs immortalibus à nobis gratiæ  
haberi debent: quod hunc potissimum superesse uolue-  
runt. tantum enim uno ego in Cicerone ponendum ar-  
bitror: ut huius unius dicendi facultate, non æquatam  
modo cum græcorum omniū eloquentia latini oratio-  
nis copiam, sed et longe factam superiorem putem. Tria  
sunt, quæ ab optimo effici oratore debeant. docendus,  
delectandus, permouendus auditor. hinc tria etiam na-  
ta sunt dicendi genera, tenue, medium, graue. ad docen-  
dum tenue accommodatum est: medio delectatio pari-  
tur: permouemur graui. qui unum aliquod horum ge-  
nus assequi potuerunt, magni habiti oratores sunt: quæ  
omnia, maximè. Ac fuerunt quidem è græcis aliqui,  
qui subtili quodam et sententiarum, et uerborum  
genere eo acumine atque elegantia dicerent: ut nihil il-  
lis limatius, nihil enucleatius esse posset. Ex politum  
alii ac suauis dicendi genus secuti, et audientium an-  
imos maxime delectarunt: et celebre sibi inter orato-  
res nomen peperere. Vberiores nonnulli, et ampliore  
quodam orationis usi dignitate, cum magnam vim ho-  
minum mentibus admouerent: magnam ipsi eloquen-  
tiæ gloriam consecuti sunt. Cum uero non eodem modo  
omnia dicenda sint: sed unicuiusque rei sit certa et pro-  
pria quasi quædam uox: qui idem cum res posceret,  
submisit humilia, media temperate, ample grandia pos-  
set dicere: nemo fortasse ex his, præter Demosthenem  
inuentus est. at nisi his omnibus generibus, ita oratio dē



sancta sit: ut id semper quod maxime deceat, conserue-  
tur: nō est, quod exactam se qsq̃ et absolutam eloquē-  
tiam adeptum arbitretur. His ita omnibus generibus  
noster præstitit: ut ne ex his quidem, qui in singulis  
floruerunt, in eo ipso genere sit illi aliquis conferen-  
dus. nemo hoc in paruis pressior: in temperatis orna-  
tior: in magnis sublimior: nemo iudicem acutius do-  
cuit: delectauit iucundius: incitauit ardentius. Quæ  
ut in Demosthene etiam paria fuerint: sunt tamen qui  
existiment longe illius orationem iucundius his sali-  
bus, quibus maxime abundat. Cicero, potuisse condi-  
ri. sunt qui commiserationes desiderent: quibus ille ut  
atheniensium lege sit uti prohibitus: magnum tamen  
quiddam est, quod illi desit. qua in re ita omnibus præ-  
stare Cicero existimatus est: ut in his etiam causis, quas  
una cum illo Q. Hortensius, aut alij ea tempestate  
summi oratores agerent, extremus tamen perorandi lo-  
cus eorum ipsorum concessu, huic semper relinquere-  
tur. Iam in epistolis, cum amboru extent: tantus in no-  
stro lepos, tanta urbanitas, ea suauitas, is candor, tam  
purus sermo, ea cum de rep. loquitur, grauitas: ut mi-  
rum sit quanto intervallo uincamus. Quid? ubertas in-  
genij, plurimarum ac præclarissimarum rerum cogni-  
tio conferri potest? illius græco tantum sermone com-  
plures modo orationes, & epistolas quasdam legimus.  
hic & græce homo romanus eo ornatu plura scri-  
psit: tam præclare nonnunquam, cum res tulit, locu-  
tus dicitur: ut ipsi etiam græci huiusce facultatis peri-  
tissimi homines, non minus suæ illi linguæ eleganti-  
am concederent: quàm hanc etiam sibi laudem eri-



pi moleste ferrent: & omnibus latinæ eloquentiæ  
partibus unus satisfecit: neque ullum non posteris  
monumentorum genus reliquit. orationes in omni  
genere plurimas, magna epistolarum uolumina edi-  
dit. sed & à musis etiam non alienus fuit. qn & lati-  
nos omnes, q ante se fuerant, poetas facillime superauit:  
& multo etiam fortasse progredi longius potuit: nisi  
maioris cuiusdam gloriæ ad se illum splendor rapuis-  
set. ad hæc, ne ea quæ magno sibi ipse labore atq; acer-  
rimo studio peperisset, inuidere inuētuti uideretur: de  
arte etiam dicendi sibi scribendum existimauit. qui-  
bus in libris cum peruulgata rhetorum præcepta ne-  
gligens, aliud quoddam ad eloquentiam esse iter dice-  
ret: uel ex eo id uerum esse, quod ab se diceretur, o-  
stendit: quod de his ipsis rebus (quod nulli unquam  
dicendi magistri potuissent) elegantissime locutus est:  
& in eloquentiæ præceptis tradendis nullam non elo-  
quentiæ uim adhibuit. Neq; uero his finibus abundan-  
tis ingenij flumen tenuit. sed longe effusus latius in o-  
mnes prope philosophiæ sinus delatus est: & in uitam  
tandem possessionem, ex qua eam nullo iure deiectam  
esse, sæpissime conquestus fuerat: eloquentiam restituit:  
atq; ex angustis extractam finibus paterno in regno  
collocauit: & id esse proprium oratoris docuit: de una-  
quaq; re proposita posse & ornate et apte dicere. sed  
nulla profecto ex re magis cognosci præstantia orato-  
rum potest: quàm ex eo, quod ab his dicendo efficitur.  
ac recte id mihi quidem dictum uidetur, ut in fidibus  
ex eo, qui reddatur, sono, illius qui pulset scientiā per-  
spici: sic eloquentiæ uim, ex his maxime motibus, quæ



in audientium animis cernuntur, intelligi. neq; uero di-  
ci potest, non multa Demosthenem effecisse dicendo. a-  
mens sim, si e maximis, atque omnium illi sum-  
morum hominum consensu tributis laudibus, quic-  
quam coner detrachere. cum praesertim ipse etiam il-  
lum Cicero longe omnibus anteponat: Et quotiens di-  
cturus esset, e tota Graecia ad eum audiendum so-  
litos fieri concursus affirmet. sed tamen cum ma-  
xime floretet Demosthenes, Et praelatum etiam il-  
li Demadem legimus: Et Phocionis seu quaedam acer-  
rima dicendi uis, seu populo cognita uita integritas ita  
eum saepe peruertit: ut ipse etiam suorum illum uerbo-  
ru securim sit solitus appellare. Ciceronis etate, quan-  
quam nulla unquam aut plures aut praestantiores ora-  
tores tulit: neq; pari tamen dicendi facultate quisquam  
inuentus est: neq; tam probata uita sanctitas in ullo  
fuit: ut ea magis, quam illius oratione, homines mo-  
uerentur. huius accusationis impetu perterritus, a Ver-  
ris patrocinio, cum Et eum maxime defensum uellet:  
Et nihil esset quod non assequi dicendo posse crede-  
retur: Hortensius destitit. hic grauissimam illam M.  
Catonis auctoritatem, Et dicendi seueritatem, quo  
nemo omni uirtute praestantior unquam fuit: si quan-  
do sibi obstitit, orationis copia Et festiua quadam  
comitate semper elusit. ac ne omnia conquirere am-  
bitiosius uidear: ut totiens permotos iudices, totiens se-  
natum, totiens populum praetermittam: ut oppressam  
Catilinae audaciam, uniuersam in Antonij odium con-  
citatam ciuitatem sileam: quanta uis illius orationis  
fuerit: quam facile ad ea, quae uellet, homines attra-



xerit: uel id unū nobis esse argumeto potest: quod cum  
præclaro illo statim ab se inito consulatu, lege agraria  
ab seditiosis Tribunis plebis proposita, magnos in rep-  
concitari motus intueretur: et in concione Tribunos uo-  
tare, & ipso etiam disceptatore populo, cuius obsistere  
commodis putabatur: uti non dubitauit. atq; hic ita lo-  
cutus est: ita eorum quæ ad pertractandos hominum  
animos necessaria essent, nihil prætermisit: ut nemo un-  
quam tanta populi uoluntate populare quicquam sua-  
serit: quanta hic maxime omnium gratam, ac incun-  
dam populo legem euertit. Non immerito igitur & cū  
uiueret, regnare in iudicijs dictus est: & post mortem  
ad hodiernum diem sic apud omnes gentes illius no-  
men uiget: sic in dies augeſcit: ut nulla id unquam  
obliuio obscuratura, nulla eius laudibus allatura finē  
æternitas uideatur. hic ipsam illam absolutæ elo-  
quentiæ speciem, quam suo ipse in oratore quærit: quā  
uix animo intuemur: quam in nullo Antonius uiderat:  
oratorum omnium unus expressit. huic quo similior  
aliquis, eò eloquentior haberi debet. huius scriptis ne co-  
gitare quidem ornatiores possumus. utinam quæ eorum  
multa aut iniuria temporis, aut assidua tot sæpe bellis  
Italiæ uastatione perierunt: ea peruenire omnia ad  
manus nostras potuissent. longe opulentior romana lin-  
gua, longe instructior latinæ eloquentiæ supellex esset.  
sed ut multa intercepta sint: bene id cecidit: quod ex  
his, quas scripsit, orationibus, in quibus omnis dicendi uis,  
omnis eloquentiæ ornatus explicatur: paucis admodū  
desideramus. quāquā et in his id queri possumus: quod  
quas non Antoni proscriptio, non belli furor, non tot



annorum spatium eripere nobis potuit: has ita proximi-  
morum seculorum inscitia, quasi rubigo quaedam, fœda-  
uit: ut in suum eas nitorem restituere immensi cuius-  
dam operis esse uideatur. nos quidē, quantum in nobis  
fuit: quantum uetera nobis exemplaria adiumento es-  
se potuerunt: quā potuimus opem asferre conati sumus:  
neq; quicquam à nobis fieri potuisse existimauimus:  
quod magis his qui eloquentiæ studio tenentur pro-  
desset: quam si ipsæ hæ Ciceronis orationes, hoc est  
ipsius fontes eloquentiæ, unde haurire abunde pos-  
sent: perpurgati à nobis essent. qua in re tantum ta-  
men abest, ut nihil prætermissum esse affirmare ueli-  
mus: ut iacta tantum fundamenta à nobis esse, opus  
ipsum si multi hoc exemplo pari in id studio ac labore  
incubuerint: tum demum posse fortasse aliquando per-  
fici existimemus. Atq; has nos quidem orationes, ob  
id præcipue Læo pontifex maxime, ut alia prætermi-  
tam omnia: sub tuo nomine exire uoluimus: quod te  
quāuis in ea amplitudine collocatum, ut nemo morta-  
lium propius deum attingat, maximus semper occu-  
pationibus distineri necesse sit: & his tamen maxime  
delectari, & nunquā intermittere literarum studia  
audimus: neq; quenquā à te pluris fieri, quā qui ali-  
quo optimarum artium genere cæteris antecellat. et huius  
quidem rei id iam inde ab initio amplissimæ hu-  
ius dignitatis tuæ indicio omnibus esse potuit: quod Pe-  
trum Bembum, & Iacobum Sadoletum uiros uti sum-  
ma inter se beneuolentia coniunctissimos, ita tum mo-  
ribus, tum omni literarum genere & quamsimilli-  
mos & nostræ ætatis omnium ornatissimos, à secre-



is habere uoluisti . iam tum magna mihi oblata spes  
est: fore ut omnes tuo auxilio bonæ artes reuiuifce-  
rent: cum tibi eos qui in his excellere, adiungen-  
dos, atq; omni dignitate honestandos putares . Sed non  
hoc uno nobis tuus hac in re animus perspectus est:  
permultis se ille alijs quotidie signis ostendit. Et præ-  
clarissimorum semper ingeniorum parens plurimos ti-  
bi roma omni doctrina præstantis uiros sufficit: et his  
non inferiores ex omnibus eò terris, ut in communem  
quandam nationum omnium, ac totius terrarum orbis  
patriam permulti confluunt . quippe eo iam inde ab  
initio nata fato roma est, ut quod ubique terrarum  
egregij exortum esset, una susciperet . hos tu omnes ita  
amplecteris: ita omni beneuolentia prosequeris: ut cum  
nullo hominum genere libentius uiuas: nulli ad te adi-  
tus faciliores sint: nulli tua magis liberalitas pateat. Ex  
his ego, Et plurimus illis, quæ in te elucet, uirtuti-  
bus, in eam opinionem adductus sum: ut ob id ab Deo  
te optimo maximo Et terris datum Et toti christianæ  
reip. præpositum arbitrer: ut tu is sis: cuius ductu in an-  
tiquam illam tum imperij, tum omnium Et uirtutum,  
Et bonarum artium amplitudinem Roma restituatur.  
Sed agendum id profecto ex his tibi prius est: quo ur-  
gemur magis: cui nisi ocursum fuerit: magnæ esse no-  
bis calamitati potest. Nimia iam audacia christiani in  
nos nominis hostes efferuntur: nimis proterue nobis  
insultant: dum multos iam annos, omnes eorum iniu-  
rias toleramus: in maximum contemptum uenimus:  
neq; quicquam est, quod sibi in nos licere nõ putent.  
quas illi per hosce annos regiones, quos agros non se-



pius deuastarunt? quos non sinus penetrarunt? qui-  
bus ex oris prædas non abegerunt? quam nobis igno-  
miniam non inusserunt? quin etiam (foedum di im-  
mortales facinus) florentissimam illam, illam & litera-  
rum, & uirtutum omnium parentem Græciam nobis  
ta centibus, atq; adeo propè tradentibus immanissimæ  
gentes occuparunt. nos socios atq; amicissimos nobis re-  
ges ante oculos propè nostros opprimi, ac regnis exui  
passi sumus. nostra tum scilicet res non agebatur? ni-  
hil eorum ad nos calamitas pertinebat? satis erat  
suos quenq; fines tueri? nihil præterea curandum erat?  
Nimirum nostra hac negligentia id factum est: ut  
magnæ illis breui tempore uires additæ, magna no-  
bis auxilia detracta sint. neq; suis illi uiribus, sed  
nostra secordia creuerunt. nos, nos inquam in nos  
eos aluimus: nos ita auximus: ut multa iam ab illis  
merito, nisi prouisum fuerit, timeri possint. Sed proui-  
dendum profecto est: neq; quicquam iam, quod turpe  
nobis futurum sit, ferre debemus. tuumq; adeo hoc esse  
munus, hoc tibi onus incumbere omnes existimant. neq;  
tamen (quâquam ne hoc quidem præter te alius quis-  
quam potuit) à te id solum postulatur, ut à finibus  
eos nostris auertas: ut exultantes ac temere in nos ir-  
ruentes reprimas. maius quiddam est, quod tuæ à te ma-  
gnitudini deberi uideatur. nisi ultro illato illis bello et  
omnis ante suscepta nobis labes eorum sanguine elua-  
tur: & illi penitus ne se aliquando in nostrâ perniciem  
efferre possint, excindantur: satisfieri tantæ de te o-  
mnium expectationi nullo pacto potest. neq; uero factus  
id difficillimū futurum est: si te authore sublati, si quæ



intercedunt, simulatibus, christiani inter se reges con-  
spirauerint: & in communem hostem communi con-  
sensu suscipiendum sibi bellum esse existimant.  
quid enim his uiribus opponi poterit? uerendum cre-  
do nobis erit, ne paucis illis peditum cohortibus, ne in-  
ermibus illis, ut innumerabiles sint: equitibus hostium,  
tot (ut alios omittam) inuictæ Hispanorum, tot Helue-  
tiorum legiones, instructissimus ille gallorum, ille Ita-  
lorum eqtatus pares esse non possint? ne primum qui-  
dem impetum, ne clamorem illi quidem nostri exer-  
citus ferre poterunt. agis tu quidem dies noctesq; unum  
hoc omnium maxime: neq; quicquam omittis, quod ad  
conciliandos inter se, atq; in hostem inflammandos chrē-  
stianorum animos fieri oporteat: atq; eò iam tuis mo-  
nitis & hortatibus adducta res est: ut potentissimi iam  
reges ueterum iniuriarum obliti, & amicitia inuant:  
& ad colloquia ueniant: ut & communibus una de  
rebus consilium capiant: & quæ ad Christianæ reip-  
salutem, ac dignitatem pertinere uisa fuerint, constituantur.  
sed & reliquum tamen quiddam adhuc est: quod  
tibi agendum sit. quæ propè omnes iam præ se ferunt:  
ea quanta fieri celeritate poterit maturanda sunt. ne-  
scio quis iam diu Christianorum mentes torpor inua-  
sit: qui, ut optime tua authoritate animati sint: diutius te  
men procrastinantur, quàm opus sit: ac multas quoti-  
die bene gerendæ rei opportunitates prætermittunt.  
hunc dum penitus somnum excutias: hanc dum tollas  
segnitiem: nulla sit res: quæ ab eo te, quod tam præ-  
clare cœpisti, deterrere possit. hoc unum cum effe-  
ceris: tum denique quod tandiu machinaris, quod

tantis  
feceris  
prolat  
quam  
laurea  
terrari  
moda  
nam  
etatum  
bi per  
delissi  
etiam  
tate L  
sibus  
ac in  
ris  
omn  
otū  
ter  
te  
hac  
nebr  
pler  
certe  
min  
ma,  
lucra  
gim  
anti  
nec



tanto opere moliris, quod tecum semper cogitas ef-  
feceris. Erit, erit profecto dies illa: cum te longissime  
prolatis finibus, deuictis omnibus, quæ christiano un-  
quam nomini infensæ fuerint, nationibus, cum insigni  
laurea redeuntem intueri liceat: cum tota te italia, totus  
terrarum orbis ut quendam ad leuanda nostra incom-  
moda e caelo delapsum deum ueneretur: cum tibi ob-  
uiam cunctis ex oppidis omnium generum, omnium  
ætatum multitudo se omnis effundat: tibi patriam, ti-  
bi penates, tibi salutem, ac uitam deniq; depulso cru-  
delissimorum hostium metu, acceptam referat: cum ipsi  
etiam se tibi agri noua quadã rerum omnium uber-  
tate lætiores ostendant. Tum tu maximis omniũ plau-  
sibus regum medius romam inuectus pulcherrimum  
ac iustissimum triumphum ages: tum demum pace ter-  
ris omnibus per te parta frui nobis licebit: tum deniq;  
omni et bello et belli timore sublato alũæ pacis atq;  
otij literæ uberrimo se prouectu offeret: tum plurima in-  
ter hostiũ spolia tot illa à ueteribus illis græcis monumẽ-  
ta scriptis tradita, quæ nunc in misera & diuturna  
hac græciæ seruitute oppressa delitescunt: per te ex te-  
nebris extracta conspicientur. quin & latina fortasse  
pleraq; belli hinc impetu nobis ablata recipientur: aut  
certe pacatis iam rebus alicunde emergent: atq; ex o-  
mnibus ad te partibus deferrentur. tum et alia pluri-  
ma, & Ciceronis fortasse tum ea, quæ desiderantur: in  
lucem prodibunt: tum hæc, quæ manca & mutilata le-  
gimus: integra & emendata reperientur. neq; uero in  
antiquorum scriptis emendandis diutius teneri quenq;  
neceße erit: sed in maxima optimorum librorum copia,



maximo ac tutissimo otio existent fortasse, qui maiora  
conentur: & ipsam etiam antiquitatem provocare scri-  
ptis audeant. profecto aut nunquam posthac futurum  
est: aut tua id hæc ætas uidebit. interea hos labores  
nostros, qui tam corruptis ueterum libris & necessa-  
rio suscipiendi, & maxime utiles habendi sunt, ne con-  
temne: & ea, quæ ut futura credamus, maximam tu  
ipse nobis spem attulisti: quæ semper meditaris: quæ  
animo semper agitas: quæ immortalem tibi apud o-  
mnes gentes gloriam paritura sunt: quæ profecto tibi  
debentur: uti nulla interposita mora quam celerrime  
fiant, appropera.

ueris  
confer  
proue  
ipse i  
posse  
gressi  
sibus  
ta. S  
se  
pa  
cti  
ne  
scrip  
runt  
ter d  
pe co  
quan  
ne el  
mis c  
teran  
set, n



T. LIVIVS HISTORIARVM

LIBRO. CXX.

M.

Cicero sub aduentum triumuirorum  
urbe cesserat pro certo habens, id quod  
erat, nō magis Antonio eripi se, quā  
Cæsari Cassium & Brutum posse. pri-  
mo in Tusculanum fugerat: inde trās-  
uersis itineribus in Formianum, ut ab Caieta nauim  
conscensurus, proficiscitur. unde aliquoties in altum  
prouectum, cum modo uenti aduersi retulissent: modo  
ipse iactationem nauis cæco uolente fluctu pati non  
posset: tedium tandem eum & fugæ et uitæ cœpit. re-  
gressus ad superiorem uillam, quæ paulo plus mille pas-  
sibus à mari abest, moriar inquit in patria sæpe serua-  
ta. Satis constat seruos fortiter fideliterq; paratos fuis-  
se ad dimicandum: ipsum deponi lecticam, & quietos  
pati quod sors iniqua cogeret, iussisse. prominenti ex le-  
cticâ, præbentq; immotam ceruicem caput præcisum est.  
nec satis stolidæ crudelitati militum fuit: manus quoq;  
scripsisse aliquid in Antonium exproperantes præcide-  
runt. Ita relatum caput ad Antonium: iussuq; eius in-  
ter duas manus in rostris positum: ubi ille consul, ubi sæ-  
pe consularis, ubi eo ipso anno aduersum Antonium,  
quanta nulla unquam humana uox, cum admiratio-  
ne eloquentiæ, auditus fuerat. Vix attollentes lachry-  
mis oculos homines intueri trucidata membra eius po-  
terant. Vixit tres & sexaginta annos: ut, si uis absuis-  
set, ne immatura quidem mors uideri possit. ingenium

\* \*



Et operibus Et premijs operarum foelix. ipse fortuna  
na diu prospera, Et in longo tenore felicitatis magnis  
interim ictus uulneribus, exilio, ruina partium, pro  
quibus steterat, filiae morte, exitu tam tristi atq; acer=  
bo. omnium aduersorum nihil ut uiro dignum erat tra=  
lit, praeter mortem. quae uere aestimanti minus indi=  
gna uideri potuit: quod a uictore inimico crudelius pas=  
sus erat, quam quod eiusdem fortunae composito fecisset.  
si quis tamen uirtutibus uitia pensarit: uir magnus ac  
memorabilis fuit: Et in cuius laudes sequendas Cice=  
rone laudatore opus fuerit.

mutuato est bono scilicet ual. max. 1.º v. cap. de ingratia, ubi de Tullij  
interf. Porci loq. Inualida inquit ad hoc non pro suggestio  
lra. quoniam qui talem Ciceronis scrip. satij. digne deple,  
non possit, alius Cic. no. est extat.



M. TVLLII CICERONIS ORATIONVM INDEX.

PRIMO VOLUMINE.

Pro P. Quintio. Oratio prima.	2
Pro Sex. Roscio Amerino. Oratio secunda.	18
Pro Q. Roscio Comædo. Oratio III.	45
Divinatio in C. Verrem. Oratio IIII.	55
In C. Verrem liber. II. Oratio V.	66
In C. Verrem liber III. Oratio VI.	76
In C. Verrem lib. IIII. Oratio VII.	109
In C. Verrem lib. V. Oratio VIII.	148
In C. Verrem lib. VI. Oratio IX.	200
In C. Verrem lib. VII. Oratio X.	236
Pro M. Fonteio. Oratio XI.	276
Pro A. Cecinna. Oratio XII.	285

SECUNDO VOLUMINE.

Pro Lege Manilia. Oratio XIII.	4
Pro A. Cluentio. Oratio XIIII.	18
De Lege Agraria contra P. Seruiliū Rullum in senatu. Oratio XV.	61
De Lege Agraria ad populum contra P. Seruiliū Rullum. Oratio XVI.	66
De Lege agraria ad populum contra Rullum. Oratio XVII.	87
Pro C. Rabirio perduellionis reo ad popu-	

\*\* ij



# INDEX

lum. Oratio XVIII.	90
In L. Catilinam in senatu. Oratio XIX.	97
In L. Catilinam ad populum. Oratio XX.	104
In L. Catilinam ad populum. Oratio. XXI.	111
In L. Catilinam in senatu. Oratio XXII.	118
Pro L. Murena. Oratio XXIII.	124
Pro L. Flacco. Oratio XXIII.	146
Pro P. Sylla. Oratio XXV.	167
Pro Archia poeta. Oratio XXVI.	185
Ad Equites romanos antequam iret in exilium. Oratio XXVII.	192
Ad Quirites post reditum. Oratio XXVIII.	198
Post reditum in senatu. Oratio XXIX.	204
Pro domo sua ad pontifices. Oratio. XXX.	213
De aruspiciū responsis in senatu. Oratio XXXI.	243
Pro Cn. Plancio. Oratio XXXII.	259

## TERTIO VOLUMINE.

Pro P. Sestio. Oratio XXXIII.	3
In Vatinius. Oratio XXXIII.	29
Pro M. Celio. Oratio XXXV.	36
Pro L. Cornelio Balbo. Oratio XXXVI.	55
De prouincijs consularibus. Oratio XXXVII.	69
In L. Pisonem. Oratio XXXVIII.	79
Pro T. Annio Milone. Oratio XXXIX.	101
Pro C. Rabirio Posthumus. Oratio XL.	123
Pro M. Marcello. Oratio XLI.	131
Pro Q. Ligario. Oratio XLII.	137




# INDEX

90	Pro Rege Deiotaro. Oratio. XLIII.	145
97	In M. Antonium philippicæ prima.	
104	Oratio XLIII.	153
III	In M. Antonium philippicæ. II. Oratio XLV.	160
118	In M. Ant. Philip. III. Oratio XLVI.	183
114	In M. Ant. Philip. IIII. Oratio XLVII.	191
146	In M. Ant. Philip. V. Oratio XLVIII.	194
167	In M. Ant. Philip. VI. Oratio XLIX.	205
185	In M. Ant. Philip. VII. Oratio L.	209
	In M. Ant. Philip. VIII. Oratio LI.	214
191	In M. Ant. Philip. IX. Oratio LII.	221
I. 198	In M. Ant. Philip. X. Oratio LIII.	225
204	In M. Ant. Philip. XI. Oratio LIIII.	230
213	In M. Ant. Philip. XII. Oratio LV.	239
II. 243	In M. Ant. Philip. XIII. Oratio LVI.	246
259	In M. Ant. Philip. XIIIII. Oratio LVII.	258
	Epistola ad Octavianum	268
	Crispi salustij in Ciceronem Oratio	270
	M. Tully Ciceronis in Salustum responsio.	272














Q.  
mch  
uere  
rem  
eßer  
qui  
tro  
op  
a  
m  
al  
tat  
re a  
qui  
te u  
plic  
in c  
defi  
dilig  
pat  
ra



I  
M. TVLLII CICERONIS  
PRO P. QVINTIO  
ORATIO. I.

VAE RES IN CIVITA  
te duæ plurimū possunt: hæ con-  
tra nos ambæ faciunt in hoc tem-  
pore: summa gratia, & eloquen-  
tia. quarum alteram C. Aquili  
uercor: alteram metuo: eloquentia

¶ *Q.* Hortensij ne me dicendo impediat, non nihil com-  
moueor. gratia Sex. Ncuij ne P. Quintio noceat, id  
uero nō mediocriter pertimesco. neq; hoc tantopere que-  
rendum uideretur: hæc summa in illis esse: si in nobis  
essent saltem mediocria. uerum ita se res habet: ut ego,  
qui neq; usu satis, & ingenio parum possum: cum pa-  
trono disertissimo comparer: P. Quintius, cui tenues  
opes, nullæ facultates, exiguæ amicorum copię sunt:  
cum aduersario gratiosissimo contendat. illud quoq;  
nobis accedit incommodum: quod M. Iunius, qui hæc  
aliquotiens apud te egit: homo & in alijs causis exerci-  
tatus, & in hac multum & sæpe uersatus, hoc tempo-  
re abest, noua legatione impeditus: et ad me uētum est:  
qui, ut summa haberem cætera: temporis quidem cer-  
te uix satis habui: ut rem tantam, tot controuersijs im-  
plicatam, possem cognoscere. ita, quod mihi consuevit  
in cæteris causis esse adiumento: id quoq; in hac causa  
deficit. nam quo minus ingenio possum: subsidio mihi  
diligentiam comparauī. quæ quanta sit, nisi tempus, et  
spatium datum sit: intelligi non potest. Quæ quo plu-  
ra sunt C. Aquili: eodē te, & hos, qui tibi in consilio ad



PRO P.

sunt: meliori mente nostra uerba audire oportebit: ut multis incommodis ueritas debilitata tandem æquitate talium uirorum recreetur. quod si tu iudex nullo præsidio fuisse uidebere contra uim, & gratiam, solitudini, atq; inopiæ: si apud hoc consilium ex opibus, nõ ex ueritate causa pēdetur: profecto nihil est iam sanctum, atq; sincerum in ciuitate: nihil quod humilitatem, cuiusquam grauitas et uirtus iudicis consoletur. certe, aut apud te, & eos qui tibi assunt: ueritas ualebit: aut ex hoc loco repulsa ui, et gratia, locum ubi consistat, reperire non poterit. non eo dico C. Aquili: quo mihi ueniat in dubium tua fides & constantia: aut quo non ijs, quos tibi aduocasti: uiris electissimis ciuitatis spem summam habere P. Quintus debeat. quid ergo est? primum magnitudo periculi summo timore hominem afficit: quod uno iudicio de fortunis omnibus decernit. idq; dum cogitat: non minus sæpe ei uenit in mentem potestatis, q̃ æquitatis tuæ: propterea quod omnes, quorum in alterius manu uita posita est: sæpius illud cogitant: quid possit is, cuius in ditione ac potestate sunt: q̃ quid debeat facere. deinde habet aduersarium P. Quintus uerbo Sex. Neuium, re uera huiusce ætatis homines disertissimos, fortissimos, ornatissimos nostræ ciuitatis: qui communi studio summis opibus Sex. Neuium defendunt: si id est defendere: cupiditati alterius obtemperare: quo is facilius quem uelit in quo iudicio opprimere possit. nã quid hoc iniquius aut indignius C. Aquili dici aut commemorari potest? quam me, qui caput alterius, famam, fortunasq; defendam: priore loco causam dicere: cum præsertim Q. Hortensius qui hoc iudicio partes accusatoris obtinet: contra me sit dictus



rus: cui summam copiam facultatemq; dicendi natura  
 largita est. Ita fit, ut ego qui tela depellere, & vulne-  
 ribus mederi debeam: tum id facere cogar: cum etiam te-  
 lum aduersarius nullum iecerit. illis autem id tempus  
 impugnandi detur: cum & uitandi illorū impetus po-  
 testas adēpta nobis erit: et si qua in re, id quod parati  
 sunt facere: falsum crimen, quasi uenenatum aliquod  
 telum iecerint: medicinae faciendae locus nō erit. Id ac-  
 cidit Prætoris iniquitate, et iniuria: primum quod con-  
 tra omnium consuetudinem, iudicium prius de probro,  
 quam de re maluit fieri. deinde quod ita constituit id-  
 ipsum iudicium: ut reus, ante quam uerbum accusato-  
 ris audisset: causam dicere cogeretur. quod eorum gra-  
 tia, & potentia factum est: qui quasi sua res, aut ho-  
 nos agatur: ita diligenter Sex. Neuij studio & cupidita-  
 ti morem gerunt: & in eiusmodi rebus opes suas expe-  
 riuntur: in quibus quo plus propter uirtutem nobilita-  
 temq; possunt: eo minus qd possint, debent ostendere.  
 Cū tot tantisq; difficultatibus affectus atq; afflictus in-  
 tuam C. Aquili fidem, ueritatem, misericordiam P.  
 Quintius confugerit: cum adhuc ei propter uim ad-  
 uersariorum non ius par, non agendi potestas eadem,  
 non magistratus æquus reperiri potuerit: cum ei sum-  
 mam per iniuriā omnia inimica, atq; infesta fuerint:  
 te C. Aquili, uosq; qui in consilio adestis, orat: atq; ob-  
 secrat: ut multis iniurijs iactatam atq; agitatam æqui-  
 tatem, in hoc tandem loco consistere, & confirmari pa-  
 tiamini. Id quo facilius facere possitis: dabo operam,  
 ut à principio res quemadmodum gesta & contracta  
 sit, cognoscatis. C. Quintius fuit P. Quintij huius  
 frater, sanè cæterarum rerum pater familias et priu-



dens & attentus, una in re paulominus consideratus: qui societatem cum Sex. Neuius fecerit, viro bono, verum tamen non ita instituto, ut iura societatis, & officia certi patrisfamilias nosse posset. non quo ei deesset ingenium: nam neq; parum facetus scurræ Sex. Neuius, neq; inhumanus præco est unquam existimatus. quid ergo est? cum ei natura nihil melius quam uocem dedisset: pater nihil præter libertatem reliquisset: uocem in quaestum contulit: libertate usus est: quo impunius dicax esset. quare quod socium tibi eum uelles adiungere, nihil erat: nisi ut in tua pecunia condisceret: qui pecuniæ fructus esset. tamen inductus consuetudine, ac familiaritate Quintius fecit, ut dixi, societatem earum rerum, quæ in Gallia comparabatur. erat ei pecuaria res ampla, et rustica sane bene culta, et fructuosa. tollitur ab atrijs Licinijs atq; à præconum confessu in Galliâ Neuius: & transalpes usq; transfertur. fit magna mutatio loci non ingenij. nam qui ab adolescentulo quaestum sibi instituisset sine impendio: posteaquam nescio quid impendit: et in commune contulit: mediocri quaestu contentus esse non poterat. nec mirum, si is qui uocem uenalem habuerat, ea quæ uoce quaesierat, magno sibi quaestui fore putabat. Itaq; hercule haud mediocriter de communi quicquid poterat, ad se in priuatam domum seuocabat. quia in re ita diligens erat: quasi ij, qui magna fide societatem gererent: arbitrium pro socio condemnari solerent. Verum his de rebus non necesse habeo dicere ea, quæ me P. Quintius cupit commemorare: tametsi causa postulat. tamen quia postulat: non flagitat: præteribo. Cum annos iam complures societas esset: et cum sæpe suspectus Quintio Neuius fuisset: neq;



ita commodè posset rationem reddere earum rerum:  
 quas libidine non ratione gesserat: moritur in Gallia  
 Quintius: cum adesset Neuius: et moritur repentino.  
 hæredem testamento reliquit hunc P. Quintium: ut  
 ad quem summus mæror morte sua ueniebat: ad eun-  
 dem summus honos quoq; perueniret. quo mortuo, nec  
 ita multo post, in Galliam proficiscitur Quintius. ibi  
 cum isto Neuius familiariter uiuit: annū fere una sunt:  
 cum & de societate inter se multa communicarent: &  
 de tota illa ratione atq; re Gallicana. neq; interea uer-  
 bum ullū interposuit Neuius, aut societatem sibi quip-  
 piam debere: aut priuatim Quintium debuisse. Cum  
 aeris alieni aliquantulum esset relictum: quibus nomi-  
 nibus pecuniam Romæ curari oporteret: auctionem in  
 Gallia P. hic Quintius Narbone se facturū esse pro-  
 scribit, earum rerum, quæ ipsius erant priuatæ. Ibi  
 tum uir optimus Sex. Neuius hominem multis uerbis  
 deterret ne auctionetur: eum non ita commodè posse  
 eo tempore quæ proscriptisset uendere: Romæ sibi num-  
 morum facultatem esse: quam, si saperet, communem  
 existimaret, pro fraterna illa necessitudine, & pro ipsi-  
 us affinitate. nam P. Quintij consobrinam habet in  
 matrimonio Neuius, & ex ea liberos. Quia quod ui-  
 rum bonum facere oportebat, id loquebatur Neuius:  
 credidit Quintius, eum qui orationem bonorum imi-  
 taretur: facta quoq; imitaturum. auctionem uelle face-  
 re desistit: Romam proficiscitur: decedit ex Gallia Ro-  
 mam simul Neuius. cum pecuniam C. Quintius P.  
 Scapulæ debuisset: per te C. Aquili decedit P. quin-  
 tius, quod liberis eius dissolueret. hoc eò per te ageba-  
 tur: quod propter æariam rationem non satis erat in



tabulis inspexisse quantum deberetur: nisi à Quæstoribus  
 quæsisset quantum solueretur. decidis, statuisq; tu  
 propter necessitudinem, quæ tibi cum Scapulis est: quid  
 is ad denarium solueretur. hæc omnia Quintius age  
 bat auctore, et cōsuasore Nevio. nec mirum, si eius ute  
 batur consilio: cuius auxilium sibi paratum putabat.  
 nō modo enim pollicitus erat in Gallia: sed Romæ quo  
 tidie, simulatq; sibi hic annuisset: numeraturum se di  
 cebat. Quintius porro istum posse facere, uidebat: de  
 bere, intelligebat: mentiri, quia causa cur mentiretur,  
 non erat: nō putabat. quasi domi nummos haberet: ita  
 constituit Scapulis se daturum: Nevium certiore facit:  
 rogat ut curet, quod dixisset. Tū iste vir optimus (ue  
 reor ne se derideri putet: quod iterum ita dico optimus)  
 qui hunc in summas angustias adductum putaret: ut  
 eum suis conditionibus in ipso articulo temporis astrin  
 geret: a se negat daturum: nisi prius de rebus ra  
 tionibusq; societatis omnibus decidisset: et scisset sibi cū  
 Quintio controuersie nihil futurum. posterius inquit  
 ista uidebimus Quintius: nunc hoc uelim cures (si tibi  
 uidetur) quod dixisti. negat se alia ratione facturum.  
 quod promississet, non plus sua referre: quā si, cum au  
 ctionem uenderet, domini iussu quippiam promississet.  
 destitutione illa percussus Quintius, à Scapulis paucos  
 dies aufert: in Galliā mittit: ut ea quæ proscrisperat,  
 uenirent. deteriore tempore absens auctionatur: scapu  
 lis difficiliore conditione dissoluit. tunc appellat ultro  
 Nevium: ut, quoniā suspicaretur aliqua de re fore con  
 trouersiam: uideret ut quamprimum & quam mini  
 ma cum molestia tota res trāsigeretur. dat iste amicum  
 M. Trebellium: nos communem necessarium, qui istius



domi erat educatus: et quo utebatur iste plurimum: pro-  
pinquum nostrū Sex. Alphenum. res conuenire nul-  
lo modo poterat: propterea, quod hic mediocrem iactu-  
ram facere cupiebat: iste mediocri praeda contentus non  
erat. itaq; ex eo tempore res esse in uadimonium cœ-  
pit. Cum uadimonia sæpe dilata essent: et cum aliquā-  
tum temporis in ea re esset consumptum: neq; quicquam  
perfectum esset: uenit ad uadimonium Neuus. Obse-  
cro C. Aquili, uosq; qui adestis in consilio, ut diligen-  
ter attendatis: ut singulare genus fraudis, et nouam ra-  
tionem insidiarum cognoscere possitis. ait se auctiona-  
tum esse in Gallia: quod sibi uideretur, se uendi disce: cu-  
rasse ne quid sibi societas deberet. se iam neq; uadari  
amplius: neq; uadimonium promittere. si quid agere se  
cum uelit Quintus: non recusare. Hic, cum rem Gal-  
licanam cuperet reuifere: hominem in præsencia non  
uadatur. ita sine uadimonio disceditur. deinde Romæ  
dies XXX fere Quintus commoratur: cum cæteris  
quæ habebat uadimonia differi: ut expeditus in Galli-  
am proficisci posset. proficiscitur: Roma egreditur an-  
te diem IIII Cal. Februarij Spurione & Nor-  
bano Cons. quæ sunt eum diem memoriæ mande-  
tis. L. Albius Sex. filius quirinas, uir bonus et com-  
primis honestus una profectus est. Cum uenissent ad  
Vada Volaterrana quæ nominantur: uident per fa-  
miliarem Neuus, qui ex Gallia pueros uenales isti ad-  
ducebat: L. Publicum. qui ut Romam uenit: narrat  
Neuio, quo in loco uiderit Quintum. quod nisi ex Pu-  
blio narratum Neuio esset: non tam cito res in conten-  
tionem uenisset. tum Neuus ipse, pueros circum ami-  
cos dimittit: ipse suos necessarios ab amicis Licinijs & a



13. faucibus macelli corrogat: ut ad tabulam Sextiam sibi  
 assint hora secunda postridie. ueniunt frequentes: te-  
 stificantur isti P. Quintium non stetiſſe: et se stetiſſe. ta-  
 bulæ maximæ signis hominū nobilium consignantur.  
 disceditur. postulat à Burrieno Prætorē Neuius: ut  
 ex edicto bona possidere liceat. iussit bona proſcribi  
 eius: qui cum familiaritas fuerat: societas erat: affini-  
 tas liberis istius uinis diuelli nullo modo poterat. quæ  
 ex re intelligi facile potuit: nullum eſſe officium, tam  
 sanctum, atq; solenne: quod non auaricia comminue-  
 re, atq; uiolare soleat. etenim si ueritate amicitia, fide  
 societas, pietate propinquitas colitur: neceſſe eſt iſte qui  
 amicum, socium, affinem, fama ac fortunis ſpoliare co-  
 natus eſt: uanum se & perfidiosum et impium eſſe fa-  
 teatur. libellos Sex. Alphenus procurator P. Quintij  
 familiaris et propinquus Sex. Neuij deijcit: seruulum  
 unum quem iſte præhenderat abducit: denuntiat ſeſe  
 procuratorem eſſe: iſtum æquum eſſe famæ fortunisq;  
 P. Quintij conſulere: & aduentum eius expectare.  
 quod ſi facere nolit: atq; inhibuerit eius modi rationi-  
 bus illum ad ſuas conditiones perducere: ſeſe nihil pre-  
 cari: & ſi quid agere uelit, iudicio defendere. Hæc dū  
 Romæ geruntur: Quintius interea contra ius & con-  
 ſuetudinem, edicto Prætoris de ſaltu agroq; communi  
 à ſeruis communibus ui detruditur. Exiſtima C. Aquili  
 id, modo & ratione omnia Romæ Neuium feciſſe: ſi  
 hoc, qđ per literas iſtus in Gallia geſtum eſt: recte atq;  
 ordine factum uidetur. expulſus atq; eiectus eſt prædio  
 Quintius, accepta inſigni iniuria, coſugit ad C. Flac-  
 cum imperatorem: qui tum erat in prouincia: quem ut  
 ipſius dignitas poſcit: honoris gratia nomino. Iſ eam



rem quam uehementer uindicandā putarit, ex decre-  
tis eius poteritis cognoscere. Alphenus interea Romae  
cum isto gladiatore uetulo quotidie pugnabat: uteba-  
tur populo sane suo: propterea quod iste caput petere nō  
desinebat. Iste postulat ut procurator iudicatum solui  
satis daret. negat Alphenus æquum esse procuratorem  
satis dare: quod reus satis dare non deberet: si ipse ades-  
set. appellantur Tribuni. à quibus cum esset certum  
auxilium petatum: ita tamen disceditur: ut idibus septē  
bribus P. Quintium sibi Sex. Alphenus promitteret.  
uenit Romam Quintius: uadimonium sinit. iste homo  
acerrimus bonorum possessor, expulsor, ereptor, an-  
num et sex menses nihil petit: quiescit: conditionibus  
hūc quoad potest producit. à Gn. Dolabella deniq; Præ-  
tore postulat: ut sibi Quintius iudicatum solui satisfat,  
ex formula, quod ab eo petat: quoniam eius ex edicto  
Prætoris Romae bona dies XXX posseta sint. non re-  
cusabat Quintius quin ita satisfare iuberet: si bona  
posseta essent ex edicto. decernit. quā æquum nihil  
dico. unum hoc dico: nouum. et hoc ipsum tacuisse mal-  
lem: quoniam utrunq; quiuis intelligere potuisset. iu-  
bet P. Quintius sponsonem cum Sex. Neuiio facere: si  
bona sua ex edicto P. Burrieni Præ. dies XXX pos-  
seta non essent. recusabant qui aderant tum Qwin-  
tio: demonstrabant de re iudicatum fieri oportere: ut aut  
uterq; inter se, aut neuter satisfaret: non necesse esse  
famam alterius in iudicium uenire. clamabat porro  
ipse Quintius: sese ita nolle satisfare: ne uideretur  
iudicasse bona sua ex edicto posseta esse. sponsonem  
porro si istius modi faceret, se (id quod nunc eue-  
nit) de capite suo priore loco causam esse dicturum. Do



lobella (quemadmodum solent homines nobiles: seu recte seu perperam facere cœperunt: ita in utroq; excellunt: ut nemo nostro loco natus asequi posset) iniuriam facere fortissime perseuerat. aut satisfacere, aut sponsonem iubet facere: & interea recusantes nostros aduocatos acerrime submoueri. conturbatus sane discedit Quintius. neq; mirum: cui hæc optio tam misera tamq; iniqua daretur: ut aut ipse se capitis damnaret: si satisfacere disset: aut causam capitis, si sponsonem fecisset: priore loco diceret. Cum in altera re causæ nihil esset: quin secus iudicaret ipse de se: quod iudicium grauiissimum est: in altera spes esset ad talem tamen uirum iudicem ueniendi: unde eo plus opis auferret: quo minus attulisset gratiæ: sponsonem facere maluit. fecit: te iudicem C. Aquili sumpsit: ex sponso egit. In hoc summa iudicii causaq; tota consistit. Iudicium esse C. Aquili non de re pecuniaria, sed de fama fortunisque: P. Quintij uides. cum maiores ita constituerint: ut qui pro capite diceret, is posteriore loco diceret: nos inaudita criminatione accusatorum, priore loco causam dicere intelligis. eos porro qui defendere consueverunt uides accusare: & ea ingenia conuerti ad perniciem: quæ antea uersabantur in salute atq; auxilio ferendo. illud etiam restiterat: quod hesternum die fecerunt: ut te in ius adducerent: ut nobis tempus quadiu diceremus, præstiteres. quam rem facile à Prætoris impetrassent: nisi tu quod esset tuum ius & officium, potestasq; docuisses. neq; nobis adhuc præter te quisquam fuit: ubi nostrum ius contra illos obtineremus. neq; illis unquam satis fuit illud obtinere: quod probari omnibus posset. ita sine iniuria potentiam leuem atq; inopem esse arbitrantur. Verum



quoniam tibi instat Hortensius: ut eas in cōsiliū: d me  
postulat: ne dicendo tempus absumam: queritur priore  
patrono causam defendente: nunquam perorari potuis-  
se: non patiar istam manere suspicionem: nos rem iudi-  
cari nolle. Nec illud mihi arrogabo: me posse causam  
commodius demonstrare: quā ante demonstrata sit.  
neq; tamen tam multa uerba faciam: propterea quod et  
ab illo qui tum dixit informata iam causa est: Et d me  
qui neq; excogitare, neq; pronūciare multa possum: bre-  
uitas postulat: quae mihi metipsi amica est. Faciā  
quod te saepe animaduerti facere Hortensi: totam causā  
meae dictionem certas in partes diuidam. tu id semper  
facis: qā semper potes. ego in hac causa faciā: propterea  
quod in hac uideor posse facere. quod tibi natura dat:  
ut semper possis: id mihi causa dat: ut hodie possim.  
certos mihi fines terminosq; constituam: extra quos  
egredi non possim: si maxime uelim: ut Et mihi sit pro-  
positum de quo dicam: Et Hortensius habeat exposita:  
ad quae respondeat: Et tu C. Aquili iam ante animo  
prospicere possis, quibus de rebus audieturus sis. Nego  
mus te bona P. Quintij Sexte Neui possedisse ex edi-  
cto Praetoris. In cōsponsio facta est. Ostendam primū  
causam non fuisse: cur d Praetore postulares: ut bona  
P. Quintij possideres. deinde, ex edicto te possidere nō  
potuisse. postremo, non possedisse. Quaesō C. Aquili  
uosq; qui estis in cōsilio: ut quid pollicitus sim: diligen-  
ter memoriae mandetis. Et enim rem facilius totam ac-  
cipietis: si haec memineritis: Et me facile uestra existima-  
tione reuocabitis: si extra hos cancellos egredi conabor:  
quos mihi ipse circūdedi. Nego fuisse causam cur po-  
stularet. nego ex edicto possidere potuisse. nego possedis-



se. hæc tria cum docuero: perorabo. Non fuit causa **6.**  
 cur postulares. qui hoc intelligi potest? quia Sex. Neuius  
 neq; ex societatis ratione, neq; priuatum quicquam de-  
 buit Quintius. quis huic rei testis est? idem qui aceri-  
 mus aduersarius. in hac re te inquam testem Neui cita-  
 bo. annum & eo diutius post mortem C. Quintij fuit  
 in Gallia tecum simul Quintius: doce te petiisse ab eo  
 istam nescioquam innumerabilem pecuniam: doce ali-  
 quando mentionem fecisse: dixisse deberi: debuisse con-  
 cedere. moritur C. Quintius: qui tibi, ut ais, certis vo-  
 7. minibus gradem pecuniæ debuit. hæres eius P. Quinti-  
 us in Galliam ad te ipsum uenit in agrum commu-  
 nem: eod deniq; ubi non modo res erat: sed ratio quoq;  
 omnis, & omnes literæ. quis tam dissolutus in re fami-  
 liari fuisset? quis tam negligens? quis tam tui Sex te dissi-  
 milis? qui cum res ab eo, qui cum contraxisset: recessis-  
 set: & ad heredem peruenisset: non heredem cum pri-  
 mum uidisset, certiores faceret? appellaret? rationem  
 afferret? si quid in controuersiam ueniret: aut intra pa-  
 rietes, aut summo iure ex periretur? ita ne est? quod uiri  
 optimi faciunt: si qui suos propinquos ac necessarios ca-  
 ros & honestos esse atq; haberi uolunt: id Sex. Neuius  
 nõ faceret? qui usq; eo feruet ferturq; auaricia: ut de su-  
 is commodis uelit aliquam partem amittere: nequam  
 partem huic propinquo suo ullius ornamenti relinquat.  
 & is pecuniam si qua deberetur non peteret? qui quia  
 quod debitum nunquam est, id datum non est: non pe-  
 cuniam modo, ueruetiam hominis propinqui sangui-  
 nem uitamq; eripere conatur. huic tu molestus esse uide-  
 licet nolui: quem nunc respirare libere non sinis? quem  
 nunc interficere nefarie cupis: eum tum pudenter appel-



lare nolebas? Ita credo: hominem propinquum, tui ob-  
seruantem, uirum bonum, pudentem, maiorem natu,  
nolebas, aut non audebas appellare. sæpe, ut fit, cum  
ipse te confirmasset: cum statuisses de pecunia mentionē  
facere: cum paratus meditatusq; uenisses: homo timi-  
dus, uirginali uerecundia, subito ipse te retinebas: ex-  
adebat repente oratio: cum cuperes appellare, non au-  
debas: ne inuitus audiret. id erat profecto. credamus  
hoc: Sex. Neuium, cuius caput oppugnet, eius auribus  
pepercisse. Si debuisset Sexte: petisses statim: si non sta-  
tim: paulo quidem post: si non paulo: at aliquando: sex  
quidem illis mensibus profecto: anno uertente sine con-  
trouersia: anno et sex mensibus uero, cum tibi quotidie  
potestas hominis fuisset admonendi: uerbum nullum fa-  
cis: biennio iam confecto fere appellas. quis tam perdi-  
tus ac profusus nepos, non adesa iam, sed abundanti pe-  
cunia sic dissolutus fuisset: ut fuit Sex. Neuius? cum ho-  
minē nomino: satis mihi uideor dicere. debuit tibi C.  
Quintius. nunquam petisti. mortuus est ille: res ad hæ-  
redem uenit: cum eum quotidie uideres: post biennium  
deniq; appellas. dubitabitur utrū sit probabilius: Sex.  
Neuium statim si quid deberetur: petiturum fuisse? an  
ne appellaturum quidem biennio? appellandi tempus  
non erat? at tecum anno plus uixit. in Gallia agi non  
potuit? at & in prouincia ius dicebatur: & Romæ iudi-  
cia fiebant. restat, ut aut summa ne gligentia tibi obsti-  
terit: aut unica liberalitas. si ne gligentiam dices: mira-  
bimur. si bonitatem: ridebimus. neq; præterea quid pos-  
sis dicere inuenio. Satis est argumenti nihil esse debitum  
Neuius: quod tam diu nihil petiuit. qd si hoc ipsum quod  
nunc facit: ostendo testimonio esse, nihil deberi? qd enim



nunc agit Sex. Neuius? qua de re controuersia est? quod est hoc iudicium: in quo iam biennium uersamur? quid negocij geritur: in quo ille tot et tales uiros defatigat? pecuniam petit. nunc deniq? ueruntamen petit. audiamus. de rationibus & controuersijs societatis uult diu dicari. sero. uerum aliquando tamen. concedamus. Nō inquit id ago C. Aquili: neq; in eo nunc laboro. pecunia mea tot annos utitur P. Quintius. utatur sanē. nō peto. quid igitur pugnas? an, quod sæpe multis in locis dixisti: ne in ciuitate sit? ne locum suum quem adhuc honestissime defendit. obtineat? ne numeretur inter uiuos? decernat de uita & ornamentis suis omnibus? apud iudicem causam priore loco dicat? & eam cum orarit: tū deniq; uocē accusatoris audiat? quid? hoc quo pertinet? ut ocius ad tuum peruenias? at, si id uelles, iam pridem actum esse poterat. ut honestiore iudicio conflictere? at si, ne summos celere P. Quintium propinquum tuum uigulare non potes. ut facilius iudiciū sit? at neq; C. Aquilius de capite alterius libenter iudicat: & Q. Hortensius contra caput non didicit dicere. quid à nobis autem C. Aquili refertur? pecuniam petit. negamus debere. iudicium fiat statim. non recusamus. nunquid præterea? si ueretur, ut res iudicio facto parata sit: iudiciū solui satis accipiat. qbus à me uerbis satis accipiet: uisdem ipse quod peto, satisfdet. actum iam potest esse C. Aquili: iam tu potes discedere liberatus molestia prope dicam nō minore, quam Quintius. quid agimus Hortensi? quid de hac conditione dicimus? possumus aliquando depositis armis, sine periculo fortunarum, de re pecuniaria disceptare? possumus ita rem nostram persequi ut hominis propinqui caput incolume cē patiamur? pos



sumus petitoris per sonam capere? accusatoris deponere?  
immo inquit abs te satis accipiam: ego autem tibi non  
satis dabo. quis tandem nobis ista iura tam æqua de-  
scribit? quis hoc statuit? quod æquum sit in Quintium: *A. Quintium.*  
id iniquum esse in Neuium? Quintij bona inquit ex edi-  
cto prætoris possessa sunt. ergo id ut confitear, postulas-  
ut quod nunquam factum esse iudicio defendimus: id  
perinde quasi factum sit nostro iudicio confirmemus.  
inueniri ratio C. Aquili non potest? ut ad suum quisq;  
quamprimum sine cuiusquam dedecore, infamia, per-  
niciēq; perueniat? profecto siquid deberetur: peteret: nō  
omnia iudicia fieri mallet: quā unū illud unde hæc  
omnia iudicia nascuntur. Qui inter tot annos ne appel-  
larit quidem Quintium: cum potestas esset agendi quo-  
tidie: qui quo tempore primū male agere cœpit: in ua-  
dimonijs differendis tempus omne consumpsit: qui po-  
stea quoq; uadimonium missum fecerit: hunc per insi-  
dias ui de agro communi deiecerit: qui, cum de re agen-  
di nullo recusante potestas fuisset: sponsonem de probro  
facere maluerit: qui, cum reuocetur ad id iudicium un-  
de hæc nata sunt omnia: conditionem æquissimam re-  
pudiet: fateatur se non pecuniam sed uitam & sangui-  
nem petere: is non hoc palam dicit? mihi siquid debere-  
tur peterem: atq; adeo iam pridē abstulissē: nihil hoc  
tanto negotio, nihil tam inuidioso iudicio, nihil tam co-  
piosa aduocatione uterer: si petendum esset. extorquen-  
dum est inuito atq; in gratis: quod non debet, eripiēdū  
atq; exprimendū est: de fortunis omnibus P. Quinti-  
us deturbandus est: potentes, disertī, nobiles omnes ad-  
uocandi sunt: adhibenda uis est ueritati: minæ iacten-  
tur: pericula intenduntur: formidines opponantur: ut



his rebus aliquando uictus & perterritus ipse cedat.  
 quæ me hercule omnia, cum qui contra pugnet, uideo:  
 & cum illum confesum considero: adesse atq; impende  
 re uidetur: neq; uitari ullo modo posse. cum autem ad te  
 C. Aquili oculos animumq; retuli: quo maiore conatu  
 studioq; aguntur: eo leuiora infirmioraq; existimo. Ni  
 hil igitur debuit: ut tu ipse prædicas. quid si debuisset:  
 continuo ne causa fuisset: cur à Præto postulares: ut  
 bona possideres? non opinor id quidē, neq; ius esse: neq;  
 cuiquam expedire. quid igitur demonstrat: uadimonium  
 sibi ait esse desertum. ante quàm doceo id factum non  
 esse: libet mihi C. Aquili ex officij ratione, atq; ex om  
 nium consuetudine rem ipsam & factum simul Sex.  
 Neuij considerare. ad uadimonium non uenerat ut ais,  
 is: qui cum tibi affinitas, societas, omnes deniq; causæ, et  
 necessitudines ueteres intercedebant. illico ne ad Præto  
 rem ire conuenit? continuo ne uerum fuit postulare:  
 ut ex edicto bona possidere liceret? ad hæc extrema  
 & inimicissima iura tam cupide decurrebas? ut tibi  
 nihil in posterum, quod grauius atq; crudelius facere  
 posses: reseruares. nam quid homini potest turpius,  
 quid uero miserius, aut acerbius usu uenire? quod tan  
 tum euenire dedecus? quæ tanta calamitas inueniri po  
 test? pecuniam si cupiam fortuna ademit: aut si alicui  
 us eripuit iniuria: tamē dum existimatio est integra,  
 facile consolatur honestas egestatem. at non nemo aut  
 ignominia affectus, aut iudicio turpi convictus, bo  
 nis quidem suis utitur: alterius opes, id quod miserrimum  
 est: non expectat. hoc tamen in miseris adiu  
 mento & solatio subleuatur. Cuius uero bona uenie  
 runt: cuius non modo illæ amplissimæ fortunæ, sed  
 etiam uictus



etiam uictus uestitusq; necessarius sub præcone cum dedecore subiectus est: is non modo ex numero uiuorum exturbatur: sed, si fieri potest: infra etiam mortuos mandatur. etenim mors honesta sæpe uitam quoq; turpem exornat: uita turpis ne morti quidem honestæ locum relinquit. ergo hercule cuius bona ex edicto possidentur: huius omnis fama, & existimatio cum bonis simul possidetur. de quo libelli in celeberrimis locis proponuntur: huic ne perire quidem certe tacite obscuræq; conceditur. cui magistri fiunt: & domini constituuntur: qui qua lege, & qua conditione pereat, pronuntient: de quo homine præconis uox prædicat: & precium conficit: huic acerbissimum uiuo uidenti; finis ducitur: si finis id habendum sit: quo non amici conueniunt ad exequias cohonestandas: sed bonorum emptores, ut carnifices, ad reliquias uitæ lacerandas, et distrahendas. Itaq; maiores nostri raro id accidere uoluerunt: Prætores, ut considerate fieret, comparauerunt. uiri boni cum palam fraudantur: cum experiri di potestas non est: timide tamen & pedetentim istuc descendunt, ui ac necessitate coacti, inuiti, multis uadimonij desertis, sæpe illusi ac destituti. considerant enim quid & quantum sit, alterius bona proscribere. iugulare ciuem ne iure quidem quisquam bonus uult. mauult enim commemorare se, cum posset perdere: peperisse: quam cum parcere potuerit: perdidisse. hæc in homines alienissimos, deniq; inimicissimos, uiri boni faciunt, & hominum existimationis, & communis humanitatis causa: ut cum ipsi nihil alteri scientes incommodarint: nihil ipsis iure incommodi cadere possit. ad uadimonium non uenit. quis? propinquus. si



res ista grauissima sua sponte uideretur: tamen eius  
atrocitas necessitudinis nomine lenaretur. ad uadimo-  
nium non uenit. quis? socius. etiam grauius aliquid ei  
deberes concedere: qui cum te aut uoluntas congrega-  
set: aut fortuna coniunxisset. ad uadimonium non ue-  
nit. quis? is qui tibi praesto semper fuit. ergo in eum q  
semel hoc commisit: ut tibi praesto non esset: omnia tela  
coniecisti: quae parata sunt in eos: qui permulta male  
agendi causa fraudandiq; fecerunt. Si de praedijs tuis  
ageretur Sex. Neni: si in paruula re captionis aliquid  
uererere: non statim ad C. Aquiliu, aut ad eorum ali-  
quem, qui consuluntur: concurrisses? cum ius amicitiae,  
societatis, affinitatis ageretur: cum officij rationem  
atque existimationis duca conueniret: eo tempore tu  
non modo ad C. Aquiliu, aut L. Lucillum, sed  
ne ipse quidem te consulisti: sed ne ipse quidem ad  
te retulisti: ne haec quidem tecum locutus es: ho-  
rae duae fuerunt: Quintius ad uadimonium non  
uenit: quid ago? si me hercule haec tecum duo uerba fe-  
cisses: quid ago? respirasset cupiditas atq; auaricia pau-  
lulum: aliquid loci rationi & consilio dedisses: tu te col-  
legisses: non in eam turpitudinem uenisses: ut hoc tibi  
esset apud tales uiros confitendum: qua tibi uadimoni-  
um non sit obitum, eadem te hora consilium coepisse,  
hominis propinqui fortunas funditus euertere. Ego pro  
te nunc hoc consulo post tempus in aliena re: quod tu  
in tua re, cum tempus erat, consulere oblitus es. quae-  
ro abs te C. Aquili, L. Luculle, P. Quintili, M. Mar-  
celle: uadimonium mihi non obijt quidam socius &  
affinis meus: qui cum mihi necessitudo uetus, controuer-  
sia de re pecuniaria recens, intercedit: postulo ne a Prae-



fore: ut eius bona mihi possidere liceat? an cum Ro-  
mæ domus eius, uxor, liberi sint: domum potius denū-  
ciem? quid est quod hac tandem de re uobis possit uide-  
ri? profecto si recte uestram bonitatem atq; pruden-  
tiam cognoui: non multum me fallit: si consulamini:  
quid sitis responsuri. primum expectare: deinde si la-  
titare, ac diutius ludificare uideatur: amicos conueni-  
re: quærere quis procurator sit: domum denuntiare,  
dici uix potest quàm multa sint: quæ respondeatis ante  
fieri oportere: quàm ad hanc rationem extremam ne-  
cessariam deuenire. quid ad hæc Neuius? ridet scilicet  
nostram amentiam: qui in uita sua rationem summæ  
officij desideremus: Et instituta bonorum uirorum re-  
quiramus. quid mihi inquit cum ista summa sanctimo-  
nia, ac diligentia? uiderint inquit ista officia uiri bo-  
ni. de me ista considerent: non quid habeam: sed qui-  
bus rebus inuenerim, quærant: Et quemadmodum  
natus: Et quo pacto educatus. sim. memini, uetus est de-  
scurra: multo facilius diuitem quàm patrem familias  
fieri posse. hæc ille si uerbis non audet: re quidem ue-  
ra palam loquitur. Etenim si uult uirorum bonorū  
instituto uiuere: multa oportet discat: atque dediscat:  
quorum illi ætati utrunq; difficile est. non dubitauim  
inquit cum uadimonium desertum esset: bona proscri-  
bere. improbe. uerum, quoniam tu id tibi arrogas: et  
concedi postulas: concedamus. quid si nunquam dese-  
ruit? si ista causa abs te tota per summam fraudem et  
maliciam ficta est? si uadimonium omnino tibi cum  
P. Quintio nullum fuit? quo te nomine appellemus?  
improbum? at etiam si desertum uadimonium esset:  
tamen in ista postulatiōe et proscriptione bonorū im-



probissimus reperiebare. nū maliciosum? negas. frau-  
 dulentum? iam id quidem arrogas tibi: et præclarum  
 putas. audacem? cupidum? perfidiosum? vulgaria &  
 obsoleta sunt: res autem noua et inaudita. qd ergo est?  
 uerbor mehercule, ne aut grauioribus utar uerbis: 4  
 quam natura fert: aut leuioribus, quā causa postulat.  
 ais esse uadimonium desertum. quæsiuit à te statim,  
 ut Romam redyt Quintius: quo die uadimonium  
 istuc factum esse dices. respondisti statim nonis Fe-  
 bruarij. discedens in memoriam redyt Quintius: quo  
 die Roma in Galliam profectus sit: ad Ephemeridem  
 reuertitur: inuenitur dies profectiois, pridie Cal. Fe-  
 bruarij. nonis Februarij si Romæ fuit: causæ nihil di-  
 cinus: quin tibi uadimonium promiserit. quid? hoc inue-  
 niri qui potest? profectus est una. L. Albius homo cum 4  
 primis honestus. dicet testimonium. profecti sunt fami-  
 liares & Albius & Quintium. dicent hi quoq; te-  
 stimonium. literæ P. Quintij: testes tot: quibus omni-  
 bus causa iustissima est, cur scire potuerint: nulla, cur  
 mentiantur: cum à stipulatore tuo comparabuntur. et  
 in hac eiusmodi causa P. Quintius laborabit? et diu-  
 tius in tanto metu miser periculoq; uersabitur? & ue-  
 hementius eum gratia aduersarij perterrebit? quam  
 fides iudicis consolabitur? uixit enim semper inculte  
 atq; horride: natura tristi ac recondita fuit: non ad so-  
 larium, non in campo, non in conuiuijs uersatus est:  
 id egit: ut amicos obseruantia, rem parsimonia retine-  
 ret: antiquam officij rationem dilexit: cuius splendor  
 omnis his moribus obsoleuit. at si in causa pari disce-  
 dere inferior uideretur: tamen esset non mediocriter cō-  
 querendum. nunc in causa superiore: ne ut par quidē



fit, postulat: inferiorem esse patitur: duntaxat usq; eo,  
ne cum bonis, fama, fortunisq; omnibus Sex. Neuij ca-  
piditati crudelitatiq; dedatur. Docui quod primum  
pollicitus sum C. Aquili: causam omnino cur postula-  
ret: non fuisse: quod neq; pecunia debebatur: & si ma-  
xime deberetur: commissum nihil esset: quare ad istam  
rationem perueniretur. Attende nunc, ex edicto Præto-  
ris, bona P. Quintij possidere nullo modo potuisse.  
Tracta edictum. QVI FRAVDATIO-  
NIS CAUSA. Non est is Quintius, nisi latita-  
rit, qui ad negotium suum relicto procuratore profi-  
ascitur. CUI HAERES NON EXTA-  
BIT. Ne is quidem. QVI EXILII CAV-  
SA SOLVM VERTERIT.

Quo tem-

pore existimas oportuisse Neui absentem Quintium  
defendi? aut quomodo? tum, cum postulabas, ut bona  
possideres: nemo adsuit. neq; enim quisquam diuinare  
poterat, te postulaturum. neq; quenquam attinebat id  
recusare: quod Præ. non fieri: sed ex edicto suo fieri  
iubebat. qui locus igitur absentis defendendi procura-  
tori primus datus est: cum proscribebas. ergo affuit:  
non passus est: libellos deiecit Sex. Alphenus. qui pri-  
mus erat officij gradus: seruatus est à procuratore  
summa cum diligentia. uideamus quæ deinde sint con-  
secuta. hominem P. Quintij deprehendis in publico:  
conaris abducere: non patitur Alphenus: ui tibi ade-  
mit: curat ut domum reducatur ad Quintium. hic  
quoq; summe constat procuratoris diligentis officium.  
debere tibi diem Quintium. procurator negat. uadari

b ij



uis. promittit. in ius uocas. sequitur. iudiciū postulas.  
non recusat. quid aliud sit absentem defendi: ego non  
intelligo. at quis erat procurator? credo aliquem eie-  
ctum hominem, egentem, litigiosum, improbum: qui  
posset scurræ diuitis quotidianum conuiuium sustine-  
re. nihil minus. Eques Ro. locuples, sui negocij bene ge-  
rens, deniq; is, quem quotiens Neuius in Galliam pro-  
fectus est, procuratorem Romæ reliquit. et audes Sex.  
Neui negare absentem defensum esse Quintium: cum  
eum defenderit idem, qui te solebat: & cum is iudi-  
cium acciperet pro Quintio: cui tu & rem et famam  
tuam commendare proficiscens, & concredere sole-  
bas: conaris hoc dicere: neminem extitisse qui quin-  
tium iudicio defenderet. postulabam inquit ut satisfac-  
eret. iniuria postulabas: ita uidebare: recusabat Alphe-  
nus. ita: uerum Prætor decernebat. tribuni igitur ap-  
pellabatur. hic te inquit teneo: non est istud pati: neq;  
iudicio defendere: cum auxilium à tribunis petas. hoc  
ego, cum attendo qua prudentia sit Hortensius: di-  
cturum esse eum non arbitror: cum autem antea di-  
xisse audio: & causam ipsam considero: quid aliud di-  
cere possit, non reperio. fatetur enim libellos Alphe-  
num deiecasse: uadimonium promisisse: iudicium quin-  
tium acciperet in ea ipsa uerba, quæ Neuius edebat: non  
recusasse: ita tamen more & instituto per eum magi-  
stratum, qui auxilij causa constitutus est. aut hæc fa-  
cta non sint, necesse est: aut C. Aquilius talis uir in-  
ratus hoc ius in ciuitate constituat: cuius procurator  
non omnia iudicia acceperit: quæ quisq; in uerba po-  
stularit: cuius procurator à Prætoribus ad Tribunos ap-  
pellare ausus sit: eum non defendi: eius bona recte



possideri posse: ei misero, absenti, ignaro fortunarum  
 suarum, omnia uitae ornamenta per summum dedecus,  
 et ignominiam diripi conuenire. quod si probari ne-  
 mini potest: illud certe probari omnibus necesse est: de-  
 fensum esse iudicio absentem Quintium. Quod cum  
 ita est: ex edicto bona possessa non sunt. At enim Tri-  
 pl. ne audierunt quidem. fateor, si ita est, procuratorē  
 decreto Pr. R. oportuisse parere. quid si M. Brutus in-  
 tercessurum se dixit palam: nisi quid inter ipsum Al-  
 phenum et Nenuum conueniret: uidetur ne interces-  
 sisse appellatio Tribunorum: nō morae sed auxilij cau-  
 sa? quid deinde fit? Alphenus ut omnes intelligere  
 possent: iudicio defendi Quintium: ne qua subesse pos-  
 set aliena aut ipsius officio, aut huius existimatione su-  
 spicio: uiros bonos complures aduocat: testatur isto au-  
 diente, se pro communi necessitudine id primum pete-  
 re: nequid atrocius in P. Quintium absentem sine cau-  
 sa facere conetur. sin autem inimicissime atq; infestissi-  
 me contendere perseveret: se paratum esse omni recta  
 atq; honesta ratione defendere. quod petat, non debe-  
 ri. se iudicio, id quod edat, accipere. eius rei conditio-  
 nisq; tabellas obsignauerunt uiri boni complures. res  
 in dubium uenire non potest. fit rebus omnibus inte-  
 gris, neq; proscriptis, neq; possessis bonis, ut Alphenus,  
 promittat Nenuo sisti Quintium. uenit ad uadimonium  
 Quintius. tacet res in controuersis isto calumniante  
 biennium: usq; dum inueniretur. qua ratione res ab  
 usitata consuetudine recederet: et in hoc singulare iu-  
 diciū causa omnis concluderetur. quod officium A qui-  
 li commemorari procuratoris potest? quod ab Alphe-  
 no praeteritum esse uideatur? quid affertur: quare P.

b iij



Quintius absens negatur esse defensus? an uero id  
 qđ Hortensiu, quia nuper iniecit: et qđ Neuius semper  
 id clamat: dicturu arbitror: nō fuisse Neuiō parē cer-  
 tationē cum Alpheno, illo tempore, illis dominatibus.  
 quod si uelim confiteri: illud opinor concedent: non  
 procuratore P. Quintij neminē fuisse: sed gratiosum  
 fuisse. mihi autē ad uincendū satis est, fuisse procrato-  
 re: qđ cum experiri posset. qualis is fuerit: si modo absen-  
 tem defendebat per ius & magistratum: nihil ad rem  
 arbitror pertinere. Erat inquit illarū partium. quid  
 nī? qui apud te esset educatus: quem tu ā puero sic in-  
 stituisses: ut nobili, ne gladiatori quidem hāereret: sicut  
 tu semper summe concupisti. idem uolebat Alphenus.  
 ea re tibi cum eo par contentio erat. Bruti inquit erat  
 familiaris. itaq; is intercedebat. tu contra Burrieni: qui  
 iniuriam decernebat: omnium deniq; illorum, qui  
 tum & poterant per uim & scelus plurimum: &  
 quod poterant id audebant. an omnes tu istos uincere  
 uolebas: qui nunc tu ut uincas: tantopere laborant? an-  
 de id dicere, non palam, sed his ipsis quos aduocasti.  
 tamen si nolo eam rem commemorando renouare: cuius  
 omnino rei memoriam omnem tolli funditus ac dele-  
 ri arbitror oportere. unum illud dico: si propter par-  
 tium studium potens erat Alphenus: potentissimus Ne-  
 uius. si fretus gratia postulabat aliqd iniquius Alphe-  
 nus: multo iniquiora Neuius impetrabat. neq; enim  
 inter studium uestrum, quicquam, ut opinor inter-  
 fuit. ingenio, uetustate, artificio, tu facile uicisti. ut alia  
 omittam: hoc satis est. Alphenus cum his, & propter  
 eos perijt: quos diligebat. tu postquam, qui tibi erant  
 amici, nō poterant uincere: ut amici tibi essent, qui uin-

43 not. tua.



cebant: effecisti. quod si tum par tibi ius cum Alphe-  
no fuisse non putas: quia tamen aliquem contra te ad  
uocare poterat: quia magistratus aliquis reperienda-  
tur: apud quem Alpheni causa consisteret: quid hoc  
tempore Quintio statuendum est? cui neq; magistra-  
tus adhuc æquus inuentus est: neq; iudicium redditum  
est usitatum: non conditio, non sponsio, non deniq; ulla  
unquã intercessit postulatio, mitto æqua: uerum ante  
hoc tempus, ne fando quidẽ audita. De re pecuniaria  
cupio contendere. nõ licet. at ea controuersia est. nihil  
ad me attinet: causam capitis dicis oportet. accusa: ubi  
ita necesse est. non inquit, nisi tu ante nouo modo prio-  
re loco dixeris. dicendum necessario est. restituendæ  
horæ ad arbitrium nostrum. Iudex ipse arcessetur.  
Quid tum? tu aliquem patronum inuenies hominem  
antiqui officij: qui splendorem nostrum & gratiam  
negligat? pro me pugnabit L. Philippus, eloquentia,  
grauitate, honore, florentissimus ciuitatis. dicet Hor-  
tensius excellens ingenio, nobilitate, existimatione.  
aderunt autem homines nobilissimi, ac potentissimi:  
quorum frequentiam & confessum non modo P.  
Quintius, qui de capite decernit: sed quiuus, qui extra  
periculum sit: perhorrescat. Hæc est iniqua certatio:  
non illa qua tu contra Alphenum equitabas. huic ne  
ubi consisteret quidẽ contra te locum reliquisti. Qua-  
re aut doceas oportet: Alphenum negasse se procurato-  
rem esse: nõ deieasse libellos: iudicium accipere noluis-  
se: aut, cum hæc facta sint: ex edicto te bona P. *Quin*  
tij non possedisse concedas. & enim si ex edicto possedi-  
sti: quæro cur bona non uenerint? cur cæteri sponso-  
res & creditores non conuenerint? nemo ne fuit cui



deberet Quintius? fuerunt: et complures fuerunt: propterea quod C. frater aliquantum aeris alieni reliquerat. quid ergo est? homines erant ab hoc omnes alienissimi: & his debebatur: neque tamen quisquam inuentus est tam insignite improbus: qui violare P. Quintij existimationem absentis auderet. unus fuit, affinis, focius, necessarius, Sex. Nenius: qui, cum ipse ultro deberet: quasi ex immo premio sceleris exposito, cupidissime contenderet: ut per se afflictum atque euersum propinquum suum non modo honeste partis bonis, uerum etiam communi luce priuaret. ubi erant ceteri creditores? denique hoc tempore ubi sunt? quis est qui fraudationis causa latuisse dicat? quis qui absentem defensum neget esse Quintium? nemo inuenitur. at contra omnes, quibus cum ratio huic aut est, aut fuit: assunt: defendunt: fides huius multis locis cognita ne perfidia Sex. Nenuj derogetur: laborant. In huiusmodi sponcione, testes dare oportebat, ex eo numero: qui haec dicerent: uadimonium mihi deseruit: me fraudauit: a me nominis eius, quod inficiatus esset: diem petiuit: ego experiri non potui: latitauit: procuratorem nullum reliquit. horum nihil dicitur. parantur testes: qui haec dicant. uerum opinor uiderimus, cum dixerint. unum tamen hoc cogitent: ita se graues esse: ut, si ueritatem uolent retinere: grauitatem possint obtinere. si eam negligent: ita leues sint: ut omnes intelligant, non ad obtinendum mendacium, sed ad uerum probandum, auctoritatem adiunare. Ego haec duo quero: primum qua ratione Nenius susceptum negotium non transegerit: hoc est cur bona, quae ex edicto possidebat: non uendiderit. deinde cur ex tot creditoribus



alijs ad istam rationem nemo accesserit: ut necessario  
confiteare: neq; eorum tam temerarium quēquam fuis-  
se: neq; te ipsum id quod turpissime suscepisses: perseue-  
rare & transigere potuisse. Quid si tu ipse Sex. Ne-  
ui statuisti bona P. Quintij ex edicto possessa non es-  
se? opinor tuum testimonium, quod in aliena re leue  
esset: id in tua, quoniam contra te est: gravissimum de-  
bet esse. Emisti bona Sex. Alpheni L. Sylla Dictato-  
re uendente: socum tibi in huius bonis edidisti Quin-  
tium. plura non dico. cum eo tu uoluntariam societa-  
tem coibas: qui te in hæreditaria societate fraudaret:  
& eum iudicio tuo comprobabas: quem spoliatum fa-  
ma fortunisq; omnibus arbitrabare. Diffidebā me  
hercule C. Aquili satis animo certo & confirmato me  
posse in hac causa consistere: sic cogitabam: cum con-  
tra dicturus esset Hortensius: & cum esset attente au-  
diturus Philippus: fore? uti permultis in rebus timore  
prolaberer. dicebā huic Q. Roscio, cuius soror est cū  
P. Quintio: cum à me peteret: et summe contenderet:  
ut propinquum suum defenderem: mihi perdifficile  
esse contra tales oratores non modo tantā causam per-  
orare: sed omnino uerbum facere conari. cum cupi-  
dius instaret: homini pro amicitia familiaris dixi:  
mihi uideri ore durissimo esse: qui præsente eo gestum  
agere conaretur. qui uero cum ipso contenderent: eos  
etiam siquid antea recti aut uenusti habere uisi sunt:  
id amittere. nequid mihi eiusmodi accideret: cum con-  
tra talem artificem dicturus essem: me uereri. tum mi-  
hi Roscius & alia multa confirmandi mei causa di-  
xit: et mehercule si nihil diceret: tacito ipso officio, &  
studio, quod habebat erga propinquum suum: quēuis



commoueret. etenim cum artifex eiusmodi sit: ut solus dignus uideatur esse: qui in scena spectetur: tum uir eiusmodi est: ut solus dignus uideatur: qui eò non accedat. ueruntamen, quid si inquit habes eiusmodi causam? ut hoc tibi planum sit faciendum: neminem esse: qui possit biduo, ad summum triduo, septingenta milia passuum ambulare? tamen ne uereris ut possis hæc contra Hortensium contendere? minime inquit. sed quid id ad rem? nimirum inquit in eo causa consistit. quomodo? docet me eiusmodi rem, et factum simul Sex. Neuij: quod si solum proferretur: satis esse deberet. quod, abs te C. Aquili, et a uobis qui adestis in consilio, quaeso, ut diligenter attendatis: profecto intelligetis, illinc ab initio cupiditatem pugnassee, et audaciam. hinc ueritatem, et pudorem, quoad potuerit: restituisse. bona postulas ut ex edicto possidere liceat, quodie? te ipsum Neui uolo audire: uolo inauditum facinus, ipsius, qui id commisit: uoce conuinci. dic Neui diem. ante V Cal. intercalares. bene agis. quam longe est hinc in saltum uestrum Gallicanum? Neui te rogo. DCC millia passuum. optime. de saltu deijcitur Quintius, quo die? possumus hoc quoque ex te audire? quid taces? dic inquam diem. pudet dicere. intelligo. uerum, et sero, et ne quicquam pudet. deijcitur de saltu C. Aquili pridie Cal. intercalares. biduo post, aut, ut statim de iure aliquis concurrerit: non toto triduo DCC millia passuum conficiuntur. O rem incredibilem: O cupiditatem inconsideratam: O nuncium uolucrum. administrum et satellites Sex. Neuij Roma transalpis in Sebusianos biduo ueniunt. O hominem fortunatum: qui eiusmodi nuncios seu po-



tius pegafos habeat. hic ego si Crassi omnes cum  
 Antonys existant: si tu L. Philippe, qui inter illos  
 florebas: hanc causam uoles cum Hortensio dice-  
 re: tamen superior sim necesse est. Non enim, quem-  
 admodum putatis: omnia sunt in eloquentia. est quæ  
 dam tamen ita perspicua ueritas: ut eam infirmare  
 nulla res possit. an antequam postulasti, ut bona pos-  
 sideres: misisti, qui curarent: ut dominus de suo fundo  
 a sua familia ui deiceretur? utrūlibet elige. alterum  
 incredibile est: alterum nefarium. Et ante hoc tem-  
 pus utrunq; inauditum. Septingenta millia passuū uis  
 esse decursa biduo? dic. negas? ante igitur misisti. malo.  
 Si enim illud diceres: improbe mentiri uiderere. cum  
 hoc confiteris: id te admisisse concedis: quod ne menda-  
 cio quidē tegere possis. hoc consilium Aquilio et tali-  
 bus uiris tam cupidum, tam audax, tam temerarium  
 probabitur? quid hæc amentia? quid hæc festinatio?  
 quid hæc immaturitas tanta significat? non uim? non  
 scelus? nō latrocinium? non deniq; omnia potius quam  
 ius, quam officium, quam pudorē? mittis iniussu Præ-  
 toris. quo consilio? iussurum sciebas? quid? cum iussis-  
 set: tum mittere non ne poteras? postulaturus eras.  
 quando? post dies XXX. nempe si te nihil impediret:  
 si uoluntas eadem maneret: si ualeres: deniq; si uiue-  
 res. Prætor iussisset. opinor si uellet: si ualeret: si ius  
 diceret: si nemo recusaret: qui ex ipsius decreto Et sa-  
 tis daret: Et iudicium accipere uellet. nam per deos  
 immortales si Alphenus procurator P. Quintij tibi  
 tum satis daret: et iudiciū accipere uellet: deniq; omnia  
 quæ postulares: facere uoluisset: quid ageres? reuoca-  
 res eum quem in Galliam miserat? at hic quidem iam



de fundo expulsus, iam a suis dijs poenatibus praeceptis  
 eiectus, iam, quod indignissimum est: suorum ser-  
 uorum manibus nuncio atq; imperio tuo uiolatus es-  
 set. corrigeres haec scilicet tu postea. De cuiusquam ui-  
 ta dicere audes: qui hoc concedas necesse est: ita te cecum  
 cupiditate & auaritia fuisse: ut cum postea quid futu-  
 ru esset, ignorares: accidere autem multa possent: spem  
 maleficij praesentis in incerto reliqui temporis euentu  
 collocares. Atq; haec perinde loquor: quasi ipso illo te-  
 pore, cum te Praetor iussisset ex edicto possidere: si in  
 possessionem misisses: debueris aut potueris P. Quintu-  
 m de possessione deturbare. Omnia sunt C. Aquili-  
 li cuiusmodi: quiuis ut perspicere possit: in hac causa im-  
 probitatem, & gratia, cum inopia, & ueritate conten-  
 dere. Praetor te quemadmodum possidere iussit? opi-  
 nor ex edicto. sponsio quae in uerba facta est: si ex edi-  
 cto Pr. bona P. Quintij possessa non sunt: redeamus  
 ad edictum. id quidem quemadmodum iubet posside-  
 re: nun quid est causae C. Aquili? quin si longe aliter  
 possedit: quam Praetor edixit: iste ex edicto non pos-  
 sederit: ego sponsione uicerim? nihil opinor. cognosca-  
 mus edictum. QVI EX EDICTO MEO IN  
 POSSESSIONEM VENERIT. De te lo-  
 quitur Neni: quemadmodum tu putas: ais enim te ex  
 edicto uenisse: tibi quid facias, definit: te instituit: tibi  
 praecepta dat. EOS ITA VIDETVR IN  
 POSSESSIONE ESSE OPORTERE.  
 Quomodo? QVOD IBIDEM RECTE CV-  
 STODIRE POTERVNT: ID IBIDEM  
 CVSTODIANT. QVOD NON POTE-  
 RVNT: ID AVFERRE ET ABDVCERE



LICEBIT. Quid tum? DOMINVM (inquit)  
INVITVM DETRVDERE NON PLACET.  
eū ipsum, qui fraudandi causa latitet: eū ipsum, quem  
iudicio nemo defendat: eum ipsum, qui cū omnibus cre-  
ditoribus suis male agat: inuitū de prædio detrudi ue-  
tat. proficiscenti tibi in possessionem Prætor ipse Sex-  
Neui palam dicit: ita possideto: ut tecum simul possi-  
deat Quintius: ita possideto: ut Quintio ius non aufe-  
ratur. quid? tu id quemadmodum observas? mitto il-  
lud dicere: eū qui nō latitarit: cui Romæ domus, uxor,  
liberi, procurator esset: eum, qui tibi uadimonium nō  
deseruisset: hæc omnia mitto: illud dico: dominum  
expulsum esse de prædio: domino a familia sua ma-  
nus allatas esse ante suos lares familiares. hoc dico.

Neuium ne appellaſſe quidem Quintium: cum simul  
eſſet: experiri poſſet quotidie. deinde quod omnia iu-  
dicia diffiſſima cum ſumma ſua inuidia, maximoq;  
periculo P. Quintij fieri mallet: quàm illud pecunia-  
rium iudicium: quod uno die tranſigi poſſet: ex quo  
uno hæc omnia nata, & profecta eſſe concedit. quo  
in loco conditionem tuli: ſi uellet pecuniam petere: P.  
Quintium iudicatum ſolui ſatis daturum: dum ipſe,  
ſi quid peteret: pari conditione uteretur. oſtendi quàm  
multa ante fieri conuenerit: quã hominis propinqui bo-  
nã poſſideri poſtularentur: præſertim cum Romæ do-  
mus eius, uxor, liberi eſſent, & procurator æque  
utriuſq; neceſſarius. docui cum deſertum eſſe dicat na-



dimonium: omnino uadimonium nullum fuisse: quo  
 die hunc sibi promississe dicat: eo die ne Romæ quidem  
 eum fuisse. id testibus me pollicitus sum planum factu-  
 rum: qui & scire deberent: & causam, cur mentiren-  
 tur, non haberent. ex edicto autem non potuisse bona  
 possideri, demonstraui: quod neq; fraudandi causa la-  
 titasset: neq; exiliij causa solum uertisse diceretur. re-  
 liquum est: ut eum nemo iudicio defenderit: quod con-  
 tra copiosissime defensum esse contendi, non ab homi-  
 ne alieno, neq; ab aliquo calumniatore, atq; improbo,  
 sed ab Equite Ro. propinquo, & necessario suo: quem  
 ipse Sex. Neuius procuratorem relinquere antea con-  
 suisset. neq; eum, si Tribunos appellarit: iacero minus  
 iudicio pati paratum fuisse. neq; potentia procurato-  
 ris Neuius ereptum: contra istum potentia sua tum  
 tantummodo superiorem fuisse: nunc nobis uix respi-  
 randi potestatem dare. quæsiui quæ causa fuisset: cur  
 bona non uenissent: cum ex edicto possiderentur. de-  
 inde illud quoq; requisui: quæ ratione ex tot creditori-  
 bus nemo neq; tum idem fecerit: neq; nunc contradicat:  
 omnesq; pro P. Quintio pugnent: præsertim cum in  
 tali iudicio testimonia creditorum existimentur ad re-  
 maxime pertinere. Postea sum usus aduersarij testimo-  
 nio: qui sibi eum nuper edidit socum: quem quomo-  
 do nunc intendit: ne in uiuorum quidem numero tum  
 demonstrat fuisse. Tum illam incredibilem celerita-  
 tem seu potius audaciam protuli: confirmari necesse  
 esse: aut biduo DCC millia passuum esse decursa:  
 aut Sex. Neuium diebus compluribus ante in poses-  
 sionem misisse: quàm postulare: uti ei liceret bona pos-  
 sidere. postea recitavi edictum: quod aperte domini  
 de prædio



de prædio detrudi uetaret: in quo constitit Neuium ex  
 edicto non possedisse: cum confiteretur ex prædio ui-  
 detrusum esse Quintium. omnia autem bona possessa  
 non esse constitui: quod bonorum possessio spectetur non  
 in aliqua parte, sed in uniuersis, quæ teneri ac posside-  
 ri possint. dixi Romæ domum fuisse: quo iste ne aspi-  
 rarit quidem: seruos complures: ex quibus iste possede-  
 rit neminem: ne attigerit quidem. unum fuisse quem  
 attingere conatus sit: prohibitum fuisse: quieuisset. in  
 ipsa Gallia cognostis in prædia priuata Quintij Sex.  
 Neuium non uenisse. deniq; ex hoc ipso saltu, quem  
 per uim expulso socio possedit: seruos priuatos Quin-  
 tij nō omnes eiectione esse. Ex quo, & ex cæteris dictis fa-  
 ctis cogitatisq; Sex. Neuij quiuis potest intelligere istum  
 nihil aliud egisse: neq; nunc agere: nisi uti per uim, per  
 iniuriam, per iniquitatem iudicij, totum agrum qui  
 communis est suum facere possit. Nunc causa per-  
 orata, res ipsa & periculi magnitudo C. Aquili cogere  
 uidetur: ut te, atq; eos, qui tibi in consilio sunt: obse-  
 cret, obtesteturq; P. Quintius per senectutem ac soli-  
 tudinem suam, nihil aliud, nisi ut uestre naturæ boni-  
 tatiq; obsequamini. ut cum ueritas cū hoc faciat: plus hu-  
 ius inopia possit ad misericordiam: quàm illius opes ad  
 crudelitatem. quo die ad te iudicem uenimus: eodem die  
 illorum minas, quas ante horrebamus: negligere cæpi-  
 mus. Si causa cum causa contenderet: nos nostram per-  
 facile cuius probaturos statuebamus. quod uitæ ratio  
 cum ratione uitæ decerneret. itarco nobis etiam ma-  
 gis te iudice opus esse arbitrati sumus. Ea res enim  
 nunc in discrimen uersatur: utrum ne possit se contra  
 luxuriam, ac licentiam, rusticana illa atq; inculta par-



PRO P.

simonia defendere: an deformata atq; ornamentis omnibus spoliata, nuda cupiditati, petulantiaeq; addicatur. nō comparat se tecum gratia P. Quintius Sex. Neui: non opibus, non facultate contendit: omnis tuas artes, quibus tu magnus es: tibi concedit. fatetur se non belle dicere: non ad uoluntatem loqui posse: non ab afflictā amicitia transfugere: atq; ad florentem aliam deuolare: non profusis sumptibus uiuere: nō ornare magnifice splendideq; conuiuium: non habere domum clausam pudori & sanctimoniae: patentem atque adeo expositam cupiditati & uoluptatibus. contra sibi officium, fidem, diligentiam, uitam omnino semper horridam, atq; aridam cordi fuisse. ista superiora esse, ac plurimum posse his moribus sentit. quid ergo est? non usq; eo tamen ut in capite fortunisq; hominum honestissimorum dominantur hi: qui relictā bonorum uirorum disciplina, & quæstum & sumptum Gallo-nij sequi maluerunt: atq; etiam, quod in illo non fuit: cum audacia perfidiaq; uixerunt. Si licet uiuere eum, quem Sex. Neuius non uult: si est homini honesto locus in ciuitate inuito Neui: si fas est respirare P. Quintium contra nutum ditionemq; Neui: si quæ pudore ornamenta sibi peperit, ea potest contra petulantiam te defendente obtinere: spes est, & hunc miserum atq; infelicem aliquando tandem posse consistere. sin & poterit Neuius id quod libet: & ei libebit quod non licet: quid agendum est? qui deus appellandus est? cuius hominis fides imploranda est? qui deniq; quæstus, qui mæror dignus inueniri in calamitate tanta potest? Miserū est exturbari fortunis omnibus. miserius est, iniuria. acerbum est ab aliquo circumueniri. acerbius, a propinquo. calamū

*Si tu & Callonius de quo ait Lucilius. o publi, o surges Galoni & si  
est agitur. Cœrasti in uita nōq; boni: cū oia in isto consumis, quilla atq;  
agitur cū deumone. uicere. pœnere a fimo. 25. 52.*



tosum est bonis euerti. calamitosius, cum dedecore. fune-  
stum est à forti atq; honesto uiro iugulari. funestus, ab eo  
cuius uox in præconio quæstum præstitit. indignum est  
à pari uinci aut superiore. indignius, ab inferiore, atq;  
humiliore. luctuosum est tradi alteri cum bonis. luctuo-  
sius, inimico. horribile est causam capitis dicere. horribi-  
lius, priore loco dicere. omnia circumspectit Quintius:  
omnia periclitatus est C. Aquili: non Prætorem modo,  
à quo ius impetraret inuenire nō potuit: atq; adeo ne un-  
de arbitrati quidem suo postularer: sed ne amicos qui-  
dem Sex. Neuij: quorum sæpe & diu ad pedes iacuit  
stratus, obsecrans per deos immortales, ut aut secum ius  
re contenderent: aut iniuriam sine ignominia sibi im-  
ponerent. Deniq; ipsius inimici uultum superbissimum  
subijt: ipsius Sex. Neuij lachrimans manum apprehen-  
dit, in propinquorum bonis proscribendis exercitatum:  
obsecrauit per fratris sui mortui cinerem, per nomen pro-  
pinqutatis, per ipsius coniugem & liberos, quibus pro-  
pior P. Quintio nemo est: ut aliquando misericordi-  
am caperet: aliquam, si non propinqutatis, at ætatis  
sue, si non hominis, at humanitatis rationem haberet:  
ut secum aliquid integra sua fama, qualibet, dummo-  
do tolerabili conditione transigeret. ab ipso repudiatus,  
ab amicis eius non subleuatus, ab omni magistratu agita-  
tus, atq; perterritus, quem præter te appellet, habet ne-  
minem. tibi se, tibi suas omnis opes fortunasq; commen-  
dat: tibi committit existimationem ac spem reliquæ ui-  
tæ. multis uexatus contumelijs, plurimus iactatus iniu-  
rijs, non turpis ad te sed miser confugit. è fundo orna-  
tissimo deiectus, ignominijs omnibus appetitus, cum  
illum in suis paternis bonis dominari uideret: ipse filiæ

c ij



PRO SEX. ROSCIO

nubili dotem conficere non posset: nihil alienum tamen  
uita superiore commisit. Itaq; te hoc obsecrat C. Aquili:  
ut quam existimationem, quam honestatem in iu-  
diciū tuū propè acta iam etate decursaq; attu-  
lit: eam liceat ei secum ex hoc loco efferre: ne is, de cu-  
ius officio nemo unquam dubitauit: sexagesimo denique  
anno dedecore, macula, turpissimāq; ignominia, note-  
tur: ne ornamentis eius omnibus Sex. Neuius pro spolijs  
abutatur: ne per te ferat, quo minus quæ existimatio P.  
Quintium usq; ad senectutem perduxit: eadem usq; ad  
rogum prosequatur.

PRO SEX. ROSCIO

AMERINO ORA-

TIO. II.

*Roscio appellat. citharis sujs. de ciuitate. c. 97.*

*In off. c. 43. 47.*

REDO EGO uos Iud. mirari: quid sit,  
quod, cum tot summi oratores hominesq;  
nobilissimi sedeant: ego potissimum surre-  
xerim: qui neq; etate, neq; ingenio, neq; au-  
thoritate sim cum his, qui sedeant: comparandus. omnes  
enim hi, quos uidetis adesse in hac causa: iniuriam no-  
uo scelere conflatam putant oportere defendi: defendere  
ipsi propter iniquitatem temporum nō audent. ita fit, ut  
adsint propterea: quod officium sequūtur: taceant autem  
ita: quia periculum metuunt. quid ergo? audacissimus  
ego ex omnibus? minime. at tanto officiosior quā ceteri?  
ne istius quidem laudis ita sum cupidus: ut alijs eam præ-  
reptam uelim. quæ me igitur res præter ceteros impu-  
lit? ut causam Sex. Rosci recipere? quia si quis istorum  
dixisset: quos uidetis adesse: in quibus summa autoritas



est, atq; amplitudo: si uerbum de Rep. fecisset: id quod in  
 hac causa fieri necesse est: multo plura dixisse, quam di-  
 xisset, putaretur. ego etiam si omnia, quæ dicenda sunt,  
 libere dixerō: nequaquā tamen similiter oratio mea exi-  
 re, atq; in uulgus emanare poterit. deinde quod cætero-  
 rum neq; dictum obscurum potest esse propter nobilita-  
 tem, & amplitudinem: neq; temere dicto concedi propter  
 ætatem & prudentiam. ego siquid liberius dixerō, uel  
 occultum esse propterea, quod nondum ad Remp. acces-  
 si: uel ignosci adolescentiæ meæ poterit. tametsi non mo-  
 do ignoscendi ratio, uerum etiam cognoscendi consuetu-  
 do iam de ciuitate sublata est. Accedit illa quoq; causa:  
 quod à cæteris forsitan ita petitum sit, ut diceret: ut uerū-  
 uis saluo officio se facere posse arbitrantur. à me autem  
 ij contenderunt: qui apud me, & amicitia, et beneficijs,  
 & dignitate plurimum possunt: quorum ego neq; beni-  
 uolentiam erga me ignorare: nec auctoritatem asperna-  
 ri: nec uoluntatem negligere debeam. His de causis ego  
 huic causæ patronus extiti: non electus unus, qui maxi-  
 mo ingenio, sed relictus ex omnibus, qui minimo pericu-  
 lo possem dicere: neq; uti satis firmo præsidio defensus  
 Sex. Roscius, uerum uti ne omnino desertus esset. Forsi-  
 tan quærat is qui iste terror sit: & quæ tanta formido:  
 quæ tot ac talis uiros impediāt: quo minus pro capite  
 & fortunis alterius, quemadmodum consueuerunt, cau-  
 sam uelint dicere. quod adhuc uos ignorare non mirū  
 est: propterea quod consulto ab accusatoribus, eius rei:  
 quæ conflauit hoc iudicium, mentio facta non est. quæ  
 res ea est? bona patris huiusce Sex. Rosci: quæ sunt se-  
 xagies: quæ de uiro clarissimo & fortissimo L. Sylla,  
 quem honoris causa nomino: duobus nullibus nummū



PRO SEX. ROSCIO

fese dicit emisse adolescens uel potentissimus hoc tempore nostrae ciuitatis L. Cornelius Chrysogonus. Is à uobis Iud. hoc postulat: ut quoniam in alienam pecuniam tam plenam, atq; praeclaram nullo iure inuasit: quoniamq; ei pecuniae uita Sex. Rosci obstare, atq; officere uideatur: deletis ex animo suo suspicionem omnem: metumq; tollatis. sese hoc incolumi nō arbitratur huius innocentis patrimonium tam amplum & copiosum posse obtinere: damnato & eiecto, sperat se posse quod adeptus est per scelus, id per luxuriam effundere: atq; consumere. hunc sibi ex animo scrupulum, qui se dies noctesq; stimulat: ac pungit: ut euellatis postulat: ut ad hanc suam praedam tam nefariam adiutores uos profiteamini. si uobis aequa et honesta postulatio uidetur Iudices: ego contra breuem postulationem afferō: & (quomodo mihi persuadeo) aliquanto aequiore. Primum à Chrysogono peto: ut pecunia fortunisq; nostris contentus sit: sanguinem et uitam ne petat. deinde à uobis Iudices ut ad dandum sceleri resistatis: innocentium calamitatem leuetis: et in causa Sex. Rosci, periculum, quod in omnes intenditur, propulsetis. quod si aut causa criminis, aut facti suspicio, aut quaelibet deniq; uel minima res reperietur: quamobrem uideantur illi non nihil tamen in deferendo nomine secuti: postremo si praeter eam praedā, quā dixi, quicquam aliud causae inueneritis: non recusamus quin illorum libidini Sex. Rosci uita dedatur. sin aliud agitatur nihil: nisi ut is nequid desit: quibus satis nihil est: si hoc solum hoc tempore pugnatur: ut ad illam optimam praeclaramq; praedam damnatio Sex. Rosci uelut cumulus accedat: non ne cum multa indigna, tum uel hoc indignissimum est: uos idoneos habitos: per quorum sen-



tentias, iusq; iurandum id assequantur, quod antea ipse  
 scelere & ferro assequi consuerunt? qui ex ciuitate in se-  
 natum propter dignitatem, ex senatu in hoc consilium  
 delecti estis propter seueritatem. ab his hoc postulare ho-  
 mines sicarios, atq; gladiatores? non modo ut supplicia ui-  
 tent: quæ à uobis pro maleficijs suis metuere atq; horre-  
 re debent: uerum etiam ut spolijs Sex. Roscij hoc iudi-  
 cio ornati auctiq; discedant? His de rebus tantis, tamq;  
 atrocibus, neq; satis me commode dicere, neq; satis gra-  
 uiter conqueri, neq; satis libere uociferari posse, intelligo.  
 nam commoditati ingenium, grauitati ætas, libertati  
 tempora sunt impedimento. huc accedit summus timor:  
 quem mihi natura pudorq; meus attribuit: & uestra di-  
 gnitas, & uis aduersariorum, & Sex. Roscij pericula.  
 Quapropter uos oro, atq; obsecro, Iudices. ut attente bo-  
 naq; cum uenia uerba mea audiat. fide sapientiãq; ue-  
 stra fretus, plus oneris sustuli: q̃ ferre me posse intelligo.  
 hoc onus, si uos aliqua ex parte allenabitis: feram ut po-  
 tero studio et industria Iudices. sin à uobis (id quod non  
 spero) deferar: tamen animo non deficiam: & id quod  
 suscepi, quoad potero, perferam. quod si perferre non po-  
 tero: opprimi me onere officij malo: quàm id quod mihi  
 cum fide semel impositum est, aut propter perfidiã abij-  
 cere: aut propter infirmitatem animi, deponere. Te quoq;  
 magnopere M. Fanni quæso: ut qualẽ te iã antea Populo  
 R. præbuiisti: cum huic idem quæstioni iudex præesses:  
 talem te & nobis & P. R. hoc tempore impertias. quã-  
 ta multitudo hominum conuenerit ad hoc iudicium, ui-  
 des: quæ sit omnium mortalium expectatio, quæ cupidi-  
 tas, ut acria ac seuera iudicia fiant, intelligis. longo in-  
 teruallo iudicium inter sicarios hoc primum committi-



# PRO SEX. ROSCIO

tur: cum interea cædes indignissimæ maximæq; factæ  
sunt. Omnes hanc quæstionem te prætor manifestis ma-  
leficijs, quotidianoq; sanguine demissius sperat futurâ.  
Qua uociferatione in cæteris iudicijs accusatores uti con-  
sueverunt: ea nos hoc tempore utimur: qui causam dici-  
mus. petimus abs te M. Fanni, à uobisq; Iud. ut quam-  
acerrime maleficia uindicetis: ut quamfortissime ho-  
minibus audacissimis resistatis: ut hoc cogitetis: nisi in hac  
causa, qui uester animus sit, ostendetis: eo prorumpere ho-  
minum cupiditatem, & scelus, & audaciam: ut non  
modo clàm, uerum etiam hic in foro, ante tribunal tu-  
um M. Fanni, ante pedes uestros Iudices, inter ipsa sub-  
sellia, cædes futuræ sint. etenim quid aliud hoc iudicio  
tentatur: nisi ut id fieri liceat? accusant ij: qui in fortu-  
nas huius inuasērunt. causam dicit is: cui præter cala-  
mitatem nihil reliquerunt. accusant ij: quibus occidi pa-  
trem Sex. Roscii bono fuit. causam dicit is: cui non mo-  
do luctum mors patris attulit: uerum etiam egesta-  
tem. accusant ij: qui hunc ipsum iugulare summe cupie-  
runt. causam dicit is: qui etiam ad hoc ipsum iudicium  
cum præsidio uenit: ne hic ibidem ante oculos uestros  
trucidetur. deniq; accusant ij: quos populus poscit. cau-  
sam dicit is: qui unus relictus ex illorum nefaria cæ-  
de restat. Atq; ut facilius intelligere possitis Iud. ea  
quæ facta sunt indigniora esse: quàm hæc, quæ dici-  
mus: ab initio res quemadmodum gesta sit: uobis expo-  
nemus: quo facilius & huius hominis innocentissimi  
miserias, & illorum audaciam cognoscere possitis, et  
Reipub. calamitatem. Sex. Roscius pater huius-  
ce municeps Amerinus, fuit cum genere, & nobilitate,  
& pecunia non modo sui municipij, uerum etiam eius



uicinitatis facile primus: tum gratia, atq; hospitij florēs  
 hominum nobilissimorū. nam cum Metellis, Seruijs,  
 Scipionibus, erat ei non modo hospitium, uerum etiā do-  
 mesticus usus et consuetudo. quas (ut æquum est) familias  
 honestatis amplitudinisq; gratia nomino. Itaq; ex suis  
 omnibus commodis hoc solum filio reliquit. nam patri-  
 monium domestici prædones ui ereptum possident: fama  
 et uita innocentis ab hospitibus amicisq; paternis de-  
 fenditur. Hic cum omni tempore nobilitatis fautor fuis-  
 set: tum hoc tumultu proximo, cum omniū nobilium di-  
 gnitas et salus in discrimen ueniret: præter cætoros in ea  
 uicinitate eam partem causamq; opera, studio, auctori-  
 tate defendit. etenim rectum putabat: pro eorum hone-  
 state se pugnare: propter quos ipse honestissimus inter  
 suos numerabatur. posteaquam uictoria constituta est: ab  
 armisq; recessimus: cum proscriberentur homines: atq;  
 ex omni regione caperetur ij: qui aduersarij fuisse puta-  
 bantur: erat ille Romæ frequēs: atq; in foro, et in ore om-  
 niū quotidie uersabatur: magis ut exultare uictoria no-  
 bilitatis uideretur: quam timere, nequid ex ea calamita-  
 tis sibi accideret. Erant ei ueteres inimicitie cum duobus  
 Roscijs Amerinis: quorum alterum sedere in accusato-  
 rum subsellijs uideo: alterum tria huiusce prædia possi-  
 dere audio. Quas inimicitias si tā cauere potuisset: quā  
 metuere solebat: uiueret. neq; enim Iud. iniuria metue-  
 bat. nam duo isti sunt Titi Roscij: quorum alteri Capi-  
 toni cognomen est: iste qui adest, magnus uocatur: homi-  
 nes eiusmodi, alter plurimarum palmarum uetus ac no-  
 bilis gladiator habetur. hic autem nuper se ad eum lani-  
 stam cōtulit: qui, cum ante hāc pugnam tyro esset, quod  
 sciam: facile ipsum magistrum scelere, audaciāq; superā



PRO SEX. ROSCIO

uit. nam cum hic Sex. Roscius esset Ameriæ: Titus alter  
 iste Roscius Romæ: cum hic filius assiduus in prædijs  
 esset: cumq; se uoluntate patris rei familiari uitæq; ru-  
 sticæ dedisset: iste autem frequens Romæ esset: occiditur  
 ad balneas Palatinas rediens à cœna Sex. Roscius. spe-  
 ro ex hoc ipso non esse obscurum: ad quem suspicio ma-  
 leficij pertineat. uerum id quod adhuc est suspiciosum,  
 nisi perspicuum res ipsa fecerit: hunc affinem culpæ iu-  
 dicatote. Ocaso Sex. Roscio primus Ameriam nuntiat  
 Manlius Glaucia, quidam homo tenuis, libertinus, cli-  
 ens, & familiaris istius Titi Roscij: & nuntiat domū,  
 non filij, sed Titi Capitonis inimici. & cum post horā  
 primam noctis occisus esset: primo diluculo nuncius hic  
 Ameriam uenit. decem horis nocturnis sex et quinqua-  
 ginta millia passuum asys peruolauit: non modo ut ex-  
 optatum inimico nunciū primus afferret: sed etiā cruo-  
 rem inimici quam recentissimum, telumq; paulo ante e  
 corpore extractum ostenderet. quairiduo, quo hæc ge-  
 sta sunt: res ad Chrysogonum in castra L. Syllæ Vola-  
 terras defertur: magnitudo pecuniæ demonstratur: boni-  
 tas prædiorum (nam fundos decem & tres reliquit: qui  
 Tyberim ferè omnes tangunt) huius inopia, & solitu-  
 do, commemoratur. demonstrat cum pater huiusce Sex.  
 Roscius homo tam splendidus, & graciosus, nullo nego-  
 cio sit occisus: persualet hunc hominem incautum, & ru-  
 sticum, & Romæ ignotum de medio tolli posse. ad eam  
 rem operā suam pollicentur. ne diutius teneam Iud. so-  
 cietas coitur. cum iam proscriptionis mentio nulla fieret:  
 & cum etiam qui antea metuerant, redirent: ac iam  
 defunctos sese periculis arbitrarentur: hominis studio-  
 sissimi nobilitatis manceps fit Chrysogonus: tria prædia



uel nobilissima Capitoni propria traduntur: quæ ho-  
die possidet: in reliquas omnes fortunas iste Titus Ro-  
scius nomine Chrysogoni, quemadmodum ipse dicit: im-  
petum facit. hæc bona emuntur. HS duobus millibus  
nummum. Hæc omnia Iud. imprudente L. Sylla facta  
esse certo scio. neq; enim mirum, cum eodem tempore  
& ea quæ præterita sunt: & ea, quæ videntur insta-  
re: præparet: cum & pacis constituendæ rationem, &  
belli gerendi potestatem solus habeat: cum omnes in unū  
spectent: unus omnia gubernet: cum tot tantisq; negotijs  
distentus sit: ut respirare libere non possit: si aliquid nō  
animaduertat: cum præsertim tam multi occupationem  
eius obseruent: tempusq; aucupentur: ut simul atq; ille  
despexerit: aliquid huiusmodi moliantur. Huc acce-  
dit: quod quamuis ille foelix sit: sicut est: tamen in tan-  
ta felicitate nemo potest esse in magna familia: qui nemi-  
nem neq; seruum neq; libertum improbū habeat. Inte-  
rea iste Titus Roscius uir optimus procurator. Chrysogo-  
ni Ameriam uenit: in prædia huius inuadit: hunc mise-  
rum, luctu præditum, qui nondum etiam paterno fu-  
neri iusta soluisset: nudum eiecit domo: atq; focis patrijs  
dijsq; pœnatibus præcipitem Iudices exturbat: ipse  
amplissimæ pecuniæ fit dominus. Qui in sua re fuisset  
egentissimus: erat (ut fit) insolens in aliena. multa palā  
domum suam auferebat: plura clām de medio remoue-  
bat: non pauca suis adiutoribus large effusēq; donabat:  
reliqua constituta auctione uendebat. quod Amerinis  
usq; eo uisum est indignum: ut urbe tota fletus gemitusq;  
fieret. etenim multa simul ante oculos uersabantur. mors  
hominis florentissimi Sex. Roscij crudelissima, filij autē  
eius egestas indignissima: cui de tanto patrimonio prædo



PRO SEX·ROSCIO

iste nefarius, ne iter quidē ad sepulchrū patriū reliquis-  
set: bonorū emptio, flagitiosa possessio, furta, rapinae, do-  
nationes. nemo erat q nō ardere omnia mallet: q uidere  
in Sex. Roscij uiri optimi, atq; honestissimi bonis iactātē  
se, ac dominantem T. Rosciū. Itaq; decurionū decretum  
statim fit: ut decem primi proficiantur ad L. Syllam: do-  
ceantq; eum, qui uir Sex. Roscius fuerit: conquerantur  
de istorum scelere & iniurijs: orent, ut & illius mor-  
tui famam, & filij innocentis fortunas conseruatas uelit.  
atq; ipsum decretum quæso cognoscite. DECRE-  
TVM DECVRIONVM. Legati in castra  
ueniunt. Intelligitur Iud. id quod iam ante dixi: im-  
prudente L. Sylla scelera hæc, & flagitia fieri: nam sta-  
tim Chrysogonus, & ipse ad eos accedit: & homines  
nobiles allegat is: qui peterent ne ad Syllam adirent:  
& omnia Chrysogonum quæ uellent, esse facturum  
pollicerentur. usq; adeo autem ille pertimuerat: ut mori  
mallet: quā de his rebus Syllam doceri. homines an-  
tiqui, qui ex sua natura cæteros fingerent: cum ille con-  
firmaret, sese nomen Sex. Roscij de tabulis exemptu-  
rum: prædia uacua filio traditurum: cumq; id ita fu-  
turum T. Roscius Capito, qui in X legatis erat: adpro-  
mitteret: crediderunt: Ameriam re inorata reuerte-  
runt. Ac primo rem differre quotidie, ac procrastinare  
isti cœperunt: deinde aliquanto lentius, nihil agere: atq;  
deludere: postremo (id quod facile intellectum est) insi-  
dias uitæ huiusce Sex. Roscij parare: neq; sese arbitrari  
posse diutius alienam pecuniam domino incolumi ob-  
tinere. Quod is simul atq; sensit: de amicorum cognato-  
rumq; sententia Romam confugit: & sese ad Ceciliam  
nepotis filiam, quam honoris causa nomino: contulit:



qua pater usus erat plurimum. in qua muliere Iud. etiā  
 nunc, id quod omnes semper existimauerunt: quasi exē-  
 pli causa uestigia antiqui officij remanent. ea Sex. Ro-  
 sciū inopem, eiectum domo, atq; expulsū ex suis bo-  
 nis, fugientem latronum tela, & minas, recepit domum:  
 hospitiq; oppresso iā, desperatōq; ab omnibus, opitulata  
 est. eius uirtute, fide, diligentia, factum est: ut hic potius  
 uiuus in reos. q̄ occisus in proscriptos referretur. nā post  
 quam isti intellexerunt summa diligentia uitam Sex. Ro-  
 sciū custodiri: neq; sibi ullam cedis faciundæ potestatem  
 dari: consiliū coeperunt plenum sceleris, & auda-  
 ciæ: ut nomen huius de parricidio deferrent. ut ad eam  
 rem aliquem accusatorem ueterem compararent: qui de  
 ea re posset dicere aliquid: in qua re nulla subesset su-  
 spicio. deniq; ut quoniam crimine non poterant, tempo-  
 re ipso pugnarent. ita loqui homines: quod iudicia tam  
 diu facta non essent: condemnari eum oportere: qui pri-  
 mus in iudiciū adductus esset. huic autem patronos pro-  
 pter Chrysogoni gratiam defuturos. de bonorum uen-  
 ditione, & de ista societate uerbū esse facturum nemi-  
 nem. ipso nomine parricidij, et atrocitate criminis, fore,  
 + ut hic nullo negotio tolleretur: cum ab nullo defensū  
 esset. Hoc consilio, atq; adeo hac amentia impulsī, quem  
 ipsi, cum cuperent, non potuerunt occidere, eum iugulā-  
 dum uobis tradiderunt. Quid primum querar? aut  
 unde potissimum exordiar Iud? aut quod aut à quibus  
 auxilium petam? deorum ne immortalium? populi ne ro-  
 mani? uestrā ne, qui summā potestatem habetis, hoc tem-  
 pore fidem implorem? pater occisus nefarie: domus obses-  
 sa: ab inimicis bona adempta, possessa, direpta: filij uita  
 infesta, sæpe ferro atq; insidijs appetita: quid ab his tot



# PRO SEX. ROSCIO

maleficijs sceleris abesse uidetur? tamen hæc alijs nefarijs cumulant: atq; adaugent. crimen incredibile confingunt: testes in hunc & accusatores huiusce pecunia comparant: hanc conditionem misero ferunt: ut optet, utrum malit, ceruices Roscio dare: an insutus in culeum supplicium parricidarum, per summum dedecus uitam amittere? patronos huic defuturos putauerunt: desunt. qui libere dicat: qui cum fide defendat: id quod in hac causa est satis: quoniam quidem suscepi: non deest profecto Iudices. et forsitan in suscipienda causa temere impulsus adolescentia fecerim. quoniam quidem semel suscepi: licet hercules undiq; omnes in me terrores, periculaq; impedant omnia: succurram: atq; subibo. certum est, de liberatumq;: quæ ad causam pertinere arbitror, omnia non modo dicere: uerum etiam libenter, audacter, libereq; dicere. Nulla res tanta existat Iudices: ut possit uim mihi maiorem adhibere metus, q̃ fides. etenim quis tam dissoluto animo est: qui hæc cum uideat, tacere ac negligere possit? patrem meum, cum proscriptus non esset: iugulastis: occisum, in proscriptorum numerum retulistis: me domo mea per uim expulistis: patrimonium meum possidetis: quid uultis amplius? etiã ne ad subsellia cum ferro atq; telis uenistis? ut hic aut iuguletis: aut condemnatis Sex. Roscium? Hominem longe audacissimum nuper habuimus in ciuitate C. Fimbriam: & quod inter omnes constat: nisi inter eos, qui ipsi quoq; insaniunt: insanissimum. is cum curasset in funere C. Marij, ut Q. Scæuola uulneraretur, uir sanctissimus atq; ornatissimus nostræ ciuitatis: de cuius laude neq; hic locus est, ut multa dicantur: neque plura tamen dici possunt: quàm populus romanus memoria retinet: diem Scæuolæ dixit: po-



itea quam comperit eum posse uiuere. cum ab eo quaeretur, qd tandem accusaturus esset eum: quæ pro dignitate ne laudare qdē qsq̃a satis commode posset? aiunt hominem (ut erat furiosus) respondisse: quod non totum telū corpore recepisset. quo populus R. nihil uidit indignius: nisi eiusdem uiri mortem. quæ tantum potuit: ut omnes ciues suos perdidit & affligerit. quos quia seruare per compositionem uolebat: ipse ab his interemptus est. Est ne hoc illi dicto atq; facto Fimbriæ non simillimum? Accusatus Sex. Roscium. quid ita? quia de manibus uestris effugit: quia se occidi passus non est. illud quia in Scenola factum est: magis indignum uidetur. hoc, quia fit à Chrysogono: non est ferendum. nam per deos immortales, quid est in hac causa quod defensionis indigeat? qui locus ingenium patroni requirit? aut oratoris eloquentiam magnopere desiderat? totam causam Iud. explicemus: atq; ante oculos expositam consideremus. ita facillime quæ res totum iudicium contineat: & quibus de rebus nos dicere oporteat: & quid uos sequi conueniat: intelligetis. Tres sunt res quantum ego existimare possum: quæ obstant hoc tempore Sex. Roscio: crimen aduersariorum, & audacia, & potentia. criminis confectionem accusator Erucius suscepit. audaciæ partes, Roscij sibi poposcerunt. Chrysogonus autem is, qui plurimum potest: potentia pugnat. de hisce omnibus rebus me dicere oportere intelligo. quid igitur est? non eodem modo de omnibus. ideo, quod prima illa res ad meum officium pertinet: duas autem reliquas uobis populus R. imposuit. Ego crimen oportet diluam. uos & audaciæ resistere: & hominum eiusmodi perniciosam atq; intolerandam potentiam primo quoq; tempore extinguere



# PRO SEX. ROSCIO

atq; opprimere debetis. Occidisse patrem Sex. Roscius arguitur. scelestum dii immortales ac nefarium facinus: atq; eiusmodi, quo uno maleficio scelera omnia complexa esse uideantur. Etenim si id quod præclare a sapientibus dicitur, ultu sæpe læditur pietas: quod supplicium satis acre reperietur, in eum: qui mortem obtulerit parenti? pro quo mori ipsum, si res postularet: iura diuina atque humana cogeant. in hoc tanto, tam atroci, tam singulari maleficio, quod ita raro extitit: ut, si quando auditum sit: portenti ac prodigij simile numeretur: quibus tandem te C. Eruci argumentis accusatorem censes uti oportere? nonne et audaciam eius, qui in crimen uocetur: singularem ostendere: et mores feros, immanemq; naturam, et uitam uicij flagitijq; omnibus deditam, et deniq; omnia ad perniciem profligata atq; perditam. quorum tu nihil in Sex. Roscium, ne obijciendi quidem causa contulisti. patrem occidit Sex. Roscius. qui homo? adolescētulus corruptus, et ab hominibus nequam inductus? annos natus magis quadraginta. uetus uidelicet sicarius. Homo audax? et sæpe in cæde uersatus? at hoc ab accusatore necti quidem audistis. luxuries igitur hominem nimirum, et æris alieni magnitudo, et indomitæ animi cupiditates, ad hoc scelus impulerunt. De luxuria purgavit Erucius: cum dixit: hunc ne in conuiuio quidem ullo fere interfuisse. nihil autem unquam debuit. cupiditates porro quæ possunt esse in eo? qui (ut ipse accusator obiecit) ruri semper habitavit? et in agro colendo uixerit? quæ uita maxime disiuncta a cupiditate, et cum officio coniuncta. quæ res igitur tantum istum furorem Sex. Roscio obiecit? Patri inquit non placebat. patri non placebat?



non placebat? quam ob causam? necesse est enim eam quoque iustam, et magnam, et perspicuam fuisse. nam ut illud incredibile est: mortem oblatam esse patri a filio, sine plurimis, et maximis causis: sic hoc uerisimile non est: odio fuisse parenti filium sine causis multis, et magnis, et necessarijs. rursus igitur eodem reuertamur: et quaeramus: quæ tanta uitia fuerint in unico filio: quare is patri displiceret. at perspicuum est, nullum fuisse. pater igitur amens: qui odisset eum sine causa: quem procrearat. at is quidem fuit omnium constantissimus. ergo illud iam perspicuum profecto est: si neque amens pater, neque perditus filius fuerit: neque odij causam patri, neque sceleris filio fuisse. nescio inquit quæ causa odij fuerit: fuisse odium intelligo: quia antea, cum duos filios haberet: illum alterum, qui mortuus est: secum omni tempore uolebat esse: hunc in prædia rustica relegarat. Quod Erucio accidebat in mala nugatoriæque accusatione: idem mihi usu uenit in causa optima. ille quomodo crimen commenticium confirmaret, non inueniebat. ego res tam leues, quæ ratione infirmem, ac diluam, reperire non possum. quid ais Eruci? tot prædia, tam pulchra, tam fructuosa Sex. Roscius filio suo relegationis, ac supplicij gratia colenda ac tuenda tradiderat? quid hoc? patres familiæ, qui liberos habent: præsertim homines illius ordinis, ex municipijs rusticis, nonne optatissimum sibi putant esse, filios suos rei familiari maxime seruire? et in prædijs colendis operæ plurimum studijque consumere? an amandarat hunc sic: ut esset in agro: ac tantummodo aleretur ad uilam? ut commodis omnibus careret? quid si constat, hunc non modo colendis prædijs præfuisse: sed certis fundis patre uiuo frui solitum esse? tamen ne hæc attentata uita et

d



# PRO SEX. ROSCIO

rusticana, relegatio atq; amandatio appellabitur? uides  
 Eruci quantum distet argumentatio tua ab re ipsa, atq; a  
 ueritate. quod consuetudine patres faciunt: id quasi nouū  
 reprehendis. quod beniuolentia fit: id odio factum crimi-  
 naris. quod honoris causa pater filio suo concessit: id eum  
 supplicij causa fecisse dicis. neq; hæc tu non intelligis: sed  
 usq; eo quid arguas, non habes: ut non modo tibi contra  
 nos dicendum putes: uerum etiam contra rerum natu-  
 ram, contraq; consuetudinem hominum, contraq; opinio-  
 nes omnium. At enim cum duos filios haberet: alterum  
 a se non dimittebat: alterum ruri esse patiebatur. quæ-  
 so Eruci ut hoc in bonam partem accipias: non enim ex-  
 probrandi causa, sed commonendi gratia dicam. si tibi  
 fortuna non dedit: ut patre certo nascere: ex quo intelli-  
 gere posses, qui animus patrius in liberos esset: at natura  
 certe dedit: ut humanitatis non parum haberes. eo acce-  
 sit studium doctrinæ: ut ne a literis quidem alienus es-  
 ses. quid tandem tibi uidetur (ut ad fabulas ueniamus)  
 senex ille Cecilianus minoris facere Eutychum filium  
 rusticum? quàm illum alterum Cherestratum? nam ut  
 opinor hoc nomine est. alterum in urbe secum honoris  
 causa habere? alterum rus supplicij causa relegasse? quid  
 ad istas ineptias abis inquires? quasi uero mihi difficile sit,  
 quamuis multos nominatim proferre (ne longius abea)  
 uel tribulis, uel uicinos meos: qui suos liberos, quos pluri-  
 mi faciunt: a agricolas assidue esse cupiunt. uerum homi-  
 nes notos sumere odiosum est: cum & illud incertum sit:  
 uelint ne hi sese nominari: & nemo uobis magis notus  
 futurus sit: quàm est hic Eutychus: & certe ad rem nihil  
 intersit: utrum hunc ego comicum adolescentem, an ali-  
 quem ex agro uerente nominem. etenim hæc conficta ar-



bitror à poetis esse: ut effictos nostros mores in alienis per-  
 sonis, expressamq; imaginem nostram uitæ quotidianæ  
 uideremus. Age nunc: refer animum sis ad ueritatem: et  
 considera non modo in Umbria, atq; in ea uicinitate, sed  
 in his ueteribus municipijs, quæ studia à patribus fami-  
 lias maxime laudentur: iam profecto te intelliges inopia  
 criminum, summam laudem Sex. Roscio uicio & cul-  
 pæ dedisse. At non modo hoc patrum uoluntate liberi fa-  
 ciunt: sed permultos & ego noui, & (nisi me fallit ani-  
 mus) unusquisq; uestrum: qui & ipsi incensi sunt studio,  
 quod ad agrum colendum attinet: uitamq; hanc rusti-  
 cam, quam tu probro & crimini putas esse oportere: &  
 honestissimam, & suauissimam esse arbitratur. quid cen-  
 ses hunc ipsum Sex. Roscium? quo studio, & qua intelli-  
 gentia esse in rusticis rebus? ut ex ijs propinquis eius ho-  
 minibus honestissimus audio: non tu in isto artificio acu-  
 satorio callidior es: quam hic in suo. uerū, ut opinor, quo-  
 niam ita Chrysogono uidetur: qui huic nullum prædiū  
 reliquit: & artificium obliuiscatur, & studium depo-  
 nat, licebit. quod, tametsi miserum, & indignum est: fe-  
 ret tamen æquo animo Iudices: si per uos uitam et famam  
 potest obtinere. hoc uero est, quod ferri non potest: si et in  
 hanc calamitatem uenit propter prædiorum bonitatem,  
 & multitudinem: et quod ea studiose coluit, id erit ei ma-  
 xime fraudi: ut parum miseriæ sit: quod alijs coluit, non  
 sibi: nisi etiam quod omnino coluit: crimini fuerit. Ne tu  
 Eruci accusator esses ridiculus: si illis temporibus natus es-  
 ses: cum ab aratro arcescebantur, qui consules fierent.  
 etenim qui præesse agro colendo flagitium putes: profe-  
 cto illum Attilium, quem sua manu spargentem semen,  
 qui missi erant cōuenerunt: hominem turpissimum, atq;



# PRO SEX. ROSCIO

inhonestissimam iudicares. at hercule maiores nostri longe aliter, & de illo, & de cæteris talibus uiris existimabant. itaq; ex minima tenuissimaq; R. P. maximam & florentissimam nobis reliquerunt. suos enim agros studiose colebant: non alienos cupide appetebant. quibus rebus & agris, & urbibus, & nationibus, Remp. atq; hoc imperium, & P. R. nomen auxerunt. neq; ego hæc eo profero: quo conferenda sint cum hisce, de quibus nunc querimus. sed ut illud intelligatur: cum apud maiores nostros summi uiri clarissimiq; homines, qui omni tempore ad gubernacula Reip. sedere debebant: tamen in agris quoq; colendis aliquantum operæ temporisq; consumpserint: ignosci oportere ei homini: qui se fateatur esse rusticum: cum ruri assiduus semper uixerit. cum præsertim nihil esset: quod aut patri gratius, aut sibi iucundius, aut reuera honestius facere posset. Odium igitur acerrimum patris in filiū ex hoc opinor ostenditur Eruci: quod hunc ruri esse patiebatur. nūquid est aliud? Immo uero inquit est. nam istum ex hæredare in animo habebat. audio. nunc dicis aliquid: quod ad rem pertineat. nam illa opinor tu quoq; concedis leuia esse atq; inepta. conuiuia cum patre non inibat. quippe qui ne in oppidum quidem nisi perraro ueniret. domum suam istum non ferè quisquā uocabat. nec mirum: qui neq; in urbe uiueret: neq; rure uocaturus esset. uerum hæc quoq; tu intelligis esse nugatoria. illud quod cœpimus, uideamus: quo certius argumentum odij reperiri nullo modo potest. Ex hæredare pater filium cogitabat. mitto querere, qua de causa. quero, qui scias? tam et si te dicere, atq; enumerare causas omnis oportebat: & id erat certi accusatoris officium: qui tanti sceleris argueret: ex-



plicare omnia uitia, atq; peccata filij: quibus incensus pa-  
 rens potuerit animum inducere: ut naturam ipsam uin-  
 ceret: ut amorem illum penitus insitum eiceret ex ani-  
 mo: ut deniq; patrem esse sese obliuisceretur. quæ sine ma-  
 gnis huiusce peccatis accidere potuisse non arbitror. Ve-  
 rum concedo tibi, ut ea prætereas: quæ cum taces, nul-  
 la esse concedis. illum quidem uoluisse exhæredare, cer-  
 te tu planum facere debes. quid ergo affers: quare id fa-  
 ctum putemus? uere nihil potes dicere. finge aliquid sal-  
 tem commode: ut ne planè uidearis id facere: quod a-  
 perte facis: huius miseri fortunis, & horum uirorum  
 talium dignitati illudere. exhæredare filium uoluit.  
 quam ob causam? nescio. exhæredauit ne? non. quis pro-  
 hibuit? cogitabat. cogitabat? cui dixit? nemini. quid est  
 aliud iudicio, ac legibus, ac maiestate uestra abuti ad  
 quæstum, atq; ad libidinem? nisi hoc modo accusare: atq;  
 id obicere: quod planum facere non modo non possis:  
 uerum ne coneris quidè? nemo nostrum est Eruci: quin  
 sci at tibi inimicitias cum Sex. Roscio nullas esse. uidet  
 omnes qua de causa huic inimicus uenias. sciunt huiusce  
 pecunia te adductum esse. quid ergo est? ita tamen quæ-  
 stus te cupidum esse oportebat: ut horum existimatione,  
 & legem Memmiam putares aliquid ualere oportere.  
 Accusatores multos esse in ciuitate utile est: ut metu con-  
 tineatur audacia. uerum tamen hoc ita est utile: ut ne  
 planè illudamur ab accusatoribus. Innocens est quispiã:  
 uerum tamen quanquam abest à culpa: suspitione tamen  
 non caret. tametsi miserum est: tamen ei qui hunc acu-  
 set, possim aliquo modo ignoscere. cum enim aliquid ha-  
 beat: quod possit criminosè ac suspiciosè dicere: aperte  
 ludificari, & calumniari sciens non uideatur. quare fa-

d iij



PRO SEX. ROSCIO

cile omnes patimur esse quamplurimos accusatores: quod innocens si accusatus sit, absolui potest. nocens nisi accusatus fuerit, condemnari non potest. utilius est autem absolui innocentem: quam nocentem causam non dicere. Anseribus cibaria publice locantur: et canes aluntur in capitolio: ut significant si fures uenerint. at fures inter- noscere non possunt: significant tamen: si qui noctis in capitolium uenerint. et quia id est suspiciosum: tametsi bestiae sunt: tamen in eam partem potius peccant: quae est cautior. quod si luce quoque canes latrent: cum deos salutatum aliqui uenerint: opinor is crura suffringantur: quod acres sint et tamen, cum suspicio nulla sit. Simillima est accusatorum ratio. alij uestrum anseres sunt: qui tantummodo clamant: nocere non possunt. alij canes: qui et latrare et mordere possunt. cibaria uobis praebere uidemus. uos autem maxime debetis in eos impetum facere: qui merentur. hoc populo gratissimum est. deinde si uoletis, etiam tum, cum uerisimile erit aliquem commisisse: in suspitione latratote. id quoque concedi potest. sin autem sic agetis: ut arguatis aliquem patrem occidisse: neque dicere possitis, aut quare, aut quomodo: ac tantummodo sine suspitione latrabitis: crura quidem uobis nemo suffringet: sed, si ego hos bene noui: literam illam, cui uos usque co inimici estis: ut etiam eas omnis oderitis: ita uehementer ad caput affigent: ut postea neminem alium nisi fortunas uestras accusare possitis. Quid mihi ad defendendum dedisti bone accusator? quid hisce autem ad suspiciandum? ne exhaereditur ueritus est. audio. sed quae de causa uereri debuerit: nemo dicit. habebat pater in animo. planum fac. nihil est. non, qui cum deliberarit: quem certiozem fecerit: unde istud uobis suspicari in me



rem uenerit. cum hoc modo accusas ERUCI: non'ne hoc pa-  
lam dicis? ego quid acceperim, scio: quid dicam, nescio.  
unum illud spectavi quod Chrysogonus aiebat neminē  
isti patronum futurum: de bonorum emptione, deq; ea  
societate neminem esse, qui uerbū facere hoc tempore au-  
deret. hęc te opinio falsa in istam fraudem impulit. nō  
mehercule uerbum fecisses: si tibi quenquam responsurū  
putasses. Operæ precium erat: si animaduertistis Iudices:  
negligentiam eius in accusando considerare. credo cum  
uidisset, qui homines in hisce subsellis sederent: quæsis-  
se, num ille aut ille defensurus esset? de me ne suspicatum  
quidem: quod antea causam publicam nullā dixerim.  
posteaquam inuenit neminem eorum, qui possunt, et so-  
lent: ita negligens esse cœpit: ut cum in mentem ueniret  
ei: resideret: deinde spatia retur: nonnunquam etiā pue-  
rum uocaret: credo cui cœnam imperaret: prorsus ut ue-  
stro confessu et hoc conuentu pro summa solitudine abis-  
teretur. perorauit aliquando. assedit. surrexi ego. respi-  
rare uisus est: quod non alius potius diceret. cœpi dice-  
re. usq; eo animaduerti Iudices eum iocari: atq; alias res  
agere: antequam Chrysogonum nominauim. quem simul  
atq; attigi: statim homo se erexit: mirari uisus est. intelle-  
xi quid eum pupugisset. iterum ac tertio nominauim. po-  
stea homines cursare ultro et citro non desisterunt: cre-  
do qui Chrysogono nuntiarent: esse aliquem in ciuitate:  
qui contra uoluntatem eius dicere auderet: aliter causam  
agi: atq; ille existimaret: aperiri bonorum emptionem:  
uexari pessime societatem: gratiam, potentiamq; eius  
negligi: iudices diligenter attendere: populo rem indi-  
gnam uideri. Quæ quoniam te fefellerunt ERUCI: quo-  
niamq; uides uersa esse omnia: causam pro Sex. Roscio su-



PRO SEX. ROSCIO *Luc.*

non commode, at libere dici: quem dedi putabas: defendi intelligis: quos tradituros sperabas: uides iudicare: restitue nobis aliquando ueterem tuam illam calliditatem, atq; prudentiam: confitere huc ea spe uenisse: quod putas hic latrocinium, non iudicium futurum. De parriadio causa dicitur. ratio ab accusatore reddita non est: quam ob causam patrem filius occiderit. quod in minimis noxis, & in his leuioribus peccatis, quæ magis crebra, & iam propè quotidiana sunt: id maxime & primum quæritur: quæ causa maleficij fuerit: id Erucius in parriadio quæri nō putat oportere. in quo scelere Iudices etiam cum multæ causæ conuenisse unum in locum, atq; inter se congruere uidentur: tamen nō temere creditur: neq; leui coniectura res penditur: neq; testis incertus auditur: neq; accusatoris ingenio res iudicatur. cum multa antea commissa maleficia, tum uita hominis perditissima, tum singularis audacia ostendatur necesse est: neq; audacia solum, sed summus furor, atq; amentia. hæc cum sint omnia: tamen extent oportet expressa sceleris uestigia: ubi, qua ratione, per quos, quo tempore, maleficium sit admissum. quæ nisi multa & manifesta sunt: profecto res tam scelestæ, tam atrox, tam nefaria credi non potest. magna est enim uis humanitatis: multum ualeat communio sanguinis: reclamitat istiusmodi suspicionibus ipsa natura: portentum, atq; monstrum certissimum est: esse aliquem humana specie, et figura: qui tantum immanitate bestias uicerit: ut propter quos hanc suauissimam lucem aspexerit: eos indignissime luce priuarit: cum etiam feras inter sese partus, atq; educatio, & natura ipsa conciliet. Non ita multis ante annis aiunt T. Clœlium quendam Tarracinensem hominem non obscurum, cū



coenatus cubitum in idem conclaue cum duobus adole-  
scentibus filiis isset: inuentum esse mane iugulatum. Cū  
neq; seruus quisquam reperiretur, neq; liber, ad quem  
ea suspicio pertineret: id ætatis autem duo filij propter  
cubantes, ne sensisse quidem se dicerent: nomina filio-  
rū de parricidio delata sunt. quid poterat? sanè suspi-  
ciosum. neutrum ne sensisse? au sum autem esse quenquam  
se in id conclaue committere? eo potissimum tempore,  
cum ibidem essent duo adolescentes filij: qui & sentire  
& defendere facile possent? erat porro nemo in quem  
ea suspicio conueniret. tamen cum planum iudicius es-  
set factum: aperto hostio dormientes eos repertos esse: iu-  
dicio absoluti adolescentes, & suspicione omni liberati  
sunt. nemo enim putabat quēquam esse: qui cum omnia  
diuina atq; humana iura scelere nefario polluisset: so-  
mnium statim capere potuisset. propterea quod qui tan-  
tum facinus commiserunt: non modo sine cura quiesce-  
re: sed ne spirare quidem sine metu possunt. Videtis ne  
quos nobis poetæ tradiderūt patris ulciscendi causa sup-  
plicium de matre sumpsisse: cum præsertim deorum im-  
mortalium iussis, atq; oraculis id fecisse dicantur: tamen  
ut eos agitent furia? neque consistere usquam patiantur?  
quod ne pij quidem sine scelere esse potuerunt. Sic se res  
habet Iudices: magnam uim, magnam necessitatem, ma-  
gnam possidet religionē paternus maternusq; sanguis.  
ex quo si qua macula concepta est: non modo laui non  
potest: uerum usq; eo permanat ad animum: ut summus  
furor, atq; amentia consequatur. nolite enim putare,  
quemadmodum in fabulis sæpe numero uidetis: eos qui  
aliquid impie scelerateq; commiserint, agitari, & per-  
terreri furiarum tedibus ardentibus. sua quēq; fraus &



PRO SEX. ROSCIO

suus terror maxime uexat: suum quenq; scelus agitat:  
amentiaq; afficit: suae male cogitationes conscientiaq;  
animi terrent. haec sunt impijs assidue domesticaeque fu-  
riae: quae dies noctesq; parentum poenas à consclera-  
tissimis filijs repetant. Haec magnitudo maleficij facit:  
ut nisi penè manifestum parricidium proferatur: cre-  
dibile non sit: nisi turpis adolescentia: nisi omnibus fla-  
gitijs uita inquinata: nisi sumptus effusi cum probro, atq;  
dedecore: nisi prorupta audacia: nisi tanta temeritas: ut  
non procul abhorreat ab insania. accedat huc opor-  
tet odium parentis, animaduersionis paternae metus, ami-  
ci improbi, serui conscij, tempus idoneum, locus opportu-  
ne captus ad eam rem: penè dictam resperfas manus san-  
guine paterno Iudices uideant oportet: si tantum faci-  
nus, tam immane, tam acerbum, credituri sunt. qua-  
re hoc quominus est credibile: nisi ostenditur: eo magis  
est, si conuincatur, uindicandum. Itaq; cum multis ex re-  
bus intelligi potest: maiores nostros nō modo armis plus  
quam ceteras nationes, uerumetiam consilio sapientiaq;  
potuisse: tum ex hac re uel maxime: quod in impios sin-  
gulare supplicium inuenerunt. qua in re quantum pru-  
dentiā praestiterunt ijs, qui apud ceteros sapientissimi  
fuisse dicuntur: considerate. Prudentissima ciuitas Athe-  
niensium, dum ea rerum potita est: fuisse traditur. eius  
porro ciuitatis sapientissimum Solonem dicunt fuisse,  
eum, qui leges, quibus hodie quoq; utuntur: scripserit. Is  
cum interrogaretur, cur nullum supplicium constitisset  
in eum, qui parentem necasset: respondit: se id neminem  
facturum putasse. sapienter fecisse dicitur: cum de eo ni-  
hil sanxerit: quod antea commissum non erat: ne non  
tam prohibere, quàm admonere uideretur. Quāto ma-



iores nostri sapientius: qui cum intelligerent, nihil esse  
 tam sanctum: quod non aliquando uiolaret audacia:  
 supplicium in parricidas singulare excoGITauerunt: ut  
 quos natura ipsa retinere in officio non potuisset: ma-  
 gnitudine poenae maleficio summoUerentur. in sui uolue-  
 runt in culcum uiuos: atq; ita in flumen deici. O' sin-  
 gularem sapientiam Iudices. non ne uidentur hunc ho-  
 minem ex rerum natura sustulisse? & eripuisse? cui re-  
 pente coelum, solem, aquam, terramq; ademerunt. ut  
 qui eum necasset, unde ipse natus esset: careret ijs rebus  
 omnibus, ex quibus omnia nata esse dicuntur. nolue-  
 runt feris corpus obijcere: ne bestiis quoq; quae tantum  
 scelus attigissent: immanioribus uteremur. non sic nu-  
 dos in flumen deicere: ne cum delati essent in mare: ip-  
 sum polluerent, quo caetera, quae uiolata sunt, expiari  
 putantur. deniq; nihil tam uile, neq; tam uulgare est: cu-  
 ius partem ullam reliquerint. etenim quid tam est com-  
 mune? quam spiritus uiuis? terra mortuis? mare fluctu-  
 tibus? littus eiectis? ita uiuunt, dū possunt: ut ducere ani-  
 mam de caelo non queant. ita moriuntur: ut eorum ossa  
 terra non tangat. ita iactantur fluctibus: ut nūquam ab-  
 luantur. ita postremo eijciuntur: ut ne ad saxa quidem  
 mortui conquiescant. Tanti maleficij crimen, cui ma-  
 leficio tam insigne supplicium est constitutum: probare te  
 ERUCI censes posse talibus uiris: si ne causam quidē ma-  
 lefici protuleris? si hunc apud bonorum emptores ipsos  
 accusares: eiq; iudicio Chrysogonus praeset: tamen dili-  
 gentius paratiusq; uenisses. utrum quid agatur non ui-  
 des? an apud quos agatur? agitur de parricidio: quod si-  
 ne multis causis suscipi non potest. apud homines autem  
 prudentissimos agitur: qui intelligunt neminem ne mi-



PRO SEX. ROSCIO

nimum quidem maleficium sine causa admittere. esto:  
causam proferre non potes. tamen si statim uicisse debeo:  
tamen de meo iure decedam: et tibi quod in alia causa  
non concederem: in hac concedam, fretus huius innocen-  
tia. non quero abs te, quare patrem Sex. Roscius occi-  
derit. quero quomodo occiderit. ita quero abs te C. Eru-  
ci quomodo: et sic tecum agam: ut in eo loco uel respon-  
dendi uel interpellandi tibi potestatem faciam: uel etiam  
si quid uoles, interrogandi. quomodo occidit? ipse percussit?  
an alijs occidendū dedit? si ipsum arguis: Romæ nō fuit.  
si per alios fecisse dicis: quero seruos ne an liberos? quos  
homines? indidem ne Ameria? an hosce ex urbe sicari-  
os? si Ameriæ: qui sunt hi? cur non nominantur? si Romæ:  
unde eos nouerat Roscius? qui Romam multis annis non  
uenit: neq; unquam plus triduo fuit. ubi eos conuenit?  
qui cum locutus est? quomodo persuasit? precium dedit? cui  
dedit? p quē dedit? unde? aut quantum dedit? non ne his ue-  
stigijs ad caput malefici perueniri solet? Et simul tibi in-  
mentem ueniat facito: quemadmodū uitam huiusce depin-  
xeris: hunc hominem ferum atq; a grestem fuisse: nūquā  
cum homine quoquam collocutū esse: nūquam in oppido  
constitisse. qua in re prætereo illud: quod mihi maximo  
argumēto ad huius innocentiam poterat esse: in rusticis mo-  
ribus, in uictu arido, in hac horrida i culta q; uita, istius  
modi maleficia gigni non solere. ut non omnem frugem  
neq; arborem in omni agro reperire possis: sic non o-  
mne facinus in omni uita nascitur. in urbe luxuries crea-  
tur: ex luxuria existat auaricia necesse est: ex auaritia  
erumpat audacia. inde omnia scelera ac maleficia gi-  
gnuntur. uita autem hæc rustica, quā tu a grestem uocas:  
parsimonie, diligentie, iusticie, magistra est. uerum



hæc missa facio. illud quero. is homo, qui, ut tu te dicis,  
 nunquam inter homines fuerit: per quos homines hoc  
 tantum facinus, tam occultum, absens præsertim, confice  
 re potuerit? multa sunt falsa Iudices: quæ tamē argui su-  
 spiciose possunt. in his rebus si suspicio reperta erit: cul-  
 pam inesse concedam. Romæ Sex. Roscius occiditur: cū  
 in agro Amerino esset filius. literas credo misit alicui  
 sicario, qui Romæ nouerat neminem. arecessiuit ali-  
 quem. at quando? nuncium misit. quem? aut ad quem?  
 precio, gratia, spe, promissis, induxit aliquem. nihil ho-  
 rū ne confingi quidem potest: & tamen causa de parrici-  
 dio dicitur. reliquū est: ut per seruos id admiserit. O' dī  
 immortales rem miseram, & calamitosam. quod in tali  
 crimine innocenti saluti solet esse: ut seruos in quæstionē  
 polliceantur: id Sex. Roscio facere non licet: uos, qui hūc  
 accusatis: omnes eius seruos habetis. unus puer uictus  
 quotidiani administer ex tanta familia Sex. Roscio re-  
 lictus non est. Te nunc apello P. Scipio, te Metelle: uo-  
 bis aduocatis, uobis agentibus, aliquotiens duos seruos  
 paternos in quæstionem ab aduersarijs Sex. Roscius po-  
 stulauit. meministi ne T. Rosci recusare? quid? ij serui  
 ubi sunt? Chrysogonum Iudices sectantur: apud eū sunt  
 in honore, et in precio. etiam nunc ut ex his quærat,ur,  
 ego postulo: hic orat: atq; obsecrat. quid facitis? cur re-  
 cusatis? dubitate etiam nunc Iudices, si potestis: a quo sit  
 Sex. Roscius occisus. ab eo ne? qui propter illius mortem  
 in egestate & insidijs uersatur: cui ne quærendi quidē  
 de morte patris potestas permittitur. an ab ijs? qui quæ-  
 stionem fugitant: bona possident: in cæde atq; ex cæde  
 uiuunt. Omnia Iudices in hac causa sunt misera, atq;  
 indigna: tamen hoc nihil neq; acerbius, neq; iniquius pro



PRO SEX. ROSCIO

ferri potest. mortis paternæ de seruis paternis quæstione  
habere filio non licet. ne tam diu quidem dominus erit  
in suos: dum ex ijs de patris morte quærat. Veniam  
neq; ita multo post ad hunc locum: nam hoc totum ad  
Roscius pertinet: de quorum audacia tum me dicturum  
pollicitus sum: cum Erucij crimina diluissem. Nunc Eruci  
ad te uenio. conueniat mihi tecum necesse est: si ad hunc,  
maleficium istud pertinet: aut ipsum sua manu fecisse:  
id quod negas: aut per aliquos liberos, aut seruos. libe  
ros ne? quos neq; ut conuenire potuerit, neq; qua ratio  
ne inducere, neq; ubi, neq; per quos, neq; qua spe, aut quo  
precio, potes ostendere. ego contra ostendo: non modo ni  
hil eorum fecisse Sex. Roscium: sed ne potuisse quidem  
facere: quod neq; Romæ multis annis fuerit: neq; de præ  
dijs unquam temere discesserit. restare tibi uidebatur  
seruorum nomen: quo quasi in portum reiectus à cæte  
ris suspicionibus confugere posses: ubi scopulum offendis  
eiusmodi: ut non modo ab hoc crimen resilire uideas:  
uerum omnem suspicionem in uosmetipsos recidere intel  
ligas. quid est ergo, quo tandem accusator inopia argu  
mentorum confugerit? eiusmodi tempus erat inquit: ut  
homines uulgo impune occiderentur: quare tu hoc pro  
pter multitudinem sicariorum, nullo negotio facere po  
tuisi. Interim mihi uideris Eruci una mercede duas res  
assequi uelle: nos iudicio perfundere: accusare autem eos  
ipsos, à quibus mercedem accepisti. quid ais? uulgo occi  
debantur? per quos? & à quibus? non ne cogitas te à se  
ctoribus huc adductum esse? quid postea? nescimus per  
ista tempora eosdem ferè sectores fuisse collorum & bo  
norum? ij deniq; qui tum armati dies noctesq; concur  
sabant: qui Romæ erant assidui: qui omni tempore in



præda, & sanguine uersabantur: Sex. Roscio temporis illius acerbiter, iniquitatemq; obijcient? & illam sicciorum multitudinem, in qua ipsi duces ac principes erant: huic crimini putabunt fore? qui non modo Romæ non fuit: sed omnino quid Romæ ageretur, nesciret: propterea quod ruri assiduus, quemadmodum tute confiteris: fuit. Vereor ne aut molestus sim uobis Iudices: aut ne egenis uestris uidear diffidere: si de tam perspicuis rebus diutius differam. Erucij criminatio tota, ut arbitror, dissoluta est: nisi forte expectatis: ut illa diluam: quæ de peculatu ac de cuiusmodi rebus comenticis inaudita nobis ante hoc tempus ac noua obiecit. quæ mihi iste uisus est ex alia oratione declamare: quam in aliud reum commentaretur: ita neq; ad crimen parricidij, neq; ad eum, qui causam dicit: pertinebat. de quibus cum uerbo arguit: uerbo satis est negare. siquid est quod ad testes reseruet: ibi nos quoq; ut in ipsa causa, paratiores reperiet, quàm putabat. Venio nunc eo: quo me non cupiditas ducit: sed fides. nam si mihi liberet accusare: accusarem alios potius: ex quibus possem crescere. quod certum est non facere: dum utrumuis licebit. is enim mihi uidetur amplissimus: qui sua uirtute in altiore locum peruenit: non qui ascendit per alterius incommodum, & calamitatem. Desinamus aliquando ea scrutari: quæ sunt inania: quæramus ubi maleficium & est, & inueniri potest. iam intelliges Eruci certum crimen quàm multis suspicionibus coarguatur. tamen si neq; oia dicam: & leuiter unumquodq; tangam. neq; enim id facerem: nisi necesse esset. et id erit signi me inuitum facere: quod non prosequar longius: quàm salus huius, & mea fides postulabit. Causam tu nullam reperiabas in Sex.



# PRO SEX. ROSCIO

Roscio. At ego in T. Roscio reperio. tecum enim mihi res est T. Rosci: quoniā istic sedes: ac te palam aduersariū esse profiteris. de Capitone post uiderimus: si quemadmodum paratum esse audio, testis prodierit. tum alias quoque suas palmas cognoscet: de quibus me, ne audisse quidem suspicatur. L. Cassius ille, quē populus R. uerissimum et sapientissimum iudicem putabat: identidem in causis quærere solebat, cui bono fuisset. sic uita hominum est: ut ad maleficiū nemo conetur sine spe atque emolumentō accedere. hunc quæsitorem, ac iudicem fugiebant, atque horrebant ij, quibus periculū creabatur: ideo quod tan- etsi ueritatis erat amicus: tamen natura non tam propensus ad misericordiam, quā implicatus ad seueritatem uidebatur. ego quanquam præest huic quæstioni uir, et contra audaciam fortissimus, et ab innocentia clementissimus: tamen facile me paterer, uel illo ipso acerrimo iudice quærente, uel apud Cassianos iudices, quorū etiam nunc ij, quibus causa dicenda est: nomen ipsum re- formidant: pro Sex. Roscio dicere. in hac enim causa cum uiderent illos amplissimam pecuniam possidere: hunc in summa mendicitate esse: illud quidem non quæ- rerent: cui bono fuisset: sed eo perspicuum crimen, et su- spicionem potius ad prædam adiungerent, quā ad ege- statem. quid si accedit eodem? ut tenuis antea fueris? quid si ut avarus? quid si ut audax? quid si ut illius, qui occi- sus est: inimicissimus? num quærenda causa? quæ te ad tantum facinus adduxerit? quid ergo horum negari po- test? tenuitas hominis eiusmodi est: ut dissimulari non queat: atque eo magis eluceat: quo magis occultatur. aua- riciam præfers: qui societatem coieris de municapis, co- gnatiq; fortunis cum alienissimo. quam sis audax (ut alia obliuiscar)



alia obliuiscar) hinc omnes intelligere potuerunt: quod ex tota societate, hoc est ex totis ciuitatibus, solus tu inuētus es: qui cum accusatoribus sederes: atque os tuum non modo ostenderes: sed etiam offerres. inimicitias tibi fuisse cum Sex. Roscio, et magnas rei familiaris controuersias, concedas necesse est. restat Iudices ut hoc dubitemus: uter potius Sex. Roscium occiderit: is, ad quem morte eius diuitiæ uenerint? an is, ad quem mendicitas? is, qui antea tenuis fuerit? an is, qui postea factus sit egentissimus? is, qui ardens auaricia feratur infestus in suos? an is qui semper ita uixerit: ut quæstum nosset nullum? fructum autem eum solum, quem labore peperisset? is, qui omnium sectorum audacissimus sit? an is, qui propter fori, iudiciorumque insolentiam, non modo subsellia, uerum etiam urbem ipsam reformidat? postremo Iudices, id quod ad rem mea sententia maxime pertinet: utrum inimicus potius? an filius? Hæc tu Eruc tot, et tanta si nactus esses in reo: quam diu diceres? quo te modo iactares? tempus hercule te citius, quam oratio deficeret. etenim in singulis rebus eiusmodi materies est: ut dies singulos possis cōsumere. neque ego non possum: non enim tantum mihi de rogo: tamen si nihil arrego: ut te copiosius quam me putem posse dicere. uerum ego forsitan propter multitudinem patronorum in grege annumerer. te pugna Cannensis accusatorem sat bonum facit. multos cæsos non ad Thrasimenum lacum, sed ad Seruilium uidimus. quis ibi non est uulneratus ferro Phrygio? non necesse est omnis commemorare Curtios, Marios, denique Mammicos: quos iam ætas à præliis auocabat. postremo Priamum ipsum senem, Antistium: quem non modo ætas, sed etiam leges pugnare prohibebant. Iam, quos nemo propter ignobilita



PRO SEX. ROSCIO

tem nominat: sexcenti sunt: qui inter sicarios, & de ueneficijs accusabant. qui omnes (quod ad me attinet) uellem uiuerent. nihil enim mali est: canes ibi quamplurimos esse: ubi permulti obseruandi, multaq; seruanda sunt. uerum (ut fit) multa saepe imprudentibus imperatoribus uis belli, ac turba molitur. dum is in alijs rebus erat occupatus: qui summam rerum administrabat: erat interea qui suis uulneribus mederentur: qui tanquam si offensa Reip. sempiterna nox esset: ita ruebat in tenebris: omniaq; miscebant. a quibus miror, ne quod iudiciorum esset uestigium: non subsellia quoq; esse combusta. nam et accusatores, et iudices sustulerunt. hoc commodi est: quod ita uixerunt: ut testes omnes, si cuperent, interficere non possent. nam dum hominum genus erit: qui accuset eos, non deerit. dum ciuitas erit, iudicia fient. Verum, ut coepi dicere, & Erucius haec si haberet in causa, quae commemorauit: posset ea quamuis diu dicere: & ego Iudices possum. sed in animo est (quemadmodum ante dixi) leuiter transire: ac tantummodo perstringere unaquaq; rem: ut omnes intelligant, me non studio accusare: sed officio defendere. Video igitur causas esse permultas: quae istum impellerent. uideamus nunc ecquae facultas suscipiendi maleficij fuerit. Vbi occisus est Sex. Roscius? Romae. quid tu Rosci ubi tunc eras? Romae. uerum quid ad rem? & alij multi. quasi nunc id agitur: quis ex tanta multitudine occiderit? ac non hoc quaeratur: eum, qui Romae sit occisus, utrum uerisimilius sit ab eo esse occisum: qui assiduus eo tempore Romae fuerit: an ab eo, qui multis annis Romam omnino non accesserit. age nunc: ceteras facultates quoq; consideremus. erat tum multitudo sicariorum: id quod commemorauit Erucius: & homines im-



pune occidebantur. quid? ea multitudo quæ erat? opinor  
aut eorum, qui in bonis erant occupati: aut eorum, quæ  
ab ijs conducebantur: ut aliquæ occiderent. si eos putas:  
qui alienum appetebant: tu es in eo numero: qui nostra  
pecunia diues es. sin eos: quos, qui leuiore nomine appel  
lant, percussores uocant: quare in cuius fide sint &  
clientela. mihi crede: aliquem de societate tua reperiēs.  
& quicquid tu contradixeris, id cum defensione nostra  
contendito. ita facillime causa Sex. Roscij cum tua confe  
retur. dices: quid poste a? si Romæ assiduus fui? responde  
bo: at ego omnino non fui. Fateor me sectorem esse: ue  
rum & alij multi. at ego (ut tute arguis) agricola &  
rusticus. Non continuo, si me in gregem sicariorum contu  
li: sum sicarius. at ego profecto, qui ne noui quidem quæ  
quam sicarium: longe absum ab eiusmodi crimine. per  
multa sunt: quæ dici possunt: quare intelligatur summam  
tibi facultatem fuisse maleficij suscipiendi: quæ nonmo  
do ita prætereo: quod te ipsum non libenter accuso:  
uerum eo magis etiam, quod si de illis cædibus uelim  
commemorare: quæ tum factæ sunt ista eadem ratione:  
qua Sex. Roscius occisus est: uereor ne ad plures oratio  
mea pertinere uideatur. Videamus nunc strictim, sicut  
cætera, quæ post mortem Sex. Roscij abs te T. Rosci fa  
cta sunt. quæ ita aperta & manifesta sunt: ut mediusfi  
dius Iudices inuitus ea dicam. uereor enim cuiusquemo  
di es Rosci, ne ita hunc uidear uoluisse seruare: ut tibi  
omnino non pepercerim. cum hoc uereor: & cupio tibi  
aliqua ex parte (quod salua fide possim) parcere: rursus  
immuto uoluntatem meam. uenit enim mihi in mentem  
oris tui. Te ne cum cæteri socij tui fugerent: ac se ocul  
tarent: ut hoc iudicium non de illorum præda, sed de



PRO SEX. ROSCIO

huius maleficio fieri uideretur: potissimum tibi partes istas depoposcisse? ut in iudicio uersarere: et sederes cum accusatore? qua in re nihil aliud assequeris: nisi ut ab omnibus mortalibus audacia tua cognoscatur, et impudentia. Occiso Sex. Roscio, qui primus Ameriam nunciat: Mallius Glaucia, quem iam ante a nominavi: tuus cliens, et familiaris. quid attinuit eum potissimum nunciare, quod, si nullum iam ante consilium de morte ac de bonis eius inieras: nullamque societatem neque sceleris, neque praeuij, cum homine ullo coieras: ad te minime omnium pertinebat? sua sponte Mallius nunciat? quid quaeso eius intererat? an cum Ameriam non huiusce rei causa uenisset: casu accidit: ut id quod Romae audierat, primus nunciaret? cuius rei causa uenerat Ameriam? non possum inquit diuinare. eo rem iam adducam: ut nihil diuinatione opus sit. qua ratione Roscio Capitoni primum nunciauit? cum Ameriae Sex. Roscij domus, uxor, liberi; essent: cum tot propinqui cognatique optime conuenientes: qua ratione factum est: ut iste tuus cliens sceleris tui nuncius T. Roscio Capitoni potissimum nunciaret? occisus est a caena rediens. nondum lucebat: cum Ameriae scitum est. quid hic incredibilis cursus? quid haec tanta celeritas, festinatioque significat? non quaero: quis percussit. nihil est Glaucia quod metuas: non ex cutio te: siquid forte ferri habuisti: non scrutor: nihil ad me arbitror pertinere. quoniam cuius consilio occisus sit, inuenio: cuius manu sit percussus, non laboro. unum hoc sumo: quod mihi apertum tuum scelus resque manifesta dat. ubi aut unde audiuit Glaucia? qui tam cito sciuit? fac audisse statim. quae res eum nocte una tantum itineris contendere coegit? quae necessitas eum tanta premebat? ut si sua sponte



iter Ameriam faceret: id temporis Roma proficisceretur?  
 nullam partem noctis requiesceret? etiam ne in tam per-  
 spicuis rebus argumentatio quaerenda, aut coniectura  
 capienda sit? non ne uobis haec, quae audistis: cernere ocu-  
 lis uideamini Iudices? non illum miserum, ignarum ca-  
 sus sui, redeuntem à cœna uidetis? non positas insidias?  
 non impetum repentinum? non uersatur ante oculos uo-  
 bis in cæde Glaucia? non adest iste T. Roscius? non suis  
 manibus in curru collocat Autumedontem illum sui scæ-  
 leris acerbissimi nefariaeq; uictoriae nuncium? non orat  
 ut eam noctem peruiget? ut honoris sui causa laboret?  
 ut Capitonem quamprimum nunciet? quid erat quod Ca-  
 pitonem primum scire uoluerit? nescio. nisi hoc uideo;  
 Capitonem in his bonis esse socium: de tribus & decem  
 fundis, tres nobilissimos fundos eum uideo possidere. au-  
 dio præterea non hanc suspicionem nunc primum in  
 capitonem conferri: multas esse infamis palmas: hanc pri-  
 mam esse tamen lemniscatam: quæ Romæ deferatur. nul-  
 lum modum esse hominis occidendi: quo ille non aliquot  
 occiderit: multos ferro, multos ueneno. habeo etiam dice-  
 re quem contra morem maiorum, minore annis LX  
 de ponte in Tiberim deiecerit. quæ si prodierit: atque  
 adeo cum prodierit: scio enim proditurum esse: audiet.  
 ueniat modo: explicet suum uolumen illud: quod ei pla-  
 num facere possum Erucium conscripsisse: quod ei pla-  
 num Sex. Roscio intentasse: & meditatum esse: se omnia  
 illa pro testimonio esse dicturum. O' præclarum testem  
 Iudices: O' grauitatem dignam expectatione: O' uitam  
 honestam: atq; eiusmodi, ut libentibus animis ad eius te-  
 stimonium uestrum iusiurandum accommodetis. profe-  
 cto non tam perspicue istorum maleficia uideremus: nisi



PRO SEX. ROSCIO

ip̄os cecos redderet cupiditas, et auaricia, & audacia. alter ex ipsa cæde uolucrum nuncium Ameriam ad so-  
cium atq; ad magistrum suum misit: ut si dissimulare  
omnes cuperent: se scire, ad quem maleficium pertine-  
ret: tamen ipse apertum suum scelus ante omnium oca-  
los poneret. alter (si dīs immortalibus placet) testimo-  
nium etiam in Sex. Roscium dicturus est. quasi uero  
id nunc agatur: utrum, is quod dixerit, credendum: an  
quod fecerit, uindicandum sit. itaq; more maiorum cō-  
paratum est: ut in minimis rebus homines amplissimi  
testimonium de sua re non dicerent. Africanus, qui suo  
cognomine declarat, tertiam partem orbis terrarum se  
subegisse: tamen si sua res ageretur: testimonium non dī-  
ceret. nam illud in talem uirum non audeo dicere: si dī-  
ceret, non crederetur. uidete nunc quā uersa & mu-  
tata in peiorem partem sint omnia. cum de bonis & de  
cæde agatur: testimonium dicturus est is: qui & sector  
est, & sicarius: hoc est, qui & illorum ipsorum bono-  
rum, de quibus agitur: emptor, atq; possessor est: & eum  
hominem occidendum curauit: de cuius morte quæri-  
tur. quid tu uir optime? ecquid habes, quod dicas? mihi  
ausculta: uide ne tibi desis: tua quoq; res per magna agi-  
tur. multa scelerate, multa audacter, multa improbe fe-  
cisti: unum stultissime, profecto tua sponte, non de ERU-  
cij sententia. nihil opus fuit te isti credere. neq; enim ac-  
cusatore nullo, neq; teste quisquam utitur eo: qui de accu-  
satoris subtelio surgit. huc accedit quod paulo tamen oc-  
cultior atq; tectior uestra ista cupiditas esset. nunc quid  
est? quod quisquam ex uobis audire desideret? cum quæ  
facitis, eiusmodi sint: ut ea dedita opera à uobis contra  
uosmetipsos facere uideamini. Age nunc, illa uidea-



mus Iudices, quæ statim consecuta sunt. ad Volaterras  
in castra L. Syllæ, mors Sex. Roscij quatrinduo, quo is  
ocisus est, Chrysogono nunciatur. quæritur etiam nunc  
quis eum nuncium miserit. nonne perspicuum est, eun-  
dem qui Ameriam? curat Chrysogonus, ut eius bona ue-  
neant statim. qui non norat hominem aut rem? at qui  
ei uenit in mentem prædia concupiscere hominis igno-  
ti? quem omnino nunquam uiderat? soletis, cum aliquid  
huiusmodi auditis Iudices: continuo dicere, necesse est  
aliquem dixisse municipem, aut uicinum. ij plerumq; in-  
dicant: per eos pleriq; produntur. hic nihil est quod su-  
spicionem hoc putetis. non enim ego ita disputabo: uerisi-  
mile est, Roscios istam rem ad Chrysogonum detulisse:  
erat enim eis cum Chrysogono iam antea amicitia. nam  
cum multos ueteris à maioribus Roscij patronos hospi-  
tesq; haberent: omnis eos colere atq; obseruare desite-  
runt: ac se in Chrysogoni fidem & clientelam contu-  
lerunt. hæc possum omnia uere dicere. sed in hac causa  
coniectura nihil opus est. ipsos certoscio non negare, ad  
hæc bona Chrysogonum accessisse impulsu suo. Si eum,  
qui indicij partem acceperit: oculis cernetis: poteritis ne  
dubitare Iudices qui indicarit? qui sunt igitur in istis bo-  
nis quibus partem Chrysogonus dederit? duo Roscij. nū-  
quidnam præterea? nemo est Iudices. num ergo dubium  
est: quin ij obtulerint hanc prædam Chrysogono: qui ab  
eo partem prædæ tulerunt? Age nunc ex ipsius Chry-  
sogoni iudicio Rosciorum factum consideremus. Si nihil  
in ista pugna Roscij, quod operæpretium esset: fecerant:  
quam ob causam Chrysogono tantis præmijs donaban-  
tur? si nihil aliud fecerunt: nisi rem detulerunt: nonne  
satis fuit his gratias agi? deniq; ut perliberaliter agere-



PRO SEX. ROSCIO

tur: honoris aliquid haberi? cur tria prædia, tantæ pecuniæ, statim Capitori dantur? cur quæ reliqua sunt iste Roscius omnia cum Chrysogono communiter possidet? nonne perspicuum est Iudices: has manubias Roscius Chrysogonum re cognita concessisse? Venit in decem primis legatus in castra Capito. totam uitam, naturam, moresq; hominis ex ipsa legatione cognoscite. nisi intellexeritis Iudices nullum esse officium, nullum ius, tam sanctum, atq; integrum: quod non eiusce uis atq; perfidia uiolarit: et imminuerit: uirum optimum esse eum iudicatote. impedimento est quo minus de his rebus Sylla doceatur: cæterorum legatorum consilia, et uoluntatem Chrysogono enūciat: monet, ut provideat, ne palam res agatur: ostendit, si sublata sit uenditio bonorum: illum pecuniam grandem amissurum: sese capitis periculum aditurum: illum acueret: hos qui simul erant missi, fallere: illum identidem monere, ut cauere: hisce insidiosè spem falsam ostendere: cum illo contra hos inire consilia: horum consilia illi enunciare: cum illo partem suam depasci: hisce aliqua fretum hora semper omnis aditus ad Syllam intercludere. postremo isto hortatore, authore, intercessore ad Syllam legati non adierunt: istius fide, ac potius perfidia decepti, id quod ex ipsis cognoscere poteritis: si accusator uoluerit testimoniū eis denuntiare: pro re certa spem falsam domum retulerunt. In priuatis rebus si qui rem mandatam non modo malitiosius gessisset, sui quæstus aut commodi causa: uerum etiam negligentiū: eum maiores summum admisisse dedecus existimabant. itaq; mandati constitutum est iudicium, non minus turpe quàm furti. credo propterea: quod quibus in rebus ipsi interesse non possumus: in his operæ nostræ uicaria



fides amicorum supponitur. quam qui lædit: oppugnat  
 omnium commune præsidium: & quantum in ipso est,  
 disturbat uitæ societatem. non enim possumus omnia per  
 nos agere: alius in alia est re magis utilis. ideo amicitia  
 comparantur: ut commune commodum mutuis offici-  
 cys gubernetur. quid recipis mandatum? si aut neglectu-  
 rus? aut ad tuum commodum conuersurus es? cur mihi  
 te offers? ac meis commodis officio simulato officis, & ob-  
 stas? recede de medio: per alium transigam. suscipis onus  
 officij, quod te putas sustinere posse: quod minime uide-  
 tur graue ijs, qui minime ipsi leues sunt. ergo ideo tur-  
 pis hæc culpa est: quod duas res sanctissimas uiolat, a-  
 micitiam, & fidem. nam neq; mandat quisquam ferè,  
 nisi amico: neq; credit, nisi ei quem fidelem putat. perdi-  
 tissima est igitur hominis simul & amicitiam dissoluere:  
 & fallere eum, qui læsus non esset: nisi credidisset. Ita  
 ne est? in minimis rebus, qui mandatum neglexerit: tur-  
 pissimo iudicio condemnatur necesse est. in re tanta, cum  
 is, cui fama mortui, fortunæ uiui commendatæ sunt, atq;  
 concreditæ: ignominia mortuum affecerit: is inter hone-  
 stos homines, atq; adeo inter uiuos numerabitur? In mi-  
 nimis priuatisq; rebus etiam negligentia in crimen mæ-  
 dati iudiciumq; infamia reuocatur. propterea, quod si  
 recte fiat, illum negligere oporteat, qui mandauit: non  
 illum, qui mandatum receperit. In re tanta, quæ publi-  
 ce gesta atq; commissa sit: qui non negligentia priuatum  
 aliquod commodum læserit: sed perfidia, legationis ipsi-  
 us cerimoniam polluerit: maculâq; affecerit: quæ tan-  
 dem poena afficietur? aut quo iudicio damnabitur? si hæc  
 ei rem priuatim Sex. Roscius mandauisset, ut cum Chry-  
 sogono transigeret: atq; decaderet: inq; eam rem fidem



PRO SEX. ROSCIO

suam, siquid opus esse putaret, interponeret: ille, qui sese facturum recepisset: non ne si ex eo negotio tantulum in rem suam conuertisset: damnatus per arbitrum & rem restitueret: et honestatem oēm amitteret? Nūc non hanc ei rē Sex. Roscius mandauit: sed id quod multo grauius est: ipse Sex. Roscius cum fama, uita, bonisq; omnibus a decurionibus publice Roscio mandatus est: & ex eo Titus Roscius, non paulum nescio quid in rem suam conuertit: sed hunc funditus euertit bonis: ipse iria prædia sibi depactus est: uoluntatem decurionum ac municipū omnium tantidem quanti fidem suam fecit. Videte iā porro cætera Iudices: ut intelligatis fingi maleficium nullum posse: quo iste sese non contaminarit. In rebus minoribus socium fallere turpissimum est: æqueq; turpe: atq; illud de quo ante dixi: neq; iniuria: propterea, quod auxilium sibi se putat adiunxisse: qui cum altero rem communicauit. ad cuius igitur fidem confugiet? cum per eius fidem læditur, cui se commiserit? atqui ea sunt animaduertenda peccata maxime: quæ difficillime præcauentur. tecti esse ad alienos possumus. intimi multa aperta: ra uideant necesse est. socium uero cauere qui possumus? quem etiam si metuimus: ius officij lædimus. recte igitur maiores, eum qui socium fefellisset: in uirorum bonorū numero nō putarunt haberi oportere. At uero T. Roscius non unum rei pecuniariæ socium fefellit (quod tam etsi graue est: tamen aliquo modo posse ferri uidetur) uerum nouem homines honestissimos eiusdem muneris, legationis, officij, mandatorumq; socios, induxit: decepit, destituit: aduersarijs tradidit: omni fraude, & perfidia fefellit: qui de eius scelere suspicari nihil potuerunt: socium officij metuere non debuerunt: eius maliciam non



uiderunt: orationi uanæ crediderunt. itaq; nunc illi ho-  
 mines honestissim, propter istius insidias parum putan-  
 tur cauti, providiq; fuisse. iste qui initio proditor fuit: de-  
 inde perfuga: qui primo sociorū consilia aduersarijs enū-  
 ciavit: deinde societatem cum ipsis aduersarijs coijt: ter-  
 ret etiā nos, ac minatur, tribus prædijs, hoc est præmijs  
 sceleris ornatus. In eiusmodi uita Iudices, in his tot tan-  
 tisq; flagitijs, hoc quoq; maleficium, de quo iudicium est,  
 reperiētis. Etenim quærere ita debetis: ubi multa aua-  
 re, multa audacter, multa improbe, multa perfidiose fa-  
 cta uidetis: ibi scelus quoq; latere, inter illa tot flagitia  
 putatote. tametsi hoc quidem minime lateret: quod ita prom-  
 ptum & propositum est: ut non ex illis maleficijs, quæ  
 in illo constant esse: hoc intelligatur: uerum ex hoc,  
 etiam si quod de illorum forte dubitabitur: conuincatur.  
 quid tandem quæso Iudices num aut ille lanista omni-  
 no iam a gladiatore cessisse uidetur? aut is discipulus  
 magistro tantulum de arte concedere? par est auaricia,  
 similis improbitas, eadem impudentia, gemina auda-  
 cia. Etenim quoniam fidem magistri cognostis: cognos-  
 cite nunc discipuli æquitatem. Dixi iam antea sæpenu-  
 mero, postulatos esse ab istis duos seruos in quæstionem: tu  
 semper T. Rosci recusasti. quæro abs te: y ne, qui po-  
 stulabant: indigni erant qui impetrarent? an iste non  
 commouebat: pro quo postulabant? an res ipsa tibi ini-  
 qua uidebatur? postulabant homines nobilissimi, atq; in-  
 tegerrimi nostræ ciuitatis: quos iam antea nominavi: q-  
 uia ita uixerunt: talesq; a populo R. putantur: ut quicquid  
 dicerent, nemo esset, qui non æquum putaret. postula-  
 bant autem pro homine miserrimo, atq; infelicissimo: qui  
 uel ipse sese in cruciatum dari cuperet: dum de patris



PRO SEX. ROSCIO

morte quaeretur. res porro abs te eiusmodi postulaba-  
tur: ut nihil interesset, utrum eam rem recusares: an de  
maleficio confiterere: quæ cum ita sint: quaero abs te  
quam ob causam recusaris? cum occiditur Sex. Roscius:  
ibidem fuerunt. seruos ipsos, quod ad me attinet, neq; ar-  
guo neq; purgo. quod a uobis oppugnari uideo: ne in  
quaestionem dentur: suspiciosum est. quod uero apud uos-  
ipsos in honore tanto sunt: profecto necesse est sciant ali-  
quid: quod si dixerint: perniciosum uobis futurum sit. In  
dominos quaeri de seruis iniquum est. at ne quaeritur?  
Sex. enim Roscius reus est. neq; enim cum de hoc quaeri-  
tur: uos dominos esse diatis. Cum Chrysogono sunt. ita  
credo: literis eorum, & urbanitate Chrysogonus duci-  
tur: ut inter suos omnium deliciarum atq; omniū artū  
pueros ex tot elegātissimis famulys lectos, uelit hos uer-  
sari homines penē operarios ex amerina disciplina pa-  
tris familie rustici. non est ita profecto Iudices: non est  
uerisimile: ut Chrysogonus horū literas adamarit, aut  
humanitatem: non, ut rei familiaris negotio diligentia  
cognorit eorum, et fidem. est quiddam quod occultatur:  
quod quo studiosius ab ipsis opprimitur: et absconditur:  
eo magis eminet: & apparet. quid igitur? Chrysogo-  
nus sui malefici occultandi causa quaestionem de his ha-  
beri non uult? minime Iudices. non in omnis arbitror  
omnia conuenire. ego in Chrysogono, quod ad me atti-  
net, nihil eiusmodi suspicor: neq; hoc mihi nunc primum  
in mentem uenit dicere. meministis me ita distribuisse ini-  
tio causam: in crimen: cuius tota argumentatio permixta  
Erucio est: & in audaciam: cuius partes Roscius imposi-  
tae sunt. quicquid malefici, sceleris, cædis erit: propriū  
id Rosciorum esse debet. nimiam gratiam, potentiāq;



Chryfogoni dicimus, & nobis obflare: & perferri nullo modo posse: et a uobis, quoniam potestas data est: non modo infirmari, uerum etiam uindictari oportere. Ego sic existimo: qui quæri uelit ex ijs, quos constat cum cædes facta sit, affuisse: eum cupere uerum inuenire. qui rectus set, eum profecto tametsi uerbo nō audeat: tamen re ipsa de maleficio suo confiteri. Dixi initio Iudices: nolle me plura de istorum scelere dicere: quam causa postularet: ac necessitas ipsa cogeret. nam & multæ res afferri possunt: & unaquæq; earum multis cum argumentis dici potest. uerum ego quod inuitus, ac necessario facio, neq; diu, neq; diligeret facere possum: quæ præteriri nullo modo poterant: ea leuiter Iudices attigi. quæ posita sunt in suspicionibus: de quibus si cœpero dicere, pluribus uerbis sit differendum: ea uestris ingenuis coniecturæq; committo.

Venio nunc ad illud nomen aureum Chryfogoni: sub quo nomine tota societas statuitur: de quo Iudices neq; quomodo dicam: neq; quomodo taceam reperire possum. si enim taceo: uel maximam partem re linquo. sin autem dico: uereor ne non ille solus (id quod ad me nihil attinet) sed alij quoq; plures læsos se esse putent. tametsi ita res se habet: ut mihi in communem causam sectorum dicendū nihil magnopere uideatur. hæc enim causa noua profecto & singularis est: bonorum Sex. Roscij emptorem Chrysozorum. Primum hoc uideamus eius hominis bona qua ratione uenierunt: aut quomodo uenire potuerunt. atq; hoc non ita quæram Iudices: ut id dicam: esse indignum hominis innocentis bona uenisse. si enim hæc audientur: ac libere dicentur: non fuit tantus homo Sex. Roscius in ciuitate: ut de eo potissimum cōqueramur. uerum ego hoc quæro: qui potuerunt



# PRO SEX. ROSCIO

ista ipsa lege, quæ de proscriptione est: siue Valeria est: siue Cornelia: non enim noui: nec scio: uerum ista ipsa lege bona Sex. Roscij uenire qui potuerunt? scriptum enim ita dicunt esse: ut eorum bona ueneant: qui proscripti sunt. quo in numero Sex. Roscius non est. aut eorum, qui in aduersariorum præsidys occisi sunt. dum præsidia ulla fuerunt: in Syllæ præsidys fuit. postea quâ ab armis recesserunt: in summo ocio rediens à coena Romæ occisus est. si lege: bona quoq; lege uenisse fateor. sin autem constat, contra omnis non modo ueteris leges, uerum etiam nouas occisum esse: bona quo iure, aut quomodo, aut qua lege uenierint, quæro. In quem hoc dicâ quæris Eruci? non in eum quem uis: Et putas. nam Syllam Et oratio mea ab initio, Et ipsius eximia uirtus omni tempore purgauit. ego hæc omnia Chrysogonum fecisse dico: ut ementiretur: ut malum ciuem Roscium fuisse fingeret: ut eum apud aduersarios occisum esse diceret: ut hisce rebus à legatis Amerinorum doceri L. Syllam passus non sit. deniq; etiam illud suspicor: omnino hæc bona non uenisse: id quod postea, si per uos Iudices licitum erit: aperietur. Opinor enim esse in lege quâ ad diem proscriptiones uenditionesq; fiant: nimirum Cal. Iunias. Aliquot post menses Et homo occisus est: Et bona uenisse dicuntur. profecto aut hæc bona in tabulas publicas nullas redierunt: nosq; ab isto nebulone facilius eludimur: quàm putamus. aut si redierunt: tabulæ publicæ corruptæ aliqua ratione sunt. nam lege quidem bona uenire non potuisse constat. intelligo me ante tempus Iudices hæc scrutari: Et propemodum errare: qui cum capiti Sex. Roscij mederi debeam: reduuiam curem. nō enim laborat de pecunia: non ullius rationem sui com-



modi ducit: facile egestatem suam se laturum putat: si hac indigna suspitione, & ficto crimine liberatus sit. uerum quaeso à uobis Iudices: ut hæc pauca quæ restant: ita audiat: ut partim me dicere pro meipso putetis: partim pro Sex. Roscio. quæ enim mihi ipsi indigna, & intolerabilia uidentur: quæq; ad omnis, nisi prouidemus, arbitror pertinere: ea pro meipso, & animi mei sensu, ac dolore pronuncio. quæ ad huius uitæ casum, causamq; pertineant: & quid hic pro se dici uelit: & qua conditione contentus sit: iam in extrema oratione nostra Iudices audietis. ego hæc à Chrysogono mea sponte remoto Sex. Roscio quaero: primum quare ciuis optimi bona uenerint? deinde quare hominis eius, qui neq; apud aduersarios occisus est: bona uenerint: cum in eos solos lex scripta sit? deinde quare aliquanto post eam diem uenerint: quæ dies lege præfinita est? deinde cur tantulo uenerint? quæ omnia, si quemadmodum solent liberti nequam, & improbi facere: in patronum suum uoluerit conferre: nihil egerit. nemo est enim qui nesciat: propter magnitudinem rerum multa multos, partim imprudente L. Sylla commisisse. Placet igitur in his rebus aliquid imprudentia præteriri? non placet Iudices: sed necesse est. etenim si Iupiter Optimus Maximus, cuius nutu & arbitrio coelum, terra, mari aq; reguntur: sæpe uentis uehementioribus, aut immoderatis tempestatibus, aut nimio calore, aut intolerabili frigore hominibus nocuit: urbes deleuit: fruges perdidit: quorum nihil perniciæ causa diuino consilio, sed ui ipsa, & magnitudine rerum factum putamus. at contra, commoda, quibus utimur: lucemq; qua fruimur: spiritumq; quem ducimus: ab eo nobis dari atq; impartiri uidemus. quid miramur L. Syl-



PRO SEX. ROSCIO

lam, cum solus Remp. regeret: orbemq; terrarum guber-  
naret: imperijq; maiestatem, quam armis receperat: le-  
gibus confirmaret: aliqua animadvertere non potuisse?  
nisi hoc mirum est: quod uis diuina assequi non possit: si  
id mens humana adepta non sit. Verum ut hæc missa  
faciam: quæ iam facta sunt: ex ijs quæ nunc maxime fi-  
unt, non ne quiuis potest intelligere: omnium architectum,  
et machinatorem unum esse Chrysogonum: qui Sex.  
Rosciij nomen deferendum curauit: hoc iudicium, cuius  
honoris causa accusare se dixit Erucius -

desunt non pauca.

- aptam, et ratione dispositam se habere existimant: qui  
in Sallentinis aut in Brutijs habent: unde uix ter in an-  
no audire nuncium possunt. alter tibi descendit de pala-  
tio, et ædibus suis. habet animi causa rus amœnum, et  
suburbanum: plura præterea prædia: neq; tamen ullum  
nisi præclarum, et propinquum. domus referta uasis Co-  
rinthijs et Deliacis: in quibus est Anthepsa illa: quam  
tanto precio nuper mercatus est: ut qui prætercuntes  
precium enumerare audiebant, fundum uenire ar-  
bitrarentur. quid præterea coelati argenti? quid stra-  
gulæ uestis? quid pictarum tabularum? quid signorum? quid mar-  
moris apud illum putatis esse? tantum scilicet: quantum è mul-  
tis splendidisq; familijs, in turba et rapinis coacernat-  
ri una in



ri una in domo potuit. familiam uero quantam, et quam  
 uarijs cum artificijs habeat, quid ego dicam? multo ha-  
 scē artis uulgares, coquos, pistores, leſticarios: animi &  
 aurium cauſa tot homines habet: ut quotidiano cantu uo-  
 cum, & neruorum, & tibiārum, nocturnisq; conuiuijs  
 tota uicinitas perſonet. in hac uita Iudices quos ſumptus  
 quotidianos, quas effuſiones fieri putatis? quæ uero con-  
 uiuijs? honeſta credo in eiufmodi domo: ſi domus hæc ha-  
 benda eſt potius, quam officina nequitie, & diuerſorij  
 flagitiorum omnium. ipſe uero quemadmodum compo-  
 ſito, & delibuto capillo paſſim perſorum uolitet, cum ma-  
 gna caterua togatorum uidetis Iudices. etiam uidetis Iu-  
 dices: ut omnes deſpiciat: ut hominem præ ſe neminem pu-  
 tet: ut ſe ſolum beatum, ſolum potentem putet. quæ uero  
 efficiat, & quæ conetur, ſi uelim commemorare: uereor  
 Iudices, ne quis imperitior exiſtimet, me cauſam nobilita-  
 tis uictoriamq; uoliſſe lædere. tameſi meo iure poſſum,  
 ſiquid in hac parte mihi non placeat. uituperare. non  
 enim uereor ne quis alienum me animum habuiſſe à cau-  
 ſa nobilitatis exiſtimet. ſciunt ij, qui me norunt: me pro  
 illa tenui infirmaq; parte, poſteaquam id quod maxime  
 uolui, fieri non potuit: ut componeretur: id maxime deſen-  
 diſſe: ut ij uincerent: qui uicerunt. quis enim erat: qui nõ  
 uideret, humilitatem cum dignitate de amplitudine con-  
 tendere? quo in certamine perdit ciuis erat: non ſe ad eos  
 iungere: quibus incolumibus, & domi dignitas, & fo-  
 ris authoritas retineretur. quæ perfecta eſſe, & ſuum  
 cuiq; honorem & gradum redditum, gaudeo Iudices:  
 uehementerq; lætor. eaq; omnia deorũ uoluntate, ſtudio  
 populi romani, conſilio, et imperio, & felicitate L. ſyllæ  
 geſta eſſe intelligo. quod animaduerſum eſt in eos: qui con-

f



# PRO SEX. ROSCIO

tra omni ratione pugnarunt: non debco reprehendere.  
 quod uiris fortibus, quorum opera eximia in rebus ge-  
 rendis extitit: honos habitus est: laudo. quæ ut fierent: ic-  
 circo pugnatum esse arbitror: meq; in eo studio partium  
 fuisse confiteor. sin autem id actum est: & iacito ar-  
 ma sumpta sunt: ut homines postremi, pecunijs alienis lo-  
 cupletarentur: & in fortunas uniuscuiusq; impetum  
 facerent: & id non modo re prohibere non licet: sed ne  
 uerbis quidem uituperare: tum uero in isto bello non re-  
 creatus, neq; restitutus, sed subactus, oppressusq; populus  
 romanus est. uerū longe aliter est: nihil horū est Iudices:  
 nō modo non lædetur causa nobilitatis: si istis hominibus  
 resistetis: uerum etiam ornabitur. etenim qui hæc uitupe-  
 rare uolunt: Chrysogonum tantum posse queruntur. q  
 laudare uolunt: concessum ei non esse commemorant. ac  
 iam nihil est quod quisquam aut tam stultus, aut tam im-  
 probus sit: qui dicat: uellem quidem liceret: hoc dixissem.  
 dicis licet. hoc fecissem. facias licet: nemo prohibet. hoc de-  
 creuissem. decerne: modo recte: omnes approbabit.  
 hoc iudicissem. laudabunt omnes: si recte & ordine in *ordini*  
 dicaris. dum necesse erat: resq; ipsa cogebat: unus o-  
 mnia poterat. qui postea quā magistratus creauit: legesq;  
 constituit: sua cuiq; procuratio, authoritasq; est restituta.  
 quam si retinere uolunt ij: qui receperunt: in perpetuū  
 poterunt obtinere. sin has cædes, & rapinas, & hos tan-  
 tos, tamq; profusos sumptus aut facient: aut approba-  
 bunt: nolo in eos grauius quicquam, ne hominis qui-  
 dem causa dicere. unum hoc dico: nostri isti nobiles,  
 nisi uigilantes, & boni, & fortes, & misericordes erunt:  
 ijs hominibus, in quibus hæc erunt: ornamenta sua con-  
 cedāt necesse est. qua propter desinant aliquando dicere:



male aliquem locutum esse: si quis uere ac libere locutus sit: desinant suam causam cum Chrysogono communicare: desinant, si ille laesus sit: de se aliquid detractum arbitrari: uideant ne turpe, miserumq; sit: eos qui equestre splendorem pati non potuerunt: serui nequissimi dominationem ferre posse. quæ quidem dominatio Iudices in alijs rebus antea uersabatur. nunc uero quam uiam muniter: quod iter affectet: uidetis: ad fidem, ad iusiurandum, ad iudicia uestra, ad id, quod solum prope in ciuitate sincerum, sanctumq; restat. Hic ne etiam sese putat aliquid posse Chrysogonus? hic etiã potens esse uult? O rem miseram atq; acerbam. neq; mehercules hoc indigne fero: quod uerear: ne quid possit. uerum quod ausus est: quod sperauit sese apud tales uiros aliquid ad perniciem posse innocentis: id ipsum queror. ideo ne experrecta nobilitas armis atq; ferro Rempublicam recuperauit? ut ad libidinem suam liberti seruuliq; nobilium, bona, fortunas uestras, nostrasq; uexare possent? si id actum est: fateor me errasse: qui hoc maluerim: fateor insanisse: qui cum illis senserim. tametsi inermis Iudices sensi. sin autem uictoria nobilium ornamento, atq; emolumento Reip. populoq; romano debet esse: tum uero optimo, et nobilissimo cuiq; mea orationem gratissimam esse oportet. quod si quis est: qui, et se, et causam lædi putet: cum Chrysogonus uituperetur: is causam ignorat: seipsum prope non nouit. causa enim splendidior fiet: si nequissimo cuiq; resistetur. ille improbissimus Chrysogoni fautor, qui sibi cum illo ratione communicatam putat: læditur: cum ab hoc splendore causæ separatur. uerum hæc omnis oratio (ut iam ante dixi) mea est: quam uenti Resp. et dolor meus, et istorum iniuria coegit. Sed Roscius ho-

f ij



# PRO SEX. ROSCIO

rum nihil indignum putat: neminem accusat: nihil de suo patrimonio queritur: putat homo imperitus morū, agricola, et rusticus, ista omnia, quæ uos per Syllā gesta esse dicitis: more, lege, iure gentium, facta. culpa liberatus, et crimine nefario solutus, cupit à uobis discedere. si hac indigna suspitione careat: animo æquo se cære suis omnibus commodis dicit. rogat: oratq; te Chrysongone: si nihil de patris fortunis amplissimis in suam rem conuertit: si nulla in re te fraudauit: si tibi optima fide sua omnia concessit: adnumerauit: appendit: si uestitum, quo ipse tectus erat: annulumq; dedit: os suum tibi tradidit: si ex omnibus rebus seipsum nudum, neq; præterea quicquam excepit: ut sibi per te liceat innocenti amicorum opibus uitam in egestate degere. prædia mea tu possides: ego aliena misericordia uiuo. concedo: et quod animus æquus est: et quia necesse est. mea domus tibi pater: mihi clausa est. fero. familia mea maxima ueris: ego seruum habeo nullum. patior: et ferendum puto. quid uis amplius? quid insequeris? quid oppugnas? quia in re tuam uoluntatem lædi à me putas? ubi tuis commodis officio? quid tibi obsto? si spoliolorum causa uis hominem occidere: spoliasti. quid quæris amplius? si inimicitiarū: quæ sunt tibi inimicitiae cum eo: cuius antea prædia possedisti: quàm ipsum cognosti? sin metuis: ab eo ne aliquid metuis? quem uides ipsum ab sese tam atrocem iniuriam propulsare non posse? sin quod bona, quæ Roscij fuerunt: tua facta sunt: itarco hunc illius filium studes perdere: nonne ostendis id te uereri? quod præter ceteros tu metuere non debeas: ne quando liberis proscriptorum bona patria reddantur. facis iniuriam Chrysongone: si maiorem spem emptionis tuæ, in huius exitio po-



nis: quàm in his rebus quas L. Sylla gessit. quod si tibi  
 causa nulla est cur hunc miserum tanta calamitate af-  
 fici uelis: si tibi omnia sua præter animam tradidit: nec  
 sibi quicquam paternum, ne monumenti quidem causa  
 reſeruauit: per deos immortales quæ ista tanta crudeli-  
 tas est? quæ tam fera immanisq; natura? quis unquam  
 prædo fuit tam nefarius? quis pirata tam barbarus?  
 ut cum integram prædam sine sanguine habere posset:  
 cruenta spolia detrahere mallet? scis hunc nihil habere:  
 nihil audere: nihil posse: nihil unquam contra rem tuâ  
 cogitaſſe: Et tamen oppugnas eum: quem neq; metuere  
 potes: neq; odiſſe debes: nec quicquam habere iam reli-  
 qui uides: quod ei detrahere possis. nisi hoc indignum  
 putas: quod uſtitum ſedere in iudicio uides: quæ tu è pa-  
 trimonio tanquam è naufragio nudum expuliſti. quaſi  
 uero neſcias hunc Et ali Et uſtiri à Cealia Balearis  
 filia, Nepotis ſorore, ſpectatiſſima fœmina: quæ cum pa-  
 trem clariffimum, ampliffimos patruos, ornatiffimum  
 fratrem haberet: tamen, cum eſſet mulier: uirtute perfe-  
 cit: ut quanto honore ipſa ex illorum dignitate afficeretur:  
 non minora illis ornamenta ex ſua laude redderet.  
 an quod diligenter defenditur: id tibi indignum faciunt  
 uidetur? mihi crede: ſi pro patris eius hoſpitij, et gratia  
 uellent omnes huius hoſpites aſſeſſe: Et auderent libere  
 defendere: ſatis copioſe defenderetur. ſin autem pro ma-  
 gnitudine iniuriæ, proq; eo, quod ſumma Reip. in huius  
 periculo tentatur: hæc omnes uindicarent: conſiſtere me-  
 hercule uobis iſto in loco non liceret. nunc ita defendi-  
 tur: non ſanè ut moleſte ferre aduerſarij debeant: neq;  
 ut ſe potentia ſuperari putent. quæ domi gerenda ſunt:  
 ea per Cealiam tranſiguntur. fori iudicijq; rationem

f ij



PRO Q. ROSCIO

Messala, ut uidetis Iudices, suscepit. qui si iam satis æta-  
tis atq; roboris haberet: ipse pro Sex. Roscio diceret. quo-  
niam ad dicendum impedimento est ætas, & pudor, qui  
ornat ætatem: causam mihi tradidit: quem sua causa ca-  
pere, ac debere intelligebat. ipse assiduitate, consilio, au-  
thoritate, diligentia perfecit: ut Sex. Roscij uita erepta  
de manibus sectorum, sententijs iudicium permittere-  
tur. nimirum Iudices pro hac nobilitate pars maxima  
ciuitatis in armis fuit: hæc acta res est: uti nobiles resti-  
tuerentur in ciuitatem: qui hoc facerent: quod facere Mes-  
salam uidetis: qui caput innocentis defenderent: qui in-  
iuriæ resisterent: qui quantum possent in salute alterius,  
quam in exitio mallent ostendere. quod si omnes qui eo-  
dem loco nati sunt: facerent: & Resp. ex illis, & ipsi ex  
inuidia minus laborarent. uerum si à Chrysogono Iu-  
dices non impetramus: ut pecunia nostra contentus sit:  
uitam ne petat: si ille adduci non potest: ut cum ademe-  
rit nobis omnia: quæ nostra erant propria: ne lucem  
quoq; hanc, quæ communis est: eripere cupiat: si non satis  
habet auariciam suam pecunia explere: nisi etiam cru-  
delitate sanguinis præditus sit: unum perfugium Iudi-  
ces, una spes reliqua est Sex. Roscio, eademq; Reipubli-  
cæ: uestra pristina bonitas, & misericordia. quæ si ma-  
ner: salui etiam nunc esse possumus. sin ea crudelitas,  
quæ hoc tempore in Rep. uersata est: uestros quoq; ani-  
mos (id quod fieri profecto non potest) duriores, acerbio-  
resq; reddidit: actum est Iudices: inter ferās satius est æta-  
tem degere: quàm in hac tanta immanitate uersari. ad  
eam ne rem uos reseruati estis? ad eam ne rem delecti?  
ut eos condemnaretis: quos sectores, ac sicarij ingulare nō  
potuissent? solent hoc boni imperatores facere: cum præ



lium committunt: ut in eo loco, quo fugam hostium fore arbitrentur: milites collocent: in quos, si qui ex acie fugerint: de improviso incidant. nimirum similiter arbitrantur isti bonorum emptores, uos hic tales uiros sedere: qui excipiat eos: qui de suis manibus effugerint. dū prohibeant Iudices: ut hoc, quod maiores consilium publicum uocari uoluerunt: praesidium sectorum existimetur. an uero Iudices uos non intelligitis? nihil aliud agi: nisi ut proscriptorum liberi quauis ratione tollantur: et eius rei initium in uestro iureiurando, atque in Sex. Roscij periculo quaeri? dubium est ad quem maleficium pertineat? cum uideatis ex altera parte sectorem, inimicum, si uarium, eundemque accusatorem, hoc tempore: ex altera parte egentem, probatum suis filium: in quo non modo culpa nulla, sed ne suspicio quidem potuit consistere. nunquid hic aliud uidetis obstare Roscio? nisi quod patris bona uenerunt? quod si id uos suscipitis: et eadem in re operam uestram profitemini: si ita sedetis: ut ad uos adducantur eorum liberi, quorum bona uenerunt: caute per deos immortales Iudices: ne noua, et multo crudelior per uos proscriptio instaurata esse uideatur. illam priorem, quae facta est in eos, qui arma capere potuerunt: tamen senatus suscipere noluit: nequid acrius quam more maiorum comparatum, publico consilio factum uideretur. hanc uero quae ad eorum liberos, atque infantum puerorum incunabula pertinet: nisi hoc iudicio a uobis reijcitis: et aspernamini: uidete per deos immortales, quem in locum Remperuenturam putetis. homines sapientes, et ista auctoritate, et potestate praeditos, quia uos estis, ex quibus rebus maxime Respublica laborat, ijs maxime mederi conuenit.

f iij



PRO SEX. ROSCIO

uestrū nemo est: quin intelligat populū romanū, q̄ quon-  
dā in hostes lenissimū existimabatur: hoc tēpore domesti-  
ca crudelitate laborare. hanc tollite ex ciuitate Iudices:  
hanc pati nolite diutius in hac Rep. uersari: quæ non  
modo id habet in se mali: quod tot ciues atrocissime su-  
stulit: uerum etiam hominibus lenissimis ademit miseri-  
cordiam consuetudine incommodorum. nam cum omni-  
bus horis aliquid atrociter fieri uidemus: aut audimus:  
etiam, qui natura mitissimū sumus, assiduitate mole-  
starum sensum omnem humanitatis ex animis amit-  
timus.

Desit fortasse quippiam.



## PRO Q. ROSCIO COMOEDO.

## ORATIO III.

*Multa, quæ defunt, quærenda. ubi.*

—malitiam naturæ crederetur. is scilicet uir optimus, et singulari fide præditus, in suo iudicio suis tabulis testibus uti conatur. solent ferè dicere q per tabulas homines citi pecuniam expensam tulerunt: ego ne talem uirum corrumpere potui? ut mea causa falsum in codicem referret? expecto quam mox Cherea hac oratione utatur: ego ne hanc manum plenam perfidiæ, & hos digitos meos impellere potui: ut falsum perscriberem nomen? quod si ille suas proferet tabulas: proferet suas quoq; Roscius. erit in illius tabulis hoc nomen. at huius non erit. cur potius illius, quàm huius crederetur? scripsisset ille: si non iussu huius expensum tulisset? non scripsisset hic, quod sibi expensum ferre iussisset? nam quemadmodum turpe est scribere, quod non debeatur: sic improbum est non referre, quod debeas. æque enim tabulæ cõdemnantur eius, qui uerum non retulit: & eius, qui falsum perscripsit. sed ego copia & facultate causæ confisus uide quo progrediar. si tabulas C. Fannius acceperit, & expensi proferat suas, in suam rem, suo arbitratu scri-



PRO Q. ROSCIO

ptas: quo minus secundum illum indicetis, non recuso.  
 quis hoc frater fratri, quis parens filio tribuit? ut quod-  
 cunq; retulisset: id ratum haberet? ratum habebit Rosci-  
 us. profer. quod tibi fuerit persuasum: huic erit persua-  
 sum: quod tibi fuerit probatum: huic erit probatum. pau-  
 lo ante M. Perpenna P. Saturi tabulas poscebamus. nūc  
 tuas C. Fannij Chereæ solius flagitamus: & quominus  
 secundum eas lis detur, non recusamus. quid ita non  
 profers? non conficit tabulas? immo diligentissime. nō re-  
 fert parua nomina in codices? immo omnis summas. le-  
 ue, & tenue hoc nomen HS CCCLIII sunt? quomo-  
 do tibi tanta pecunia extraordinaria iacet? quomodo  
 HS CCCLIII in codice accepti, et expensi non sunt?  
 pro' dij immortales, esse ne quenquam tanta audacia  
 præditum? qui quod nomen referre in tabulas timeat: id  
 petere audeat? quod in codicē iniuratus referre noluit:  
 id iurare in litem non dubitet? quod sibi probare non  
 possit: id persuadere alteri conetur? nimium cito ait me  
 indignari de tabulis: non habere se hoc nomen in codi-  
 ce accepti, & expensi relatum confitetur: sed in aduersa-  
 rijs patere contendit. usq; eo ne te diligis? & magnifice  
 circumspectis? ut pecuniā non ex tuis tabulis, sed aduersa-  
 rijs petas? suū codicem testis loco recitare arrogantia est.  
 suarum proscriptionum, et liturarum aduersaria pro-  
 ferre non amentia est? quod si eandem vim, diligentia-  
 am, auctoritatemq; habent aduersaria, quam tabulae:  
 quid attinet codicem instituere? conscribere? ordinem con-  
 seruare? memoriæ tradere literarum uetustatem? sed si  
 quod aduersarijs nihil credimus: iacirco codicem scri-  
 bere instituimus: quod etiam apud omnis leue, & infir-  
 mum est: id apud iudicem graue & sanctum esse du-



ætur? quid est, quod negligenter scribamus aduersaria?  
quid est quod diligenter conficiamus tabulas? qua de cau-  
sa? quia hæc sunt menstrua: illæ sunt æternæ: hæc dele-  
tur statim: illæ seruantur sancte: hæc parui temporis me-  
moriæ, illæ perpetuæ existimationis fidem, & religio-  
nem amplectuntur: hæc sunt deiecta: illæ in ordinem  
confectæ. itaq; aduersaria in iudicium protulit nemo:  
codicem protulit: tabulas recitauit. tu C. Piso tali fide,  
uirtute, grauitate, authoritate ornatus, ex aduersarijs pe-  
cuniam petere non auderes. Ego quæ clara sunt consue-  
tudinē, diuitius dicere non debeo. illud uero, quod ad rē  
uehementer pertinet, quæro: quā pridem hoc nomen  
Fanni in aduersaria retulisti? erubescit: quid respōdeat,  
nescit: quid fingat ex templo, non habet. sunt duo men-  
ses iam dices. tamen in codicem acceptum, & expensum  
esse debuit. amplius sunt sex menses. cur tam diu iacet  
hoc nomen in aduersarijs? quid si tandem amplius tri-  
ennium est? quomodo, cum omnes qui tabulas conficiāt,  
menstruas penē rationes in tabulas transferant: tu hoc  
nomen triennium amplius in aduersarijs iacere pate-  
ris? utrum cætera nomina in codicem accepti, & expē-  
si digesta habes? an non? si non: quomodo tabulas confi-  
as? si etiam: quamobrem cum cætera nomina in ordinē  
referebas: hoc nomen triennio amplius, quod erat in prī-  
mis magnum: in aduersarijs relinquebas? nolebas sci-  
ri debere tibi Roscium. cur scribebas? rogatus eras, ne  
referres. cur in aduersarijs scriptum habebas? sed hæc  
quanquam firma esse uideo: tamen ipse mihi satisfacere  
non possum: nisi à C. Fannio ipso testimonium sumo:  
hanc pecuniam ei nō deberi. magnum est: quod conor:  
difficile est: quod polliceor. nisi eundem et aduersarium



PRO Q. ROSCIO

et testem habuerit Roscius: nolo uincat. pecunia tibi debebatur certa: quæ nunc petitur per iudicem: in qua legitime partis sponsio facta est. hic tu si amplius HS nūmo petisti: quam tibi debitum est: causam perdidisti: propterea quod aliud est iudicium: aliud est arbitrium. iudicium est pecuniæ certæ: arbitrium incertæ. ad iudiciū hoc modo uenimus: ut totam litem aut obtineamus: aut amittamus. ad arbitrium hoc animo adimus: ut neq; nihil, neq; tantum quantum postulauimus, consequamur. Eius rei ipsa uerba formulæ testimonio sunt. quid est in iudicio? directum, asperū, simplex. si peteret HS LIII dari: hic nisi planum facit HS LIII ad libellam sibi deberi: causam perdit. quid est in arbitrio? mite, moderatum, quanto æquius & melius, id clarius: ille tamē confitetur, plus se petere: quam debeat. sed satis superq; habere dicit: quod sibi ab arbitro tribuatur. itaq; alter causæ confidit: alter diffidit. Quæ cū ita sint: quæro abs te: qd ita de hac pecunia, de his ipsis HS LIII, de tuarum tabularum fide, compromissum feceris: arbitrium sumpseris: quanto æquius & melius sit dari re-promittiq; si peteres. Quis in hanc rem fuit arbiter? utinam is quidē romæ esset. romæ est. iam utinam adesset in iudicio. adest. utinam sederet in consilio C. Pisonis. ipse C. Piso est. eundem ne tu arbitrum & iudicem sumebas? eidem & infinitam largitionem remittebas? et eundem in angustissimam formulam sponsionis concludebas? quis unquam ad arbitrum quantum petit tantum abstulit? nemo. quantum enim æquius esset sibi dari petit. de quo nomine ad arbitrum adisti: de eo ad iudicem uenisti. cæteri cum ad iudicem causam labefacta: ri anima duertunt: ad arbitrum confugiunt. hic ab ar-

bino a  
nia, de ta  
pecunia  
fecit: ad  
cum tabu  
se dicit: p  
petere poss  
tempore q  
Hic ego si  
mea, satis  
foni, satis  
sami iudici  
ta parte s  
dicit, aut ex  
Favus con  
ni confirm  
ante dicit: q  
curia leuiss  
& iudex  
sumare: qu  
atio e a q  
em uirum  
eulam omni  
ria, omnia  
sunt: perinde  
na: hec erit  
nem: illa pro  
ne exstima  
ni a Roscio:  
nbi ex soci  
promissa sit



bitro ad iudicem uenire est ausus. qui cum de hac pecunia, de tabularum fide arbitrum sumpsit: iudicauit sibi pecuniam non deberi. Iam duæ partes causæ sunt confectæ: adulterasse sese negat: expensum tulisse non dicit: cum tabulas non recitat. reliquum est ut stipulatum se esse dicat. præterea enim quemadmodum certam pecuniâ petere possit, non reperio. stipulatus es? ubi? quo die? quo tempore? quo præsentem? quis spondidisse me dicit. nemo. Hic ego si finem faciam dicendi: satis fidei et diligentiae meæ, satis causæ, et controuersiae, satis formulæ, et sponcioni, satis etiam iudici fecisse uidear: cur secundum Roscium iudicari debeat. pecunia petita est certa: cum tertia parte sponsio facta est. hæc pecunia necesse est, aut data, aut expensa lata, aut stipulata sit. datam non esse, Fannius confitetur: expensam latam non esse, codices Fannij confirmant: stipulatam non esse, taciturnitas testium concedit. quid ergo est? quod et res eius est: cuius et pecunia leuissima, et existimatio sanctissima fuit semper: et iudex est is: quem nos non minus bene de nobis existimare: quam secundum nos iudicare uelimus: et aduocatio ea est: quam propter eximium splendorem, ut iudicem unum uereri debeamus: perinde ac si in hanc formulam omnia iudicia legitima, omnia arbitria honoraria, omnia officia domestica, conclusa et comprehensa sint: perinde dicemus. illa superior fuit oratio necessaria: hæc erit uoluntaria. illa ad iudicem: hæc ad C. Pisonem. illa pro reo: hæc pro Roscio. illa uictoriæ: hæc bonæ existimationis causa comparata. Pecuniam petis Fanni à Roscio: quam? dic audacter, et aperte: utrum quæ tibi ex societate debeatur? an quæ ex liberalitate huius promissa sit, et ostentata? quorum alterum est grauius,



PRO Q. ROSCIO

Et odiosius: alterum leuius, Et facilius. Quæ ex societa-  
te debeatur? quid ais? hoc iam nec leuiter ferendum est:  
neq; negligenter defendendum. si qua enim sunt priuata  
iudicia summæ existimationis, et penè dicam capitis: tria  
hæc sunt: fiducia, tutela, societatis: æque enim perfidio-  
sum, Et nefarium est, fidem frangere: quæ continet uitâ:  
Et pupillum fraudare: qui in tutelam peruenit: Et so-  
cium fallere: qui se in negotio coniunxit. Quæ cum ita  
sint: qui sit, qui socium fraudarit Et sefellerit, considere-  
mus. dabit enim nobis iam tacite uita acta, in alterutrâ  
partem firmum, Et graue testimonium. Quintus Ro-  
scius? quid ais? non'ne ut ignis in aquam coniectus con-  
tinuo restinguitur: Et refrigeratur: sic referuens falsum  
crimen in purissimam et castissimam uitam collatum sta-  
tim concidit: et extinguitur? Roscius socium fraudauit: po-  
test hoc homini huic hæcere peccatum? qui medijs fidijs  
(audacter dico) plus fidei quàm artis, plus ueritatis, q̃  
disciplinæ possidet in se: quem populus Ro. meliorem ui-  
rum, quàm histrionem esse arbitratur: qui ita dignissi-  
mus est scena, propter artificium: ut dignissimus sit cu-  
ria, propter abstinentiam. sed quid ego ineptus de Roscio  
apud Pisonem dico? ignotum hominem scilicet pluribus  
uerbis commendo. est ne quisquam omnium mortalium:  
de quo melius existimes tu? est ne quisquam: qui tibi pu-  
rior, pudentior, humanior, officiosior, liberaliorq; uide-  
tur? quid tu Saturi, qui contra hunc uenis: existimas  
aliter? non'ne quotienscunq; in causa in nomen huius  
incidisti: totiens hunc et uirum bonum esse dixisti: et honoris  
causa appellasti? quod nemo nisi aut honestissimo, aut ami-  
cissimo facere consuevit. quæ in re mihi ridicule es uisus  
esse inconstans: qui eundem et laderes, Et laudares: et ui-



rum optimum, et hominem improbissimum esse diceret. eundem tu et honoris causa appellabas: et uirum primum esse dicebas: et socrum fraudasse arguebas. sed, ut opinor, laudem ueritati tribuebas: crimen gratiae concedebas: de hoc ut existimabas, praedicabas: Chereae arbitrati causam agebas. fraudauit Roscius. est hoc quidem auribus, animusque hominum absurdum. quid si tandem aliquem timidum, dementem, diuitem, inertem, nactus esset: qui experiri non posset? tamen incredibile esset. ueruntamen quem fraudarit uideamus. C. Fannium Cheream Roscius fraudauit. oro, atque obsecro, uos, qui nostis: uitam inter se utriusque conferte: qui non nostis: faciem utriusque considerate. nonne ipsum caput, et supercilia illa penitus abrasa olere maliciam, et clamitare calliditatem uidentur? non ab imis unguibus usque ad uerticem summum, si quam coniecturam affert hominibus tacita corporis figura: ex fraude, fallacijs, mendacijs, constare totus uidetur? qui igitur capite, et supercilijs semper est rasis: ne ullum pilum uiri boni habere dicatur. cuius personam praeclare Roscius in scena tractare consuevit. neque tamen pro beneficio ei par gratia refertur. nam ballionem illum improbissimum, et peruirossimum lenonem cum agit: agit Cheream. persona illa lutulenta, impura, inuisa, in huius moribus, natura, uitaque est expressa. qui quamobrem Roscium similem sui in fraude, et malicia existimarit: nihil uidetur: nisi forte, quod praeclare hunc imitari se in persona lenonis animaduertit. Quamobrem etiam atque etiam considera C. Piso, quis quem fraudasse dicatur. Roscius Fannium? quid est hoc? probus improbum, pudens impudentem, periurum castus, callidum imperitus, libera-



PRO Q. ROSCIO

lis auidum. incredibile est. quemadmodum si Fannius Roscium fraudasse diceretur: utrumq; ex utriusq; persona uerisimile uideretur: & Fannium per maliciã fecisse: & Roscium per imprudentiam deceptum esse: sic cum Roscius Fannium fraudasse arguatur: utrumq; incredibile est: & Roscium quicquam per auaritiã appetisse: & Fannium quicquam per se bonitate amisisse. principia sunt huiusmodi. spectemus reliqua. HS  
 LIII Q. Roscius fraudauit Fannium. qua de causa? subridet Saturius ueterator, ut sibi uidetur. ait propter ipsa HS LIII. uideo: sed tamen cur ipsa HS LIII tã uehementer concupierit quæro. Nam tibi M. Perpenna, C. Piso certe tanti non fuisset: ut socium fraudaretis. Roscio cur tanti fuerit: causam requiro. egebat? immo locuples erat. debebat? immo in suis summis uersabatur. auarus erat? immo etiã antequam locuples, semper liberalissimus, munificentissimusq; fuit. pro deũ hominũq; fidẽ: qui HS CCCLIII. CCCLIII. CCCLIII quæstus facere noluit: nã certe HS CCCLIII. CCCLIII. CCCLIII merere et potuit, et debuit: si potest dionysia HS CCCLIII. CCCLIII merere: is per summam fraudem, et maliciã, et perfidiã HS LIII appetit? & illa fuit pecunia immanis: hæc paruula. illa honesta: hæc sordida. illa iucunda: hæc acerba. illa propria: hæc in causa, & in iudicio collocata. Decem his annis proximis HS sexagies honestissime consequi potuit. noluit: laborem quæstus recepit: quæstum laboris reiecit: populo Ro. adhuc seruire non destitit: sibi seruire iam pridem destitit. hoc tu unquam Fanni faceres? sed si hos quæstus recipere posses: non eodem tempore & gestum, & animam ageres? dic nunc te ab Roscio HS  
 LIII circumscriptum



LIII circumscriptum esse: qui tantas, et tā infinitas peccatias non propter inertiam laboris, sed propter magnificentiam liberalitatis repudiavit. quid ego nunc illa dicam: quae vobis in mentem venire certo scio? fraudabat te in societate Roscius. sunt iura: sunt formulae de omnibus rebus constitutae: nequis aut in genere iniuriae, aut ratione actionis errare possit. expressae sunt enim ex uniuscuiusque dāno, dolore, incommodo, calamitate, iniuria, publicae a Praetore formulae: ad quas privata lis accommodatur. quae cum ita sint: cur non arbitrum pro socio adegeris? Roscium quaero. formulam non noras? notissima erat iudicio graui experiri nolebas? quid ita? propter familiaritatem ueterem? cur ergo laedis? propter integritatem hominis? cur igitur insinulas? propter aegritudinem criminis? ita ne uero? quem per arbitrum circumuenire non posses: cuius de ea re proprium non erat iudicium: nunc per iudicem condemnabis: cuius de re nullum est arbitrium? quin tu hoc crimen aut obijce: ubi licet agere: aut tacere noli: ubi nō oportet. tamen si iā hoc tuo testimonio crimen sublatum est. nam quo tu tempore illa formula uti noluisti: nihil hunc in societate fraudis fecisse.

\*

-in ditionem tabulas ha-

bet an non? si non habet: quemadmodum pactio est? si habet: cur non nominas? dic nunc Roscium abs te petisse ut familiarem suum sumeres arbitrum. non petijt. dic pactionem fecisse ut absolueretur. non pepigit. quare quare sit absolutus? quod erat summa innocentia, et integritate. quid enim factum est? uenisti domum ultro Roscij: satisfacisti: quod temere commisisti, in iudicium ut denunciaret: rogasti ut ignosceret: te affuturum



PRO Q. ROSCIO

negasti: debere tibi ex societate nihil, clamitasti iudici. hic denuntiavit: absolutus est. tamen fraudis ac furti mentionem facere audes? perstat in impudētia: pactionem enī inquit mecum fecerat. iacirco uidelicet ne condemnaretur? quid erat causae, cur metueret ne condemnaretur? res erat manifesta: furtum erat apertum. cuius rei furtum factum erat? exorditur magna cum expectatione ueteris histrionis exponere societatem. Panurgus inquit fuit Fannij. is fuit ei cum Roscio communis. hic primum quaestus est non leuiter Satrius: communem factum esse gratis cum Roscio: qui precio proprius fuisset Fannij. largitus est scilicet homo liberalis, et dissolutus, et bonitate affluens Fannius Roscio? sic puto. quoniam ille hic constitit paulisper: mihi quoque necesse est paulum commorari. Panurgum tu Satrii proprium Fannij dici fuisse. at ego totum Roscij fuisse contendo. quid erat enim Fannij? corpus. quid Roscij? disciplina. facies non erat, ars erat preciosa. ex qua parte erat Fannij: non erat HS LIII. ex qua parte erat Roscij: amplius erat HS CCCLIII. nemo enim illum ex trunco corporis spectabat: sed ex artificio Comico aestimabat. nam illa mēbra merere per se non amplius poterant duodecim aris: disciplina quae erat ab hoc tradita: locabat se non minus HS CCCLIII. O' societatem captiosam et indignam: ubi alter HS LIII, alter CCCLIII quod sit, in societatem affert. nisi iacirco moleste pateris: quod HS LIII tu ex arca proferebas: HS CCC LIII ex disciplina, et artificio Roscius promebat. quam enim rem, et expectationem, quod studium, et quem fauorem secum in scenam attulit Panurgus? quod Roscij fuit discipulus: qui diligebant hunc: illi faue-



bant: qui admirabantur hunc: illum probabant: qui  
deniq; huius nomen audierant: illum eruditum et per-  
fectum existimabant. sic est vulgus: ex ueritate pauca,  
ex opinione multa aestimat. quid sciret ille: per pauci ani-  
maduertebant: ubi didicisset: omnes querebant. nihil ab  
hoc prauum, & peruersum produci posse arbitra-  
bantur. si ueniret ab Statilio: tametsi artificio Roscium supera-  
ret: aspicere nemo posset. nemo enim sicut ex improbo pa-  
tre probum filium nasci: sic ex pessimo histrione bonum  
Comædum fieri posse existimaret. quia ueniebat à Roscio:  
plus etiam scire, quàm sciebat, uidebatur. quod item nus-  
quam in Erote Comædo usu uenit. qui postea quàm è sce-  
na non modo sibilis, sed etiam conuicio explodebatur:  
sicut in aram confugit in huius domum, disciplinam, pa-  
trocinium, nomen. itaq; per breui tempore, qui ne in no-  
uissimis quidem erat histrionibus: ad primos peruenit  
Comædos. quæ res extulit eum? una commendatio huius.  
qui tamen Panurgum illum, non solum ut Roscii disci-  
pulus fuisse diceretur: domum recepit: sed etiam summo  
cum labore, stomacho, miseri atq; erudit. Iam quo quisq;  
est solertior, & ingeniosior: hoc docet iracundius, et la-  
boriosius. quod enim ipse celeriter arripuit: id cum tar-  
de percipi uidet: scrutatur. Paulo longius oratio mea  
prouecta est hac de causa: ut conditionem societatis dili-  
genter cognosceretis. quæ deinde sunt consecuta? Panur-  
gum inquit hunc seruum communem Q. Flauius Tar-  
quinienus quidam interfecit. in hanc rem inquit me co-  
gnitorem dedisti: lite contestata, iudicio damni iniuria con-  
stituto, tu sine me cum Flauio decidisti. utrum pro diu-  
dia parte? an pro tota? planius dic. utrum pro me? an  
& pro me, & pro te? pro me? potui: exemplo multorum



PRO Q. ROSCIO

licitum est: iure fecerunt multi: nihil in ea re tibi iniuriæ  
feci: pete tutuum: exige: et aufer, quod debetur: suā quisq;  
partem iuris possideat: & persequatur. at enim tu tuum  
negocium gessisti bene. gere & tu tuum bene. magno  
tuam dimidiam partem decidisti. magno & tu tuam  
partem decide. HS CCCLIII tu abstulisti. si sit hoc  
uero: HS CCCLIII tu quoq; aufer. sed hanc decisio-  
nem Roscij, oratione & opinione augere licet: re & ue-  
ritate mediocrem, et tenuem esse inuenietis. accepit eni-  
a grum temporibus ijs: cum iacerent prædia prædiorum.  
qui ager neq; ullam habuit: neq; ex ulla parte fuit cul-  
tus. qui nunc multo pluris est: quam tunc fuit. neq; id est  
mirum: tum enim propter Reip. calamitates omnium pos-  
sessiones erant incertæ: nunc deum immortalium be-  
nignitate, omnium fortunæ sunt certæ. tum erat ager in-  
cultus sine tecto: nunc est cultissimus cum optima uilla.  
ueruntamen, quoniam natura tam maliuolus es: nun-  
quam ista te molestia, & cura liberabo. præclare su-  
um negocium gessit Roscius: fundum fructuosissimum  
abstulit. quid ad te? tuam partem dimidiam quemad-  
modum uis decide. uertit hic rationem: et id quod pro-  
bare non potest: fingere conatur. de tota re inquit deci-  
disti. ergo huc uniuersa causa deducitur: utrum Roscius  
cum Flauio de sua parte, an de tota societate fecerit pa-  
rtionem. nam ego Roscium siquid communi nomine teti-  
git: confiteor præstare debere societati. Societatis non su-  
as lites redemit: cum fundum à Flauio accepit. quid ita  
satis non dedit amplius à se neminem petiturum? qui de  
sua parte decidit: reliquis integrā relinquit actionem.  
qui pro socijs transigit: satis dat neminem eorum postea  
petiturum. quid ita Flauio sibi cauere non uenit in men-





tem? nesciebat uidelicet Panurgum fuisse in societate? sciebat. nesciebat Fannium Roscio esse socium? praeclare. nam iste cum eo litem contestatam habebat. cur igitur decedit? & non restipulatur, neminem amplius petiturum? cur de fundo decedit? & iudicio non absoluitur? cur tam imperite facit? ut nec Roscium stipulatione alliget? neq; à Fannio iudicio se absoluat? Est hoc primum & ex conditione iuris: & ex consuetudine cautionis grauissimum, & firmissimum argumentum. quod ego pluribus uerbis amplecterer: si non alia certiora, & clariora testimonia in causa haberem. & ne forte me hoc frustra pollicitum esse praedices: te, te inquā Fanni ab tuis subellijs contra te testem suscitabo. criminatio tua quæ est? Roscium cum Flauio pro societate decidisse. quo tempore? ab hinc annis XV. defensio mea quæ est? Roscium pro sua parte cum Flauio transegisse. reponitis tu ab hinc triennium Roscio. quid? recita istam restipulationem clarius. attende quæso Piso: Fannium inuitum, & huc, atq; illuc tergiversantem testimonium contra se dicere cogo. quid enim restipulatio clamat? QVOD A FLAVIO ABSTVLERO, PARTEM DIMIDIAM INDE ROSCIO ME SOLVTVRVM SPONDEO. tua uox est Fanni. quid tu auferre potes à Flauio: si Flauius nihil debet? quid? hic porro nunc restipulatur: quod iā pridē ipse exegit? qd uero Flauius tibi daturus est: q Roscio omne quod debuit dissoluit? cur in re tā ueteri, in negotio tam confecto, in societate dissoluta, noua hæc restipulatio interponitur? quis est huius restipulationis scriptor? testis? arbiter? quis? tu Piso. tu enim Q. Roscium pro opera, labore, quod cogitor fuisset: quod nadimania obisset: rogasti ut Fan-



PRO Q. ROSCIO

nio daret HS CCCLIII hac conditione: ut siquid ille  
exegisset a' Flauio: partem eius dimidiam Roscio dissol  
ueret. satis ne ista stipulatio dicere tibi uidetur aperte Ro  
scium pro se decidisse? etenim forsitan hoc tibi ueniat  
in mentem: repromisisse Fannio Roscium: siquid a' Fla  
uio exegisset: eius partem dimidiam se domino exegisse.  
nihil. quid? tu non exitum exactionis: sed initium re  
promissionis spectare debes: neq; si ille persequendum:  
non quod in se fuit: iudicauit Roscium suas non societa  
tis lites redemisse. quid si tandem planum facio post de  
cisionem ueterem Rosci, post repromissionem recentem  
hanc Fannij, HS CCCLIII Fannium a' Q. Fla  
uio Panurgi nomine abstulisse? tamen diutius illudere  
uiri optimi existimationi Q. Rosci audebit? paulo an  
te querebam: id quod uehementer ad rem pertinebat:  
qua de causa Flauius cum de tota lite faceret pactionem:  
neq; satis acciperet a' Roscio: neq; iudicio absolueretur a'  
Fannio. nunc uero (id quod mirum & incredibile  
est) requiro: quamobrem cum de tota re decidisset cum  
Roscio: HS CCC LIII separatim Fannio dissoluit: hoc  
loco Saturi quid pares respondere, scire cupio. utrum o  
mnino Fannium a' Flauio HS CCCLIII non ab  
stulisse? an alio nomine, & alia de causa abstulisse? si  
alia de causa: quæ ratio tibi cum eo intercesserat? nulla.  
addictus erat tibi? non. frustra tempus contero. omnino  
inquit HS CCCLIII a' Flauio nō abstulit, neq; Panur  
gi nomine, neq; cuiusquā: si planum facio post hanc recen  
tem stipulationem Rosci, HS CCCLIII a' Flauio  
te abstulisse: nunquid causare: quin ab iudicio abeas  
turpissime uictus? quo teste igitur hoc planum faciam?  
uenerat, ut opinor, hæc res in iudicium? certe. quis erat



petitor? Fannius. quis reus? Flavius. quis iudex? Clu-  
uius. ex his unus mihi testis est producendus: qui pecu-  
niam datam dicat. quis est ex his grauiissimus? sine con-  
trouersia, qui omnium iudicio comprobatus est: iudex.  
quem igitur ex his tribus a me testem spectabis? petito-  
rem? Fannius est. contra se nunquam testimonium di-  
cet. reum? Flavius est. is iam pridem est mortuus. si ui-  
ueret, uerba eius audiretis. Iudicem? Cluius est. quid  
is dicit? HS CCCLIII Panurgi nomine Flauium  
Fannio dissoluisse. quem tu si ex censu spectas: Eques Ro-  
est: si ex uita: homo clarissimus est: si ex te: iudicem sum-  
psisti: si ex ueritate: id quod scire potuit. & debuit: di-  
xit. nega, nega nunc, equiti romano, homini honesto,  
iudici tuo, credi oportere. circumspicit: aestuat: negat nos  
Cluij testimonium recitatuos. recitabimus. erras: ina-  
ni & tenui spe te consolaris. recita testimonium T. Ma-  
nilij, & C. Lusciy Ocreæ duorum Senatorum homi-  
num ornatissimoru: qui ex Cluuiio audierunt. utrum di-  
cis Luscio & Manilio, an & Cluuiio non esse creden-  
dum? planius, atq; apertius dicam. utrum Luscius &  
Manilius nihil de HS CCCLIII ex Cluuiio au-  
dierunt? an Cluius falsum Luscio, & Manilio di-  
xit? hoc ego loco, soluto, & quieto sum animo: & quor-  
sum recidat responsum tuum non magnopere laboro. fir-  
missimus enim, & sanctissimus testimonijs uirorum op-  
timorum causa Rosciy communita est. si iam tibi deli-  
beratum est: quibus abroges fidem iusiurandi: responde.  
Manilio, & Luscio negas esse credendum? dic. aude. est  
tuæ contumaciæ, arrogantiae, uitæq; uniuersæ uox. quid  
expectas, quàm mox ego Luscium & Manilium dicam  
ordine esse senatores, ætate grandes natu, natura san-



PRO Q. ROSCIO

Etos, & religiosos, copijs rei familiaris locupletes, et pecu-  
niosos? non faciam. nihil mihi detrahā: cum illis exactae  
aetatis seuerissime fructum, quem meruerunt, retribuā.  
magis mea adolescentia indiget illorum bona existima-  
tione: quam illorum seuerissima senectus desiderat meā  
laudem. Tibi uero Piso diu deliberandum, & conco-  
quendum est: utrum potius Cherea iniurato in sua li-  
te, an Manilio et Luscio iuratis in alieno iudicio credas.  
Reliquum est ut Cluuiū falsum dixisse Luscio, et Manilio  
cōtendat. quod si facit: qua impudētia est? eum ne testem  
improbabit: quem iudicem probarit? ei negabit credi  
oportere: cui ipse crediderit? eius testis ad iudicem fidē  
infirmabit: cuius propter fidem, & religionem iudicis  
testes comparabat? quem ego si ferrem iudicem, & fugere  
non deberet: cum testem producā: reprehendere au-  
debit? dixit enim inquit iniuratus Luscio, & Manilio.  
si diceret iuratus: crederes? at quid interest inter per-  
iurum, & mendacem? qui mentiri solet: peierare consue-  
uit. quem ego ut mentiatur inducere possum: ut peieret  
exorare facile potero. nam qui semel a ueritate defle-  
xit: hic non maiore religione ad periurium, quam ad  
mendacium perducī consuevit. quis enim deprecatione  
deorum, non conscientiae fide commouetur? propterea,  
quae poena ab dijs immortalibus periuro, haec eadem me-  
daci constituta est. non enim ex pactioe uerborum, qui-  
bus iusiurandum comprehenditur: sed ex perfidia, &  
malicia, per quam insidiae tenduntur alicui: dij immor-  
tales hominibus irasci, & succensere consuerunt. At ego  
hoc ex contrario contendo. leuior esset autoritas Clu-  
uij: si diceret iuratus: quam nunc est: cum dicat iniura-  
tus. tum enim forsitan improbis nimis cupidus uidere-



tur: qui qua de re iudex fuisset: testis esset. nunc omnibus inimicus necesse est castissimus, & constantissimus esse uideatur: qui id quod scit: familiaribus suis dicit. dic nunc si potes: si res, si causa patitur: Clunium esse mentitum. mentitus est Clunius? Ipsa mihi ueritas manum iniecit: & paulisper consistere, & commorari cogit: unde hoc totum ductum & conflatum mendacium est. Roscius est uidelicet homo callidus, & uersutus: hoc initio cogitare coepit. quoniam Fannius a me petit HS LIII: petam a C. Clunio equite romano, ornatissimo homine, ut in ea causa mentiatur: dicat decisionem factam esse: quæ facta non est: HS CCCLIII a Flauio data esse Fannio: quæ data non sunt. Est hoc principium improbi animi, miseri ingenij, nullius consilij. quid deinde? postea quod se præclare confirmauit: uenit ad Clunium: quem hominem? leuem? imo grauissimum. mobilem? imo constantissimum. familiarem? imo alienissimum. hunc postea quod salutauit: rogare coepit blande, et conanne scilicet: mentire mea causa: uiris optimus, tuis familiaribus præsentibus, dic Flauium cum Fannio de Panurgo decidisse: quod nihil transiit: dic HS CCCLIII dedisse: quod assem nullum dedit. quod ille respondit? ego uero cupide, et libenter mentiar tua causa: & si quando me uis peierare: ut paululum tu compendij facias: paratum fore scito. non fuit causa: cur tantum laborem caperes: & ad me uenires. per nuntium hoc, quod erat tam leue, transigere potuisti. Prodeum hominumque fidem: hoc aut Roscius unquam a Clunio petisset: si HS nullies in iudicium haberet: aut Clunius Roscio petenti concessisset: si uniuersæ prædæ particeps esset? uix mediusfidius tu Fanni a Ballione, aut aliquo eius simili hoc expostulare auderes: & im-



PRO Q. ROSCIO

petrare posses. quod cum est ueritate falsum: tum ratio  
ne quoque est incredibile. obliuiscor enim Roscium, &  
Clunium uiros esse primarios: improbos, temporis cau-  
sa, esse fingo. falsum subornauit testem Roscius Cluni-  
um. cur tam sero? cur cum altera pensio soluenda es-  
set? non tum cum prima? nam iam antea HS LIII  
dissoluerat. deinde, si iam persuasum erat Clunio ut  
mentiretur: cur potius HS CCCLIII, quam CCC  
LIII CCCLIII CCCLIII data dixit Fannio a'  
Flauio? cum ex restipulatione pars eius dimidia Ro-  
scij esset. Iam intelligis C. Piso sibi soli, societati nihil  
Rosciū petisse. Hoc cum sentit Saturius esse apertum: resi-  
stere, & repugnare contra ueritatem non audet: aliud  
fraudis, & insidiarum in eodem uestigio diuerticulum  
reperit. petisse inquam suam partem Roscium a' Fla-  
uio confiteor: uacuum, & integram reliquisse Fannij  
concedo. sed quod sibi exegit, id commune societatis fa-  
ctum esse contendo. quo nihil captiosius, neque indignius  
potest dici. quæro enim: potuerit ne Roscius ex societate  
suam partem petere: nec ne? si non potuit: quemadmo-  
dum abstulit? si potuit: quemadmodum non sibi exegit?  
nam quod sibi petitur: certe alteri non exigitur. an ita  
est? si quid uniuersæ societatis fuisset: petisset: quod cum  
reductum esset: æqualiter omnes partirentur. nun-  
quid petierit: quod suæ partis esset? nunquid cum ab-  
stulit, soli sibi exegit? quid interest, inter eum qui per  
se litigat: & qui cognitorem dat? qui per se litem con-  
testatur: sibi soli petit. alteri nemo potest: nisi qui cogni-  
tor est factus. Ita ne uero? cognitor si fuisset tuus: quod  
uicisset iudicio, ferres tuum. suo nomine petijt. quod ab-  
stulit, sibi, non tibi exegit. Quod si quisquam petere po-



test alteri, qui cognitor non est factus: quæro quid ita,  
cum Panurgus esset interfectus: & lis contestata cum  
Flauio damni iniuria esset: tu in eam litem cognitor Ro-  
scij sis factus? cum præsertim ex tua oratione, quod-  
cunq; tibi peteres: huic peteres: quodcunq; tibi exigeres:  
id in societatem recideret. quod si ad Roscium nihil per-  
ueniret: quod tu a Flauio abstulisses: nisi te in suam li-  
tem dedisset cognitorem: ad te peruenire nihil debet: quod  
Roscius pro sua parte exegit: quoniam tuus cognitor nõ  
est factus. quid enim huic rei respondere poteris Fan-  
ni? cum de sua parte Roscius transiit cum Flauio: actio-  
nem tibi tuam reliquit an non? si non reliquit: quem-  
admodum HS CCCLIII ab eo postea exegisti? si  
reliquit: quid ab hoc petis: quod per te persequi & pe-  
tere debes? Simillima enim, & maxime gemina socie-  
tas hereditatis est. quemadmodum socius in societate  
habet partem: sic hæres in hereditate habet partem.  
ut hæres sibi soli non cohæredibus petit: sic socius sibi  
soli non socijs petit: & quemadmodum uterq; pro sua  
parte petit: sic pro sua parte dissoluit: hæres ex sua  
parte, qua hereditatem adiit: socius ex ea, qua socie-  
tatem coijt. quemadmodum suam partem Roscius suo  
nomine condonare potuit Flauio: ut eam tu non pete-  
res: sic cum exegit suam partem: & tibi integram pe-  
titionem reliquit: tecum partiri non debet. nisi forte  
tu peruerso more quod huius est, ab alio extorquere nõ  
potes: huic eripere potes. perstat in sententia Saturius:  
quodcunq; sibi petat socius id societatis fieri. quod si ita  
est: quæ (malum) stulticia fuit Roscius, qui ex iuris peri-  
torum consilio & autoritate respularetur à Fannio  
diligenter: ut quod is exegisset a Flauio, dimidia par-



PRO Q. ROSCIO  
tem sibi dissolueret: siquidem sine cautione, et repromis-  
sione nihilo minus id Fannius societati, hoc est Roscio,  
debebat.

Desiderantur non pauci.

3. Desiderium ut an subito pariter p. hanc  
et nec /idem/



55  
ACCUSATIONIS IN C. VER-

REM LIBER PRIMVS:

QVI DIVINATIO

DICITVR. ORA

TIO IIII.

IQUIS uestrum Iudices, aut eorum,  
qui adsunt, forte miratur: me qui tot an-  
nos in causis, iudicijsq; publicis ita sim-  
uerfatus: ut defenderim multos: leserim  
neminem: subito nunc mutata uoluntate ad accusandum  
descendere: is si mei consilij causam, rationemq; cogno-  
uerit: una et id quod facio probabit: et in hac causa pro-  
fecto neminem mihi esse praeponendum actorem puta-  
bit. Cum quaestor in Sicilia fuisset Iudices: itaq; ex  
ea prouincia decessissem: ut siculis omnibus iucundam  
diuturnamq; memoriam quaesturae nominisq; mei re-  
linquerem: factum est: uti cum summum in ueteribus  
patronis multis, tum nonnullum etiam in me praesidium  
suis fortunis constitutum esse arbitrarentur. qui nunc po-  
pulati, atq; uexati, cuncti ad me publice saepe uenerunt:  
ut suarum fortunarum omnium causam, defensionemq;  
susceperem: me saepe esse pollicitum: saepe ostendisse dice-  
bant: si quod tempus accidisset: quo tempore aliquid a me  
requirerent: commodis eorum me non defuturum. ue-  
nisse tempus aiebant: non iam ut commoda sua, sed ut  
uitam salutemq; totius prouinciae defenderem: sese iam  
ne deos quidem in suis urbibus, ad quos confugerent: ha-  
bere: quod eorum simulacra sanctissima C. Verres ex



# IN VERREM

delubris religiosissimis sustulisset. quas res luxuries in  
 flagitijs, crudelitas in supplicijs, auaricia in rapinis, su-  
 perbia in contumelijs, efficere potuisset: eas omnes sese hoc  
 uno Praetore per triennium pertulisse. rogare, & ora-  
 re, ne illos supplices aspernaret: quos me incolumi nemi-  
 ni supplices esse oporteret. Tuli grauius, & acerbè Iu-  
 dices, in eum me locum adductum: ut aut eos homines  
 spes falleret: qui opem à me, atq; auxilium petissent: aut  
 ego, qui me ad defendendos homines ab ineunte adole-  
 scentia dedissem: tempore atq; officio coactus, ad accu-  
 sandum traducerer. dicebam habere eos actorem Q.  
 Cealium: qui praesertim quaestor in eadem prouincia  
 post me quaestorem fuisset. Quo ego adiumento spera-  
 bam hanc à me molestiam posse dimoueri: id mihi erat  
 aduersarium maxime. nam illi multo mihi hoc facilius  
 remisissent: si istum nò nossent: aut si iste apud eos qua-  
 stor non fuisset. Adductus sum Iudices officio, fide, mi-  
 sericordia, multorum bonorum exemplo, ueteri consue-  
 tudine, institutoq; maiorum: ut onus hoc laboris, atq; of-  
 ficij, non ex meo, sed ex meorum necessariorum tempo-  
 re mihi suscipiendum putarem. quo in negotio tamen il-  
 la me res Iudices consolatur: quod haec quæ uidetur esse  
 accusatio mea: non potius accusatio, quàm defensio est exi-  
 stimanda. defendo enim multos mortales, multas ciuita-  
 tes, prouinciam Siciliam totam. quamobrem si mihi unus  
 est accusandus: propemodum manere in instituto meo ui-  
 deor: & non omnino à defendendis hominibus, suble-  
 uandisq; discedere. quod si hanc causam tam idoneam,  
 tam illustrem, tam grauem non haberem: si aut hoc à  
 me Siculi non petissent: aut mihi cum Siculis causa tan-  
 tæ necessitudinis non intercederet: & hoc, quod facio,



Reip. causa facere profiterer: ut homo singulari cupiditate, audacia, scelere præditus, cuius furta, atq; flagitia non in Sialia solum, sed in Achaia, Asia, Cilicia, Pamphilia, Romæ deniq; ante oculos omnium, maxima, turpissimaq; nossemus: me agente in iudicium vocaretur: quis tandem esset: qui meum factum aut consilium posset reprehendere? Quid est, pro' deum hominumq; fidem: in quo ego Reip. plus hoc tempore prodesse possim? quid est: quod aut Populo Ro. gratius esse debeat: aut socijs exterisq; nationibus optatius esse possit? aut saluti fortunisq; omnium magis accommodatum sit? Populata, uexata, funditus eversæ provinciae, socij, stipendarij; Populi romani afflictj, miseri, iam non salutis spem, sed exitij solacium quaerunt. Qui iudicia manere apud ordinem Senatorium uolunt: queruntur, accusatores se idoneos non habere. Qui accusare possunt: iudiciorum seueritatem desiderant. Populus R. interea, tametsi multis incommodis difficultatibusq; affectus est: tamen nihil æque in Rep. atq; illam ueterem iudiciorum uim, grauitatemq; requirit. iudiciorum desiderio Tribunitia potestas efflagitata est. iudiciorum leuitate ordo quoq; alius ad res iudicandas postulatur. iudicium culpa atq; dedecore, etiã Censorium nomen, quod asperius antea populo uideri solebat: id nunc poscitur: id iam populare, atq; plausibile factum est. In hac libidine hominum nocentissimorum, in Populi Ro. quotidiana querimonia, iudiciorum infamia, totius ordinis offensione, cum hoc unum his tot incommodis remedium esse arbitrarer: ut homines idonei, atq; integri causam Reip. legumq; susciperent: fateor me salutis omnium causa, ad eam partem



# IN VERREM

accessisse Reip. subleuandæ, quæ maxime laboraret.  
Nunc quoniam quibus rebus adductus ad causam ac-  
cesserim demonstravi: dicendum necessario est de conten-  
tione nostrâ: ut in constituendo accusatore, quod sequi pos-  
sit: habeatis. Ego sic intelligo Iudices: cum de pecu-  
nijs repetundis nomen cuiuspiam deferatur: si certamen  
inter aliquos sit: cui potissimum delatio detur: hæc duo  
in primis spectari oportere: quem maxime uelint acto-  
rem esse u, quibus factæ esse dicantur iniuriæ: Et quem  
minime uelit is: qui eas iniurias fecisse arguatur. In hac  
causa Iudices tametsi utrumque esse arbitror perspicuum:  
tamen de utroque dicam: Et de eo prius, quod apud uos  
plurimum debet ualere: hoc est de uoluntate eorum: qui-  
bus iniuriæ factæ sunt: quorum causa iudicium de pe-  
cunijs repetundis est constitutum. Siciliam provinci-  
am C. Verres per triennium depopulatus esse: Siculo-  
rum ciuitates uastasse: domos exinanisse: fana spoliasse di-  
citur. adsunt: queruntur Siculi uniuersi: ad meam fidem,  
quam habent spectatam iam, Et diu cognitam: confu-  
gunt: auxilium sibi per me à uobis atque à Populi Ro-  
legibus petunt: me defensorem calamitatum suarum, me  
ultorem iniuriarum, me cognitorem iuris sui, me acto-  
rem causæ totius esse uoluerunt. Vtrum Q. Cecili hoc  
dices: me non Siculorum rogatu ad causam accedere?  
an optimorum fidelissimorumque sociorum uoluntatem  
apud hos grauem esse non oportere? si id audebis dicere:  
quod C. Verres, cui te inimicum esse simulas: maxime  
existimari uult: Siculos hoc à me non petisse: primum  
causam inimici tui subleuabis: de quo non præiudicium,  
sed plane iudiciū iam factum putatur: quod ita per-  
crebuit, Siculos omnes actorem suæ causæ contra illius  
iniurias



iniurias quæsisse. hoc si tu inimicus eius, factum negabis: quod ipse, cui maxime hæc res obstat: negare non audet: uideto ne nimium familiariter inimitias exercere uideare. deinde sunt testes uiri clarissimi nostræ ciuitatis: quos omnes à me nominari non est necesse. eos qui adsunt appellabo: quos, si mentirer, testes esse impudentiæ meæ minime uellem. scit is, qui est in consilio C. Marcellus: scit is, quem adesse uideo: Cn. Lentulus Marcellinus: quorum fide, atq; præsidio Siculi maxime utuntur: quod omnino Marcellorum nomini tota illa prouincia adiuncta est. hi sciunt hoc non modo à me petitum esse: sed ita sæpe, & ita uehementer esse petitum: ut aut causa mihi suscipienda fuerit: aut officium necessitudinis repudiandum. Sed quid ego his testibus utor? quasi res dubia aut obscura sit. adsunt homines ex tota prouincia nobilissimi: qui præsentibus uos orant: atq; obsecrant Iudices: ut in actore causæ suæ deligendo, uestrum iudicium à suo iudicio ne discrepet. omnium ciuitatum totius Siciliæ legationes adsunt: præter duas ciuitates: quarum duarum si adessent: duo crimina uel maxima minuerentur: quæ cum his ciuitatibus C. Verri communicata sunt. At enim cur à me potissimum hoc præsidium petierunt? si esset dubium, petissent à me præsidium, nec ne: dicerem cur petissent. nunc uero, cum id ita perspicuum sit: ut oculis iudicare possitis: nescio cur hoc mihi detrimento esse debeat: si id mihi obijciatur, me potissimum esse delectum. uerum id mihi non sumo Iudices: & hoc non modo in oratione mea non pono: sed ne in opinione quidem cuiusquam relinquo: me omnibus patronis esse præpositum. nõ ita est. sed uniuscuiusq; temporis, ualetudinis, facultatis ad agendum, du-



# IN VERREM

Et ratio est. mea fuit semper hæc in hac re uoluntas,  
 Et sententia: quemuis ut hoc mallent, de his qui essent  
 idonei, suscipere, quàm me: me ut mallent, quàm nemi-  
 nem. Reliquum est iam: ut illud quæramus cum hoc  
 constet, Siculos à me petisse: ecquid hanc rem apud uos,  
 animosq; uestros ualere oporteat: ecquid auctoritatis  
 apud uos in suo iure repetundo socij Populi Ro. sup-  
 plices uestri habere debeant. de quo quid ego plura  
 commemorem? quasi uero dubium sit: quin tota lex de  
 pecunijs repetundis sociorum causa constituta sit. nam ci-  
 uibus cum sunt ereptæ pecuniæ: civili ferè actione, et  
 priuato iure repetuntur. hæc lex socialis est: hoc ius na-  
 tionum exterarum est: hanc habent arcem munus ali-  
 quanto munitam nunc quidem quàm antea: uerum ta-  
 men, si qua reliqua spes est, quæ sociorum animos conso-  
 lari possit: ea tota in hac lege posita est. cuius legis non-  
 modo à Populo romano, sed etiam ab ultimis nationi-  
 bus iam pridem seueri custodes requiruntur. quis igr-  
 tur est: qui neget: oportere eorū arbitrata lege agi: quo-  
 rum causa lex sit constituta? Sicilia tota si una uoce lo-  
 queretur: hoc diceret: quod auri, quod argenti, quod or-  
 namentorum in meis urbibus, sedibus, delubris fuit:  
 quod in unaquaq; re beneficio Senatus Populiq; Ro. ius  
 ris habui: id mihi tu C. Verres eripuisti: atq; abstulisti.  
 quo nomine abs te sestertium millies ex lege repeto. si  
 uniuersa, ut dixi, provincia loqui posset: hac uoce utere-  
 tur. quoniam id non poterat: harum rerum actorem  
 quem idoneū esse arbitrata est: ipsa delegit. In huius-  
 modi re quisquam tam impudēs reperietur: qui ad alie-  
 nam causam inuitis ijs, quorum negotium est: accedere,  
 aut aspirare audeat? Si tibi Q. Cecili hoc Siculi dice-



rent: te non nouimus: nescimus quis sis: nunquam te ante uidimus: sine nos per eum nostras fortunas defendere: cuius fides est nobis cognita: nō ne id dicerent, quod cuius probare deberent: nunc hoc dicunt: utrūq; se nosse: alterum se cupere defensorem esse fortunarum suarum: alterum planē nolle. cur nolint: etiam si tacerēt: satis dicunt. uerum non tacent. tamen his inuitissimis te offeres? tamen in aliena causa loquere? tamen eos defendes? qui se ab omnibus desertos potius, quā abs te defensos esse malunt? tamen his operam tuam polliceberis? qui te neq; uelle suā causam, nec si cupias, posse arbitrantur. cur eorum spem exiguum reliquarum fortunarum, quam habent in legis et iudicii seueritate positam: ui extorquere conaris? cur te interponis inuitissimis his, quibus maxime lex consultum esse uult? cur de quibus in prouincia non optime es meritis: eos nunc planē fortunis omnibus conaris euertere? cur his non modo persequendi iuris sui, sed etiam deplorandae calamitatis adiutus potestatem? nam te actore quem eorum affuturum putas? quos intelligis non ut per te alium, sed ut per aliquem teipsum ulciscantur laborare? At enim solum id est: ut me Siculi maxime uelint: alterum illud credo obscurum est: à quo Verres minime se accusari uelit. Et quis unquam tam palam de honore: tam uehementer de salute sua contendit? quā ille, atq; illius amici, ut ne hæc mihi delatio detur? sunt multa: quæ Verres in me esse arbitratur: quæ scit in te. Cecili non esse: quæ cuiusmodi in utroq; nostrum sunt: paulo post commemorabo. nunc tantum id dicam: quod tacitus tu mihi assentire: nullam rem in me esse: quam ille contemnat: nullam in te: quam pertimescat. itaq; magnus ille defensor,

h y



# IN VERREM

Et amicus eius, tibi Hortensius suffragatur: me oppu-  
 gnat. aperte ab iudicibus petit: ut tu mihi antepone-  
 re. ait hoc se honeste, sine ulla inuidia, ac sine ulla of-  
 fensione contendere. non enim inquit illud peto: quod so-  
 leo, cum uehementius contendere: impetrare: reus ut absol-  
 uatur: non peto. sed ut ab hoc potius quam ab illo actu-  
 setur: id peto. da mihi hoc: concede, quod facile est: quod  
 honestum: quod non inuidiosum: quod cum dederis: si-  
 ne ullo tuo periculo, sine infamia illud dederis: ut is ab-  
 soluatur: cuius ego causa laboro. Et ait idem: ut aliquis  
 metus adiunctus sit ad gratiam: certos esse in consilio: qui-  
 bus ostendi tabellas uelit. id esse per facile. non enim sin-  
 gulos ferre sententias: sed uniuersos constituere. ceratam  
 unicuique tabellam dari cera legitima non illa infam ac  
 nefaria. Atque is non tam propter Verrem laborat: quam  
 quod eum minime res tota delectat. uidet enim si a pue-  
 ris nobilibus, quos adhuc elusit: si a quadruplatoribus,  
 quos non sine causa contempsit semper: ac pro nihilo pu-  
 tauit: accusandi uoluntas ad uiros fortes, spectatosque ho-  
 mines translata sit: se in iudicijs dominari non posse.  
 huic ego homini iam ante denuntio: si a me causam hac  
 uos agi uolueritis: rationem illi defendendi totam esse  
 mutandam: et ita tamen mutandam, ut meliore et ho-  
 nestiore conditione sit: quam qua ipse esse uult: ut imitetur  
 homines eos: quos ipse uidit amplissimos L. Crassum, et  
 M. Antonium: qui nihil se arbitrabantur ad iudicia, cau-  
 sasque amicorum, praeter fidem, et ingenium asferre  
 oportere. nihil erit: quod me agente arbitretur iudicium  
 sine magno multorum periculo posse corrumpi. Ego in  
 hoc iudicio mihi Siculorum causam receptam, Populi  
 Romani susceptam esse arbitror: ut mihi non unus homo im-



probus opprimendus sit id quod Siculi petiverunt sed  
 omnino improbitas id quod populus Ro. iam diu flagi-  
 tat: extinguenda, atq; delenda sit. in quo ego quid eni-  
 aut quid efficere possim: malo in aliorum spe relinque-  
 re: quam in oratione mea ponere. Tu uero Ceali quid  
 potes? quo tempore, aut qua in re, non modo specimen cæ-  
 teris aliquod dedisti? sed tute tui periculum fecisti? in mē-  
 tem tibi non uenit: quid negocij sit, causam publicam su-  
 finire? uitam alterius totam explicare? atq; eam non mo-  
 do in animis iudicium sed etiam in oculis, conspectuq;  
 omnium exponere? sociorum salutem, commoda provin-  
 ciarum, uim legum, grauitatem iudiciorum, defende-  
 re? cognosce ex me: quoniā hoc primum tempus discen-  
 di nactus es: quā multa esse oporteat in eo: qui alte-  
 rum acuset: ex quibus si unum aliquod in te cognou-  
 ueris: ego iam tibi ipse istuc, quod expetis: mea uolun-  
 tate concedam. primum integritatem, atq; innocentiam  
 singularem. nihil est enim quod minus ferendū sit: quā  
 rationem ab altero uitæ reposcere eum, qui non possit  
 suæ reddere. hic ego de te plura non dicam: unum illud  
 credo omnes animaduertere: & adhuc ab nullis nisi à  
 siculis potuisse cognosci: Siculos hoc dicere: cum eidem  
 sint irati: cui tute inimicum esse dicis: sese tamen te acto-  
 re adiudicium non affuturos. quare negent: ex me non  
 audies. hos patere id suspicari, quod necesse est. illi qui-  
 dem, ut est hominum genus nimis acutum, & suspicio-  
 sum: non te ex Sicilia literas in verrem deportare uel-  
 le arbitrantur: sed cum iisdem literis illius Prætura et  
 tua Quæstura consignata sit: asportare te uelle ex Sici-  
 lia literas suspicantur. deinde accusatorem firmum, ue-  
 rumq; esse oportet. eum ego si te putem capere esse: faci-



# IN VERREM

le intelligo esse non posse. Nec ea dico: quæ si dicam, ta-  
men infirmare non possis. te, antequam de Sicilia deces-  
seris: in gratiam redisse cum Verre: Potamonem scri-  
bam, & familiarē tuum retentum esse à Verre in pro-  
vincia: cum tu decederes: M. Ceciliū fratrem tuum le-  
tissimum, atq; ornatissimum adolescentem non modo  
non adesse: neq; tecum tuas iniurias persequi: sed esse cū  
Verre: cum illo familiarissime, atq; amicissime uiuere.  
Sunt hæc, & alia in te falsi accusatoris signa permul-  
ta: quibus ego nunc non utor. hoc dico: si te maxime cu-  
pias: tamen uerum accusatorem esse nō posse. uideo enim  
permulta esse crimina: quorum tibi societas cum Verre  
eiusmodi est: ut ea in accusando attingere non audeas.  
Queritur Sicilia tota C. Verrem ab aratoribus cum fru-  
mentum sibi in cellam imperauisset: & cum esset iriti-  
ci modius HS V: pro frumento in modios singulos duo-  
denos sestertios exegisse. magnum crimen: ingens pecu-  
nia: furtum impudens: iniuria non ferēda. ego hoc uno  
crimine illum condemnem necesse est. tu Cecili quid fa-  
cies? uirum hoc tantum crimen prætermittes? an obijcies?  
si obijcies: id ne alteri crimini dabis? quod eodem tempo-  
re in eadem provincia tu ipse fecisti? audebis ita accu-  
sare alterum? ut quo minus tute condemnere: recusare nō  
possis? si prætermittes: qualis erit ista tua accusatio? quæ  
domestici periculi metu, certissimi & maxim criminis  
non modo suspicionem, uerum etiam mentionem ipsam  
pertimescat. Emptum est ex S. C. frumentum ab Siciliis  
prætorē Verre: pro quo frumento pecunia omnis soluta  
non est. graue est hoc crimen in Verre: graue me agen-  
te: te accusante nullum. eras enim tu quæstor: pecuniam  
publicam tu tractabas. ex qua, etiam si cuperet prætor:



tamen ne qua deductio fieret: magna ex parte tua potestas erat. huius quoque igitur criminis te accusante mentio nulla fiet. silebitur toto iudicio de maximis, et notissimis illius furtis, et iniurijs. mihi crede Cecili non potest in accusando, socios uere defendere is, qui cum reo criminum societate coniunctus est. Mancipes à ciuitatibus pro frumento pecuniam exegerunt. quid? hoc Verre prætor factum est solum? non: sed etiam quaestore Cecilio. quid igitur? daturus es huic crimini, quod et potuisti prohibere ne fieret: et debuisti? an totum id relinques? ergo id omnino Verres in iudicio suo non audit: quod cum faciebat: quemadmodum defensorus esset: non reperiebat. Atque ego hæc quæ in medio posita sunt: commemoro. sunt alia magis occulta furtiva: quæ ille, ut istius credo animos, atque impetus retardaret: cum quaestore suo benignissime communicauit. hæc tu scis ad me esse delata: quæ si uelim proferre: facile omnes intelligent: uobis inter uos non modo uoluntatem fuisse coniunctam: sed ne prædam quidem adhuc esse diuisam. quapropter si tibi indicium postulas dari: quod tecum una fecerit: concedo: si id lege permittitur. sin autem de accusatione dicimus: concedas oportet is, qui nullo suo peccato impediuntur: quominus alterius peccata demonstrare possint. Ac uide quantum interfuturum sit inter meam, atque tuam accusationem. ego etiam quæ tu sine Verre commisisti: Verri crimini daturus sum: quod te non prohibuerit: cum summam ipse haberet potestatem. tu contra, ne quæ ille quidem fecit, obijcias: ne qua ex parte coniunctus cum eo reperiare. quid illa Cecili? contemnenda ne tibi uidentur esse? sine quibus causa sustineri, præsertim tanta, nullo modo potest. aliqua facul-

h iij



## IN VERREM

*Arrogantia:*  
 tas agendi: aliqua dicendi consuetudo: aliqua in foro, in  
 dicis, legibus, aut ratio, aut exercitatio. Intellego quam  
 scopuloso, difficiliq; in loco uerfer. nam cum omnis arro-  
 gantia odiosa est: tum illa ingenij, atq; eloquentiae multo  
 molestissima. quamobrem nihil dico de meo ingenio: neq;  
 est quod possim dicere: neq; si esset: dicerem. aut enim id  
 mihi satis est: quod est de me opinionis: quicquid est: aut si  
 id parum est: ego maius id commerando facere non pos-  
 sum. de te Ceali iam mehercule hoc extra hanc contentio-  
 nem certamenq; nostrum familiariter tecum loquar. tu  
 ipse quemadmodum existimes uide etiam, atq; etiam: Et  
 tu te collige: Et qui sis, Et quid facere possis, considera.  
 putas ne te posse de maximis, acerbissimisq; rebus, cum  
 causam sociorum fortunasq; provinciae, ius Populi Ro-  
 mani, grauitatem iudicij, legumq; suscepis: tot res, tam  
 graues, tam uarias, uoce, memoria, consilio, ingenio, susti-  
 nere? putas ne te posse, quae C. Verres in Quaestura, quae  
 in legatione, quae in Praetura, quae Romae, quae in Ita-  
 lia, quae in Achaia, Asia, Paphlagoniaq; patrarit: ea quae  
 admodum locis, temporibusq; diuisa sint: sic criminibus  
 Et oratione distinguere? putas ne posse, id quod in eius-  
 modi reo maxime necessarium est: facere: ut quae ille li-  
 bidinose, quae nefarie, quae crudeliter fecerit: ea aequae  
 acerbae Et indigna uideantur esse ijs, qui audient: atq;  
 illis uisa sunt: qui senserunt? magna sunt ea, quae dico.  
 mihi, mihi crede: noli haec contemnere. dicenda: demon-  
 stranda: explicanda sunt omnia: causa non solum expo-  
 nenda: sed etiam grauius copioseq; agenda est: perficien-  
 dum est, siquid agere aut perficere uis: ut homines te non  
 solum audiant: uerum etiam libenter, studioseq; audi-  
 ant. in quo si te multum natura adiunaret: si optimis a



puericia disciplinis, atq; artibus studuisses: & in his elaborasses: si literas græcas Athenis, non Lilybei, latinas Romæ, non in Sicilia didicisses: tamen esset magnū, tantam causam, tam expectatam, & diligentia consequi: & memoria complecti: & oratione exponere: & uoce, & uiribus sustinere. Fortasse dices, quid? ergo hæc in te sunt omnia? utinam quidem essent. ueruntamen ut esse possent: magno studio mihi à puericia est elaboratum. quod si ego hæc propter magnitudinem rerum, ac difficultatem assequi non poui: q̄ in omni uita nihil aliud egi: quàm longe tu te ab his rebus abesse arbitrare? quas non modo antea nunquam cogitasti: sed ne nunc quidē, cum in eas ingrederis: quæ & quantæ sint: suspicari potes. Ego, qui, sicut omnes sciunt: in foro in iudicijsq; ita uerser: ut eiusdem ætatis aut nemo, aut pauci, plures causas defenderint: & qui omne tempus, quod mihi ab amicorum negocijs datur: in his studijs, laboribusq; consumā: quo paratior ad usum forensem, promptiorq; esse possim: tamen ita deos mihi uelim propitios: ut cum illius temporis mihi uenit in mentem: quo die citato reo mihi dicendum sit: non solum commoueor animo: sed etiam toto corpore perhorresco. iam nunc mente, & cogitatione prospicio: quæ tum studia hominum, qui concursus futuri sint: quantam expectationem magnitudo iudicij sit allatura: quantam auditorum multitudinem C. Verris infamia concitatura: quantam deniq; audientiam orationi meæ improbitas illius factura sit. quæ cum cogito: iam nunc timeo, quidnam pro offensione hominum, qui illi inimici, infensiq; sunt: & expectatione omnium, & magnitudine rerum, dignum eloqui possim. tu horum nihil metuis: nihil cogitas: nihil laboras. si quid ex uete-



re aliqua oratione: Iouem ego Optimum Maximum:  
aut: uellem si fieri potuisset Iudices: aut aliquid eiusmodi  
ediscere potueris: præclare te paratum in iudiciū uen-  
turum arbitraris. Ac si nemo tibi responsurus esset: ta-  
men ipsam causam, ut ego arbitror: demonstrare nō pos-  
ses. nunc ne illud quidem cogitas? tibi cum homine diser-  
tissimo, et ad dicendum paratissimo futurum esse cer-  
tamen? qui cum modo differendum, modo omni oratione  
pugnandum, certandumq; sit: cuius ego ingenium ita  
laudo: ut non pertimescam: ita probo: ut me ab eo dele-  
ctari facilius, quàm decipi putem posse. nunquam ille me  
opprimit consilio: nunquam ullo artificio peruerteret: nun-  
quam ingenio me suo labefactare, atq; infirmare conabi-  
tur: noui omnes hominis petitiones, rationesq; dicendi:  
sepe in iisdem, sepe in contrarijs causis uersati sumus.  
ita contra me ille dicet: quamuis sit ingeniosus: ut non-  
nullum etiam de suo ingenio iudicium fieri arbitretur.  
te uero Cecili quemadmodum sit elusus: quā omni  
ratione iactaturus: uidere iam uideor: quotiens ille tibi  
potestatem opinionemq; facturus sit: ut eligas utrum ue-  
lis: factum esse, nec ne: uerum esse, an falsum: utrum di-  
xeris: id contra te futurum. qui tibi æstus, qui error, quæ  
tenebræ dī immortales erunt, homini minime malo?  
quid cum accusationis tuæ membra diuidere cœperit? et  
in digitis suis singulas partes causæ constituere? quid cū  
unūquodq; transigere? expedire? absolueret? ipse profe-  
cto metuere incipies: ne innocenti periculum faceris.  
quid cum commiserari, conqueri, et ex illius inuidia  
deonerare aliquid, et in te trajcere cœperit? commemo-  
rare quæstoris cum prætore necessitudinem constitutam?  
morem maiorum? sortis religionem? poteris ne eius oras



tionis subire inuidiam? uide modo: etiā, atq; etiā conside-  
ra: mihi enim uidetur periculum fore: ne ille non modo  
uerbis te obruat: sed gestu ipso, ac motu corporis præ-  
stringat aciem ingenij tui: teq; ab institutis tuis, cogitatio-  
nibusq; abducat. Atq; huiusce rei iudicium iam conti-  
nuo uideo futurum. si enim mihi hodie respondere ad  
hæc quæ dico, potueris: si ab isto libro, quem tibi ma-  
gister ludi nescio quis ex alienis orationibus compositum  
dedit: uerbo uno discesseris: posse te et illi quoq; iudicio nō  
deesse, et causæ atq; officio tuo satisfacere, arbitrabor. *sin*  
*meam* in hac prolusione nihil fueris: quē te in ipsa pro-  
gna cū acerrimo aduersario fore putemus? Esto: ipse nihil  
est: nihil potest: at uenit paratus cum subscriptoribus exer-  
citatis, & disertis. est tamen hoc aliquid: tamen non est  
satis. omnibus enim rebus is, qui princeps in agendo  
est: ornatissimus, & paratissimus esse debet. uerum ta-  
men L. Apuleium esse uideo proximum subscriptorē,  
hominem non ætate, sed usu forensi, atq; exercitatione  
tyronem. deinde, ut opinor, habet Allienum, hūc tamen  
a subsellis: qui quid in dicendo possit: nunquam satis at-  
tendi: in clamando quidem uideo eū esse bene robustum,  
atq; exercitatum. in hoc spes tuæ sunt omnes. hic, si tu  
eris actor constitutus: totum iudicium sustinebit. ac ne is q-  
dem tantum contendet in dicendo: quantum potest: sed  
consulet laudi, & existimationi tuæ: & ex eo quod ip-  
se potest in dicendo, aliquantum remittet: ut tu tandem  
aliquid esse uideare. ut in actoribus græcis fieri uide-  
mus: sepe illum qui est secundarum, aut tertiarum par-  
tum: cum possit aliquanto clarius dicere: quā ipse  
primarum: multum summittere: ut ille princeps quā  
maxime excellat: sic faciet Allienus: tibi seruiet: tibi le



I N V E R R E M

nocinabitur: minus aliquanto contendet: quam potest.  
iam hoc considerate: cuiusmodi accusatores in tanto iu-  
diciosius habituri: cum & ipse Allienus ex ea facul-  
tate, si quam habet: aliquantum detracturus sit: &  
Cecilius tum denique se aliquid facturum putet: si  
Allienus minus uehemens fuerit: & tibi primas in  
dicendo partes concesserit. Quartum quem sit ha-  
biturus, non uideo: nisi quem forte ex illo grege ora-  
torum, qui subscriptionem sibi postularunt, cuiusq; uos  
delationem dedissetis. ex quibus alienissimus homini-  
bus ita paratus uenis: ut tibi hospes aliquis sit recipien-  
dus. quibus ego non sum tantum honorem habiturus:  
ut ad ea, quæ dixerint, certo loco, aut singulatim uni-  
cuiq; respondeam. sic breuiter, quoniam non consulto,  
sed casu in eorum mentionem incidi: quasi præteriens  
satisfaciam uniuersis. Tanta ne uobis inopia uideor es-  
se amicorum: ut mihi non ex his, quos mecum adduxe-  
rim: sed de populo subscriptor addatur: uobis autem tanta  
inopia reor: ut mihi causam præripere conemini potius,  
q̃ aliquos à columna Menia uestri ordinis reos reperia-  
tis? custodem inquit Tullio me apponite. quid? mihi  
quàm multis custodibus opus erit? si te semel ad meas  
capsas admiserō? qui non solum nequid cruncies: sed  
etiam nequid auferas: custodiendus sis: sed de isto custo-  
de totosic uobis breuissime respondebo. non esse hos ta-  
les uiros commissuros: ut ad causam tantam, à me su-  
sceptam, mihi creditam, quisquam subscriptor me inui-  
to aspirare possit. etenim fides mea custodem repudiat:  
diligentia speculatorem reformidat. uerum ut ad te re-  
deam Cecili: quàm multa te deficiant uides: quàm mul-  
ta sint in te, quæ reus nocens in accusatore suo cupiat



esse: profecto iam intelligis. quid ad hæc dici potest? non enim quæro quid tu dicturus sis. uideo mihi non te, sed hunc librum esse responsurum: quem monitor tuus hic tenet. qui si te recte monere uolet: suadebit tibi: ut hinc discedas: neq; mihi uerbum ullum respondeas. qd enim dices? an id quod dictitas: iniuriam tibi fecisse uerem? arbitror. neq; enim esset uerisimile: cum omnibus Siculis faceret iniurias: te illi unum ex iniuriis, cui consuleret: fuisse. sed cæteri Siculi ultorem suarum iniuriarum inuenerunt. tu dum tuas iniurias per te, id quod non potes: persequi conaris: id agis: ut cæterorum quoq; iniuriæ sint impunitæ, atq; inultæ. Et hoc te præterit: non id solum spectari solere: qui debeat: sed etiam illud: qui possit ulcisci. in quo utrunq; sit: eum superiorem esse: in quo alterum: in eo, non quid is uelit: sed quid facere possit: quæri solere. Quod si ei potissimum censes permissi oportere accusandi potestatem: cui maxime C. Verres iniuriam fecerit: utrum tandē censes hos iudices grauius ferre oportere? te ab illo esse læsum: an Prouinciam Siciliam esse uexatam, ac perditam? opinor concedis, multo hoc esse grauius: Et ab omnibus ferri grauius oportere. concede igitur: ut tibi anteponatur in accusando prouincia. nam prouincia accusat: cum is agit causam: quem sibi illa defensorem sui iuris, ultorem iniuriarum, actorem totius causæ adoptauit. At eam tibi C. Verres fecit iniuriam: quæ cæterorū quoq; animos posset alieno incommodo commouere. minime. nam id quoq; ad rem pertinere arbitror: qualis iniuria dicatur: quæ causa inimicitiarum proferatur. cognoscite ex me. nam iste eam profecto, nisi plane nihil sapit: nunquam proferet. Agonis est quædam lilybeta=



# IN VERREM

na, liberta Veneris Erycina: quæ mulier ante hunc  
 quæstorem copiosa plane, & locuples fuit. ab hac præ  
 fectus Antonij quidam symphonicos seruos abduce-  
 bat per iniuriam: quibus se in classe uti uelle dicebat.  
 tum illa, ut mos in Sicilia est omnium Venericorum, et  
 eorum qui a Veneris se liberauerunt: ut præfecto illi re-  
 ligionem Veneris, nomenq; obijceret: dixit & se, &  
 omnia sua Veneris esse. ubi hoc quæstori Cecilio, uiro  
 optimo, & homini æquissimo nunciatum est: uocari ad  
 se Agonidem iubet. iudicium dat statim: si pateret eam  
 se, & sua Veneris esse dixisse. iudicant Recuperato-  
 res id, quod necesse erat: neq; enim erat cuiquam dubiū,  
 quin illa dixisset. iste in possessionem bonorum mulie-  
 ris mittit: ipsam Veneri in seruitutem adiudicat. deinde  
 bona uendit: pecuniam redigit. ita dum pauca manci-  
 pia Veneris nomine Agonis, ac religione retinere uult:  
 fortunas omnes libertatemq; suā istius iniuria perdidit.  
 Lilybeum Verres uenit postea: rem cognoscit: factum  
 improbat: cogit quæstorem suum pecuniam, quam ex  
 Agonidis bonis redeget: eam mulieri omnem annu-  
 merare: & reddere. Est adhuc, id quod uos omnes ad-  
 mirari uideo: non Verres, sed Q. Mutius. quid enim  
 facere potuit elegantius ad hominum existimationem?  
 æquius ad leuandam mulieris calamitatem? uehemen-  
 tius ad quæstoris libidinem coercendam? summe hæc  
 omnia mihi uidentur esse laudanda. sed repente è ue-  
 stigio ex homine, tanquam aliquo Circeo poculo, fa-  
 ctus est Verres. redit ad se, atq; ad mores suos. nam ex  
 illa pecunia magnam partem ad se uertit: mulieri red-  
 didit quantulum uisum est. Hic tu si la sum te a Ver-  
 re esse dices: patiar: & concedam: si iniuriam tibi factā



quereris: defendam: & nego. Deinde de iniuria,  
quæ tibi facta sit: neminem nostrum grauiorem iudicem  
esse oportet: quam teipsum, cui facta dicitur. si tu cū  
illo postea in gratiam redisti: si domi illius aliquoties  
fui: si ille apud te postea cœnauit: utrum te perfidiosum,  
an prauaricatorem existimari mauis? uideo esse ne-  
cesse alterutrum. sed ego tecum in eo non pugnabo: quo-  
minus, utrum uelis eligas. Quid si ne iniuriæ quidem,  
quæ tibi ab illo facta sit: causa remanet? quid habes:  
quod possis dicere: quamobrem non modo mihi, sed cuiquā  
anteponare? nisi forte illud, quod dicturum te esse au-  
dio: quæstorem illius fuisse. quæ causa grauis esset: si cer-  
tares mecum uter nostrum illi amicior esse deberet. in  
contentione suscipiendarum inimicitiarum, ridiculum  
est putare, causam necessitudinis, ad inferendum peri-  
culum iustam uideri oportere. etenim si plurimas a  
tuo prætore iniurias accepisses: tamen eas ferendo maio-  
rem laudem, quàm ulciscendo mererere. cum uero nul-  
lum illius in uita rectius factum sit: quàm id quod tu  
iniuriam appellas: hi statuent hanc causam, quam ne  
in alio quidem probarent: in te iustam ad necessitudi-  
nem uiolandam uideri? qui si summam iniuriam ab  
illo accepisti: tamen quoniam quæstor eius fuisti: non po-  
tes eum sine ulla uituperatione accusare: si uero nulla ti-  
bi facta est iniuria: sine scelere eum accusare non po-  
tes. quare cum incertum sit de iniuria: quenquam esse ho-  
rum putas: qui non malit te sine uituperatione, quàm  
cum scelere discedere? At uide quid differat inter meā  
opinionem ac tuam. tu cum omnibus rebus inferior sis:  
hac una in re te mihi anteferri putas oportere: quod  
quæstor illius fueris. ego si superior cæteris rebus esses:



# IN VERREM

te hanc unam ob causam accusatorem repudiari putarem oportere. sic enim a maioribus nostris accepimus: praetorem quaestori suo, parentis loco esse oportere: nullam neque iustiores, neque grauiorem causam necessitudinis posse reperiri: quam coniunctionem sortis, quam prouinciae, quam officij, quam publicam muneris societatem. Quamobrem si iure eum possis accusare: tamen, cum is tibi parentis numero fuisset: id pie facere non posses. cum uero neque iniuriā acceperis: et praetori tuo periculum crees: fatearis necesse est: te illi iniustum impiumque bellum inferre conari. etenim ista quaestura ad eam rem ualet: ut elaborandum tibi in ratione reddenda sit: quamobrem, qui quaestor eius fueris: accuses. non ut ob eam ipsam causam postulandum sit: ut tibi potissimum accusatio detur. neque ferre unquam uenit in contentionem de accusando qui quaestor fuisset: quin repudiaretur. Itaque neque L. Philoni in C. Seruiliū nominis deferendi potestas est data: neque M. Aurelio Scāuro in L. Flacum: neque Cn. Pompeio in T. Albutium: quorum nemo propter indignitatem repudiatus est: sed ne libido uiolanda necessitudinis auctoritate iudicium comprobaretur. Atque ille Cn. Pompeius ita cum C. Iulio contendit: ut tu mecum. quaestor enim Albutij fuerat: ut tu Verris. Iulius hoc secum auctoritatis ad accusandum afferebat: quod ut hoc tempore nos ab Sicilia, sic tum ille ab Sardis rogatus ad causam accesserat. Semper haec causa plurimum ualuit: semper haec ratio accusandi honestissima, pro socijs, pro salute prouinciae, pro exterarum nationum commodis, inimicitias suscipere: ad periculum accedere: operam studium laborem interponere. etenim si probabilis est eorum causa, qui iniurias



sa, qui iniurias suas persequi uolunt: qua in re dolori suo non Reip. commodis seruiunt: quanto illa causa honestior? quæ non solum probabilis uideri, sed etiã grata esse debet: nulla priuatim accepta iniuria, sociorum atq; amicorum Populi Ro. dolore atq; iniurijs commoueri. Nuper cum in P. Gabinium uir fortissimus & innocentissimus L. Piso delationem nominis postularet: & contra Q. Cecilius peteret: isq; se ueteres inimicitias iam diu susceptas persequi diceret: cum authoritas & dignitas Pisonis ualebat plurimum: tum illa erat causa iustissima: quod cum sibi Achei patronum adoptarent. etenim cum lex ipsa de pecunijs repetundis sociorum, atq; amicorum Populi Ro. causa parata sit: iniquum est, non eum legis iudiciq; actorem idoneum maxime putari: quem actorem causæ suæ socij, defensoremq; fortunarum suarum potissimum esse uoluerūt. An quod ad commemorandum est honestius: id ad probandum non multo uideri debet æquius? uita igitur est splendidior? utra illustrior commemoratio? accusaui eum, qui cum quæstor fueram: qui cum me fors consuetudoq; maiorum, qui cum me deorum hominumq; iudicium coniunxerat. an, accusaui rogatu sociorum, atq; amicorū: delectus sum ab uniuersa provincia: qui eius iura fortunasq; defenderem. dubitare quisquam potest: quin honestius sit eorum causa apud quos quæstor fueris: quàm eum cuius quæstor fueris, accusare? Clarissimū uiri nostræ ciuitatis, temporibus optimus, hoc sibi amplissimum, pulcherrimumq; ducebant: ab hospitibus, clientibusq; suis, ab exteris nationibus, quæ in amicitiam Populi Ro. ditionemq; essent: iniurias propulsare: eorūq; fortunas defendere. M. Catonem illum sapientem clarissimū



quod in partibus Humanum ne sit pro Amicis oculis et multis subire  
Equi adlocum sit Amicos cum

## IN VERREM

num uirum, et prudentissimū, cum multis graues inimicitias gessisse accepimus, propter Hispanorū, apud quos Consul fuerat: iniurias. nuper Cn. Domitium scimus Decimo Syllano diē dixisse propter unius hominis Egritometri paterni amica, atq; hospitis iniurias. neq; enim magis animos hominum nocentium res unquam ulla commouit: quā hęc maiorum consuetudo longo intervallo repetita, atq; relata. sociorum quærimonia delata ad hominem non inertissimum: suscepta ab eo: qui uidebatur eorum fortunas fide, diligentiaq; sua posse defendere. Hoc timent homines: hoc laborant: hoc institui, atq; adeo institutum referri, ac renouari moleste ferunt. putant fore: uti, si paulatim hęc consuetudo serpere, ac prodire cœperit: per homines honestissimos, uirosq; fortissimos, non imperitos adolescentulos, aut illiusmodi quadruplatores leges iudiciaq; administrantur. cuius consuetudinis, atq; instituti patres maioresq; nostros non poenitebat: tum cum P. Lentulus is, qui princeps Senatus fuit: accusabat M. Aquilium, subscriptore C. Rutilio Rufo: aut cum P. Africanus homo uirtute, fortuna, gloria, rebus gestis amplissimus, posteaquam bis Consul et Censor fuerat: L. Cottam in iudicium uocabat. iure tum florebat Populi Ro. nomen: iure authoritas huius imperij, ciuitatisq; maiestas grauis habebatur. nemo mirabatur in Africano illo, quod in me nunc homine paruis opibus, ac facultatibus prædito, simulant sese mirari: cum moleste ferunt. quid sibi iste uult? accusatorem ne se existimari? qui antea defendere consueuerat? nunc præsertim ea iam ætate: cum ædilitatem petat? Ego uero ætatis non modo meæ, sed multo etiam superioris, et honoris amplissimi puto esse: et accusare improbos: et miseros



calamitososq; defendere. Et profecto aut hoc remediū est  
 ægrotae, ac propè desperatae reipublicae, iudicijq; corru-  
 ptis, ac contaminatis paucorū uicio, ac turpitudine: hoies  
 ad legum defensionem, iudiciorumq; auctoritatem quā-  
 honestissimos, & integerrimos, diligentissimosq; acce-  
 re: aut, si ne hoc quidem prodesse poterit: profecto nulla  
 unquam medicina his tot incommodis reperietur. nul-  
 la salus Reip. maior est: quā eos, qui alterū acūsant:  
 non minus de laude, de honore, de fama sua, quā il-  
 los, qui acūsantur: de capite, ac fortunis suis ptimescere.  
 itaq; semper hi diligentissime, laboriosissimeq; acūsarūt:  
 qui se ipsos in discrimen existimationis uenire arbitra-  
 ti sunt. Quamobrem hoc statuere iudices debetis: Q.  
 Ceciliū, de quo nulla unquam opinio fuerit: nullaq; in  
 hoc ipso iudicio expectatio futura sit: qui neq; ut ante col-  
 lectam famam conseruet: neq; uti reliqui temporis spem  
 confirmet, laborat: non nimis hanc causam seuerè, non  
 nimis acurate, non nimis diligenter acturum. habet  
 enim nihil: quod in offensione deperdat: ut turpissime fla-  
 gitiosissimeq; discedat. nihil de suis ueteribus ornamen-  
 tis requirit. A nobis multos obsides habet Populus ro-  
 manus: quos ut incolumes conseruare, tueri, confirmare,  
 ac recuperare possimus: omni ratione erit dimicandum.  
 habet honorem: quem petimus: habet spem: quam propo-  
 sitam nobis habemus: habet existimationem multo sudo-  
 re, labore, uigilijsq; collectam: ut si in hac causa nostrū  
 officium, ac diligentiam probauerimus: hæc, quæ dixi,  
 retinere per Populum Ro. incoluma, ac salua possimus.  
 si tantulum offensum, titubatumq; sit: ut ea, quæ singula-  
 tim ac diu collecta sunt: uno tempore uniuersa perda-  
 mus. Quapropter Iudices uestrum est, deligere quæ exi-



## IN VERREM

stimetis facillime posse magnitudinem causæ, ac iudicij sustinere fide, diligentia, consilio, authoritate. Vos si mihi Q. Ceciliū anteposueritis: ego me dignitate superatum non arbitrabor: Populus Ro. ne tam honestam, tam severam, diligentemq; accusationem neq; uobis placuisse, neq; ordini uestro placere, arbitretur: providete.

## ACCUSATIONIS IN C. VERREM

### LIBER II. ORATIO V.

Q. **U**OD erat optandum maxime Iudices: & quod unum ad invidiam uestri ordinis, infamiamq; iudiciorum sedandā, maxime pertinebat: id non humano consilio, sed prope' diuinitus datum, atq; oblatum uobis summo Reip. tempore uidetur. inueterauit enim iam opinio perniciosa Reip. uobisq; periculosa: quæ non modo romæ, sed & apud exteras nationes omnium sermone percrebuit: his iudicij, quæ nunc sint: pecuniosum hominem, quamuis sit nocens: neminem posse damnari. nunc in ipso discrimine ordinis, iudiciorumq; uestrorum, cum sint parati, qui contionibus, & legibus, hanc invidiam senatus inflammare conentur: reus in iudicium adductus est C. Verres, homo uita, atq; factis, omnium iam opinione damnatus, pecuniæ magnitudine, su a spe, a prædicatione absolutus. Huic ego causæ Iudices cum summa uoluntate, & expectatione populi Ro. actor accessi non ut augere in invidiam ordinis: sed ut infamiæ com-



muni succurrerem. adduxi enim hominem: in quo re-  
 conciliare existimationem iudiciorum amissam: redire  
 in gratiam cum populo romano: satisfacere exteris na-  
 tionibus possetis: depeculatorem aerarij, uexatorem Asiae,  
 atq; Pamphyliae, praedonem iuris urbani, labem atque  
 perniciem provinciae Siciliae. de quo si uos seuerere, reli-  
 giosq; iudicaueritis: authoritas ea, quae in uobis rema-  
 nere debet: haerebit. sin istius ingentes diuitiae iudiciorum  
 religionem, ueritatemq; perfrugerint: ego hoc tamen asse-  
 quar: ut iudiciu potius Reipublicae, q̄ aut reus iudicis,  
 aut accusator reo defuisse uideatur. Equidem, ut de me  
 confitear Iudices: cum multae mihi à C. Verre insidiae  
 terra mariq; factae sint: quas partim mea diligentia de-  
 uitari: partim amicorum studio, officioq; repulerim:  
 nunquam tamen, neq; tantum periculum mihi adire ui-  
 sus sum: neq; tantopere pertimui: ut nunc in ipso iudi-  
 cio: neq; tantum me expectatio accusationis meae, concur-  
 susq; tantae multitudinis, quibus ego rebus uehementiss-  
 me perturbor: commouet: quantum istius insidiae nefa-  
 riae: quas uno tempore mihi, M. Glabrioni Praetori, so-  
 cius, exteris nationibus, ordini, nomini deniq; senatorio  
 facere conatur. qui ita dictitat: is esse metuendum: qui  
 quod ipsis solis satis esset: surripuissent: se tantum rapuis-  
 se: ut id multis satis esse possit. nihil esse tam sanctum:  
 quod non uiolari: nihil tam munitum: quod non expu-  
 gnari pecunia possit. quod si quam audax est ad conan-  
 dum: tam esset obscurus in agendo: fortasse aliqua in re  
 nos aliquando fefellisset. uerum hoc adhuc percommo-  
 de cadit: quod cum incredibili eius audacia singularis  
 stulticia coniuncta est. nam ut apertus in corripiedis pe-  
 cunijs fuit: sic in spe corrumpendi iudicij perspicua sua



# IN VERREM

consilia, conatusq; omnibus fecit. semel ait se in uita per-  
timuisse: tum cum primum reus à me factus sit: quod  
cum e provincia recens esset: inuidiaq; & infamia non  
recenti, sed uetere ac diuturna flagraret: tum ad iudi-  
cium corrumpendum tempus alienum offenderet. Itaq;  
cum ego diem in Siciliam inquirendi perexiguam postu-  
lauissem: inuenit iste qui sibi in Achaiam biduo breuior-  
em diem postularet: non ut idem conficeret diligentia,  
& industria sua: quod ego meo labore, & uigilijs conse-  
cutus sum. etenim ille Achaicus inquisitor ne Brundu-  
sum quidem peruenit: ego Siciliam totam quinquaginta  
diebus sic obij: ut omnium populorum, priuato-  
rumq; literas, iniuriasq; cognoscerem. ut perspicuum  
cuius esse possit: hominem ab isto quaesitum esse: non qui  
reum suum adduceret: sed qui meum tempus obside-  
ret. Nunc homo audacissimus, atq; amentissimus hoc co-  
gitat. intelligit me ita paratum, atq; instructum in iu-  
dicium uenire: ut non modo in auribus uestris, sed in  
oculis omnium sua furti, atq; flagitia defixurus sim.  
uidet senatores multos esse testes audaciae suae: uidet mul-  
tos Equites romanos: frequentes praeterea ciues, atq; so-  
cios, quibus ipse insignes iniurias fecerit: uidet etiam tot  
graues ab amicissimis ciuitatibus legationes cum publi-  
cis auctoritatibus, ac testimonijs conuenisse. quae cum ita  
sint: usq; eo de omnibus bonis male existimat: usq; eo se-  
natoria iudicia perdit, profligataq; esse arbitratur: ut  
hoc palam dictiter: non sine causa se cupidum pecuniae  
fuisse: quoniam tantum in pecunia praesidium experia-  
tur esse: sese (id quod difficillimum fuerit) tempus ipsum  
emisse iudicii sui: quo caetera facilius emere posset: ut quo-  
niam criminum uim subterfugere nullo modo poterat:



procellam temporis deuitaret. quod si non modo in cau-  
sa, uerum in aliquo honesto praesidio, aut in alicuius elo-  
quentia, aut gratia, spem aliquam collocasset: profecto non  
haec omnia colligeret: atque aucuparetur: non usque eo de-  
spiceret, contemneretque ordinem senatorium: ut arbitra-  
tu eius deligeretur ex senatu, qui reus fieret: qui, dum  
hic quae opus essent, compararet: causam interea ante eum  
diceret. quibus ego rebus quid iste speret: et quo ani-  
mum intendat: facile perspicio. quamobrem uero se con-  
fidat aliquid perficere posse hoc Glabrione Praetore, et  
hoc consilio intelligere non possum. unum illud intelli-  
go: quod praetor in reiectione iudicium iudicauit: ea spe  
istum fuisse praeditum: ut omnem rationem salutis in pe-  
cunia poneret: hoc erepto praesidio, ut nullam sibi rem  
adiumento fore arbitraretur. etenim quod est ingenium  
tantum? quae tanta facultas dicendi, et copia? quae istius  
uitam tot uicijs flagitijsque coniunctam, iam pridem o-  
mnium uoluntate iudicioque damnatam, aliqua ex parte  
possit defendere? cuius ut adolescentiae maculas ignomi-  
niasque praeteream: quaestura primus gradus honoris quod  
aliud habet in se: nisi Cn. Carbonem spoliatum a quae-  
store suo pecunia publica? nudatum et proditum consu-  
lem? desertum exercitum? relictam provinciam? sortis ne-  
cessitudinem, religionemque uiolatam? Cuius legatio exi-  
tum fuit Asiae totius, et Pamphyliæ. quibus in pro-  
uincijs multas domos, plurimas urbes, omnia fana de-  
peculatus est: cum in Cn. Dolobellam scelus suum il-  
lud pristinum renouauit, et instaurauit quaestorium:  
cum eum, cui legatus, et proquaestore fuisset: et in in-  
uidiam suis maleficijs adduxit: et in ipsis periculis non  
solum deseruit: sed etiam oppugnavit: ac prodidit. Cu-



# IN VERREM

ius prætura urbana ædium sacrarum fuit, publicorūq;  
operum depopulatio: simul in iure dicendo bonorum  
possessionumq; contra omnium instituta addictio, et con-  
donatio. Iam uero omnium uiciorum suorum plurima  
et maxima constituit monimenta, et indicia in prouin-  
cia Sicilia: quam iste per triennium ita uexauit: ac per-  
didit: ut ea restitui in antiquum statum nullo modo pos-  
sit: uix autem per multos annos innocentesq; prætores  
aliqua ex parte recreari aliquando posse uideatur. Hoc  
prætor Siculi neq; suas leges, neq; nostra Senatus consul-  
ta, neq; communia iura, tenuerunt. tantum qsq; habet in  
Sicilia quantum hominis auarissimi, et libidinosisissimi aut  
imprudentiam subterfugit: aut facietati superfluit. nul-  
la res per triennium nisi ad nutum istius iudicata est:  
nulla res cuiusquam tam patria, atq; auita fuit: quæ nõ  
ab eo, imperio istius abiudicaretur: innumerabiles pe-  
cuniæ ex aratorum bonis nouo nefarioq; instituto co-  
actæ: socij fidelissimi in hostium numero existimati: Ci-  
ues Ro. seruilem in modum cruciati, et necati: homi-  
nes nocentissimi propter pecuniam iudicio liberati: hone-  
stissimi, atq; integerrimi absentes rei facti, indicta causa  
damnati, et eiectionis: portus munitissimi, maximæ tutissi-  
mæq; urbes, piratis, prædonibusq; patefactæ: nautæ, mi-  
litesq; Siculorum, socij nostri, atq; amici fame necati:  
classes optimæ, atq; opportunissimæ cum magna igno-  
minia Populi Ro. amissæ, et perditæ. idem iste Præ-  
tor monimenta antiquissima partim regum locupletis-  
simorum, quæ illi ornamento urbibus esse uoluerunt:  
partim etiam nostrorum Imperatorum, quæ uicto-  
res ciuitatibus Siculis aut dederunt: aut reddiderunt:  
spoliauit: nudauitq; omnia. neq; hoc solum in statuis

publica  
sanctiss  
dem a  
bre atq  
In stup  
memor  
tem com  
iuguesq;  
non licit  
u non co  
namerem  
ius nefi  
dum sit:  
quæ in ist  
hac mult  
ferre ex m  
cognosce  
ditus ali  
alicuius  
authori  
se rebus  
occulsi  
mum a  
diunt: q  
sunt: sim  
aliud q  
habeat  
dices ex  
tuta sit:  
dij: re  
manita



publicis, ornamentisq; fecit: sed etiam delubra omnia  
sanctissimis religionibus consecrata, depeculatus est.  
deum deniq; nullum Siculis, qui ei paulo magis affa-  
bre atq; antiquo artificio factus uideretur: reliquit.  
In stupris uero, & flagitijs nefarias eius libidines com-  
memorare pudore deterreor. simul illorum calamita-  
tem commemorando augere nolo: quibus liberos con-  
iugesq; suas integras ab istius petulantia conseruare  
non licitum est. At enim hæc ita commissa sunt ab isto:  
ut non cognita sint ab omnibus. hominem esse arbitror  
neminem: qui nomen istius audierit: quin facta quoq;  
eius nefaria commemorare possit. ut mihi magis timen-  
dum sit: ne multa crimina prætermittere, quàm ne  
qua in istum fingere existimer. neq; enim mihi uidetur  
hæc multitudo, quæ ad audiendum conuenit: cogno-  
scere ex me causam uoluisse: sed ea, quæ scit: mecum re-  
cognoscere. Quæ cum ita sint: iste homo amens, ac per-  
ditus alia mecum ratione pugnat. non id agitur: ut  
alicuius eloquentiam mihi opponat: non gratia, non  
authoritate cuiusquam, non potentia nititur. simulat his  
se rebus confidere. sed uideo quid agat: neq; enim agit  
ocultissime: proponit inania mihi nobilitatis, hoc est ho-  
minum arrogantium nomina: qui non tam me impe-  
diunt: quod nobiles sunt: quàm adiuvant: quod noti  
sunt: simulat se eorum præsidio confidere: cum interea  
aliud quiddam iam diu machinetur. Quam spem nunc  
habeat in manibus: & quid moliatur: breuiter iam Iu-  
dices exponam: sed prius ut ab initio res ab eo consti-  
tuta sit: quæso cognoscite. Vt primum è provincia re-  
dijt: redemptio est huius iudicij facta grandi pecunia:  
mansit in conditione atq; pacto usq; ad eum finem: dum



# IN VERREM

Iudices reiecti sunt. posteaquam reiectio iudicium facta est: quod et in sortitione, istius spem fortuna populi romani, et in reiciendis iudicibus, mea diligentia istorum impudentiam uicerat: renunciata est tota conductio. praeclare se res habebat: libelli nominum uestrorum consilijque huius, in manibus erant omnium: nulla nota, nullus color, nullae sordes uidebantur his sententijs allini posse. cum iste repente ex alacri, atque laeto, sic erat humilis, atque demissus: ut non modo populo romano, sed etiam sibi ipse condemnatus uideretur. Eae autem repente, his diebus paucis, comitijs consularibus factis, eadem illa uetera consilia pecunia maiore repetuntur: eademque uestrae famae, fortunisque omnium insidiae per eosdem homines comparantur. quae res primo Iudices pertenui nobis argumento, indicioque patefacta est. post aperto suspicionis introitu ad omnia intima istorum consilia sine ullo errore peruenimus. nam ut Hortensius Cons. designatus domum reducebatur e campo cum maxima frequentia a multitudine: fit obuiam casu ei multitudi-  
ni C. Curio: quem ego hominem honoris potius, quam contumeliae causa nominatum uolo. etenim ea dicam: quae ille si commemorari noluiisset: non tanto in conuentu, tam aperte, palamque dixisset: quae tamen a me pedetentim, cauteque dicentur: ut amicitiae nostrae, et dignitatis illius habita ratio esse intelligatur. uidet ad ipsum fornicem fabianum in turba Verrem: appellat hominem: et ei uoce maxima uictoriam gratulatur: ipsi Hortensio, qui consul erat factus: propinquis necessariisque eius, qui tum aderant: uerbum nullum facit: cum hoc consistit: hunc amplexatur: hunc iubet sine cura esse. renuncio inquit tibi: te hodiernis comitijs esse absolutum.



quod cum tam multi homines honestissimi audissent: statim ad me deferatur. immo uero, ut quisque me uiderat, narrabant. alijs illud indignum, alijs ridiculum uidebatur. ridiculum ijs, qui istius causam in testium fide, in criminum ratione, in iudicum potestate, non in comitijs consularibus positam arbitrabantur. indignum ijs, qui altius perspiciebant: & hanc gratulationem ad iudicium corrumpendum spectare arbitrabantur. etenim sic ratioanabantur: sic honestissimi homines inter se, & mecum loquebantur: aperte iam & perspicue nulla esse iudicia: qui reus pridie iam ipse se condemnatum putabat: is posteaquam defensor eius Consul est factus absoluitur. quid igitur? quod tota Sicilia quod omnes Siculi, omnes negotiatores, omnes publicæ, priuatæque literæ Romæ sunt: nihil ne id ualebit? nihil, inuito Cons. designato. quid Iudices? non crimina, non testes, non existimationem populi Ro. sequentur? non: omnia in unius potestate, ac moderatione uertentur. uere loquar Iudices: uehementer me hæc res commouebat. optimus enim quisque ita loquebatur: iste quidem tibi eripietur: sed nos non tenebimus iudicia diutius. etenim quis poterit Verre absoluto de transferendis iudijs recusare? erat omnibus molestum: neque eos tam istius perditæ subita læticia, quam hominis amplissimi noua gratulatio commouebat. cupiebam dissimulare, me id moleste ferre: cupiebam animi dolore uultu tegere: & taciturnitate celare. ecce autem illis ipsis diebus, cum prætores designati sortirentur: et M. Metello obtigisset: ut ijs de pecunijs repetundis quæreret: nunciatur mihi, tantam gratulationem isti esse factam: ut is quoque domum pueros mitteret: qui uxori suæ nuntiarent. sanè ne hæc qui-



# IN VERREM

dem res mihi placebat: neq; tantopere quid in hac sorte metuendum mihi esset: intelligebam. unum illud ex hominibus certis, ex quibus omnia comperi: reperiēbam: fiscos complures cum pecunia sicaliensi à quodam senatore ad Equitem Romanum esse translatos: ex his quasi X fiscos ad senatorem illum relictos esse comitiorum nomine: diuifores omnium tribuum noctu ad istum uocatos. ex quibus quidam qui se omnia mea causa facere debere arbitrabatur: eadem illa nocte ad me uenit. demonstrat qua iste oratione usus esset: commemorasse istum quam liberaliter eos tractasset etiam antea: cum ipse præturam petisset: et proximis consularibus, prætorijsq; comitijs: deinde esse pollicitum quantum uellent pecuniæ: si me ædilitate deiecissent. hoc alios negasse audere: alios respondisse: non putare id perfici posse. inuentum tamen esse fortem amicum, ex eadem familia Q. Verrem Romilia ex optima diuiforum disciplina, patris istius discipulum, atq; amicum: qui HS quingentis millibus depositis, id se perfecturum pollicetur: et fuisse tamen nonnullos: qui se una facturos esse dicerent. quæ cum ita essent: sanè beniuolo animo me, ut magnopere cauērem, præmonebat. Sollicitabar rebus maximis uno, atq; eo perexiguo tempore. urgebāt comitia. et his ipsis oppugnabar grandi pecunia. instabat iudiciū. ei quoq; negotio fisci sicalienses minabantur. agere, quæ ad iudiciū pertinebant libere, comitiorum metu deterrebar. petitioni toto animo seruire, propter iudiciū non licebat. minari deniq; diuiforibus ratio non erat: propterea, quod eos intelligere uidebam, me hoc iudicio districtum, atq; obligatum futurum. Atq; hoc ipso tempore Siculis denunciatum esse audio, primum ab

Hortensio  
eo liber  
telligere  
iste se  
arbitrat  
tens, cu  
ternos  
uenire  
fuit ciu  
tia me d  
cuijs de  
magna co  
cu, ac sol  
tare. Rep  
fuit: ut  
ut apud  
esse hec  
mum: d  
Q. Me  
enim pr  
prærog  
tis de reb  
nisq; me  
officio  
Sicilioru  
lus esset  
lem esse  
tinere: a  
Verri n  
quid est  
est: iste



Hortensio, domum ad illum ut uenirent. siculos sane in eo liberos fuisse: qui quamobrem accerferentur, cum intelligerent: non uenisse. interea comitia nostra, quorum iste se, ut ceterorum hoc anno comitiorum, dominum esse arbitrabatur: haberi coepta sunt. cursare iste homo potens, cum filio blando, et gratioso circum tribus: paternos amicos, hoc est diuiores appellare omnes: et conuenire. quod cum esset intellectum: et animaduersum: fecit animo libentissimo populus romanus: ut cuius diuitiae me de fide deducere non potuissent: ne eiusdem pecunijs de honore deiceret. posteaquam illa petitionis magna cura liberatus sum: animo cepti multo magis uacuo, ac soluto, nihil aliud nisi de iudicio agere: et cogitare. Reperio Iudices haec ab istis consilia inita, et constituta: ut quacumque opus esset ratione, res ita duceretur: ut apud M. Metellum praetorem causa diceretur. in eo esse haec commoda: primum M. Metellum amicissimum: deinde Hortensium Cons. non solum, sed etiam Q. Metellum: qui quam ista sit amicus attendite. dedit enim praerogatiuam suae uoluntatis eiusmodi: ut isti pro praerogatiuis iam reddidisse uideatur. an me taciturnum tantis de rebus existimaui? et in tanto Reip. existimationisq; meae periculo cuiquam consulturum potius: quam officio et dignitati meae? accersit alter Cons. designatus Siculos: ueniunt nonnulli: propterea quod Q. Metellus esset praetor in Sicilia: cum is ita loquitur: se Consullem esse: fratrem suum, alterum Siciliam provinciam obtinere: alterum esse quaesiturum de pecunijs repetundis: Verri ne noceri possit multis rationibus esse prouisum. quid est quaeso Metelle iudicium corrumpere? si hoc non est: testes, praesertim Siculos, timidos homines, et afflictos,



# IN VERREM

nō solum auctoritate deterrere: sed etiā Consulari metu,  
 & duorum prætorū potestate: qd faceres pro homine  
 innocente, & propinquo? cum propter hominem per-  
 ditissimum, atq; alienissimum, de officio, ac dignitate de-  
 cedis? & committis: ut, quod ille dictitat: alicui, qui te  
 ignorat: uerum esse uideatur? nam hoc Verrem di-  
 cere aiebant: te non fatis, ut cæteros ex uestra familia,  
 sed opera sua Consulem factum. Duo igitur Cons.  
 & quæstor erunt ex illius uoluntate. non solum effu-  
 gimus inquit hominem in quærendo nimium diligen-  
 tem, nimium seruientem populi existimationi, M. Gla-  
 brionem: accedet nobis etiam illud: iudex est M. Ce-  
 sonius collega nostri accusatoris, homo in rebus iudican-  
 dis spectatus, & cognitus: quem minime expediat esse  
 in eo consilio: quod conemur aliquaratione corrumpere:  
 propterea, quod iam antea, cum iudex in Iuniano  
 consilio fuisset: turpissimum illud facinus nō solum gra-  
 uiter tulit: sed etiam in medium protulit. hunc Iudi-  
 cem ex Cal. Iun. non habebimus. Q. Manlium, &  
 Q. Cornificium duos seuerissimos, atq; integerrimos  
 iudices, quod Tr. Pl. tum erunt: iudices non habebi-  
 mus. P. Sulpitius iudex tristis, & integer magistratum  
 ineat necesse ē nonis decēbribus. M. Crepereius ex acer-  
 rima illa equestri familia, & disciplina, L. Cassius ex  
 familia tum ad cæteras res, tum ad iudicandum seue-  
 rissima, Cn. Tremellius homo summa religione, & di-  
 ligentia, tres hi homines ueteres Tribuni militares sunt  
 designati: ex Cal. Ianuar. non iudicabunt. sub sortie-  
 mur etiam in M. Metelli locum: quoniam is huic ipsi quæ-  
 stioni præfuturus est. ita secundum Cal. Ian. & præ-  
 tore, & prope toto consilio commutato, magnas accusa-

india postea



toris minas, magnamq; iudicij expectationem ad nostrum arbitrium, libidinemq; eludemus. nonne sunt hodie sextiles: hora nona convenire coepistis. hunc diem iam ne numerant quidem. decem dies sunt ante ludos uotiuos: quos Cn. Pompeius facturus est. hi ludi dies quindecim auferent: deinde continuo Romani consequentur. ita prope XL diebus interpositis, tum deniq; se ad ea, quae a nobis dicta erunt: responsuros esse arbitrantur. deinde se ducturos et dicendo, et accusando facile ad ludos uictoriae. cum his plebeios esse coniunctos: secundum quos aut nulli aut pauci dies ad agendum futuri sunt. ita defessa, ac refrigerata accusatione rem integram ad M. Metellum esse uenturam. quem ego hominem si eius fidei diffusus essem: iudicem non retinuissem. nunc tamen eo animo sum: ut eo iudice quam praetore hanc rem transigi malim: et iurato suam, quam iniurato aliorum tabellas committere. Nunc ego Iudices iam uos consulo: quid mihi faciendum putetis. id enim consilij mihi profecto taciti dabitis: quod egomet mihi necessario capiendum intelligo. si utar ad dicendum meo legitimo tempore: mei laboris, industriae, diligentiaeque capiam fructum: et ex accusatione perficiam: ut nemo unquam post hominum memoriam paratior, uigilantior, compositior ad iudicium uenisse uideatur. sed in hac laude industriae meae, reus ne elabatur summum periculum est. quid est igitur, quod fieri possit? non obscurum opinor, neque absconditum. fructum istum laudis, qui ex perpetua oratione percipi potuit: in alia tempora reseruemus. nunc hominem tabulis, testibus, priuatis, publicisque literis, autoritatibusque accusemus. res omnis mihi tecum erit Hortensi. dicam aperte. si te me



# IN VERREM

cum dicendo, ac diluendis criminibus in hac causa contendere putarem: ego quoque in accusando, atque in explicandis criminibus operam consumerem. nunc quoniam pugnare contra me instituisti, non tam ex tua natura, quam ex istius tempore, et causa: maliciose necesse est istiusmodi rationi aliquo consilio obsistere. tua ratio est: ut secundum binos ludos mihi respondere incipias. mea, ut ante primos ludos comperendinem. ita fiet ut tua ista ratio existimetur astuta: meum hoc consilium necessarium. uerum illud quod institueram dicere, mihi rem tecum esse: huiusmodi est. ego cum hanc causam siculo rogatu recepissem: idque mihi amplum, et praeclarum existimassem: eos uelle meae fidei, diligentiaeque periculum facere, qui innocentiae, abstinentiaeque fecissent: tum suscepto negotio maius mihi quiddam proposui: in quo meam in Rempublica uoluntatem populus Romanus. perspicere posset. nam illud mihi nequaquam dignum industria, conatusque meo uidebatur: istum a me in iudicium iam omnium iudicio condemnatum uocari: nisi ista tua intolerabilis potentia, et ea cupiditas, qua per hosce annos in quibusdam iudicijs usus es: etiam in istius hominis desperati causa interponeretur. nunc uero, quoniam haec te omnis dominatio, regnumque iudiciorum tantopere delectat: et sunt homines: quos libidinis, infamiaeque suae, neque pudeat: neque tedeat: qui quasi de industria in odium offensionemque populi Romani irruere uideantur: hoc me profiteor suscepisse: magnum fortasse onus, et mihi periculosum: ueruntamen dignum in quo omnes neruos aetatis, industriaeque meae contenderem. quoniam totus ordo paucorum improbitate, et audacia premitur: et urgetur infamia iudiciorum: profiteor huic generi hominum me inimicum, accusatorem, odiosum,

comperendino.

potentia scilicet



odiosum, assiduum, acerbum aduersarium. hoc mihi  
 sumo: hoc mihi depono: quod agam in magistratu: quod  
 agam ex eo loco: ex quo me populus Ro. ex Cal. Ian.  
 secum habere de Rep. ac de hominibus improbis uo-  
 luit. Hoc munus ædilitatis meæ populo Ro. amplissi-  
 mum, pulcherrimumq; polliceor. moneo: prædico: ante  
 denuntio: qui aut deponere, aut recipere, aut accipere,  
 aut polliceri, aut sequestres, aut interpretes corruppen-  
 di iudicij solent esse: quiq; ad hanc rem aut potentiam,  
 aut impudentiam suam professi sunt: abstineant in hoc  
 iudicio manus animosq; ab hoc scelere nefario. Erit  
 tum consul Hortensius cum summo imperio, & potesta-  
 te: ego autem ædilis: hoc est paulo amplius, q̃ priuatus.  
 tamen hæc huiusmodi res est: quam me acturum esse  
 polliceor: ita populo Ro. grata, atq; iucunda: ut ipse Cons.  
 in hac causa, præ me minus etiam, si fieri possit, quàm  
 priuatus esse uideatur. omnia non modo commemora-  
 buntur: sed etiam expositis certis rebus agentur: quæ  
 intra decem annos, posteaquam iudicia ad senatum trās-  
 lata sunt: in rebus iudicandis nefarie, flagitioseq; fa-  
 cta sunt. cognoscat ex me populus Ro. quid sit: quam-  
 obrem cum equester ordo iudicaret: annos propè quin-  
 quaginta continuos nullo iudice equite Ro. iudicante,  
 ne tenuissima quidem suspicio acceptæ pecuniæ ob rem  
 iudicandam constituta sit: quid sit, quod iudicijs ad se-  
 natorium ordinem translatis, sublataq; populi Ro. in  
 unumqueng; nostrum potestate, Q. Calidius damna-  
 tus dixerit: minoris HS XXX prætorium hominem  
 honeste non posse damnari: quid sit, quod P. Septimio  
 senatore damnato Q. Hortensio prætore de pecunijs  
 repetundis, lis estimata sit eo nomine: quod ille ob rem

k



# IN VERREM

iudicandam pecuniam accepisset: quod in C. Herennio,  
quod in C. Popilio senatoribus: qui ambo peculatus da-  
nati sunt: quod in M. Attilio, qui de maiestate damna-  
tus est: hoc planum factum est: eos pecuniam ob rem ius-  
dicandam accepisse: quod inuenti sunt senatores: qui C.  
Verre Pr. urbano sortiente, exirent in eum reum: quē  
inco gnita causa condemnarent: quod inuentus est sena-  
tor: qui cum iudex esset: in eodem iudicio ab reo pecu-  
niam acciperet: quam iudicibus divideret: & ab accusa-  
tore: ut reum damnaret. Iam uero quomodo illam la-  
bem ignominiam calamitatemq; totius ordinis conque-  
rar? hoc factum esse in hac ciuitate: cum senatorius or-  
do iudicaret: ut discoloribus signis, iuratorum hominū  
sententiæ notarentur. Hæc omnia me diligenter seue-  
req; acturum esse polliceor. quo me tandem animo fore  
putetis? siquid in hoc ipso iudicio intellexero, simili ali-  
qua ratione esse uiolatum, atq; commissum. cum præser-  
tim planum facere multis testibus possim: C. Verrem in  
Sicilia multis audientibus sæpe dixisse: se habere homi-  
nem potentem: cuius fiducia provinciam spoliaret: neq;  
sibi soli pecuniam quærere: sed ita triennium illud præ-  
turæ sicaliensis distributum habere: ut secum præclare  
agi diceret: si unius anni questum in rem suam conuer-  
teret: alterum patronis & defensoribus suis traderet:  
tertium illum uberrimum questuosissimumq; annum  
totum iudicibus reseruaret. Ex quo mihi uenit in men-  
tem illud dicere: quod apud M. Glabrimonem nuper cum  
in reijciendis iudicibus commemorassem: intellexi uehe-  
menter populum Ro. commoueri. me arbitrari fore: ut  
nationes extræ legatos ad populum Ro. mitterent: ut  
lex de pecunijs repetundis iudiciūq; tolleretur. si enim



iudicia nulla sint: tantum unumquēq; ablaturum putant: quantum sibi ac liberis suis satis esse arbitrarētur. nunc quod eiusmodi iudicia sint: tantum unumquēq; auferre: quantum sibi, patronis, aduocatis, prætorebus, iudicibus satis futurum sit. hoc profecto infinitum esse. se auarissimi hominis cupiditati satisfacere posse: nocentissimæ uictoriæ non posse. O' commemoranda iudicia: præclaramq; existimationem nostri ordinis: cum socij populi Ro. iudicia de pecunijs repetundis fieri nolunt: quæ à maioribus nostris sociorū causa comparata sunt. an iste unquam de se bonam spem habuisset: nisi de uobis malam opinionem animo imbibisset? quo maiore etiā si fieri potest: apud uos odio esse debet: quàm est apud populum romanum: cum in auaricia, scelere, periurio, uos sui similes arbitretur. Cui loco per deos immortales iudices consulite: ac provide. moneo: prædicoq; id quod intelligo: tempus opportunissimum uobis hoc diuinitus datum esse: ut odio, inuidia, infamia, turpitudine, totum ordinem liberetis. nulla in iudicijs seueritas, nulla religio, nulla deniq; existimantur esse iudicia. itaq; à populo Ro. contemnimur: despiciamur: graui diuturna q; iam flagramus infamia. neq; enim ullam aliam ob causam populus Ro. tribunitiam potestatem tanto studio requisit: quam cum poscebat: uerbo illam poscere uidebatur: re uera iudicia poscebat. neq; hoc Q. Catulum hominem sapientissimum, atque amplissimum fugit: qui Cn. Pompeio uiro fortissimo, & clarissimo de tribunitia potestate referenti, cum esset sententiā rogatus: hoc initio est summa cū auctoritate usus: patres cōscriptos iudicia male & flagitiose tueri. quod si in rebus iudicandis populi Ro. existimationi satisfacere uoluissent: non tantopere

k ij



# IN VERREM

homines fuisse tribunitiā potestatem desideraturos. Ipse  
deniq; Cn. Pompeius, cum primum concionem ad urbē  
Cons. designatus habuit: ubi, quod maxime expectari ui  
debatur: ostendit: se tribunitiā potestatem restitutum:  
factus est in eo strepitus, & grata concionis admurm-  
ratio. idem in eadem concione cum dixisset: populatas,  
uexatasq; esse provincias: iudicia autem turpia, & fla-  
gitiosa fieri: ei rei se providere, ac consulere uelle: tum  
uero non strepitu, sed maximo clamore suam populus  
Ro. significauit uoluntatem. Nunc autem homines in spe-  
culis sunt: obseruant quemadmodum se unusquisq; ue-  
strum gerat in retinenda religione, conseruandisq; legi-  
bus: uident adhuc post legem tribunitiam unum senato-  
rem uel tenuissimum esse damnatum. quod tamen si non  
reprehendunt: tamen magnopere quod laudent, non ha-  
bent. nulla est enim laus ibi esse integrum: ubi nemo  
est, qui aut possit: aut conetur corrumpere. hoc est iudi-  
cium in quo uos de reo, populus Ro. de uobis iudicabit:  
in hoc homine statuatur: possit ne senatoribus iudicanti-  
bus homo nocentissimus pecuniosissimusq; damnari. De-  
inde est huiusmodi reus: in quo homine nihil sit, præter  
summa peccata, maximamq; pecuniam: ut si liberatus  
sit: nulla alia suspicio, nisi ea, quæ turpissima est: residere  
possit. non gratia, non cognatione, non alijs recte factis,  
non deniq; aliquo mediocri uicio, tot tantaq; eius uicia  
subleuata esse existimabuntur. Postremo ego causam sic  
agam iudices: eiusmodi res, ita notas, ita testatas, ita ma-  
gnas, ita manifestas proferam: ut nemo à uobis ut istum  
absoluatis per gratiam conetur contendere. habeo au-  
tem certam uiam atq; rationem: qua omnes illorum co-  
natus inuestigare, & consequi possim. Ita res à me age



tur: ut in eorum consilijs omnibus non modo aures hominum, sed etiam oculi populi Ro. interesse uideantur. uos aliquot iam per annos conceptam huic ordini turpitudinem, atq; infamiam delere potestis. constat inter omnes: post hæc iudicia, quibus nunc utimur: nullum hoc splendore, atq; hac dignitate consilium fuisse. hic si quid erit offensum: omnes homines non iam ex eodem ordine alios magis idoneos, quod fieri non potest: sed alium omnino ordinem ad res iudicandas quærendum arbitrabuntur. Quapropter primum ab dijs immortalibus, quod sperare mihi uideor: hoc idem iudices peto: ut in hoc iudicio nemo improbus præter eum, qui iam pridem inuentus est: reperiat. Deinde si plures improbi fuerint: hoc uobis, hoc populo Ro. iudices confirmo: uitam mehercule mihi prius, quam uim, perseverantiamq; ad illorum improbitatem persequendam defuturam. uerum quod ego laboribus, periculis, inimicijsq; meis, tum cum admissum erit: dedecus seuerè me persecuturum esse polliceor: id ne accadat tu tua sapientia, auctoritate, diligentia M. Glabrio potes providere. suscipe causam iudiciorum: suscipe causam seueritatis, integritatis, fidei, religionis: suscipe causam senatus: ut is hoc iudicio probatus, cum populo Ro. & in laude, & in gratia esse possit. cogita quo loco sis: qd dare populo romano, quid reddere maioribus tuis debeas. fac tibi paternæ legis Aciliæ ueniat in mentem: qua lege populus Ro. de pecunijs repetundis optimis iudicijs seuerissimisq; iudicijs usus est. circumstant te summæ auctoritates: quæ te obliuisci laudis domesticæ non sinant: quæ te dies, noctesq; commoneant: fortissimum tibi patrem, sapientissimum auum, grauissimum socerum fuisse. quare si



# IN VERREM

Clabrionis patris uim, & acrimoniam coeperis ad res-  
sistendum hominibus audacissimis: si aui scauolæ pru-  
dentiam ad prospiciendas insidias: quæ tuæ atq; horum  
famæ comparantur: si soceri Scauri constantiam: ut ne-  
quis te de uera, & certa possit sententia dimouere: in-  
telliget populus Ro. integerrimo, atq; honestissimo præ-  
tore, delectoq; consilio, nocenti reo magnitudinem pe-  
cuniæ plus habuisse momenti ad suspicionem criminis,  
quàm ad rationem salutis. Mihi certum est non commit-  
tere ut in hac causa prætor nobis, consiliumq; mutetur.  
non patiar rem in id tempus adduci: ut Siculi, quos ad  
huc serui designatorum cons. non mouerunt: cum  
eos nouo exemplo arcesserent: eos tum lictores consu-  
lum uocent: ut homines miseri, antea socij, atq; amici  
populi Ro. nunc serui, ac supplices, non modo ius su-  
um, fortunasq; omnes eorum imperio amittant: ue-  
rum etiam deplorandi iuris sui potestatem non habeât.  
non sinam profecto causa à me perorata ~~XXXX~~ die-  
bus interpositis, tum nobis deniq; respondeant: cum ac-  
cusatio nostra in obliuionem diuturnitatis adducta sit.  
non committam ut tum res iudicetur: cum hæc frequen-  
tia totius Italiæ Roma discesserit: quæ conuenit uno  
tempore undiq; comitiorum, iudiciorum, censendiq; cau-  
sa. huius iudicij, & laudis fructum, & offensionis pe-  
riculum, uestrum, laborem sollicitudinemq; nostram,  
scientiam quid agatur, memoriamq; quid à quoq; di-  
ctum sit, omnium puto esse oportere. faciam hoc non  
nouum: sed ab alijs, qui nunc principes nostræ ciuitatis  
sunt: ante factum: ut testibus utar statim. illud à me no-  
uum iudices cognoscetis: quod ita testes constituam: ut cri-  
men totum explicem. ubi id interrogando, argumentis,



atq; oratione firmauero: tum testes ad crimen accommo-  
dem: ut nihil inter illam usitatam accusationem, atq; hanc  
nouam intersit: nisi quod in illa tunc, cum omnia dicta  
sunt: testes dantur: hic in singulas res dabuntur: ut illis  
quoq; eadem interrogandi facultas, argumentandi, dicen-  
diq; sit. si quis erit: qui perpetuam orationem, accusatio-  
nemq; desideret: altera actione audiet. nunc id quod fa-  
ciamus, ea ratione facimus: ut maliciæ illorum consilio  
nostro occurramus: necessario fieri intelligant. Hæc  
primæ actionis erit accusatio. Dicamus C. Verrem,  
cum multa libidinosè, multa crudeliter, in aues Ro. atq;  
in socios, multa in deos, hominesq; nefarie fecerit: tum  
præterea CCCC sextertia ex Sicilia contra leges ab-  
stulisse. hoc testibus, hoc tabulis, priuatis publicisq; autho-  
ritatibus, ita uobis planū faciemus: ut hoc statuatis: etiā  
si spacium ad dicendum nostro commodo, uacuosq; dies  
habuissimus: tamen oratione longa nihil opus fuisse.

**Dixi.**



ACCUSATIONIS IN C. VER-

REM LIBER III. ORA-

TIO VI.

EMINEM uestrum ignorare arbitror  
 Iudices: hūc per hosce dies sermonem uul-  
 gi, atq; hanc opinionem populi Ro. fuis-  
 se: C. Verrem altera actione respon-  
 surum non esse: neq; ad iudicium affuturum. quæ fama  
 non itcirco solum emanarat: quod iste certe statuerat,  
 ac deliberauerat, non adesse: uerum etiam, quod ne-  
 mo quenquam tam audacem, tam amentem, tam impu-  
 dentem fore arbitrabatur: qui tam nefarijs criminibus,  
 tam multis testibus euictus, ora iudicum aspicere, aut  
 os suum populo Ro. ostendere auderet. Est idem Verres  
 qui fuit semper: ut ad audendum proiectus: sic para-  
 tus ad audiendum. præsto est: respondet: defenditur: ne  
 hoc quidem sibi reliqui fecit: ut in rebus turpissimis,  
 cum manifesto teneatur: si reticeat: & absit: tamen im-  
 pudentiæ suæ pudentem exitum quæsisse uideatur. pa-  
 tior Iudices: & non moleste fero: me laboris mei, uos  
 uirtutis uestre fructum esse laturos. nam si iste id fecis-  
 set: quod primo statuerat: ut non adesset: minus ali-  
 quanto quam mihi opus esset: cognosceretur: quid ego  
 in hac accusatione comparanda, constituendâq; elabo-  
 rassem. uestra uero laus tenuis plane, atq; obscura Iu-  
 dices esset. neq; enim hoc à uobis populus Ro. expectat:  
 neq; eo potest esse contentus: si condemnatus sit is, qui adesse  
 noluerit: et si fortes fueritis in eo: quem nemo sit ausus  
 defendere. immo uero adsit: respondeat: sumis opibus,



summo studio potentissimorum hominum defendatur:  
 certet mea diligentia cum illorum omnium cupiditate:  
 uestra integritas cum istius pecunia: testium constantia  
 cum illius patronorum minus, atq; potentia. tum demum  
 illa uicta uidebuntur: cum in contentionem certamenq;  
 uenerint. absens si iste esset damnatus: non tam ipse sibi  
 consuluisse, quàm inuidisse uestræ laudi uideretur. neq;  
 enim salus ulla maior Reip. hoc tempore reperiri potest:  
 quàm populum Ro. intelligere: diligenter reiectis ab  
 accusatore iudiciis, socios, leges, Remp. senatorio consilio  
 maxime posse defendi. neq; tanta fortune omnium perni-  
 cies potest accedere: quàm opinione populi Ro. rationem  
 ueritatis, integritatis, fidei, religionis ab hoc ordine ab-  
 iudicari. Itaq; mihi uideor magnam, & maxime ægrā,  
 & propè depositam Reip. partem suscepisse: neq; in eo  
 magis meæ quàm uestræ laudi existimationiq; seruisse.  
 accessi enim ad inuidiam iudiciorum leuandam, uitupe-  
 rationemq; tollendam: ut cum hæc res pro uoluntate po-  
 puli Ro. esset iudicata: aliqua ex parte mea diligentia con-  
 stituta autoritas iudiciorum uideretur. postremo ut esset  
 hoc iudicatum: ut finis aliquando iudiciariæ controuer-  
 siæ constitueretur. etenim sine dubio Iudices in hac causa  
 ea res in discrimen adducatur. reus est enim nocentissi-  
 mus. quasi condemnatur: desinent homines dicere: his  
 iudicijs pecuniam plurimum posse. si absoluitur: desine-  
 mus nos de iudicijs transferendis recusare. tamen si de ab-  
 solutione istius, neq; ipse iam sperat: nec populus Ro. me-  
 tuit. de impudentia singulari, quod adest: quod respōdet:  
 sunt qui mirētur: mihi propter eius audaciam, atq; amen-  
 tiam ne hoc quidem mirandum uidetur. multa enim &  
 in deos, et in homines impie, nefarieq; commisit. quorū



# IN VERREM

scelerum poenis agitatur: & a mente, consilioq; deducitur. agunt eum præcipitem poenæ civium Romanorum: quos partim securi percussit: partim in uinculis necavit: partim implorantes iura libertatis, & civitatis in crucem sustulit. rapiunt eum ad supplicium dii patrij: quod iste inuentus est: qui è complexu parentum abreptos filios ad necem duceret: & parentes precium pro sepultura liberum posceret. religiones uero, ceremoniæq; omnium sacrorum, fanorumq; uiolatæ, simulacrâq; deorum, quæ non modo ex suis templis ablata sunt: sed etiam iacent in tenebris ab isto retrusa, atq; abdita: consistere eius animum sine furore, atq; amentia non sinunt. neq; iste mihi uidetur se ad damnationem offerre solum: neq; hoc auaritiæ supplicio communi, qui tot sceleribus se obstruxerit: contentus esse: singularem quandam poenam istius immanis atq; importuna natura desiderat. non id solum queritur: ut isto damnato bona restituantur ijs, quibus erepta sunt: sed & religiones deorum immortalium expiandæ: & civium R. cruciatus, multorumq; innocentium sanguis, istius supplicio luendus est. non enim furem, sed ereptorem, non adulterum, sed expugnatorem pudicitiae, non sacrilegum, sed hostem sacrorum, religionumq; non siccarium, sed crudelissimum carnificem civium sociorumq; in uestrum iudicium adduximus. ut ego hunc unum eiusmodi reum, post hominum memoriam fuisse arbitrer: cui damnari expediret. nam quis hoc non intelligit? istum absolutum dijs hominibusq; inuitis, tamen ex manibus populi Ro. eripi nullo modo posse? quis hoc non perspiat? præclare nobiscum actum iri: si populus Ro. istius unius supplicio contentus erit: ac non sic statuerit:



non istum maius in sese scelus concepisse: cum sana spoliaret: cum tot homines innocentes necaret: cum ciues Romanos morte, cruciatu, cruce affecerit: cum prædorum duces accepta pecunia dimiserit: quàm eos, si qui istum tot, tantis, tam nefarijs sceleribus coopertum iurati sententia sua liberarent. non est non est in homine cuiquã peccandi locus Iudices: non is est reus: non id tempus: non id consilium (metuo ne quid arrogantius apud tales uiros uidear dicere) ne actor quidem est is: cui reus tam nocens, tam perditus, tam uictus, aut occulte surripi, aut impune eripi possit. His ego iudicibus non probabo C. Verrem contra leges pecunias cœpisse? sustinebunt tales uiri, se tot senatoribus, tot equitibus romanis, tot ciuitatibus, tot hominibus honestissimis, ex tam illustri prouincia, tot populorum priuatorumq; literis non credidisse? tantæ populi Ro. uoluntati restitisse? sustineant. reperiemus: si istum uiuum ad aliud iudicium perducere potuerimus: quibus probemus, istum in quæstura pecuniâ publicam Cn. Carboni Cons. datam auertisse: quibus persuadeamus, istum alieno nomine à quæstoribus urbanis, quod priore actione didicistis: pecuniâ abstulisse. erunt qui & in eo quoq; audaciam eius reprehendat: quod aliquot nominibus de capite quantum commodum fuerit frumenti decumani, detraxerit. erunt etiam fortasse Iudices: qui illum eius peculatum uel acerrime iudicandum putent: quod iste M. Marcelli, & P. Africani monumenta, quæ nomine, illorum, re uera, populi Ro. & erant: & habebantur: ex fanis religiosissimis, ex urbibus sociorum, atq; amicorum non dubitauerit auferre. emerferit ex peculatus etiam iudicio: meditetur de discibus hostium: quos accepta pecunia liberauit: uideat qd



# IN VERREM

de illis respondeat: quos in eorum locum subditos domus suae reseruauit: quærat non solum quemadmodum nostro crimini, uerum etiam quo pacto suæ confessioni possit mederi: meminerit se priore actiōe clamore populi romani infesto, atque inimico excitatū, confessum esse: duces à se prædonū securi non esse percussos: se iam tum esse ueritum, ne sibi crimini daretur: eos ab se pecunia liberatos: fateatur id, quod negari non potest: se priuatum hominē prædonum duces uiuos, atque incolumes domus suæ, postea quam Romam redierit: usque dum per melicauerit: tenuisse. hoc in illo maiestatis iudicio si licuisse sibi ostenderit: ego oportuisse concedam. ex hoc quoque euaserit. proficiat eo, quo me iam pridem uocat populus romanus. de iure enim libertatis, et ciuitatis suum putat esse iudicium: et recte putat. confringat iste sane uis sua, consilia senatoria: quæstiones omnium perrumpat: euolet ex uestra seueritate: mihi credite arctioribus apud populum Ro. laqueis tenebitur. credet ijs equitibus Ro. populus romanus: qui ad uos antea producti testes, ipsis inspectantibus ab isto ciuem Romanum, qui cognitores homines honestos daret: sublatum esse in crucem dixerunt: credent omnes V et XXX tribus homini grauiissimo, atque ornatissimo M. Annio: qui se præsentem ciuem Ro. securi percussum esse dixit: audietur à populo romano uir primarius eques romanus L. Flauius: qui suū familiarē Herennium negociatorem ex Africa, cum eum Syracusis amplius centum ciues Ro. cognoscerent: lachrymantemque defenderent: pro testimonio dixit, securi esse percussum: probabit fidem, et auctoritatem, et religionem suam L. Suetius homo omnibus ornamentis præditus: qui iuratus apud uos dixit: multos ciues romanos in latumijs



istius imperio crudelissime p[er] uim morte esse mulctatos.  
 H[ab]eo ego causam cum a g[ra] beneficio populi Ro. de loco su-  
 periore: n[on] uerco[rum] ne aut istum uis ulla ex populi Ro. suf-  
 fragijs eripere: aut à me ullum munus aedilitatis am-  
 plius, aut gratius populo Ro. esse possit. Quapropter  
 omnes in hoc iudicio contentur omnia: nihil est iam quod  
 in hac causa peccare Iudices quisquam, nisi uestro pe-  
 riculo possit. mea quidem ratio cum in prae[ter]itis est re-  
 bus cognita: tum in reliquis explorata, atq[ue] promissa est.  
 ego meum studium in rempublicam, iam illo tempore  
 ostendi: cum longo interuallo ueterem consuetudinem re-  
 tuli: & rogatu sociorum, atq[ue] amicorum populi Ro. meo-  
 rum autem necessariorum nomen hominis audacissi-  
 mi detuli. quod meum factum lectissimi uiri, atq[ue] orna-  
 tissimi, quo in numero è uobis complures fuere: ita pro-  
 bauerunt: ut ei, qui istius quaestor fuisset: & ab isto læ-  
 sus inimicitias iustas persequeretur: non modo deferendi  
 nominis, sed ne subscribendi quidem, cum id postula-  
 ret: facerent potestatem. in Siciliam sum inquirendi cau-  
 sa profectus: quo in negotio industriam meam celeritas  
 reditionis, diligentiam multitudo literarum, & testiū  
 declarauit: pudorem uero, ac religionem, quod cum ue-  
 nissem Senator ad socios populi romani: qui in ea pro-  
 uincia quaestor fuissem: ad hospites meos, ac necessarios,  
 causae communis defensor, diuer[si] potius, quàm ad eos,  
 qui à me auxiliū petuissent. nemini meus aduentus la-  
 bori, aut sumptui, neq[ue] publice, neq[ue] priuatum fuit. uim  
 in inquirendo tantam habui: quantam mihi lex dabat:  
 non quantam habere poteram istorum studio: quos iste  
 uexarat. Romam ut ex Sicilia redij: cum iste, atq[ue] istius  
 amici homines lauti, & urbani sermones huiuscemo-



## IN VERREM

di dissipassent: quo animos testum retardarent: me ma-  
 gna pecunia à uera accusatione esse deductum: tamen si  
 probabatur nemini: quod ex Sicilia testes erant ij, qui  
 quæstorem me in provincia cognouerant: Et hinc ho-  
 mines maxime illustres, qui, ut ipsi noti sunt: sic nostrum  
 unumquemque optime norunt: tamen usque eo timui, ne  
 quis de mea fide, atque integritate dubitaret: donec ad rei-  
 ciendos iudices uenimus. sciebam in reiciendis iudici-  
 bus nonnullos memoria nostra pactionis suspicionem non  
 uitasse: cum in ipsa accusatione eorum industria, ac  
 diligentia probaretur. ita reieci iudices: ut hoc constet: post  
 hunc statum populi romani, quo nunc utimur: simili splendo-  
 re, et dignitate consilium nullum fuisse. quam iste laudem  
 communem ait sibi esse mecum: qui cum P. Galbam iu-  
 dicem reiecisset: M. Lucretium retinuit: Et cum eius  
 patronus ex eo quæreret: cur suos familiarissimos Sex.  
 Peducum, Q. Considium, Q. Iunium reici passus  
 esset: respondit: quod eos in iudicando nimium sui iu-  
 ris, sententiæque cognosceret. Itaque iudicibus reiectis spe-  
 rabam iam onus meum uobiscum esse commune: putabam  
 non solum notis, sed etiam ignotis probatam meam fi-  
 dem esse, et diligentiam. quod me non fefellit. nam co-  
 mitijs meis, cum iste infinita largitione contra me ute-  
 retur: populus Ro. iudicauit: istius pecuniam, quæ apud  
 me contra fidem meam nihil potuisset: apud se contra ho-  
 norem meum nihil posse debere. quo quidem die pri-  
 mum iudices citati in hunc reum consedistis: quis tam  
 inimicus huic ordini fuit? quis tam nouarum rerum,  
 iudiciorum, iudiciumque cupidus? qui non conspectu, con-  
 sessuque uestro commoueretur? cum in eo uestra mihi di-  
 gnitas fructum diligentiae referret: id sum assecutus: ut



una hora, qua coepi dicere: reo audaci, pecunioso, profuso, perduto, spem iudicij corrumpendi praeciderem: ut primo die testum tanto numero citato populus Ro. iudicaret, ipso absoluto Remp. stare non posse: ut alter dies amicis istius, & defensoribus non modo spem uictoriae, sed etiam uoluntatem defensionis auferret: ut tertius dies sic hominem prosterneret: ut morbo simulato non quid responderet, sed quemadmodum non responderet: deliberaret. deinde reliquis diebus, his criminibus, his testibus, & urbanis, & provincialibus, sic obrutus, atq; oppressus est: ut his ludorum diebus interpositis, nemo istum comperendinatum, sed condemnatum iudicaret. Quapropter ego, quod ad me attinet Iudices: uici. non enim spolia C. Verris, sed existimationem populi Ro. concupiui. meum fuit: cum causa accedere ad accusandum. quae causa fuit illustrior? quam a tam illustri provincia defensorem constitui: & deligi? Reipublicae consulere. quid iam Reip. honestius? quam in tanta inuidia iudiciorum adducere hominem: cuius damnatione totus ordo cum populo Ro. & in laude, & in gratia possit esse? ostendere, ac persuadere hominem nocentem adductum esse. quis est in populo Ro. qui hoc non ex priore actione abstulerit? omnium ante damnatorum scelera, furti, flagitia, si in unum locum conferantur: uix cum huius parua parte aequari, conferriq; posse? uos quod ad uestram famam, existimationem, salutemq; communem pertinet Iudices: prospicite: atq; consulate. splendor uester facit: ut peccare sine summo Reip. detrimento, ac periculo non possitis. non enim potest sperare populus romanus: esse alios in senatu qui recte possint iudicare: uos si non potueritis. necesse est cum de to-



IN VERREM

to ordine desperarit: aliud genus hominum, atq; aliam  
 rationem iudiciorum requirat. hoc si uobis ideo leuius  
 uidetur: quod putatis onus esse graue, & incommodum  
 iudicare: intelligere debetis: primum interesse, utrum id  
 onus uosmetipsi reieceritis: an quod probare populo Ro-  
 fidem uestram, & religionem non potueritis: eo uobis  
 iudicandi potestas erepta sit. deinde etiam illud cogitate:  
 quanto periculo uenturi simus ad eos iudices: quos propter  
 odium uestri populus Ro. de uobis uoluerit iudicare.  
 uerum uobis dicam id quod intellexi Iudices. homines  
 scitote esse quosdam: quos tantum odium uestri ordinis te-  
 neat: ut hoc palam iam dictitent: se istum, quem sciunt  
 esse hominem improbissimum: hoc uno nomine absol-  
 ui uelle: ut ab senatu iudicia per ignominiam, turpitu-  
 dinemq; auferantur. Hæc me Iudices pluribus uerbis  
 uobiscum agere coegit non timor meus de uestra fide:  
 sed spes illorum noua: quæ cum Verrem à porta subi-  
 to ad iudicium retraxisset: nonnulli suspicati sunt non  
 sine causa illius consilium tam repente esse mutatum. Nunc  
 ne nouo querimonie genere uti possit Hortensius: & ea  
 dicere: opprimi reum, de quo nihil dicat accusator: nihil  
 esse tam periculosum fortunis innocentium: quam tace-  
 re aduersarios: & ne aliter quam ego uelim, meum lau-  
 det ingenium: cum dicat: me, si multa dixissem, subleua-  
 turum fuisse eum, quem contra dicerem: quia non di-  
 xerim: perdidisse: morem illi geram: utar oratione per-  
 petua: non quoniam hoc sit necesse: uerum ut experi-  
 ar: utrum ille ferat molestius: me tunc tacuisse: an nunc  
 dicere? hic tu fortasse eris diligens: ne quam ego horam de  
 meis legitimis horis remittam: nisi omni tempore, quod  
 mihi lege concessum est: abusus ero: querere: deum atq;  
 hominum



hominum fidē implorabis: arcumueniri C. Verrē: quod  
 accusator nolit tam diu, q̄ diu liceat, dicere. qđ mihi lex  
 mea causa det: eo mihi non uti non licebit? nam acu-  
 sandi mihi tempus mea causa datum est: ut possem ora-  
 tione mea crimina causamq; explicare. hoc si non utor:  
 non tibi iniuriam facio: sed de meo iure aliquid, et com-  
 modo detraho. causam enim inquit cognosci oportet. ea-  
 re quidem, quod aliter condemnari reus non potest:  
 quamuis sit nocens. id igitur tu moleste tulisti: à me ali-  
 quid factum esse: quominus iste condemnari posset? nam  
 causa cognita multi possunt absolui: incognita quidem  
 condemnari nemo potest. adimo enim comperēdinatum:  
 quod habet lex in se molestissimum: bis ut causa dicta-  
 tur. quod aut mea causa potius est constitutum, q̄ tua: aut  
 nihilo tua potius, q̄ mea. nā si bis dicere est commodū: cer-  
 te utriusq; commune est. si eum, qui posterius dixit: opus  
 est redargui: accusatoris causa, ut bis ageretur, constitu-  
 tum est. uerum ut opinor Glaucia primus tulit: ut com-  
 perēdinaretur reus: antea uel iudicari primo poterat: uel  
 amplius pronunciari. utram igitur putas legem mollio-  
 rem? opinor illam ueterem: qua uel cito absolui, uel tar-  
 de condemnari licebat. ego tibi illam Aciliam legem re-  
 stituo: qua lege multi semel accusati, semel dicta causa,  
 semel auditis testibus condemnati sunt, nequaquam tam  
 manifestis, neq; tantis criminibus, quantis tu conuince-  
 ris. puta te non hac tam atroci, sed illa lege mitissima  
 causam dicere. accusabo. respondebis. testibus editis ita  
 mittam in consilium: ut etiam si lex ampliandi faciat  
 potestatem: tamen isti turpe sibi existiment: non primo  
 iudicare. uerum si causam cognosci opus est: paruma-  
 ne cognita est? dissimulamus Hortensi: quod sepe in di-



cendo experti sumus. quis nos magnopere attendit un-  
 quam, in hoc quidem genere causarum: ubi aliquid ere-  
 ptum aut ablatum à quopiam dicitur? nonne aut in ta-  
 bulis, aut in testibus omnis expectatio iudicium est? dixi  
 prima actione me planum esse facturum C. Verrem HS  
 quadringentes contra legem abstulisse. quid? hoc planius  
 egissem? si ita narrassem. Dio quidam fuit Alesinus:  
 qui cum eius filio prætore sacerdote hereditas à pro-  
 pinquo permagna uenisset: nihil habuit neque negotij,  
 neque controuersiae. Verres simul ac tetigit provinciam:  
 statim Messanam literas dedit: Dionem euocauit: calu-  
 niatores ex sinu suo apposuit: qui illam hereditatem Ve-  
 neri Erycinæ commissam esse dicerent. hac de re osten-  
 dit seipsum cogniturum. possum deinceps totam rem ex-  
 plicare: deinde ad extremum id, quod accidit: dicere: Dio-  
 nem HS decies centena millia numerasse: ut causam cer-  
 tissimam obtineret: præterea greges equarum eius istum  
 abigendos curasse: argenti uestisque stragulae quod fuerit:  
 curasse auferendum. hac neque cum ego dicerem: neque cum  
 tu negares: magni momenti nostra esset oratio. quo tem-  
 pore igitur aures iudex erigeret? animumque attenderet?  
 cum Dio ipse prodiret: cum ceteri: qui tum in Sicilia ne-  
 gotijs Dionis interfuisent: cum per eos ipsos dies, per  
 quos causam Dio diceret: reperiretur pecunias sumpsis-  
 se mutuas: nomina sua exegisse: prædia uendidisse: cum  
 tabulae uirorum bonorum proferrentur: cum, qui pecu-  
 niam Dioni dederunt: dicerent: se iam tum audisse eo-  
 nummos sumi: ut Verri darentur: cum amici, hospites,  
 patroni Dionis hominis honestissimi, hæc eadem se au-  
 disse dicerent. opinor cum hæc fierent: tum uos audi-  
 retis: sicut audistis: tum causa agi uideretur. sic à me sunt



acta omnia priore actione: ut in criminibus omnibus  
 nullum esset: in quo quisquam uestrum perpetuam acu-  
 sationem requirat. nego esse quicquā à testibus dictum:  
 quod aut uestrum cupiam esset obscurum: aut cuius-  
 quam oratoris eloquentiā quæreretur. etenim sic meipsum  
 egisse memoria tenetis: ut in testibus interrogandis omnia  
 crimina proponerem: & explicarem: ut cum rē totam  
 in medio proposuissem: tum deniq; testem interrogarem.  
 Itaq; non modo uos, quibus est iudicandum: nostra cri-  
 mina tenetis: sed etiam populus Ro. totam accusationem,  
 causamq; cognouit. tamen si ita de meo facto loquor: quasi  
 ego illud mea uoluntate potius, quā uestra iniuria ad-  
 ductus fecerim. interposuistis accusatorem: qui cum ego  
 mihi C & X dies solos in Siciliam postulassem: C  
 VIII sibi in Achaiam postularer: menses mihi tres cū  
 eripuissetis ad agendum maxime appositos: reliquum o-  
 mne tempus huius anni me uobis remissurum putastis:  
 ut cum horis nostris nos essemus usi: tu binis ludis inter-  
 positis, quadragesimo post die responderes: deinde ita tem-  
 pus duceretur: ut à M. Glabrione Pr. & à magna par-  
 te horū iudicum, ad prætorē aliū, iudicesq; alios uenire-  
 mus. Hæc si ego non uidissem: si me non omnes noti  
 & ignoti q; monuissent: id agi: id cogitari: in eo laborari: ut  
 res in illud tempus reijceretur: credo si meis horis in ac-  
 cusando uti uoluissim: uererer ne mihi crimina nō sup-  
 peterent: ne oratio deesset: ne uox uiresq; deficerent: ne  
 quē nemo prima actione defendere ausus esset: eum ego  
 his accusare non possem. ego meum consilium tum iudi-  
 cibus, tum populo Ro. probaui. nemo est qui alia ra-  
 tione istorum iniuriæ, atq; impudentiæ potuisse obsisti  
 arbitretur. etenim quæ stulticia fuisset? si, quam diē qui



## IN VERREM

istum eripiendum redemerunt: in cautione uiderunt:  
 cum ita cauerent: si post Cal. Ian. in consilium iretur:  
 in eam diem ego, cum potuissem uitare: incidissem? Nunc  
 mihi temporis eius, quod mihi ad dicendum datur: quo  
 niam in animo est, causam omnem exponere: habenda  
 ratio est diligenter. itaq; primum illum actum istius ui-  
 tæ turpissimum, & flagitiosissimum prætermittam: ni-  
 hil à me de puericiæ suæ flagitijs, peccatisq; audiet: ni-  
 hil ex illa impura adolescentia sua: quæ qualis fuerit:  
 aut meministis: aut ex eo, quem sui simillimum produ-  
 xit: recognoscere potestis. omnia præteribo, quæ mihi tur-  
 pia dictu uidebuntur: neq; solum quid istum audire, ue-  
 rum etiam quid me deceat dicere: considerabo. uos quæ-  
 so date hoc, & concedite pudori meo: ut aliquam par-  
 tem de istius impudētia reticere possim. omne illud tem-  
 pus, quod fuit, antequam iste ad magistratus Remq; pu-  
 blicam accessit: habeat per me solutum, ac liberum: si-  
 leatur de nocturnis eius bacchationibus, ac uigilijs: le-  
 nonum, aleatorum, perductorum nulla mentio fiat:  
 damna, dedecora, quæ, res patris eius, ætas ipsius pertu-  
 lit: prætereantur: lucretur indicia ueteris infamiæ: pa-  
 tiatur eius uita reliqua me hanc tantam iacturam cri-  
 minum facere. quæstor Cn. Papirio Consuli fuisti, ab  
 hinc annos quatuordecim: ex ea die ad hanc diem quæ-  
 fecisti in iudicium uoco. hora nulla uacua à furto, à scē-  
 lere, crudelitate, flagitio, reperietur. hi sunt anni consum-  
 pti in quæstura, & legatione Asiatica, & Prætura ur-  
 bana, & Prætura siciliensi. Quare hæc eadem erit qua-  
 dripartita distributio totius accusatiōis meæ. Quæstor,  
 ex S. C. Prouinciam sortitus es: obtigit tibi Cōsularis: ut  
 cum Cons. Cn. Carbone esses: eamq; prouinciam obtine-



res. erat tum dissensio ciuium: de qua nihil sum dictu-  
 rus, quid sentire debueris: unum hoc dico: in eiusmodi  
 tempore, ac sorte, statuere te debuisse, utrum malles sen-  
 tire, atq; defendere. Carbo grauiter ferebat, sibi quæsto-  
 rem obtigisse, hominem singulari luxuria, atq; inertia:  
 uerum tamen ornabat eum beneficijs omnibus. ne diu-  
 tius teneā: pecunia attributa numerata est. profectus est  
 quæstor in prouinciam: uenit in Galliā expectatus ad  
 exercitum Consularem cum pecunia: simul ac primum  
 ei occasio uisa est (cognoscite hominis principium magi-  
 stratum gerendorum, & Reip. administrandæ) auer-  
 sa pecunia publica quæstor consulem, exercitum, prouin-  
 ciamq; deseruit. Video quid egerim: erigit se: sperat sibi  
 auram posse aliquam afflari in hoc crimine, uolunta-  
 tis, dissensionisq; eorum, qbus Cn. Carbonis mortui no-  
 men odio sit. quibus illam reiectionem, prodicionemq;  
 Consulis sui gratam sperat fore. quasi uero id cupidi-  
 tate defendendæ nobilitatis, aut studio partium fecerit:  
 ac non apertissime consulem, exercitum, prouinciamq;  
 compilari: & propter impudentissimum furtum ausu-  
 gerit. est enim obscurum, et eiusmodi factum eius: ut pos-  
 sit aliquis suspicari: C. Verrem, quod terrere nouos ho-  
 mines non potuerit: ad nobilitatem, hoc est ad suos trā-  
 sisse: nihil fecisse propter pecuniam. uideamus rationes  
 quemadmodum retulerit: iam ipse ostendet, quamobrē  
 Cn. Carbonem reliquerit: iam se ipse indicabit. primū  
 breuitatem cognoscite. ACCEPI inquit VICIES  
 DVCENTA QVINQVE MILLIA QVA-  
 DRINGENTOS XVI NUMMOS. DEDI  
 STIPENDIO, FRUMENTO, LEGATIS,  
 PROQVAESTORIBVS, COHORTI PRAE

l iij



IN VERREM  
TORIAE HS MILLE QVINGENTA  
QVADRAGINTA QVINQVE MILLIA  
QVADRINGENTOS XVI NUMMOS: RE  
LIQVI ARIMINI HS SEXCENTA MIL  
LIA. hoc est rationes referre? hoc modo aut ego, aut tu  
Hortensi, aut quisquam omnium retulit? quid hoc est?  
quæ impudentia? quæ audacia? quod exemplum ex tot  
hominum rationibus relatis huiusmodi est? illa tamen  
HS sexcenta millia, quæ neq; falso quidem potuit de  
scribere, quibus data essent: quæ se Arimini scribit re  
liquisse: quæ ipsa HS sexcenta millia reliqua facta sunt:  
neq; Carbo attigit: neq; Sylla uidit: neq; in ærarium re  
lata sunt. oppidum sibi elegit Ariminū: quod, cum iste  
rationes ferebat: oppressum, direptumq; erat. non suspi  
cabatur id, quod nunc sentiet: satis multos ex illa cala  
mitate Ariminensium, testes nobis in hac rem reliquos  
esse. recita denno. P. LENTVLO, L. TRIA  
RIO QVAESTORIBVS VRBANIS RES  
RATIONVM RELATARVM: recita. EX S. C. ut  
hoc pacto rationē referre liceret: eo Syllanus repente fa  
ctus est: nō ut honos, et dignitas nobilitati restitueretur.  
quod si illinc inanis profugisses: in ista tua fuga, nefaria,  
proditio Consulis tui, scelerata iudicaretur. malus ciuis,  
improbus consul, seditiosus homo Cn. Carbo fuit. fuerit  
alijs: tibi quando esse cœpit? posteaquam tibi pecuniam,  
rem frumentariam, rationes omnes suas, exercitumq;  
commisit. nam si tibi antea displicuisset: idem fecisses:  
quod anno post M. Piso quæstor, cum L. Pisoni Consu  
li obtigisset: non attigit pecuniā: non ad exercitum pro  
fectus est: quod de Rep. sensit: ita sensit: ut nec fidem su  
am, nec morem maiorum, nec necessitudinem sortis la



deret. etenim si hæc perturbare omnia, & permiscere  
 uolumus: totam uitam periculosam, inuidiosam, infe-  
 stamq; reddemus: si nullam religionem sors habebit:  
 nullam societatem coniunctio secundæ, dubiæq; fortu-  
 næ: nullam auctoritatem mores, atq; instituta maiorū.  
 omnium est communis inimicus: qui fuit hostis suorum.  
 nemo unquam sapiens proditori credendum putauit.  
 Ipse Sylla, cui aduentus istus gratissimus esse debuit:  
 ab se hominem, atq; ab exercitu suo remouit: Beneuenti  
 esse iussit apud eos, quos suis partibus amantissimos esse  
 intelligebat: ubi iste summæ rei, causæq; nocere nihil pos-  
 set. ei præmia postea tamē liberaliter tribuit: bona quæ-  
 dam proscriptorum in agro beneuentano diripiēda cō-  
 cessit. habuit honorem ut proditori: non ut amico fidē.  
 Nunc, quamuis sint homines, qui mortuum Cn. Carbo-  
 nem oderint: tamen hi debent, non quid illi accidere uo-  
 luerunt: sed quid ipsis in tali re metuendum sit: cogita-  
 re. commune est hoc malum: communis metus: commune  
 periculum. nullæ sunt occultiores insidiæ: q̄ hæ, quæ la-  
 tent in simulatione officij, aut in aliquo necessitudinis  
 nomine. nam eum qui palàm est aduersarius: facile ca-  
 uendo uitare possis. hoc uero occultum, intestinum, ac do-  
 mesticum malum non modo non existit: uerum etiā op-  
 primit: antequam perspicere, atq; explorare potueris. ita-  
 ne uero? tu cum quæstor ad exercitum missus sis, custos nō  
 solum pecuniæ, sed etiam Consulis: particeps omnium  
 rerum, consiliorumq; fueris: habitus sis in liberum lo-  
 co: sicut mos maiorum ferebat: repente relinquas? dese-  
 ras? ad aduersarios transeas? O scelus: O portentum  
 in ultimas terras exportandum. non enim potest ea na-  
 tura quæ tantum facinus commiserit: hoc uno scelere esse



IN VERREM

contenta: necesse est semper aliquid eiusmodi molietur; necesse est in simili audacia perfidiaq; uersetur. Itaque idem iste, quem Cn. Dolabella postea C. Malloco occiso Proquaestore habuit (haud scio, an maior etiam hæc necessitudo fuerit, quàm illa Carbonis: ac plus iudiciū uoluntatis ualere, q̄ sortis debeat) idem in Cn. Dolbellā, qui in Cn. Carbonem fuit. nam quæ in ipsum ualebāt crimina: contulit in istum: causamq; illius omnem ad inimicos, accusatoresq; detulit. ipse in eum, cui Legatus Proquaestore fuerat: inimicissimum, atq; improbissimum testimonium dixit. ille miser cum esset: tum proditione istius nefaria, tum improbo, & falso eiusdem testimonio, tum multo ex maxima parte istius furto-  
*Proquaestor*  
*ad istum in hoc periculo*  
rum, ac flagitiorum inuidia constat graui. quid hoc homine faciatis? ad aliquam spem, tam perfidiosum, tam importunum animal reseruetis? qui in Cn. Carbonem sortem, in Cn. Dolbellam uoluntatem neglexerit: ac uiolarit: eosq; ambos non solum deseruerit: sed etiam prodiderit: atq; oppugnarit. Nolite quæso Iudices breuitate orationis meæ potius, quàm rerum ipsarum magnitudine crimina ponderare. mihi enim properandū necessario est: ut omnia uobis, quæ mihi constituta sunt: possim exponere. quamobrem quæstura istius demonstrata, primiq; magistratus, & furto, & scelere perspecto, reliqua attendite. in quibus illud tempus Syllanarum proscriptionum, ac rapinarū prætermittam: neq; ego istum sibi ullam ex communi calamitate defensionem sinam sumere: suis eum certis, proprijsq; criminibus accusabo. quamobrem hoc omni tempore Syllano ex accusatione circumscripto, legationem eius præclaram cognoscite. Posteaq; Cn. Dolbellæ provincia Cilicia cōstitutata est: O' di



immortales, quanta iste cupiditate, quibus allegationibus illam sibi Legationem expugnauit? id quod Cn. Dolobellæ principium maximæ calamitatis fuit. nam ut iste profectus est: quacunq; iter fecit: eiusmodi fuit: non ut legatus populi romani, sed ut quædam calamitas per uadere uideretur. In Achaia (prætermittam minora omnia: quorum simile forsitan alius quoq; aliquid aliquando fecerit: nihil dicam, nisi singulare: nisi quod si in alium reum diceretur: incredibile uideretur) magistratum Sicyonium nummos poposcit. ne sit hoc crimen in Verrem: fecerunt alij. cum ille non daret: animaduertit. improbum: sed non inauditum. genus animaduersionis uidete: quæretis ex quo genere hominem istum iudicetis. ignem ex lignis uiridibus, atq; humidis in loco angusto fieri iussit: ibi hominem ingenuum, domi nobilem, populi ro. focum, atq; amicum fumo excruciatum, seminiuum reliquit. Iam quæ iste signa, quas tabulas pictas, ex Achaia sustulerit: non dicam hoc loco: est alius mihi locus ad hanc cupiditatem demonstrandam seruatus. Athenis audistis ex æde Mineruæ grande auri pondus ablatum. dictum hoc est in Cn. Dolobellæ iudicio. dictum? etiam æstimatum. huius consilij non modo participem C. Verrem, sed principem fuisse reperiatis. Delum uenit: ibi ex fano Apollinis religiosissimo noctu clam sustulit signa pulcherrima, atq; antiquissima: eaq; in onerariam nauem suam coniicienda curauit. postridie cum spoliatum fanum uiderent ij, qui Delum incolebant: grauiter ferebant. est enim tanta apud eos eius fani religio, atq; antiquitas: ut in eo loco ipsum Apollinem natum esse arbitrentur. uerbum tamen facere non audebant: ne forte ea res ad Dolobellam ipsum



IN VERREM

pertineret. Tum subito tempestates cohortæ sunt maxi-  
mæ Iudices: ut non modo proficisci, cum cuperet, Dolo-  
bella non posset: sed uix in oppido consisteret. ita magni  
fluctus eiciebantur. hic nauiß illa prædonis istius omni-  
sta signis religiosis, expulsa, atq; eiecta fluctu, frangi-  
tur: in litore signa illa Apollinis reperiuntur: iussu Dolo-  
bellæ reponuntur: tempestas sedatur: Dolo bella de loco  
proficiscitur. Non dubito, quin, tametsi nullus in te sensus  
humanitatis, nulla ratio unquam fuit religionis: nunc  
tamen in metu periculoq; tuo, tuorum tibi scelerum ue-  
niat in mentem. potest ne tibi ulla spes salutis commo-  
da ostendi? cum recordaris, in deos immortales quàm  
impius, quàm sceleratus, quàm nefarius fueris? Apolli-  
nem ne tu Delium spoliare ausus es? illi ne tu templo,  
tam antiquo, tam sancto, tam religioso manus impias,  
ac sacrilegas asferre conatus es? si in puericia non his  
artibus, & disciplinis institutus eras: ut ea quæ lite-  
ris mandata sunt: disceres: atq; cognosceres: ne postea qui-  
dem, cum in ea ipsa loca uenisti: potuisti accipere id, quod  
est proditum memoriæ, ac literis? Latonam ex longo er-  
rore, & fuga, grauidam, & iam ad pariendum uia-  
nã, temporibus exactis fugisse Delum: atq; ibi Apolli-  
nem Dianamq; peperisse. qua ex opinione hominum il-  
la insula eorum deorum sacra putatur: tantaq; eius au-  
thoritas religionis & est: & semper fuit: ut ne Persæ q-  
dem, cum bellum toti græciæ dijs hominibusq; indixis-  
sent: & mille numero nauium classẽ ad Delum ap-  
pulissent: quicquam conarentur aut uiolare: aut attin-  
gere. hoc tu sanum depopulari homo improbißime, atq;  
amentißime audebas? fuit illa cupiditas tanta, quæ tan-  
tam extingueret religionem? et si tum hæc non cogita-



bas ne nunc quidem recordaris? nullum esse tantum ma-  
lum: quod non tibi pro sceleribus tuis iam diu debeat-  
tur? In Asiam uero postquam uenit: quid ego aduentus  
istius prandia, cœnas, equos, munerâq; commemorē? ni-  
hil cum Verre de quotidianis criminibus acturus sum.  
Chio per uim signa pulcherrima dico abstulisse. item  
Erythris, & Halicarnasso. Tenedo (prætereo pecuniam  
quam eripuit) Tenem ipsum, qui apud Tenedios san-  
ctissimus deus habetur: qui urbē illam dicitur condidis-  
se: cuius ex nomine Tenedus nominatur: hunc ipsum  
inquam Tenem, pulcherrime factum, quem quondam  
in comitio uidistis: abstulit magno cum gemitu ciui-  
tatis. Illa uero expugnatio fani antiquissimi, & no-  
bilibissimi Iunonis Samæ, quā luctuosa Samis fuit?  
quā acerbata toti Asiæ? quā clara apud deos? quā  
nemini uestrum inaudita? de qua expugnatione cum  
Legati ad C. Neronem in Asiam Samo uenissent: re-  
sponsum tulerunt: eiusmodi querimonias, quæ ad Le-  
gatum populi Ro. pertinerent: non ad prætorem, sed Ro-  
mam deferri oportere. quas iste tabulas illinc, quæ si-  
gna sustulit? quæ cognoui egomet apud istum in ædi-  
bus nuper: cum obsignandi gratia uenissem. quæ signa  
nunc Verres ubi sunt? illa quæro: quæ apud te nuper ad  
omnes columnas, omnibus etiam intercolumniis, in syl-  
ua deniq; disposita sub dispo uidimus. cur ea q̄ diu alium  
prætorem, cum his iudicibus, quos in horum locum sub  
sortitus es: de te in consilium iturum putasti: tam diu do-  
mi fuerunt? posteaquam nostris testibus nos, quā ho-  
ris tuis uti malle uidisti: nullum signum domi reliquisti?  
præter duo, quæ in medijs ædibus sunt: quæ ipsa Samo  
sublata sunt? non putasti me tuis familiarissimis in hanc



IN VERREM

rem testimonia denunciaturum? qui tuæ domi sæpe fuisset: ex quibus quærerem signa scirent ne fuisset: quæ non essent. quid tum hos de te iudicaturos arbitratus es? cum viderent: te iam non contra accusatorem tuum, sed contra quaestorem, sectoremque pugnare? qua de re Charidemum Chium testimonium priore actione dicere audistis: sese, cum esset Aristarchus: et Verrem ex Asia decedentem prosequeretur: iussu Dolobellæ fuisse una cum isto Sami: seseque tum scire, spoliatum esse fanum Iunonis, et oppidum Samum: posteaque se causam apud Chios cives suos Samiis accusantibus publice dixisse: eoque se esse absolutum: quod planum fecisset: ea, quæ Legati Samiorum dicerent: ad Verrem, non ad se pertinere. Aspendum uetus oppidum, et nobile in Pamphylia scitis esse, plenissimum signorum optimorum. non dicam illinc hoc signum ablatum esse, et illud: hoc dico: nullum te Aspendi signum Verres reliquisse: omnia ex fanis, ex locis publicis, palam, spectantibus omnibus, plostris euecta, asportataque esse. atque etiam illud Aspendium Citharistam, de quo sæpe audistis id, quod est græcis hominibus in proverbio: quem omnia intus canere dicebāt: sustulit: et in intimis suis ædibus posuit: ut etiam illud ipsum artificio suo superasse uideatur. Perge fanum antiquissimum, et sanctissimum Dianæ scimus esse. id quoque à te nudatum, et spoliatum esse, ex ipsa Diana quod habebat auri detractum, atque ablatum esse dico. quæ malum est ista tanta audacia, atque amentia? quas enim sociorum, atque amicorum urbes adisti legationis iure, et nomine: si in eas ui, cum exercitu imperioque inuasisses: tamen opinor quæ signa, atque ornamenta ex his urbibus sustulisses: hæc non in tuam domum, neque



in suburbana amicorum, sed Romam in publicum de-  
portasses. quid ego de M. Marcello loquar? qui Syra-  
cusas urbem ornatissimam coepit? quid de L. Scipio-  
ne? qui bellum in Asia gessit: Antiochumq; Regem  
potentissimum uicit? quid de Flaminio? qui regem Phi-  
lippum, & Macedoniam subegit? quid de L. Paulo? q  
regem Persen ui, ac uirtute superauit? quid de L. Mum-  
mio? qui urbem pulcherrimam, atq; ornatissimam Co-  
rinthum plenissimam rerum omnium sustulit: urbesq;  
Achaiae, Boetiaeq; multas sub imperium populi Ro. di-  
tionemq; subiunxit? quorum domus cum honore &  
uirtute florerent: signis, & tabulis pictis erant uacuae.  
at uero urbem totam, templa deorum, omnesq; italiae  
partes illorum donis, ac monumentis exornatas uide-  
mus. uereor ne haec forte cuiquam nimis antiqua, &  
iam obsoleta uideantur. ita enim tum aequabiliter o-  
mnes erant huiusmodi: ut haec laus eximiae uirtutis, &  
innocentiae, non solum hominum, uerum etiam tempo-  
rum illorum esse uideatur. P. Seruilius uir clarissimus,  
maximis rebus gestis adest: de te sententiam laturus est:  
Olinthum ui, copijs, consilio, uirtute coepit, urbem an-  
tiquam, & omnibus rebus auctam, & ornatam. re-  
cens exemplum fortissimi uiri profero. nam postea Ser-  
uilius imperator populi Ro. Olinthum urbem hostium  
coepit: quam tu in hisdem illis locis Legatus quaestorius  
oppida pacata sociorum, atq; amicorum diripienda, ac  
uexanda curasti. tu quae ex fanis religiosissimis per scæ-  
lus, & per latrocinium abstulisti: ea nos uidere nisi  
in tuis, amicorumq; tuorum tectis non possumus. P. ser-  
uilius quae signa atq; ornamenta ex urbe hostium, &  
uirtute capta, belli lege, atq; imperatorio iure sustulit:



IN VERREM

ea populo Ro. apportauit: per triumphum uexit: in tabulas publicas ad aerarium perscribenda curauit. cognoscite ex literis publicis hominis amplissimi diligentiam. Recta. RATIONES RELATAE P. SERVILII. non solum numerum signorum, sed etiam uniuscuiusque magnitudinem, figuram, statum, literis definiri uides. certe maior est uirtutis, uictoriaeque incunditas: quam ista uoluptas: quae percipitur ex libidine, et cupiditate. multo diligentius habere dico seruilium praedam populi Ro. quam te tua furtiua notata, atque descripta. dices tua quoque signa, et tabulas pictas ornamento urbi, foroque populi Ro. fuisse. memini: uidi simul cum populo romano forum, comitumque adornatum ad speciem magnifico ornatu, ad sensum, cogitationemque acerbo, et lugubri: uidi collucere omnia furtis tuis, praeda provinciarum, spolijs sociorum, atque amicorum. quo quidem tempore Iudices iste spem maximam reliquorum quoque peccatorum nactus est. uidit enim eos, qui iudiciorum dominos se dici uolebant: harum cupiditatum esse seruos. socij uero, nationesque exterae, spem omnium tum primum abiecere rerum, ac fortunarum suarum: propterea, quod casu Legati ex Asia, atque Achaia plurimi Romae tunc fuerunt: qui deorum simulacra ex suis fanis sublata in foro uenerabantur: itemque caetera signa et ornamenta cum cognoscerent: alia alio in loco lachrymantes intuebantur. quorum omnium hunc sermonem tum esse audiebamus: nihil esse, quod quisquam dubitaret de exitio sociorum, atque amicorum: cum quidem uiderent in foro populi romani, quo in loco antea qui socijs iniurias fecerant, accusari, et condemnari solebant: ibi esse patlam posita ea: quae ab socijs per scelus ablata, creptaque



essent. Hic ego non arbitror illum negaturum: signa  
 sese plurima, tabulas pictas innumerabiles habere: sed  
 ut opinor solet hæc, quæ rapuit, & furatus est: non-  
 nunquam dicere, se emisse. Quoniam quidem in Acha-  
 iam, Asiam, Pamphyliam, sumptu publico, & legatio-  
 nis nomine mercator signorum tabularumq; picta-  
 rum missus est: habeo & istius, & patris eius accepti  
 tabulas omnes: quas diligentissime legi: atq; digessi. pa-  
 tris, quoad uixit: tuas, quoad ais te confecisse. nam in isto  
 Iudices hoc nouum reperiets. audimus aliquem tabu-  
 las nunquam confecisse: quæ est opinio hominum de An-  
 tonio falsa. nam fecit diligentissime. uerum sit hoc genus  
 aliquod minime probandum. audimus alium non ab  
 initio fecisse: sed ex tempore aliquo confecisse. est aliqua  
 etiam huiusce rei ratio. hoc uero nouum, & ridiculum  
 est: quod hic nobis respondit: cum ab eo tabulas po-  
 stularemus: usq; ad M. Terentium, & C. Cassium  
 Consules confecisse: postea destitisse. alio loco hoc cuiusmo-  
 di sit: considerabimus. nunc nihil ad me attinet. horum  
 enim temporum, in quibus nunc uersor: habeo tabu-  
 las & tuas, & patris. plurima signa pulcherrima,  
 plurimas tabulas deportasse te, negare non potes: atq; uti-  
 nam neges. unum ostende in tabulis aut tuis, aut pa-  
 tris tui emptum esse: uicisti. ne hæc quidem duo signa  
 pulcherrima, quæ nunc ad impluuium tuum stant:  
 quæ multos annos ad ualuas Iunonis samis steterunt: ha-  
 bes quomodo emeris. hæc inquam duo, quæ in ædibus  
 tuis sola iam sunt: quæ sectore expectant, relicta, ac de-  
 stituta à cæteris signis. At credo in hisce solis re-  
 bus indormitas cupiditates, atq; effrenatas habebat: cæ-  
 teræ libidines eius ratione aliqua aut modo contineban



tur. quam multis istum ingenuis, quam multis matri-  
 bus familias, in illa terra, atq; impura Legatione uim  
 attulisse existimatis? Et quo in oppido pedem posuit:  
 ubi non plura stuprorum, flagitiorumq; suorum, quam  
 aduentus sui uestigia reliquerit? sed ego omnia, quæ  
 negari poterunt: prætermittam. etiam hæc quæ cer-  
 tissima sunt, Et clarissima relinquam. unū aliquod de  
 nefarijs istius factis eligam: quo facilius ad Siciliam pos-  
 sim aliquando, quæ mihi hoc oneris, negocij q; imposuit:  
 peruenire. Oppidum est in Helleponto Lampſacum  
 Iu. in primis Asiæ provinciæ clarū, et nobile: homines  
 autem ipsi Lampſaceni, tum summe in omnes ciues ro-  
 manos officiosi: tum præterea maxime sedati, Et quie-  
 ti, prope præter ceteros, ad summum græcorum ocium  
 potius, quam ad ullam uim, aut tumultum accommo-  
 di. accidit, cum iste a Cn. Dolobella efflagitasset: ut se ad  
 regem Nicomedē regemq; sadalam mitteret: cumq; iter  
 hoc sibi magis ad quæstum suum, q̄ ad Reip. tempus ac-  
 commodatum depoposcisset: ut illo itinere ueniret Lam-  
 psacum, cum magna calamitate, Et prope perniciē ci-  
 uitatis. deducitur iste ad Ianitorem quendam hospitem:  
 comitesq; eius item apud ceteros hospites collocantur. ut  
 mos erat istius: atq; ut eum suæ libidines flagitiosæ fa-  
 cere admonuerant: statim negocium dat illis suis comi-  
 tibus, nequissimis, turpissimisq; hominibus: ut uideāt:  
 Et inuestigent: ecquæ uirgo sit, aut mulier, digna, quam  
 obrem iste Lampſaci diutius commoraretur. erat co-  
 mes eius Rubrius quidam, homo factus ad istius libidi-  
 nes: qui miro artificio, quocunq; uenerat: hæc inuestiga-  
 re omnia solebat. is ad eum rem istam deferat: Philoda-  
 mum esse quendam genere, honore, copijs, existimatione,  
 facile



facile principem Lampfacenorum: eius esse filiam: quæ cum patre habitaret: propterea, quod uirum non haberet: mulierem eximia pulchritudine: sed eam summa integritate, pudicitiaq; existimari. homo ut hæc audiuit: sic exarsit ad id, quod non modo ipse nunquam uiderat: sed ne audierat quidem: ab eo, qui ipse uidisset: ut statim ad Philodamum migrare se diceret uelle. hospes Ianitor, qui nihil suspicaretur: ueritus ne quid in ipso se offenderit: hominē summa ui retinere cœpit. iste, qui hospitis relinquendi causam reperire nō posset: alia sibi ratione uiam munire ad stuprum cœpit. Rubrium delicias suas, in omnibus eiusmodi rebus adiutorem suū, & consciū, parum laute diuersari dicit: ad Philodamum deduci iubet. quod ubi est Philodamo nunciatum: tametsi erat ignarus, quantum sibi, ac liberis suis iam tum mali constitueretur: tamen ad istum uenit: ostendit munus illud suū non esse: se, cum suæ partes essent hospitum recipiendorum: tum ipsos tamen prætores, & Consules, non legatorum affeclas recipere solere. iste, q̃ una cupiditate raperetur: totum illius postulatum causamq; neglexit: per uim ad eum, qui recipere non debebat: Rubrium deducta imperauit. hic Philodamus, posteaquam ius suū obtinere non potuit: ut humanitatem, consuetudinemq; suam retineret: laborabat. homo, qui semper hospitalissimus, amicissimusq; nostrorum hominum existimatus esset: noluit uideri ipsum illum Rubriū inuitus in domum suam recepisse: magnifice, & ornate, ut erat in primis inter suos copiosus: conuiuium comparat: rogat Rubrium ut quos ei commodum sit inuiter: locum sibi soli si uideatur relinquat. ut etiā filium suū lectissimum adolescentem foras ad propinquum suum

m



# IN VERREM

quendam mitteret ad cœnam. Rubrius istius comites in-  
uitat. eos omnes Verres certiores facit, quid opus esset.  
mature ueniunt: discumbitur: fit sermo inter eos, & in-  
uitatio: ut græco more biberetur: hospes hortatur: poscunt  
maioribus poculis: celebratur omniū sermone, læticiaq;  
conuiuium. posteaquam satis calere res Rubrio uisa est:  
quæso inquit Philodame, cur ad nos filiam tuam non  
introducari iubes? homo qui & summa grauitate, &  
iam id ætatis, & parens esset: obstupuit hominis impro-  
bi dicto. instare Rubrius. tum ille, ut aliquid responde-  
ret: negauit moris esse græcorum: ut in conuiuio uiro-  
rum accumberent mulieres. hic tum alius ex alia par-  
te: enimuero ferendum hoc non est: uocetur mulier. & si  
mul seruis suis Rubrius, ut ianuam clauderent: et ipsi  
ad fores assisterent: imperat. quod ubi ille intellexit,  
id agit: atq; id parari: ut filiæ suæ uis afferretur: seruos  
suos ad se uocat: his imperat: ut se ipsum negligant: filiã  
defendant: excurrat aliquis: q̃ hoc tantum domestica ma-  
li filio suo nunciet. clamor interea fit tota domo inter  
seruos Rubrii, atq; hospitis: iactatur domi suæ uir pri-  
mus, & homo honestissimus: pro se quisq; manus affert:  
aqua deniq; feruenti à Rubrio ipso Philodamus persun-  
ditur. hæc ubi filio nunciata sunt: statim exanimatus  
ad ædes contendit: ut & uitæ patris, & pudiciæ sor-  
ris succurreret. omnes eodem animo Lampsaceni, simul  
ut hoc audiuerunt: quod eos tum Philodami dignitas,  
tum iniuriæ magnitudo mouebat: ad ædes noctu con-  
uenerunt. hic licet istius Cornelius, qui cum eius seruis  
erat à Rubrio, quasi in præsidio ad auferendam mu-  
lierem collocatus: occiditur: serui nonnulli uulnerantur:  
ipse Rubrius in turba sauciatur. Iste, qui sua cupidita-



te tantos tumultus concitatos uideret: cupere aliqua euo-  
 lare, si posset. postridie mane homines in concione ueni-  
 unt: quærent quid optimum factu sit: pro se quisq; ut  
 in quoq; erat authoritatis plurimum: ad populum loque-  
 batur: inuentus est nemo, cuius non hæc & sententia es-  
 set, & oratio: non esse metuendum, si istius nefarium sce-  
 lus Lampfaceni ulti ui, manuq; essent: ne Senatus popu-  
 lusq; Ro. in eam ciuitatem animaduertendum putaret.  
 quod si hoc iure legati populi Ro. in socios, nationesq;  
 exterarum uterentur: ut pudicitiam liberorum seruare ab  
 eorum libidine tutam non liceret: quiduis esse perpeti sa-  
 tius: quam in tanta ui, atq; acerbitate uersari. Hæc cum  
 omnes sentirent: et cum in eam rationem pro suo quisq;  
 sensu, ac dolore loqueretur: omnes ad eam domum, in  
 qua iste diuersabatur: profecti sunt. cedere ianuâ saxis:  
 instare ferro: ligna et sarmenta circumdare: ignem subi-  
 cere cœperunt. Tum ciues Ro. qui Lampfaca negociaban-  
 tur: concurrunt: orant Lampfacenos: ut grauius apud  
 eos nomen legationis, quam iniuria legati putaretur. se se  
 intelligere hominem illum esse impurum, ac nefarium:  
 sed quoniam nec perfecisset, quod conatus esset: neq; fia-  
 turus esset Lampfaci postea: lenius eorum peccatum fo-  
 re: si homini scelerato pepercissent: quam si legato non  
 pepercissent. Sic iste multo sceleratior, et nequior, quam  
 ille Adrianus, aliquanto etiam felicior fuit. ille quod eius  
 auariciam ciues Ro. ferre non potuerant: Vticæ domi-  
 sue uiuus exustus est. idq; ita illi merito accidisse existi-  
 matum est: ut lætarentur omnes: neq; ulla animaduersio  
 constitueretur. hic sociorum ambustus incendio, tamen  
 ex illa flamma, periculoq; euolauit: neq; adhuc causam  
 ullam excogitare potuit: quamobrem commiserit: aut quid



## IN VERREM

euenerit: ut in tantum periculum ueniret. non enim po-  
 test dicere: cum seditionem sedare uellem: cum frumen-  
 tum imperarem: cum stipendium cogerem: cum aliquid  
 deniq; Reip. causa gererem: quod acrius imperavi: quod  
 animaduerti: quod minatus sum. quæ si diceret: tamen  
 ignosci non oporteret: si nimis atrociter imperando so-  
 cys, in tantum adductus periculum uideretur. nunc,  
 cum ipse causam illius tumultus neq; ueram dicere, neq;  
 falsam consingere audeat: homo autem ordinis sui fruga-  
 lissimus, qui tum accensus C. Neroni fuit: P. Tettius hæc  
 eadem se Lampasæ cognosse dixerit: uir omnibus re-  
 bus ornatissimus C. Varro, qui tum in Asia Tribunus  
 militum fuit: hæc eadem ipsa se ex Philodamo audisse  
 dicat: potestis dubitare: quin istum fortuna non tam ex il-  
 lo periculo eripere uoluerit: quam ad uestrum iudicium  
reseruare? nisi uero illud dicet: quod et in testimonio Tet-  
 tiy priore actione interpellauit Hortensius: quo tempore  
 quidem signi satis dedit: si quid esset: quod posset dicere:  
 se tacere nõ posse: ut quã diu in cæteris rebus taceret: sci-  
 re omnes possemus: nihil habuisse quod diceret. Hoc tum  
 dixit: Philodamum & eius filium à C. Nerone esse da-  
 mnatos. de quo ne multa differam: tantum dico: se cutum  
 id esse Neronem, & eius consilium: quod Cornelium li-  
 ctorem occisum esse constaret: putasse non oporteret esse, ne  
 in ulciscenda quidem iniuria, cuiquam hominis occiden-  
 di potestatem. in quo uideo Neronis iudicio non te abso-  
 lutum esse improbitatis: sed illos damnatos esse cædis. Ve-  
 rum ista damnatio tamen cuiusmodi fuit? audite quæ-  
 so Iudices: & aliquando misere mini sociorum: & osten-  
 dite aliqd his in uestra fide præsidij esse oportere. quod  
 toti Asiæ iure occisus uidebatur istius ille, uerbo licitor, re-



uera minister improbissimæ cupiditatis: pertimuit iste  
 ne Philodamus Neronis iudicio liberaretur. rogat: et orat  
 Dolobellā: ut de sua provincia decedat: ad Neronem pro  
 ficiatur: se demonstrat incolumen esse non posse, si Phi  
 lodamo uiuere, atq; aliquando Romam uenire licuisset.  
 commotus est Dolobella: fecit id, quod multi reprehende  
 runt: ut exercitum, provinciam, bellum relinqueret: &  
 in Asiam hominis nequissimi causa in alienam provin  
 ciam proficiaceretur. posteaquam ad Neronem uenit: con  
 tendit ab eo: ut Philodami causam cognosceret. uenerat  
 ipse, qui esset in consilio: & primus sententiam diceret:  
 adduxerat etiam præfectos, & tribunos militares su  
 os: quos Nero omnes in consilium uocauit: erat in con  
 silio etiam æquissimus iudex, ipse Verres: erant nonnul  
 li togati creditores græcorum: quibus ad exigendas pe  
 cunias improbissimi cuiusq; legati plurimū prodest gra  
 tia. ille miser defensorē reperire neminem poterat. quis  
 enim esset aut togatus, qui Dolobellæ gratia, aut græ  
 cus, qui eiusdem ui, & imperio non moueretur? Accusa  
 tor autem apponitur ciuis Ro. de creditoribus Lampsa  
 cenorum: qui, si dixisset quod iste iussisset: per eiusdem  
 istius lictores à populo pecuniā posset exigere. cum hæc  
 omnia tanta contentione copijs, tantis agerentur: cum illū  
 miserum multi accusarent: nemo defenderet: cumq; Do  
 lobella cum suis præfectis pugnaret in consilio: Verres  
 fortunas agi suas diceret: idem testimonium diceret: idem  
 esset in consilio: idem accusatorem parasset: hæc cum o  
 mnia fierent: & cum hominem constaret occisum: tamen  
 tanta uis istius iniuriæ, tanta in isto improbitas putaba  
 tur: ut de Philodamo amplius pronunciaretur. quid ego  
 nunc in alteram actionem Cn. Dolobellæ spiritus? quid



IN VERREM

huius lachrymas, & concursiones proferam? quid C. Ne-  
ronis uiri optimi, atq; innocentissimi nonnullis in rebus  
animum nimis timidum, atq; demissum? qui in illa re  
qd facere potuerit, non habebat: nisi forte id quod omnes  
tum desyderabant: ut ageret eam rem sine Verre, et Do-  
lobella: quicquid esset sine his actum, omnes probarēt.  
Tum uero quod pronuntiatum est, non per Neronem in-  
dicatum, sed per Dolobellam ereptum existimabatur. con-  
demnatur enim perpauca sententijs Philodamus, et eius  
filius. adest: instat: urget Dolobella: ut quamprimum se-  
cui feriantur: quôquam minime multi ex illis de istius  
nefario scelere audire possent. constituitur in foro Lao-  
diceæ spectaculum acerbum, & miserum, & graue  
toti Asiæ provinciae, grandis natu parens adductus ad  
supplicium: ex altera parte filius: ille quod pudicitiam li-  
berorum, hic quod uitam patris, famamq; sororis de-  
fenderat. flebat uterq; non de suo supplicio: sed pater de  
filij morte, de patris filius. quid lachrymarum ipsum  
Neronem putatis profudisse? quem fletum totius Asiæ  
fuisse? quem luctum, & gemitum Lampfacenorum? se-  
cui esse percussos homines innocentes, nobiles, socios po-  
puli romani, atq; amicos, propter hominis flagitiosissime  
singularem nequitiam, atq; improbissimam cupidita-  
tem? Iam iam Dolobella neq; tui, neq; tuorum libero-  
rum, quos tu miseros in egestate atq; in solitudine reli-  
quisti: misereri potest. Verres ne tibi tanti fuit? ut eius li-  
bidinem hominum innocentum sanguine lui uelles? igitur  
eo ne exercitum, atq; hostem relinquebas? ut tua ui, &  
crudelitate, istius hominis improbissimi pericula suble-  
uares? quod enim eum tibi quæstoris in locum constitue-  
ras: igitur tibi amicum in perpetuum fore putasti? nescie

sententia horum  
improbatum plene



bas ab eo Cn. Carbonem Cons. cuius re uera quæstor  
fuit: non modo relictum, sed etiam spoliatum auxilijs,  
pecunia, nefarie oppugnatum, et proditum? expertus igitur  
es istius perfidiam tum, cum se ad inimicos tuos con-  
tulit: cum in te homo ipse nocens acerrimum testimo-  
nium dixit: cum rationes ad ærarium nisi damnato te  
referre noluit. tantæ ne tuæ Verres libidines erunt?  
ut eas capere, ac sustinere non prouinciæ populi roma-  
ni, non nationes extræ possint? tu ne quod uideris:  
quod audieris: quod concupieris: quod cogitaris: nisi id  
ad nutum tuum præsto fuerit: nisi libidini tuæ cupidi-  
tatiq; paruerit: immittentur homines? expugnabun-  
tur domus? ciuitates non modo pacatæ, uerum etiam so-  
ciorum, atq; amicorum, ad uim atq; ad arma consu-  
gent? ut ab se atq; ab liberis suis legati populi roma-  
ni scelus, atq; libidinem propulsare possint? nam quæ-  
ro abs te, circumsessus ne sis Lampsaci? cœperit ne do-  
mum, in qua diuersare: illa multitudo incendere? uo-  
luerint ne legatum populi romani comburere uiuum  
Lampsaceni? negare non potes. habeo enim testimo-  
nium tuum: quod apud Neronem dixisti: habeo quas ad  
eundem literas misisti. recita hunc ipsum locum de testi-  
monio. TESTIMONIUM C. VERRIS  
IN ARTEMIDORVM. NON MUL-  
TO POST IN DOMVM. bellum ne popu-  
lo romano Lampsaci ciuitas facere conabatur? desi-  
cere ab imperio ac nomine nostro uolebat? uideo e-  
nim, & ex his quæ legi, & audiui, intelligo: in qua  
ciuitate non modo legatus populi romani circumsessus,  
non modo igni, ferro, manu, copijs, oppugnatus, sed ali-  
qua ex parte uiolatus sit: nisi publice satisfactum sit: ei

m iij



# IN VERREM

ciuitati bellum indici, atq; inferri solere. quæ fuit igitur causa, cur cuncta ciuitas Lampſacænorum de con-  
 cione, quemadmodum tu te scribis: domum tuam con-  
 currerent? tu enim neq; in literis, quas Neroni mittis:  
 neq; in testimonio, causam tanti tumultus ostendis ullam.  
 obsessum te dicis: ignem allatum, sarmenta circumdata,  
 lictorem tuum occisum esse dicis: prodeundi tibi in  
 publicum potestatem factam negas: causam huius tan-  
 ti terroris occultas. nam si quam Rubrius iniuriam  
 suo nomine, ac non impulsu tuo, & tua cupiditate fe-  
 cisset: de tui comitis iniuria, quæstum ad te potius, quàm  
 te oppugnatum uenirent. cum igitur, quæ causa illius  
 tumultus fuerit, testes a nobis producti dixerint: ipse  
 celarit: nonne causam hanc, quam nos proposuimus:  
 tum illorum testimonia, tum istius taciturnitas perpetua  
 confirmat? huic homini parceris igitur Iudices? cuius  
 tanta peccata sunt: ut hi, quibus iniurias fecerit: neq; le-  
 gitimum tempus expectare ad ulciscendum, neq; uim  
 tantam doloris in posterum differre potuerunt. circun-  
 sessus es: a quibus? a Lampſacænis: barbaris hominibus  
 credo: aut is q; populum Ro. contemnerent? immo uero  
 ab hominibus, & natura, & consuetudine, & discipli-  
 na lenissimis. porro autem populi Ro. conditione socijs,  
 fortuna seruis, uoluntate supplicibus: ut perspicuum sit  
 omnibus, nisi tanta acerbitas iniuriæ, tanta uis sceleris  
 fuisset: ut Lampſacæni moriendum sibi potius, quàm p-  
 petiendum putarent: nunquam illos in eum locum pro-  
 gressuros fuisse: ut uehementius odio libidinis tuæ, quàm  
 metu legationis mouerentur. nolite per deos immorta-  
 les cogere socios, atq; exterarum nationes, hoc uti persua-  
 gio: quo, nisi uos uindicatis, utentur necessario. Lampſa

*omerta circumdata  
 eodem uirga  
 omni. i. data  
 pulcherrima Roma  
 a una fili. Nunc  
 adeat Aug.*

*quid n. qu. curio si  
 n. n. n. n. n. n. n.*



cenos in istum nunquam ulla res mitigasset: nisi eum  
 poenas Romæ daturum credidissent. Et si talem acce-  
 perant iniuriam: quam nulla lege satis digne perse-  
 qui poterant: tamen incommoda sua uestris committe-  
 re legibus, et iudicijs: quam dolori suo permittere ma-  
 luerunt. tu mihi, cum circumfessus a tam illustri ciuitate  
 sis, propter tuum scelus atq; flagitium: cum coegeris ho-  
 mines miseros, et calamitosos quasi desperatis nostris  
 legibus, et iudicijs, ad uim, ad manus, ad arma, con-  
 fugere: cum in oppidis, et ciuitatibus amicorum non  
 legatum populi romani, sed tyrannū libidinosum, cru-  
 dele mq; præbueris: cum apud exteras nationes impe-  
 rij, nominisq; nostri famam tuis probris flagitijsq; uiol-  
 laris: cum te ex ferro amicorum populi Ro. eripueris:  
 atq; è flamma sociorum euolaris: hic tibi perfugium spe-  
 ras futurum? erras. ut huc incideres: non ut hic con-  
 quiesceres: illi te uiuum exire passi sunt. Et ais, iudi-  
 cium esse factum: te iniuria circumfessum esse Lampfaci:  
 quod Philodamus cum filio condemnatus sit. quid si do-  
 ceo: si planum facio, teste homine nequā, uerū ad hanc rē  
 tamen idoneo (te ipso inquam teste docebo) te huius circun-  
 sessionis tuæ causam, et culpam in alios transtulisse?  
 neq; in eos, quos tu insimularas: esse animaduersum? iam  
 nihil te iudiciū Neronis adiunat. recita quas ad Nerone  
 literas misit. EPISTOLA C. VERRIS AD  
 NERONEM. THEMISTAGORAS ET  
 THESSALVS Themistagoram et Thessalum  
 scribit populum concitasse. quem populum? qui te cir-  
 cumsedit: qui te uiuum comburere conatus est. ubi hos per-  
 sequeris? ubi accusas? ubi defendis ius, nomenq; lega-  
 ti? in Philodami iudicio dices id actum. cedo mi-



## IN VERREM

hi ipsius Verris testimoniū. uideamus quid idē iste iura-  
tus dixerit. recita. AB ACCVSATORE ROGA-  
TVS RESPONDIT: IN HOC IVDICIO  
NON PERSEQVI: SIBI IN ANIMO ESSE  
ALIO TEMPORE PERSEQVI. quid igitur te  
inuat Neronis iudiciū? qd Philodami dānatio? legatus cū  
esses circūfessus: cumq; quemadmodum tu te ad Nero-  
nem scripsisti: populo romano, communiq; causae Legatorū  
facta esset iniuria insignis: non es persecutus: dicis ti-  
bi in animo esse alio tempore persequi. quod fuit id tem-  
pus? quando es persecutus? cur immunisti ius legatio-  
nis? cur causam populi Ro. deseruisti: ac prodidisti? cur  
iniurias tuas coniunctas cum publicis reliquisti? non ne  
te ad Senatum causam deferre? non de tam atrocibus  
iniurijs conqueri? non eos homines, qui populum concu-  
tarant: consulū literis euocandos curare oportuit?  
nuper M. aurelio Scuro postulante, quod is Ephesi se  
quaestorem ui prohibitum esse dicebat: quo minus ē fa-  
no Dianae seruum suum, qui in illud asylum confugis-  
set: abduceret: Pericles Ephesius homo nobilissimus Ro-  
mam euocatus est: quod author iniuriae illius fuisse ar-  
gueretur. tu, si te legatum ita Lampsaci tractatum esse  
senatum docuisses: ut tui comites uulnerarentur: licetor occi-  
deretur: ipse circūfessus pene incenderere: eius autem  
rei duces, et authores, et principes fuisse, quos scribis The-  
mistagoram & Thessalum: quis non commoueretur?  
quis nō ex iniuria quae tibi esset facta: sibi prouideret? qd  
non in ea re causam tuam, periculum commune ag-  
arbitraretur? etenim nomen legati eiusmodi esse debet:  
quod non modo inter sociorū iura, sed etiā inter hostiū te-  
la incolūme uersetur. magnū hoc Lampsacenum crimē

Nomen legatj.



est, libidinis, atq; improssimæ cupiditatis. accipite nunc auariciæ propemodum in suo genere non leuius. Milesios nauem poposcit: quæ eum præsidij causa Myndiū prosequeretur. illi statim myoparonem egregium de sua classe, ornatum, atq; armatum dederunt. hoc præsidio Myndum profectus est. nam, quid milesijs lanæ publicæ abstulerit: item de sumptu in aduentum, de contumelijs, & iniurijs in magistratum milesium, tamen si dici tum uere tum grauius, & uehementer potest: tamen dicere prætermittam: eaq; omnia testibus integra reseruabo. illud, quod neq; taceri ullo modo potest: neq; dici prodignitate cognoscite. milites, remigesq; Miletum Myndo pedibus reuerti iubet: ipse Myoparonem pulcherrimū, de decem Milesiorum nauibus electum L. Magio, & L. Rabio, qui Myndi habitabant: uendidit. Hi sunt homines, quos nuper senatus in hostum numero censuit habendos. hoc illi nauigio ad omnes populi Ro. hostes usque ab Dianio, quod in Hispania est: ad Sinopam, quæ in Ponto est: nauigauerunt. O' dū immortales, incredibilem auariciam, singularemq; audaciam. nauem tu de classe populi Ro. quam tibi Milesia ciuitas, ut te prosequeretur, dedisset: ausus es uendere? si te magnitudo maleficij, si te hominum existimatio non mouebat: ne illud quidem cogitabas: huius improbissimi furti, siue adconefariæ prædæ, tam illustrem ac tam nobilem ciuitatem testem futuram? an quia tum Cn. Dolabella in eum, qui myoparoni præfuerat: Milesijsq; regeſtam renunciarat: animaduertere tuo rogatu conatus est: renunciationemq; eius, quæ erat in publicis literas relata illorum legibus: tolli iusserat: ideo te ex hoc crimine elapsum esse arbitrare? multum te ista



# IN VERREM

*cautum fore.*  
*formula*  
 fefellit opinio: & quidem multis in locis. semper enim existimasti, & maxime in Sicilia, satis cautum tibi ad defensionem fore: si aut referri aliquid in literas publicas uetisses: aut quod relatum esset: tolli coegisses. hoc quàm nihil sit: tamen ex multis Siciliae ciuitatibus prior actione didicisti: tamen etiam in hac ipsa ciuitate cognosce. sunt illi quidem dicto audientes, quam diu ad sunt hi, qui imperant: simul ac discesserunt: non solum illud perscribunt: quod tum prohibiti sunt: sed etiam causam adscribunt: cur non tum in literas relatum sit. manent istae literae Mileti: manent: et dum erit illa ciuitas: manebunt. Decem enim naues iussu L. Murenæ, populus Milesius ex pecunia uectigali populi Ro. fecerat: sicut pro sua quaque parte Asiae ceterae ciuitates. quamobrem unam ex decem non praedonum repentino aduentu, sed legati latrocinio, non ui tempestatis, sed hac horribili tempestate sociorum amissam in literas publicas retulerunt. sunt Romae legati Milesii homines nobilissimi, ac principes ciuitatis: qui tamen si mensem Februarium & cons. designatorum nomen expectant: tamen hoc tantum facinus non modo negare interrogati, sed ne producti quidem reticere poterunt. dicent inquam & religione adducti, & legum domesticarum metu, quid illo Myoparone factum sit: ostendent C. Verrem in ea classe, quae contra piratas aedificata sit: piratam ipsum consecraturum fuisse. C. Malleolo quaestore Cn. Dolobellae occiso, duas sibi hereditates uenisse arbitratus est: unam quaestoriae procurationis. nam a Dolobella statim Proquaestore iussus est esse. alteram tutelae. nam cum pupilli Malleoli tutor esset: in bona eius impetum fecit. nam Malleolus in prouinciam sic copiose profectus erat: ut



domi prorsus nihil relinqueret. præterea pecunias occuparat apud populos: & syngraphas fecerat: argenti optimi coelati grande pondus secum tulerat (nam ille quoque sodalis istius erat in hoc morbo & cupiditate) grande pondus argenti, familiam magnam, multos artifices, multos formosos homines reliquit. iste quod argenti placuit: inuasit: quæ mancipia uoluit: abduxit: uina, cæteraque, quæ in Asia facillime comparantur: quæ ille reliquerat: apportauit: reliqua uendit: pecuniam exegit. cum ad HS XXD quinquies redegissee constaret: ut Romam redijt: nullam literam pupillo, nullam matri eius, nullam tutoribus reddidit: seruos artifices pupilli cum haberet domi, circumpedes autem homines formosos & literatos, suos esse dicebat: se emisset. cum sepius mater, & auia pueri postularent: uti, si nõ redderet pecuniã: nec rationem daret: diceret saltẽ quãtũ pecuniæ Malleoli deportasset: multis efflagitatus aliquando dixit HS decies: deinde in codicis extremam ceram nomen infimum in flagitiosa litera fecit: expensa Chrysogono seruo HS sexcenta millia, accepta Pupillo Malleolo retulit. quomodo ex decies HS sexcenta sunt facta: quomodo de eodem modo quadrarint: ut illa de Cn. Carbonis pecunia reliqua HS sexcenta facta sunt: quomodo Chrysogono expensa lata sunt: cur id nomen infimum, in lituraque sit: uos existimabit. tamen HS sexcenta millia cum accepta retulisset: HS quinque millia soluta non sunt. homines, posteaquam reus factus est: alij reddit: alij etiam nunc retinentur: peculia omnium, uicarijque retinentur. Hæc est istius præclara tutela. en cui tuos liberos committas: en memoria mortui sodalis: en metus uiuorum existi-



IN VERREM

mationis. cum tibi se tota Asia spoliandam, ac uexan-  
dam tradidisset: cum tibi exposita esset omnis ad præ-  
dandū Paphlagonia: contentus his tam opimis rebus non fui-  
st. manus à tutela, manus à Pupillo, manus à sode-  
lis filio abstinere non potuisti. Iam te non Siculi, non  
aratores (ut dictitas) circumueniunt: non hi, qui decre-  
tis edictisq; tuis in te concitati, infestiq; sunt. Malleolus  
à me productus est, & mater eius atq; auia: quæ mi-  
seræ, flentes, euersum à te puerum patris bonis esse di-  
xerunt. quid expectas? an dum ab inferis ille Mal-  
leolus existat? atq; abs te officia tutelæ, sodalitatæ, fami-  
liaritatæq; flagitet? ipsum putato adesse. homo auarissi-  
me & spurcissime, redde bona sodalis filio: si non, quæ  
abstulisti: at quæ confessus es. cur cogis sodalis filium  
hanc primam in foro uocem cum dolore, & querimo-  
nia emittere? cur sodalis uxorem, sodalis socrum, do-  
mum deniq; totam sodalis mortui, contra te testimoni-  
um dicere? cur prudentissimas, electissimasq; foeminas  
in tantum uirorum conuentum insolitas inuitasq; pro-  
dire cogis? recita omnium testimonia. TESTIMONI-  
VM MATRIS ET AVIAE. Pro quaestore uero  
quomodo iste commune Miliadum uexarit: quomodo  
Lyciam, Pamphiliam, Pisidiam, Phrygiamq; totam fru-  
mento imperando, aestimando hac sua, quam tum primū  
excogitauit: Sicaliensī aestimatione afflixerit: nō est neces-  
se demonstrare uerbis. hoc scitote, his nominibus, quæ  
res per eum gestæ sunt: cum iste ciuitatibus frumentum,  
coria, cilicia, sacos imperaret: neq; ea sumeret: pro his re-  
bus pecuniam exigeret: his nominibus solis, Cn. Dolo-  
bellæ HS ad trices litem esse aestimatum. quæ omnia,  
etiam si uoluntate Dolobellæ fiebant: per istum omnia



tamen gerebatur. consistam in uno nomine: multa sunt  
ex eodē genere. recata. DE LITIBVS AESTI-  
MATIS CN. DOLOBELLAE POPVLO  
RO. PECVNIAE REDACTAE. QVOD  
A' COMMVNI MILIADVM. te haec coegisse,  
te aestimasse, tibi pecuniam numeratam esse dico: ea-  
demq; ui, & iniuria cum pecunias maximas cogeret:  
per omnes partes prouinciae te, tanquam aliquam cala-  
mitosam tempestatem, pestemq; peruasisse demonstro.  
Itaq; M. Scaurus, qui Cn. Dolobellam accusauit: istum  
in sua potestate ac ditione tenuit. homo adolescens cum  
istius in inquirendo multa furti, ac flagitia cognosce-  
ret: fecit perite, & callide: uolumen eius rerum gesta-  
rum maximum, isti ostendit: ab homine quae uoluit in  
Dolobellā abstulit: istum testem produxit: dixit iste quae  
uelle accusatorem putauit. Quo ex genere mihi testi-  
um, qui cum isto furati sunt: si uti uoluissim: magna co-  
pia fuisset: qui ut se periculo litium, coniunctione cri-  
minum liberarent: quo ego uellem descensuros pollice-  
bantur. eorum ego uoluntatem omnium repudiaui: non  
modo proditori, sed ne perfugae quidem locus in meis  
castris cuiquam fuit. forsitan meliores illi accusatores ha-  
bendi sunt: qui haec omnia fecerunt. sed ego defensorem  
in mea persona, non accusatorem maxime laudari uolo.  
rationes ad aerarium, antequam Dolobella condemna-  
tus est: non audeat referre. impetrat à senatu ut dies si-  
bi prorogaretur: quod tabulas suas ab accusatoribus Do-  
lobellae obsignatas diceret: proinde quasi exscribendi po-  
testatem non haberet. solus est hic: qui nunquam ratio-  
nes ad aerarium referat. Audistis quaestoriam rationem  
tribus uersiculis relata: legationis, non nisi condemna

*homo adolescens**comito*



IN VERREM

to, & eiecto eo, qui posset reprehendere: nunc deniq; præ-  
 turæ, quam ex S. C. statim referre debuit, usque ad  
 hoc tempus non retulit: quæstorem se in senatu expe-  
 ctare dixit. proinde quasi non & quæstor sine prætore  
 posset rationem referre, ut tu Hortensi, ut omnes: eodem  
 modo sine quæstore prætor. dixit idem, Dolobellam im-  
 perasse omnem magistratibus conscriptis, qua causa pla-  
 cuit probauerunt. uerum quæstores quoq; iam pridem  
 uenerunt: cur non retulisti? illarum rationum, ex ea  
 fece legationis, quæstorisq; tuæ procurationis illa sunt  
 nomina: quæ Dolobellæ necessario sunt aestimata. EX  
 LITIBVS AESTIMATIS DOLOBEL-  
 LAE. PR. ET PROPR. quod minus Dolobella  
 Verri acceptum retulit: quàm Verres illi expensum tu-  
 lerit: HS quingenta triginta quinque millia: & quod  
 plus fecit Dolobella Verrem accepisse: quàm iste in suis  
 tabulis habuit: HS ducenta triginta duo millia: &  
 quod plus frumenti fecit accepisse istum: HS decies &  
 octingenta millia: qđ tu homo castissimus aliud in tabu-  
 lis habebas. Hinc illæ extraordinariæ pecuniæ: quas  
 nullo duce, tamen aliqua ex particula inuestigamus: re-  
 dundarunt. hinc ratio Q. & Cn. Postumij, Curtij,  
 multis nominibus: quorum in tabulis iste habet nullū.  
 hinc HS quater decies P. Tadio numerata Athenis te-  
 stibus planum faciam. hinc emptæ apertissime prætu-  
 ra: nisi forte id etiam dubium est: quomodo iste prætor  
 factus sit. Homo scilicet, aut industria, aut opera proba-  
 ta, aut frugalitatis existimatione præclara, aut deniq;  
 id quod leuissimum est, assiduitate, qui ante quæsturam  
 cum meretricibus, lenonibusq; uixisset: quæsturam ita  
 gessisset: quemadmodum cognouisti: Romæ post quæstu-  
 ram illam



ram illam nefariam uix triduum constitisset: absens nō  
 in obliuione iacisset: sed in assidua commemoratione  
 omnibus omnium flagitiorum fuisset: is repente, ut Ro-  
 mam uenit: gratis prætor factus est. Alia porro pecu-  
 nia ne accusaretur data: nihil ad me, nihil ad rem per-  
 tinere arbitror: datam quidem esse tum inter omnes re-  
 centi negotio facile constabat. homo stultissime, et amen-  
 tissime tabulas cum conficeres: et cum extraordinaria  
 pecunia crimen subterfugere uelles: satis te elapsurum  
 omni suspitione arbitrare: si quibus pecuniam cre-  
 debas: ijs expensum non ferres? neq; in tuas tabulas ul-  
 lum nomen referres: cum tot tibi nominibus acceptum  
 Curtij referrent? quid proderat tibi te expensum illis  
 non tulisse? an tuis solis tabulis te causam dicturū exi-  
 stimasti? Verum ad illam iam ueniamus præclarā  
 præturam: criminaq; ea, quæ notiora sunt his, qui ad-  
 sunt: quàm nobis, qui meditati ad dicendum, paratiq;  
 uenimus. in quibus non dubito, quin offensionem negli-  
 gentiæ uitare, atq; effugere non possim. multi enim ita  
 dicent: de illo nihil dixit: in quo ego interfui: illam iniu-  
 riam non attigit: quæ mihi, aut amico meo facta est:  
 quibus ego in rebus interfui. his omnibus, qui istius in-  
 iurias norunt: hoc est populo Ro. uniuerso, me uehemen-  
 ter excusatum uolo: non negligentia mea fore: ut multa  
 præteream: sed quod alia testibus integra reseruari ue-  
 lim: multa autem propter rationem breuitatis, ac tem-  
 poris præmittenda existimem. fatebor etiam illud in-  
 uitus: me prorsus, cum iste punctum temporis nullum  
 uacuum peccato præterire passus sit: omnia, quæ ab isto  
 commissa sunt: non potuisse cognoscere. quapropter ita  
 me de præturæ criminibus auditote: ut ex utroq; genere,



## IN VERREM

et iuris dicendi, & sartorum tectorum exigendorum,  
ea postuletis: quæ maxime digna sunt eo reo: cui parvum,  
ac mediocre obijci nihil oporteat. Nam ut prætor factus  
est: qui auspiciis à Chelidone surrexisset: sortem nactus  
est urbane provincie, magis ex sua, & Chelidonis, quàm  
ex populi Romani voluntate. qui principio, qualis in edicto  
constituendo fuerit: cognoscite. P. Annius Asellus mor-  
tuus est C. Annio Sacerdote prætoris. is cum haberet uni-  
cam filiam: neque census esset: quod natura hortabatur:  
lex nulla prohibebat: fecit: ut filiam bonis suis hæredem  
institueret. hæres erat filia: faciebant omnia cum pupil-  
la, legis æquitas, voluntas patris, edicta prætorum, con-  
suetudo iuris eius, quod erat tum, cum Asellus est mor-  
tuus. iste prætor designatus (utrum admonitus, an tenta-  
tus, an qua est iste sagacitate in his rebus, sine duce ul-  
lo, sine indice peruenierit ad hanc improbitatem, nescio.  
uos tantum hominis audaciam, amentiamque cognoscite)  
appellat hæredem L. Annum: qui erat institutus secun-  
dum filiam. non enim mihi persuadetur: istum ab illo  
prius appellatum. dicit se posse ei condonare edicto hæ-  
reditatem: docet hominem quid possit fieri: illi bona res,  
huic uendibilis uidebatur. iste tametsi singulari est auda-  
cia: tamen ad pupillæ matrem summittebat: malebat pe-  
cuniam accipere: ne quid noui ediceret: quàm ut hoc edi-  
ctum tam improbum, & inhumanum interponeret.  
tutores, pecuniam prætori si pupillæ nomine dedissent:  
grandem præsertim: quemadmodum in rationem in-  
ducerent: quemadmodum sine periculo suo dare possent:  
non uidebatur. simul & istum fore tam improbum non  
arbitrabantur. sepe appellati pernegauerunt. iste ad ar-  
bitrium eius, cui condonarat hæreditatem ereptam li-



beris: quàm æquum edictum scripserit, quæso cognoscite. CVM INTELLIGAM LEGEM VOCONIAM. quis unquam crederet Verrè mulierum aduersarium futurum? an ideo aliquid contra mulieres fecit: ne totum edictum ad Chelidonis arbitrium scriptum uideretur? Cupiditati hominum ait se obuiam ire. quid potius, non modo his temporibus, sed etiam apud maiores nostros? quis tam remotus fuit à cupiditate? dic quæso cætera. delectat enim me hominis grauitas, scientia iuris, authoritas. QVI AB AVLO POSTVMIO, Q. FVLVIO CENSORIBVS POST VE EA, FECIT, FECERIT. fecit, fecerit? quis unquam edixit isto modo? quis unquam eius rei fraudem, aut periculū proposuit edicto: quod neq; post edictum, neq; ante edictum prouideri potuit? iure, legibus, authoritate omnium, qui consulebantur: testamentum P. Annii fecerat non improbum, non inofficiosum, non inhumanum. quod si ita fecisset: tamen post illius mortem nihil de testamento illius noui iuris constitui oporteret. uoconia lex te uidelicet delectabat, imitatus esses illum ipsum C. Voconium: qui lege sua hæreditatem ademit nulli neq; uirgini, neq; mulieri: sanxit in posterum: qui post eos Censores census esset: ne quis hæredem uirginem, ne ue mulierem faceret. in lege Voconia nō est, fecit, fecerit: neq; in ulla præteritum tempus reprehēditur: nisi eius rei, quæ sua sponte scelerata, ac nefaria est: ut etiam si lex non esset: magnopere uitanda fuerit. atq; in his rebus multa uidemus ita sancta esse legibus: ut ante facta in iudicium non uocentur. Cornelia, Testamentaria, Nummaria, cæteræ complures. in quibus non ius aliquod nouum po-



## IN VERREM

pulo constituitur: sed sancitur: ut quod semper malum fa-  
 cinus fuerit: eius quaestio ad populum pertineat ex cer-  
 to tempore. De iure uero civili siquid noui quis instituit:  
 omnia quae ante acta sunt: rata esse patitur. cedo mihi  
 leges Atinias, Furias, Fuffias, ipsam, ut dixi, Voconiam,  
 omnes praeterea de iure civili: hoc reperiēs in omnibus  
 statui ius: quo post eam legem populus utatur. qui pluri-  
 mum tribuunt edicto: praetoris edictum legem annuam  
 dicunt esse. tu edicto plus complecteris quam lege. si fi-  
 nem edicto praetoris afferunt Cal. Ianuarij: cur non  
 initium quoque edicti nascitur à Cal. Ianuarij? an in eū  
 annum progredi nemo poterit edicto: quo praetor alius  
 futurus est: in illum, quo Praetor alius fuit: regredietur?  
 Ac si hoc iuris nō unius causa hominis edixisses: cautius  
 composuisses. scribis, si quis haeredem fecit, fecerit. quod si  
 plus legarit: quam ad haeredem haeredes uel perueniat:  
 quod per legem Voconiam ei qui census non sit, licet: cur  
 hoc cum in eodem genere sit: non caues? quia non ge-  
 neris, sed hominis causam uerbis amplecteris: ut facile  
 appareat te precio esse commotum. atque hoc si in poste-  
 rum edixisses: minus esset nefarium: tamen esset impro-  
 bum. sed tum uituperari posset: in dubium uenire non  
 posset. nemo enim committeret. nunc est eiusmodi edi-  
 ctum: ut quiuis intelligat, non populo esse scriptum, sed  
 P. Annij secundis haeredibus. itaque cum à te caput illud  
 tam multis uerbis mercenario proœmio esset ornatum:  
 ecquis est inuentus postea praetor: qui illud idem edice-  
 ret? non modo nemo edixit: sed ne metuit quidem quis-  
 quam, ne quis ediceret. nam post te praetore multi testa-  
 menta eodem modo fecerunt. in his nuper Annia ea de  
 multorum propinquorum sententia, pecuniosa mulier,



quod censa non erat: testamento fecit heredem filiam.  
 Itaq; hoc magnum iudicium hominum de istius singula  
 ri improbitate: quod Verres sua sponte instituisse: id ne  
 munem metuisse: ne quis reperiretur: qui istius institutum  
 sequi uellet. solus enim tu inuentus es: cui non satis fue-  
 rit corrigere uoluntates uiuorum: nisi etiam rescinderes  
 mortuorum. Tu ipse ex Siciliensi edicto hoc sustulisti: uo-  
 luiti, ex improviso si quæ res natæ essent: ex urbano edi-  
 cto decernere. quam postea tibi tu defensionem relinque-  
 bas: in ea maxime offendisti: cum tuam auctoritatem tu  
 te ipse edicto prouinciali repudiabas. atq; ego non du-  
 bito: quin ut mihi, cui filia maxime cordi est: res hæc  
 acerba uideatur, atq; indigna: sic unicuiq; uestrum: qui  
 simili sensu, atq; indulgentia filiarum commouemini.  
 quid enim natura nobis iucundius? quid carius esse uo-  
 luit? quid est dignius, in quo omnis nostra diligentia in-  
 dulgentiaq; consumatur? homo importunissime cur tantâ  
 iniuriâ P. Annio mortuo fecisti? cur hunc dolorem cineri  
 eius, atq; ossibus inuissisti? ut liberis eius bona patria, uo-  
 luntate patris, iure, legibus tradita eriperes? Et cui tibi  
 esset commodû: condonares? quibus cum uiui bona nostra  
 partimur: his prætor adimere nobis mortuis bona, fortu-  
 nasq; poterit? nec petitionem inquit nec possessionem da-  
 bo. eripies igitur pupillæ togam prætextam? detrahes  
 ornamenta non solum fortunæ, sed etiam ingenuitatis?  
 miramur ad arma contra istum hominem Lampface  
 nos isse? miramur istum de prouincia decedentem clâ  
 Syracusis profugisse? nos si alienam uicem pro nostra  
 iniuria doleremus: uestigium istius in foro non esset re-  
 lictum. pater dat filiæ: prohibes. leges sinunt: tamen te  
 interponis. de suis bonis ita dat: ut ab iure non abeat:



# IN VERREM

quid habes quod reprehendas? nihil opinor. at ego con-  
cedo: prohibe, si potes: si habes, qui te audiat: si potest ti-  
bi edicto audiens esse quisquam. eripias tu uoluntatem  
mortuis? bona uiuis? ius omnibus? hoc populus Ro. non  
manu uindicasset: nisi te huic tempori, atq; huic iudicio  
reseruasset. Posteaquam ius prætorium constitutum est:  
semper hoc iure usi sumus: si tabulæ testamenti non pro-  
ferrentur: tū uti quenq; potissimum hæredem esse oport-  
ret: si is intestato mortuus esset: ita secundum eum pos-  
sessio daretur. quare hoc sit æquissimum: facile est di-  
cere. sed in re tam usitata, satis est ostendere: omnes an-  
tea ius ita dixisse: et hoc uetus edictum translaticiumq;  
esse. Cognoscite aliud hominis in re uetere edictum no-  
uum: & simul, dum est unde ius ciuile discatur: adole-  
scentes ei in disciplinam tradite. mirum est hominis in-  
genium: mira prudentia. Minutius quidam mortuus  
est ante istum prætorem. eius testamentum erat nullum:  
lege hæreditas ad gentem Minutiam ueniebat. si habuis-  
set iste edictum: quod ante istum, & postea omnes ha-  
buerunt: possessio Minutiæ genti esset data. si quis testa-  
mento se heredem esse arbitraretur: quod tum non ex-  
taret: lege ageret in hæreditatem: aut pro præde litis iu-  
diciarum, cum satis accepisset: sponsonem faceret. ita de  
hæreditate certaret. hoc opinor iure & maiores nostri,  
& nos semper usi sumus. uidete ut hoc iste correxerit.  
componit edictum his uerbis: ut quiuis intelligere possit:  
unius hominis causa conscriptum esse: tantum quod ho-  
minem non nominat: causam quidem totam perscribit:  
ius, consuetudinem, æquitatem, edicta omnium negli-  
git. EX EDITIONE VRBANO. SI DE  
HÆREDITATE AMBIGITVR: SI



POSSESSOR SPONSIONEM NON FACIET. iam quid id ad prætorem: uter possessor sit? nonne id queri oportet: utrum possessor esse oporteat? ergo quia possessor est: non moues possessione. si possessor non esset: non dares. nusquam enim scribis: neque tu aliud quicquam edicto amplecteris: nisi eam causam, pro qua pecuniâ acceperas. Iam hoc ridiculum est. SI DE HAEREDITATE AMBIGITVR. ET TABULAE TESTAMENTI OBSIGNATAE NON MINVS MULTIS SIGNIS, QVAM E' LEGE OPORTEAT: AD ME PROFERENTVR: SECVNDVM TABULAS TESTAMENTI POTISSIMVM HAEREDITATEM DABO. hoc translatitium est. sequi illud oportet si tabulae testamenti non proferentur. quid ait? se ei daturum qui dicat heredem esse. quid ergo interest proferantur necne? si protulerit: uno signo ut sit minus, quam ex lege oportet: non des possessionem: si omnino tabulas non proferet dabis. Quid nunc dicam neminem unquam postea alium edixisse? ualde sit mirum: neminem fuisse qui istius se similem dicere uellet. ipse in siciliensi edicto hoc non habet. exegerat enim iam mercedem. item, ut illo edicto, de quo ante dixi in sicilia de hereditatum possessionibus dandis, edixit idem, quod omnes Romae præter istum. EX EDICTO SICILIENSI. SI DE HAEREDITATE AMBIGITVR. At per deos immortales quid est quod de hoc dici possit? iterum enim iam quero abs te, sicut modo in illo capite Anniano de mulierum hereditatibus, nunc in hoc de hereditatum possessionibus: cur ea capita in edictum provinciale transfer



001 IN VERREM

re nolueris? utrū digniores homines existimasti eos, qui habitabant in provincia: quā nos: qui æquo iure uteremur? an aliud Romæ æquum est? aliud in Sicilia? nō enim hoc potest hoc loco dici: multa esse in provincijs aliter edicenda. non de hæreditatibus quidē possessionibus, non de mulierum hæreditatibus. nam utroq; genere uideo non modo cæteros, sed te ipsum totidem uerbis edixisse: quot uerbis edici Romæ solet. quæ Romæ magna cum infamia, precio accepto edixeras: ea sola te, ne gratis in provincia male audires: ex edicto Siciliensi sustulisse uideo. Et cum edictum totum eorum arbitrato quādiu fuit designatus, componeret: qui ab isto ius ad utilitatem suam mundinarentur: tum uero in magistratu contra illud edictum suum sine ulla religione decernebat. Itaq; L. Piso multos codices impleuit earum rerum: in quibus ita intercessit: quod iste aliter, atq; ut edixerat: decreuisset. quod uos oblitos esse non arbitror: quæ multitudo, qui ordo ad Pisonis selam isto prætoris solitus sit conuenire. Quem iste collegā nisi habuisset: lapidibus coopertus esset in foro. sed eo leuiore istius iniuriæ uidebantur: quod erat in æquitate, prudentiaq; Pisonis paratissimum perfugium: quo sine labore, sine molestia, sine impensa, etiam sine patrono homines uterentur. nam quæso redite in memoriam Iudices: quæ libido istius in iure dicendo fuerit: quæ uarietas decretorum: quæ mundinatio: quā inanes domus eorum omnium, qui de iure ciuili consuli solent: quā plena, atq; referta Chelidonis: à qua muliere tum erat ad eum uentum: & in aurem eius insusurratum: aliās reuocabat eos, inter quos iam decreuerat: decretumq; mutabat: aliās inter alios contrariū sine ulla

reli-  
rat-  
bant  
mirat  
frigida  
debant  
tam na  
neq; em  
gna sum  
Et inq;  
proverbi  
superbia  
bis cruda  
tar hos p  
plebem  
nus pl.  
derat in  
gnoscer  
bia uer  
tenuiffi  
quam d  
stos com  
is A. Tr  
atutum  
ros, ut ex  
Treboni  
bertus in  
cent non  
gem Cor  
petrane  
prehens



religione decernebat: ac proximis paulo ante decreue-  
rat. hinc illi homines erant: qui etiam ridiculi inuenie-  
bantur ex dolore. quorum alij, ut audistis, negabant  
mirandum esse: ius tam nequam esse Verrinū. alij etiā  
frigidiores erant: sed quia stomachabantur, ridiculi ui-  
debantur esse: cum sacerdotem execrabantur: qui Verrē  
tam nequam reliquisset. quæ ego non commemorarem:  
neq; enim perfacete dicta, neq; porro hac seueritate di-  
gna sunt: nisi uos illud uellem recordari: istius nequitia,  
et iniquitatem, tum in ore uulgi, atq; in communibus  
prouerbijs esse uersatam. In plebem uero romanā utrū  
superbiam prius memorem? an crudelitatem? sine du-  
bio crudelitas grauior est, atq; atrocior. oblitus ne igitur  
hos putatis esse: quemadmodum sit iste solitus uirgis  
plebem Romanam concidere? quam rem etiam Tribis-  
nus pl. in concione egit: cum eum, quem uirgis iste ceciderat:  
in prospectum populi Ro. produxit. cuius rei co-  
gnoscentæ faciam uobis suo tempore potestatem. super-  
bia uero quæ fuerit: quis ignorat? quemadmodum is  
tenuissimū quēq; contempserit: despexerit: liberū esse nū-  
quam duxerit. P. Trebonius uiros bonos, et hone-  
stos complures fecit hæredes. in his fecit suū libertum.  
is A. Trebonium fratrem habuerat proscriptum. ei cum  
cautum uellet: scripsit, ut hæredes iurarent, se curatu-  
ros, ut ex sua quisq; parte: ne minus dimidium ad A.  
Trebonium fratrem illum proscriptum perueniret. li-  
bertus iurat: cæteri hæredes adueniunt ad Verrem: do-  
cent non oportere se iurare facturos esse, quod contra le-  
gem Corneliā esset: quæ proscriptum uiuari uetat. im-  
petrant ut ne iurent. dat his possessionem. id ego non re-  
prehendo. etenim erat iniquum homini proscripto, egen



ti, de fraternis bonis quicquam dari. & ille libertus, nisi ex testamento patroni iurasset: scelus se facturum arbitrabatur. itaque ei Verres possessionem hereditatis negat se daturum: ne posset patronum suum proscriptum iuuare: simul ut esset poena, quod alterius patroni testamento obtemperasset. das possessionem ei qui non iurauit. concedo. praetorium est. adimis tu ei qui iurauit? quo exemplo? proscriptum iuuat. lex est. poena est. quid ad eum qui ius dicit? utrum reprehendis quod patronum iuuabat eum: qui tum in miseris erat? an quod alterius patroni mortui uoluntatem conseruabat: a quo summum beneficium acceperat? utrum horum reprehendis? Et hoc tum de sella uir optimus dixit: Equiti Ro. tam locupleti libertinus sit homo haeres? O modestum ordinem: quod illinc uiuus surrexit. possum sexaginta decreta proferre: in quibus, ut ego pecuniam non dicam intercessisse: ipsa decretorum nouitas iniquitasque declarat. uerum ut ex uno, de caeteris coniecturam facere possitis: id quod priore actione cognostis audite. C. Sulpitius Olympius fuit. is mortuus est C. Sacerdote praetore, nescio an antequam Verres praeturae petere coeperit. fecit haeredem M. Octauium Ligurem: Ligur hereditatem adiit: possedit Sacerdote praetore sine ulla controuersia. posteaquam Verres magistratum inijt: ex edicto istius, quod edictum sacerdos non habuerat: Sulpitij patroni filia sextam partem hereditatis ab Ligure petere coepit. Ligur non aderat: L. frater eius causam agebat: aderant amici, propinqui. dicebat iste, nisi cum muliere decideretur: in possessionem se ire iussurum. L. Gellius causam Liguris defendebat: docebat edictum eius non oportere adeas hereditates ualere: quae ante



eum prætorem uenissent. si hoc tum fuisset edictum: fortasse Ligurem hæreditatem aditurum non fuisse. æqua postulatio, summa hominum auctoritas, preceps superabatur. uenit Romam Ligur: non dubitabat, quin si ipse Verrem conuenisset: æquitate causæ, & auctoritate sua commouere hominem posset: domum ad eum uenit: rem demonstrat: quàm pridem sibi hæreditas uenisset, docet: quod facile in causâ æquissima homini ingenioso fuit: multa, quæ quæuis mouere possent, dixit: ad extremum petere cœpit: ne usq; eo suam auctoritatem despiceret: gratiamq; contemneret: ut se tanta iniuria afficeret. homo Ligurem accusare cœpit: qui in re aduenticia, atq; hæreditaria tam diligens, tam attentus esset: debere eum aiebat suam quoq; rationem ducere: multa sibi opus esse: multa cunibus suis, quos circa se haberet. non possum illa planius commemorare: quàm ipsum Ligurem pro testimonio dicere audistis. quid enim Verres? utrum ne his quidem testibus credetur? an hæc ad rem non pertinent? non M. Octauio? non L. Liguri? quis nobis credet? cui nos? quid est Verres quod planum fieri testibus possit: si hoc non fit? an id, quod dicunt, leue est? nihil leuius: quàm prætorem Urbis hoc iuris in suo magistratu constituere: omnibus his, quibus hæreditas uenerit: cohæredem prætorem esse oportere. an uero dubitamus: quo ore iste cæteros homines inferiore loco, auctoritate, ordine, quo ore homines rusticanos ex municipijs, quo deniq; ore, quos nunquam liberos homines duxerit, solitus sit appellare: qui ob ius dicendum M. Octauium Ligurem hominem ornatissimum loco, ordine, nomine, uirtute, ingenio, copijs, poscere penam non dubitarit? In fartis tectis uero quem



admodum sese gesserit: quid ego dicam? dixerunt qui sen-  
serunt. sunt alij qui dicant. notæ res, ac manifestæ prola-  
tæ sunt: et proferuntur. dixit C. Fannius Eques Ro. fra-  
ter germanus Q. Titinij iudicis tui, tibi se pecuniam de-  
disse. recita Testimonium C. Fannij. nolite C. Fannio  
dicenti credere: noli inquam tu Q. Titini C. Fannio  
fratri tuo credere. dicit enim rem incredibilem: C. Ver-  
rem insinulat auariciæ, et audaciæ: quæ uicia uiden-  
tur in quæuis potius, quam in istum conuenire. dixit  
Q. Tadius homo familiarissimus patris istius, non  
alienus à matris eius genere, et nomine: tabulas pro-  
tulit: quibus pecuniam se dedisse ostendit. recita nomi-  
na Q. Tadij. recita testimonium Q. Tadij. Ne  
tabulis quidem, Q. Tadij, nec testimonio credetur. qd  
igitur in iudicijs sequemur? quid est aliud omnibus o-  
mnia peccata, et maleficia concedere: nisi hoc: homi-  
num honestissimorum testimonijs, et uirorum bonorū  
tabulis non credere? Nam quid ego de quotidiano ser-  
mone querimoniāq; populi romani loquar, de istius im-  
pudentissimo furto, seu potius nouo, ac singulari latro-  
cinio? ausum esse in æde Castoris, celeberrimo clarissi-  
mōq; monumento, quod templum in oculis, quotidia-  
nōq; aspectu populi romani est positum: quo sæpenume-  
ro senatus conuocatur: quo maximarum rerum frequen-  
tissimæ quotidie aduocationes fiunt: in eo loco, in sermo-  
ne hominum, audaciæ suæ monumentum æternum re-  
linquere. Aedem Castoris Iudices P. Iunius habuit  
tuendam, L. Sylla Q. Metello consulibus. is mortuus est:  
reliquit pupillum paruum filium. cum L. Octauius,  
C. Aurelius cons. ædes sacras locauissent: neq; potuissent  
omnia sacra tecta exigere: neq; ij prætores, quibus erat

negoci-  
s. C. q-  
effecit  
indicare  
ex C.  
nibus in  
hoc uol-  
rum su-  
quotidie  
tectam d-  
basare  
pulum q-  
ser: pupilla  
tribus op-  
abot. mor-  
us sacra-  
uenturum  
tar. L. R.  
pupilli I.  
lo inter-  
deretor.  
quod a p-  
ille id qu-  
se: signa-  
omni op-  
ex tanta a-  
fertim d-  
ris: confici-  
me laque-  
sat se: qua-  
quos iste



negocium datum, C. Sacerdos, & M. Celsus: factum est S. C. quibus de sartis tectis cognitum, & iudicatum non esset: uti C. Verres, P. Celius praetores cognoscerent: & iudicaret. qua potestate iste permissa, ut ex C. Fannio, & ex Q. Tadio cognouistis: ueruntamen cum esset omnibus in rebus apertissime, impudentissimeq; praedatus: hoc uoluit clarissimum relinquere indicium latrociniorum suorum: de quo non audire aliquando, sed uidere quotidie possemus. Quasiuit quis aedem Castoris sartam tectam deberet tradere. Iunium ipsum mortuum esse sciebat: scire uolebat, ad quem illa res pertineret. audit pupillum esse filium. homo, qui semper ita palam dictitasset: pupillos, & pupillas certissimam praedam esse praetoribus: optatum negocium sibi in sinum delatum esse dicebat. monumentum illa amplitudine, illo opere, quamuis sarta tectum integrumq; esset: tamen aliquid inuenturum in quo moliri praedariq; posset, arbitrabatur. L. Rabonio aedem Castoris tradi oportebat. is casu pupilli Iunii tutor erat testamento patris. cum eo sine ullo intertrimento conuenerat iam, quemadmodum traderetur. Iste ad se Rabonium uocat: quaerit: ecquid sit: quod a pupillo traditum non sit: quod exigi debeat. cum ille id quod erat, diceret: facilem pupillo traditionem esse: signa, & dona comparere omnia: ipsum templum omni opere esse integrum: indignum isti uideri coepit, ex tanta aede, tantoq; opere se non opimum praeda, praesertim a pupillo, discedere. uenit ipse in aedem Castoris: considerat templum: uidet undiq; tectum, pulcherri-me laqueatum, praeterea caetera noua, atq; integra. uersat se: quaerit quid agat: dicat ei quidam ex illis canibus, quos iste Liguri dixerat, esse circa se multos: tu Verres



hic quod moliare: nihil habes: nisi forte uis ad perpendi-  
culum columnas exigere. Homo omnium rerum im-  
peritus, quærit, quid sit ad perpendiculum. dicunt ei, se-  
rè nullam esse columnam: quæ ad perpendiculum es-  
se possit. Nam mehercule inquit sic agamus: columnæ ad  
perpendiculum exigantur. Rabonius qui legem nosset:  
qua in lege numerus tantum columnarum traditur: per-  
pendiculi mentio fit nulla: Et qui non putaret sibi ex-  
pedire, ita accipere: ne eodem modo reddendum esset:  
negat id sibi deberi: negat oportere exigi. Iste Rabo-  
nium quiescere iubet: Et simul ei nonnullam spem so-  
cietatis ostendit. hominem modestum, Et minime per-  
tinacem facile cohercet: columnas ita se exacturum esse  
confirmat. nouares, atq; improuisa pupilli calamitas  
nunciatur statim C. Mustio uirrico pupilli: qui nuper  
est mortuus: M. Iunio patruo, P. Potitio: tutori homini  
frugalissimo. hi rem ad uirum primum summo offi-  
cio, ac uirtute præditum M. Marcellum, qui erat pupil-  
li tutor: deferunt. uenit ad Verrem M. Marcellus: petit  
ab eo pro sua fide, ac diligentia pluribus uerbis: ne per  
summam iniuriam pupillum Iunium fortunis patris  
conetur euertere. Iste qui iam spe, Et opinione prædam  
illam deuorasset: neq; ulla æquitate orationis, neq; au-  
thoritate M. Marcelli commotus est. itaq; quemadmo-  
dum ostendisset: se id exacturum esse respondit. Cum  
sibi omnes ad istum allegationes difficiles, omnes aditus  
arduos, ac potius interclusos uiderent: apud quem non  
ius, non æquitas, non misericordia, non propinqui ora-  
tio, non amici uoluntas, non cuiusquam auctoritas pro  
precio, non gratia ualeret: statuunt id sibi optimum esse  
factu: quod cuius uenisset in mentem: petere auxilium



a' Chelidone: quæ isto prætorè, non modo in iure ciuili;  
 priuatorumq; omniũ controuersijs populo romano præ  
 fuit: uerum etiam in his fartis tectis dominata est. ue-  
 nit ad Chelidonem C. Mustus eques Ro. publicanus, ho-  
 mo cum primis honestus uenit M. Iunius patruus pue-  
 ri, frugalissimus homo, et castissimus: uenit homo sum-  
 mo honore, pudore, et summo officio, spectatissimus or-  
 dinis sui P. Potitius tutor. O' multis acerbam, O' mise-  
 ram, atq; indignam præturam tuam. ut mittam cete-  
 ra: quo tandem pudore tales uiros, quo dolore meretri-  
 cis domum uenisse arbitr amini? qui nulla conditione ista  
 turpitudinem subissent: nisi officij, necessitudinisq; ratio  
 coegisset. ueniunt, ut dico, ad Chelidonem. domus erat  
 plena: noua iura, noua decreta, noua iudicia peteba-  
 tur: mihi det possessionem: mihi ne adimat: in me iudiciũ  
 ne det: mihi bona addicat. alij nummos numerabant:  
 alij tabulas obsignabant: domus erat non meretricio cõ-  
 uentu, sed prætoria turba referta. simulac potestas pri-  
 mum data est: adeunt hi quos dixi: loquitur Mustus: re  
 demonstrat: petit auxilium: pecuniam pollicetur. Respon-  
 dit illa, ut meretrix, non inhumane: libenter ait se esse  
 facturam: et se cum isto diligenter sermocinaturam: re-  
 uerti iubet. tum discedunt: postridie reuertuntur. negat  
 illa posse hominem exorari: permagnam eum dicere  
 ex illa re pecuniam confici posse. uercor ne quis forte de  
 populo, qui priori actione non affuit: hæc, quia propter  
 insignem turpitudinem sunt incredibilia: fingi a me ar-  
 bitretur. ea uos antea Iudices cognouistis. dixit iuratus  
 P. Potitius tutor pupilli Iunij: dixit M. Iunius tutor, et  
 patruus. Mustus dixisset, si uiueret: sed pro Mustio, re-  
 centi re de Mustio auditum dixit L. Domitius: qui cum sci



IN VERREM

ret me ex Musto uiuo audisse: quod eo sum usus pluri-  
mum: etenim iudicium, quod propè omnium fortuna-  
rum suarum C. Mustus habuit: me uno defendente ui-  
cit. cum hoc, ut dico, sciret L. Domitius me scire, ad eum  
res omnes Mustum solitum esse deferre: tamen de Che-  
lidone reticuit, quoad potuit: alio responsionem suā de-  
rinnauit. tantus in adolescente clarissimo, ac principe iu-  
uentutis, pudor fuit: ut aliquādiu, cum à me premere-  
tur: omnia potius responderet: quàm Chelidone nomi-  
naret. primo necessarios istius ad eum allegatos esse dice-  
bat: deinde aliquando coactus Chelidone nomina-  
uit. non te pudet Verres, eius mulieris arbitrati gessisse  
præturam: quam L. Domitius ab se nominari uix sibi  
honestum esse arbitrabatur? Reiecti à Chelidone capi-  
unt consilium necessarium: ut suscipiant ipsi negotium.  
cum Rabonio tutore, quod erat uix HS quadraginta  
millium, transigunt HS ducentis millibus. refert ad  
istum rem Rabonius: ut sibi uidebatur, satis grandē pe-  
cuniam, et satis impudentem esse. iste, qui aliquanto plus  
cogitasset: male accipit uerbis Rabonium: negat eum sibi  
illa decisione satisfacere posse. ne multa, locaturum se esse  
confirmat. tutores hæc nesciunt: quod actum erat cum  
Rabonio: putant id esse certissimum: nullam maiorem pu-  
pillo metuunt calamitatem. Iste uero non procrastinat:  
locare incipit non proscripta, neq; edicta die, alienissi-  
mo tempore, ludis ipsis Romanis foro ornato. Itaq; re-  
nunciat Rabonius illam decisionem tutoribus: acurrunt  
tamen ad tempus tutores: digitum tollit Iunius patrius.  
isti color immutatus est: uultus, oratio, mens deniq; exa-  
dit: quid ageret cœpit cogitare. si opus pupillo redime-  
retur: si res abiret ab eo mancipe: quem ipse apposuisset:  
sibi nullam



sibi nullam prædam esse. itaq; ex cogitat. quid? nihil inge-  
 niose, nihil quod quisquam possit dicere improbe, ue-  
 rum callide: nihil ab isto tectum, nihil ueteratorum  
 expectaueritis: omnia aperta, omnia perspicua reperi-  
 entur, impudentia, amentia, audacia. si pupillo opus re-  
 dimitur: mihi præda de manibus eripitur. quod est igitur  
 remedium? quod? ne liceat pupillo redimere. ubi il-  
 la consuetudo in bonis, prædibus, prædijsq; uendendis o-  
 mnium Cons. Censorum. Præ. Questorum deniq; ut  
 optima conditione sit is: cuius res sit: cuius periculum?  
 excludit eum solum: cui propè dictam soli potestatem fa-  
 ctam esse oportebat. quid enim quisquam ad meam pe-  
 cuniam me inuito aspirat? quid accedit? locatur opus  
 id, quod ex mea pecunia reficiatur. ego me refecturum  
 esse dico. probatio futura est tua, qui locas: prædibus  
 & prædijs populo cautum est. & si non putas cautum:  
 scilicet tu Pr. uel mea bona quos uoles immittes? me ad  
 meas fortunas defendendas accedere non sinas? Operæ-  
 precium est ipsam legem cognoscere. dicetis eundem con-  
 scripsisse qui illud edictum de hæreditate. EX OPE-  
 RE FACIENDO QUAE PUPILLI  
 IUNII. dic, dic quæso clarius. C. VERRES  
 PR. VRBIS ADDIDIT. corriguntur leges,  
 censorie. quod enim uideo in multis ueteribus legi-  
 bus: Cn. Domitius, L. Metellus, L. Cassius, Cn. Serui-  
 lius Censores addiderunt: uult aliquid eiusmodi C.  
 Verres. dic quid addidit. QVI DE L. MAR-  
 TIO, M. PERPENNA CENSORIBVS.  
 SOCIVM NE ADMITTITO: NEVE  
 PARTEM DATO: NEVE REDIMITO.  
 Quid ita? ne uiciosum opus fieret? at erat probatio



IN VERREM

tua. ne parum locuples esset. at erat. & esset amplius,  
 si uelles, populo cautum prædibus, & prædijs. hic te si  
 res ipsa, si indignitas iniuriæ tuæ non commouebat: sicut  
 pupilli calamitas, propinquorum lachrymæ, D. Bruti,  
 cuius prædia subierunt periculum: M. Marcelli tutoris  
 autoritas, apud te ponderis nihil habeat: ne illud qui-  
 dem animaduertebas. eiusmodi fore hoc peccatum tu-  
 um: quod tu neque negare posses: in tabulas enim retulisti:  
 nec cum defensione aliqua confiteri. Additur id opus.  
 HS DLX millibus: cum tutores HS LXXX mil-  
 libus id opus, ad illius hominis iniquissimi arbitrium  
 se effecturos esse clamarent. etenim quid erat operis?  
 id quod uos uidistis. omnes illæ columnæ, quas dealba-  
 tas uidetis: machina apposita, nulla impensa deiectæ,  
 eisdemque lapidibus repositæ sunt. hoc tu HS DLX  
 millibus locauisti. atque in illis columnis, dico esse, quæ à  
 tuo redemptore commotæ non sint: dico esse ex qua tan-  
 tum tectorium uetus deletum sit, et nouum inductum.  
 quod si tanta pecunia columnas dealbari putassem: cer-  
 te nunquam ædilitatem petuisssem. At ut uideatur ta-  
 men res agi: & non eripi pupillo. SI QUID OPE-  
 RIS CAUSA RESCIDERIS: REFICI-  
 TO. quid erat quod rescinderet: cum suo quæque lo-  
 co lapidem reponeret? QUI REDEMERIT:  
 SATISDET DAMNI INFECTI EI:  
 QUI A VETERE REDEMPTORE AC-  
 CEPERIT. deridet: cum sibi ipsum iubet satisfacere  
 Rabonium. PECVNIA PRAESENS SOL-  
 VATVR. quibus de bonis? eius, qui quod tu HS  
 DLX millibus locasti: HS LXXX millibus effectum  
 esse clamauit. quibus de bonis? pupilli. cuius æta-



tem, & solitudinem, etiam si tutores non essent: defendere prætor debuit: tutoribus defendentibus non modo patrias eius fortunas, sed etiam bona tutorum ademisti. **HOC OPVS BONVM SVO CVIQUE FACITO.** lapis aliquis cædendus & apportandus fuit, machina sua. nam illo non saxum, non materies aduecta est. tantum operis, & in ista locatione fuit quantum paucae operæ fabrorum mercedes tulerunt et manus precium machinæ. Vtrum existimatis minus operis esse: unā colūnam efficere ab integro nouam, nullo lapide rediuiuo? an quatuor illas reponere? nemo dubitat: quin multo maius sit nouam facere. Ostendam in ædibus priuatis, longa, difficiliq; uectura, columnas singulas ad impluuium HS quadragenis millibus nō minus magnas locatas. Sed ineptum est de tam perspicua istius impudentia pluribus uerbis disputare: præsertim cum iste aperte tota lege omnium sermonem, atq; existimationem contempserit: qui etiam ad extremum conscripserit. **REDIUIVA SIBI HABETO.** quasi quicquam rediuiui ex opere illo tolleretur: ac nō totum opus ex rediuiuis constitueretur. At enim si pupillo redimi non licebat: non necesse erat rem ad ipsum peruenire: poterat aliquis ad id negotium de populo accedere. omnes exclusi sunt, non minus aperte, quā pupillus. diem præstituit operi faciundo Cal. Decembris. locat crater Idus Septembris. angustijs temporis excluduntur omnes. quid ergo? Rabonius istam diem quomodo assequitur? nemo Rabonio molestus est neq; Cal. Decembris, neq; nonis, neq; Idibus. deniq; aliquanto in provinciam iste proficiscitur prius, quā opus effectum est. posteaquam reus factus est: primo negabat opus in acce-



# IN VERREM

ptum referre posse: cum instaret Rabonius: in me cau-  
sam conferebat: quod tum codicem obsignassem. petit a  
me Rabonius: & amicos allegat: facile impetrat. iste qd  
ageret, nesciebat. si in acceptum non retulisset: putabat  
se aliquid defensionum habiturum: Rabonium porro in-  
telligebat rem totam esse patefacturum: tamen si quid po-  
terat esse apertius: quam nunc est: ut uno minus teste ha-  
beret Rabonio? opus in acceptum retulit quadriennio post  
quam diem operi dixerat. Hac conditione, si quis de po-  
pulo redemptor accessisset: cum die ceteros redemptores  
exclusisset: tum in eius arbitrium ac potestatem uenire  
nolebat: qui sibi ereptam pradam arbitraretur. Non ne  
argumentamur quo ista pecunia perueniret? fecit ipse iu-  
dicium. Primum cum uehementius cum eo D. Brutus  
contenderet: qui de sua pecunia HS CCL millia nume-  
rauit: quod iam iste ferre non poterat opē addicto: prae-  
dibus acceptis de HS DLX millibus, remisit D. Bru-  
to HS CX millia. Hoc si aliena res esset: certe face-  
re non potuisset. deinde nummi numerati sunt Cornifi-  
cio: quem scribam suum fuisse negare non potest. Postre-  
mo ipsius Rabonij tabulae pradam illam istius fuisse cla-  
mant. Recita nomina Rabonij. Hic etiam priore  
actione Q. Hortensius pupillum Iunium uenisse prae-  
textatum in uestrum conspectum, & testes secum, pa-  
truo testimonium dicente quæstus est: & me populari-  
ter agere, atq; inuidiam commouere, quod puerum pro-  
ducerem: clamitauit. quid erat Hortensi tandem in illo  
puero popolare? quid inuidiosum? Gracchi credo, aut  
Saturnini, aut alicuius hominis eiusmodi, produxeram  
filium: ut nomine ipso, & memoria patris, animos im-  
peritæ multitudinis concitarem. P. Iunij erat, hominis



de plebe Romana filius: quem pater moriens tum tuto-  
ribus, et propinquis, tum legibus, tum æquitati magistra-  
tuum, tum iudicys uestris commendandum putauit. hic istius  
scelerata locatione, nefarioq; latrocinio bonis patrys, for-  
tunisq; omnibus spoliatus uenit in iudiciũ: si nihil aliud,  
saltem ut eum, cuius opera ipse multos annos est in for-  
dibus: paulo tamen obsoletius uestitum uideret. Itaq; tibi  
Hortensi non illius ætas, sed causa, non uestitus, sed for-  
tuna popularis uidebatur: neq; te tam comouebat: quod  
ille cum toga prætexta, quàm quod sine bulla uenerat.  
uestitus enim nūmquam commouebat is: quem illi mos,  
et ius ingenuitatis dabat. quod ornamentum puericiæ  
pater dederat, indicium, atq; insigne fortunæ: hoc ab  
isto prædone ereptum esse, grauiter, et acerbe homines  
ferebant. neq; erant hæ lachrymæ populares magis, q̃  
nostræ, quàm tuæ Q. Hortensi, quàm horum qui sen-  
tentiam laturi sunt. ideo quod communis est causa: com-  
mune periculum: communi præsidio talis improbitas,  
tanquam aliquod incendium, restinguenda est. habemus  
enim liberos paruos: incertum est quàm longa no-  
strum cuiusq; uita futura sit: consulere uiui, ac prospice-  
re debemus: ut illorum solitudo, et puericiæ quamfir-  
missimo præsidio munita sit. quis est enim, qui tueri pos-  
sit liberum nostrorum puericiam contra improbitatem  
magistratum? mater credo. scilicet magno præsidio fuit  
Anniæ pupillæ mater fœmina primaria: minus, illa de-  
os hominesq; implorante, iste infanti pupillæ fortunas  
patrias ademit. tutores ne defenderent? perfacile uero,  
apud istiusmodi prætorem: à quo M. Marcelli tutoris in  
causa pupilli Iunij et oratio, et uoluntas, et authori-  
tas repudiata est. quæremus etiam, quid iste in ultima



# IN VERREM

Phrygia, quid in extremis Pamphyliæ partibus fecerit? qualis in bello prædonum prædo ipse fuerit? qui in foro Populi romani pirata nefarius reperiatur? dubitamus quid iste in hostium præda molitus sit? qui manubias sibi tantas ex L. Metelli manubijs fecerit: qui maiore pecunia quatuor columnas dealbandas, quàm ille omnes ædificandas locauerit? expectemus quid dicant ex Sicilia testes? quis unquam templum illud aspexit? quin auariciæ tuæ, quin iniuriæ, quin audaciæ testis esset? quis à signo Vertumni in arcum maximū uenit? quin is uno quoq; gradu de auaricia tua commoneretur? quam tu uiam thesaurum, atq; pompæ eiusmodi exegisti: ut tu ipse illa ire non audeas. te putet quisquam, cum ab Italia freto disiunctus esses: socijs temperasse? qui ad Castoris testem furtorum tuorum esse uolueris: quā populus romanus quotidie, Iudices etiā tum, cum de te sententiam ferrent: uiderent. Atq; etiam iudicium in Prætura publicum exercuit. non enim prætereundū est ne id quod petita multa est apud istum prætorē à Q. Opimio: qui adductus in iudiciū uerbo, quod cum esset Tribus: intercessisset contra legem Corneliam: quod in Tribunatu dixisset contra alicuius hominis nobilis uoluntatem. de quo iudicio si uelim dicere omnia: multi appellandi, ledendiq; sunt: quod mihi non est necesse. tantum dicam: paucos homines arrogantes hoc adiutore Q. Opimum per ludum, et iocum fortunis omnibus eueruisse. is mihi etiam queritur: quod à nobis VIII solis diebus prima actio sui iudicii transacta sit: cum apud ipsum tribus horis Q. Opimius senator populi Ro. bona, fortunas, ornamenta omnia amiserit. cuius propter indignitatem iudicii, sæpissime est actum



in Senatu: ut genus hoc totum mulctarum, ac iudicio-  
rum cuiusmodi tolleretur. Iam uero in bonis Q. Opi-  
mij uendendis quas iste prædas, quàm aperte, quàm  
improbe fecerit, longum est dicere. hoc dico: nisi uobis  
id hominum honestissimorum tabulis planum fecero:  
fingi à me hoc totum temporis causa putatote. Iam qui  
ex calamitate senatoris populi Ro. cum Prætor iudicio  
eius præfuiſſet: spolia domum suam referre, & manu-  
bias detrahere, conatus est: is ullam ab sese calamita-  
tem poterit deprecari? nam de subfortitione illa Iunia  
na iudicium nihil dico. quid enim? contra tabulas, quas  
tu protulisti, audes dicere? difficile est. non enim me tua  
solum, & iudicium auctoritas, sed etiam annulus au-  
reus scribe tui deterret. non dicam id quod probare  
difficile est? hoc dicam: quod ostendam. multos ex te ui-  
ros primarios audisse: cum diceres, ignosci tibi oportere:  
quod falsum codicem protuleris. nam qua inuidia C.  
Iunius confla grarit: ea, nisi prouidisses: tibi ipsi tum per-  
eundum fuisset. hoc modo iste sibi, & saluti suæ pro-  
spicere didicit, referendo in tabulas, & priuatas &  
publicas quod gestum non esset: tollendo quod esset:  
& semper aliquid demendo, mutando, curando ne  
litura appareat, interpolando. eo enim usque progredi-  
tur: ut ne defensionem quidem malefactorum suorum  
sine alijs maleficijs reperire posset. Eiusdem modi for-  
titionem homo auertissimus suorum quoque Iudicium  
fore putauit, per sodalem suum Q. Curtium Iudi-  
cem quæstionis: cui nisi ego ui populi, & hominum  
clamore, atq; conuitio restitissim: ex hac decuria no-  
stra cuius mihi copiam quàm largissime factam oportet.

at. statim longissimam fieri.



tebat: erepta esset facultas eorum: quos iste annuerat  
in suum consilium sine causa subfortiebatur. \*

Desideratur quippiam.

fam Sic  
ego factu  
amplex  
causam  
quod pui  
do reus  
firmus  
rius ad  
eius fac  
agere  
Atq  
et mul  
te, utili  
Niniani  
praeipu  
is. pri  
aps Sic  
aut: pri  
provin  
quam  
la fuit  
ni cui



*De iurisdictione...*  
ULTA mihi necessario Iudices præ-  
mittenda sunt: ut possim aliquo modo  
aliquando de his rebus, quæ meæ fidei  
commissæ sunt: dicere. recepi enim cau-  
sam Siciliae: ea me ad hoc negotium provincia attraxit.  
ego tamen hoc onere suscepto, & recepta causa Siciliensi,  
amplexus animo sum aliquanto amplius. suscepi enim  
causam totius ordinis: suscepi causam populi romani:  
quod putabam tum denique recte iudicari posse: si non mo-  
do reus improbus adduceretur: sed etiam diligens, &  
firmus accusator ad iudicium ueniret. quo mihi matu-  
rius ad Siciliae causam ueniendum est, relictis cæteris  
eius furtis, ac flagitijs: ut & uiribus quàm integerrimis  
agere: & ad dicendum temporis satis habere possim.  
Atque adeo antequam de incommotis Siciliae dico: pau-  
ca mihi uidentur esse de provinciae dignitate, uetusta-  
te, utilitate, dicenda. Nam cum omnium sociorum pro-  
uinciarumque rationem diligenter habere debetis: tum  
præcipue Siciliae iudices, plurimis, iustissimisque de cau-  
sis. primum quod omnium nationum exterarum prin-  
ceps Sicilia se ad amicitiam fidemque populi Ro. appli-  
cuit: prima omnium, id quod ornamentum imperij est:  
provincia est appellata: prima docuit maiores nostros,  
quàm præclarum esset exteris gentibus imperare: so-  
la fuit ea fide, beneuolentiâque erga populum romanum:  
ut ciuitates eius insulae, quæ semel in amicitiam nostram



uenissent: nunquam postea deficerent: pleræq; autem, et  
maxime illustres in amicitia perpetuo manerent. itaq;  
*polyb. 1. p. maioribus in Africam ex hac provincia gradus impe*  
rii factus est. neq; enim tã facile opes Carthagini tantæ  
concidissent: nisi illud, & rei frumentariæ subsidium, et  
receptaculum classibus nostris pateret. quare P. A fri-  
canus Carthagine deleta, Siculorum urbes signis, mo-  
numentisq; pulcherrimis exornauit: ut quos uictoria po-  
puli Ro. maxime lætari arbitrabatur: apud eos monu-  
menta uictoriæ plurima collocaret. deniq; ille ipse M.  
Marcellus, cuius in Sicilia uirtutem hostes, misericor-  
diam uicti, fidem cæteri Siculi perspexerunt: non solũ  
focys in eo bello consuluit: uerum etiam superatis hosti-  
bus temperauit: urbem pulcherrimam Syracusas, quæ  
cum manu munitissima esset: tum loci natura terra, ac  
mari claudebatur: cum ui consilioq; cœpisset: non solũ  
incolumem passus est esse: sed ita reliquit ornatam: ut  
esset idem monumentum uictoriæ, mansuetudinis, con-  
tinentiæ: cum homines uiderent, & quid expugnasset:  
& quibus peperisset: & quæ reliquisset. tantum ille ho-  
nore Siciliæ habendum putauit: ut ne hostium quidẽ  
urbem ex sociorum insula tollendam arbitraretur. itaq;  
ad omnes res Sicilia provincia semper usi sumus: ut quic-  
quid ex sese posset efferre: id non apud eos nasci, sed do-  
mi nostræ conditum putaremus. quando illa frumentũ,  
quod deberet: non ad diem dedit? quando id, quod opus  
esse putaret: non ultro pollicita est? quando id, quod  
imperaretur: recusauit? itaq; ille M. Cato sapiens, cel-  
lam penariam Reip. nostræ, nutricem plebis Romanæ  
Siciliam nominauit. nos uero experti sumus, italico ma-  
ximo, difficillimoq; bello Siciliam nobis non pro pe-



naria cella, sed pro aerario illo maiorum uetere, ac referto fuisse. nam sine ullo sumptu nostro corijs, tunicis, frumentoq; suppeditato, maximos exercitus nostros uestiuit: alui: armavit. quid illa? quod forsitan ne sentimus quidem iudices: quanta sunt? quod multis locupletioribus ciuibus utimur: quod habent propinquam fidem, fructuosamq; provinciam: quo facile excurrant: ubi libenter negotium gerant. quos illa partim mercibus suppeditandis cum quaestu compendioq; dimittit: partim retinet: ut arare, ut pascere, ut negociari libeat: ut deniq; sedes, ac domicilium collocare. quod commodum non mediocri populi Ro. est: tantum ciuium Ro. numerum, tam prope ab domo, tam bonis, fructuosisq; rebus, detineri. Et quoniam quasi quaedam praedia populi Ro. sunt, uectigalia nostra, atq; provinciae: quemadmodum propinquis uos uestris praedijs maxime delectamini: sic populo Ro. iucunda suburbanitas est huiusce provinciae. Iam uero hominum ipsorum Iudices ea patientia, uirtus, frugalitasq; est: ut proxime ad nostram disciplinam illam ueterem, non hanc, quae nunc increbuit: uideantur accedere. nihil ceterorum simile graecorum: nulla desidia: nulla luxuria: contra summus labor in publicis, priuatisq; rebus: summa parsimonia: summa diligentia. sic porro nostros homines diligunt: ut his solis neq; publicanus, neq; negociator odio sit. magistratum autem nostrorum iniurias ita multorum tulerunt: ut nunquam ante hoc tempus ad aram legum, praesidiumq; uestrum publico consilio confugerent. tametsi & illum annum pertulerant: qui sic eos affixerat: ut salui esse non possent: nisi C. Marcellus quasi aliquo fato uenisset: ut bis ex eadem familia salus



# IN VERREM

Siciliae constitueretur: postquam M. Antonij infinitum il-  
 lud imperium senserant. Sic a maioribus suis accepe-  
 rant: tanta populi Ro. in Siculos esse beneficia: ut etiam  
 iniurias nostrorum hominum perferendas putarent.  
 In neminem ciuitates ante hunc testimonium publice di-  
 xerunt. hunc deniq; ipsum pertulissent: si humano mo-  
 do, si usitato more, si deniq; uno aliquo in genere peccas-  
 set. sed cum perferre non possent luxuriam, crudelita-  
 tem, auariciam, superbiam: cum omnia sua commoda, iu-  
 ra, beneficia S. P. q; Ro. unius scelere ac libidine per-  
 didissent: hoc statuerunt: aut istius iniurias per uos ul-  
 cisci, & persequi: aut si uobis indigni essent uisi, qui-  
 bus opem auxiliumq; ferretis: urbes ac sedes suas re-  
 linquerent: quando quidem iam ante istius iniurijs exa-  
 gitati reliquissent. Hoc consilio a L. Metello legationes  
 uniuersae petuerunt: ut quam primum isti succederet.  
 hoc animo totiens apud patronos de suis miserijs deplo-  
 rarunt. hoc commoti dolore postulata consulibus, quae  
 non postulata, sed in istum crimina uiderentur esse: edi-  
 derunt. fecerunt etiam, ut me, cuius fide continentiamq;  
 cognouerant: prope de uita mea statu dolore, ac lachry-  
 mis suis deducerent: ut ego istum accusarem: a quo mea  
 longissime ratio uoluntasq; abhorrebat. quanquam in  
 hac causa multo pluris partes mihi defensionis, quam  
 accusationis suscepisse uideor. Postremo homines ex tota  
 prouincia nobilissimi, primi q; publice priuatiq; uene-  
 runt: grauiissima, atq; honestissima quaeq; ciuitas uehe-  
 mentissime suas iniurias persecuta est. At quemadmo-  
 dum Iudices uenerunt: uideor enim mihi liberius apud  
 uos iam pro Siculis loqui debere: quam forsitan ipsi ue-  
 lint. saluti enim eorum potius consulam, quam uolun-



tati. Ecquem existimatis unquam ulla in provincia  
 rem absentem, contra inquisitionem accusatoris, tantis  
 opibus, tanta cupiditate esse defensum? quæstores utriusq;  
 provinciae, qui isto Pr. fuerant: cum fascibus mihi præ  
 sto fuerunt. hi porro, qui successerunt: uehementer istius  
 cupidi liberaliter ex istius cibarijs tractati, non minus  
 acres contra me fuerunt. uidete quid potuerit: qui qua  
 tuor in provincia quæstores studiosissimos defensores,  
 propugnatoresq; habuerit: prætorem uero, cohortemq;  
 totam sic studiosam: ut facile appareret: non tam illis  
 Siciliam, quam inanem offenderant: quam Verrem ip  
 sum, qui plenus decesserat: provinciam fuisse. minari Si  
 culis si decressent legationem: quæ contra istum diceret:  
 minari, si qui essent profecti: alijs si laudarent benignis  
 sime promittere: grauissimos priuatarum rerum testes,  
 qbus nos præsentibus denuntiauimus: eos ui custodijsq;  
 retinere. quæ cum omnia facta sunt: tamen unam so  
 lam scitote esse ciuitatem Mamertinam, quæ publice le  
 gatos, qui istum laudarent: miserit. eius autem legatio  
 nis principem ciuitatis nobilissimum, C. Heium iura  
 tum dicere audistis: isti nauem onerariâ maximam Mes  
 sanæ esse publice coactis operis ædificatam. idemq; Ma  
 mertinorum legatus, istius laudator, non solum istum  
 bona sua, uerum etiam sacra, deosq; penates a maio  
 ribus traditos ex edibus suis eripuisse dixit. præclara  
 laudatio: cum duabus in rebus legatorum una opera  
 consumitur: in laudando, atq; repetendo. Atq; ea ipsa ci  
 uitas qua ratione illi amica sit: dicetur certo loco. reperi  
 tis enim, quæ causæ beneuolentiæ sint Mamertinis erga  
 istum: eas ipsas causas satis iustas esse damnationis. Alia  
 ciuitas nulla Iudices publico consilio laudat. uis illa sum



# IN VERREM

mi imperij tantum potuit apud perpaucos homines, non ciuitates: ut aut leuissimi quidam ex miserrimis, desertissimisq; oppidis inuenirentur: qui iniussu populi, ac senatus proficiscerentur: aut hi qui contra istum legatos decreuerant: & testimonium publicum, mandataq; ac ceperant: ui ac metu retinerentur. quod ego in paucis tamen usu uenisse non moleste fero: quo reliquæ tot, & tantæ, & tam graues ciuitates, tota deniq; Sicilia plus auctoritatis apud uos haberet: cum uideretis nulla ui retineri: nullo periculo prohiberi posse: quo minus experirentur: ecquid apud uos querimonie ualere anti- quissimorum, fidelissimorumq; sociorum. nam quod fortasse nō nemo uestrum audierit: istum a Syracusanis publice laudari: id tamen si priore actione ex Heraclij Syracusani testimonio cuiusmodi esset cognouistis: tamen uobis alio loco, ut se tota res habeat: quod ad eam ciuitatem attinet: demonstrabitur. intelligetis enim nullis hominibus quenquam tanto odio, quanto istum Syracusanis esse, & fuisse. At enim istum soli Siculi persequuntur: Ciues Ro. qui in Sicilia negociantur: defendunt: diligunt: saluum esse cupiunt. Primum si ita esset: tamen uos in questione de pecunijs repetundis, quæ sociorum causa constituta est: lege iudicioq; sociali, sociorum querimonias audire oporteret. sed intelligere potuistis priore actione ciues Ro. ex Sicilia plurimos, honestissimos, maximis de rebus & quas ipsi acceperant iniurias, & quas scirent alijs esse factas, pro testimonio dicere. Ego hoc quod intelligo Iudices, sic confirmo. Videor mihi gratum fecisse Siculis: quod eorum iniurias meo labore, inimicitias periculo sim persequutus. non minus hoc gratum me nostris quibus intelligo fecisse:



qui hoc existimant: iuris, libertatis, rerum, fortunarūq;  
suarum salutem, in istius damnatione consistere. Quia  
propter de istius Prætura Siciliensi non recusato, quin ita  
me audiat: ut si cuiquam generi hominum, siue Si-  
culorum, siue nostrorum civium, siue cuiquam ordi-  
ni, siue aratorum, siue pecuariorum, siue mercatorum  
probatum sit: si non horum omnium communis hostis præ-  
doq; fuerit: si cuiquam deniq; ulla in re unquam tem-  
peravit: ut vos quoq; temperetis. Qui simul atq; ei  
sorte provincia Sicilia obuenit: statim Romæ, & ab *ad urbem.*  
urbe antequam proficisceretur: quærere ipse secum, &  
cogitare cum suis cæpit: quibusnam rebus in ea pro-  
vincia maximam uno anno pecuniam facere posset. no-  
lebat in agendo discere. tamen si non provinciæ rudis  
erat, & tyro. sed in Siciliam paratus ad prædam, me-  
ditatusq; uenire cupiebat. O præclare coniectum à  
uulgo in illam provinciam omen communis famæ, atq;  
sermonis: cum ex nomine istius, quid in provin-  
cia facturus esset, perridiculi homines augurabantur.  
etenim quis dubitare posset: cum istius in quæstura fu-  
gam, & furtum recognosceret: cum in legatione oppi-  
dorum, fanorumq; spoliationes cogitaret: cum uideret  
in foro latrocinia Præturæ: qualis iste in quarto actus  
improbis futurus esset. Atq; ut intelligatis eum Ro-  
mæ quæsisse non modo genera furandi, sed etiam nomi-  
na: certissimum accipite argumentum: quo facilius de sin-  
gulari eius impudentia existimare possitis. Quo die Si-  
ciliam tetigit (uidete satis ne paratus ex illo omne ur-  
bano ad euertendam provinciam uenerit) statim Mes-  
sana literas Halesam mittit: quas ego istum in Italia scri-  
psisse arbitror. nam simulatq; è naui egressus est: dedit



# IN VERREM

operam ut Halesinus ad se Dio continuo ueniret: se de hereditate uelle cognoscere: quæ eius filio a propinquo homine Apollodoro Laphirone uenisset. ea erat Iudices per grandis pecunia. hic est Dio Iudices nunc beneficio Q. Metelli cuius Ro. factus: de quo multis uiris primarijs testibus, multorumq; tabulis nobis priore actione satisfactum est, HS undecies numeratum esse: ut eâ causam, in qua ne tenuissima quidem dubitatio posset esse: isto cognoscere obtineret. præterea greges nobilissimarum equarum abactos: argenti, uestisq; stragulæ, domi quod fuerit, esse direptum. ita HS undecies Q. Dionem, quod hereditas ei obuenerat: nullam aliam ob causam, perdidisse. quid? hæc hereditas quo prætoris filia: eodem, quo P. Anni Senatoris filia: eodem, quo M. Liguri Senatori: C. Sacerdote Prætoris. quid? tum nemo molestus Dioni fuerat? non plus, quam Liguri Sacerdote prætoris. quid? ad Verrem quis detulit? nemo: nisi forte existimatis ei quadruplatores ad fretum præsto fuisse. ad urbem cum esset: audiuit Dioni cuidam Siculo permagnam uenisse hereditatem: heredem statuas iussu esse in foro ponere: nisi posuisset: Veneri Erycinæ esse mulctatum. tametsi posita essent ex testamento: putabat tamen, quoniam Veneris nomen esset: causam pecuniæ se reperturum. itaq; apponit qui petat Veneri Erycinæ illam hereditatem. nõ enim quæstor petit ut est consuetudo is, qui Erycum montem obtinebat. petit Neuius Turpio quidam istius excursor et emissarius, homo omnium ex illo conuentu quadruplatorum deterrimus, C. Sacerdote Prætoris condemnatus iniuriarum. etenim erat eiusmodi causa: ut ipse prætor cum quæreret calumniatorem: paulo tamen considerationem



men considerationem reperire non posset. hunc hominem Veneri absoluit: sibi condemnat. maluit uidelicet homines peccare, quam deos: se potius à Dione, quod non licebat: quam Venerem, quod non debebatur: auferre. Quid ego nunc hic Sex. Pompeij Chlorig testimonium recitem? qui causam egit Dionis: qui omnibus rebus interfuit: hominis honestissimi: tamen si cuius Ro. uirtutis causa iam diu est: tamen omnium Sicularum primi, ac nobilissimi. quid ipsius Q. Cecilij Dionis hominis probatissimi, ac prudentissimi? quid L. Vetealij Liguris, T. Manlij, L. Caleni? quorum omnium testimonijs de hac Dionis pecunia confirmatum est. dixit hoc idem M. Lucullus, se de his Dionis incommotis pro hospitio, quod sibi cum eo esset: iam ante cognosse. quid? Lucullus, qui tum in Macedonia fuit: melius hæc cognouit: quam tu Hortensi? qui Romæ fuisti: ad quem Dio confugit: qui de Dionis iniurijs grauissime per literas cum Verre quæstus es? noua tibi hæc sunt, & inopinata? nunc primum hoc aures tuæ crimen accipiunt? nihil de Dione? nihil de socru tua fœmina primaria Seruilia uetere Dionis hospita audisti? non ne multa mei testes, quæ tu scis, nesciunt? non ne te mihi testem in hoc crimine eripuit, non istius innocentia, sed legis exceptio? TESTIMONIA M. LVCVLLI, CHLORI, DIONIS. Satis ne uobis magnam pecuniam Venerius homo, qui è Chelidonis sinu in provinciam profectus esset: Veneris nomine quæsisse uidetur? Accipite aliam in minore pecunia non minus impudentem calumniam. Sosippus, et Epicrates fratres sunt Agyrinenses. horum pater ab hinc duo et XX annos est mortuus. in cuius testamento quodam loco si commissum quid esset: multa erat Veneri.



at. ipso vigesimo anno IN VERREM

ipso XX annos, cum tot interea Praetores, tot quaestores, tot calumniatores in provincia fuissent: haereditas ab his Veneris nomine petita non est. causam Verres cognoscit: per Volcatium pecuniam accepit, fere ad HS CCCC millia ab duobus fratribus. multorum testimonium audistis antea. uicerunt Agrinenses fratres, ita, ut egentes inanesque discederent. at enim ad Verrem pecunia ista non peruenit. quae est ista defensio? utrum asseueratur in hoc: an tentatur? mihi enim res noua est. Verres calumniatores apponebat: Verres adesse iubebat: Verres cognoscebat: Verres iudicabat: pecuniae maxime dabantur: qui dabant, causas obtinebant: tu mihi ita defendas? non est ista Verri numerata pecunia. adiunxerunt tibi mei quoque testes idem dicunt: Volcatio dicunt sese dedisse. quae uis erat Volcatio tanta? ut HS CCCC millia duobus hominibus auferret? et quis Volcatio, si sua sponte uenisset: unam libellam dedisset? ueniat nunc: experietur: tecto recipiet nemo. at ego amplius dico. HS quadrigenties accepisse te arguo contra leges: nego tibi ipsi ullum nummum esse numeratum. sed cum ob tua decreta, ob imperata, ob iudicata, pecuniae dabantur: non erat quaerendum cuius manu numerarentur: sed cuius iniuria cogerentur. comites illi tui delecti, manus erant tuae: Praefecti, Scribae, Medici, Aetensi, Aruspices, Praecones, manus erant tuae: quo quisque te maxime cognatione, affinitate, necessitudine aliqua attingebat: ita maxime manus tua putabatur: cohors tota illa tua, quae plus mali Siciliae dedit: quam si centum cohortes fugitiuorum fuissent: tua manus sine controuersia fuit. quicquid ab horum quopiam captum est: id non modo tibi datum, sed tua manu numeratum iudicari necesse est. nam si hanc



defensionem probabitis: non accepit ipse: licet omnia de pecunijs repetundis iudicia tollatis: nemo unquam tam reus, tam nocens adducetur: qui ista defensione non possit uti. etenim cum Verres utatur: quis erit unquam post hac reus tam perditus: qui non ad Q. Mutij innocentiam referatur: si cum isto conferatur? neque nunc tam mihi isti Verrem defendere videntur: quam in Verre defensionis tentare rationem. Qua de re Iudices vobis magnopere providendum est. pertinet hoc ad summam rei publicae, & ad existimationem ordinis, salutemque sociorum. si enim innocentes existimari volumus: non solum nos abstinentes, sed etiam nostros comites prestare debemus. Primum omnium opera tanta danda est: ut eos nobiscum ducamus, qui nostrae famae capitiq; consulat. deinde si in hominibus eligendis nos spes amicitiae fefellerit: ut vindicemus: missos faciamus: semper ita vivamus: ut rationem reddendam nobis arbitremur. Africani est hoc hominis liberalissimi. verumtamen ea liberalitas est probanda: quae sine periculo existimationis est: ut in illo fuit. Cum ab eo quidam vetus affectator ex numero amicorum non impetraret: ut se praefectum in Africam duceret: & id ferret moleste: noli inquit murari, si tu à me hoc non impetras: ego iam pridem ab eo, cui meam existimationem caram fore arbitror: peto, ut mecum praefectus proficiatur: & adhuc impetrare non possum. etenim re vera multo magis est petendum ab hominibus, si salvi esse volumus: ut eant nobiscum in provinciam: quam hoc illis in beneficij loco deferendum. Sed tu, cum & tuos amicos in provinciam quasi in praedam invitabas: ac cum illis, ac per eos praedabare: & eos in concione annulis aureis donabas: non statuebas tibi non so-



# IN VERREM

lum de te, sed etiam de illorum factis rationem esse red-  
dendam? Cum hos sibi quæstus constituisset magnos atq;  
uberes, ex his causis, quas ipse instituerat in consilio, hoc  
est cum sua cohorte cognoscere: tum infinitum genus in-  
uenerat ad innumerabilem pecuniam corripicendā. Du-  
bium nemini est: quin omnes omnium pecuniæ positæ sint  
in eorum potestate, qui iudicia dant: & eorum qui iudi-  
cant: quin nemo nostrum possit ædes suas, nemo fundū,  
nemo bona patria obtinere: si cum hæc à quopiam ue-  
strum petita sunt: prætor improbus, cui nemo interdici  
re possit: det quem uelit iudicem: iudex nequam & le-  
uis, quod prætor iusserit: iudicet. si uero illud quoq; acci-  
det: ut Prætor in ea uerba iudicium det: ut uel Octa-  
uius Balbus iudex, homo & iuris, & officij peritissi-  
mus non possit aliter iudicare: sit eiusmodi. L. Octavius  
iudex, esto, si apparet fundum Capenatem quo de agi-  
tur ex iure æquum P. Seruiliij esse: neq; is fundus Q.  
Catulo restituetur: non necesse erit L. Octauio iudici co-  
gere P. Seruiliū Q. Catulo fundum restituere: aut cō-  
demnare eum: quem non oporteat? eiusdemmodi totum  
ius Prætorium, eiusdemmodi omnis res iudiciaria fuit  
in Sicilia per triennium Verre Prætoris. decreta eius-  
modi. SI NON ACCIPIT QVOD TE  
DEBERE DICIS, ACCVSES. SI PETI-  
TVR, DVCAS. C. Fusciaum duca iussit petito rem:  
L. Suetium, L. Raclium. iudicia huiusmodi. QVI  
CIVES (RO) ERANT, SI SICVLI ES-  
SENT TVM SI EORVM LEGIBVS DA-  
RI OPORTERET. QVI SICVLI SI  
CIVES RO. ESSENT. Verum ut totum genus  
amplectamini iudiciorum: prius iura Siculorum, dein



de istius instituta cognoscite. Siculi hoc iure sunt: ut quod  
cuius cum aue agat, domi certet suis legibus. quod Sici-  
lus cum Siculo non eiusdem ciuitatis, ut de eo prætor iu-  
dices ex P. Rupilij decreto, quod is de decem legatorum  
sententia statuit: quam legem Siculi Rupiliam uocant:  
sortiatur. quod priuatus à populo petit: aut populus à  
priuato, Senatus ex aliqua ciuitate, qui iudicet, datur: cū  
alternæ ciuitates reiectæ sunt. quod cuius Romanus à Si-  
culo petit: Siculus index datur. quod Siculus à aue Ro-  
mano, cuius Ro. datur. cæterarum rerum selecti iudi-  
ces ex ciuium romanorum conuentu proponi solent. In-  
ter aratores & decumanos lege frumentaria, quam Hie-  
ronicam appellant: iudicia fiunt. Hæc omnia isto præ-  
tore non modo perturbata, sed planè & siculis, & ciui-  
bus ro. erepta sunt. Primum suæ leges, quod cuius cum a-  
ue ageret: aut eum iudicem, quem commodum erat: præ-  
conem, Aruspicem, Medicum suum dabat: aut si legibus  
erat iudicium constitutum: & ad ciuem suum iudicem  
uenerant: libere cui iudicare non licebat. Edictum enī  
hominis cognoscite: quo edicto omnia iudicia redegerat  
in suam potestatem. si quis perperam iudicasset: se cogni-  
turum: cum cognosset: animaduersurum. idq; cum facie-  
bat: nemo dubitabat, quin cum index alium de suo iu-  
dicio putet iudicaturum: seq; in eo capitis periculum adi-  
turum: uoluntatem spectet eius: quem statim de capite  
suo putet iudicaturum. Selecti è conuentu, aut propositi  
ex negotiatoribus iudices, nulli. hæc copia, quam dico iu-  
dicum, cohors non Q. Scenolæ, qui tamen de cohorte pu-  
tatis hoc principe fuisse? sicuti uidetis edictū. SI QUID  
PERPERAM IUDICARIT SENATVS,



# IN VERREM

eum quoque ostendā, si quādo sit datus: coactus istius quā nō  
 fēserit, iudicasse. Ex lege Rupilia sortitio nulla: nisi cū  
 nihil intererat istius. lege Hieronica iudicia plurimarū  
 controuersiarū sublata uno nomine oīa. de conuētū, ac  
 negociatoribus nulli iudices. quantū a potestatem habuerit  
 uidetis: quas res gesserit cognoscite. ¶ Heraclius est Hie  
 ronis filius Syracusanus, homo imprimis domū suā no  
 bilis, et ante hūc Pr. uel pecuniosissimus Syracusanus  
 rum: nunc nulla alia calamitate, nisi istius auaricia, atque  
 iniuria pauperrimus. huic hāreditas facile ad HS tri  
 cies uenit testamento propinqui sui Heraclij: plena do  
 mus cēlati argenti optimi, multaeque stragulae uestis, pre  
 ciosissimorumque mancipiorum. quibus in rebus istius ca  
 piditates, et insaniam quis ignorat? Erat in sermone  
 res: magnam Heraclio pecuniam uenisse: non solum He  
 racleum diuitem, sed etiam ornatum suppellectili, argen  
 to, ueste, mancipijs futurum. audit hāc etiam Verres: et  
 primo, illo suo leuiore artificio Heraclium aggredi co  
 natur: ut eum roget inspicienda, quae non reddat. dein  
 de a quibusdam Syracusanis admonetur. hi autem qui  
 dam erant affines istius, quorum uxores iste nunquam  
 alienas existimauit: Cleomenes, et Hescrion: qui quantū  
 apud istum, et quā turpi de causa potuerint: ex reli  
 quis criminibus intelligetis. hi ut dico hominem admo  
 nent: rem esse praeclara, refertam omnibus rebus: ipsum  
 autem Heraclium hominem esse maiorem natu, non  
 promptissimum: et eum praeter Marcellos, patronum,  
 quem iure suo adire, aut appellare posset: habere nemi  
 nem: esse in eo testamento, quo ille hāres esset: scriptum:  
 ut statuas in palestra deberet ponere. faciemus ut pale  
 strae ne gent ex testamento esse positas: petant hāredita



tem: quod eam palestræ commississe dicant. placuit ratio Verri. nam hoc animo providebat: cum tanta hæreditas in controuersiam uenisset: iudicioq; peteretur: fieri nō posse: ut sine præda ipse discederet. approbat consilium: author est ut quamprimum agere incipiant: hominemq; id ætatis minime litigiosum quantummultosissime adorianatur. scribitur heraclio dicta. primo mirantur omnes improbitatem calumnie. deinde, qui istum nossent, partim suspicabatur: partim plane uidebant adiectum esse oculum hæreditati. interea dies aduenit: quo die sese ex instituto, ac lege Rupilia dictis sortitutum Syracusis iste edixerat: paratus ad hanc dictam sortiendam uenerat. tum eum docet Heraclius non posse eo die sortiri: quod lex Rupilia uetaret diebus XXX sortiri dictam, quibus scripta esset. dies XXX nondum fuerant. sperabat Heraclius, si illum diem effugisset: ante alteram sortitionem Q. Arrium, quem provincia tum maxime expectabat: successurum. iste omnibus iudicijs diem distulit: & eam diem constituit: ut hanc Heraclij dictam sortiri post dies XXX ex lege posset. posteaquam ea dies uenit: iste incipit simulare se uelle sortiri: Heraclius cum aduocatis adit: & postulat: ut sibi cum palestritis, hoc est cum populo Syracusano æquo iure disceptare liceat. aduersarij postulant: ut in eam rem iudices dentur ex his ciuitatibus, quæ in id forum conuenirent, electi qui Verri uiderentur. Heraclius contra ut iudices è lege Rupilia dentur: ut ab institutis superiorum, ab auctoritate Senatus, ab iure omnium Siculorum ne recedatur. Quid ego istius in iure dicendo libidinem demonstrē? quis uestrum non ex urbana iurisdictione cognouit? quis unquam isto Prætorè Chelidone inuita lege agere po-



tuit. non istum ut non neminem provincia corrumpit:  
idem fuit qui Romæ. cum id, quod omnes intelligebant,  
diceret Heraclius: ius esse certum Siculis, inter se quo  
iure certarent: legem esse Rupiliam, quam Prætor Rupi-  
lius ex S. C. de decem legatorum sententia dedisset: hoc  
omnes semper in Sicilia Consules Prætoresq; seruasse:  
negauit se iudices è lege Rupilia sortiturum: quinque iudi-  
ces, quos commodum ipsi fuit: dedit. quid huic homini fa-  
cias? quod supplicium dignum libidini eius inuenies?  
præscriptum tibi cum esset homo deterrime, & impudē-  
tissime quemadmodum inter Siculos iudices dares: cum  
imperatoris Po. Ro. autoritas, legatorum decem sum-  
morum hominum dignitas, Senatus C. intercederet: cu-  
ius consulto P. Rupilius Prætor ex legatorum sententia  
leges in Sicilia constituerat: cum omnes ante te prætores  
Rupilias leges in cæteris rebus, et in iudicijs maxime ob-  
seruassent: tu ausus es pro nihilo præ tua præda tot res  
sanctissimas ducere? tibi nulla lex fuit? nulla religio?  
nullus existimationis pudor? nullus iudicij metus? nullius  
apud te grauis autoritas? nullum exēplum, quod se-  
qui uelles? Verum, ut institui dicere, quinque iudicibus  
nulla lege, nullo instituto, nulla religione, nulla sorte, ex  
libidine istius datis, non qui causam cognoscerent: sed  
qui, quod imperatum esset, iudicarent: eo die nihil actū  
est: adesse iubentur postridie. Heraclius interea cum o-  
mnes insidias à prætore fortunis suis fieri uideret: ca-  
pit consilium de amicorum, & propinquorum senten-  
tia, non adesse ad iudicium. itaq; Syracusis illa nocte  
profugit. iste postero die mane, cū multo maturius, quàm  
unquam antea, surrexisset: iudices citari iubet. ubi com-  
perit Heraclium non adesse: cogere incipit eos: ut absen-



tem Heraclium condemnarent. illi eum commonefa-  
ciunt: ut, si ei uideatur, utatur instituto suo: nec cogat an-  
te horam decimam de absente, secundum praesentem  
iudicare. impetrant. interea sane perturbatus & ipse,  
& eius amici, & consilarii, moleste ferre coeperunt,  
Heraclium profugisse: putabant absentis damnationem,  
praesertim tantae pecuniae, multo inuidiosorem fore:  
quam si praesens damnatus esset. eo accedebat: quod iu-  
dices e lege Rupilia dati non erant: multo etiam rem  
turpiorem & iniquiorem uisum iri intelligebant. itaq;  
hoc dum corrigere uult: apertior eius cupiditas, impro-  
bitasq; facta est. nam illis quinque iudicibus uti sese ne-  
gat: iubet id, quod initio e lege Rupilia fieri oportue-  
rat: citari Heraclium, & eos qui dictam scripserant:  
aitq; se iudices e lege Rupilia uelle sortiri. quod ab  
eo pridie, cum multis lachrymis eum oraret, atq; obse-  
craret Heraclius: impetrare non potuerat: id ei poste-  
ra die uenit in mentem: e lege Rupilia sortiri dictis opor-  
tere. educit ex urna tres. is ut absentem Heraclium  
condemnent imperat. itaq; condemnant. Quae malum  
ista fuit amentia? ecquando te rationem factorum tuo-  
rum redditurum putasti? ecquando his de rebus tales  
uiros audituros existimasti? petatur haereditas ea, quae  
nulla debetur, in praedam praetoris? interponatur no-  
men ciuitatis? imponatur honestae ciuitati turpissima  
persona calumniae? neq; hoc solum: sed ita res agitur:  
ut ne simulatio quidem aequitatis ulla adhibeatur. nam  
per deos immortales, quid interest: utrum praetor im-  
peret, uiq; cogat aliquem de suis bonis omnibus decede-  
re? an huiusmodi iudicium det: quo iudicio indicta cau-  
sa fortunis omnibus eueri necesse sit? profecto enim ne



# IN VERREM

gare non potes: te ex lege Rupilia sortiri iudicium de-  
 buisse: cum præsertim Heraclius id postularet. sin illud  
 dices: te Heraclij uoluntate ab lege recessisse: ipse te  
 impediens: ipse tu tua defensione implicabere. quare  
 enim primum ille ipse adesse noluit: cum ex eo nume-  
 ro iudices haberet: quos postularat? deinde tu cur post  
 illius fugam iudices alios sortitus es: si eos, qui erant an-  
 tea dati, utriusq; dederas uoluntate? deinde cæteras di-  
 cas omnes illo foro M. Postumius quæstor sortitus est:  
 hanc solam tu illo conuentu reperire sortitus. ergo in-  
 quiet aliquis donauit populo Syracusano illam hære-  
 ditatem. primum si id confiteri uelim, tamen istum con-  
 demnetis necesse est. neq; enim permissum est: ut impu-  
 ne nobis liceat: quod alicui eripuerimus: id alteri tra-  
 dere. uerum ex ista reperietis hereditate ita istum præ-  
 datum: ut perpauca occulte fecerit: populum quidem Sy-  
 racusanum in maximam inuidiam sua infamia alie-  
 no præmio peruenisse: paucos Syracusanos, eos qui se  
 nunc publice laudationis causa uenisse dicunt: & tunc  
 participes prædæ fuisse: & nunc non ad istius laudatio-  
 nem, sed ad communem litium æstimationem uenisse.  
 posteaquam damnatus est absens: non solum illius hære-  
 ditatis, de qua ambigebatur: quæ erat HS tricies: sed  
 omnium bonorum paternorum ipsius Heraclij, quæ  
 non minor erat pecunia: palestræ Syracusanorum hoc  
 est Syracusanis possessio traditur. quæ est ista Prætura?  
 eripis hereditatem: quæ uenerat a propinquo: uene-  
 rat testamento: uenerat legibus: quæ bona, is qui testamen-  
 tum fecit: huic Heraclio, antequam est mortuus: omnia  
 utenda ac possidenda tradiderat: cuius hereditatis, cum  
 ille aliquanto ante te prætorem esset mortuus: controuer-



sia fuerat nulla: mentionem fecerat nemo. uerum esto:  
eripe hæreditatem propinquis: da palestritis: prædare in  
bonis alienis nomine ciuitatis: euerte leges, testamenta, uo-  
luntates mortuorum, iura uiuorum: num etiam patrijs  
Heraclium bonis exturbare oportuit? qui simulac pro-  
fugit: quàm impudenter, quàm palàm, quàm acerbe  
dij immortales illa bona directæ sunt: quàm illa res ca-  
lamitosa Heraclio, quæstiosa Verri, turpis Syracusa-  
nis, miseranda omnibus uidebatur. nam illud quidem  
statim curatur: ut quicquid cælati argenti fuit in illis  
bonis, ad istum deferatur: quicquid Corinthiorum ua-  
sorum, stragulæ uestis. hæc nemo dubitabat, quin  
nonmodo ex illa domo capta, et oppressa, uerum ex  
tota prouincia ad istum comportari necesse esset. man-  
cipia quæ uoluit abduxit: alia diuisit: auctio facta est:  
in qua cohors istius inuicta dominata est. uerum illud est  
præclarum. Syracusani qui præfuerant his Heraclij  
bonis uerbo redigendis, re dissipandi: reddebant eo-  
rum negotiorum rationem in Senatu: dicebant scypho-  
rum paria complura, hydrias argenteas, preciosam ue-  
stem stragulam, multa mancipia precisa Verri data es-  
se: dicebant quantum cuique eius iussu nummorum esset  
datum. gemebant Syracusani: sed tamen patiebantur.  
repente recitatur, uno nomine HS CCL millia iussu  
prætoris data. fit maximus clamor omnium, nonmo-  
do optimi cuiusque, neque eorum, quibus indignum sem-  
per uisum erat bona priuati populi nomine per sum-  
mam iniuriam erepta: uerum etiam ipsi illi authores in-  
iuriæ, et ex aliqua particula socij prædæ, ac rapina-  
rum, clamare coeperunt: sibi ut haberet hæreditatem.  
tantus in curia clamor factus est: ut populus concurre-



ret. res ab omni conuentu cognita celeriter donum nunciatur. homo inimicus is, qui recitassent: hostis omnibus, qui acclamassent: exarsit iracundia, ac stomacho. uerum tamen fuit tum sui dissimilis: nostis os hominis: nostis audaciam: tamen tum rumore populi, & clamore, & furto manifesto grandis pecuniae perturbatus est. ubi se collegit: uocat ad se Syracusanos. quia non posset negare ab illis pecuniam datam: non quaesuit procul alicunde: neque enim probaret: sed proximum penè alterum filium, quem illam pecuniam diceret abstulisse: ostendit se reddere coacturum. qui posteaquam id audiuit: habuit dignitatis, & aetatis, & nobilitatis suae rationem: uerba apud Senatum fecit: docuit ad se nihil pertinere: de isto, id quod omnes uidebant, neque ille quidem obscurare, locutus est. itaque illi Syracusani statuam postea statuerunt: & is ubi primum potuit: istum reliquit: de provinciaque decessit. et tamen aiunt eum queri solere nonnunquam, se miserum: quod non suis, sed suorum committum peccatis, & criminibus prematur. triennium provinciam obtinuit: genere electus adolescens unum annum tecum fuit: sodales uiri fortes legati tui primo anno te reliquerunt: unus legatus P. Tadius, qui erat reliquus: non ita multum tecum fuit: qui si semper una fuisset: tamen summa cura tum tuae, tum multo etiam magis suae famae peperasset. quid est quod tu alios accuses? quid est quamobrem putes, te tuam culpam non modo deriuare in aliquem: sed communicare cum aliquo posse? numerantur illa HS ducenta quinquaginta Syracusanis. ea quemadmodum ad istum postea per pseudo tyrum reuertantur: tabulis, uobis et testibus Iudices planum faciam. Ex hac iniquitate istius, & improbitate Iudices,



quod praeda ex illis bonis ad multos Syracusanos inuito  
populo Senatuq; Syracusano uenerat: & illa scelera,  
quoq; per Theomnastum & Hescrionem & Dionysodo-  
rum & Cleomenem inuitissima ciuitate facta sunt: pri-  
mum ut urbs tota spoliaretur: qua de re alius mihi lo-  
cus ad dicendum est constitutus: ut omnia signa iste per  
eos homines, quos nominauit: omne ebur ex adibus sa-  
cris, omnes undiq; tabulas pictas, decorum deniq; simul-  
lacia quae uellet auferret: deinde ut in curia Syracusis,  
quem locum illi Buleuterū uocant: honestissimo loco &  
apud illos clarissimo, sub illius ipsius M. Marcelli, qui  
cum Syracusanis locum eum eripere belli ac uictoriae  
lege posset: conseruauit: & reddidit: statua ex aere fa-  
cta, ibi inauratam istius & alteram filio statuam po-  
suerunt. ut dum istius hominis memoria maneret: Se-  
natus Syracusanus sine lachrimis & gemitu in curia  
esse non posset. per eosdem istius iniuriarum furtorum  
uxorumq; socios istius imperio Syracusis Marcellae tol-  
luntur maximo gemitu, luctuq; ciuitatis: quem illi diē  
festum cum recentibus beneficijs M. Marcelli debitum  
reddebant: tum generi, nomini, familiae Marcellorum  
maxima uoluntate tribuebant. Mitridates in Asia, cū  
eam prouinciam totam occupasset: Mutia non sustu-  
lit. hostis, & hostis in ceteris rebus nimis ferus, & im-  
manis, tamen honorem hominis deorum religione con-  
secratum uiolare noluit. tu Syracusanis unum diem  
festum Marcellis impertiri uetuisti: per quos illi ade-  
pti sunt: ut ceteros dies festos agere possint. At uero  
praeclarum diem reposuisti: Verrea ut agerent: &  
ut ad eum diem quae sacris, epulisq; opus essent, in com-  
plures annos locarentur. Iam in tanta istius impuden-



# IN VERREM

tia remittendum aliquid uidetur: ne omnia contenda-  
 mus: ne omnia cum dolore agere uideamur. nā me dies,  
 uox, latera deficiant: si hoc nunc uociferare uelim: q̄  
 miserum indignumq; sit: istius nomine apud eos diem  
 festum esse: qui sese istius opera funditus extinctos esse ar-  
 bitrentur. O Verrea præclara: quoquam si accessisti:  
 quo non attuleris tecum istum diem. etenim quam tu  
 domum, quam urbem adisti? quod fanum deniq; quod  
 nō euersum, atq; extersum reliqueris? quare appellentur  
 sane ista Verrea: quæ nō ex nomine, sed ex manibus, na-  
 turāq; tua constituta esse uideantur. Quam facile serpat  
 iniuria: & peccandi consuetudo quā non facile repri-  
 matur: uidete Iudices. Bidis oppidum est tenue sane, nō  
 longe a Syracusis. huius longe primus ciuitatis est Epi-  
 crates quidam. huic hæreditas HS quingentorum mil-  
 lium uenerat a muliere quadam propinqua, atq; ita  
 propinqua, ut ea etiam si intestata esset mortua: Epicra-  
 tem Bidinorum legibus hæredem esse oporteret. recens  
 Syracusana erat illa res, quam ante demonstraui: de He-  
 raclio Syracusano: qui bona non perdidisset: nisi ei ue-  
 nisset hæreditas. huic quoq; Epicrati uenerat, ut dixi,  
 hæreditas. cogitare coeperunt eius inimici nihilo minus  
 eodem prætore hunc euertere bonis posse: quo Heraclius  
 esset euerfus. rem occulte instituunt: ad Verrem per  
 eius interpretes deferunt: ita causa componitur: ut item  
 palestritæ Bidenses peterent ab Epicrate hæreditatem:  
 quemadmodum palestritæ Syracusani ab Heraclio pe-  
 tissent. nunquam uos prætorem tam Palesticum uidi-  
 stis. uerum ita palestritas defendebat: ut ab illis ipse  
 unctior discederet. q̄ statim quod præsensisset iubet cui-  
 dā suorum amicorū numerari HS LXXX. res ocul



tari satis non posse. per quendam eorum, qui interfue-  
rat, sit Epicrates certior. primo negligere, & contemne-  
re coepit: quod causa prorsus, quod dubitari posset, nihil  
habebat. deinde cum de Heraclio cogitaret: & istius  
libidinem nosset: commodissimum putauit esse, de pro-  
uincia clam abire. itaq; fecit: profectus est Rhegium. qd  
ubi auditum est: aestuare illi qui dederant pecuniam:  
putare nihil agi posse absente Epicrate. nam Heraclius  
tamen affuerat: cum primum dati sunt iudices. de hoc,  
qui antequam in ius aditum esset: antequam deniq; me-  
tio controuersiae facta esset: discessisset: putabant nihil agi  
posse. homines Rhegium proficiscuntur: Epicratem con-  
ueniunt: demonstrant id, qd ille sciebat: se HS LXXX  
dedisse: rogant eum ut id, quod ab ipsis abisset pecuniae,  
curet: ab sese caueat quemadmodum uelit, de illa here-  
ditate cum Epicrate neminem esse acturum. Epicra-  
tes homines multis uerbis male a se acceptos dimisit. re-  
deunt illi Rhegio Syracusas: quæri cum multis, ita ut  
fit: incipiunt: sese HS LXXX nummum frustra de-  
disse. res percrebuit: in ore, atq; sermone omnium coe-  
pit esse: Verres refert illam suam Syracusanam: ait sese  
uelle de illis HS LXXX cognoscere: aduocat multos:  
dicunt Bidini Volcatio se dedisse: illud non addunt: ius-  
su istius. Volcatium uocat: pecuniam referri imperat.  
Volcatus animo æquissimo nummos affert: qui nihil  
amitteret: reddit inspectantibus multis: Bidini nummos  
auferunt. dicit aliquis: quid ergo in hoc uerrem repræ-  
hendis? qui non modo ipse fur non est: sed ne alium q-  
dem passus est esse? attendite: iam intelligetis hanc pecu-  
niam qua uia modo uisa est exire ab isto: eadem se-  
mita reuertisse. quid enim debuit prætor? cum con-



# IN VERREM

filio re cognita cum comperisset, suum comitem iuris,  
 decreti, iudicii corrumpendi causa, qua in re ipsius præ  
 toris caput, existimatioq; ageretur: pecuniâ accepisse? Bi-  
 dinos autem contra prætoris famam, ac fortunas de-  
 disse? non et in eum, qui accepisset, animaduertisse? et  
 in eos, qui dedissent? tu qui institueras in eos animaduer-  
 tere, qui perperam iudicassent: quod sæpe per imprudẽ  
 tiam fit: hos pateris impune discedere? qui ob tuum de-  
 cretum, ob tuum iudicium, pecuniam aut dandam, aut  
 accipiendam putarant? Volcatius idem apud te postea  
 fuit, eques romanus tanta accepta ignominia. nam qd  
 est turpius ingenuo? quid minus libero dignum? quàm  
 in conuentu maximo cogi à magistratu furtum reddere?  
 qui si eo animo esset: quo non modo eques romanus, sed  
 quivis liber debet esse: aspicere te postea non potuisset:  
 inimicus, hostis esset, tanta contumelia accepta: nisi tecum  
 collusisset: et tuæ potius existimationi seruisset: quàm  
 suæ. qui quàm tibi amicus non modo tum fuerit: quãdiu  
 tecum in provincia fuit: uerum etiam nunc sit: cum iã  
 à cæteris amicis sis relictus: et tu intelligis: et nos exi-  
 stimare possumus. An hoc solum argumentum est nihil  
 isto imprudente factum? quod Volcatius ei non suæcen-  
 suit? quod iste nec in Volcatium, nec in Bidinos animad-  
 uertit? est magnum argumentum: uerum illud maxi-  
 mum: quod illis ipsis Bidinis, quibus iratus esse debuit:  
 à quibus comperit, quod iure agere cum Epicrate ni-  
 hil possent, etiam si adesset: iacito suum decretum pecu-  
 nia esse tentatum: his inquam ipsis non modo illam hære-  
 ditatem, quæ Epicrati uenerat: sed ut in Heraclio Sy-  
 racusano, item in hoc paulo etiam atrocius, quod Epi-  
 crates appellatus omnino non erat: bona patria, fortu-  
 nasq; eius,



nasq; eius, Bidinis tradidit. ostendit enim nouo modo, si quis quid absente peteret: se auditurum. aduenit Bidini: petunt hæreditatem: procuratores postulant, ut se ad leges suas reijciat: aut ex lege Rupilia dicam scribi iubeat. aduersarij non audebant contradicere: exitus nullus reperiebatur. insimulant homines fraudandi causa discessisse: postulant ut bona possidere liceat. debebat Epicrates ullum nummum nemini. amici, si quis quid peteret iudicio: se passuros, iudicatum solui satis daturos esse dicebant. cum omnia iudicia frigerent: admonitu istius insimulare cœperunt, Epicratem literas publicas corrupisse: à qua sufficione ille aberat plurimum. actionem eius rei postulant. amici recusare, ne quod nouum iudicium, ne quæ ipsius cognitio, illo absente de existimatione eius constitueretur: & simul idem illud postulare nõ desistebant: ut se ad leges suas reijceret. Iste amplam occasionem calumnie nactus, ubi uidet esse aliquid quod amici absentem Epicratem nollent defendere: asseuerat se eius rei in primis actionem esse daturum. cum omnes perspicerent ad istum non modo illos nummos, qui per simulationem ab isto exierant: reuertisse: sed multo etiã plures eum postea nummos abstulisse: amici Epicratem defendere desinuerunt. Iste Epicratis bona Bidinos omnia possidere, & sibi habere iussit. ad illa HS D millia hæreditaria, accessit ipsius antiqua HS quindecies pecunia. Vtrum res ab initio ita ducta est? an ad extremum ita perducta est? an ita parua est pecunia? an is homo uereres? ut hæc, quæ dixi, gratis facta esse uideantur? Hic nunc de miseria Sicularum Iud. audite. & Heraclius ille Syracusanus, & hic Bidinus Epicrates expulsi bonis omnibus Romam uenerunt: sordidati maxima bar-



# IN VERREM

ba, & capillo Romæ biennium propè fuerunt. Cum  
 L. Metellus in provinciam profectus est: tum isti bene  
 commendati cum Metello una proficiscuntur. Metellus  
 simul ac uenit Syracusas: utrunq; rescindit & de Epi-  
 crate, & de Heraclio in utriusq; bonis nihil erat: quod  
 restitui posset: nisi quod moueri loco non poterat. fe-  
 cerat hæc egregie primo aduentu Metellus: ut omnes  
 istius iniurias, quas modo posset rescinderet: & irritas  
 faceret. Heraclium restitui iusserat: non restituebatur:  
 quisquis erat ductus Senator Syracusanus ab Hera-  
 clio, ducti iubebat. itaq; per multi ducti sunt. Epicrates  
 quidem continuo restitutus est. alia iudicia Lilybei, alia  
 Agrigenti, alia Panormi restituta sunt: census qui isto  
 prætoris sunt habiti, nõ seruaturũ se Metellus ostenderat:  
 decumas quas iste contra legẽ Hieronicam uendiderat:  
 sese uenditurum Hieronica lege dixerat. Omnia erant  
 Metelli eiusmodi: ut totam suam Præturam retexere ui-  
 deretur. Simul atq; ego in Siciliam ueni: mutatus est. ue-  
 nerat ad eum illo biduo Letilius quidam, homo non  
 alienus à literis. itaq; eo iste tabellario semper usus est.  
 is epistolas complures attulerat. in his unam domo: quæ  
 totum immutarat hominem. repente cœpit dicere: se o-  
 mnia Verri causa uelle: sibi cum eo amicitiam, cognat-  
 tionemq; esse. mirabantur omnes, hoc ei tum denique in-  
 mentem uenisse: posteaquam tam multis eum factis, de-  
 cretisq; iugulasset. Erant qui putarent Letilium lega-  
 tum à Verre uenisse: qui gratiam amicitiam, cognatio-  
 nemq; commemoraret. Ex illo tempore à ciuitatibus lau-  
 dationem petere: testes non solum detertere uerbis: sed  
 etiam ui retinere cœpit. Quod ego nisi meo aduentu il-  
 lius conatus aliquantulum repressissem: & apud Sici-



los non Metelli, sed Glabronis literis, ac lege pugnassem: tam multos huc euocare nō potuissem. Verum, quod institui dicere: miseras cognoscite Siculorū. Heraclius ille, & Epicrates longe mihi obuiam cum suis omnibus processerunt: uenienti Syracusas egerunt gratias flentes: Romam decedere mecum cupierunt. quod erant mēhi oppida complura etiam reliqua: quæ adire uellem: constitui cum hominibus, quo die mihi Messanæ præsto essent. eod mihi nuntium miserunt: se à prætore retinere. quibus ego testimonium denuntiaui: quorum nomina edidi Metello: cupidissimi ueniendi, maximis iniurijs affecti, adhuc non uenerunt. hoc iure sunt socij: ut his ne deplorare quidem de suis incommodis liceat. Iam Heraclij Centuripini optimi, nobilissimiq; adolescentis testimonium audistis: à quo HS C nullia per calumniā, malitiāq; petita sunt. Iste pœnis compromissisq; interpositis HS CCC extorquenda curauit: quodq; iudicium secundum Heraclium de compromissis factum erat: quod ciuis Centuripinus inter duos ciues indicasset: id irritum iussit esse: eumq; iudicē falsum indicasse indicauit: in Senatu ne esset: locis, commodisq; publicis uti uentit: si quis eum pulsasset: edixit sese iudicium iniuriarū non daturum: quicquid ab eo peteretur iudicem de sua cohorte daturum: ipsi autem nullius actionem rei sese daturum. quæ istius autoritas tantum ualuit: ut neq; illum pulsaret quisquam cum prætor in prouincia sua uerbo pmitteret: re hortaretur: neq; quisquam ab eo quicquam peteret: cum iste calumniæ licentiā sua autoritate possedisset. ignominia autem illa grauis tam diu in illo homine fuit: quādiu iste in prouincia mansit. hoc iniecto metu iudicijs, nouo more, nullo exemplo, ecquam rem



# IN VERREM

putatis esse in Sicilia nisi ad nutum istius iudicatum?  
 utrū id solū uidetur esse actum: quod est tamen actum:  
 ut Heraclio pecunia eriperetur? an etiam illud? in quo  
 praeda erat maxima: ut nomine iudiciorum, omnium  
 bona, atq; fortunæ in istius unius essent potestate? Iam ue-  
 ro in rerum capitalium quæstionibus quid ego unam-  
 quāq; rem colligam, & causam? ex multis similibus ea  
 sumam: quæ maxime improbitate excellere uidebun-  
 tur. Sopater quidam fuit Haliciensis, homo domi suæ cū-  
 primis locuples, atq; honestus. is ab inimicis suis apud  
 C. Sacerdotem prætorem rei capitalis cum accusatus es-  
 set: facile eo iudicio est liberatus. huic eidē Sopatro idē  
 inimici ad C. Verrem, cum is Sacerdoti successisset: eius-  
 dem rei nomen detulerunt. res Soprato facilis uideba-  
 tur: & quod erat innocens: & quod Sacerdotis iudiciū  
 improbare istum ausurum non arbitrabatur. citatur  
 reus: causa agitur Syracusis: crimina tractantur ab ac-  
 cusatore ea, quæ erant antea non solum defensione, ue-  
 rum etiam iudicio dissoluta. causam Sopatri defendebat  
 Q. Minutius eques Ro. in primis splendidus, atq; ho-  
 nestus, uobisq; Iudices non ignotus. nihil erat in causa:  
 quod metuendum, aut omnino quod dubitandum uide-  
 retur. interea istius libertus, & accensus idem Timarchi-  
 des, qui est, id quod ex plurimis testibus priore actione  
 didicistis: rerum huiusmodi omnium transactor, et ad-  
 minister: ad Sopatrum uenit: monet hominem ne nimis  
 iudicio Sacerdotis, & causæ confidat: accusatores, inimi-  
 cosq; eius habere in animo pecuniam prætori dare: Præ-  
 torem tamen ob salutem malle accipere: & simul mal-  
 le, si fieri posset: rem iudicatum nō rescindere. Sopater,  
 cum hoc illi improuisum, atq; inopinatum accidisset: com-



motus est sanè: neq; in præsentia Timarchidi quid responderet habuit: nisi se consideraturum, quid sibi de ea re esset faciendum: & simul ostendit, se in summa difficultate esse nummaria. post ad amicos retulit. qui cum ei fuissent authores redimendæ salutis: ad Timarchidem uenit: expositis suis difficultatibus, hominē ad HS LXXX perducit: eamq; ei pecuniam numerat. postea quam ad causam dicendam uentum est: tum uero sine metu, sine cura omnes erant, qui Sopatrum defendebāt: crimen nullum erat: res iudicata: Verres nummos acceperat. qui possit dubitare quidnam esset futurum? res illo die non peroratur: dimittitur iudicium. iterum ad Sopatrum Timarchides uenit: ait accusatores eius multo maiore pecuniā pratori polliceri: quā quātam hic dedisset: proinde, si saperet: uideret quid sibi esset faciendū. Homo, quanquam erat & Siculus, & reus: hoc est & iure iniquo, & tempore aduerso: ferre tamen, atq; audire diutius Timarchidē non potuit. facite inquit quod uobis libet: daturus non sum amplius. idemq; hoc amicis eius, & defensoribus uidebatur. atq; eo etiam magis: quod iste, quoquo modo se in ea quæstione præbebat: tamen in consilio habebat homines honestos ē conuentu Syracusano: qui Sacerdotis quoq; in consilio fuerant: tum cum esset idem hic Sopater absolutus. hoc rationis habebāt: facere eos nullo modo posse: ut eodem crimine, uisdem testibus Sopratum condemnarent ydem homines: qui antea absoluisent. itaq; hac una spe ad iudiciū uenitur. quo postea quā uentum est: cum in consiliū frequentes conuenissent ydem qui solebant: & hac una spe tota defensio Sopatri niteretur, consilij frequentia, & dignitate: et quod erant, ut dixi, ydē qui antea Sopatrū eodē



# IN VERREM

illo crimine liberarant: cognoscite hominis apertam, ac non modo non ratione, sed ne dissimulatione quidem tectam improbitatem, et audaciam. M. Petilium equitem Ro- quem habet in consilio: iubet operam dare: quod rei pri- uatæ index esset. Petilius recusabat: quod suos ami- cos, quos sibi in consilio esse uellet: ipse Verres retine- ret. iste homo liberalis, negat se quenquam retinere co- rum: qui Petilio uellent adesse. itaq; discedunt omnes. nam ceteri quoq; impetrant, ne retineantur: qui se uelle dicebant alterutri eorum, qui tum illud iudicium ha- bebant: adesse. itaq; iste solus cum sua cohorte nequissi- ma relinquitur. Non dubitabat Minutius, qui Sop- atrum defendebat: quin iste, quoniam consilium dimi- sisset: illo die rem illam quaesiturus non esset: cum repen- te iubetur dicere. respondet, ad quos? ad me inquit: si ti- bi idoneus uideor: qui de homine siculo, ac græculo iu- dicem. idoneus es inquit: sed peruellem adessent hi: qui affuerant antea: causamq; cognorant. dic inquit: illi adesse non possunt. nam hercule inquit Q. Minu- tius me quoq; Petilius, ut sibi in consilio adessem, roga- uit: et simul à subsellis abire coepit. iste iratus hominem uerbis uehementioribus prosequitur: atque ei grauius etiam minari coepit: quod in se tantum crimen, inui- diamq; conflaret. Minutius qui Syracusis sic negocia- retur: ut sui iuris, dignitatisq; meminisset: et qui sciret, ita se in provincia rem augere oportere: ut ne quid de li- bertate deperderet: homini quæ uisa sunt, et quæ tem- pus illud tulit, et causa, respondit. causam sese dimis- so, atq; ablegato consilio defensurum negauit. itaq; à sub- sellis discessit: idemq; hoc præter Siculos ceteri Sop- atri amici aduocatiq; fecerunt. iste quanquam est incre-



dibili importunitate, & audacia: tamen subito solus de-  
 stitutus pertimuit: & conturbatus est. quid ageret: quo se  
 uerteret: nesciebat. si dimisisset eo tempore quaestionem:  
 post illis adhibitis, quos ablegarat: absolutum iri Sopatrum  
 uidebat. sin autem hominem miserum, atq; inno-  
 centem condemnasset: cum ipse praetor sine consilio, reus  
 autem sine patrono, atq; aduocatis fuisset: iudiciūq;  
 C. Sacerdotis rescidisset: inuidiam se sustinere non posse  
 tantam arbitratur. itaq; aestuabat dubitatione: uer-  
 sabat se in utranq; partem non solum mente, uerum  
 etiam corpore: ut omnes, qui aderant, intelligere pos-  
 sent, in animo eius metum, cupiditatemq; pugnare. erat  
 hominum conuentus maximus: sumnum silentium:  
 summa expectatio: quoniam esset eius cupiditas eruptu-  
 ra. crebro dimittebat se accensus ad aurem Timarchi-  
 des. tum iste aliquando, age dic inquit. Sopatrus im-  
 plorare hominum atq; deum fidem: ut cum consilio co-  
 gnosceret. tum repente iste testes citari iubet. dicit unus,  
 & alter breuiter: nihil interrogatur. praeco, dixisse pro-  
 nunciat. iste, quasi metueret, ne Petilius priuato illo iu-  
 dicio transacto, aut dilato, cum caeteris in consilium re-  
 uerteretur: ita properans de sella exiuit: hominem in-  
 nocentem, Sacerdote absolutum, indicta causa de senten-  
 tia Scribae, Medici, Aruspiciq; condemnauit. Retinete,  
 retinete hominem in ciuitate Iudices: parcite: & conser-  
 uate: ut sit qui uobiscum res iudicet: qui in Senatu sine  
 ulla cupiditate de bello, & pace sententiam ferat. tam-  
 etsi minus id quidē nobis, minus populo R. laborandū  
 est: qualis istius in senatu sententia futura sit. quæ enim  
 eius authoritas erit? quando iste sententiā dicere audebit?  
 aut poterit? quando autem homo tanta luxuria, atq; de



I N V E R R E M

fidia, nisi februario mense aspirabit in curiam: uerum  
ueniat sane: decernat bellum Cretenſibus: liberet By-  
zantios: regem appellet Ptolomeum: quæ uult Hor-  
tenſius, omnia dicat: & ſentiat. minus hæc ad nos, mi-  
nus ad uitæ noſtræ discrimen, minus ad fortunarum  
noſtrarum periculum pertinent. illud, illud eſt capita-  
le: illud eſt formidoloſum: illud optimo cuiq; metuendū:  
quod iſte ex hoc iudicio ſi aliqua ui ſe eripuerit: in iudi-  
cibus ſit neceſſe eſt: ſententiam de capite cuius Ro. ferat:  
ſit in eius exercitu ſignifer: qui imperium iudiciorum  
tenere uult. hoc populus Ro. reuſat: hoc ferre non po-  
teſt: clamat: permittitq; uobis: ut ſi iſtis hominibus dele-  
ctemini: ſi ex hoc genere ſplendorem ordini, atq; orna-  
mentum curiæ conſtituere uelitis: habeatis ſane uobiſcum  
iſtum ſenatorem: iſtum de uobis iudicem, ſi uultis, habea-  
tis. de ſe homines, ſiqui extra iſtum ordinem ſunt: quibus  
ne reijcundi quidem amplius quàm trium iudicum  
præclaræ leges Cornelie faciunt poteſtatem: hunc homi-  
nem tam crudelem, tam ſceleratum, tam nefarium nolūt  
iudicare. etenim ſi illud eſt tam flagitioſum (quod mihi  
omniū rerum turpiſſimum, maximeq; nefariū uidetur)  
ob rem iudicandam pecuniam accipere: precio habere ad-  
dictam fidem, & religionem: quanto illud flagitioſius,  
improbius, indignius? eum à quo pecuniam ob abſoluen-  
dum acceperis: condemnare: ut ne prædonum quidem  
prætor in fide retinenda conſuetudinem conſeruaret. Scē-  
lus eſt accipere ab reo: quanto magis ab accuſatore? quan-  
to etiam ſceleratius ab utroq;? fidem cum propoſuiſſes  
uenalem in provincia: ualuit apud te plus iſ: qui pecu-  
niam maiorem dedit. concedo, forſitan aliquis aliquan-  
do eiſmodi quippiam fecerit. cum uero fidem ac reli-

quippiam



gionem tuam alteri addictam pecunia accepta habue-  
 ris: post eandem aduersarijs tradideris maiore pecunia:  
 utrumq; falles? & trades cui uoles? & ci, quem fefe-  
 leris: ne pecuniam quidem reddes? quem mihi tu Bul-  
 bum? quem Stalenum? quod unquam huiusmodi mon-  
 strum, aut prodigium audiuimus? aut uidimus? qui cum  
 reo transigat: post cum accusatore decidat: honestos homi-  
 nes, qui causam norint: ableget: consilioq; dimittat: ipse  
 solus reum absolutum, a quo pecuniam acceperit: con-  
 demnet: pecuniamq; non reddat. hunc hominem iudiciū  
 numero habebimus? hic alteram decuriam senatoriā iu-  
 dex obtinebit? hic de capite libero iudicabit: huic iudicia  
 lis tabella committetur? quam iste non modo cera, uerum  
 etiam sanguine, si uisum erit: notabit. quid enim horū  
 se negat fecisse? illud uidelicet unum, quod necesse est: pe-  
 cunia acceperit. quid ni iste neget? at eques Ro. qui Sopatrum  
 defendit: qui omnibus eius consilijs, rebusq; inter-  
 fuit. Q. Minutius iuratus dicit pecuniam datam: iura-  
 tus dicit Timarchidem dixisse maiorem ab accusatori-  
 bus pecuniam dari. Dicent hoc Siculi omnes: dicent o-  
 mnes Halicienses: dicet etiam, prætectatus Sopatri filius:  
 qui ab isto homine crudelissimo, patre innocentissimo,  
 pecuniaq; patria priuatus est. uerum si de pecunia te-  
 stibus planum facere non possem: illud negare posses?  
 aut nunc negabis? te consilio tuo dimisso, uiris prima-  
 rjs, qui in consilio C. sacerdotis fuerant: tibiq; esse sole-  
 bant: remotis, de re iudicata iudicasse? teq; cum, quem  
 C. sacerdos adhibito consilio, causa cognita, absoluisse:  
 eundē remoto consilio, causa incognita condemnasse? cum  
 hæc cōfessus eris: quæ in foro palā Syracusis, in ore, atq;  
 oculis provinciae gesta sunt: negato sane si uoles: pecu-



## IN VERREM

niam accepisse. reperies credo aliquem: qui cum hæc  
 quæ palam gesta sunt: uideat: quærat quid tu occulte ege-  
 ris: aut qui dubitet, utrum malit meis testibus, an tuis de-  
 fensoribus credere. dixi iam antea, me non omnia istius,  
 quæ in hoc genere essent: enumeraturum: sed electu-  
 rum ea, quæ maxime excellerent. Accipite nunc aliud  
 eius facinus nobile, & multis locis sæpe commemora-  
 tum, & eiusmodi: ut in uno omnia maleficia inesse ui-  
 deantur. attendite enim diligenter: inuenietis id faci-  
 nus natum à cupiditate: auctum per stuprum: crudeli-  
 tate perfectum, atq; conclusum. Sthenius est, is qui no-  
 bis assidet: Thermitanus, antea multis propter summam  
 uirtutem, summamq; nobilitatem, nunc propter suam  
 calamitatem, atq; istius insignem iniuriam omnibus no-  
 tus. huius hospitio Verres cum esset usus: & cum apud  
 eum non modo Therms sæpenumero fuisset: sed etiam  
 habitasset: domo eius omnia abstulit: quæ paulo magis  
 animum cuiuspiam, aut oculos possent commouere. etenim  
 Sthenius ab adolescentia paulo studiosius hæc compara-  
 bat, suppellectilem ex ære elegantiores, & delicias,  
 & Corinthiam, tabulas pictas, etiam argenti benefacti,  
 pro ut Thermitani hominis facultates ferebāt: satis. quæ,  
 cum esset in Asia adolescens: studiose, ut dixi, compa-  
 rabat, non tam suæ delectationis causa, quam ad in-  
 uitationes, aduentusq; nostrorum hominum, suorum  
 amicorum, atq; hospitum. quæ posteaquam iste omnia  
 abstulit, alia rogando, alia poscendo, alia sumendo: fe-  
 rebat Sthenius ut poterat. tangebatur tamen animi do-  
 lore necessario: quod donum eius exornatam, atq; instris-  
 tam fere iam iste reddiderat nudam, atq; inanem. ue-  
 runtamen dolorem suum nemini impartiebat: præto-



vis iniurias tacite, hospitis placide ferendas arbitrabatur. interea cupiditate iste illa sua nota, atq; apud omnes peruulgata, cum signa quædam pulcherrima, atq; antiquissima Thermis in publico posita uidisset: adamauit: a Sthenio petere cœpit: ut ad ea tollenda operam suam profiteretur: seq; adiunaret. Sthenius uero non solum negauit: sed etiam ostendit id fieri nullo modo posse: ut signa antiquissima, monumenta P. Africani, ex oppido Thermitanorum incolum illa ciuitate, imperioq; populi Ro. tollerentur. etenim, ut simul P. Africani quoq; humanitatem cognoscatis: oppidum Himeram Carthaginenses quondam cœperant: quod fuerat in primis Siciliae clarum & ornatum. Scipio qui hoc dignum populo Ro. arbitraretur: bello confecto socios sua per nostrâ uictoriam recuperare: Siculis omnibus Carthagine accepta quæ potuit: restituenda curauit. Himeram deletam, quos ciues belli calamitas reliquos fecerat: y sese Thermis collocarant in hisdem agri finibus, neq; longe ab oppido antiquo. hi se patrum fortunam ac dignitatem recuperare arbitrabatur: cum illa maiorum ornamenta in eorû oppido collocabantur. erant signa ex ære complura: in his mira pulchritudine ipsa Himeram in muliebrem figuram, habitumq; formata, ex oppidi nomine & fluminis. erat etiam Stesichori poetæ statua, senilis, incurua, cum libro, summo ut putant artificio facta, ab eo, q fuit Himeræ, sed est & fuit tota in Græcia summo propter ingenium honore & nomine. Hæc iste ad insaniam concupierat. etiâ, quod pene præterij: Capella quædam: ea quidem mire, ut etiam nos, qui rudes harum rerum sumus: intelligere possumus: scite facta, & uenuste. hæc & alia Scipio non negligenter abiecerat: ut homo intel



# IN VERREM

ligens Verres auferre posset: sed Thermitanis restituerat:  
 non quo ipse hortos, aut suburbanum, aut locum omni=  
 no, ubi ea poneret: nullum haberet: sed si domum ab=  
 stulisset: non diu Sapiionis appellabantur: sed eorum, ad  
 quosq; ipsius morte uenissent. nunc his locis posita  
 sunt: ut mihi semper Sapiionis fore uideantur: itaq; di=  
 cantur. Hæc cum iste posceret: agereturq; ea res in Sena=  
 tu: Sthenius uehementissime restitit: multaq; ut in primis  
 Sicularum in dicendo copiosus est: commemorauit: urbem  
 relinquere Thermitanos esse honestius: quam pati tolli  
 ex urbe monumenta maiorum, spolia hostium, beneficia  
 clarissimi uiri, indicia societatis populi Ro. atque amici=  
 tiæ. commoti animi sunt omnium: repertus est nemo: qui  
 mori diceret satius esse. itaq; hoc adhuc oppidum Ver=  
 res inuenit propè solum in orbe terrarum: unde nihil  
 eiusmodi rerum de publico per uim, nihil occulte, nihil  
 imperio, nihil gratia, nihil precio posset auferre. uerun=  
 tamen hæc eius cupiditates exponam alio loco: nunc ad  
 Sthenium reuertar. itaq; iste uehementer Sthenio incen=  
 sus, hospitium ei renunciat: domo eius emigrat: atq; adco  
 exit: nam iam ante migrarat. eum autem inimicissimum  
 Sthenij domum suam statim inuitant: ut animum eius  
 in Sthenium inflammarent, ementiendo aliquid, et cri=  
 minando. Hi autem erant inimici, Agathinus homo no=  
 bilis, et Dorotheus: qui habebat in matrimonio Calli=  
 damam Agathini eius filiam: de qua iste audierat. itaq;  
 ad generum Agathini migrare maluit. una nox inter=  
 cesserat: cum iste Dorotheum sic diligebat: ut dices o=  
 mnia inter eos esse communia: Agathinum ita obserua=  
 bat: ut aliquem affinem ac propinquum. contemnere etiã  
 signum illud Himeræ iam uidebatur: quod eum mul=



to magis figura, et liniamenta hospite delectabant. itaq;  
hortari homines cepit: ut aliquid Sthenio periculi crea-  
rent: criminisq; confingerent. dicebant se illi nihil habe-  
re, quod dicerent. tum iste his aperte ostendit: & confir-  
mauit: eos, in Sthenium quicquid uellent dicerent: simul  
atq; ad se detulissent: probaturos. ita illi non procrasti-  
nant: Sthenium statim educunt: aiunt ab eo literas esse  
corruptas. Sthenius postulat: ut secum sui ciues agant de  
literis publicis corruptis: eiusq; rei legibus Thermitano-  
rum actio sit: cum S. Po. q; Romanus Thermitanis, quod  
semper in amicitia, fideq; mansissent: urbes, agros, le-  
gesq; suas reddidisset: P. q; Rutilius postea leges ita Sici-  
lis ex S. C. de decem legatorum sententia dedisset: ut ci-  
ues inter se legibus suis agerent: idemq; hoc habuerit  
Verres ipse in edicto: ut de his omnibus causis se ad le-  
ges reuerteret. Iste homo omnium æquissimus, atq; à ci-  
pitudine omnium remotissimus, se cognitum esse confir-  
mat: paratum ad causam dicendam uenire hora octa-  
ua iubet. non erat obscurum quid homo improbus, ac  
nefarius cogitaret. neq; enim ipse satis occultarat: nec  
mulier tacere poterat. intellectum est id istum agere: ut  
cum Sthenium sine ullo argumento, ac sine teste damna-  
set: tum homo nefarius de homine nobili, atq; id ætatis,  
suoq; hospite, uirgis supplicium crudelissime sumeret.  
quod cum esset perspicuum: de amicorum hospitumq;  
suorum sententia, Thermus Sthenius Romam profugit:  
hyemi fluctibusq; sese committere maluit: quàm non  
istam communem Siculorū tempestatem, calamitatemq;  
uitare. Iste homo certus, & diligens ad horam octauam  
præsto est: Sthenium citari iubet. quem posteaquam ui-  
det non adesse, dolore ardere, atq; iracundia furere cœ-



# IN VERREM

pit: uenereios in domum Sthenij nuttere: equites circum  
 agros eius, uillasq; dimittere. itaq; cum expectat quidnā  
 sibi certi afferatur: ante horam tertiam noctis de foro  
 non discessit. postridie mane descendit: Agathinum ad  
 sese uocat: iubet eum de literis publicis in absentem Sthe-  
 nium dicere. erat eiusmodi causa: ut ille ne sine aduer-  
 sario quidem apud inimicum iudicem reperire posset,  
 quid diceret. itaq; tantum uerbo posuit: Sacerdote prae-  
 tore, Sthenium literas publicas corrupisse. uix ille hoc  
 dixerat: cum iste pronunciat Sthenium literas publi-  
 cas corrupisse uideri. Et haec praeterea addidit homo  
 Venerius nouo modo, nullo exemplo: ob eam rem HS  
 quingentes Veneri Eryanae de Sthenij bonis exactu-  
 rum: bonaq; eius statim coepit uendere. Et uendidis-  
 set: si tantulum morae fuisset: quo minus ei pecunia illa  
 numeraretur. ea postea quā numerata est: contentus hac  
 iniquitate non fuit: palam de sella, ac tribunali pro-  
 nunciat: si quis absentem Sthenium rei capitalis reum  
 facere uellet: sese eius nomen recepturum. Et simul  
 ut ad causam accederet, nomenq; deferret, Agathi-  
 num nouum affinem, atq; hospitem coepit hortari. tum  
 ille clare, omnibus audientibus, sese id non esse factu-  
 rum: neq; se usque eo Sthenio esse inimicum: ut cum  
 rei capitalis affinem esse diceret. hic tum repente Pacilius  
 quidam homo egens, Et leuis accedit: ait, si liceret: no-  
 men absentis deferre se uelle. iste uero Et licere: Et fie-  
 ri solere: Et se recepturum. itaq; defertur. edicit sta-  
 tim ut Cal. decembr. adsit Sthenius Syracusis. hic, qui  
 Romam uenisset: satisq; feliciter anni iam aduerso tem-  
 pore nauigasset: omniaq; habuisset aequiora, Et placat-  
 biliora: quā animum praetoris, atq; hospitis: rem ad



amicos suos detulit. quæ ut erant acerba, atque indi-  
 gna: sic uidebantur omnibus. itaq; in Senatu continuo  
 Cn. Lentulus, & Lucullus cons. faciunt mentionem  
 placere statui, si Patribus C. uideretur: ne absentes ho-  
 mines in provincijs rei fierent rerum capitalium: cau-  
 sam Sihenij totam, & istius crudelitatem, & iniquita-  
 tem Senatum docent. aderat in Senatu Verres pater  
 istius: & flens unumquemq; senatorem rogabat: ut filio  
 suo parceret. neq; tamen multum proficiebat. erat enim  
 summa uoluntas Senatus. itaq; sententiæ dicebantur: cū  
 Sihenius absens reus factus esset: de absente iudicium  
 nullum fieri placere: & si quod esset factum: id ratum  
 esse non placere. Eo die transigi nihil potuit: quod &  
 id temporis erat: & ille pater istius inuenerat homi-  
 nes, qui dicendo tempus consumerent. Postea senex  
 Verres defensores, atque hospites omnes Sihenij con-  
 uenit: rogat eos: atq; orat: ne oppugnent filium suum:  
 de Sihenio ne laborent: confirmat his, curaturum se  
 esse: nequid ei per filium suum noceretur: se homines  
 certos eius rei causa in Siciliam, & terra, & mari mis-  
 surum. et erat spacium dierum ferè triginta ante Cal-  
 decembris: quo iste, ut Syracusis Sihenius adesset, edi-  
 xerat. commouentur amici Shenij: sperant fore: ut pa-  
 tris literis, nuncijsq; filius ab incepto furore reuocetur.  
 in Senatu postea causa non agitur. ueniunt ad istum do-  
 mestici nuncij: literasq; à patre afferunt ante Cal. decem-  
 bris: cum isti etiam tum de Sihenio integra tota res esset:  
 eodemq; ei tempore, de eadē re literæ complures à mul-  
 tis eius amicis, ac necessarijs afferuntur. hic iste, qui præ-  
 cupiditate neq; officij sui, neq; periculi, neq; pietatis, neq;  
 humanitatis rationem habuisset unquā: neq; in eo, quod



817  
monebatur, auctoritatem patris, nec in eo, quod rogaba-  
tur, uoluntatem anteponendam putauit libidini suæ. ma-  
ne Cal. decembris, ut edixerat: Sthenium citari iubet.  
Si abs te istam rem parens tuus alicuius amici rogatu,  
benignitate, aut ambitione inductus petisset: grauissima  
tamen apud te uoluntas patris esse debuisset. cum uero  
abs te cui capitis causa peteret: hominesq; certos domo  
misisset: hiq; eo tempore ad te uenissent: cum tibi in inte-  
gro tota res esset: ne tum quidem te potuit si non pietatis,  
at salutis tuæ ratio ad officium sanitatemq; reducere? Ci-  
tat reum: non respondet. citat accusatorem (attendite quæ-  
so: uidete quantopere istius amentiae fortuna ipsa aduer-  
sata sit: & simul uidete quis Sthenij causam casus adu-  
uerit) citatus accusator M. Pacilius nescio quo casu non  
respondit: non affuit. si præsens Sthenius reus esset fa-  
ctus: si manifesto in maleficio teneretur: tamen cum accu-  
sator non adesset: Sthenium condemnari non oporteret.  
etenim si posset reus absente accusatore dānari: non ego  
à Vibone ueliam paruulo nauigio inter fugitiuorum,  
ac prædonum, ac tua tela uenissem: quo tempore omnis  
illa mea festinatio fuit cum periculo capitis, ob eam cau-  
sam: ne tu ex reo eximerere: si ego nō affuissem ad diē.  
quod igitur erat in tuo iudicio optatissimum: me, cum ci-  
tatus essem, non adesse: cur Sthenio non putasti prodesse  
oportere: cum eius accusator non affuisset? Itaq; fecit ut  
exitus principio simillimus reperiretur. quem absentem  
reum fecerat: eum absente accusatore condemnat. Nun-  
ciabatur illi primis illis temporibus id, quod pater quoq;  
ad eum pluribus uerbis scripserat: agitatam rem esse  
in Senatu: etiam in concione Tribunum pl. de causa Ste-  
nij M. Pacilianū esse questum: postremo me ipsum apud  
collegium



collegium hoc Tribunorum plebis, cum eorum omnium  
 edicto non liceret quenquam Romæ esse, qui rei capi-  
 talis condemnatus esset: egisse causam Sthenij: cum rem  
 ita exposuissem, quemadmodum nunc apud uos: docuif-  
 semq; hanc damnationem duci non oportere: Tribunus  
 pl. hoc statuisse: idq; omnium sententia pronunciatum esse:  
 non uideri Sthenium impediri edicto: quo minus ei li-  
 ceret Romæ esse. cum hæc ad istum afferrentur: timuit  
 aliquando: et commotus est. uertit stilum in tabulis suis:  
 quo facto causam omnem euerit suam. nihil enim sibi  
 reliqui fecit: quod defendi aliqua ratione posset. nam si  
 ita defenderet: recipi nomē absentis licet: hoc fieri in pro-  
 uincia nulla lex uetat: mala, & improba defensione, ue-  
 rum aliqua tamen uti uideretur. postremo illo despera-  
 tissimo perfugio uti posset: se imprudentem fecisse: existi-  
 masse id licere. quanquam hæc perditissima defensio est:  
 tamen aliquid dici uideretur. tollit ex tabulis id quod  
 erat: & facit coram delatum esse. Hic uidete in quot la-  
 queos se induerit: quorum ex nullo se unquam expe-  
 diret. Primum ipse in Sicilia sæpe, & palam de loco su-  
 periore dixerat: & in sermone multis demonstrarat: li-  
 cere nomen recipere absentis: se exemplo fecisse id, quod  
 fecisset. hæc eum dictitasse priore actione & Sex. Pom-  
 peius Chlorus dixit: de cuius uirtute antea commemora-  
 ui: et Cn. Pompeius Theodorus, homo Cn. Pompei cla-  
 rissimū uiri iudicio plurimus maximusq; in rebus proba-  
 tissimus, & omnium existimatione ornatissimus: & Pos-  
 sides Matro solentinus, homo summa nobilitate, existi-  
 matione, uirtute: & hac actione quam uoletis multi di-  
 cent: & qui ex isto ipso audierint, uiri primarij nostri  
 ordinis: & alij qui interfuerint: cum absentis nomen re-



# IN VERREM

ciperetur. Deinde Romæ cum res esset acta in Senatu: omnes istius amici, in his etiam pater eius, hoc defendebat: licere fieri: sæpe esse factum: istum, quod fecisset, aliorum exemplo, institutoq; fecisse. Dicit præterea testimonium tota Sicilia: quæ in communibus postulatis civitatum omnium Consulibus edidit: rogare, atq; orare patres conscriptos, ut statuerent, ne absentium nomina reaperentur. qua de re Cn. Lentulum patronum Siciliae, clarissimum adolescentem dicere audistis: Siculos, cum se causam, quæ pro his sibi in Senatu agenda esset: docerent: de Sthenij calamitate questos esse: propterq; hanc iniuriam, quæ Sthenio facta esset: eos statuisse, ut quod dico postularetur. Quæ cum ita essent: tanta ne amentia præditus, atq; audacia fuisti: ut in re tam clara, tam testata, tam abs te ipso peruagata, tabulas publicas corrumpere auderes? At quemadmodum corrupisti? nõ ne ita: ut omnibus nobis tacentibus ipsæ te tuæ tabulæ condemnare possent? quæso codicem circumfer: ostende. uidetis ne totum hoc nomen, coram ubi facit delatum, esse in litura? quid fuit istuc antea scriptum? quod mendum ista litura correxit? quid à nobis Iudices expectatis argumenta huius criminis? nihil dicimus: tabulæ sunt in medio: quæ se corruptas atque interlitas esse clamant. Ex istis etiam tu rebus effugere te posse confidis? cum te nos, non opinione dubia, sed tuis uestigijs persequamur: quæ tu in tabulis publicis expressa ac recentia reliquisti. Is mihi etiã, Sthenium literas publicas corrupisse causa incognita iudicauit: qui defendere non potuerit se non ex ipsius Sthenij nomine literas publicas corrupisse. Vide te porro aliam dementiam: uidete, ut dum expedire sese uult, induat. cognitorem ascribit Sthenio. quem? cognas



tum aliquem, aut propinquum? non. Thermitanum aliquem honestum hominem, ac nobilem? ne id quidem. at Siculum, in quo aliquis splendor, dignitasque esset? minime. quid igitur? Ciuem romanum. cui hoc probari potest? cum esset Sthenius ciuitatis suae nobilissimus, amplissima cognatione, plurimis amicitijs: cum praeterea tota Sicalia multum autoritate, et gratia posset: inuenire neminem Siculum potuit: qui pro se cognitor fieret? hoc probabitis? an ipse Ciuem Romanum maluit? cado cui Siculo, cum is reus fieret. Ciuis Romanus cognitor factus unquam sit. omnium praetorum literas, qui ante fuerunt, profer: explicita: si unum inueneris: ego hoc tibi quae admodum in tabulis scriptum habes: ita gestum esse concedam. At credo Sthenius hoc sibi amplum esse putauit: eligere e Ciuium Ro. numero, ex amicorum, atque hospitum suorum copia, quem cognitorem daret. quem delegit? quis in tabulis scriptus est? C. Claudius C. Filius palatina. non quaero quis hic sit Claudius: quam splendidus: quam honestus: quam idoneus: propter cuius autoritatem, et dignitatem Sthenius ab omnium Siculorum consuetudine discederet: et Ciuem Romanum cognitorem daret. nihil horum quaero. fortasse enim Sthenius non splendorem hominis, sed familiaritatem secutus est. quid? si omnium mortalium Sthenio nemo inimicior, quam hic C. Claudius, tum semper, tum in his ipsis rebus, et temporibus fuit? si de literis corruptis contrauenit? si contra omni ratione pugnauit? utrum potius pro Sthenio inimicum cognitor esse factum, an te in Sthenij periculum inimici eius nomine abusum esse credemus? Ac ne quis forte dubitet, cuiusmodi totum sit negotium: tamen si iam dudum omnibus istius improbitatem perspicuam esse



# IN VERREM

confido: tamen paululum etiam attendite. Videtis illum subcrisso capillo, nigrum? qui eo multu nos intuetur: ut sibi ipse peracutus esse uideatur? qui tabulas tenet? qui scribit? qui monet? qui proximus est? is est C. Clodius: qui in Sicilia sequester istius, interpret, confector negotiorum, prope collega Timarchidi numerabatur: nunc obtineat eum locum: ut uix Apronio illi de familiaritate concedere uideatur: & qui se non Timarchidis sed ipsius Verriis collegam & socium esse dicebat. Dubitate etiam si potestis: quin eum iste potissimum ex omni numero delegerit: cui improbam personam imponeret: quem & huic inimicissimum, & sibi amicum esse arbitraretur. Hic uos dubitatis Iudices tantam istius audaciam, tantam crudelitatem, tantam iniuriam uindicare? dubitatis exemplum iudicum illorum sequi? qui damnato Cn. Dolobella damnationem Philodami Opuncij resciderunt? quod is, non absens reus factus esset: quæ res iniquissima, & acerbissima est: sed cum ei legatio Romam à suis ciuibz esset data. quod illi iudices multo in leuiore causa statuerunt æquitatem secuti: uos id statuere in grauiissima causa præsertim aliorum auctoritate iam confirmatum dubitabitis? At quæ hominem C. Verres tanta, tam insigni iniuria, affecisti? cuius absentis nomen recepisti? quæ absentem non modo sine crimine, & sine teste, uerum etiam sine accusatore damnasti? quem hominem dii immortales. non dicam amicum tuum (quod apud homines carissimum est) non hospitum (quod sanctissimum est) nihil enim minus libenter de Sthenio commemoro: nihil aliud in eo quod reprehendi possit inuenio: nisi quod homo frugalissimus, atq; integerrimus te hominem plenum stupri, flagitij,



sceleris domum suam inuitauit: nisi quod qui C. Marij,  
 & Cn. Pompeij C. Marcelli, L. Sisenæ, tui defensoris,  
 cæterorum fortissimorum hospes fuisset, atq; esset: ad  
 eum numerum clarissimorum hominum tuum quoq;  
 nomen ascripserit. quare de hospitio uiolato, & de isto  
 tuo nefario scelere nihil queror. hoc dico, non his qui  
 Sthenium norunt: hoc est nemini eorum qui in Sicilia  
 fuerunt. nemo enim ignorat, quo hic in ciuitate sua splē  
 dore, qua apud omnes Siculos dignitate, atq; existimatio-  
 ne sit. sed ut illi quoq;, qui in ea prouincia non fuerunt:  
 intelligere possint, in quo homine tu statueris exemplum  
 eiusmodi: quod tum propter iniquitatem rei, tum etiam  
 propter hominis dignitatem, acerbum omnibus, atq; in-  
 tolerandum uideretur: est ne Sthenius is, qui omnes ho-  
 nores domi suæ facillime cum adeptus esset: amplissi-  
 me, ac magnificētissime gessit? qui oppidum non ma-  
 ximum, maximus ex pecunia sua locis communibus, mo-  
 numentisq; decorauit? cuius de meritis in Rēp. Ther-  
 manorū, siculosq; uniuersos fuit ænea tabula fixa Ther-  
 mas in curia: in qua publice erat de huius beneficijs  
 scriptum & incisum: quæ tabula tum imperio tuo re-  
 uulsa, nunc à me tamen reportata est: ut omnes, huius  
 honores inter suos, & amplitudinem possent cogno-  
 scere. est ne hic? q; apud Cn. Pompeiū clarissimum uirū  
 cum accusatus esset: quod propter C. Marij familiarita-  
 tem, & hospitium contra Remp. sensisse eum inimici,  
 & accusatores eius dicerent: quod tum magis inuidio-  
 so crimine, quàm uero acerferetur: ita à Cn. Pompeio  
 absolutus est: ut in eo ipso iudicio Pompeius hunc hospi-  
 tio suo dignissimum statuerit: ita porro laudatus defen-  
 susq; ab omnibus Siculis: ut idem Pompeius non ab



# IN VERREM

homine solum, sed etiam à provincia tota se huius ab  
 solutione inire gratiā arbitraretur? postremo est ne hic?  
 qui & animum in Remp. habuit eiusmodi: & tantum  
 auctoritate apud suos ciues potuit: ut perficeret in Sicilia  
 solus te prætor quod non modo Siculus nemo, sed ne Si-  
 cilia quidem tota potuisset: ut ex oppido Therms nul-  
 lum signum, nullum, ornamentum, nihil ex sacro, ni-  
 hil de publico attingeres? cum præsertim essent multa  
 præclara: & tu omnia concupisses. Deniq; nunc uide qd  
 inter te cuius nomine apud Siculos dies festi agitantur:  
 et præclara illa celebrantur: cui statuæ Romæ stant in-  
 auratæ à communi Sicilia quæ admodum inscriptum ui-  
 demus datæ: uide inquam quid inter te & hunc Sici-  
 lum, qui abs te est patrono siciliæ condēnatus: intersit.  
 Hunc ciuitates ex Sicilia permultæ testimonio suo, lega-  
 tionibusq; ad eam rem missis publice laudant: te omni-  
 um Siculorum patronum una Mamertina ciuitas socia  
 furtorum ac flagitiorum tuorum, publice laudat: ita ta-  
 men nouo more: ut legati lædant: legatio laudet: cæte-  
 ræ quidem ciuitates publice literis, legationibus, testimo-  
 nijs accusant: queruntur: arguunt: si tu absolutus sis: fun-  
 ditus euerfas esse arbitrantur. Hoc de homine, ac de hu-  
 ius bonis etiā in Eryco monte monumentum tuorum fla-  
 gitiorum crudelitatisq; posuisti: in quo Sthenij Thermita-  
 ni nomen ascriptum est. uidi argenteum cupidinem cum  
 lampade. quid tandem habuit argumenti, aut rationis  
 res: quamobrem in eo potissimum Sthenianum præmiū  
 poneretur? utrum hoc signum cupiditatis tuæ, an trophe-  
 um necessitudinis, atq; hospitij, an amoris indicium esse  
 uoluisti? faciunt hoc homines: quos in summa nequitia  
 non solum libido, & uoluptas, uerum etiam ipsius ne-



quitia fama delectat: ut multis in locis notas ac uestigia  
 scelerum suorum relinqui uelint. ardebat amore illius  
 hospitæ: propter quam hospitij iura uiolarat. hoc non so-  
 lum sciri tum, uerum etiam commemorari semper uo-  
 lebat. itaq; ex illa ipsa re, quam accusante Agathino ges-  
 serat: Veneri potissimum deberi præmium statuit: quæ  
 illam totam accusationem iudiciumq; constarat. putare  
 te gratum in deos: si hoc donum Veneri non de Sthenij  
 bonis dedisses, sed de tuis: quod facere debuisti: præsertim  
 cum tibi illo ipso anno à Chelidone uenisset hæreditas.  
 Hic ego si hanc causam non omnium Siculorum roga-  
 tu recepissem: si hoc à me muneris non uniuerſa provin-  
 cia poposcisset: si me animus atq; amor in Republica, exi-  
 stimatioq; offensa nostri ordinis, ac iudiciorum non hoc  
 facere coegisset: atq; hæc una causa fuisset: quod amicum  
 atq; hospitem meum Sthenium, quem ego in quæstura  
 mea singulariter dilexissem: de quo optime existimasset:  
 quem in provincia existimationis meæ studiosissimum, cu-  
 pidissimumq; cognossem: tam crudeliter, scelerate, ne fa-  
 rieq; tractasses: tamen digna causa: cur ininuitas homi-  
 nis improbissimi susceperem: ut hospitis salutem fortu-  
 nasq; defenderem. fecerunt hoc multi apud maiores no-  
 stros: fecit etiam nuper homo clarissimus Cn. Domitius:  
 qui M. Syllanum Consularem uirum accusauit propter  
 Egritomari transalpini hospitis iniurias. putare me ido-  
 neum qui exemplum sequeretur humanitatis, atq; officij:  
 proponeremq; spem meis hospitibus, ac necessarijs: quo-  
 tutiorem uitam sese meo præsidio uicturos esse arbitrare-  
 tur. cum uero in communibus iniurijs totius provincie  
 Sthenij quoq; causa contineatur: multiq; uno tempore a  
 me hospites, atq; amici publice, priuatimq; defendantur:

r iiij



# IN VERREM

profecto uereri non debeo: nequis hoc quod facio, nō existi-  
met summi officij ratione impulsū coactumq; suscep-  
pisse. Atq; ut aliquando de rebus ab isto cognitis, iudi-  
catisq; & de iudicijs datis dicere desistamus: & quo-  
niam facta istius in his generibus infinita sunt: nos mo-  
dum aliquem, & finem orationi nostræ, criminibusq;  
faciamus: pauca ex alijs generibus sumemus. Audistis ob-  
ius dicundum Q. Variū dicere procuratores suos isti  
centum & triginta millia nummum dedisse: neministis  
Q. Varij testimonium: remq; hanc totam C. Sacerdo-  
tis hominis ornatissimi testimonio comprobari: scitis Cn-  
Sertium, M. Modium equites romanos, sexcentos præ-  
terea ciues Ro. multosq; Siculos dixisse, isti pecuniam ob-  
ius dicundū dedisse. de quo crimine quid ego disputem:  
cum totum positum sit in testibus? quid porro argumen-  
ter: qua de re dubitare nemo possit? an hoc dubitabit q-  
quam omnium? quin is uenalem in Sicilia iurisdictionē  
habuerit: qui Romæ totum edictum, atq; omnia decreta  
uendiderit? & quin ab Siculis ob decreta interponen-  
da pecuniam acceperit: qui M. Octauium Ligurem ob  
ius dicundum poposcerit. quod enim præterea genus pe-  
cuniæ cogendæ præterit? quod non ab omnibus alijs  
præteritum, excogitauit? ecquæ res apud ciuitates Sici-  
las expetitur: in qua aut honos aliquis sit, aut potestas,  
aut procuratio: quin eam rem tu ad tuum quæstum, nū-  
dinationemq; hominum traduxeris? dicta sunt priore  
actione & priuatim, & publice testimonia: legati Centu-  
ripini, Halesini, Cathinenses, Panormitaniq; dixerunt:  
multarum præterea ciuitatum. iam uero priuatim pluri-  
mi. quorum ex testimonijs cognoscere potuistis: tota Sici-  
lia per triennium neminem ulla in ciuitate Senatorem



factum esse gratis: neminem, ut leges eorum sunt, suffragis: neminem nisi istius imperio, aut literis: atque in his omnibus Senatoribus cooptandis, non modo suffragia nulla fuisse: sed ne genera quidem spectata esse: ex quibus in eum ordinem cooptari liceret: neque census, neque ætatis, neque cætera Sicularum iura ualuisse. quicumque Senator uoluerit fieri: quamuis puer: quamuis indignus: quamuis ex eo loco, ex quo non liceret: si is precio apud istum fieret idoneus, ut uinceret: factum esse semper: non modo Sicularum nihil in hac re ualuisse leges: sed ne ab Senatu quidem populoque Ro. datas. quas enim leges socijs amicisque dat is, qui habet imperium à Populo romano, auctoritatem legum dandarum à Senatu: hæ debent, et populi Ro. et Senatus existimari. Halesini pro multis, et magnis suis, maiorumque suorum in Rempublicam nostram meritis, atque beneficijs suo iure, nuper L. Licinio Q. Mutio Cons. cum haberent inter se controuersias de Senatu cooptando: leges ab Senatu nostro petuerunt. decreuit Senatus honorifico S. C. ut his C. Claudius Appij filius Pulcher Prætor de Senatu cooptando leges conscriberet. C. Claudius adhibitis omnibus Marcellis, qui tum erant, de eorum sententia leges Halesinis dedit. in quibus multa sanxit de ætate hominum: ne quis minor triginta annis natus: de quæstu, quem qui fecisset, ne legeretur: de censu, de cæteris rebus. quæ omnia ante istum Prætorem, et nostrorum magistratum auctoritate, et Halesinorum summa uoluntate ualuerunt. ab isto et præco, qui uoluit, istum ordinem precio mercatus est: et pueri annorum senum septenumque: denu Senatorium nomen nudinati sunt: et quod Halesini antiquissimi, et fidelissimi so-



# IN VERREM

cū, atq; amici Romæ impetrarant, ut apud se ne suffragiis quidem fieri liceret: id precio ut fieri posset, fecit. Agrigentini de Senatu cooptando Scipionis leges antiquas habent. in quibus & eadem illa sancta sunt: & hoc amplius. cum Agrigentinorum duo genera sint: unum ueterum, alterum colonorum: quos T. Manlius Prætor ex S. C. de oppidis Siculorum deduxit Agrigentum: cautum est in Scipionis legibus, ne plures essent ex colonorum numero, quàm ex uetere Agrigentinorum. Iste q̄ omnia iura precio exequasset: omniūq; rerum delectum, atq; discrimen pecunia sustulisset: non modo illa, quæ erant ætatis, ordinis, quæstusq; permiscuit: sed etiam in his duobus generibus ciuium nouorum, ueterumq; turbauit. nam cum esset ex ueterum numero quidam Senator demortuus: & cum ex utroq; genere par numerus reliquus esset: ueterem cooptari necesse erat legibus: ut his amplius numerus esset. quæ cum ita se res haberet: tamen ad istum uenerunt emptū locum illum Senatorium non solum ueteres, sed etiam noui. fit, ut precio nouus uincat: literasq; à Prætore afferat. Agrigentini ad istum legatos mittunt: qui eum leges doceant: consuetudinemq; omnium annorum demonstrent: ut iste intelligeret: ei se illum locum uendidisse: cui ne commercium quidem esse oporteret. quorum oratione iste, cum precium iam accepisset: ne tantulum quidem commotus est. idem fecit Heracleæ. nam eo quoq; colonos P. Rupilius deduxit: legesq; similes de cooptando Senatu, ac de numero ueterum, ac nouorum dedit. ibi non solum iste, ut apud cæteros, pecuniam accepit: sed etiam genera ueterum, ac nouorum, numerumq; permiscuit. Nolite expectare dum omnes obe-

demortuus.

Amplius



oratione mea ciuitates: hoc uno complector crimine omnia. neminem isto Prætorē Senatorem fieri potuisse: nisi qui isti pecuniam dedisset. hoc idem transfero in magistratus, curationes, sacerdotia: quibus in rebus non solum hominum iura, sed etiam deorum religiones immortalium omnes repudiavit. Syracusis lex est de religione: quæ in annos singulos Iouis sacerdotem sortito capi iubeat: quod apud illos amplissimum sacerdotium putatur. cum suffragijs tres ex tribus generibus creati sunt: res reuocatur ad sortem. perfecerat iste imperio: ut pro suffragio Theomnastus familiaris suus in tribus illis renunciaretur. in sorte, cui imperare non poterat: expectabant homines quidnam, acturus esset. homo id quod erat facillimum: primo uetat sortiri: iubet extra sortem Theomnastum renunciari. negant id Syracusani per religiones sacrorum ullo modo fieri posse: fas denique negant esse. iubet ille sibi legem legi. recitatur. in qua scriptum erat: ut quot essent renunciati: tot in hydriam sortes conijcerentur: cuius nomen exisset: ut is haberet sacerdotium. Homo ingeniosus, & peracutus optime inquit. nempe scriptum ita est, quot renunciati erunt: quot ergo sunt renunciati? responsum, tres. nunquid igitur oportet, nisi tres sortes conijci: unam educi? nihil. conijci iubet tres: in quibus omnibus scriptum esset nomen Theomnasti. fit clamor maximus: cum id uniuersis indignum, atque nefarium uideretur. Ita Iouis illud sacerdotium amplissimum per hanc rationem Theomnasto datur. Cephæledi mensis est certus: quo mense sacerdotem maximum creari oporteat. erat eius honoris cupidus Arihenio quidam, Climachias cognomine, homo sane locuples, & domi nobilis: sed is fieri nullo modo pote-



# IN-VERREM

rat. si Herodotus quidam adesset: ei locus ille, atq; honos  
in illum annum ita deberi putabatur: ut ne Climachias  
quidem contradiceret. res ad istum deferretur. et istius ma-  
re deciditur. torcumata sane nota, ac preciosa auferun-  
tur. Herodotus Romæ erat: satis putabat se ad comitia  
tempore uenturum: si pridie uenisset. Iste ne aut alio  
mense ac fas erat: comitia haberetur: aut Herodoto præ-  
senti honos adimeretur: id, quod iste non laborabat: Cli-  
machias minime uolebat: excogitat. dixi iam dudum: nō  
est homo acutior quisquam, nec fuit. excogitat inquam,  
quemadmodum mense illo legitimo, comitia haberetur:  
nec tamen Herodotus adesse posset. est consuetudo Siculo-  
rum, cæterorumq; græcorum, quod suos dies mensesq;  
congruere uolunt cum solis lunæq; ratione: ut nonnun-  
quam si quid discrepet: eximant unum aliquem diem:  
aut summum biduū ex mense: quos illi exheresimos dies  
nominant. item nonnunquam uno die longiorem men-  
sem faciunt, aut biduo. quæ iste cum cognouisset: nouus  
astrologus, qui non tam cœli rationem, quàm cœlati ar-  
genti duceret: eximi iubet non diem ex mense, sed ex an-  
no unum dimidiatumq; mensem hoc modo: ut quo die  
uerbi causa esse oporteret Idus ianuarias: eo die Cal-  
Martias proscriberet. itaq; fit omnibus recusantibus, et  
implorantibus. dies is erat legitimus comitijs habendis.  
eo modo sacerdos Climachias renunciatus est. Herodo-  
tus cum Roma reuertitur dies ut ipse putabat, quindecim  
ante comitia: offendit eum mensem comitalem comi-  
tijs iam ab hinc triginta diebus habitis. Tunc Cephale-  
ditani decreuerunt intercalarium XLV dies longum:  
ut reliqui menses in suam rationem reuerterentur. hoc  
si Romæ fieri posset: certe aliqua ratioe expugnasset iste.



ut dies XLV inter binos ludos tollerentur: per quos so-  
los iudicium fieri posset. Iam uero Censores quemad-  
modum in Sicilia isto Prætoris creati sunt: operæ precii  
est cognoscere. ille enim est magistratus apud Siculos, qui  
diligentissime mandatur à populo propter hanc causam:  
quod omnes Siculi ex censu quotannis tributa conferunt:  
in censu habendo potestas omnis æstimationis habendæ,  
summæq; faciundæ censori permittitur. itaq; eum popu-  
lus, cui maximam fidem suarum rerum habeat: maxi-  
ma cura deligit: et propter magnitudinem potestatis hic  
magistratus à populo summa ambitione contenditur. In  
ea re nihil obscure facere uoluit: non in sortitione fal-  
lere: neq; dies de fastis eximere: nihil sane uasre nec ma-  
liciose facere conatus est: sed ut studia, cupiditatesq; ho-  
norum, atq; ambitiones ex omnibus ciuitatibus tolle-  
ret: quæ res euertendæ Reipublicæ causa solent esse:  
ostendit sese in omnibus ciuitatibus Censores esse factu-  
rum. Tanto mercatu Prætoris indicto, concurritur un-  
diq; ad istum Syracusas: flagrabat domus tota præto-  
ria studio hominum, & cupiditate: nec mirum, omni-  
bus comitijs tot ciuitatum unam in domum reuocatis, tan-  
taq; ambitione provinciæ totius in uno cubiculo inclu-  
sa. exquisitis palam precijs, & licitationibus factis de-  
scribebat Censores binos in singulas ciuitates Timarchi-  
des. is suo labore, suisq; accessionibus huius negocij, atq;  
operis molestiam consequabatur: ut ad istum sine ulla  
solicitudine summa pecunia referretur. Iam hic Timar-  
chides quantam pecuniam fecerit, planè adhuc cogno-  
scere non potuisti: ueruntamen priore actione quàm ua-  
rie, quàm improbe prædatus esset, multorum ex testi-  
monijs cognouisti. Sed ne miremini quæ ratione hic tan-



# IN VERREM

tum apud istum libertus potuerit: exponam uobis bre-  
uiter, quid hominis sit: ut & istius nequitiam, qui illum  
secum habuerit, eo præsertim numero, ac loco: & cala-  
mitatem provinciae cognoscatis. in mulierum corrupte-  
lis, et in omni eiusmodi luxuria, atq; nequitia mirandū  
in modum reperiēbam hunc Timarchidem ad istius  
flagitiosas libidines, singularemq; nequitiam natum,  
atq; aptum fuisse: inuestigare: adire: appellare: corrup-  
pere: quiduis facere in eiusmodi rebus, quamuis callide,  
quamuis audacter, quamuis impudenter. eundem mi-  
ra quædam excogitare generasurandi: nā ipsum Ver-  
rem tantum semper auaricia hiante atq; imminenti fuis-  
se, ingenio, & cogitatione nulla: ut quicquid sua sponte  
faciebat: item ut uos Romæ cognouistis, eripere potius, q̃  
fallere uideretur. hæc uero eius erat ars, & malicia mi-  
randa: quod acutissime tota provincia quid cuiq; esset  
necessē, indagare, & odorari solebat: omnium inimicos  
diligenter cognoscere: colloqui: attentare: ex utraq; par-  
te causas, uoluntates perspicere, facultates, & copias: qui-  
bus opus esset: metum afferre: qbus expediret: spem osten-  
dere: accusatorum, & quadruplatorum quicquid erat:  
habebat in potestate: quod cuiq; negocij consilari uolebat:  
nullo labore faciebat: istius omnia decreta, imperia, li-  
teras peritissime, & callidissime uenditabat: ac non so-  
lum erat administer istius cupiditatum: uerum etiam  
ipse sui meminerat æquæ: non solum nummos, si qui  
isti exciderant: tollere solebat: ex quibus pecuniam ma-  
ximam fecit: sed etiam uoluptatum, flagitiorumq; istius  
ipse reliquias colligebat. itaq; in Sicilia non Athenio-  
nem, qui nullum oppidum cæpit: sed Timarchidem  
fugitiuum omnibus oppidis per triennium scitote re-



gnasse: in Timarchidis potestate sociorum populi Ro. antiquissimorum, atq; amicissimorum liberos, matresfamilias, bona, fortunasq; omnes fuisse. Is igitur, ut dico, Timarchides in omnes ciuitates accepto precio Censores dimisit. comitia isto prætore Censorum ne simulandi quidem causa fuerunt. Iam hoc impudentissime. palam (licebat enim uidelicet legibus) singulis Censoribus denarij trecenti ad statuam prætoris imperati sunt. Censores CXXX facti sunt. pecuniam illam ob censuram contra leges, clam dederunt: hæc denaria XXXVIII millia palam saluis legibus contulerunt in statuam. primum quo tantam pecuniam? deinde quamobrem Censores ad statuam tibi conferebant? ordo aliquis Censorum est collegium? genus aliquod hominum? nam aut publice ciuitates istos honores habent: aut si generatim homines: ut aratores, ut mercatores, ut nauicularij. Censores quidem qui magis, quam Aediles? ob beneficium? ergo hoc fatebere, abs te hæc petita esse: nam erepta nõ audebis dicere? te eos magistratus hominibus beneficij nõ Reip. causa permisisse? hoc autem tute fatebere? quisquã dubitabit? quin tu istam apud populos provincie istius inuidiam atq; offensionem non ambitionis, neq; beneficiorum collocandorum, sed pecunie conciliande causa suscepis? Itaq; Censores fecerunt idem, quod in nostra Rep. solent ij: qui per largitionem magistratus adepti sunt: dederunt operam: ut ita potestatem gererent: ut illam lacunam rei familiaris explerent. sic census habitus est te prætore: ut eo censu nullius ciuitatis Respu. posset administrari. nam locupletissimi cuiusq; census extenuerant: tenuissimi auxerant. Itaq; in tributis imperandis tantum oneris plebi imponebatur: ut etiam



# IN VERREM

si homines tacerent: res ipsa illum censum repudiaret. id quod intelligi facillime re ipsa potest. nam L. Metellus, qui posteaquam ego inquirendi causa in Siciliam ueni: repente Letilij aduentu istius non modo amicus, uerum etiam cognatus factus est: is, quod uidebat istius censum stare nullo modo posse: eum censum obseruari iussit: qui uiro fortissimo, atq; innocentissimo Sex. Peduceo praetore habitus esset. erant enim tum Censores legibus facti, delecti à suis ciuitatibus: quibus, siquid commississent: poenae legibus erant constitutae. te autem praetore, qui Censor aut legem metuerit? qua non tenebatur: quoniam creatus lege non erat? aut animaduersionem tuam? cum id quod abs te emerat: uēdidisset? Teneat iam sane meos testes Metellus: cogat alios laudare: sicut in multis conatus est: modo haec faciat, quae fecit. q̄s enim unquā tanta à quoquam contumelia, quis tanta ignominia affectus est? Quinto quoq; anno Sicilia tota censetur: erat censa praetore Peduceo: quintus annus cum te praetore incidisset: censa denuo est. postero anno L. Metellus mentionem tui census fieri uetat: censores dicat de integro sibi creari placere: interea Peduceanum censum obseruari iubet. hoc si tuus inimicus tibi fecisset: tametsi animo aequo provincia tulisset: inimici iudicium graue uidetur. fecit amicus recens, & cognatus uoluntarius. aliter enim, si provinciam retinere, si saluus ipse in provincia uellet esse: facere non potuit. expectas etiam quid hi iudicent? si tibi magistratum abrogasset: minore ignominia te affecisset: quā cum ea, quae in magistratu gessisti, sustulit: atq; irrita iussit esse. Neq; in hac re sola fuit eiusmodi. sed antequam ego in Siciliam ueni: in maximis rebus, ac plurimis. nam et Heraclio Syracusano tuos



cufano tuos illos palefritas bona restituere iussit: et Epi-  
 crati Bidinos, & pupillo Drepanitano A. Claudium:  
 & nisi mature Letilius in Sicilia uenisset cum literis:  
 minus XXX diebus Metellus totam triennij prætura  
 rescidisset. Et quoniam de ea pecunia quam tibi ad  
 statuam Censores contulerunt: dixi: non mihi præter-  
 mittendum uidetur, ne illud quidem genus pecuniæ con-  
 ciliatæ: quam tu à ciuitatibus statuarum nomine coe-  
 gisti. Video enim eius pecuniæ summam esse per gran-  
 dem, ad HS CXX millia. tantum conficitur ex testi-  
 monijs, ac literis ciuitatum: & iste hoc concedit: nec po-  
 test aliter dicere. quare cuiusmodi putamus esse illa,  
 quæ negat? cum hæc tam improba sunt: quæ fatetur?  
 quid enim uis constitui? consumptam esse omnem istam  
 pecuniam in statujs? fac ita esse: tamen hoc ferendum  
 nullo modo est: tantam ab socijs pecuniam auferri: ut o-  
 mnibus in angiporis prædonis improbissimi statuæ po-  
 nantur: quauix tuto transire posse uideamur. uerum ubi  
 tandem, aut in quibus statujs ista tanta pecunia consum-  
 pta est? consumetur inquires. scilicet expectemus legitimū  
 illud quinquennium. si hoc interuallo non consumpse-  
 rit: tum deniq; nomen eius de repetundis pecunijs sta-  
 tuarū nomine deferemus. reus est maximis plurimisq;  
 criminibus in iudicium uocatus: HS CXX millia ex  
 hoc uno genere capta uidemus. si condemnatus eris: nō  
 opinor id ages, ut ista pecunia in quinquennio consu-  
 matur in statujs. sin absolutus eris: quis erit tam amens,  
 qui te ex tot, tantisq; criminibus elapsū, post quinque  
 nium statuarum nomine accersat? ita si neq; adhuc con-  
 sumpta ista pecunia est: & est perspicuum, non consum-  
 ptum iri: licet iam intelligamus inuentam esse rationē:



# IN VERREM

quare & iste HS CXX millia uno genere concilia-  
rit: & coeperit: & ceteri, si à uobis hoc erit comproba-  
tum: quam uolent magnas hoc nomine pecunias capere  
possint: ut iam uideamur non à pecunijs capiendis ho-  
mines absterre: sed cum genera quædam pecuniarum  
capiendarum comprobaremus: honesta nomina turpissi-  
mis rebus imponere. Etenim si C. Verres HS CXX  
millia populum uerbi gratia Centuripinum poposcis-  
set: eamq; ab his pecuniam abstulisset: non opinor esset  
dubium, quin eum, si tum id planum fieret: condemna-  
ri necesse esset. quid si eundem populum HS CCC mil-  
lia poposcit: eaq; coegit: atq; abstulit: num ideo absolue-  
tur: quod ascriptum est, eam pecuniam datam statuarii  
nomine? non opinor. nisi forte id agimus: non ut magi-  
stratibus nostris moram accipiendi, sed ut socijs causam  
dandi auferre uideamur. Quod si quæ statuæ magnope-  
re delectant: & si quis earum honore & gloria ducta-  
tur: is hæc tamen constituat necesse est: primum auerti  
pecuniam domum non placere: deinde ipsarum statua-  
rum modum quendam esse oportere: deinde illud certe,  
ab inuitis exigi non oportere. Ac de auertenda pecu-  
nia, quæro abs te, utrum ipsæ ciuitates solitæ sint statu-  
as tibi faciundas locare ei: cui possent optima conditio-  
ne locare? an aliquem curatorem præficere: qui statuis  
faciundis præesset? an tibi, an cui tu imperasses admo-  
nerare pecuniam? nam si per eos statuæ fiebant: à quib-  
us tibi iste honos habebatur: audio. sin Timarchidi pe-  
cunia numerabatur: desine quæso simulare te, cum in  
manifesto furto tenere: gloriæ studiosum, ac monumen-  
torum fuisse. quid uero modum statuarum haberi nul-  
lum placet? at qui habeatur necesse est. etenim sic consi-

inudo. alla manifesta simonia Procuratoria postò Huius, et alla  
colossia sofisticatione quasi Iddio (Infirmitate) il significatione  
li vocaboli, mala intentione de pappi, Anny no cõscissit  
guisa de gl' Huominy deb i nomi delle cose si debba lasciare  
e ingannare. Giornata 11. Huius seconda



derate. Syracusana ciuitas (ut eam potissimū nominem)  
dedit ipsi statuam. est honos. Et patri. bella hæc pieta-  
tis, Et quæstiosa simulatio. et filio. ferri hoc potest. hunc  
enim puerum non oderant. uerum quotiens, Et quot  
nominibus à Syracusanis statuas auferes? ut in foro sta-  
tuerent, abstulisti: ut in curia, coegisti: ut pecuniam con-  
ferrent in eas statuas, quæ Romæ ponerentur: impera-  
sti: ut iidem darent homines aratorum nomine: dede-  
runt: ut iidem pro parte in commune Sicalia conferrent:  
etiam id contulerunt. una ciuitas cum tot nominibus pe-  
cuniam contulerit: idemq; hoc ciuitates cæteræ fecerint:  
non res ipsa uos admonet: ut putetis modum aliquē huic  
cupiditati constitui oportere? quod si hoc uoluntate sua  
nulla ciuitas fecit: si omnes imperio, metu, ui, malo addis-  
cæ tibi pecuniam statuarum nomine contulerunt: per  
deos immortales num cui dubium esse poterit? quin,  
etiam si quis statuerit accipere ad statuas licere: idem ta-  
men statuatur, eripere certe non licere? Primum igitur in  
hanc rem testem totam Siciliā citabo: quæ mihi una uo-  
ce statuarum nomine magnam pecuniam per uim co-  
actam esse demonstrat. nam legationes omnium ciuita-  
tum in postulatis communibus, quæ fere omnia ex tuis  
iniurijs nata sunt: etiam hoc ediderunt: ut statuas ne  
cui, nisi cum is de provincia decessisset: pollicerentur.  
Tot prætores in Sicilia fuerunt: totiens apud maiores  
nostros Siculi Senatū adierunt: totiens hac memoria:  
tamen huiusce noui postulati genus, atq; principium tua  
prætura attulit. quid enim tam nouum, nō solum re,  
sed genere ipso postulandi? nam cætera quæ sunt in  
iisdem postulatis de iniurijs tuis, sunt noua: sed tamen  
non nouo modoulantur. rogant, et orant Siculi pa-



# IN VERREM

tres conscriptos: ut nostri magistratus post hac decumas  
lege Hieronica uendant. tu primus contra uendideras.  
audio. ne in cellam quod imperatur: aestiment. hoc quoque  
propter tuos ternos denarios nunc primum postulatur.  
sed genus istud postulandi non est nouum. ne absentis  
nomen recipiatur. ex Sthenij calamitate, & tua natum  
est iniuria. cetera non colligam. sunt omnia Siculorum  
postulata eiusmodi: ut crimina collecta in unum te reū  
esse uideantur. quæ tamen omnia nouas iniurias habet:  
sed postulationum formulas usitatas. hoc postulatum de  
statuis ridiculum esse uideatur ei: qui rem sententiamque  
non perspiciat. postulant enim non ut ne cogantur sta-  
tuere. quid igitur? ut ipsis ne liceat. quid est hoc? petis à  
me, quod in tua potestate est: ut id tibi facere ne liceat.  
pete potius ne quis te inuitum polliceri, aut facere cogat.  
nihil ergo inquit. negabunt enim omnes se coegisse. si me  
saluum esse uis: mihi impone istam uim: ut omnino mi-  
hi ne liceat polliceri. ex tua prætura primum nata est  
hæc postulatio. qua cum utuntur: hoc significant: atque  
adeo aperte ostendunt: sese ad statuas pecuniam metu,  
ac malo coactos inuitissimos contulisse. Quid? si hoc non  
dicant: tibi non necesse sit ipsi id confiteri? uide & per-  
spice qua defensione sis usurus: iam intelliges hoc tibi de  
statuis confitendum esse. mihi enim renunciat, ita con-  
stitui à tuis patronis hominibus ingeniosis causam tuā:  
& ita eos abs te institui: & doceri: ut quisque ex prouin-  
cia Sicilia grauior homo, atque honestior testimonium ue-  
hementius dixerit: sicuti Siculi multi primarij uiri mul-  
ta dixerūt: te statim hoc istis tuis defensoribus dicere: ini-  
micus est: propterea quod arator est. itaque uno genere opi-  
nor circumscribere habetis in animo genus hoc arato-



rum: quod eos infenso animo, atq; inimico uenisse dictis: quia fuerit in decumis iste uehementior. Ergo aratores inimici: omnes aduersarij: nemo eorum est quin perisse te cupiat. omnino præclare te habes: cum is ordo, atq; id genus hominum, quod optimum, atq; honestissimum est: à quo uno & summa Reip. & illa prouincia maxime continetur: tibi est inimicissimum. uerū esto: alio loco de aratorum animo, & iniurijs uidero: nunc quod mihi abs te datur: id accipio: eos tibi esse inimicissimos. nempe ita dicis, propter decumas. concedo: non quero iure an iniuria sint inimici. quid ergo illæ sibi statuæ equestres inauratæ uolunt? quæ populi Romano, animosq; maxime offendunt: propter ædem Vulcani? nam scriptum esse uideo, quandam ex his statuâ aratores dedisse. si honoris causa statuam dederunt: inimici non sunt: credamus testibus: tum enim honori tuo, nunc iam religioni suæ consulunt. sin autem metu coacti dederunt: confiteare necesse est: te in prouincia pecuniâ statuarum nomine per uim ac metum coegisse. utrum tibi commodum est elige. equidem libenter hoc iam crimen de statuīs relinquam: ut mihi tu illud concedas: quod tibi honestissimum est: aratores tibi ad statuam honoris tui causa uoluntate sua contulisse. da mihi hoc. iam tibi maximam partem defensionis præcideris. non enim poteris aratores tibi iratos esse, atq; inimicos dicere. O' causam singularem: O' defensionem miseram, ac perditam: nolle hoc accipere reum ab accusatore: et eum reum qui prætor in Sicilia fuerit: aratores ei statuam sua uoluntate statuisse: aratores de eo bene existimare: amicos esse: saluū esse cupere. metuit, ne hoc uos existimetis. obruitur enim aratorum testimonijs. utar eo quod datur. certe ita



# IN VERREM

nobis hoc iudicandum est: eos, qui isti inimicissimi sunt:  
 ut ipse existimari uult: ad istius honores, atq; monumē  
 ta pecuniam non uoluntate sua contulisse. atq; ut hoc ta  
 men facillime intelligi possit: quem uoles eorum testum,  
 quos produxero: qui in Sicilia testes sint: siue ciuem Ro.  
 uelis, siue Siculum, rogato: & eum qui tibi inimicissi  
 mus esse uidebitur: qui se spoliatum à te dicet: ecquid suo  
 nomine in tuam statuam contulerit? neminem reperies,  
 qui neget. & enim omnes dederunt. quenquam igitur pu  
 tas dubitaturum: quin is, quem inimicissimum tibi esse  
 oporteat: qui abs te grauissimas iniurias acceperit: pecu  
 niam statuæ nomine dederit ui, atq; imperio adductus,  
 non officio, ac uoluntate. Et huius ego pecuniæ Iudices,  
 quæ per magna est, impudentissimeq; coacta ab inui  
 tis: non habui rationem: neq; habere potui: quantum ab  
 aratoribus, quantum ab negotiatoribus, qui Syracusis,  
 qui Agrigenti, qui Panormi, qui Lilybei negotiantur:  
 esset coactum: quoniam intelligitis ipsius quoq; confessio  
 ne ab inuitissimis coactam esse. Venio nunc ad ciuitates  
 Siciliae: de quibus facillime iudicium fieri uoluntatis po  
 test. an etiam Siculi inuiti contulerunt? non est probabi  
 le. etenim sic C. Verrem præturam in Sicilia gessisse con  
 stat: ut cum utrisq; satisfacere non posset, & Siculis, et  
 togatis: officij potius in socios, quàm ambitionis in ciues  
 rationem duxerit. Itaq; eum non solum patronum isti  
 us insulæ, sed etiam Sothera inscriptum uidi Syracusis.  
 hoc quantum est? ita magnum: ut latino uno uerbo ex  
 primi non possit. is est nimirum Sother: qui salutem de  
 dit. huius nomine etiam dies festi agitantur pulchra il  
 la Verrea, non quasi Marcellæ, sed pro marcelleis, quæ  
 illi istius iussu sustulerunt. huius fornex in foro Syracu



sis est: in quo nudus filius stat: ipse autem ex equo nu-  
 datam ab se provinciam prospicit. huius statuæ omni-  
 bus \* quæ hoc demonstrare uideantur: pro-  
 pmodum non minus multas statuas istum posuisse Sy-  
 racusis: quàm abstulisse. huic etiam Romæ uidemus in  
 basi statuarum maximis literis incisum, a communi Sici-  
 lia datas. quamobrem qui hoc probari potest cuiquam?  
 tantos honores habitos esse ab inuitis? Hic tibi etiam  
 multo magis, quàm ante in aratoribus uidendum et con-  
 siderandum est: quid uelis. magna res est. uirum tibi Si-  
 culos publice priuatimq; amicos, an inimicos existima-  
 ri uis? si inimicos: quid te futurum est? quo confugies?  
 ubi nitere? modo aratorum honestissimorum homi-  
 num, et locupletissimorum maximum numerum abs-  
 te abalienasti. nunc de Siculis ciuitatibus quid ages?  
 dices tibi Siculos esse amicos? qui poteris? qui, quod  
 nullo in homine antea fecerunt: ut in eum publice testi-  
 monium dicerent: cum præsertim ex ea provincia con-  
 dēnati sint complures, qui ibi prætores fuerunt: duo so-  
 li absoluti: huc conueniunt cum literis: ueniunt cum mæ-  
 datis: ueniunt cum testimonijs publicis: qui si te publice  
 laudarent: tamen id more potius suo, quàm merito tuo  
 facere uiderentur: hi cum de tuis factis publice conquæ-  
 runtur: non ne hoc indicant? tantas esse iniurias: ut mul-  
 to maluerint de suo more decedere: quàm de tuis mo-  
 ribus non dicere? confitendum est igitur tibi necessario:  
 Siculos inimicos esse: qui quidem et in te grauissima po-  
 stulata Consulibus ediderunt: et me ut hanc causam,  
 salutisq; suæ defensionem susceperem: obsecrarunt: qui  
 cum a prætore prohiberentur: a quatuor quæstoribus  
 impedirentur: omnium munas, atq; omnia pericula præ-



# IN VERREM

salute sua lenia duxerunt : qui priore actione ita testimonio grauius, uehementerq; dixerunt : ut Artemonem Centuripinum legatum, & publice testem, Q. Hortensius accusatorem, non testem esse diceret. etenim cum propter uirtutem, & fidem cum Androne homine honestissimo, & certissimo, tum etiam propter eloquentiam legatus a suis ciuibus electus est : ut posset multas istius, & uarias iniurias quam apertissime uobis, planissimeq; explicare. Dixerunt Halesini, Catineses, Tyndaritani, Ennenses, Herbitenses, Agyrinenses, Netinenses, Segestani. numerare omnes non est necesse. scitis quam multi, & quam multa priore actione dixerunt. nunc & illi, & reliqui dicent. omnes deniq; hoc in hac causa intelligent : hoc animo esse Siculos : ut si in istum animaduersum non sit : sibi relinquendas domos, ac sedes suas, & ex Sicilia decedendum, atq; adeo fugiendum esse arbitrentur. Hos homines tu persuadebis, ad honores, atq; amplitudinem tuam pecunias maximas uoluntate sua contulisse? credo. q te in tua ciuitate incolumem esse nollent : uel monumenta tue forme, ac nominis in suis ciuitatibus esse cupiebant. res declarauit : ut cupierint. iam dudum enim mihi nimium tenuiter Siculorum erga te uoluntatis argumenta colligere uideo : utrum statuas uoluerint tibi statuere : an coacti sint. de quo homine auditum est unquam, quod tibi accidit? ut eius in prouincia statuæ in locis publicis posita, partim etiam in ædibus sacris, per uim per uniuersam multitudinem deicerentur? tot homines in Asia nocentes, tot in Africa, tot in Hispania, Gallia, Sardinia, tot in ipsa Sicilia fuerunt : ecquo de homine hoc unquam audiui? nouum est Iudices : in Siculis qui-



dem, & in omnibus græcis monstri simile. non crederem hoc de statu: nisi iacentes, reuulsasq; uidissem: propterea quod apud omnes græcos hic mos est: ut honorē hominibus habitum in monumentis huiusmodi, nonnulla religione deorum consecrari arbitrentur. itaq; cum Rhodij bellum illud propē soli superius cum Mithridate rege gesserint: omnesq; eius copias, acerrimūq; eius impetum, a moenibus, litoribus, classibusq; suis exceperint: cum & regis inimici præter cæteros essent: statuam eius, quæ erat apud ipsos in celeberrimo urbis loco: ne tum quidem in ipsis urbis periculis attigerunt. forsitan uix conuenire uideretur: quem ipsum hominem cuperent euertere: eius effigiem simulacrumq; seruare. sed tamen uidebam, apud eos cum essem: & religionem esse quandam in his rebus à maioribus traditam: & hoc disputare: cum statua se eius habuisse temporis rationem, quo posita esset: cum homine uero, quo gereret bellum: atq; hostis esset. uidetis igitur. consuetudinem, religionemq; græcorum, quæ monumenta hostiū in bello ipso soleat defendere: eam summa in pace prætoris populi ro. statuīs præsidio non fuisse. Taurominitani, quorum est ciuitas fœderata: homines quietissimi, qui maxime ab iniurijs nostrorum magistratuum remotissimi consueuerant esse præsidio fœderis: hi tamen istius euertere statuam non dubitarunt. qua ablata, basin tamen in foro manere uoluerunt: quod grauius in istum fore putabant: si scirent homines statuam eius à Tauromitanis esse deiectam: quàm si nullam unquam positam arbitrentur. Tyndaritani deiecerunt in foro: & eadem de causa equum inanem reliquerunt. Leontini misera in ciuitate, atq; inani, tamen istius in



Gymnasio statua deiecta est. Nam quid ego de Syracusanis loquar, quod non est proprium Syracusanorum: sed et illorum commune, et conuentus illius, ac propè totius provinciae? quanta illuc multitudo, quanta vis hominum conuenisse dicebatur: tum cum statuae sunt illius deiectae, atq; euersae. at quo loco? celeberrimo, ac religiosissimo, ante ipsum sepim, in primo aditu, vestibuloq; templi. quod nisi Metellus hoc tam grauius egisset: atq; illam imperio, edictoq; prohibuisset: uestigium statuarum istius in tota Sicilia nullum esset relictum. Atq; ego hoc non uereor: ne quid horum non modo impulsu, uerum omnino aduentu meo factum esse uideatur. omnia ista ante facta sunt, non modo quam ego Siciliam, uerum etiam quam iste Italiam attigit. dum ego in Sicilia sum: nulla statua deiecta est. posteaquam illinc discessi: quae sunt gesta: cognoscite. Centuripinorum Senatus decreuit: populusq; iussit: ut quae statuae C. Verris ipsius, et patris, et filij essent: eas quaestores demoliendas locarent: dumq; ea demolitio fieret: Senatores XXX non minus adessent. Videte gravitatem ciuitatis, et dignitatem. neq; eas in urbe suas statuas esse uoluerunt: quas inuiti per uim, atq; imperium dedissent: neq; eius hominis: in quem ipsi cum grauissimo testimonio, quod nunquam antea, Romam mandata, legatosq; misissent. et id grauius esse putauerunt: si publico consilio, quam si per uim multitudinis factum uideretur. cum hoc consilio statuas Centuripini publice sustulissent: audit Metellus: grauius fert: euocat ad se Centuripinum magistratum, et decem primos: nisi restituissent statuas: uehementer ijs minatur. Illi ad Senatum renunciant: statuae, quae istius causae nihil pro



desse: reponuntur. Hic ego aliud alij concedo: Metello homini sapienti prorsus non possum ignoscere: si quid stulte facit. quid? ille hoc putabat Verris criminis fore? si eius statuæ essent deiectæ? quod sæpe uento, aut aliquo casu fieri solet. non erat in hoc neque crimen ullum, neque reprehensio. ex quo igitur crimen, atque accusatio nascitur? ex hominum iudicio, et uoluntate. ego, si Metellus statuas reponere Centuripinos non coegisset: hæc dicerem. uidete Iudices quantum, et quam acerbum dolorem sociorum, atque amicorum animis inuulerint istius iniuriæ: cum Centuripinorum amicissima, et fidelissima ciuitas, quæ tantis officijs cum populo Ro. coniuncta est: ut non solum Remp. nostram, sed etiam in quo uis homine privato nomen ipsum Romanorum semper dilexerit: ea publico consilio, atque auctoritate iudicari: C. Verris statuas esse in urbe sua non oportere. reatarem decreta Centuripinorum: laudarem illam ciuitatem: id quod uerissime possem: commemorarem X millia ciuium Centuripinorum fortissimorum, fidelissimorumque sociorum: eos omnes statuisse monumentum istius in sua ciuitate nullum esse oportere. Hæc tum dicerem: si statuas Metellus non reposuisset. uelim querere nunc ex ipso Metello, quidnam sua ui, et auctoritate mihi ex hac oratione præciderit. eadem opinor omnia conuenire. neque enim si maxime statuæ deiectæ essent: eas ego uobis possem iacētes ostendere: hoc uno uterer: ciuitatem tam grauem statuas iudicasse C. Verris demoliendas. hoc mihi Metellus non eripuit. hoc etiam addidit: ut quererem, si mihi uideretur, tam iniquo iure socijs, atque amicis imperari: ut ijs, ne in suis quidē beneficijs, libero iudicio uti liceret: ut uos roga rem: ut coniectu-



IN VERREM

ram faceretis, qualem in ijs rebus in me L. Metellum  
fuisse putaretis: in quibus rebus obesse mihi posset: cum  
in hac re tam aperta cupiditate fuerit: in qua nihil ob-  
fuit. sed ego Metello non ira scior: neq; ei suam purgatio-  
nem eripio: qua ille apud omnes utitur: ut nihil mali-  
ciose, neq; consulto fecisse uideatur. Iam igitur est ita p-  
spicuum, ut negare non possis: nullam tibi statuam uo-  
luntate cuiusquam datam: nullam pecuniam statua-  
rum nomine nisi ui expressam, & coactam. quo quidē  
in crimine non illud solum intelligi uolo: te ad statuas  
HS CXX millia coegisse: sed multo etiam illud magis,  
quod simul demonstrandum est: quantum odium in te  
aratorum, quantum omnium Siculorum sit: & fuerit:  
in quo quæ uestra defensio futura sit: coniectura assequi  
non queo. oderunt Siculi. togatorum enim causa mul-  
ta feci. at hi quidem acerrimi, inimicissimiq; sunt. ini-  
micos habeo ciues romanos: quod sociorum commoda,  
ac iura defendi. at socij in hostium numero se abs te ha-  
bitos queruntur. aratores inimici sunt propter decu-  
mas. quid? qui agros immunes, liberosq; arant: cur  
oderunt? cur Halestini? cur Centuripini? cur Segestani?  
cur Halicyenses? quod genus hominum? quem nume-  
rum? quem ordinem proferre possis? qui te non oderit?  
siue ciuium romanorum, siue Siculorum: ut etiam si cau-  
sam, cur te oderint, non possim dicere: tamen illud di-  
cendum putem: quem omnes mortales oderint: eum quoq;  
uobis odio esse oportere. An hoc dicere audebis? utrū  
de te aratores, utrum deniq; Siculi uniuersi, bene existi-  
ment, ad rem id non pertinere? neq; tu hoc dicere au-  
debis: neq; si cupies: licebit. eripiunt tibi istam orationem  
contemnendorum Siculorum, atq; aratorum, statuæ illæ



equestres: quas tu paulo ante, quàm ad urbem uenires: poni inscribiq; iussisti: ut omnium inimicorum animos accusatorumq; tardares. quis enim tibi molestus esset? aut quis appellare auderet? cum uideret statuas ab negociatoribus, ab aratoribus, à communi Sicilia? quod est aliud in illa prouincia genus humanum? nullum. ergo ab uniuersa prouincia, generatimq; à singulis eius partibus, non solum diligitur: sed etiam ornatur. quis hunc attingere audeat? potes igitur dicere, nihil tibi obesse oportere aratorum, negociatorum, Siculorumq; omnium testimonia? cum eorum nominibus in statuariâ inscriptione positis, omnem te sperabas inuidiâ, atq; infamiam tuam extinguere posse. An quorum auctoritate tu statuas cohonestare tuas conatus es: eorum ego dignitate accusationem meâ comprobare non potero? nisi forte, quod apud publicanos gratiosus fuisti: in ea re spes te aliqua consolatur. quæ gratia nequid tibi prodesse posset: ego mea diligentia perfecî: ut etiam obesse deberet: tu tua sapientia curasti. Etenim rem totam Iudices breuiter cognoscite. In Scriptura Siciliæ pro magistro est quidam L. Carpinatius: qui & sui questus causa, & fortasse quod sociorum interesse arbitrabatur: bene penitus in istius familiaritatem sese dedit. Is cum prætorem circum omnia fora sectaretur: neq; ab eo unquam discederet: in eam iam uenerat familiaritatem, consuetudinemq; in uendendis istius decretis, & iudicijs, transigendisq; negocijs: ut propè alter Timarchides numeraretur. hoc erat etiam capitalior: quod idem pecuniam ijs, qui ab isto aliquid mercabantur: fœnori dabat. ea autē fœneratio erat huiusmodi Iudices: ut etiâ hic quæstus huic cederet. nam quas pecunias ferebat is



# IN VERREM

expensas, quibus cum contraheret: aut scribere istius, aut Timarchidi, aut etiam ipsi isti referebat acceptas. Idem præterea pecunias istius extraordinarias grandes suo nomine foenerabatur. Hic primo Carpinatius antequam in istius tantam familiaritatem peruenisset: aliquotiens ad socios literas de istius iniurijs miserat. Canuleius uero, qui in portu Syracusis operas dabat: furtiva quoque istius permulta nominatim ad socios perscripserat ea, quæ sine portorio Syracusis erant exportata: portum autem, et scripturas eadem societas habebat. Ita factum est: ut essent permulta: quæ ex societatis literis dicere in istum, ac proferre possemus. uerum accidit: ut Carpinatius, qui iam cum isto summa consuetudine, præterea ratione coniunctus esset: crebras postea literas ad socios de istius summis officijs in rem communem, beneficijsque mitteret. Et enim tum iste omnia quæcumque Carpinatius postulabat, facere, ac decernere solebat: tum ille etiam plura scribebat ad socios: ut, si posset: quæ antea scripserat: ea plane extingueret. Ad extremum uero, cum iste iam decebat: eiusmodi literas ad eos misit: ut huic frequenter obuiam prodirent: gratiasque agerent: facturos esse, si quid imperasset, studiose pollicerentur. Itaque socij fecerunt, uetere instituto publicanorum, non quo istum ullo honore dignum arbitrarerentur: sed quod sua interesse putabant, se memores gratosque existimari: gratias isti egerunt: Carpinatium sæpe ad se de eius officijs literas misisse dixerunt. iste cum respondisset: ea se libenter fecisse: operasque Carpinatij magnopere laudasset: dat amico suo cuidam negocium, qui tum magister erat eius societatis: ut diligenter caueret: atque prospiceret: nequid esset in literis sociorum: quod contra suum caput, atque existimatio-



nem ualere posset. Itaq; ille multitudine sociorum remota, decumanos conuocat: rem defert. statuunt illi, atq; decernunt: ut hæ literæ quibus existimatio C. Verris læderetur: remouerentur: operaq; daretur: ne ea res C. Verris fraudi esse posset. Si ostendo hoc decreuisse decumanos: si planum facio hoc decreto remotas esse literas: quid expectatis amplius? possum ne rem magis iudicatam afferre? magis reum condemnatum in iudicium adducere? at quorum iudicio condænatum? nempe eorum: quos hi, qui seueriora iudicia desiderant: arbitrentur reos iudicari oportere: publicanorū iudicio. quos uidelicet nūc populus iudices poscit: de quibus, ut eos iudices habeamus, legē ab homine non nostri generis, non ex equestri loco profecto, sed nobilissimo promulgatam uidemus: Decumani, hoc est principes, & quasi Senatores publicanorum, remouendas de medio literas censuerunt. Habeo ex his qui affuerunt: quos producam homines honestissimos, ac locupletissimos, istos principes, Equestris ordinis: quorum splendore uel maxime istius, qui legem promulgauit: oratio, & causa nitatur. uenient in medium: dicent, quid statuerint: profecto si recte homines noui, non mentietur. literas enim communes de medio remouere potuerunt: fidem suam, & religionem remouere non possunt. Ergo Equites Ro. te suo iudicio condemnari noluerunt. Vos nunc utrum illorum iudicium, an uoluntatem sequi malitis, considerate. At uide, quid te amicorum tuorum studium, quid tuum consilium, quid sociorū uoluntas adiunget? dicam paulo amplius. neq; enim iam uereor, nequis hoc me magis accusatorie, quàm libere dixisse arbitretur. Si istas literas non decreto Decumanorum magistri remouissent: tantum possem in te dicere:



# IN VERREM

quantum in literis inuenissem. nunc decreto isto facto,  
literisq; remotis, tantum mihi licet dicere: quantum pos-  
sum: tantum iudici suspicari: quantum uelit. Dico te ma-  
ximum pondus auri, argenti, eboris, purpuræ, pluri-  
mam uestem melitensem, plurimam stragulam, multam  
delicatam supellectilem, plurima uasa corinthia, ma-  
gnum numerum frumenti, uim mellis maximam, Sy-  
racusis exportasse. his pro rebus, quod portorium non  
esset datum: literas ad socios misisse L. Canuleium: qui  
in portu operas daret. satis ne magnum hoc crimen ui-  
detur? nullum opinor maius. quid defendet Hortensius?  
postulabit ut literas Canulei proferam? crimen huiusmo-  
di nisi literis confirmetur: inane esse dicet? clamabo lite-  
ras remotas esse de medio: decreto sociorum erepta mihi  
esse istius indicia, ac monumenta furtorum. Aut hoc con-  
tendat nunquam esse factum: aut omnia tela excipiat ne-  
cesse est. negas esse factum? placet mihi ista defensio. de-  
scendo. æqua enim conditio, æquumq; certamen propo-  
nitur. producam testes: & producam plures eodem tem-  
pore. quoniam tum, cum actum est, una fuerunt: nunc  
quoq; una sunt. cum interrogabuntur: obligentur non solū  
iurisiurādi, atq; existimationis periculo. sed etiam com-  
muni inter se conscientia: si planum sit, hoc ita, quemad-  
modum dico, esse factum: non poteris dicere Hortensi,  
nihil in istis fuisse literis quod Verrem læderet. non mo-  
do id non dices: sed ne illud quidem tibi dicere licebit:  
tantum, quantum ego dicam, non fuisse. Ergo hoc uestro  
consilio, & gratia perfecistis: ut, quemmadmodum pau-  
lo ante dixi, & mihi summa facultas ad aduersandum da-  
retur: & iudicius libera potestas, ad credendum. quod  
cum ita sit: nihil fingam tamen: memunero me non sum-  
psisse, quem



pisse, quem accusarem: sed recepisse, quod defenderem:  
 uos ex me causam non à me prolatam, sed ad me dela-  
 tam audire oportere: me Siculis satis esse facturum: si quæ  
 cognoui in Sicilia: quæ accepi ab ipsis: diligenter expo-  
 suero: populo romano: si nullius uim, nullius potentiam  
 pertinuero: uobis: si facultatem uere, atq; honeste iudi-  
 candi, fide, & diligentia mea fecero: mihi in eo: si ne mi-  
 nimum quidem de meo curriculo uitæ, quod mihi sem-  
 per propositum fuit: decessero. quapropter nihil est, quod  
 metuas: ne quid mecum fingam: etiam quod lætere ha-  
 bes. multa enim quæ scio abs te esse commissa: quod aut ni-  
 mium turpia, aut parum credibilia sunt: prætermit-  
 tam. tantum agam de hoc toto nomine societatis: ut eam  
 scire possitis. quæram decretum ne sit? cum id inuene-  
 ro: quæram remotæ ne sint literæ? cum id quoq; consta-  
 bit: uos iam me tacito intelligetis: si illi, qui hoc istius cau-  
 sa decreuerunt, equites romani: nunc ydem in eum iu-  
 dices essent: istum sine dubio condemnarent: de quo lite-  
 ras eas, quæ istius furta indicarent, & ad se missas, &  
 suo decreto remotas scirent esse. quæ igitur ab ijs egi-  
 bus romanis, qui istius causa cupiunt omnia: qui ab eo be-  
 nignissime tractati sunt: condemnari necesse esset: is à  
 uobis Iudices nulla ui, aut ratione absolui potest. Ac ne  
 forte ea quæ remota de medio, atq; erepta uobis sunt:  
 omnia ita condita fuisse, atq; ita abdite latuisse uidean-  
 tur: ut hac diligentia, quàm ego à me expectari maxi-  
 me puto: nihil horum inuestigari: nihil assequi potuerit:  
 quæ consilio aliquo aut ratione inueniri potuerunt: in-  
 uenta sunt iudices. manifestis in rebus hominem iam te-  
 neri uidebitis. nam quod in publicanorum causis uel plu-  
 rimum ætatis meæ uersor: uehementerq; illum ordinem



# IN VERREM

obseruo: satis commode mihi uideor eorum consuetudi-  
nem usu, tractandoq; cognouisse. itaq; ut hoc comperi  
remotas esse literas societatis: habui rationem annorum:  
per quos iste in Sicilia fuisset: deinde quaesui: quod erat  
inuentu facillimum: qui per eosdem annos magistri isti-  
us societatis fuissent: sciebam enim hanc magistrorum,  
qui tabulas haberent: consuetudinem esse: ut cum tabu-  
las nouo magistro traderent: exempla literarum ipsi  
habere non nollent. itaq; ad L. Vibium Equitem Ro-  
mum primarium, quem reperiēbam magistrum fuisse  
eo ipso anno: qui mihi maxime querendus erat: pri-  
mum ueni. sane homini praeter opinionem improviso  
inadi: scrutatus sum, quae potui, et quaesui omnia: inue-  
ni duos solos libellos ab L. Canuleio missos socijs ex  
portu Syracusis: in quibus erat ratio scripta mensium co-  
plurium, rerum exportatarum istius nomine sine porto  
rio. itaq; obsignaui statim. erant haec ex eo genere, quod  
ego maxime genus ex sociorum literis reperire cupie-  
bam. uerum tantum inueni iudices: quod apud uos qua-  
si exempli causa proferre possem. sed tamen quicquid  
erit in his libellis: quantulumcunq; uidebitur esse: hoc qui-  
dem certe manifestum erit. de caeteris ex hoc coniectura  
facere debebitis. recita mihi quaso hunc primum libel-  
lum. deinde illum alterum Libellum, Canulei. Iam no-  
quero unde CCCC amphoras mellis habueris: unde  
tantam Melitensem uestem: unde quinquaginta tricli-  
niorum lectos: unde tot candelabra: non inquam iam  
quero unde haec habueris: sed quo tibi tantum opus fue-  
rit: id quero. mitto de melle. sed tantum ne Melitensium?  
quasi etiam amicorum uxores: tantum lectorum? quasi  
etiam omnium istorum uillas ornaturus esses. Cum haec



paucorum mensum ratio in his libellis sit: facite ut uobis triennij totius ueniat in mentem. sic contendo. ex his paruis libellis apud unum magistrum societatis reperi-  
tis, uos iam coniectura assequi posse: cuiusmodi prædo iste in illa prouincia fuerit: quàm multas cupiditates, quàm uarias, quàm infinitas habuerit: quantam pecuniam non solum numeratam, uerum etiam huiuscemodi rebus positam confecerit. quæ nobis alio loco planius explicabuntur. nunc hoc attendite. his exportationibus, quæ recitatae sunt: scribit HS LX socios perdidisse ex uicesima portorij Syracusis. pauculis igitur mensibus, uel hi pusilli, & contempti libelli indicant: furti prætoris, quæ essent HS duodecies ex uno oppido solo exportata sunt. Cogitate nunc, cum illa sit hæc insula: quæ undiq; exitus maritimos habeat: quid ex cæteris locis exportatum putetis? quid Agrigento? quid Lilybeo? quid Panormo? quid Thermis? quid Halefa? quid Catina? quid ex cæteris oppidis? quid uero Messana? quem iste sibi locum maxime tutum arbitrabatur: ubi animo semper soluto liberoq; erat: quod sibi iste Mamertinos delegerat: ad quos omnia quæ aut diligentius seruanda, aut occultius exportanda erant: deportaret. His inuentis libellis, cæteri remoti, & diligentius sunt reconditi. nos tamen, ut omnes intelligant, hoc nos sine cupiditate agere: his ipsis libellis contenti sumus. Nunc ad sociorum tabulas accepti, & expensi, quas remouere honeste nullo modo potuerunt: & ad amicum tuum Carpinatium reuertemur. Inspiciebamus Syracusis à Carpinatio confectas tabulas societatis: quæ significabant multis nominibus eos homines uersuram à Carpinatio fecisse: qui pecuniam Verri dedissent. Erit uobis luce clari-



# IN VERREM

us Iudices: cum eos ipsos produxero: qui dederunt. intelligetis enim illa tempora, per quæ, cum essent in periculo: precio sese redemerunt: cum societatis tabulis non solum Consulibus, uerum etiam mensibus conuenire. cum hæc maxime cognoscemus: & iam in manibus tabulas haberemus: repente aspiciamus lituras eiusmodi, quasi quædam uulnera tabularum recentia. statim suspicione offensi, ad ea ipsa nomina oculos animumque trāstulimus. erant acceptæ pecuniæ à C. Verrutio, sic tamen, ut usque alterum, r, literæ constarent integræ: reliquæ omnes essent in litura. alterum, tertium, quartum, permulta erant eiusmodi nomina. Cum manifesta res, tum flagitiosa tabularum, atque insignis turpitudine teneatur: quærere incepimus de Carpinatio, quisnam esset is Verrutius: qui tum tantæ pecuniæ rationem haberet: hæere homo: auersari: rubere. quod lege excipiuntur tabulæ publicanorum: quo minus Romam deportentur: ut res quammaxime clara, ac testata esse posset: in ius ad Metellum Carpinatium uoco: tabulasque societatis in forum defero. fit maximus concursus hominum: & quod erat Carpinatii nota cum isto prætore societas, ac fœneratio: summe expectabant omnes, quid in tabulis contineretur. rem ad Metellum defero: me tabulas prospexisse sociorum: in his tabulis magnam rationem C. Verrutij permultis nominibus esse: meque hoc perspicere ex Consulum mensiumque ratione: hunc Verrutum neque ante aduentum C. Verris, neque post decessionem, quicquam cum Carpinatio rationis habuisse. postulo mihi respondeat, qui sit iste Verrutius: mercator, an arator, an pecuarius? in Sicilia sit? an decesserit? clamare omnes ex conuentu: neminem unquam ex Sicilia fuisse Verrutum.



ego instare, ut mihi responderet: ubi esset? quis esset? unde esset? cur seruus societatis, qui tabulas confecerit: semper in Verrutij nomine certo ex loco mendosus esset? Atque hæc postulabam: non quo illum cogi putarem oportere: ut ea mihi responderet inuitus: sed ut omnibus, istius furta, illius flagitium, utriusque audacia perspicua esse posset. Itaque illum iniuriæ metu, conscientiaque peccati mutum, atque exanimatum, ac uix uiuum relinquo: tabulas in foro summa hominum frequentia exscribo: adhibentur in exscribendo de conuentu uiri primarij: literæ lituræque omnes assimulatæ, expressæ, de tabulis in libros transferuntur. Hæc omnia summa cura, et diligentia, recognita, et collata, et ab hominibus honestissimis ob signata sunt. Si Carpinatius tum mihi respondere noluit: responde mihi nunc tu Verres: quem esse hunc, tuum penè gentilem, Verrutium putes? fieri non potest: ut quæ uideo te prætor in Sicilia fuisse: et quem ex ipsa ratione intelligo locupletem fuisse: eum tu in tua prouincia nō cognoris. Atque adeo hoc ne longius, aut obscurius esse possit: procedite in medium: explicite descriptionem, imaginemque tabularum: ut omnes mortales istius auariciæ nō iam uestigia, sed ipsa cubilia uidere possint. uidetis Verrutium? uidetis primas literas integras? uidetis extremam partem nominis, caudam illam Verris tanquam in luto demersam esse in litura? Sic habent se tabulæ Iudices, ut uidetis. quid expectatis? quid quæritis amplius? tu ipse Verres quid sedes? quid moraris? nam aut exhibeas nobis Verrutium necesse est: aut te esse Verrutium fateare. laudantur oratores ueteres Crassi illi, et Antonij: quod crimina diluere diluade, quod copiose reorum causas defendere solebant. nimirum illi, non ingenio so-



# IN VERREM

lum his patronis, sed fortuna etiam præstiterunt. nemo enim tunc ita peccabat: ut defensionis locum non relinqueret: nemo ita vivebat: ut nulla eius vitæ pars summæ turpitudinis esset expers: nemo ita in manifesto peccato tenebatur: ut cum impudens fuisset in facto: tum impudentior uideretur: si negaret. nunc uero quid faciat Hortensius? auaricie ne crimina frugalitatis laudibus deprecetur? at hominem flagitiosissimum, libidinosissimum, nequissimumq; defendit. an ab hac eius infamia nequitia, uestros animos in aliam partem fortitudinis commemoratione traducat? at homo inertior, ignauior, magis uir inter mulieres, quam impura inter uiros muliercula, proferri non potest. at mores commodi. quis contumacior? quis inhumanior? quis superbior? ad hæc sine cuiusquam malo: quis acerbior? quis insidiosior? quis crudelior unquam fuit? in hoc homine, atq; in eiusmodi causa, quid facerent omnes Crassi, & Antoni? tantum opinor Hortensi, ad hanc causam non accederent: neq; in alterius impudentia sui pudoris existimationem amitterent. liberi enim ad causas, solutiq; ueniebant: neq; committebant: ut si impudentes in defendendo esse noluisent: ingrati in deferendo existimarentur.



148  
ACCUSATIONIS IN C. VER-

REM LIBER V. ORA-

TIO VIII.

MNES qui alterum Iudices nullis im-  
pulsu inimicitij, nulla priuatum lesi iniu-  
ria, nullo præmio adducti, in iudicium  
Reip. causa uocant: prouidere debent, nō

solum quid oneris in præsentia tollant: sed etiam quan-  
tum in omnem uitam negotij suscipere conentur. legem  
enim sibi ipsi indicunt innocentiae, continentiae, uirtu-  
tumq; omnium, qui ab altero rationem uitæ reposcant:  
atq; eo magis, si id, ut ante dixi, faciunt nulla re commo-  
ti alia, nisi utilitate communi. nam qui sibi hoc sumpsit:  
ut corrigat mores aliorum: ac peccata reprehendat: quis  
huic ignoscit: si qua in re ipse ab religione officij decli-  
nari? quapropter hoc etiam magis ab omnibus eiusmo-  
di cuius laudandus, ac diligendus est: qui non solū Reip.  
ciuem improbum remouet: uerum etiam seipsum eius-  
modi fore profitetur: ac præstat: ut sibi non modo com-  
muni uoluntate uirtutis, atq; officij: sed etiam, ut quadā  
magis necessaria ratione recte sit, honesteq; uiuendum.  
Ita hoc Iudices ex homine clarissimo, atq; eloquentissi-  
mo L. Crasso sæpe auditum est: cum se nullius rei tam  
pœnitere diceret: quàm quod C. Carbonem unquam in  
iudicium uocauisset. minus enim liberas omnium uolun-  
tates rerum habebat: & uitam suam pluribus, quæ uellet,  
observari oculis arbitrabatur. Atq; ille his præsidij in-  
genij, fortunæq; munitus, tamen hac cura continebatur:  
quam sibi pondum confirmato consilio, sed ineunte æta-



# IN VERREM

te suscepit. quo minus etiam perspicitur eorum uirtus,  
 et integritas: qui ad hanc rem adolescentuli, qui iam fir-  
 mata aetate descendunt. illi enim, antequam potuerunt  
 existimare, quanto liberior uita sit eorum, qui neminem  
 accusarint: gloriae causa, atque ostentationis accusant. nos,  
 qui iam et quid facere, et quantulum iudicare posse  
 mus, ostendimus: nisi facile cupiditates nostras tenere-  
 mus: nunquam ipsimet nobis praecaderemus istam licen-  
 tiam, libertatemque uiuendi. atque hoc ego plus oneris ha-  
 beo: quam qui ceteros accusarunt (si onus est id appel-  
 landum: quod cum leticia feras, ac uoluptate) uerum-  
 tamen hoc ego amplius suscepi, quam ceteri: quod ita  
 postulatur ab omnibus: ut ab ipsis se abstineant maxime  
 uicijs: in quibus alterum reprehenderunt. furem ali-  
 quem, aut rapacem accusari: uitanda tibi semper erit  
 omnis auariciae suspicio. maleficum quempiam adduxe-  
 ris, aut crudelem: cauendum erit semper, ne qua in re  
 asperior, aut inhumanior fuisse uideare. corruptorem,  
 adulterum: prouidendum diligenter, ne quod in uita ue-  
 stigium libidinis appareat. omnia postremo, quae uin-  
 dicari in altero: tibi ipsi uehementer fugienda sunt. et  
 enim non modo accusator, sed ne obiurgator quidem fere  
 dus est is: qui quod in altero uicium reprehendit: in eo  
 ipse deprehenditur. ego in uno homine omnia uitia,  
 quae possunt in homine perditio nefarioque esse, reprehen-  
 do: nullum esse indicium libidinis, sceleris, audaciae, quod  
 non in unius istius uita perspicere possitis. ego in isto reo  
 legem hanc Iudices mihi statuo: uiuendum ita esse: ut  
 isti non modo factis, dictisque omnibus, sed etiam oris, ocu-  
 lorumque illa contumacia, ac superbia, quam uidetis:  
 dissimillimus esse, ac semper fuisse uidear. patior non

*Amplius.*

*Atticus. 68.*

59.



moleste Iudices: eam uitam, quæ mihi sua sponte ante  
 iucunda fuerit: nunc iam mea lege, et conditione ne-  
 cessariam quoque futuram. Et in hoc homine sæpe à me  
 quæris Hortensii: quibus inimicitijs, aut qua iniuria ad-  
 ductus, ad accusandum descenderim. mitto iam ra-  
 tionem officij mei, necessitudinisq; Siculorum: de ipsis ti-  
 bi inimicitijs respondeo. an tu maiores ulla inimicitias  
 putas esse, q̃ contrarias hominum sententias, ac dissimi-  
 litudines studiorum, et uoluntatum? fidem sanctissimã  
 in uita qui putat: potest ei non inimicus esse: qui quæ-  
 stor Consulem suum consilijs commissis, pecunia tradi-  
 ta, rebus omnibus creditis, spoliare, relinquere, prode-  
 re, oppugnare ausus sit? pudorem, et pudicitiam qui co-  
 lit: potest animo æquo istius quotidiana adulteria, mere-  
 triciam disciplinam, domesticum lenocinium uidere?  
 qui religiones deorum immortalium retinere uult: ei,  
 qui fana spoliari omnia: qui ex Thēsaurum orbis præ-  
 dari sit ausus: inimicus nō esse qui potest? qui iure æquo  
 omnes putat esse oportere: is tibi nō infestissimus sit? cum  
 cogitet uarietatem, libidinemq; decretorum tuorum?  
 qui sociorum iniurijs, prouinciarumq; incommodis do-  
 leat: is in te non expilatione Asiæ, uexatione Pam-  
 philiæ, squalore et lachrymis Siciliae concitetur? qui  
 ciuium Ro. iura, ac libertatem sanctam apud omnes ha-  
 beri uult: is non tibi plus etiam, quàm inimicus esse  
 debeat? cum tua uerbera, cum seures, cum cruces, ad ci-  
 uium Ro. supplicia fixas recordetur? an si qua in re cō-  
 tra rem meam decreisset aliquid iniuria: iure me ei ini-  
 micum esse arbitrarer. cum omnia contra omnium bo-  
 norum rē, causam, rationem, utilitatem, uoluntatemq;  
 fecerit: quæris cur ei sim inimicus? cui Po. Ro. infestus



# IN VERREM

sit: qui praesertim plus etiam quam pars uirilis postu-  
 lat: pro uoluntate populi Ro. oneris, ac muneris suscipe  
 re debeam. quid illa, quae leuiores uidentur esse: non cuius  
 animus possunt mouere? quod ad tua ipsius ami-  
 citiam, ceterorumque omnium maiorum, atque nobilium,  
 faciliorem aditum istius habet nequitia, et audacia, quam  
 cuiusquam nostrum uirtus, et integritas. odistis homi-  
 num nouorum industrias: despiciatis eorum frugalita-  
 tem: pudorem contemnitis: ingenium uero, et uirtu-  
 tem depressam extinctamque cupitis: Verrem amatis. ita  
 credo: si non uirtute, non industria, non innocentia, non  
 pudore, non pudicitia, at sermone, at literis, at humani-  
 tate eius delectamini. nihil horum est: contraque sunt  
 omnia: cum summo dedecore ac turpitudine, tum singu-  
 lari stulticia, atque inhumanitate oblita. Huic homini si  
 cuius domus pater: utrum ea patere: an hiare, ac posce-  
 re aliquid uidetur? hunc uestri ianitores, hunc cubicularij  
 diligunt: hunc liberti uestri, hunc serui, ancillaeque amat:  
 hic cum uenit: extra ordinem uocatur: hic solus intro-  
 ducitur: ceteri saepe frugalissimi homines excludun-  
 tur. ex quo intelligi potest: eos uobis esse carissimos: qui  
 ita uixerunt: ut sine uestro praesidio salui esse non pos-  
 sint. Quid hoc cuiquam ferendum putas esse? nos ita  
 uiuere in pecunia tenui: ut prorsus nihil acquirere ue-  
 limus? ut dignitatem nostram populi que Ro. beneficia  
 non copijs, sed uirtute tueamur? istum rebus omnibus  
 undique creptis, impune eludetem, circumfluere, atque abu-  
 dare? huius argento domos uestras, huius signis, et ta-  
 bulis forum, comitiumque ornari? praesertim cum uos  
 uestro Marte his rebus omnibus abundetis? Verrem esse:  
 qui uestras uillas suis manibus ornet: Verrem esse: qui



cum L. Mummio certet: ut plures hic sociorum urbes,  
quàm ille hostium spoliasset uideatur: plures hic solus  
uillas ornamentis sanorum, quàm ille sana spolijs ho-  
stium ornasse. et is erit ob eam rem uobis carior: ut cæ-  
teri libentius suo periculo uestris cupiditatibus seruiant.  
uerum hæc dicentur alio loco: & dicta sunt. nunc pro-  
fiscemur ad reliqua: si pauca ante erimus à uobis Iu-  
dices deprecati. superiore omni oratione per attentos ue-  
stros animos habuimus. id fuit nobis gratum admodum:  
sed multo erit gratius: si reliqua uoletis attendere. pro-  
pterea quod in his omnibus, quæ antea dicta sunt: erat  
quædam ex ipsa uarietate, ac nouitate rerum, ac cri-  
minum delectatio. nunc tractare causam instituimus fru-  
mentariam: quæ magnitudine iniuriæ fere criminibus  
cæteris antecellit: iucunditatis in agendo, & uarietatis  
minus habebit: uestra autem auctoritate, & prudentia  
dignissimum est Iudices: in audiendo diligentiam non mi-  
nus religioni tribuere, quàm uoluptati. In hac causa  
frumentaria cognoscenda, hæc uobis proponite Iudices:  
uos de rebus, fortunisq; sicularum omnium, de ciuium  
Ro. qui arant in Sicilia: bonis, de uestigalibus à maio-  
ribus traditis, de uita uictuq; populi Ro. cognituros. quæ  
si magna, atq; adeo maxima uobis uidentur: quàm ua-  
rie, & quàm copiose dicantur, expectare nolite. Nemi-  
nem uestrum præterit Iudices: omnem utilitatem, opor-  
tunitatemq; prouinciæ Siciliæ, quæ ad commoda popu-  
li Ro. adiuncta sit: consistere in re frumentaria maxime:  
in cæteris rebus adiuuamur ex illa prouincia: hac ue-  
ro alimur, ac sustinemur. Ea causa tripartita Iudices  
erit in accusatione. primū enim de decumano: deinde de  
empto dicemus frumento: postremo de aestimato. Inter Sic



# IN VERREM

liam cæterasq; provincias Iudices in agrorum uectiga-  
lium rationibus hoc interest: quod cæteris, aut impo-  
situm uectigal est certum: quod stipendiarium dicitur: ut  
Hispanis, & plerisq; Pœnorum, quasi uictoriæ præ-  
mium ac pœna belli: aut censoria locatio constituta est:  
ut Asia lege Sempronia. Siciliæ ciuitates sic in amicitia,  
fidemq; recepimus: ut eodem iure essent, quo fuissent:  
eadem conditione populo Ro. parerent: quæ suis antea pa-  
ruissent. per pauca Siciliæ ciuitates sunt bello à maiori-  
bus nostris subactæ: quarum ager cum esset publicus  
populi Ro. factus: tamen illis est redditus. is ager à Cen-  
soribus locari solet. fœderatæ ciuitates duæ sunt: qua-  
rum decumæ uenire non soleant: Mamertina, & Tau-  
romunitana. quinq; præterea sine fœdere immunes ciui-  
tates, ac liberæ: Centuripina, Halesina, Segestana, Hali-  
cynensis, Panormitana. præterea omnis ager Siciliæ ci-  
uitatum decumarius est: itemq; ante imperiū populi Ro.  
ipsorum siculorum uoluntate, & institutus fuit. Videte  
nunc maiorum sapientiam: qui, cum Siciliam tam opor-  
tunum subsidiū belli, atq; pacis ad Remp. adiunxissent:  
tanta cura Siculos tueri, & retinere uoluerunt: ut non-  
modo eorum agris uectigal nouum nullum impone-  
rent: sed ne legem quidem uenditionis decumarum: ne-  
ue uendundis, aut tempus, aut locum commutarent: ut  
certo tempore anni: ut ibidem in Sicilia: deniq; ut lege  
Hieronica uenderent. uoluerunt eos in suis rebus ip-  
sos interesse: eorum animos, non modo lege noua, sed  
ne nomine quidem legis nouo commoueri. Ita decu-  
mas lege Hieronica semper uendendas censuerunt: ut  
iis iucundior esset muneris illius functio: si eius regis,  
qui Siculis atrissimus fuit: non solum instituta commu-



tato imperio, uerum etiam nomen maneret. hoc iure ante Verrem prætorem Siculi semper usi sunt. hic primus instituta omnium, consuetudinem à maioribus traditam, conditionem amicitiae, ius societatis, conuellere, et commutare ausus est. Qua in re primum illud reprehendo, et accuso: cur in re tam ueteri, tam usitata quicquam noui feceris? ingenio aliquid affectus es? tot homines sapientissimos, qui illam provinciam ante te tenuerunt: prudentia consilioque uicisti? est tuum: est ingenij prudentiaeque tuæ: do hoc tibi: et concedo: scio te Romæ cum prætor esses: edicto tuo possessiones hereditatum ad alienos: à primis heredibus, ad secundos: à legibus, ad libidinem tuam transtulisse: scio te edicta superiorum omnium correxisse: et possessiones hereditatum non secundum eos, qui proferrent, sed secundum eos, qui dicerent testamentum factum, dedisse: easque res nouas abs te prolatas, et inuentas, magno tibi quaestui fuisse scio. eundemque te memini, Censorias quoque leges in sartis tectis exigendis, tollere, et commutare: ne is redimeret: cuius res esset: ne pupillo tutores, propinqui que consulerent: quo minus fortunis omnibus euerteretur: exiguum diem præfiniri operi, quæ cæteros ab negotio excluderes: ipse in tuo redemptore nullam certam diem obseruares. quamobrem nouam legem te in decumis statuisse non miror, hominem in edictis prætoris, in censorijs legibus, tam prudentem, tam exercitatum. non inquam miror, te aliquid excogitasse. sed quod tua sponte, iniussu Populi, sine Senatus autoritate, iura provinciae Siciliae mutaris: id reprehendo: id accuso. L. Octauio et C. Cottæ cōsulibus Senatus permisit: ut uini, et olei decumas, et frugum minutarum, quas ante te quaestores



in Sicilia uendere consueissent: Romæ uederent: legemq;  
his rebus, quam ipsis uideretur: edicerent. cum loca-  
tio fieret: publicani postularunt, quasdā res ut ad legem  
addarent: neq; tamē a Censorijs cæteris ligibus recede-  
rent. contradixit is, qui casu tum Romæ fuit: tuus hospes  
Verres, hospes inquam, & familiaris tuus Sthenius hic  
Thermitanus. consules causam cognouerunt: cum ui-  
ros primarios, atq; amplissimos ciuitatis multos in consi-  
lium aduocassent: de consilij sententia pronunciarunt:  
se lege Hieronica uendituros. Ita ne uero? prudentissi-  
mi uiri, summa autoritate præditi, quibus Senatus le-  
gum dicendarum in locandis uectigalibus omnem po-  
testatem permiserat: Populusq; Ro. idem iusserat: sicut  
lo uno recusante, cum amplificatione uectigalium, no-  
men Hieronicae legis mutare noluerunt. tu homo mini-  
mi consilij, nullius autoritatis, iniussu populi, ac Sena-  
tus, tota Sicilia recusante, cum maximo detrimento, atq;  
adeo exitio uectigalium, totam Hieronicam legem su-  
stulisti. At quam legem corrigit Iudices? atq; adeo to-  
tam tollit? acutissime, ac diligentissime scriptam: quæ  
omnibus custodijs subiectum aratorem decumano tra-  
dit: ut neq; in segetibus, neq; in arcis, neq; in horreis,  
neq; in amouendo, neq; in asportando frumento, grano  
uno posset arator sine maxima poena fraudare decu-  
manum. scripta lex ita diligenter est: ut eum scripsisse ap-  
pareat: qui alia uectigalia non haberet. ita acute: ut Si-  
culum. ita seuerè: ut Tyrannum. qua lege Siculis ta-  
men arare expediret. nam ita diligenter constituta sunt  
iura decumani: ut tamen ab inuito aratore plus decu-  
ma non possit auferri. Cum hæc essent ita constituta:  
Verres tot annis, atq; adeo seculis inuentus est: qui hæc,



non commutarit: sed euenterit: eaq; quae iam diu ad salutem sociorum, utilitatem Reip. composita, comparataq; essent: ad suos improbissimos quæstus conuerteret. qui primum certos instituerit, nomine decumanos, re uera ministros, ac satellites cupiditatum suarum: per quos ostendam sic provinciam per triennium uexatam, atq; uastatam iudices: ut eam multis annis multorum innocentia, sapientiaq; recreare nequeamus. Eorum omnium, qui Decumani uocabantur: princeps erat Q. ille Apronius, quem uidetis: de cuius improbitate singulari, grauissimarum legationum querimonias audistis. aspiciate Iudices uultum hominis, & aspectum: & ex ea contumacia, quam hic in perditis rebus retinet: illos eius spiritus Sicilienses quos fuisse putetis, cogitate: ac recordamini. hic est Apronius: quem, in provincia tota Verres cum undiq; nequissimos homines conquisisset: et cum ipse secum sui similes duxisset non parum multos: nequitia, luxuria, audacia, sui simillimum iudicauit. itaq; istos inter se perbreui tempore, non res, non ratio, non commedatio aliqua, sed studiorum turpitudine, similitudoq; coniunxit. Verris mores improbos, impurosq; nostis: fingite uobis, si potestis, aliquem: qui in omnibus istis rebus par ad omnium flagitiorum nefarias libidines esse possit. is erat Apronius ille: qui, ut ipse non solum uita sed etiam corpore, atq; ore significat: immensa aliqua uorago est, aut gurgis uiciorum, turpitudinumq; omnium. hunc in omnibus stupris, in fanorum expilationibus, hunc in impuris conuiuijs principem adhibebat: tantamq; habebat morum similitudo coniunctionem, atq; concordiam: ut Apronius, qui alijs inhumanus, ac barbarus, isti uni commodus, ac disertus uideretur: ut, quem



# IN VERREM

omnes odissent: neque uidere uellent: sine eo iste esse non posset: ut, cum alij ne conuiujs quidem yisdem, quibus Apronius: hic yisdem etiam poculis uteretur: postremo ut odor Apronij teterrimus oris, et corporis, quem ut aiunt ne bestiae quidem ferre possent: uni isti suauis, et iucundus uideretur. ille erat in tribunali proximus: in cubiculo solus: in conuiuio dominus: ac tum maxime: cum acubante praetextato praetoris filio, in conuiuio saltare nudus coeperat. hunc, uti dicere institui, principem Verres ad euertendas fortunas aratorum, uexas, diripiendasque esse uoluit: huius audaciae, nequitiae, crudelitatis, fidelissimos socios optimosque ciues scitote hoc Praetor traditos Iudices, atque addictos fuisse, nouis institutis, et edictis, tota Hieronica lege (quemadmodum antea dixi) reiecta et repudiata. Primum edictum Iudices audite praclarum: quantum Decumanus edidisset aratorem sibi decumae dare oportere: ut tantum arator Decumano dare cogeretur. quomodo? quantum poposcerit Apronius, dato. quid est hoc? utrum Praetoris institutum in socios, an in hostes uictos insani edictum, atque imperium tyranni? ego tantundem, quantum ille poposcerit: poscet omne quantum et arauero. quid omne? plus immo etiam inquit: si uolet. quid tum? quid censes? aut dabis: aut contra edictum fecisse danabere. per deos immortales quid est hoc? uerisimile enim non est. sic mihi persuadeo Iudices: tamen si omnia in istum hominem conuenire putetis: tamen hoc uobis falsum uideri. ego enim, cum hoc tota Sicilia diceret: tamen affirmare non auderem: si haec edicta non ex ipsius tabulis totidem uerbis recitare possem: sicuti faciam. da quaeso Scribae. recitet ex codice. Recita Edictum de professione. Negat me recitare totum: nam



tum: nam id nutu significare uidetur. quid prætere-  
 reo? an illud ubi caues tamen Siculis: & miseros re-  
 spicias aratores? dicis enim te in Decumanum, si plura  
 sustulerit: quam debitum sit: in octuplum iudicium  
 daturum esse. nihil mihi placet prætermitti. recta  
 hoc quoque, quod postulat, totum. Recta Edi-  
 ctum. de iudicio in octuplum. Iudicio ut arator De-  
 cumanum persequatur? miserum, atque iniquum ex  
 agro homines traduci in forum: ab aratro ad subse-  
 lia: ab usu rerum rusticarum, ad insolitam litem, atq;  
 iudicium. cum omnibus in alijs uestigalibus, Asiæ, Ma-  
 cedoniæ, Hispaniæ, Galliæ, Africæ, Sardinia, ipsius  
 Italiae, quæ uestigalia sunt: cum in his inquam, rebus  
 omnibus publicanus petitor, ac pignerator, nõ ereptor,  
 neq; possessor soleat esse: tu de optimo, de iustissimo, de ho-  
 nestissimo genere hominum, hoc est de aratoribus, ea iu-  
 ra constituebas: quæ omnibus alijs essent contraria. Vtrũ  
 est æquius Decumanum petere: an aratorem repetere? ius  
 dictũ integra re, an perdita fieri? eum, qui manu quæ-  
 sierit, an eum qui digito licitus sit, possidere? quid qui in  
 singulis iugis arant: q ab opere ipsi non recedunt: quo in  
 numero magnus ante te prætorẽ numerus, magna multi-  
 tudo Siculorum fuit: quid facient? cum dederint Apro-  
 nio: quod poposcerit: relinquent arationes? relinquent  
 larem familiarem suam? uenient Syracusas? ut te præ-  
 tore uidelicet, æquo iure Apronium delicias, ac uitam  
 tuam iudicio recuperatorio persequantur? Verum esto:  
 reperietur aliquis fortis, experiens, arator: qui cum tan-  
 tum dederit Decumano: quantum ille deberi dixerit: iu-  
 dicio repetat: & poenam octupli persequatur. expecto  
 uim edicti: seueritatem Prætoris: faueo aratori: cupio



# IN VERREM

octupli damnari Apronium. quid tandē postulat arator? nihil, nisi ex edicto iudicium in octuplū. quid Apronius? non recusat. quid Prætor? iubet Recuperatores reijcere decurias. scribamus quas decurias. de cohorte mea reijcies inquit. quid? ista cohors quorum hominum est? Volusij aruspices, & Cornelij medici, & horum canum, quos tribunal meum uides lambere. nam de conuentu nullum unquam iudicem, nec Recuperatorem dedit: iniquos Decumanis omnes dicebat esse: qui unam a gri glebam possiderent. ueniendum erat ad eos contra Apronium, qui nondum etiam Aproniani conuiuij crapulam exhalassent. O' præclarum, & commemorandum iudicium: O' seuerum edictum: O' tutum perfugium aratorum. Atq; ut intelligatis cuiusmodi ista iudicia in octuplum: cuiusmodi, istius de cohorte recuperatores existimati sint: sic attendite. Ecquē putatis Decumanum hac licentia permissa, ut tantum ab aratore, quantum poposcisset, auferret: plus quàm deberetur poposcisse? considerate cum uestris animis uos metipsi: ecquē putetis? præsertim cum id non solum sine auaricia, sed etiam imprudentia accidere potuerit. multos necesse est. at ego omnes dico, plus quàm decumas abstulisse. cedo mihi unum ex triennio Præturæ tuæ, qui octupli dānatus sit. damnatus? immo uero in quem iudicium ex edicto tuo postulatum sit. nemo erat uidelicet aratorum, qui iniuriā sibi factam queri posset: nemo Decumanorum, qui grano amplius, sibi quàm deberetur, deberi professus esset. immo uero contra, rapiebat, & asportabat quantum à quoq; uolebat, Apronius: omnibus autem locis aratores spoliati, ac uexati querebantur: neq; tamen ullum iudicium reperietur. quid est hoc? uiri for-



tes, honesti, gratiosi, tot Siculi, tot Equites Ro. ab homine  
 nequissimo, ac turpissimo læsi, pœnam octupli sine ulla  
 dubitatione commissam non persequabantur? quæ cau-  
 sa? quæ ratio est? una illa Iudices, quam uidetis: quod ul-  
 tro etiam illusos, se, & irritos ab iudicio discessuros ui-  
 debant. etenim quod esset iudicium? cum è Verris turpis-  
 simo flagitiosissimoq; comutatu tres recuperatorum no-  
 mine assedissent, asseclæ istius, non à patre ei traditi,  
 sed à meretricula commendati? ageret uidelicet causam  
 arator: nihil sibi frumenti ab Apronio relictum: bona  
 sua etiam direpta: se pulsatum, uerberatumq;, diceret.  
 conferrent uiri boni capita: de comessatione loquerentur  
 inter se, ac de mulierculis, si quas, à prætore abeuntes  
 possent deprehendere: res agi uideretur. surrexisset Apro-  
 nius, noua dignitas publicani, non ut Decumanus squa-  
 loris plenus, ac pulueris, sed unguentis oblitus, uino, ui-  
 gilijsq; languidus: omnia primo motu, ac spiritu suo, ui-  
 ni, unguenti, corporis odore complexer: dixisset hæc, quæ  
 uulgo dicere solebat: non se decumas emisse: sed bona,  
 fortunasq; aratorum: non se Decumanum esse Aproni-  
 um: sed Verrem alterum, dominum illorum, ac tyrannu-  
 num. quæ cum dixisset: illi uiri optimi de cohorte istius  
 Recuperatores, non de absoluendo Apronio delibera-  
 rent: sed quærerent, quomodo petito rem ipsum Apronio  
 permisissent: ut quantum uellet, posceret: quantum popo-  
 scisset: auferret. hoc tibi defensionis ad iudicium tuum  
 comparabas: habuisse te edictum, Recuperatores datu-  
 rum in octuplum? si mehercule ex omni copia conuen-  
 tus Syracusani splendidissimorum hominum, honestis-  
 simorumq; faceres potestatem aratori, non modo reijcien-  
 di, sed etiam sumendi recuperatores: tamen hoc nouum



# IN VERREM

genus iniuriæ ferre nemo posset: te cum tuos omnes fructus publicano tradidisses: et rem de manibus amisisses: tum bona tua repetere, ac persequi liti, atq; iudicio? cum uero uerbo iudicium sit in edicto: re quidem uera tuorum comitum hominum nequissimorum collusio cum Decumanis socijs tuis, atq; adeo procuratoribus: tamen audes illius iudicij mentionem facere? præsertim cum id non modo oratione mea, sed etiam re ipsa refellatur: cum in tantis incommodis aratorum, iniurijsq; Decumanorum, nullum ex isto præclaro edicto non modo factum, sed ne postulatum quidem iudicium inueniatur. Erit tamen in aratores lenior, quam uidetur. nam qui in Decumanos octupli iudicium se daturum edixit: idem habuit in edicto: se in aratorem in quadruplum daturum. quis hunc audet dicere aratoribus infestum, aut inimicum fuisse? quanto lenior est, q̃ in publicanum. edixit ut quod Decumanus edidisset, sibi dari oportere: id ab aratore magistratus sculus exigeret. quid dereliquit iudicij: quod in aratorem dari posset? non malum est inquit esse istam formidinem: ut cum exactum sit ab aratore: tamen ne se commoueat: reliquus metus iudicij sit. si iudicio à me uis exigere: remoue siculum magistratum. si hanc uim adhibes: quid opus est iudicio? quis porro erit: qui non malit Decumanis tuis dare quod poscerent: quam ab affectis tuis quadrupli condemnari? illa uero præclara est clausula edicti: quod omnium controuersiarum, quæ essent inter aratorem, & decumanum: si uter uelit: edicit se Recuperatores daturum. primum quæ potest esse controuersia: cum is qui petere debet: aufert? & cum is non quantum debetur: sed quantum commodum est: auferat? ille autem unde ablatum est: iudicio suum recupe-



rare nullo modo potest? deinde in hoc homo luteus: etiā  
 callidus, ac ueterator esse uult: quod ita scribit: si uter  
 uolet Recuperatores dabo. quam lepide se furari putat?  
 utriq; facit potestatem. sed utrum ita scripserit: si uter uo-  
 let: an si Decumanus uolet: nihil interest. arator enim tu-  
 os istos Recuperatores nunquid uolet? quid? illa cuius-  
 modi sunt? quæ ex tempore ab Apronio admonitus, edi-  
 xit? Q. Septitio honestissimo homine, equiteq; Ro. resi-  
 stente Apronio, & affirmante se plus decuma non da-  
 turum: exoritur peculiare edictum repentinum: nequis  
 frumentum de area tolleret: antequam cum Decumano  
 pactus esset. ferebat hanc quoq; iniquitatem Septitius:  
 & hymbri frumentum corrumpi in area patiebatur:  
 cum illud edictum repente uberrimum, & questuosis-  
 simum nascitur: ut ante Cal. Sext. omnes decumas ad  
 aquam deportatas haberent. hoc edicto, non siculi (nam  
 eos quidem iam superioribus edictis satis perdiderat,  
 atq; affixerat) sed isti ipsi Equites romani, qui suum ius  
 retinere se contra Apronium posse erant arbitrati: splen-  
 didi homines, & alijs prætoribus gratiosi, uincti Apro-  
 nio traditi sunt. attendite enim cuiusmodi edicta sunt.  
 ne tollat inquit ex area: nisi erit pactus. satis hæc ma-  
 gna uis est, ad inique paciscendum. malo enim plus  
 dare: quam non mature ex area tollere. at ista ui Se-  
 ptitium, & nonnullos Septitij similes non coercet: qui  
 ita dicunt: ne tollam potius, quam paciscor. his hoc appo-  
 nitur. deportatum habeas ante Cal. sextilis. deportabo  
 igitur. nisi pactus eris: non commouebis. sic deportandi  
 dies præstituta tollere cogebat ex area: cohibitio tollendi,  
 nisi pactus esset: uim adhibeat pactioni, nō uoluntatem.  
 Iam uero illud non solum contra legem Hieronicam,



# IN VERREM

nec solum contra consuetudinem superiorum, sed etiā  
 contra omnia iura Sicularum, quæ habent à Senatu po-  
 puloq; romano: ne extra suum forum uadimonium  
 promittere cogantur. statuit iste ut arator Decumano,  
 quod uellet Decumanus, uadimoniū promitteret: ut hic  
 quoq; Apronio, cum ex Leontino usq; Lilybeum ali-  
 quem uaderetur ex miseris aratoribus: calumniandi  
 quæstus accederet. Quāquam illa fuit ad calumniam  
 singulari consilio reperta ratio: quod edixerat: ut arato-  
 res iugera sationum suarum profiterentur. quæ res cum  
 ad pactiones iniquissimas magnam uim habuit: sicut  
 ostendimus: nec ad ullam utilitatem Reip. pertinuit: tū  
 uero ad calumnias: in quas omnes inciderent: quos uel-  
 let Apronius. ut enim quisq; contra uoluntatem eius di-  
 xerat: ita in eum iudicium de professione iugerum po-  
 stulabatur. cuius iudicij metu magnus à multis frumen-  
 ti numerus ablatus, magnæq; pecuniæ coactæ sunt.  
 non quo iugerum numerum uere profiteri esset diffici-  
 le: aut amplius etiam profiteri (quid enim in eo pericu-  
 li esse posset?) sed causa erat iudicij postulandi: quod ex  
 edicto professus non esset. iudicium autem quod fuerit isto  
 prætor: si quæ cohors, & qui comitatus fuerit, memi-  
 nists: scire debetis. Quid igitur est quod ex hac iniqui-  
 tate nouorum edictorum intelligi uelim. Iudices? inui-  
 riam ne factam socijs? at uidetis. auctoritatem superio-  
 rum repudiatam? non audebit negare. tantum Apro-  
 nium isto Prætor potuisse? confiteatur necesse est. sed  
 uos fortasse, quod uos lex cōmonet: id in hoc loco quære-  
 tis: nunquas ex hisce rebus pecunias cœperit. docebo cœ-  
 pisse maximas: omnesq; eas iniquitates, de quibus antea  
 dixi: sui quæstus causa constituisse conuincam: si prius



illud propugnaculum, quo contra omnes meos impetus usurum se putat: ex defensione eius deiecero. magno inquit decumas uendidi. quid ais? an tu decumas homo audacissime, atq; amentissime uendidisti? tu partes eas, quas te S. P. Q. R. uoluit? an fructus integros, atq; adeo bona, fortunasq; aratorum omnes uendidisti? si palam præco iussu tuo prædicasset: non decumas frumenti, sed dimidias uenire partes: et ita emptores accessissent: ut ad dimidias partes emendas: si pluris uendidisses tu dimidias, quam cæteri decumas: cui nam mirum uidetur? quid uero? si præco decumas pronunciauit: re uera hoc est lege, edicto, conditione, plus etiam quam dimidæ uenierunt? tamen hoc tibi præclarum putabis: te pluris quod non licebat: quam cæteros quod oportebat: uendidisse? pluris uendidi decumas quam cæteri. quibus rebus id affectus es? innocentia? aspice ædem Castoris: deinde, si audes, fac mentionem innocentiae. diligentia? condicas lituras tui contemplare in Sthenij Thermitani nomine: deinde aude te dicere diligentem. ingenio? qui testes interrogari priore actione nolueris: & is tacitum os tuum præbere malueris: quam uis & te, et patronos tuos ingeniosos esse dicito. qua re igitur id, quod ais: affectus es? magna est enim laus: si superiores consilio uicisti: posterioribus exemplum, atq; authoritatem reliquisti. tibi fortasse idoneus fuit nemo: quæ imitaretur. at te uidelicet inuentorem rerum optimarum, ac principem imitabuntur omnes. quis aratorum te præcore decumam dedit? quis duas? quis non maximo se affectum beneficio putauit: cum tribus decumis pro una defungeretur? præter paucos: qui propter societatem furtorum tuorum nihil omnino dederunt? uide inter importunitatem tuam, se-



natusq; bonitatem quid intersit. Senatus, cum temporibus Reip. cogitur: ut decernat: ut alteræ decumæ exigantur: ita decernit: ut pecunia pro his decumis solvatur aratoribus: ut quod plus sumitur, quàm debetur: idem non auferri putetur. tu cum tot decumas non S. C. sed novis edictis tuis, nefarijsq; institutis exigeres: & eriperes: magnum te fecisse arbitrare: si pluris uendideris, quàm L. Hortensius pater istius Q. Hortensij, quàm Gn. Pompeius, quàm M. Marcellus: qui ab æquitate, ab lege, ab institutis, non recesserunt. an tibi unius anni aut bienni ratio habēda fuit? salus provinciae, cōmoda rei frumentariae, ratio Reip. \* satis frumenti ex Sicilia suppeditaretur: et aratoribus tamen arare atq; a gros colere expediret. quid effecisti? quid affecutus es? ut prætor te nescio quid ad decumas accederet: deferendas arationes, relinquendasq; curasti. successit tibi L. Metellus. tu innocentior quàm Metellus? tu laudis, & honoris cupidior? tibi enim Consulatus querebatur: Metello paternus honor & auitus negligebatur. multo minoris uendidit, non modo quàm tu: sed etiam quàm qui ante te uendiderunt. quæro si ipse excogitare nō poterat: quemadmodum quamplurimo uenderet: ne tua recentia proximi prætoris uestigia persequi poterat? ut tuis præclaris, abs te principe inuentis, & excogitatis edictis, atq; institutis uteretur? ille uero tum se Metellum minime fore putasset: si te ulla in re imitatus esset. qui ab urbe Roma, quod nemo unquam post hominum memoriam fecit: cum sibi in provinciam proficiscendū putaret: literas ad Siciliæ ciuitates misit: p quas hortatur: et rogat: ut arent: ut serant: in beneficio populi Ro. hoc petit aliquāto ante aduentum suū: et simul ostendit se lege Hieronica uenditu-



rum: hoc est in omni ratione decumarū nihil istī simile facturum. atq; hæc non cupiditate aliqua scribit adductus: ut in alienam provinciam mittat literas ante tempus: sed consilio: ne si tempus sationis præterisset: granū in provincia Sicilia nullum haberemus. cognoscite Metelli literas. Recita Epistolam L. Metelli. Hæc literæ Iudices L. Metelli, quas audistis: hoc quantum est, ex Sicilia frumenti hornotini exarauerunt. glebam commosset in agro decumano Sicalie nemo: si Metellus hanc epistolam non misisset. quid Metello diuinitus hoc uenit in mentem? an ab Siculis, qui Romam frequentissimi conuenerant: negotiatoribusq; Sicalie doctus est? quorum quanti conuentus ad Marcellos antiquissimos Sicalie patronos, quanti ad Cn. Pompeium Cons. de signatum, cæterosq; illius provincie necessarios, fieri soliti sint: quis ignorat? quod quidem iudicium nullo unquam de homine factum est: ut absens accusaretur ab ijs palam: quorum in bona, liberosq; summum imperium potestatemq; haberet. tanta uis erat iniuriarum: ut homines quiduis perpeti, quàm non de istius prauitate, & iniurijs deplorare, & conqueri malent. quas literas cum ad omnes ciuitates propè suppliciter misisset Metellus: tamen antiquum modum sationis nulla ex parte exequi potuit. diffugerant enim permulti: id quod ostendam: non solum arationes, sed etiam sedes suas patrias istius iniurijs exagitati reliquerant. non mehercule criminis augendi causa dicam Iudices: sed, quem accepi ipse oculis, animoq; sensum: hunc uere apud uos, & ut potero planissime exponam. nam cum quadriennio post in Sicaliam uenissem: sic mihi affecta uisa est: ut hæc terræ solent, in quibus bellum acerbum,



# IN VERREM

diuturnumq; uersatum est. quos ego campos antea, col-  
lesq; nitidissimos, uiridissimosq; uidissem: hos ita uas-  
tatos nunc, ac desertos uidebam: ut ager ipse cultorem  
desiderare, ac lugere dominum uideretur. Herbitensis  
ager, & Ennensis, Murgentinus, Assorinus, Macharen-  
sis, Agyrinensis ita relictus erat ex maxima parte: ut  
non solum iugerum, sed etiam dominorum multitudi-  
nem quæreremus. Aetnensis uero ager, qui solebat esse  
cultissimus: & quod caput est rei frumentariae campus  
Leontinus, cuius antea spes hæc erat: ut cum obsitum ui-  
disse: annonæ caritatem nõ uererere: sic erat deformis,  
atq; horridus: ut in uberrimas Siciliae partes Siciliam  
quæreremus. labefactar at enim uehementer aratores iã  
superior annus: proximus uero funditus euerterat. tu  
mihi etiam audes mentionem facere decumarum? tu in  
tanta acerbitate, in tot, & tantis iniurijs, cum in aratio-  
nibus, & in earũ rerũ iure prouincia Sicilia consistat:  
euerfis funditus aratoribus, relictis agris, cum in pro-  
uincia tam locuplete, ac referta non modo rem, sed ne  
spem quidem ullam reliquam cuiquam feceris: aliquid  
te populare putabis habere: cum dices te plurius, quàm  
ceteros decumas uendidisse? quasi uero aut populus Ro-  
hoc uoluerit: aut Senatus hoc tibi mandauerit: ut cum  
omnes aratorum fortunas decumarũ nomine eriperes:  
in posterum fructu illo, commodoq; rei frumentariae  
populum Ro. priuares. deinde si quam partem tuæ præ-  
dæ ad summã decumarũ addidisses: bene de populo Ro.  
meritis uiderere. atq; hæc perinde loquor: quasi in eo sit  
iniquitas eius reprehendenda: quod propter gloriæ cu-  
piditatem, ut aliquos summa decumarũ uinceret: acer-  
biorem legem, duriora edicta, interposuerit: omnium su-



periorum auctoritatem repudiarit. magno tu decumas  
uendidisti. quid si doceo te non minus domum tuā auer-  
tisse: quā Romam misisse decumarum nomine? quid  
habet popolare ratio tua? cum ex provincia populi Ro-  
æquam partem tu tibi sumpseris: atq; populo Ro. mise-  
ris. quid si duabus partibus doceo te amplius frumen-  
ti abstulisse: quā populo Ro. misisse? tamen ne pu-  
tamus patronum tuum in hoc crimine ceruiculam ia-  
ctaturum? & populo se ad coronam daturum? Hæc  
uos antea Iudices audistis: uerum fortasse ita audistis: ut  
authorem rumorem haberetis, sermonemq; omnium.  
cognoscite nunc innumerabilem pecuniam frumenta-  
rio nomine ereptam: ut simul illam quoque eius uocem  
probam agnoscatis: qui se uno quæstu decumarum o-  
mnia sua pericula redempturum esse dicebat. Audi-  
uimus hoc iam diu Iudices: nego quenquam esse uestrū,  
quin sepe audierit: socios istius fuisse decumanos. nihil  
aliud arbitror in istum falso esse dictum, ab ijs, qui ma-  
le de isto existimarint: nisi hoc. nam socij putandi sunt:  
quos inter res communicata est. ego rem totam, fortu-  
nasq; aratorum omnes, istius fuisse dico: Apronium, Ve-  
neriosq; seruos, quod isto Pr. fuit nouum genus Publi-  
canorum: cæterosq; decumanos, procuratores istius quæ-  
stus, & ministros rapinarum dico fuisse. quomodo hoc  
doces? quomodo ex locatione illa columnarum docui  
istum esse prædatum? opinor ex eo maxime: quod ini-  
quam legem, nouamq; dixisset. quis enim unquam co-  
natus est iura omnia, & consuetudinem omnium com-  
mutare cum uituperatione sine quæstu? pergam atq; in-  
sequar longius. iniqua lege uendebas: quo pluris uen-  
deres. cur iam addictis, & uenditis decumis, cum iam



IN VERREM

ad summam decumarum nihil, ad tuum quæstum multum posset accedere: subito atq; ex tempore noua nascebantur edicta: nam ut uadimonium Decumano quocunq; is uellet: promitteretur: ut ex area, nisi pactus esset: arator ne tolleretur: Cal. sextilibus decumas deportatas haberent: hæc omnia uenditis decumis, anno tertio te edixisse dico. quæsi Reip. causa faceres: in uendundo essent pronunciata: quia tua causa faciebas: quod erat imprudentia prætermisum: id quæstu, ac tempore admonitus reprehendisti. Illud uero cui probari potest: te sine tuo quæstu, ac maximo quæstu, tantam tuam infamiam, tantum capitis tui, fortunarumq; periculum neglexisse: cum totius Siciliae quotidie gemitus, querimoniasq; audires: cum, ut ipse dixisti, reum te fore putares: cum huiusce iudicii discrimen ab opinione tua non abhorreret: paterere tamen aratores indignissimis iniurijs uexari, ac diripi. profecto, quanquam es singulari crudelitate, et audacia: tamen abs te totam alienari provinciam: tot honestissimos tibi inimicissimos fieri nolles: nisi hanc rationem, et cogitationem salutis tue, pecunie cupiditas, ac præsens illa præda superaret. Etenim quoniam summam, et numerum iniuriarum Iudices uobis non possum exponere: sigillatim autem de uniuscuiusque incommodo dicere infinitum est: genera ipsa iniuriarum quæso cognoscite. Nympholestes Centuripinus homo nauus, et industrius, experientissimus, ac diligentissimus arator. is cum arationes magnas conductas haberet: quod homines etiam locupletes, sicut ille est, in Sicilia facere consueuerunt: easq; magna impensa, magno instrumento tueretur: tanta ab isto iniquitate oppressus est: ut non modo arationes relinqueret



ret: sed etiam ex Sicilia profugeret: Romamq; cum multis una ab isto eiectis ueniret. fecit ut Decumanus Nymphonem uocaret ex edicto illo præclaro: quod nullam ad aliam rem nisi ad huiusmodi quæstus pertinebat: numerum iugerum professum non esse. Nympho cum se uellet æquo iudicio defendere: iste viros optimos Recuperatores dat, eundem illum Medicum Cornelium: is est Artemidorus Pergameus: qui in sua patria dux isti quondam, & magister ad despoliandum Dianæ templum fuit: & aruspicem Volusianum, & Valerium præconem. Nympho antequam planè constitit: condemnatur. quanti fortasse quæritis. nulla erat edicti pœna certa. frumenti eius omnis quod in areis esset. sic Apronius Decumanus non decumam debitam, non frumentum remotum, atq; coelatum, sed tritici septem millia medimnum ex Nymphonis arationibus edicta pœna, non redemptionis aliquo iure tollit. Xenonis Menenii nobilissimi hominis uxoris fundus erat colono locatus. colonus quod Decumanorum iniurias ferre non poterat: ex agro profugerat. Verres in Xenonem iudiciū dabat illud suum damnatorium de iugerum professione. Xenon ad se pertinere negabat: fundum elocatum esse dicebat: dabat testes. iudicium, si pateret iugera eiusmodi fundi esse plura, quàm colonus esset professus: tum Xeno damnaretur. dicebat ille, non modo non arasse se: id quod satis erat: sed nec dominiū eius esse fundi, nec locatorem: uxorem esse: eam ipsam suum negocium gerere: ipsam locauisse. defendebat Xenonem homo summo splendore, & summa authoritate præditus M. Cossuetius. Iste nihilominus iudicium HS LXXX dabat. ille tametsi Recuperatores de cohorte latronum sibi pa-



# IN VERREM

rari uidebat: tamen iudicium accepturum se esse dicebat. tum iste magna uoce Venerijs imperat: ut Xenonem audirent: dum res iudicaretur: hominem ut asseruerent: cum iudicatum sit: ad se adducant. Et illud simul dixit: se non putare illum, si propter diuitias poenas damnationis contemneret: etiam uirgas contemnere. hac ille ui, Et hoc metu adductus, tantum Decumanis, quantum iste imperauit: exoluit. Polemarchus est Murgentinus uir bonus, atq; honestus. is cum pro iugeribus quinquaginta, medimna DCC decumae imperarentur: quod recusabat: domum ad istum in ius deductus est: Et cum iste etiam cubaret: in cubiculum introductus est: quod nisi mulieri, Et decumano, patebat alij nemini. ibi cum pugnis, Et calcibus conscissus esset: qui DCC medimnis decidere nolisset: nulle promisit. Eubulides est Grosphus Centuripinus, homo cum uirtute, Et nobilitate domi suae, tum etiam pecunia princeps. huic homini Iudices honestissimae ciuitatis honestissimo, non modo frumenti scitote, sed uitae, Et sanguinis tantum relictum esse: quantum Apronij libido tulit. nam ui, malo, plagis adductus est: ut frumenti daret, non quantum haberet: sed quantum cogeretur. Sostratus, Et Numenius, Et Nymphodorus eiusdem ciuitatis, cum ex agris tres fratres consortes profugissent: quod ijs plus frumenti imperabatur: quam quantum ex ararent: hominibus coactis in eorum arationes Apronius uenit: omne instrumentum diripuit: familiam abduxit: pecus abegit. postea, cum ad eum Nymphodorus uenisset Aetnam: Et oraret: ut sibi sua resituerentur: hominem corripit, ac suspendi iussit in oleastro quadam, quae est arbor Iudices in forum diu pendit in arbore socius, amicusq; populi Ro-



mani, in sociorum urbe, ac foro colonus, aratorq; ue-  
ster: quam diu uoluntas Apronij tulit. Genera iam dis-  
dum innumerabilium iniuriarum Iudices singulis no-  
minibus profero: infinitam multitudinem iniuriarum  
prætermitto. uos ante oculos animosq; uestros tota Sici-  
lia Decumanorum hos impetus, aratorum direptio-  
nes, huius importunitatem, Apronij regnum proponite.  
Contempsit Siculos: non duxit homines: nec ipsos ad p-  
sequendum uehementes fore: & uos eorum iniurias le-  
uiter laturos existimauit. esto: falsam de illis habuit opi-  
nionem: malam de uobis. ueruntamen cum de Siculis  
male mereretur: ciues romanos coluit: his indulgit: eorū  
uoluntati, & gratiæ deditus fuit. iste ciues romanos?  
at nullus inimicior, aut infestior fuit. mitto uincla: mit-  
to carcerem: mitto uerbera: mitto seures: crucem deniq;  
illam prætermitto: quam iste ciuibus Romanis testem hu-  
manitatis in eos, ac beneuolentiæ suæ uoluit esse: mitto  
inquam hæc omnia: atque in aliud dicendi tempus rei-  
cio: de decumis, de ciuium Romanorum conditione in  
arationibus disputo. qui quemadmodum essent accepti  
Iudices audistis ex ipsis: bona sibi erepta esse dixere. hæc,  
quoniam huiusmodi casus affuit: ferenda sunt: nihil ua-  
luisse æquitatem: nihil consuetudinem: damna deniq; Iu-  
dices nulla tanta sunt: quæ non uiri fortes magno, &  
libero animo affecti, ferenda arbitrentur. quid? si Equi-  
tibus Romanis non obscuris, neq; ignotis, sed honestis,  
& illustribus manus ab Apronio, isto prætore sine ulla  
dubitatione afferebantur? quid expectatis? quid a me  
amplius dicendum putatis? an id agendum? ut co'ce-  
lerius de isto transigamus: quo maturius ad Apronium  
possimus, id quod ego illi iam in Sicilia pollicatus sum:



# IN VERREM

uenire? qui C. Matrinius Iudices summa uirtute homi-  
nem, summa industria, summa gratia, Leontinis in pu-  
blico biduum tenuit: atq; Apronio Iudices homine in de-  
decore nato, ad turpitudinem educato, ad Verris flagitia  
libidinesq; accommodato, Equitem Ro. scitote biduum  
abo tectoq; prohibitum: biduum Leontinis in foro cu-  
stodis Apronij retentum, atq; seruatum: neq; ante dimis-  
sum: quam ad conditiones eius depactus est. Nā quid  
ego de Q. Lollio Iudices dicam Equite Ro. spectato atq;  
honesto? clara res est, quam dicturus sum: tota Sicilia ce-  
lebrissima, atq; notissima: qui cum araret in Aetnensi:  
cumq; is ager Apronio cum cæteris agris esset traditus:  
equestri uetere illa et autoritate, & gratia fretus, af-  
firmavit, se Decumanis plusquam deberet non datu-  
rum. refertur eius sermo Apronio. enimvero iste ride-  
re: ac mirari Lollium nihil de Matrino, nihil de cæte-  
ris rebus audisse. mittit ad hominem Venerios (hoc quoq;  
attendite: apparitores à prætore assignatos habuisse De-  
cumanū: si mediocre argumentū uideri potest: istum De-  
cumanorum nomine ad suos quæstus esse abusum) ad-  
ducatur à Venerijs, atq; adeo attrahitur Lollius commo-  
de, cum Apronius è palestra redisset: & in triclinio,  
quod in foro Aetnæ strauerat: decubisset. statuitur Lol-  
lius in illo tempestiuo gladiatorum conuiuio. non me-  
hercule quæ loquor crederem Iudices: tamen si uulgo au-  
dieram: nisi mecum ipse senex, cum mihi, atq; huic uo-  
luntati accusationis meæ lachrymans gratias ageret:  
summa cum autoritate esset locutus. statuitur, ut di-  
co, Eques Ro. propè annos LXXXX natus in Apro-  
nij conuiuio. cum interea Apronius caput, atq; os suum  
unguento perficeret: quid est Lolli inquit? tu nisi malo  
coactus recte



coactus recte facere nescis? homo quid ageret: taceret: responderet: quid faceret denique illa autoritate, & ætate præditus: nesciebat. Apronius interea cœnâ, ac pocula poscebat. serui autem eius, qui & moribus iisdem essent, quibus dominus: & eodem genere, ac loco nati: præter oculos Lolli hæc omnia ferebant. videre conuiuæ: cæchinnari ipse Apronius: nisi forte existimatis, eum in uino, ac lucro non risisse: qui nunc in periculo, ac exitio suo risum tenere non possit. ne multa Iudices: his contumelijs scitote Q. Lollium coactum ad Apronij leges, conditionesque uenisse. Lollius ætate, & morbo impeditus ad testimonium dicendum uenire non potuit. quod opus est Lollio? nemo hoc nescit: nemo tuorum amicorum, nemo abs te interrogatus, nunc se primum hoc dicet audire. M. Lollius filius eius adolescens lectissimus præsto est: huius uerba auditis. nam Q. Lollius eius filius qui Calidium accusauit: adolescens, & bonus & fortis, & in primis disertus, cum his iniurijs, contumelijsque commotus in Siciliam esset profectus: in itinere occisus est. cuius mortis causam fugitui sustinent: re quidem uera nemo in Sicilia dubitat, quin eo sit occisus: quod habere clausa non potuerit sua cõsilia de Verre. iste porro non dubitabat: quin is, qui antea alium studio adductus accusasset: sibi aduenienti præsto esset futurus: cum esset parentis iniurijs, & domestico dolore commotus. Iam ne intelligitis Iudices, quæ pestis, quæ immanitas in uestra antiquissima, fidelissima, proximâque provincia uersata sit? iam uidetis, quam ob causam Sicilia tot hominum antea furta, rapinas, iniquitates, ignominiasque perpeffa, hoc non potuerit nouum, ac singulare, atque incredibile genus iniuriarum, contumæ



# IN VERREM

meliarumq; ferre? Iam omnes intelligunt cur uniuersa  
 provincia defensorem suae salutis eum quaesivit: cuius  
 iste fidei, diligentiae, perseverantiae, nulla ratione  
 eripi possit. tot iudicijs interfuisti: tot homines nocentes,  
 et improbos accusatos, et uestra, et superiorum memoria  
 scitis esse: ecquem uidisti? ecquem audisti? in tantis  
 furtis, in tam apertis, in tanta audacia, tanta impudentia  
 esse uersatum? Apronius stipatores Venerios secum  
 habebat: ducebat eos circum ciuitates: publice sibi  
 conuiuia parari: sterni triclinia etiam in foro iubebat:  
 euocari homines honestissimos, non solum Siculos,  
 sed etiam Equites romanos: ut quo cum inire conuiuium  
 nemo unquam, nisi turpis, impurusq; uoluisset: ad eius  
 conuiuium spectatissimi, atq; honestissimi uiri tenerentur.  
 Haec tu omnium mortalium profligatissime, ac perditissime  
 cum scires: cum audires quotidie: cum uideres: si sine  
 tuo maximo quaestu fierent: cum tanto periculo tuo fieri  
 paterere? atq; concederes? et tantum apud te quaestus  
 Apronii, tantum eius sermo inquinatissimus, et blandiciae  
 flagitiosae ualuerunt? ut nunquam animum tuum cura  
 tuarum fortunarum, cogitatioq; tangeret? cernitis iudices  
 quod, et quantum incendium Decumanorum impetu  
 non solum per agros, sed etiam per reliquas fortunas  
 aratorum, non solum per bona, sed etiam per iura  
 libertatis, et ciuitatis isto praetore peruasurit. uidetis  
 pendere alios ex arbore: pulsari autem alios et uerberari:  
 porro alios in publico custodiri: destitui alios in  
 conuiuio: condemnari alios a medico, et pracone praetoris:  
 bona tamen interea nihilo minus eorum omnium ex agris  
 auferri, ac diripi. quid est hoc? populi Romani imperium?  
 populi Romani leges? iudicia? socij fideles? pro-

is profligatissime  
 de G. L. xv. cap. v.



uincia suburbana? non ne omnia potius eiusmodi sunt?  
quæ, si Athenio uicisset: in Sicilia non fecisset. non in quâ  
Iudices esset ullam partem istius nequitie fugitiuorum  
insolentia consecuta. Priuatim hoc modo. quid publice?  
Ciuitates quemadmodum tractatae sunt? audistis permulta  
indicia, & testimonia ciuitatum: & reliquarum audie-  
tis. ac primum de Agyrinensi populo fideli, & illustri  
breuiter cognoscite. Agyrinensis est in primis honesta ci-  
uitas Siciliae, hominum ante hunc prætorem locuple-  
tium, summorumq; aratorum. eius agri decumas cum  
emisset idem Apronius: Agyrium uenit. qui cum eo cum  
apparitoribus, minis, ac ui uenisset: poscere pecuniâ grâ-  
dem coepit: ut accepto lucro discederet. nolle se negocij q̃e  
quam habere dicebat: sed accepta pecunia quampri-  
mum aliam ciuitatem occurrere. sunt homines Siculi  
non contemnendi, si per nostros magistratus liceat: sed  
homines, & satis fortes, & satis plane frugi, ac sobrij:  
& in primis hæc ciuitas, de qua loquor Iudices. Itaq;  
homini in primis improbissimo respondent Agyrinen-  
ses: sese decumas ei, quemadmodum deberent, daturus:  
lucrum, cum ille magno præsertim emisset: non addi-  
turos. Apronius certiozem facit istum: cuius res erat:  
quid rei esset. statim tanquam coniuratio aliqua Agy-  
rij contra Rempublicam facta, aut legatus prætoris pul-  
satus esset: ita Agyrio magistratus, & quinque primi ac-  
citi istius euocantur. ueniunt Syracusæ: præsto est Apro-  
nius: ait eos ipsos, qui uenissent: contra edictum præ-  
toris fecisse. quærebant quid? respondebat, se ad recu-  
peratores esse dicturum. iste æquissimus homo formi-  
dinem illam suam miseris Agyrinensibus iniebat:  
recuperatores se de cohorte sua daturum minabatur.



# IN VERREM

Agrynenses uiri fortissimi, iudicium se passuros esse dicebant. ingerebat iste Artemidorum medicum Cornelium, pictorem Tlepoleum, & huiusmodi Recuperatores: quorum cuius Ro. nemo erat: sed græci sacri legi, iam pridem improbi, repente Cornelij. uidebant Agrynenses quicquid ad eos Recuperatores Apronius attulisset: illum per facile probaturum. condemnari cum istius inuidia, infamiaq; malebant: quam ad eius conditiones pactionesq; accedere. quærebant quæ in uerba Recuperatores daret: respondebat, si pateret aduersus edictum fecisse, quæ in iudicio dicturum esse dicebat. iniquissimis uerbis, improbissimis Recuperatoribus, conflictari malebant: quam quicquam cum isto sua uoluntate decidere. summittebat iste Timarchidem: qui moneret eos, si scaperent, ut transigerent. pernegabant. quid ergo? in singulos HS quinquagenis millibus damnari mauultis? malle dicebant. tum iste clare omnibus audientibus, qui damnatus erit inquit, uirgis ad necem cadetur. hic illi flentes rogare, atq; orare ceperunt: ut sibi suas segetes, fructusq; omnes, arationesq; uacuas Apronio tradere liceret: ut ipsi sine ignominia, molestiaq; discederent. hac lege Iudices decumas uendidit Verres. dicat Licet Hortensius, si audet, magno Verrem uendidisse. hæc conditio fuit isto prætoris aratorum: ut secum præclare agi arbitrarentur: si uacuos agros Apronio tradere liceret. multas enim cruces propositas effugere cupiebant. quantum Apronius edidisset deberi: tantum ex edicto dandum erat. etiam ne si plus edidisset: quam quantum natum esset. etiam. quomodo? magistratus ex ipsius edicto exigere debebant. at arator repetere poterat. uerum Artemodoro Recuperatore. qd



si minus arator dedisset: quàm poposcisset Apronius? iudicium in aratore in quadruplum. ex quo iudicium numero? ex cohorte prætoris præclara honestissimorum. quid amplius? minus te iugerum professum esse dico: Recuperatores reijce: quod aduersum edictum feceris. ex quo numero? ex eadem cohorte. quid erit exirenum? si damnatus eris (nam dubitatio damnationis illis Recuperatoribus quæ poterat esse?) uirgis te ad necem cedi necesse erit. his legibus, his conditionibus, erit quisquam tam stultus qui decimas uenisse arbitretur? qui aratori non uem partes reliquas factas esse existimet? qui non intelligat istum sibi quæstui prædæque habuisse bona, possessiones, fortunas aratorum? uirgarum metu Agyrinenses, quod imperatum esset: facturos se esse dixerunt. accipite nunc quid imperari: Et dissimulate uos si potestis: uos intelligere: ipsum prætorem quod tota Sicilia perspexerit, Redemptorem decumarum, atque adeo aratorum dominum, ac regem fuisse. imperat Agyrinensibus, ut decimas ipsi publice accipiant: Apronio lucrum dent. si magno emerant: quoniam tu es qui diligentissime precium exquisisti: qui ut ais magno uendidisti: quare putabas emptori lucrum addi oportere? esto: putabas. quâ obrem imperabas ut adderent? quid est aliud capere, et conaliare pecunias: in quo te lex tenet: si hoc non est? uir atque imperio cogere inuitos lucrum dare alteri: hoc est pecuniam dare. age quid tum? si Apronio delicis prætoris lucelli aliquid iussi sunt dare: putate Apronio datum: si Apronianum lucellum, ac non prætoria præda uobis uidebitur. imperas ut decimas accipiant: Apronio dent lucrum tritici medimna XXXIIII. quid est hoc? una ciuitas ex uno agro plebi Romanæ propè men-



# IN VERREM

strua cibaria Prætoris imperio donare Apronio cogitur. tu magno decumas uendidisti. cum tantum lucri Decumano sit datum: profecto si precium exquisisses diligenter: tum cum uendebas X medimna potius addidissent: quàm HS D C postea. magna præda uidetur. audite reliqua: & diligenter attendite: quo minus miremini Siculos re necessaria coactos, auxilium à patronis, à Cōsulibus, ab Senatu, ab legibus, à iudicijs petiuisse. ut probaret Apronius hoc triticum: imperat Agyrinensibus Verres, uti in medimna singula dentur Apronio HS III. quid est hoc? tanto numero frumenti in lucri nomen imperato, expresso, nummi præterea exigentur, ut probetur frumentum? an poterat non modo Apronius, sed quiuis, exercitui si metiundum esset: improbare Siculum frumentum? quod illi ex area, si uellet, admetiri licebat. frumenti tantus numerus imperio tuo datur: & cogitur. non est satis: nummi præterea imperantur. dantur. parum est. pro decumis hordei, alia pecunia cogitur. iubes HS XXX lucri dari. ita ab una ciuitate, ui, munis, imperio, iniuriâq; prætoris eripiuntur tritici medimna XXX III: & præterea HS LX. At hæc obscura sunt: aut si omnes homines uelint: obscura esse possunt: quæ tu palàm egisti: in conuentu imperasti: omnibus inspectantibus coegisti: qua de re Agyrinenses magistratus, & quinq; primi, quos tui quæstus causa euocas: acta & imperia tua domum ad Senatum suum renunciauerunt: quorum renunciatio legibus illorum, literis publicis mandata est: quorum legati homines nobilissimi Romæ sunt: qui hoc idem pro testimonio dixerunt. Cognoscite Agyrinensium publicas literas. deinde testimonium publicum ciuitatis. Recta literas publi-



cas. testimonium publicum. Animaduertistis in hoc testimonio Iudices: Apollodorum, cui Perragi cognomen est: principem suæ ciuitatis lachrymantem testari, ac dicere? nunquam post populi Ro. nomen ab Siculis auditum, & cognitum, Agyrinenses contra quenquam infimum ciuem Ro. dixisse, aut fecisse quippiam: qui nunc contra prætorem populi Ro. magnis iniurijs, & magno dolore publice testimonium dicere cogerentur. uni mehercule huic ciuitati Verres obistere tua defensione non potes. tanta autoritas est in corū hominum fidelitate: tantus dolor iniuriæ: tanta religio in testimonio. uerum nō una te, sed uniuersæ simulibus affictæ incommodis, legationibus, ac testimonijs publicis persequuntur. etenim deinceps uideamus Herbitensis ciuitas honesta, & antea copiosa quemadmodum spoliata ab isto, ac uexata sit. at quorum hominum? summorum aratorum, remotissimorum à foro, iudicijs, controuersijs: quibus parere, & consulere homo impurissime, & quod genus hominum studiosissime conseruare debuisti. Primo anno uenerunt eius agri decumæ tritici medimna XVIII. Attidius istius item minister in decumis, cum emisset: et præfecti nomine cum uenisset Herbitam cum Venerijs: locusq; ei publice, quo diuerteretur: datus esset: coguntur Herbitenses ei lucri dare tritici modium XXXVII millia: cum decumæ uenisset tritici modium XVIII. atq; hoc triticum lucri coguntur dare publice: cum iam priuatim aratores ex agris spoliati, atq; exagitati Decimanorū iniurijs profugissent. Anno secundo cum emisset Apronius decumas tritici modium XXV millibus: & ipse Herbitam cum illa prædonis copia, manuq; uenisset: populus publice coactus est ei conferre lucri tritici



IN VERREM

modium XXVI: & accessionem HS MM. de accessione dubito an Apronio ipsi data sit merces ferè, preciumq; impudentiæ. de tritici quidem numero tanto, qd potest dubitare? quin ad istum prædonem frumentariū sicut Agyrinenſe frumentum, peruenerit? Anno uero tertio in hoc agro consuetudine uſus est regia. ſolere aiunt barbaros reges Perſarum, ac Syrorum, plures uxores habere: his autem uxoribus ciuitates attribuere, hoc modo: hæc ciuitas mulieri redimiculum præbeat: hæc in collum: hæc in crines. ita populos habent uniuersos non ſolum conſcios libidinis ſuæ, uerum etiam adminiſtros. Eandem iſtus, qui ſe regem Siculorum eſſe dicebat: licentiam, libidinemq; fuiſſe cognoſcite. Aechrionis Syracuſani uxor eſt Pippa: cuius nomen iſtus nequitia tota Sicilia peruulgatum eſt. de qua muliere uerſus plurimū ſupra tribunal, & ſupra prætoris caput ſcribebantur. hic Aechrio Pippæ uir adumbratus, in Herbitenſibus decumis nouus inſtituitur publicanus. Herbitenſes cum uiderent, ſi ad Aechrionem premium rediſſet: ſe ad arbitrium libidinoſiſſimæ mulieris ſpoliatum iri: liciti ſunt uſque eo, quo ad ſe efficere poſſe arbitrabatur. ſupra adiecit Aechrio. neq; enim metuebat, ne prætor Verre decumana mulier dāno affici poſſet. Addicitur medimnis MM, dimidio ferè pluris, quam ſuperiore anno. aratores funditus euertebantur: & eo magis: quod iam ſuperioribus annis exhausti erant, ac pene perditione intellexit iſte ita magno ueniſſe: ut amplius ab Herbitenſibus exprimere non poſſet. demit de capite medimna DC: iubet in tabulas pro medimnis MMM, referri, D MM D, & IIII. Hordei decumas eiſdem agri Docimus emerat. hic eſt Docimus: ad quem iſte deduxerat Tertiā



Isidori mimi filiam, ui abductam ab Rhodio tibiane-  
huius Tertiae plus etiam, quam Pippae, plus, quam cete-  
rarum, ac propè dicam tantum apud istum in Sicilien-  
si prætura auctoritas ualuit: quantum in urbana Che-  
lidonis. ueniunt Herbitam duo prætoris emuli non mo-  
lesti, muliercularum deterrimarum improbissimi cogni-  
tores: incipiunt postulare: poscere: minari: non poterant  
tamen, cum ciperent, Apronium imitari: Siculi Siculos  
non tam pertimescebant. cum omni ratione tamen illi  
calumniarentur: promittunt Herbitenses uadimonium  
Syracusas. eo posteaquam uetum est: coguntur Aeschrio-  
ni, idest Pippae dare tantum, quantum erat de capite  
demptum: tritici modios MMM D C. mulierculæ pu-  
blicanæ noluit ex decumis nimium lucri dare: ne forte  
ab nocturno suo questu animum ad uestigalia redime-  
da transferret. transactum putabant Herbitenses: cum  
iste, quid de hordeo inquit, & Docimo amiculo meo? qd  
cogitatis? at hoc agebat in cubiculo Iudices, atq; in lectu-  
lo suo. negabant illi sibi qcquam esse mandatum. non au-  
dio: numerate HS XV. quid facerent miseri? aut qd  
recusarent? præsertim cum in lectulo, Decumanæ mu-  
lieris uestigia uiderent recentia: quibus illum inflamma-  
ri ad perseverandum intelligebant. Ita ciuitas una so-  
ciorum, atq; amicorum duabus deterrimis mulierculis  
Verre prætoris uestigialis fuit. Atq; ego nunc, eum fru-  
menti numerum, & eas publice pecunias Decumanis ab  
Herbitensibus datas esse dico. quo illi frumento, & qui-  
bus pecunijs tamen a Decumanorum iniurijs ciues suos  
non redemerunt. perditis enim, & direptis aratorum  
bonis, hæc Decumanis merces dabatur: ut aliquando  
ex eorum agris, atq; ex urbibus abirent. Itaq; cum

Tertia Macetege.



# IN VERREM

Philinus Herbitensis homo disertus, & prudens, & do-  
 mi nobilis de calamitate aratorum, & de fuga, & de  
 reliquorum paucitate publice diceret: animaduertistis Iu-  
 dices gemitum populi romani: cuius frequentia huic cau-  
 sae nunquam defuit. qua de paucitate aratorum alio loco di-  
 cam. nunc illud, quod praeterijt, non omnino relinquen-  
 dum uidetur. nam per deos immortales, quod de capi-  
 te ipsi dempsit, quo tandem modo ferendum: uerum etiam  
 animaduertendum uidetur. unus adhuc fuit post Ro-  
 mam conditam: dii immortales faxint: ne sit alter: cui  
 Respublica totam se tradidit, temporibus coacta, & malis do-  
 mesticis: L. Sylla. hic tantum potuit: ut nemo illo inuito  
 nec bona, nec patriam, nec uitam retinere posset: tan-  
 tum animi habuit ad audaciam: ut dicere in concione  
 non dubitaret bona ciuium Romae cum uenderet: se pra-  
 dam suam uendere. eius omnes res gestas non solum ob-  
 tinemus: uerum etiam propter malorum, incommodo-  
 rum, & calamitatum metum publica auctoritate defen-  
 dimus. Vnum hoc aliquod S. consulto reprehensum, de-  
 cretumque est: ut quibus ille de capite dempsisset: hi pecu-  
 nias in aerarium referrent. statuit Senatus hoc, ne illi qui  
 dem esse licitum, cui concesserat omnia: a populo facta-  
 rum, quaesitarumque rerum summas imminuere. illum  
 uiris fortissimus iudicarunt patres conscripti dimittere  
 de summa non potuisse. te mulieri deterrimae recte re-  
 misisse Senatores iudicabunt? ille de quo lege Populus  
 Romae iusserat: ut ipsius uoluntas, & posse esset pro lege:  
 tamen in hoc uno genere ueterum religione legum re-  
 prehenditur. tu, qui omnibus legibus implicatus tene-  
 bare: libidinem tibi tuam pro lege esse uoluisti? in illo re-  
 prehenditur quod ex ea pecunia remisit: quam ipse

*de Sylla.*

*Industria Syllae*



quæsierat. tibi concedetur? qui de capite uectigalium populi Ro. remisisti? Atq; in hoc genere audaciæ, multo etiã impudentius in decumis Segestensium uersatus est: quas cum addixisset eidem illi Docimo hoc est tritici modios quinq; millia: et accessionem ascripsisset HS MD: coegit Segestenses à Docimo tantidem publice accipere. id quod ex Segestensi publico testimonio cognoscite. Reata testimonium publicum. Audistis quanti decumas acceperit à Docimo ciuitas, tritici modios quinq; millia & accessionem. cognoscite nunc quanti se uendidisse retulerit. LEX DECVMIS VENDVNDIS C. VERRE PR. hoc nomine uidistis tritici modium MMM de capite esse decepta. quæ cum de populi Ro. uictu, de uectigalium nervis, de sanguine detraxisset ærarij: Tertie Mimæ condonauit. Vtrum impudentius à Socijs abstulit? an turpius meretrici dedit? an improbius populo Ro. ademit? an audacius tabulas publicas commutauit? ex horum seueritate te ulla uis eripiet? aut ulla largitio eripiet? sed si eripuerit: non intelligit hæc, quæ iam dudum loquor: ad aliam quæstionem, atq; ad peculatus iudicium pertinere. itaq; hoc mihi reseruabo genus integrum totum: ad illam quam institui causam frumenti, ac decumarum reuertar. qui cum agros maximos, ac feracissimos per se ipsum hoc est per Apronium Verrem alterum depopularetur: ad minores ciuitates habebat alios, quos tanquam canes, immitteret, nequam homines, & improbos: quibus aut frumentum, aut pecuniam publice cogebat dari. A. Valentiùs est in Sicilia interpret: quo iste interprete non ad linguam græcam, sed ad furti, & flagitia uti solebat. fit interpret hic, homo leuis, atq; egens repente Decuma



# IN VERREM

nus: emit agri Liparenſis miſeri, atq; ieiuni decumas tri-  
 tici medimnis D C. Liparenſes uocantur. ipſi accipere  
 decumas, & numerare Valentio coguntur lucri HS  
 XXX millia. per deos immortales utrum tibi ſumes  
 ad deſenſionem? tanto ne minoris tibi decumas uendidif-  
 ſe? ut ad medimna D C HS XXX millia lucri, ſta-  
 tim ſua uoluntate ciuitas adderet: hoc eſt tritici medimna  
 II millia. an cum magno decumas uendidifſet: te ex-  
 preſſiſſe ab inuitis Liparenſibus hanc pecuniam? ſed quid  
 ego ex te quaero, quid deſenſurus ſis potius, quam cogno-  
 ſcam ex ipſa ciuitate quid geſtum ſit? Recita teſtimo-  
 nium publicum Liparenſium. deinde quemadmodum  
 Valentio nummi ſint dati. TESTIMONIUM  
 PVBLICVM, QVOMODO SOLVTVM  
 SIT EX LITERIS PVBLICIS. Etiam  
 ne haec tam parua ciuitas, tam procul à manibus tuis,  
 atq; à conſpectu remota, ſeiuncta à Sicilia, in inſula  
 inculta, tenuiq; poſita, cumlata alijs tuis maioribus in-  
 iurijs, in hoc quoq; frumentario genere, praedae tibi, &  
 quaestui fuit? quam tu totam inſulam cuidam tuorum ſo-  
 daliū, ſicut aliquod munuſculum condonaras: ab hac  
 etiam haec frumentaria lucra tanquam mediterraneis  
 exigebantur? itaq; qui tot annis agellos ſuos ante te præ-  
 torem redimere à priuatis ſolebant: ydem ſeiſpoſ à te  
 precio impoſito redemerunt. quid ergo? à Tiſſenſi-  
 bus perparua, & tenui ciuitate, & aratoribus laborio-  
 ſiſſimis, frugaliffimisq; hominibus, non ne plus lucri no-  
 mine eripitur? quam, quantum frumenti omnino exa-  
 rarant? ſed quos tu? Decumanum Diognetum Vene-  
 rium miſiſti nouum genus publicani. cur hoc auctore  
 non Romæ ſerui publici ad uectigalia accedant? an-



no secundo Tiffenses HS XXI lucri dare cogun-  
 tur inuiti. tertio anno HS MM modium tritici lu-  
 cri Diogneto Venerio dare coacti sunt. hic Diogne-  
 tus, qui ex publicis uestigalibus tanta lucra facit: uici-  
 rium nullum habet: nihil omnino peculij. uos etiam  
 nunc dubitate: si potestis: utrum tantum numerum tri-  
 tici Venerius apparitor istius sibi acceperit? an huic exe-  
 gerit? atque hæc ex publico Tiffensium testimonio  
 cognoscite. TESTIMONIUM PVBLI-  
 CVM TISSENSIVM. obscure Iu-  
 dices prætor ipse Decumanus est? cum eius apparitores  
 frumentum à ciuitatibus exigant: pecunias imperent:  
 aliquanto plus ipsi auferant: quàm quantum populo Ro-  
 decumarum nomine daturi sunt. Hæc æquitas in tuo  
 imperio fuit: hæc prætoris dignitas: ut seruos Venerios  
 Sicularum dominos esse uelles. hic delectus, hoc disci-  
 men te prætoris fuit: ut aratores in seruorum numero es-  
 sent: serui, in publicanorum. Quid Amestratini ma-  
 feri, impositis ita magnis decumis, ut ipsis reliqui ni-  
 hil fieret: non ne tamen numerare pecunias coacti sunt?  
 addicuntur decumæ M. Cesio, cum adessent legati Ame-  
 stratini. statim cogitur Heraclius legatus numerare HS  
 XXII. quid hoc est? quæ est ista præda? quæ uis? quæ  
 direptio sociorum? si erat Heraclio ab Senatu manda-  
 tum, ut emeret: emisset. si non erat: qui poterat sua spon-  
 te pecuniam numerare? Cesio renunciat se dedisse. co-  
 gnoscite renunciationem ex literis. Recita ex literis  
 publicis. Quo S. C. erat hoc legato permissum? nul-  
 lo. cur fecit? coactus est. quis hoc dicit? tota ciuitas. Re-  
 cita testimonium publicum. Ab hac eadem ciuitate an-  
 no secundo simili ratione extortam esse pecuniam: et



## IN VERREM

Sex. Vennonio datam: ex eodem testimonio cognouisti. At Amestratinos homines tenues cum eorum decumas med. DCCC uendidisses: Banobali Venerio (cognoscite nomina publicanorum) cogis eos plus lucri addere, quàm quanti uenierant: cum magno uenissent. dant Banobali med. DCCC, HS MD. profecto nunquam iste tam amens fuisset: ut ex agro populi Ro. plus frumenti seruo Venerio, quàm prætori tribui pateretur: nisi omnis ea præda serui nomine ad istum ipsum perueniret. Petrini, cum eorum decumæ magno additæ essent: tamen inuitissimi P. Neniu Turpioni improbissimo homini, qui iniuriarum sacerdote prætor datus est: HS VII dare coacti sunt. ita ne dissolute decumas uendidisti? ut cum medimnum HS XV milibus uenissent: aut MMM hoc est HS XXXXV: ut lucri Decumano HS MMM darentur. At permagno decumas eius agri uendidisti. uidelicet igitur non Turpioni lucrum datum: sed Petrini pecuniæ ereptæ.

Quid Halicyæses, quorū incolæ decumas dant: ipsi agros immunes habent: non ne huic eidem Turpioni cum decumæ C med. uenissent: HS XV dare coacti sunt? si id quod maxime uis: posses probare: hæc ad Decumanos lucra uenisse: nihil te attigisse: tamen hæ pecuniæ per uim, atq; iniuriam tuā captæ, & conciliatæ, tibi fraudi, & damnationi esse deberent. cum uero hoc nemini persuadere possis: te tam amentem fuisse: ut Apronium, ac Turpionem seruos homines, tuo, liberorumq; tuorum periculo diuites fieri uelles: dubitaturum quæquam existimas? quin illis emissarijs, hæc tibi omnis pecunia quæ sita sit? Segestam item ad immunem ciuitatem Venerius Symachus Decumanus immittitur. is



ab isto literas affert: ut sibi contra iura omnia, contraq;  
 Legem Rupiliam, extra forum iudicium promit-  
 tant aratores. audite literas, quas ad Segestanos mise-  
 rit. LITERAE C. VERRIS. Hic Vene-  
 rius quemadmodum aratores eluserit: ex una pactio-  
 nem hominis honesti, gratiosiq; cognoscite. in eodem enim ge-  
 nere sunt caetera. Diocles est Panormitanus, Phimes co-  
 gnomine, homo illustris, ac nobilis arator. is agrum  
 in Segestano, nam commercium in eo agro nemini est:  
 conductum habebat HS sex millibus. pro decuma cum  
 pulsatus a Venerio esset: dedit HS sexdecim millia  
 & DCLIII. id ex tabulis ipsius cognoscite. NO-  
 MEN DIOCLIS PANORMITANI. huic  
 eidem Symmacho, anneus Brochus Senator homo eo  
 splendore, ea uirtute, qua omnes existimatis, nummos  
 praeter frumentum coactus est dare. Venerio ne seruo te  
 praetore talis uir, Senator populi Ro. quaestui fuit: hunc  
 ordinem, si dignitate antecellere non existimabas: ne hoc  
 quidem sciebas: iudicare? antea, cum Equester ordo iu-  
 dicaret: improbi & rapaces magistratus in prouincijs in-  
 seruiebant publicanis: ornabant eos, quicunq; in operis  
 erant: quencunq; equitem Ro. in prouincia uiderant: be-  
 neficijs ac liberalitate prosequabantur: neq; tantum illa  
 res nocentibus proderat: quantum obfuit multis: cum  
 aliquid contra utilitatem eius ordinis uoluntatemq; fe-  
 cissent. retinebatur hoc tum nescio quomodo quasi com-  
 muni consilio ab illis diligenter: ut qui unum Equitem  
 Ro. contumelia dignum putasset: ab uniuerso ordine  
 malo dignus iudicaretur. tu sic ordinem Senatorium  
 despexisti? sic ad iniurias libidinesq; tuas omnia coe-  
 quasti? sic habuisti statutum cum animo, ac deliberatum?



omnes qui habitarent in Sicilia, aut qui Siciliam te prae-  
 tore attigissent: Iudices reicere? ut illud non cogitares?  
 tamen ad eiusdem ordinis homines te iudices esse uen-  
 turum? in quibus, si ex ipsorum domestico incommodo  
 nullus dolor insideret: tamen esset illa cogitatio: in alte-  
 rius iniuria sese despectos: dignitatemque ordinis con-  
 temptam, et abiectam. quod mehercule Iudices mihi  
 non mediocriter ferendum uidetur. habet enim quen-  
dam aculeum contumelia: quem pati prudentes, ac ui-  
ri boni difficillime possunt. spoliasti Siculos. solent enim  
 inulti esse in iniurijs suis graues. uexasti negotiatores.  
 inuiti enim Romam, raroque decedunt. Equitem Ro-  
 ad Apronij iniurias dedisti. quid enim iam nocere pos-  
 sunt: quibus non licet iudicare? quid cum Senatores sum-  
 mus iniurijs afficis? quid aliud dicis? nisi hoc? cedo mihi  
 etiam istum Senatorem: ut hoc amplissimum nomen Senato-  
 rum non modo ad inuidiam imperitorum: sed etiam ad  
 contumeliam improborum natum esse uideatur. neque hoc  
 in uno fecit Anneo, sed in omnibus Senatoribus: ut or-  
 dinis nomen non tantum ad honorem, quantum ad igno-  
 miniam ualeret. In C. Cassio uiro clarissimo, et for-  
 tissimo, cum is eo ipso tempore, primo istius anno Cons.  
 esset: tanta improbitate usus est: ut cum eius uxor fae-  
 mina: primaria paternas haberet arationes in Leonti-  
 no: frumentum omne in decumas auferre iusserit. Hunc  
 tu in hac causa testem Verres habebis: quoniam iudicem  
 ne haberes, prouidisti. uos autem Iudices putare debe-  
 tis: esse quiddam nobis inter nos commune, atque coniun-  
 ctum. multa sunt imposita huic ordini munera, multi  
 labores, multa pericula, non solum legum, ac iudicio-  
 rum, sed etiam rumorum, ac temporum. sic est hic or-  
 do quasi



do quasi propositus, atq; editus in altum: ut ab omnibus  
uentis inuidiæ circumflari posse uideatur. in hac tam  
misera, & indigna conditione uitæ, ne hoc quidem  
retinebimus Iudices? ut magistratibus nostris, in obti-  
nendo iure nostro, ne contemptissimi, ac despectissimi esse  
uideamur? Thermitani miserunt, q; decumas emerent  
agri sui. magni sua putabant interesse: publice potius,  
quamuis magno emi: quàm in aliquem istius emissæ-  
rium incidere. appositus erat Venuleius quidam, qui  
emeret. is liceri non desistit. illi, quoad uidebatur ferri  
aliquo modo posse: contenderunt: postremo liceri desiste-  
runt. Addicitur Venuleio tritici mod. VII c. legatus  
Possidorus renunciat. cum omnibus hoc intolerandum  
uideretur: tamen Venuleio dantur, ne accedat, tritici  
mod. VI: præterea HS MM millia. ex quo facile ap-  
paret, quæ merces Decumani, quæ prætoris præda esse  
uideatur. cædo Thermitanorum mihi literas & testi-  
monium. TABVLAE THERMITANO-  
RVM ET TESTIMONIUM. Imacharen-  
ses iam omni frumento ablato, iam omnibus iniurijs tuis  
exinanitos, tributum ferre miseros, ac perditos coegisti:  
ut Apronio darent HS XX millia. Recita decretum  
de tributis, & publicum testimonium. S. C. DE  
TRIBVTO CONFERENDO. TESTI-  
MONIUM IMACHARENSIVM. En-  
nenses, cum decumæ uenissent agri ennensis medimnū  
MMM CC: Apronio coacti sunt dare tritici mod.  
LXX MMM, & HS III millia. Quæso at-  
tendite quantus numerus frumenti cogatur ex omni  
agro Decumano. nam per omnes ciuitates, quæ de-  
cumas debent: percurrit oratio mea: & in hoc genere



stram sac  
ita cætera  
quam. Au  
rum dilig



lices Entellinorum summi laboris, summaeq; industriae,  
dolorem, & iniurias: Heracliensium, Icaliensium, Aet-  
nensium, Solentinorum, incommoda proferentur: Ca-  
tinensium locupletissimorum hominum, amicissimo-  
rumq; agros uexatos ab Apronio cognoscetis: Tynda-  
ritanam nobilissimam ciuitatem, Cephaleditanam, Ha-  
lentinam, Apolloniensem, Eggynam, Capitanam per-  
ditas esse hac iniquitate Decumanorum intelligetis: Mur-  
gentinis, Assorinis, Elorinis, Ennensibus, Letinis nihil  
omnino relictum: Ciratarinos, Acherinos, paruarum  
ciuitatum homines omnino abiectos esse ac perditos: o-  
mnes deniq; agros Decumanos per triennium populo  
Ro. ex parte decuma, C. Verri ex omni reliquo uecti-  
gales fuisse: & plerisq; aratoribus nihil omnino super-  
fuisse: quibus quod tum aut remissum, aut relictum sit:  
id fuisse: tantum: quantum ex eo, quo istius auaricia con-  
tenta fuit: redundarit. Duarum mihi ciuitatum reliquos  
fecit agros Iudices ferè optimos, ac nobilissimos Aetnen-  
sium, & Leontinorum. Horum agrorum ego missos  
faciam quæstus triennij: unum annum eligim: quo fa-  
lius id, quod institui: explicare possim. summam annum  
tertium: quod & recentissimus est: & ab isto ita admi-  
nistratus: ut cum se certe decessurum uideret: non labora-  
ret: si aratorem nullum in Sicilia omnino esset relictis-  
rus. agri Aetnensis, & Leontini decumas agemus. at-  
tendite Iudices diligenter. agri sunt feraces: annus ter-  
tius: Decumanus Apronius. de Aetnensibus perpauca  
dicam. Dixerunt enim ipsi priore actione publice: me-  
moria tenetis, Artemidorum Aetnensem, legationis eius  
principem publice dicere: Apronium uenisse Aetnam  
cum Venerijs: uocasse ad se magistratum: imperasse ut



in foro sibi medio lecti sternerentur: quotidie solitum esse non modo in publico, sed etiam de publico conuiuari. cum in eis conuiuijs symphonia caneret: maximisq; poculis ministraretur: retinere solitū esse aratores: atq; ab his non modo per iniuriam, sed etiā per contumeliā tantum exprimi frumenti quantum Apronius imperasset. Audistis hæc Iudices: quæ nunc ego omnia prætereo: ac relinquo. nihil de luxuria Apronij loquor: nihil de insolentia: nihil de singulari nequitia, ac turpitudine: tantum de quæstu, ac lucro dicam unius agri, & unius anni: quo facilius uos coniecturam de triennio, & de tota Sicilia facere possitis. Sed mihi Aetnensium brevis est oratio. ipsi enim uenerunt: ipsi publicas literas deportarunt: docuerunt uos quid lucelli fecerit homo non malus, familiaris prætoris Apronius. id quæso ex ipsorum testimonio cognoscite. Recita testimonium Aetnensium. quid ais? dic, dic quæso clarius: ut populus romanus de suis uectigalibus, de suis aratoribus, de suis socijs, atq; amicis audiat. L. MEDIMNA. per deos immortales unus ager uno anno CCC millia mod. tritici, & præterea L. millia lucri dat Apronio: tanto ne minoris Decumæ uenierunt: quàm fuerunt? an cum satis magno uenissent: hic tantus tamen frumenti, pecuniæq; numerus ab aratoribus per uim ablatus est? utrum enim horum dixeris: in eo culpa, & crimen hærebit. nam illud quidem non dices: quod utinam dicas: ad Apronium nō peruenisse tantum. ita te non modo publicis tenebo: sed etiam priuatis aratorum pactionibus, ac literis: ut inteligas, non te diligentiorē in faciendis furtis fuisse: quàm me in deprehendendis. hoc tu feres? hoc quisquam defendet? hoc hi, si aliter de te statuere uoluerint: sustinebunt?



uno aduentu, ex uno agro, Q. Apronium præter eam, quam dixi, pecuniam numeratam, CCC millia mod. tritici, lucri nomine sustulisse? Quid? hoc Aetnenses soli dicunt? immo etiam Centuripini: qui agri Aetnensis multo maximam partem possident. quorum legatis hominibus nobilissimus Androni, & Aribemoni Senatus ea mandata dedit: quæ publice ad ciuitatem ipsorum pertinebant: de his iniurijs, quas ciues Centuripini non in suis, sed in aliorum finibus acceperunt: Senatus et populus Centuripinus legatos noluit mittere: ipsi aratores Centuripini, qui numerus est in Sicilia maximus, hominum honestissimorum, & locupletissimorum: tres legatos ciues suos delegerunt: ut eorum testimonio non unius agri, sed propè totius Siciliae calamitates cognosceretis. arant enim tota Sicilia ferè Centuripini: et hoc in te grauiores, certioresq; testes sunt: quod cæteræ ciuitates suis solum incommodis commouentur: Centuripini, quod in omnibus ferè finibus habent possessiones: etiam cæterarum ciuitatum damna, ac detrimenta senserunt. Verum, ut dixi, ratio certa est Aetnensium, & publicis, & priuatis literis consignata mea diligentia. pensum magis in Leontino agro est exigendum: propter hanc causam, quod ipsi Leontini publice non sanè me multum adiuuerunt. neq; enim eos isto prætoris hæ Decumanorum iniuriæ læserunt: potius etiam adiuuerunt. mirum fortasse hoc uobis, aut incredibile uideatur: in tantis aratorum incommodis, Leontinos, qui principes rei frumentariæ fuerunt: expertes incommodorum, atq; iniuriarum fuisse. hoc causæ est Iudices: quod in agro Leontino, præter unam Mnasistrati familiam, glebam Leontinorum possidet nemo. itaq; Mnasistrati hominis honestissimi, atq;



# IN VERREM

optimi uiri testimonium Iudices audietis: ceteros Leontinos, quibus non modo Apronius in agris, sed ne tempestas quidem ulla nocere potuit: expectare nolite. et enim non modo incommodi nihil coeperunt: sed etiam in Apronianis illis rapinis in quaestu sunt, compendioque uersati. quapropter, quoniam me Leontina ciuitas, atque legatio, propter eam, quam dixi, causam, defecit: mihi met ineunda ratio, et uia reperienda est: qua ad Apronij quaestum, siue adeo qua ad istius ingentem, immanemque praedam possim peruenire. Agri Leontini Decumae anno tertio uenierunt tritici mod. XXXVI, hoc est tritici mod. CCXVI. magno Iudices: magno neque enim hoc possum negare. itaque necesse est, aut damnum, aut certe non magnum lucrum fecisse Decumanum. hoc enim solet usu uenire ijs: qui magno redemerunt. quid? si ostendo in hac una emptione, lucri fieri tritici modios C? quid? si CC? quid? si CCCC? dubitabitis etiam, cui ista tanta praeda quaesita sit? iniquum esse quispiam dicet: qui ex lucri magnitudine coniecturam faciam furti, atque praedae. quid? si docebo Iudices: eos, qui CCCC millia mod. lucri faciunt, damnum facturos fuisse: si tua iniquitas sit: ut ex cohorte Recuperatores non intercederent: num quis poterit in tanto lucro, tantaque iniquitate dubitare? quin propter iniquitatem tam magnos quaestus feceris? propter magnitudinem quaestus, improbus esse uolueris? Quomodo igitur hoc assequar Iudices? ut sciam lucri quantum factum sit? non ex Apronij tabulis: quas ego cum conquirerem, non inueni: Et cum in eius ipsum eduxi: expressi ut conficere tabulas se negaret. si mentiebatur: quamobrem remouebat, si haec tabulae nihil tibi erant obfuturæ? si omnino nullas confecerat.



rat literas: ne id quidem satis significabat, illum non suum negotium gessisse. ea est enim ratio Decumarum: ut sine plurimis literis confici non possit. singula enim nomina aratorum, & cum singulis pactiones Decumarum, literis persequi, et conficere necesse est. Iugera professi sunt aratores omnes, imperio, atq; instituto tuo: non opinor quēquam minus esse professum: quā quantum arasset: cum tot cruces, tot iudicia, tot ex cohorte Recuperatores proponeretur. in iugere Leontini a gri medimnū ferē tritici seritur, perpetua, atq; æquabili satione: ager effiat, cum octavo bene ut agatur: uerum, ut omnes di adiument: cum decimo. quod si quando accidit: tum fit, ut tantum Decumæ sit: quantum seueris: hoc est, ut quot iugera sunt sata: totidem medimna decumæ debeantur. hoc cum ita esset: primum illud dico: pluribus millibus medimnum uenisse decumas a gri Leontini: q̄ quot millia iugerum sata erant in agro Leontino. quod si fieri non poterat: ut plus quā decem medimna ex iugere ararent: medimnum ex iugere Decumano dari poterit: cum ager, id quod perraro euenit: cum decimo extulisset: quæ erat ratio Decumani? siquidem Decumæ ac non bona ueniebant aratorū: ut pluribus aliquanto medimnis Decumas emeret. quā iugera erant sata? in Leontino iugerum subscriptio, ac professio, non est plus XXX: Decumæ XXXVI medimnum uenierunt. Errauit? an potius insaniuit Apronius? immo tum insanisset: si aratoribus quod deberent: licitum esset: et non quod Apronius imperasset: necesse fuisset dare. si ostendo minus tribus medimnis in iugerum neminem dedisse Decumæ: concedes opinor: ut cum Decumano fructus arationis perceptus sit: neminem minus tribus decumis



# IN VERREM

dedisse. atq; hoc in beneficij loco petatum est ab Apronio: ut iugera singula ternis medimnis decidere liceret. nam cum à multis quaterna, etiam quina exigerentur: multis autem non solum granum ullum: sed ne paleæ quidem ex omni fructu, atq; ex annuo labore relinquerentur: tum aratores Centuripini, qui numerus in agro Leontino maximus est: unum in locum conuenerunt: hominem suæ ciuitatis in primis honestum, ac nobilem Andronem Centuripinum legarunt ad Apronium: eundem, quem hoc tempore ad hoc iudicium legatum, et testem Centuripina ciuitas misit: ut is apud eum causam aratorum ageret: ab eoq; peteret: ut ab aratoribus Centuripinis ne amplius in iugera singula, quàm terna medimna exigeret. hoc uix ab Apronio in summo beneficio, pro ijs, qui etiam tum incolumes erant: impetratum est. id cum impetrabatur: hoc uidelicet impetrabatur: ut pro singulis Decimus, ternas decumas dare liceret: quod si tua res non ageretur: à te potius postularent: ne amplius quàm singulas: quàm ad Apronio, ut ne plus, quàm ternas decumas darent. Nunc ut hoc tempore ea quæ regie, seu potius tyrannice statuit in aratores Apronius, prætermittam: neq; eos appellem: à quibus omne frumentum eripuit: et quibus nihil non modo de fructu, sed ne de bonis quidē suis reliqui fecit: ex hisce ternis medimnis, quod beneficij, gratiæq; causa concessit: quid lucri fiat, cognoscite. Professio est agri Leontini ad iugera. XXX. hæc sunt ad tritici medimna XC, idest tritici mod. DXL. millia. deductis tritici mod. CCXVI, quanti decumæ uenierunt, reliqua tritici CCCXXIII. adde totius summæ DXL millia mod. tres quinquagesimas, sit tritici mod.



XXXII. CCCC. ab omnibus enim ternæ præterea quinquagesimæ exigebantur. Sunt hæc iam ad HS CCC XL mod. tritici. At ego CCCC lucri facta esse dixeram. Non enim duco in hac ratione eos quibus ternis medimnis non est licitum decidere. uerum ut hac ipsa ratione summam mei promissi compleam: ad singula medimna multi HS duo: multi HS quinque accessionis cogebantur dare: qui minimum: singulos nummos. hoc minimum ut sequamur: quoniam XC medimnas duximus: accedant eò nouo pessimoq; exemplo ad HS XC millia. Hic mihi etiam dicere audebit, magno se Decumas uendidisse? cum ex eodem agro, dimidio plus abstulerit: quàm populo Ro. miserit. CC XVI Decumas agri Leontini uendidisti: si ex lege: magno. si ut lex esset libido tua: paruo. si, ut quæ dimidiæ essent, Decumæ uocarentur: paruo uendidisti. multo enim pluris fructus annui Siciliæ uenire potuerunt: si id te Senatus aut populus Ro. facere uoluisset. etenim sæpe Decumæ tanti uenierunt cum lege Hieronica uenirent: quanti nunc lege Verrea uenierunt. Cedo mihi C. Norbani decumas uenditas. C. NORBANI DECUMAS VENDITAS AGRI LEONTINI. Atq; tum neq; iudicium de modo iugerum dabatur: neq; eni erat Artemidorus Cornelius Recuperator: neq; ab aratore magistratus Siculus tantum exigebat: quantum Decumanus ediderat: nec beneficium petebatur à Decumano: ut in iugera singula ternis medimnis decidere liceret: nec nummorum accessionem cogebatur arator dare: nec ternas quinquagesimas frumenti addere. Et tamen populo Ro. magnus frumenti numerus mittebatur. Quid uero istæ sibi quinquagesimæ? quid porro num=



# IN VERREM

*morum accessiones uolunt? quo id iure, atq; adeo quo id  
 potius ore fecisti? nummos dabat arator. quomodo? aut  
 unde? qui, si largissimus esse uellet, cumulatione mensu-  
 ra uteretur: ut antea solebant facere, in decumis, cum  
 aequa lege & conditione ueniebant. is nummum dabat.  
 unde? de frumento? quasi habuisset te praetore quod uede-  
 ret. de uiuo igitur erat aliquid rescandum: ut esset, un-  
 de Apronio ad illos fructus arationum hoc corollariū  
 nummorum adderetur. Iam id porro' utrum libentes,  
 an inuiti dabant? libentes? amabant credo Apronium.  
 inuiti? quare, nisi ui, & malo cogebantur? Iam iste ho-  
 mo amentissimus in uendundis decumis nummorum  
 faciebat accessiones ad singulas decumas: neq; multum:  
 bina aut terna millia addebat. fiunt per triennium HS  
 fortasse D millia. hoc neq; exemplo cuiusquam, neq;  
 ullo iure fecit: neq; eam pecuniam retulit: neq; hoc par-  
 uum crimen quemadmodum defensurus sit homo quis-  
 quam unquam excogitauit. quod cum ita sit: audes di-  
 cere te magno? Decumas uendidisse? cum sit perspicuum  
 te bona, fortunasq; aratorum non populi romani, sed  
 tui quæstus causa uendidisse. ut si quis uillicus ex eo fun-  
 do, qui HS dena meritaasset: ex asis arboribus ac uēditis,  
 demptis tegulis, instrumento, pecore ab alienato, domi-  
 no XX millia nummum pro X miserit: sibi alia  
 præterea centum confecerit: primo dominus ignarus  
 incommodi sui gaudeat: uillicoq; delectetur: quod tan-  
 to sibi plus mercedis ex fundo resectum sit. deinde cum  
 audierit, eas res quibus fundi fructus, & cultura con-  
 tinentur: amotas, & uenditas: summo supplicio uillicum  
 afficiat: & secum male actum putet. Item populus ro-  
 manus cum audit pluris Decumas uendidisse C. Verre: q̄*



innocentissimū hominē, cui iste successit: C. Sacerdotem: putat se bonum in arationibus, fructibusq; suis, habuisse custodem, ac uillicum: cum senserit istum omne instrumentum aratorum, omnia subsidia uectigalium uendi disse: omnem spem posteritatis auaricia sua sustulisse: arationes, & agros uectigales uastasse: atq; exinanisse: ipsum maximos quæstus, prædasq; fecisse: intelliget secum actum esse pessime: istum autem summo supplicio dignum existimabit. unde ergo hoc intelligi potest? ex hoc maxime: quod ager decumanus provinciae Siciliae propter istius auariciam desertus est. neq; id solum actum est: uti hi minus multis iugis arent: si qui in agris remanserunt: sed etiam, ut permulti locupletes homines, magni, & naui aratores agros latos, ac fertiles desererent: totasq; arationes dereliquerent. Id adeo sciri facillime potest ex literis publicis ciuitatum: propterea quod lege Hieronica numerus aratorū quotannis apud magistratus publice subscribitur. Recitanda tandem quot acceperit aratores agri Leontini Verres. OCTVAGINTA TRES. quot anno tertio profiteantur. TRIGINTA DVO. unū et quinquaginta aratores ita uideo deiectos: ut his ne uictrū quidē successerint. quot aratores adueniēte te fuerūt agri Muticensis uideamus ex literis publicis. CENTVM OCTVAGINTA OCTO. quid? anno tertio? CENTVM ET VNVS. octuaginta septem aratores unus ager istius iniuria desiderat: atq; adeo nostra respublica, quoniā illa populi Ro. uectigalia sunt: hūc tot Patrum familias numerum desiderat: & reposcit. Ager Herbitensis primo anno habuit aratores ducentos quinquaginta septem: tertio centum uiginti. hinc centum triginta septem patresfamili-



extorres. IN VERREM

lias extorres profugerunt. A gyrinensis ager quorū hominum? q̄ honestorū? q̄ locupletum? ducentos quinquaginta aratores habuit primo anno præturæ tuæ. quid tertio anno octuaginta: quemadmodum legatos A gyrinenses recitare ex publicis literis audistis. Pro' dī immortales si ex provincia tota centū septuaginta eiecisses: posses ne seueris iudiciis saluus esse? unus ager A gyrinensis centū septuaginta aratoribus inanior cū sit: uos cōiecturā totius provinciae nō facietis? Atq; hoc per æque in omni agro Decumano reperietis. qbus aliqd tamen reliq̄ fuerit ex magno patrimonio: eos in agris minore instrumento, minus multis locis, minores remansisse: quod metuebant: si recessissent: ne reliquas fortunas omnes amitterent. quibus autem iste nihil reliqui, quod perderent, fecerat: eos plane' non solum ex agris, uerum ex ciuitatibus suis profugisse. illi ipsi, qui remanserant: uix Decuma pars aratorum, relicturi agros omnes erant: nisi ad eos Metellus Roma literas misisset: Decumas lege Hieronica uenditurum: & nisi ab ijs hoc petuisset, ut sererent quā plurimum: quod illi semper sua causa fecerant: cum eos nemo rogaret: quādiu intelligebant sese sibi, & populo Ro. non Verri, & Apronio serere: impendere: laborare. Iam uero si Siculorum fortunas negligitis: si quē admodum socij populi Ro. a magistratibus nostris tractentur, nō laboratis: at uos communem populi Ro. causam suscipite: atq; defendite. Eiectos aratores esse dico: agros uectigales uexatos, atq; exinanitos a Verre: populatam uexatamq; provinciam: hæc omnia doceo ciuitatum, & priuatis primariorum uirorum testimonijs. quid multis amplius? num expectatis, dū L. Metellus is, qui multos in istum testes imperio, & potestate deter-



rui: idem absens, de istius scelere, improbitate, audacia  
 testimonium dicat? non opinor. At is optime, qui suc-  
 cessit isti, potuit cognoscere. ita est: uerum amicitia im-  
 peditur. at debet nos certiores facere: quo pacto se ha-  
 beat provincia. debet: ueruntamen non cogitur. num  
 quis in Verrem L. Metelli testimonium requirit? ne-  
 mo. num quis postulat? non opinor. quid si testimonio  
 L. Metelli, ac literis hæc omnia uera esse docebo? quid  
 dicetis? utrum Metellum falsum scribere? an amicum  
 lædendi esse cupidum? an prætorem quemadmodum  
 provincia affecta sit nescire? Recita literas L. Metel-  
 li, quas ad Cn. Pompeium, & M. Crassum Cons-  
 quas ad M. Mummiū Prætorem, quas ad Quæsto-  
 res urbis misit. EPISTOLA L. METEL-  
 LI. DECUMAS FRUMENTI LEGE  
 HIERONICA VENDIDI. Cum scribit se  
 lege Hieronica uendidisse: quid scribit? ita se uendidisse:  
 ut omnes præter Verrem. cum scribit lege Hieronica  
 uendidisse: quid scribit? se per istum erepta Siculis maio-  
 rum nostrorum beneficia, ius ipsorū, conditionem socie-  
 tatis, amicitiae, fœderum reddidisse. dicit quanti cuiusq;  
 agri Decumas uendiderit: deinde quid scribit? Recita  
 de epistola reliqua. SVMMA DATA EST  
 OPERA A ME: VT QVAMPLVRIM-  
 MO DECUMAS VENDEREM. Cur igitur  
 Metelle non ita magno uendidisti? quia desertas ara-  
 tiones, inanes agros, provinciam miseram, perditamq; of-  
 fendi. quid? id ipsum quod satum est: qua ratione quis-  
 quam, qui sereret: inuentus est? Recita literas. ait se mi-  
 sisse, & confirmasse, suam interposuisse auctoritatem.  
 tantum quod aratoribus Metellus obsides non dedit:



# IN VERREM

se in nulla re Verri similem futurum. At quid est ta-  
men, in quo se laborasse dicat? recita. VT ARA-  
TORES QVI RELIQVI ERANT: QVAM-  
PLVRIMVM SERERENT. Qui reliqui?  
quid hoc est? reliqui quo ex bello? qua ex nascitate? quæ  
nam in Sicilia tanta clades? aut quod bellum tam diu-  
turnum? tam calamitosum te prætoris uersatum est? ut  
is, qui tibi successerit: reliquos aratores collegisse, et re-  
creasse uideatur? cum bellis Carthaginiensibus Sicilia ue-  
xata est: et post nostram patrumq; memoriam cum bis  
in ea provincia magnæ fugitiuorum copię uersatæ sint:  
tamen aratorum internitio facta nulla est. tum semente  
prohibita, aut messe amissa fructus annuus interibat: ta-  
men incolumis numerus manebat dominorū, atq; arato-  
rum. tum, qui M. Leuino, aut P. Rupilio, aut M. Aq-  
lio prætoribus in eam provinciam successerant: arato-  
res reliquos non colligebant. tanto ne plus Verres cum  
Apronio provincie Siciliæ calamitatis importauit? q̃  
aut Hasdrubal, cum Poenorum exercitu? aut Athenio,  
cum fugitiuorum maximis copijs? ut temporibus illis, si-  
mul atq; hostis superatus esset: ager araretur omnis? neq;  
aratori prætor per literas supplicaret: neq; eum præsens  
oraret, ut quamplurimum sereret? nunc autem, ne post  
abitum quidem huius importunissimæ pestis, quisquam  
reperiretur: qui sua uoluntate araret? pauci essent reli-  
qui: qui L. Metelli autoritate in agros, atq; ad suam  
larem familiarem redirent? His te literis homo auda-  
cissime atq; amentissime iugulatum sentis? non uides, cū  
is qui tibi successit: aratores reliquos appelleret: hoc eum  
diserte scribere: reliquos hos esse, non ex bello, neq; ex  
aliqua huiusmodi calamitate, sed ex tuo scelere, impor-



funitate, auaricia, crudelitate? Recita cetera. T A  
MEN PRO EO VT ET TEMPORIS DIF  
FICULTAS ARATORVM QVE PE  
NVRIA TVLIT. aratorum inquit penuria.  
si ego accusator totiens de re eadem dicerem: uererer  
ne animos uestros offenderem Iudices. clamat Metellus:  
nisi literas misissem: non est satis: nisi præsens confir  
massem: ne id quidem satis est. reliquos inquit arato  
res. reliquos? propè lugubri uerbo calamitatem prouin  
cie Siciliae significat. addit: aratorum penuria. Expe  
ctate etiam Iudices, si potestis, auctoritatem accusatio  
nis meae. dico aratores istius auaricia eiectos: scribit Me  
tellus reliquos ab se esse confirmatos. dico agros reli  
ctos, arationesq; desertas esse: scribit Metellus, aratorum  
esse penuriam. hoc cum scribit: illud ostendit: deie  
ctos, eiectos, fortunis omnibus expulsos esse populi Ro.  
socios, atq; amicos. quibus si qua calamitas propter istū  
saluis uectigalibus nostris accidisset: animaduertere in  
eum uos oportebat: præsertim cum ea lege iudicaretis:  
quæ sociorum causa esset constituta. cum uero perditis,  
profligatisq; socijs uectigalia populi Ro. sint diminuta:  
res frumentaria, commeatus, copiae, salus urbis, atque  
exercituum nostrorum, in posteritatem istius aua  
ricia interierit: saltem populi Ro. commoda respicite:  
si socijs fidelissimis prospicere non laboratis. Atq; ut  
intelligatis ab isto præ lucro, prædāq; præsentī nec ue  
ctigalium, nec posteritatis habitam esse rationem: cogno  
scite quid ad extremum scribat Metellus. in reliquum  
tempus ait se uectigalibus prospexisse. Non scriberet  
se uectigalibus prospexisse: nisi hoc uellet ostendere: te  
uectigalia perdidisse. quid enim erat: quod uectigali-



# IN VERREM

bus prospiceret Metellus in Decumis, & in tota re frumentaria: si iste non uectigalia populi Ro. suo quæstu pueritisset. Atq; ipse Metellus, qui uectigalibus prospicit: qui reliquos aratores colligit: quid assequitur? nisi hoc? ut arent, si qui possunt: quibus aratrum saltem aliquod, satelles istius Apronius reliquum fecit: q; tamen in agris spe atq; expectatione Metelli remanserunt. quid cæteri Siculi? quid ille maximus numerus aratorum? qui non modo ex agris eiecti sunt: sed etiam ex ciuitatibus suis, ex prouincia deniq; bonis, fortunisq; omnibus ereptis profugerunt: qua ratione y reuocabuntur? quot prætorum innocentia, sapientiâq; opus est: ut illa aratorum multitudo aliquando in suis agris ac sedibus collocetur? Ac ne miremini tantam multitudinem profugisse: quantam ex literis publicis, aratorumq; professionibus cognouistis: scitote tantam acerbicatem istius, tantum scelus in aratores fuisse (incredibile dictu est Iudices: sed & factum, & tota Sicilia peruulgatum) ut homines propter iniurias, licentiamq; Decumanorum mortem sibi ipsi consciuerint. Centuripinum Dioclem hominem locupletem suspendisse se constat: quo die sit ei nunciatum Apronii decumas redemisse. Dyrrhachinû primum ciuitatis eadem ratione mortem oppetisse, dixit apud uos homo nobilissimus Archonidas Elorinus: cum audisset tantum Decumanum professum esse ex edicto istius sibi deberi: quantum ille bonis suis omnibus efficere non posset. Hæc tu, tametsi omnium hominum dissolutissimus, crudelissimusq; semper fuisti: tamen nunquam perpetere: quod illi gemitus luctusq; prouinciæ ad tui capitis periculum pertinebant: non inquam perpetere: ut homines iniuriæ tuæ remedium morte, ac suspendio



suspensio quærent: nisi ea res ad quæstum, & ad præ-  
dam tuam pertineret. quid? illud perpeterere? Atten-  
dite Iudices. omnibus enim nervis mihi contendendum  
est: atq; in hoc laborandum: ut omnes intelligant, quàm  
improbam, quàm manifestam, quàm confessam rem pe-  
cunia redimere conentur. graue crimen est hoc, & uehe-  
mens, & post hominum memoriam, iudiciâq; de pecu-  
nijs repetundis constituta, grauissimum: Prætorem socios  
habuisse Decumanos. Non hoc nunc primum audit pri-  
uatus de inimico, reus ab accusatore: iam antea in sella  
sedens prætor, cum prouinciam Siciliam obtineret: cum  
omnibus non solum id, quod commune est: propter im-  
perium, sed etiam id, quod istius præcipuum est: propter  
crudelitatem metueretur: nullies audiuit: cum eius ani-  
mum ad persequendum non negligentia tardaret: sed  
conscientia sceleris, auariciâq; suæ frenaret. loqueban-  
tur enim Decumani palam: & præter cæteros is, qui  
apud istum plurimum poterat: maximosq; a gros popu-  
labatur: Apronius: perparuum ex illis magnis lucris  
ad sese peruenire: prætorem esse socium. hoc cum palam  
Decumani tota prouincia loquerentur: tuumq; nomen  
in re tam turpi, nefariâq; interponerent: nihil ne tibi ue-  
nit in mentem existimationi tuæ consulere? nihil deniq;  
capiti ac fortunis tuis providere? cum tui nominis terror  
in auribus animusq; aratorum uersaretur: cum decu-  
mani aratoribus ad pactiones faciendas non suam uim,  
sed tuum scelus ac nomen opponerent: ecquod iudicium  
Romæ tam dissolutum, tam perditum, tam nummariū  
fore putasti? quo ex iudicio te ulla salus seruare posset?  
cum planum fieret, decumis contra instituta legis, con-  
suetudinemq; omnium uenditis, in aratorum bonis, for-



## IN VERREM

tunisq; diripiendis Decumanos dictitasse tuas esse partes,  
tuam rem, tuam prædam: idq; te tacuisse: & cum dissi-  
mulare non posses: potuisse tamen perpeti: & perferre:  
quod magnitudo lucri obscuraret periculi magnitudi-  
nem: plusq; aliquanto apud te pecuniæ cupiditas, quàm  
iudicij metus posset. Esto: cætera negare non potes. ne il-  
lud quidem tibi reliquum fecisti: ut hoc posses dicere: ni-  
hil eorum te audisse: nihil ad tuas aures de infamia tua  
peruenisse. querebantur cum luctu, & gemitu ara-  
tores. tu id nesciebas? fremebat tota prouincia. nemo id  
tibi renuntiabat? Romæ querimonie de tuis iniurijs,  
conuentusq; habebantur. ignorabas hæc? ignorabas  
hæc omnia? quid? cum palam Syracusis te audiente ma-  
ximo conuentu, P. Rubrius Q. Apronium sponsione la-  
cessiuit. ni Apronius dictitaret, te sibi in decumis esse so-  
cium: hæc te uox non perculit? non perturbauit? non,  
ut capiti, & fortunis tuis prospiceres excitauit? tacuisti:  
sedasti etiam lites illorum: & sponsio illa ne fieret: la-  
borasti. Pro dij immortales, hoc aut innocens homo per-  
peti potuisset: aut quamuis nocens: qui modo iudicia Ro-  
mæ fore putaret: non aliqua re simulatione populi Ro-  
existimationi se hominum uendicasset? qd est hoc? spon-  
sio fit de capite, ac fortunis tuis. tu sedes? & quiescis?  
non persequeris? non perseueras? non perquiris cui di-  
xerit Apronius? quis audierit? unde hoc natum? quem-  
admodum prolatum sit? si tibi ad aurem accessisset: &  
dixisset Apronium dictitare, te sibi esse socium: commo-  
ueri te oportuit: uocare Apronium: nec illum ante tibi sa-  
tisfacere: quàm tu omnium existimationi satisfacisses. cū  
uero in foro celeberrimo, tanta frequentia, hoc, uerbo,  
& simulatione Apronio, re uera tibi obiectum esset:



tu unquam tantam plagam tacitus accipere potuisses? nisi hoc ita statuisses: in re tam manifesta quicquid dixisses: te deterius esse facturum? quæstores, legatos, præfectos suos, Tribunos multi missos fecerunt: & de provincia decedere iusserunt: quod eorum culpa se minus commode audire arbitrarentur: aut quod peccare illos aliqua in re iudicarent. tu Apronium hominem uix liberum, contaminatum, perditum, flagitiosum, qui non modo animum integrum, sed ne animam quidem puram conseruare potuisses: eum in tanto tuo dedecore profecto ne uerbo quidem grauiore appellasses: neq; apud te tam sancta religio societatis fuisset: ut tui capitis periculum negligeres: nisi rem tam notam esse omnibus, & tam manifestam uideres. Cum eodem Apronio postea P. Scandilius Eques Ro. quem uos omnes nostis: eandem sponsionem de societate fecit: quam Rubrius facere uoluerat. instituit: oppressit: nõ remisit: facta est sponsio HS V mil. coepit Scandilius Recuperatores, aut iudicem postulare. satis ne uobis prætori improbo circumdati cancelli uidentur in sua provincia, immo uero in sella, ac tribunali? ut aut de suo capite iudicium fieri patiatur præsens, ac sedens: aut confiteatur se omnibus iudicijs conuinci necesse esse? sponsio est, ni te Apronius in decumis socium esse dicat: provincia, tua est: ades: abs te iudicium postulatur. quid facis? quid decernis? Recuperatores dicas te daturum. bene agis. tamen, si qui erunt tantis cernicibus Recuperatores: qui audeant in provincia, cum prætor adsit: non solum contra uoluntatem eius, sed etiam contra fortunas iudicare. uerum esto: manifesta res est: nemo esset: quin hoc se audisse liquido diceret: locupletissimus qsq; certissimus testis esset: nemo erat Sicilia tota: qui ne-



# IN VERREM

sciret decumas esse Prætoris: nemo qui non audisset, ita Apronium dictitasse. præterea conuentus honestus Syracusis: multi Equites Ro. uiri primarij: ex qua copia Recuperatores reici oporteret: qui aliter iudicare nullo modo possent. Instat Scandilius poscere Recuperatores. tum iste homo innocens, qui illam suspicionem leuare, atq; ab se remouere cuperet: Recuperatores dicit se de cohorte sua daturum. Pro' deum hominumq; fidem, quæ ego accuso? in quo meam industriam, ac diligentiam spectari uolo? quid est, quod ego dicendo, aut cogitando efficere, aut assequi debeam? teneo in medijs uestigalibus populi romani, in ipsis fructibus provinciae Siciliae furem manifestum auertentem rem frumentariam omnem, pecuniam maximam: teneo inquam ita: ut negare non possit. nam quid hic dicet? sponsio facta est cum cognitore tuo Apronio de fortunis tuis omnibus, ni socium te sibi in decumis esse dictitaret. expectant omnes quantæ tibi ea res curæ sit: quemadmodum hominum existimationi te, atq; innocentiam tuam probari uelis. hic tu Medicum, & Aruspicem, & Præconem tuum Recuperatores dabis? aut etiam illum ipsum, quem tu in cohorte tua Cassianum iudicem habebas: si qua res maior esset: Papyrium potamonem, hominem seuerum, ex uetere illa equestri disciplina. Scandilius postulare de conuentu Recuperatores. Tum iste negat se de existimatione sua cuiquam nisi suis commissurum. Negociatores putant esse turpe, id forum sibi iniquum eiurare: ubi negotientur. Prætor provinciam suam totam sibi iniquam eiurat. O' impudentiam singularem. hic postulat se Romæ absolui: qui in sua provincia iudicauit se absolui nullo modo posse: qui plus existimet apud lectissimos Senatores pecuniam, quam apud

*Finco.*



tres negotiatores metum ualere. Scandilius uero negat  
 sese apud Artemidorum Recuperatorem uerbum esse  
 facturum: & tamen auget, atq; onerat te bonis condi-  
 tionibus: si tu uti uelis. si ex provincia Sicilia tota sta-  
 tuas idoneum iudicem aut Recuperatorem nullum pos-  
 se reperiri: postulat à te, ut Romam reicias. hic enimue-  
 ro tu exclamas, hominem improbum: qui postulet ibi  
 de tua existimatione iudicium fieri: ubi te inuidiosum  
 esse intelligebat: negas te Romam reiecturum: negas de  
 conuentu Recuperatores daturum: cohortem tuam pro-  
 ponis. Scandilius rem se totam relicturum dicit: & suo  
 tempore esse rediturum. quid tu ibi tum? quid facis? Scan-  
 dilium cogis. quid? sponsonem acceptam facere? impu-  
 denter tollis expectatum existimationis tuæ iudicium. nō  
 facis. quid ergo? Apronio permittis: ut quos uelit, de co-  
 horteumat Recuperatores? indignum, uni potius ex ini-  
 quis sumendi, quam uirisque ex æquis reijciendi fieri po-  
 testatem. neutrum facis eorum. quid ergo? est aliquid quod  
 improbius fieri potest. cogit enim Scandilium quinque il-  
 la millia nummum dare, atq; adnumerare Apronio.  
 Quid potuit elegantius facere. Prætor cupidus existima-  
 tionis bonæ: qui ab sese omnem suspicionem propulsa-  
 re: qui se eripere ex infamia cuperet? Adductus erat  
 in sermonem, inuidiam, uituperationem: dictitaret ho-  
 mo improbus, atq; impurus Apronius, socium esse præ-  
 torem: uenerat res in iudicium, atq; discrimen: potestas  
 erat isti homini integro, atq; innocenti data: ut in Apro-  
 nium cum animaduertisset: sese grauissima leuaret in-  
 fama. quid excogitat pœnæ? quid animaduersionis in  
 Apronium? cogit Scandilium Apronio ob singularem  
 improbitatem, atq; audaciam, prædicationemq; nefariæ



# IN VERREM

societatis, HS V millia mercedis nomine, ac præmij dare. Quid interfuit homo audacissime, utrū hoc decerneres? an id quod Apronius dictitabat: tu de te proferres, ac dictitares? quem hominem, si quis pudor in te, atq; adeo si quis metus fuisset: sine supplicio dimittere non debuisti: hunc abs te sine præmio discedere noluisti. Omnia simul intelligere potuisti Iudices ex hoc uno crimine Scandiliano: primum, hoc non esse Romæ natum de societate Decumarum: non ab accusatore fictum: non ut solemus interdum in defensionibus dicere, crimen domesticum, ac uernaculum: non ex tempore periculi tui constitutum: sed uetus, cogitatum iam, & te prætore iactatum, & non ab inimicis Romæ compositum, sed Romam de provincia exportatum. simul intelligi potest illud istius in Apronium studium: Apronij de isto non modo confessio, uerum etiam commemoratio. eodem accedit: quod hoc quoq; intelligere potestis: istum statuisse in provincia sua, existimationis suæ iudicium extra cohortem suam committendum fuisse nemini. Ecquis est iudex? cui non ab initio Decumani criminis persuasum sit: istum in aratorum bona, fortunasq; impetum fecisse? quis hoc non ex eo statim iudicauit? quod ostendi istum Decumas noua lege, atq; adeo nulla lege, contra omnium consuetudinem, atq; instituta uendidisse? Verum ut istos ego Iudices tam seueros, tam diligentes, tam religiosos non haberem: ecquis est, ex iniuriarum magnitudine, improbitate decretorum, iudiciorum iniquitate, qui hoc non iam dudum statuerit? & iudicauit? etiam sane sit aliquis dissolutior in iudicando, legum, officij, reipublicæ, sociorum, atque amicorum negligentior. quid is? possit ne de istius improbitate dubitare? cum tanta lucra facta, tam iniquas



pactiones ui, et metu expressas cognouerit? cum tanta  
 premia ciuitates ui, atq; imperio, uirgarum, ac mortis  
 metu non modo Apronio, atq; eius simulibus, uerum etiā  
 Venerijs seruis dare coactas? Quod si quis sociorum in-  
 commodis minus mouetur: si quem aratorum fuga, et  
 lamitates, exilia, suspendia deniq; non permouent: non  
 possum dubitare: quin is tamen cum uastatam Siciliam,  
 relictos agros, ex ciuitatum literis, et Epistola L. Me-  
 telli cognouerit: statuatur fieri non posse: ut de isto non  
 seuerissime iudicetur. erit etiam aliquis qui hæc omnia  
 dissimulare: ac negligere possit. attuli spōsiones ipso præ-  
 sente factas de Decumarum societate, ab ipso prohibitas  
 iudicari. quid est, quod posset quisquam manifestus hoc,  
 desiderare? non dubito quin uobis satisfecerim Iudices.  
 ueruntamen progrediar longius: nō mehercule quo ma-  
 gis hoc uobis persuadeatur: quam iam persuasum esse  
 confido: sed ut ille aliquando impudentiæ suæ finem fa-  
 ciat: aliquando desinat: ea se putare emere: quæ ipse sem-  
 per habuit uenalia: fidem, iusurandum, ueritatem, offi-  
 cium, religionem: desinant amici eius ea dictitare, quæ  
 detrimento, maculæ, inuidiæ, infamæ nobis omnibus  
 esse possint. at qui amici? O' miserum, atq; inuidio-  
 sum, offensumq; paucorum culpa, atq; indignitate ordi-  
 nem Senatorium. Albam Emiliū sedentem in fauci-  
 bus macelli loqui palam? uicasse Verrem: emptos habere  
 iudices: alium HS CCCC millibus: alium HS D:  
 quem minimo, CCC. atq; ei cum responsum esset: fie-  
 ri non posse: multos testes esse dicturos: me præterea cau-  
 se non defuturum: licet hercules inquit omnes omnia  
 dicant: in illo nisi ita res manifesta erit allata: ut respon-  
 deri nihil possit: uicimus. Bene agis Alba: ad tuam ue-



081  
 niam conditionem. nihil putas ualere in iudicijs conie-  
 cturam: nihil suspicionem: nihil ante actæ uitæ existi-  
 mationem: nihil bonorum uirorum testimonia: nihil ciui-  
 tatum authoritates, ac testimonia: literas manifestas quæ-  
 ris. non quero iudices Cassianos: ueterem iudiciorum  
 seueritatem non requiro: uestram in hoc fidem, digni-  
 tatem, religionem, in iudicando non imploro: Albam  
 habebo iudicem: eum hominē, qui se ipse scurrā im-  
 probissimum existimari uult: qui a scurris potius sem-  
 per gladiator, quā scurrā appellatus sit. afferam rem  
 eiusmodi in decumis: ut Alba fateatur: istum in re fru-  
 mentaria, & in bonis aratorum, aperte, palamq; esse  
 prædatum. Decumas agri Leontini magno dicit se  
 uendidisse. ostendi iam illud initio: non existimandum  
 magno uendidisse eum: qui uerbo decumas uendiderit:  
 re, & conditione, & lege, & edicto, & licentia Decu-  
 manorum, decumas aratoribus nullas reliquas fece-  
 rit. etiam illud ostendi: uendidisse alios magno Decu-  
 mas agri Leontini, cæterorumq; agrorum: & lege Hie-  
 ronici uendidisse: & pluris etiā quā te uendidisse: nec  
 aratorē quenquā esse quæstū. nec enim fuit quod q̄quam  
 queri posset: cum lege æquissime scripta uenirent. neq;  
 illud unquā aratoris interfuit: quanti Decumæ ueni-  
 rent. non enim ita est: ut si magno uenierint: plus ara-  
 tor debeat: si paruo: minus. ut frumenta nata sunt: ita  
 decumæ ueneunt. aratoris autem interest: ita se fru-  
 menta habere: ut decumæ quamplurimo uenire possint.  
 dum arator ne plus decuma det: expedit ei decumam es-  
 se quā maximam. Verum hoc ut opinor esse uis ca-  
 put defensionis tuæ: magno te decumas uendidisse: agri  
 uero Leontini, qui plurimum efficit: tritici mod. CCVI



millibus. Si doceo, pluris aliquanto potuisse te uendere:  
neq; his uoluisse addicere: qui contra Apronium lice-  
rentur: & Apronio multo minoris, quam alijs potue-  
ris, tradidisse: si hoc doceo: poterit ne te Alba tuus anti-  
quissimus non solum amicus, uerum etiam amator, ab-  
soluere? Dico Equitem Ro. hominem in primis hone-  
stum, Q. Minutium cum suis similibus, ad decumas  
agri Leontini tritici mod. non M, non MM, non  
MMM, sed ad unas unius acri decumas tritici mod.  
XXX uoluisse addere: & ei potestatem emendi non es-  
se factam: ne res abiret ab Apronio. negare hoc, nisi for-  
te negare omnia constituisti: nullo modo potes. palam res  
gesta est, maximo conuentu, Syracusis: testis est tota pro-  
uincia: propterea quod undiq; ad emendas decumas so-  
lent eo conuenire. quod siue fateris: siue couinceris: quot  
& quammaximus in rebus teneare: non uides? pri-  
mum tuam rem illam, & prædam fuisse. nam nisi ita  
esset: cur tu Apronium malebas: quem omnes tuum pro-  
curare in decumis negotium loquebantur: quàm Mi-  
nutium decumas acri Leontini sumere? deinde immen-  
sum atq; infinitum lucrum esse factum. nam si XXX  
mod. tritici tu commotus non esses: certe hoc idem lucri  
Minutius Apronio libenter dedisset: si ille accipere uo-  
luisset. quantam igitur illi spem prædæ propositam ar-  
bitramur fuisse: qui tantum præsens lucrum nulla ope-  
ra insumpta contempserit? atq; despexerit? deinde ipse  
Minutius nunquam tanti habere uoluisset: si decumas tu  
lege Hieronica uenderes. sed quod tuis nouis edictis,  
& iniquissimis institutis plus aliquanto se, quam decu-  
mas, ablaturum uidebat: ita circum longius progressus est.  
At Apronio semper, plus etiam multo abs te permissum



# IN VERREM

est: quàm quod edixeras. quantum igitur quæstum putamus factum esse per eum: cui quiduis licitum sit: cum tantum lucri uoluerit addere is, cui, si decumas emisset: idem non liceret? Postremo illa quidem certe tibi præcisa defensio est: in qua tu semper omnia tua furta, atq; flagitia latere posse arbitratus es: magno te decumas uendidisse: plebi Ro. consuluisse: annonæ prospexisse. non potest hoc dicere is, qui negare non potest: se unius agri decumas XXX mod. minoris quàm potuerit: uendidisse. ut etiam, si tibi hoc concedam: Minutio ideo te non tradidisse: quod iam addixisses Apronio: aiunt enim te ita dictitare: quod ego expecto: cupioq; te illud defendere. uerum ut ita sit: tamen non potes hoc quasi præclarum aliquid prædicare: magno te decumas uendidisse: cum fuisse fateare: qui multo pluris uoluerint emere. Tenetur igitur iam Iudices, & manifesto tenetur auaricia, cupiditas hominis, scelus, improbitas, audacia. Quid? si hæc, quæ dico, ipsius annui, defensoresq; iudicarunt? quid uultis amplius? Aduentu L. Metelli prætoris cum omnes eius comites iste sibi suo illo panchresto medicamento amicos redemisset: aditum est ad Metellum: eductus est Apronius: eduxit uir primarius C. Gallius Senator: à L. Metello, ut ex edicto suo iudicium daret in Apronium, quod per uim, aut metum abstulisset: quam formulam Octavianam, & Romæ Metellus habuerat: & habebat in prouincia: non impetrat: cum hoc diceret Metellus, præiudicium se de capite C. Verris, per hoc iudicium nolle fieri. tota Metelli cohors, hominum non ingratorum, aderat Apronio. C. Gallius homo nostri ordinis, à suo familiarissimo L. Metello iudicium ex edicto non potest impetrare



re. non reprehendo Metellum. peperat homini amico,  
& quemadmodum ipsum dicere audiui: necessario. nō  
reprehendo inquam Metellum. sed hoc miror: quomo-  
do, de quo homine praeiudicium noluerit fieri per Re-  
cuperatores: de hoc ipso non modo praeiudicari: uerum  
grauissime, ac uehementissime iudicari. primum enim,  
si Apronium absolutum iri putaret: nihil erat, quod  
ullum praeiudicium uereretur. deinde si condemnato  
Apronio, coniunctam cum eo Verris causam omnes erāt  
existimaturi: Metellus quidem certe iam hoc iudicabat:  
eorum rem, causamq; esse coniunctam: qui statuerit  
Apronio condemnato, de isto praeiudicium futurum. &  
simul una res utriq; rei est argumento: & aratores ui,  
& metu coactos Apronio multo plus, quam debuerint,  
dedisse: et Apronium istius rem suo nomine egisse: cum  
L. Metellus statuerit: non posse Apronium condemna-  
ri: quin simul de istius scelere, atq; improbitate iudica-  
retur. Venio nunc ad epistolam Timarchidis, liber-  
ti istius, et accensi. de qua cum dixero: totum hoc crimen  
Decumanum perorabo. Hæc epistola est Iudices: quam  
nos Syracusis in ædibus Apronii, cum literas conquire  
uenus: inuenimus. missa est, ut ipsa significat: ex itinere:  
cum Verres iam de prouincia decessisset Timarchidis  
manu scripta. Recita Epistolam Timarchidis. TI-  
MARCHIDES VERRIS ACCENSUS  
APRONIO SALVTEM DICIT. Iam  
hoc quidem non reprehendo: quod ascripsit accensus. cur  
enim sibi hoc scribæ soli sumat? L. Papyrius Scriba.  
uolo ego hoc esse commune accensorum, licitorum, uia-  
torum. FAC DILIGENTIAM ADHIBE-  
AS QVOD AD EXISTIMATIONEM



IN VERREM

PRAETORIS ATTINET. commendat  
Apronio Verrem: & hortatur ut inimicis eius resistat.  
bono praesidio munitur existimatio tua: siquidem in Apro-  
nij constituitur diligentia, atq; auctoritate. HABES  
VIRTUTEM ATQVE ELOQVENTI-  
AM. quàm copiose laudatur Apronius à Timarchi-  
de? quàm magnifice? cui ego non putem illum placere  
oportere: qui tantopere Timarchidi probatus sit? HA-  
BES SVMPVVM VNDE FACIAS. ne-  
cesse est, quod redundaret de uestro frumentario quæ-  
stu: ad illum potissimum, per quem agebatis, defluxis-  
se. SCRIBAS APPARITORES RE-  
CENTES ARRIPE: CVM L. VVL-  
TEIO, QVI PLVRIMVM POTES-  
T: CAEDE: CONCIDE. Videte quàm ualde  
malicie suæ confidat Timarchides: qui etiam Apronio  
improbis præcepta det. Iam hoc caede, concide, non  
uerba domo patroni depromere uidetur, ad omne ge-  
nus nequicie accommodata? VOLO MIHI  
FRATERCVLO TVO CREDAS. con-  
sorti quidem in lucris, atq; furtis: gemino, & simili-  
mo nequitia, improbitate, audacia. IN COHOR-  
TE CARVS HABERE. quid est hoc in co-  
horte? quo pertinet? Apronium doces? quid? in uestrà  
cohortem te monitore, an sua sponte peruenierat? QVOD  
CVIQVE OPVS SIT: OPPONE. qua im-  
pudentia putatis eum in dominatione fuisse: qui in fuga  
tam improbus sit? ait, omnia pecunia effic posse: dare:  
profundere: opponere, si uelis uincere. non hoc mihi tā  
molestum est Apronio suadere Timarchidem: quàm  
quod hoc idem patrono suo præcipit. TE POSTV



LANTE OMNES VINCERE SOLENT.  
 Verre quidem Prætor: non Sacerdote, non Peduceo,  
 non hoc ipso Metello. SCIS METELLVM SA-  
 PIENTEM ESSE. hoc uero ferri iam non po-  
 test: irrideri uiri optimi L. Metelli ingenium, & con-  
 temni, ac despicere à fugituo Timarchide. SI VVL-  
 TEIVM HABEBIS, OMNIA LVDI-  
 BVNDVS PERFICIES. Hic uehementer errat  
 Timarchides: qui aut Vulteium pecunia corrumpi pu-  
 tet posse: aut Metellum unius arbitratu gerere Prætu-  
 ram. sed errauit coniectura domestica. quia multos per  
 se, & per alios multa ludibundos libidinosè apud Ver-  
 rem effecisse uidit: ad omnes eosdem patere aditus ar-  
 bitrabatur. facilius uos effraebatis ludibundi, quæ uo-  
 lebatis à Verre: quod multa eius ludorum genera no-  
 ratis. INCVLCA TVM EST METELLO  
 ET VVLTEIO TE ARATORES EVER-  
 TISSE. quis istuc Apronio attribuebat? cum ara-  
 torem aliquem euerterat? aut Timarchidi? cum ob in-  
 dicandum, aut decernendum, aut imperandum ali-  
 quid, aut remittendum pecuniam acceperat? aut Sestio  
 Licitori? cum aliquem innocentem securi percusserat?  
 nemo. omnes ei Verri tunc attribuebant: quem nunc  
 condemnari uolunt. OBTVDERVNT EIVS  
 AVRES TE SOCIVM PRÆTORIS  
 FVISSE. uides ne hoc quàm clarum sit, & fue-  
 rit? cum etiam Timarchides hoc metuat: concedes non  
 hoc crimen nos in te confingere? sed iam pridem ad cri-  
 men, aliquam defensionem libertum quærere? libertus,  
 & Accensus tuus, & tibi, ac liberis tuis, omnibus in re-  
 bus coniunctus, ac proximus, ad Apronium scribit: uul-



IN VERREM

go esse ab omnibus ita demonstratum Metello: tibi Aproniū in decumis socium fuisse. FAC SCIAT IMPROBITATEM ARATORVM. IPSI SVDABVNT: SI DII VOLENT. quod istuc p̄ deos immortales, aut qua de causa excitatum esse dicimus in aratores tam infestum odiū? atq; tantum? quantā iniuriā fecerunt Verri aratores? ut eos etiam libertus, & accensus eius tam irato animo, aut literis insequatur? Neq; ego huius fugitivi Iudices epistolam vobis recitassem: nisi ut ex ea totius familiæ præcepta, & instituta, & disciplinam cognosceretis. Videtis, ut moneat Apronium quibus rebus, ac muneribus insinuet in familiaritatem Metelli? Vulteiū corrumpat? Scribas, Accensumq; præcio delinias? ea præcipit: quæ uidit: ea monet alienum hominem: quæ domi didicit ipse. uerum in hoc errat uno: quod easdem existimat uias ad omnium familiaritates esse munitas. quanquam merito sum iratus Metello: tamen hæc, quæ uera sunt, dicam. Apronius ipsum Metellum non præcio, ut Verrem, non conuiuio, non muliere, nō sermone incauto, atq; improbo posset corrumpere. quibus rebus non sensim, atq; moderate ad istius amicitiam arreperat: sed breui tempore totum hominem, totamq; eius Præturam possederat. Cohortem autem Metelli q̄ uocat: quid erat quod corrumpere? ex qua recuperatores nulli dabantur. nam quod scribit Metelli Filium puerum esse: uehementer errat. non enim ad omnes prætorum filios idem aditus sunt. O' Timarchide, Metelli est filius in prouincia, non puer, sed adolescens bonus, ac pudens, dignus illo loco, ac nomine. uester ille puer prætextatus in prouincia quemadmodum fuisset, non dicerem: si pueri esse illam culpam, ac



non patris existimarem. tu ne, cum te, ac tuam vitam nosse: in Siciliam tecum grandem pretextatum filium ducebas? ut etiam si natura puerum à paternis uicijs, atq; à generis similitudine abduceret: consuetudo tamen eum, et disciplina degenerare nō sineret. fac enim fuisse in isto C. Lelij, M. Catonis materiem, atq; indolem: quid ex eo boni sperari, atq; effici potest? qui in patris luxurie sic uixerit: ut nullum unquam pudicum, neq; sobrium conuiuium uiderit? qui in epulis quotidianis adulta etate per trienniū inter impudicas mulieres, et intemperantes uiros uersatus sit? nihil unquam à patre audiuit: quo pudētior, aut melior esset: nihil unquam patrem agere uidit: quod cum imitatus esset: non id, qđ turpissimum est: simul patri putaretur. Quibus in rebus non solum filio, uerum etiam Reip. fecisti iniuriā. suscepas enim liberos non solum tibi, sed etiam patriæ: qui non modo tibi uoluptati, sed etiam qui aliquādo usui Reip. esse possent. eos instituere, atq; erudire ad maiorum instituta, atq; ciuitatis disciplinam, non ad tuas turpitudines debuisti. esset inertis, atq; impuro, & improbo parente nauus, & pudens, & probus filius: haberet aliquid abs te Resp. muneris. nunc pro te uerem substituiisti alterum ciuitati. nisi hoc forte deterior est: si fieri potest: quod tu eiusmodi euasisti, non in hominibus luxuriosi, sed tantum in furis, ac diuisoris disciplina educatus. quid isto festinius fore arbitramur? qui est tuus natura filius, consuetudine discipulus, uoluntate similis? Quem ego Iudices quamuis bonum, fortemq; facile paterer euadere. non enim me inimicitiae commouent: si quæ mihi cum isto futurae sint. nam si in omnibus rebus innocens fuero, mei q; similis: quid

inert, si, ut re  
mibi liberos, quid si

diuisor.



# IN VERREM

mibi istius inimicitiae nocebunt? sin aliqua in re Verri similis fuero: non magis mihi deerit inimicus: quam Verri defuit. etenim Iudices eiusmodi Respu. debet esse: & erit, ueritate iudiciorum constituta: ut inimicus neq; deesse nocenti possit: neq; obesse innocenti. quapropter nulla res est: quamobrem ego istum nolim ex paternis probris, ac uicijs emergere: id, quod tamen isti diffile est: tamen haud scio an fieri possit: praesertim si (ut nunc fit) custodes amicorum eum sectabuntur: quoniam pater tam negligens, ac dissolutus est. Verum huc longius, quam uoluntas fuit, ab epistola Timarchidis digressa est oratio mea. qua recitata, conclusurum me esse crimen decumarum dixeram: ex quo intellexistis innumerabilem frumenti numerum per triennium auersum a Rep. esse: abreptumq; aratoribus. Sequitur, ut de frumento empto uos Iudices doceam, maximo, atq; impudentissimo furto: de quo dum certa, & pauca, et magna dicam breuiter: attendite. Frumentum emere in Sicilia debuit Verres ex Senatus consulto, & ex lege Terentia, & Cassia frumentaria. Emundi duo genera fuerunt: unum certarum decumarum: alterum quod praeterea ciuitatibus aequaliter esset distributum. illius decumani tantum, quantum ex primis decumis fuisset tritici mod. DCCC nullia: precium autem constitutum decumano in mod. singulos HS ternos: imperato, HS IIII. ita in frumentum imperatum, HS duodecies in annos singulos Verri decernebatur: quod aratoribus solueret: in alteras decumas ferme ad nonagies. sic per triennium ad hanc frumenti emptionem Siciliensem prope centies & tricies erogatum est. Hanc pecuniam tantam, datam tibi ex aerario inopi, atq; exhausto, datam ad frumentum, hoc est ad



hoc est ad necessitatem salutis, & uitæ, datam ut Siculis  
aratoribus, quibus tanta onera Respublicæ imponeret: soluere-  
tur: ab te sic laceratam esse dico: ut possim illud proba-  
re, si uelim: omnem te hanc pecuniâ donum tuam auer-  
tisse. etenim sic hanc rem totam administrasti: ut hoc, quod  
dico, probari æquissimo iudici possit. sed ego habebo ra-  
tionem authoritatis meæ: meminero, quo animo, quo con-  
silio ad causam publicam accesserim: nõ agam tecum ac-  
cusatorie: nihil fingam: nihil probari uelim me dicente:  
quod non ante mihi met ipsi probatum sit. In hac pecu-  
nia publica Iudices hæc insunt tria genera furtorum.  
primum eam, cum posita esset apud eas societates, unde  
erat attributa: binis centesimis foeneratus est. deinde per  
multis ciuitatibus pro frumento nihil soluit omnino.  
postremo si cui ciuitati soluit, tantum detraxit: quan-  
tum commodum fuit: nulli, quod debitum est, reddidit.  
Ac primum hoc ex te quæro. tu cui Publicani ex Ar-  
pinati literis gratias egerunt: pecunia publica ex æra-  
rio erogata, ex uectigalibus populi Romani ad emendum fru-  
mentum attributa, fuerit ne tibi quæstui? pensitarit ne  
tibi binas centesimas? credo te negaturum. turpis enim  
est, et periculosa confessio. mihi autem hoc per arduum  
est demonstrare. quibus enim testibus? publicani tracta-  
ti honorifice sunt: tacebunt. literæ eorum decreto Deci-  
manorum remotæ sunt. quo me igitur uertam? rem tam  
improbam, crimen tantæ audaciæ, tantæque impuden-  
tiæ, propter inopiam testium, ac literarum prætermit-  
tam? non faciam Iudices: utar teste: quo? P. Vectio Chi-  
lone homine equestris ordinis honestissimo, atque ornatis-  
simo: qui isti ita amicus, et necessarius est: ut etiam si uir  
bonus non esset: tamen quod contra istum diceret: gra-

A



IN VERREM

ue uideretur. ita uir bonus est: ut etiam si inimicissimus  
 isti esset: tamen eius testimonio credi oporteret. admira-  
 tur: & expectat, quidnam Vectius dicturus sit. nihil  
 dicet ex tempore: nihil ex sua uoluntate: nihil, cum utrū  
 uis, licuisse uideatur. misit in Siciliam literas ad Carpi-  
 natum, cum esset magister scripturae, & sex Publicano-  
 rum. quas ego Syracusis apud Carpinatum in litera-  
 rum allatarum libris, Romae in literarum missarum  
 apud magistrum Tullium familiarem tuum inueni.  
 quibus ex literis impudentiam foenerationis quaeso co-  
 gnoscite. LITERAE MISSAE L. VE-  
 CTII, L. SERVILII, C. ANTISTITIS  
 MAGISTRORVM. Praesto se tibi ait futurum  
 Vectius: & obseruaturum quemadmodum rationes ad  
 aerarium referas: ut si hanc ex foenore populo pecu-  
 niam non retuleris: reddas societati. Possumus hoc te-  
 ste, possumus P. Seruili, & C. Antistitis magistrorum  
 primorum hominum, atq; honestissimorum, possumus  
 auctoritate societatis, cuius literis utimur: quod dicimus  
 obtinere. an aliqua firmitura, aut grauiora quaerenda  
 sunt? Vectius tuus familiarissimus, Vectius tuus affi-  
 nis, cuius sororem habes in matrimonio: tuae frater uxo-  
 ris Vectius, frater tui Quaestoris, impudicissimum tuū  
 furtum, certissimumq; peculatum, nam quo alio nomi-  
 ne pecuniae publicae foeneratio est appellanda. \*  
 Recita, reliqua. Scribam tuum dicit Verres huius  
 perscriptorem foenerationis fuisse. ei quoq; Magistri mu-  
 nantur in literis. & casu Scribae tum duo Magistri fue-  
 runt. cum Vectio binas centesimas ab se ablatas ferun-  
 dum non putant. & recte non putant. quis enim hoc  
 fecit unquam? quis deniq; conatus est facere? aut posse



fieri cogitauit. ut cum Senatus publicanos usura sepe  
iunisset: magistratus à Publicanis pecuniam pro usuris  
auderet auferre. Certe huic homini spes nulla salutis  
esset: si Publicani, hoc est si Equites Ro. iudicarent. Mi-  
nor esse cura nunc Iudices nobis disceptantibus debet:  
et tanto minor: quanto est honestius alienis iniurijs, quam  
re sua commoueri. Quid ad hæc respondere cogitas?  
utrum factum negabis? an tibi hoc licitum esse defen-  
des? negare qui potes? an ut tanta autoritate literarū,  
tot testibus Publicanis conuincare? licuisse uero qui? si me  
hercule te tuam pecuniam non populi romani in prouin-  
cia fœneratum docerem: tamen effugere non posses.  
sed publicam, sed ob frumentum decretam, sed à Publi-  
canis fenore accepto: hoc licuisse cuiquam probabis? quo  
non modo ceteri, sed ipse nihil audacius improbiusq; fe-  
cisti. non mehercule hoc, quod omnibus singulare uide-  
tur: de quo mihi deinceps dicendum est: possum Iudices  
dicere audacius esse: aut impudentius: quod permultis  
ciuitatibus pro frumento nihil soluit omnino. maior hæc  
præda fortasse est: sed illa impudētia certe non minor.  
Et quoniam de illa feneratione satis dictum est: nunc  
de hac tota pecunia auersa quæso cognoscite. Siciliae  
ciuitates multæ sunt Iudices, ornatae, atque honestæ. ex  
quibus in primis numeranda est ciuitas Halesina. nul-  
lam enim reperietis aut officijs fidelio rem: aut copijs lo-  
cupletio rem: aut autoritate grauiorem. Huic iste an-  
nos singulos cum sexaginta tritici millia modiu impe-  
rauisset: pro tritico nummos abstulit: quanti erat in Si-  
cilia triticum: quos de publico nummos acceperat, reti-  
nuit omnes. Obstupui Iudices: cum hoc mihi primum  
Halesæ demonstrauit in Senatu Halesinorum homo



IN VERREM

summo ingenio, summa prudentia, summa autoritate  
præditus Halesinus Aenias: cui Senatus dederat publi-  
ce causam: ut mihi, fratriq; meo gratias ageret: Et si-  
mul, qui nos ea, quæ ad iudicium pertinerent: doceret.  
demonstrat hanc istius consuetudinem, ac rationem fuis-  
se: cum omnis frumenti copia decumarum nomine  
penes istum esset redacta: solitum esse istum pecuniam  
cogere à ciuitatibus: frumentum improbare: quantum  
frumenti Romam esset mittendum: tantum de suo que-  
stu, ac de sua copia frumenti mittere. posco rationes: in-  
spicio literas: uideo frumenti granum Halesinos, quibus  
LX millia modium imperata erant: nullum dedisse:  
pecuniam Volcatio, Timarchidi, Scribæ dedisse. reperio  
genus huiusmodi Iudices prædæ: ut prætor, qui fru-  
mentum emere debebat: non emat: sed uendat: pecunias,  
quas ciuitatibus distribuere debebat: eas omnes auertat:  
atq; auferat. non mihi iam furtum, sed monstrum, ac  
prodigium uidebatur. ciuitatum frumentum improba-  
se: precium ei frumento constituere: quod constituisset, id  
ciuitatibus auferre: quod à populo Ro. acceperet, tenere.  
quot uultis esse in uno furto peccatorum gradus? ut si  
singulis insistere uelim: progredi iste non posset. Impro-  
bas frumentum Siculum. quid? ipse quod mittis? pe-  
culiare habes aliquam Sicaliam: quæ tibi ex alio ge-  
nere frumentum suppeditare possit? cum Senatus decer-  
nit: ut ematur in Sicilia frumentum: aut populus iubet:  
hoc, ut opinor, intelligit: ex Sicilia Siculum frumentum  
apportari oportere. tu cum ciuitatum Siciliae uulgo omne  
frumentum improbas: num ex Aegypto, aut ex Syria  
frumentum Romam mittis? improbas Halesinum, Ce-  
phaleditanum, Thermitanum, Amestratinum, Tynda-



ritanum, Herbitense, multarum præterea ciuitatum. quid accidit tamen: ut horum populorum agri frumentum eiusmodi te prætor ferrent: quod nunquam antea neq; tibi, neq; populo Ro. posset probari? præsertim cum ex iisdem agris, eiusdemq; anni frumentum ex decumis Romam mancipēs aduexissent. quid acciderat? ut ex eodem horreo decumanum probaretur: emptum non probaretur? dubium ne est? quin ista omnis improbatio cogendæ pecuniæ causa nata sit? esto: improbas Halesinum: habes ab alio populo quod probes. eme illud: quod placet: missos fac eos: quorum frumentum improbasti. sed ab ijs quos repudias: exigis tantum pecuniæ: quantum ad eum numerum frumenti satis sit: quem ciuitati imperas. dubium est quid egeris? in medimna singula uideo ex literis publicis tibi Halesinos HS quinque denos dedisse. ostendam ex tabulis locupletissimorum aratorum, eodem tempore neminem in Sicilia plus frumentum uendidisse. quæ ergo ista ratio? aut quæ potius amentia? frumentum improbare id, quod ex eo loco sit: ex quo Senatus, et populus Ro. emi uoluerit: ex eo acervo: ex quo partem tu idem decumarum nomine probaris. deinde à ciuitatibus pecunias ad emendum frumentum cogere: cum ex ærario acceperis. utrum te lex Terentia Siculorum pecunia frumentum emere à Siculis, an populi Ro. pecunia frumentum ab Siculis emere iussit? Iam uero ab isto, omnem illam ex ærario pecuniam, quam his oportuit ciuitatibus pro frumento dari: lucrifactam uidetis. accipis enim HS XV pro medimno. tanti enim est illo tempore medimnum. retines HS XII. tanti enim est frumentum Siciliense ex lege æstimatum. Quid interest, utrum hoc feceris? an frumen



IN VERREM

tum non improbaris? sed frumento probato, & ac-  
 pto, pecuniam publicam tenueris omnem? neq; quicquā  
 ulli dissolueris ciuitati? cum aestimatio legis eiusmodi sit:  
 ut cæteris temporibus tolerabilis Siculis, te prætorē etiā  
 grata esse debuerit. est enim modius lege HS III æsti-  
 matus: fuit autem te prætorē, ut tu in multis epistolis ad  
 amicos tuos gloriaris: HS II. sed fuerit HS III:  
 quoniam tu tantum à ciuitatibus in modios singulos exe-  
 gisti. cum, si solueres siculis tantum, quantum te Popu-  
 lus Ro. iusserat: aratoribus fieri gratissimum posset: tu  
 non modo eos accipere, quod oportebat noluisti: sed etiam  
 dare, quod non debebant: coegisti. Atq; hæc ita gesta esse  
 iudices cognoscite ex literis publicis ciuitatum, et ex te-  
 stimonijs publicis: in quibus nihil fictum, nihil ad tem-  
 pus accommodatum intelligatis. omnia quæ dicimus: ra-  
 tionibus populorū non interpositis, neq; perturbatis, neq;  
 repentinis, sed certis, institutis, ordine relata, atq; confe-  
 cta sunt. Recita rationes Halesinorum. cui pecu-  
 niam datam dicat? dic, dic etiam clarius. VOLCA-  
 TIO, TIMARCHIDE, MEVIO. Quid est  
 Verres? ne illam quidem tibi defensionem reliquam feci-  
 sti: mancipēs in istis rebus esse uersatos: mancipēs frumē-  
 tum improbasse: mancipēs precio cum ciuitatibus decidi-  
 se: & eosdem abs te illarum ciuitatum nomine pecunias  
 abstulisse: deinde ipsos sibi frumentum coemisse: nihil hæc  
 ad te pertinere. mala mehercule, ac misera defensio: Præ-  
 torem hoc dicere: ego frumentum neq; attigi: neq; aspexi:  
 mancipibus potestatem probandi, improbandiq; permi-  
 si: mancipēs à ciuitatibus pecunias extorserunt: ego au-  
 tem quā pecuniā populis dare debui: mancipibus de-  
 di. mala est hæc quidem, ut dixi, defensio criminis. sed



tamen hac ipsa tibi, si uti cupias: non licet. uetat te Volat-  
 tus tuæ, tuorumq; delicia, mentionem mancipis facere.  
 Timarchides autem columen familiæ uestræ premit fau-  
 ces defensionis tuæ: cui simul, & Volatio pecunia à ciui-  
 tate numerata est. Iam uero Scriba tuus annulo aureo  
 suo, quem ex his rebus inuenit: ista te ratione uti non si-  
 net. Quid igitur est reliquum? nisi uti fateare: te Romæ  
 frumentum emptum Siculorum pecunia misisse: publi-  
 cam pecuniam domum tuam conuertisse. O consuetudo  
 peccandi, quantam habes iucunditatem in improbis, &  
 audacibus: cum poena absuit: & licentia consecuta est.  
 Iste in hoc genere peculatus non nunc primum inueni-  
 tur: sed nunc demum tenetur. uidimus huic ab ærario  
 pecuniâ numerari Quæstori adsumptum excretus Con-  
 sularis: uidimus paucis post mensibus, & excretum, &  
 Consulem spoliatum. illa omnis pecunia latuit in illa ca-  
 ligrine, ac tenebris: quæ totam Remp. tum occupauerat.  
 iterum gessit hereditariam Quæsturam cum Dolobel-  
 la: magnam pecuniam auertit. sed eius rationem cum  
 damnatione Dolobellæ permiscuit. commissa est pecunia  
 tanta prætori: non reperiets hominem timide, nec leui-  
 ter, hæc improbissima lucra ligurientem: deuorare o-  
 mnem pecuniam publicam non dubitauit. Ita serpit il-  
 lud insitum in natura malum consuetudine peccandi li-  
 bera: finem ut audaciæ statuere ipse sibi non possit. te-  
 netur igitur aliquando: & in rebus tum maximis, tum  
 manifestis tenetur. Atq; in eam fraudem mihi uidetur di-  
 uinitus incidisse: non solum ut eas poenas, quas proxime  
 meruisset: solueret: sed ut illa etiam scelera eius in Car-  
 bonem, & in Dolobellam uindicarentur. Etenim noua  
 quoq; alia res extitit Iudices in hoc crimine: quæ tollat



omnem dubitationem superioris illius Decumani criminis. nam ut illud missum faciam: permultos aratores in alteras Decumas, & in hac DCCC millia modium: quod emptum populo Ro. darent, non habuisse: sed à tuo procuratore, hoc est ab Apronio, emisse: ex quo intelligi potest: nihil te aratoribus reliqui fecisse: ut hoc præteream: quod in multis est testimonijs expositum: potest illo quicquam esse certius: in tua potestate, atq; in tuis horreis omne frumentum Siciliae per triennium, atq; omnes fructus agri decumani fuisse? Cum enim à ciuitatibus pro frumento pecuniam exigebas: unde erat frumentum quod Romam mitteres? si tu id non omne clausum, & compressum possidebas? Itaq; in eo frumento primus tibi ille quaestus fuit, ipsius frumenti: quod erat ereptum ab aratoribus. alter, quod id frumentum improbissime partim, non semel, sed bis, neq; uno, sed duobus precijs unum, & idem frumentum uendidisti: semel ciuitatibus HS XV in medimnum: iterum populo Ro. à quo HS XXI in medimna pro eodem illo frumento abstulisti. At enim frumentum Centuripinorum, et Agrigentinarum, & nonnullorum fortasse præterea probasti: & his populis pecuniam dissoluisti. Sint aliquæ ciuitates in eo numero: quarum frumentum improbare nolueris: quid tandem? his ciuitatibus omnis ne pecunia, quæ pro frumento debita est: dissoluta est? unum mihi repperi, non populum, sed aratorem: uide: quære: circumspecte: si quis forte est, ex ea provincia, in qua tu triennium præfuisi: qui te nolit perisse. unum inquam da mihi ex illis aratoribus: qui uel ad statuam pecuniam contulerunt: qui sibi dicat pro frumento omne esse, quod oportuerit solutum. confirmo Iudices, neminem esse dictum.



rum. ex omni pecunia quam aratoribus soluere debui-  
 sti: certis nominibus deductiones fieri solebant: primum  
 pro spectatione, et collybo: deinde pro nescio quo cera-  
 rio. hæc omnia Iudices non rerum certarum, sed furto-  
 rum improbiſſimorum sunt uocabula. nam collybus  
 esse quipotesi? cum utantur omnes uno genere nummo-  
 rum? cerarium uero quid uocas? quomodo hoc nomen ad  
 rationes magistratus? quomodo ad pecuniam publicam  
 allatum est? nam illud genus tertium deductionis erat  
 eiusmodi: quasi non modo liceret: sed etiam oporteret: nec  
 solum oporteret: sed plane necesse esset. Scribæ nomine  
 de tota pecunia, binæ quinquagesimæ detrahebantur.  
 quis tibi hoc concessit? quæ lex? quæ Senatus autoritas?  
 quæ porro æquitas? ut tantam pecuniam Scriba tuus au-  
 ferret, siue de aratorum bonis, siue de populi Ro. uecti-  
 galibus? nam si potest ista pecunia sine aratorum iniuria  
 detrahi: populus Ro. habeat: præsertim in tantis ærarij  
 angustiis. Sin autem & populus id uoluit: & æquū ita  
 est, solui aratoribus: tuus apparitor parua mercede po-  
 puli conductus, de aratorum bonis prædabitur? & in  
 hac causa Scribarum ordinem in me concitabit Horten-  
 sius? & eorum commoda à me labefactari, atque oppu-  
 gnari iniuria dicet? quasi uero hoc Scribis ullo exem-  
 plo sit, aut ullo iure concessum? Quid ego uetera repe-  
 tam? aut quid eorum Scribarum mentionem faciam?  
 quos constat sanctissimos homines, atque innocen-  
 tissimos fuisse? non me fugit Iudices: uetera exempla pro  
 fictis fabulis iam audiri: atq; haberi. in his temporibus  
 uersabor miseris, ac perditis. Nuper Hortensi Quæstor  
 fuisti. quid tui Scribæ fecerint, tu potes dicere. Ego de  
 meis hoc dico: cum in eadem ista Sialia pro frumento



# IN VERREM

civitibus pecuniam soluerem: & mecum duos frugalif-  
simos homines scribas haberem, L. Manulium, &  
L. Sergium: non modo istas duas quinquagesimas, sed  
omnino nummum nullum cuiquam esse deductum.  
dicerem, hoc mihi totum esse attribuendum Iudices: si  
illi unquam à me hoc postulassent: si unquam omnino  
cogitassent. quamobrem enim scriba deducat: ac non  
potius multo, qui adduxerit, tabellarius? cuius aduen-  
tu certiores facti, petiuerunt: præco, qui abire iussit?  
uiator, ac Venerius qui fiscum sustulit? quæ pars ope-  
ræ aut opportunitatis in scriba est? cui rei, non modo  
merces tanta detur: sed cur cum eo tantæ pecuniæ par-  
titio fiat. ordo est honestus. quis negat? aut quid ea res  
ad hanc rem pertinet? est uero honestus: quod eorum  
hominum fidei tabulæ publicæ, periculâq; magistratum  
committuntur. itaq; ex his scribis, qui digni sunt illo  
ordine: patribus familias, uiris bonis, atq; honestis, per-  
cunctamini quid sibi istæ quinquagesimæ uelint: iam  
omnes intelligetis nouam rem totam atq; indignam ui-  
deri. ad eos me scribas reuoca, si placet: noli hos colli-  
gere, qui numulis corrogatis de nepotum bonis, ac de  
scenicorum corollariis, cum decuriam emerunt: ex præ-  
mo ordine explosorum, in secundum ordinem ciuita-  
tis se uenisse dicunt. eos scribas tecum disceptatores hu-  
ius criminis habebis: qui istos scribas esse moleste ferunt.  
tamen, cum in eo ordine uideamus esse multos non ido-  
neos: qui ordo industriæ propositus est, & dignitati: mi-  
rabimur turpes aliquot in eo esse? quo cuius licet præ-  
cio peruenire? tu ex pecunia publicâ HS tredecies scri-  
bam tuum permissu tuo cum abstulisse fateare: reli-  
quam tibi ullam defensionem putas esse? hoc ferre quen-



quam posse? hoc quenuquam deniq; nunc tuorum aduo-  
 catorum animo æquo audire arbitrare? qua in ciuita-  
 te C. Catoni clarissimo uiro, Consulari homini HS  
 VIII millibus lis æstimata sit: in eadem ciuitate appa-  
 ritori tuo esse concessum: ut HS uno nomine terdecies auferret. hinc ille est annulus aureus: quo tu istum  
 in concione donasti. quæ tua donatio singulari impu-  
 dentia prædita noua Siculis omnibus, mihi uero incre-  
 dibilis uidebatur. sæpe enim nostri Imperatores supe-  
 ratis hostibus, optime Rep. gesta, Scribas suos annulis  
 aureis in concione donarunt. tu uero quibus rebus gestis,  
 quo hoste superato, concionē donandi causa aduocare au-  
 sus es? neq; enim solum Scribam tuum annulo, sed  
 etiam uirum fortissimum, ac tui dissimillimum, Q.  
 Rubrium excellenti uirtute, authoritate, copijs, corona,  
 & phaleris, & torque donasti: M. Cossutium sanctissi-  
 mum uirum, atq; honestissimum: M. Castritium sum-  
 mo splendore, ingenio, gloria præditum. quid hæc sibi  
 horum trium ciuium Ro. dona uoluerunt? Siculos præ-  
 terea potentissimos, nobilissimosq; donasti. qui non, quæ-  
 admodum sperasti, tardiores fuerunt: sed ornatiores tuo  
 iudicio ad testimonia dicenda uenerunt. quibus ex ho-  
 stium spolijs? de qua uictoria? qua ex præda, aut ma-  
 nubijs, hæc abs te donatio constituta est? an quod te præto-  
 re, paucorum aduentu myoparonum, classis pulcher-  
 rima Siciliæ propugnaculum, præsidiumq; prouinciæ,  
 piratarum manibus incensa est? an quod ager Syracu-  
 sanus prædonum incendijs te prætores uastatus est? an qd  
 forū Syracusanū nauarchorū sanguine redūdauit? an  
 quod in portu Syracusano piraticus myoparo nauigauit? nihil possum reperire: quāobrem te in istam amen-



tiam incidisse arbitrer . nisi forte id egisti : ut homi-  
nibus ne obliuisci quidem rerum tuarum male gesta-  
rum liceret . annulo est aureo scriba donatus : & ad  
eam donationem concio est aduocata . quod erat os tuū?  
cum uidebas in concione eos homines : quorum ex bo-  
nis iste annulus aureus donabatur : qui ipsi annulos au-  
reos posuerant : liberisq; suis detraxerant : ut esset un-  
de scriba tuus hoc tuum munus , ac beneficium tuere-  
tur? quæ porro præfatio tuæ donationis fuit? illa scili-  
cet uetus , atq; Imperatoria : quando tu quidem in præ-  
lio , in bello , in re militari : cuius ne mentio quidem te  
prætoris ulla facta est . an illa? quando quidem tu nulla  
unquam mihi in cupiditate , ac turpitudine defuisti : o-  
mnibusq; in iisdem flagitijs mecum , & in legatione , et  
in Prætura , & hic in Sicilia uersatus es : ob hæc res :  
quoniam te locupletauisti : hoc annulo aureo dono . Vera  
hæc fuisset oratio . non enim iste annulus aureus abs te  
datus , istum uirum fortem , sed hominē locupletem esse  
declarat . Ita eundem annulum ab alio datum testem  
uirtutis duceremus : abs te donatum comitem pecuniæ In-  
dicamus . Dictum Iudices est de Decimano fru-  
mento : dictum de empto : extremum & reliquum est , de  
æstimato . quod tum magnitudine pecuniæ , tum iniuriæ  
genere , quemuis debet commouere : te uero eo magis : quā  
ad hoc crimen non ingeniosa aliqua defensio , sed im-  
probissima confessio comparatur . Nam cum ex Sicilia  
& ex legibus frumentum ei in cellā sumere liceret : idq;  
frumentum Senatus ita æstimasset : quaternis HS triti-  
ci modium : binis , hordei : iste numero ad summam tritici  
adiecto , tritici modios singulos cum aratoribus dena-  
rijs ternis æstimauit . Non est in hoc crimen Hortensi : ne



forte ad hoc meditare: multos sæpe viros bonos, & fortes, et innocentes, cum aratoribus, et cum ciuitatibus frumentum in cellam quod sumi oporteret, æstimasse: & pecuniam pro frumento abstulisse. scio quid soleat fieri: scio quid liceat: nihil quod antea fuerat in consuetudine bonorum: nunc iniustus factus reprehenditur: hoc reprehendo: quod cum in Sialia HS II tritici modius esset: ut istius epistola ad te missa declarat: summum HS ternis: id quod & testimonijs omnibus, & tabulis aratorum planum factum antea est: tum iste pro tritici modijs singulis, ternos ab aratoribus denarios exegit. Hoc crimen est: ut intelligas non ex æstimatione: neq; ex ternis denarijs pendere crimen: sed ex coniunctione annonæ: atq; æstimationis. Etenim hæc æstimatio nata est Iudices initio non ex Prætorum, aut Consulum, sed ex aratorum, atq; ciuitatum commodo. nemo enim fuit initio tam impudens: qui, cum frumentum deberetur: pecuniam posceret. certe hoc ab aratore primum est profectum: aut ab ea ciuitate, cui imperabatur. cum aut frumentum uendidisset: aut seruare uellet: aut in eum locum, quo imperabatur: frumentum portare nollet: petiuit in beneficij loco, & gratiæ: ut sibi pro frumento, quanti frumentum esset, dare, liceret. Ex huiusmodi principio, atq; ex liberalitate, atq; accommodatione magistratuū consuetudo æstimationis introducta est. Secuti sunt auariores magistratus: qui tamen in auaricia sua non solum uiam quæstus inuenerunt: uerum etiam exitum, ac rationem defensionis instituerunt. semper ad ultima, ac difficillima loca apportandum frumentum imperare: ut uecturæ difficultate ad quam uellent æstimationem peruenirent. In hoc genere facilior est exi-



# IN VERREM

stimatio, quàm reprehensio. ideo quod eum, qui hoc faci-  
at: auarum possumus existimare: crimen in eo constitue-  
re, non tam facile possumus. quod uidetur concedendum  
magistratibus nostris esse: ut ijs, quo loco uelint, frumen-  
tum accipere liceat. itaq; hoc est, quod multi fortasse fe-  
cerunt: & ita multi, ut ijs quos innocentissimos memini-  
mus, aut audiuius: non fecerint. Quæro nunc à te  
Hortensi: cum utris tandem istius factum collocaturus  
es? cum ijs credo: qui benignitate adducti per benefi-  
cium, & gratiam ciuitatibus concesserunt: ut nummos  
pro frumento darent. Ita credo: petisse ab isto aratores:  
ut cum HS ternis tritici modium uendere non possent:  
pro singulis modijs, ternos denarios dare liceret. an quo-  
niam hoc non audes dicere: illuc confugies? uecturæ  
difficultate adductos, ternos denarios dare maluisse. cu-  
ius uecturæ? quo ex loco? in quem locum ne portarēt?  
Philomelo ne Ephesum? uideo qd inter annonam inter-  
esse soleat: uideo quot dierum uia sit: uideo Philomelē-  
sibus expedire quanti Ephesi sit frumentum: tantum da-  
re potius in Phrygia: quàm Ephesum portare: aut ad-  
eiuendum frumentum Ephesum pecuniam, & Legatos  
mittere. In Sicilia uero quid eiusmodi? Enna Mediter-  
ranea est maxime. coge ut ad aquam tibi, id quod sum-  
mi iuris est: frumentum Ennenses metiantur, uel Plu-  
tiam, uel Halesam, uel Catinam, loca inter se maxi-  
me diuersa: eodem die, quo iusseris, deportabunt. tam-  
etsi ne uectura quidem opus est. nam totus quæstus hic  
Iudices æstimationis, ex annonæ natus est uarietate. hoc  
enim magistratus in prouincia assequi potest: ut ibi acci-  
piat: ubi est carissimum. ideo ualet ista ratio æstimatio-  
nis in Asia: ualet in Hispania: ualet in his prouincijs:



in quibus unum precium frumento esse non solet. in Sicilia uero quid cuiusquam intererat, quo loco daret? neque enim portandum erat: Et quo quisque uehere iussus esset: ibi tantidem frumentum emeret: quanti domi uendidisset. quamobrem si quid Hortensi docere uis, aliquid ab isto simile aestimatione, atque à cæteris esse factum: doceas oportet, aliquo in loco Siciliae prætoris Verre ternis denariis tritici modium fuisse. uide quam tibi defensionem patefecerim: quam iniquam in socios, quam remotam ab utilitate reipublicæ, quam seiunctam à uoluntate, atque sententia legis. tu, cum tibi ego frumentum in meis agris, atque in mea ciuitate, denique cum in istis locis, in quibus es: uersaris: re geris: provinciam administras: paratus sim dare: angulum mihi aliquem eligas provinciae, reconditum, ac derelictum? iubeas ibi me metiri: quo portare: non expediat? ubi emere non possum? improbum facinus Iudices: non ferendum: nemini lege concessum: sed fortasse adhuc in nullo etiam uindicatum. tamen ego hoc, quod ferri nego posse: Verri Iudices concedo: Et largior. si ullo in loco eius provinciae frumentum tanti fuit: quanti iste aestimauit: hoc crimen in istum reum ualere oportere non arbitror. Verum enim uero, cum esset HS, binis, aut etiam ternis quibus uis in locis provinciae: duodenos sextertios exegisti. si mihi tecum neque de annona, neque de aestimatione tua potest esse controversia: quid sedes? quid expectas? quid defendes? utrum tibi pecuniae conciliatae uidentur aduersum leges, aduersum Rempublicam. cum maxima sociorum iniuria? an uero id recte ordine, est Republica. sine cuiusquam iniuria, factum esse defendes? cum tibi Senatus ex ærario pecuniam prompsisset: Et singulos tibi denarios adnumerasset:



IN VERREM

set: quos tu pro singulis modijs aratoribus solueres: quid  
facere debuisti? si quod L. Piso ille frugi: qui legem de pe-  
cunijs repetundis primus tulit: cum emissess quanti esset:  
quod superaret pecuniæ, retulisses. si ut ambitiosi ho-  
mines, aut benigni: cum pluris Senatus aestimasset: quàm  
quanti esset annona: ex Senatus aestimatione, non ex  
annonæ ratione soluisses. sin ut pleriq; faciunt: in quo  
etiam erat aliquis quæstus: sed is honestus, atq; concessus:  
frumentum, quoniam uilius erat, ne emissess: sumpsis-  
ses id nummorum: quod tibi Senatus cælle nomine con-  
cesserat. hoc uero quid est? quam habet rationem, non  
quæro æquitatis, sed ipsius improbitatis, atq; impuden-  
tiæ? neq; enim est ferè quicquam: quod homines palàm  
facere audeant in magistratu, quamuis improbi, quin  
eius facti, si non bonam, at aliquam rationem afferre  
soleant. hoc quid est? uenit Prætor: frumentum inquit  
me abs te emere oportet. optime. modium denario. beni-  
gne, ac liberaliter: nam ego tribus HS, non possum  
uendere. mihi frumento non opus est: nummos uolo. nā  
speraui inquit arator me ad denarios peruenturū:  
sed si ita necesse est: quanti frumētum sit considera. Video  
esse binis HS. quid ergo à me tibi nummorum dari potest:  
cum Senatus tibi quaternos nummos dederit? quid pos-  
sit attendite. Et uos quæso simul Iudices æquitatem præ-  
toris attendite. quaternos HS, quos mihi Senatus de-  
creuit: Et ex ærario dedit: ego habebo: et in cistam trās-  
feram ex fisco. quid postea? quid? pro singulis modijs,  
quos tibi impero: tu mihi octonos HS dato. qua ratione?  
qd quæris ratione? nō tantam rationē res habet: quantā  
utilitatem, atq; prædā. dic inquit ille planius. Senatus te  
uoluit mihi nummos metiri, frumentum dare: tu eos nū-  
mos quos



mos quos mihi Senatus dare uoluit: ipse habebis? a me, cui singulos denarios dari oportuit: binos aufers? Et huic prædæ, ac direptioni cællæ nomen imponis? hæc deerat iniuria, Et hæc calamitas aratoribus te prætor: qua reliquis fortunis omnibus euerterentur. nam quid esse reliqui poterat ei? qui per hanc iniuriam non modo frumentum omne amittere, sed etiam omne instrumentum uendere cogeretur. quo enim se uerteret non habebat: ex quo fructu nummos quos tibi daret, inueniret? Decumarum nomine tantum erat ablatum: quantum uoluntas tulerat Apronij: pro alteris decumis, emptorq; frumento, aut nihil datum: aut tantum datum quantum reliqui Scriba fecerat: aut ultro etiam, id quod didicisti: ablatum. cogantur etiam nummi ab aratore. quomodo? quo iure? quo exemplo? nam cum fructus diripiebantur aratorum: atq; omni lacerabantur iniuria: uidebatur id perdere arator: quod aratro ipse quaesisset: in quo elaborasset: quod agri, segetesq; extulissent: quibus iniurijs grauissimis tamen illud erat miserum solacium: quod id perdere uidebatur: quod alio prætor, eodem ex agro, reparare posset. nummos uero ut daret arator, quos non aratro, ac manu quaerit: boues, Et aratrum ipsum, Et omne instrumentum uendat necesse est. non enim debetis hoc cogitare: habet idem in nummis: habet idem in urbanis prædijs. nam cum aratori onus aliquod imponitur: non omnes, si quæ sunt præterea: facultates, sed arationis ipsius uis, ac ratio consideranda est: quid ea sustinere, quid pati, quid efficere possit: ac debeat. quanquam illi quoq; sunt homines ab isto omni ratione exinaniti, ac perdit: tamen hoc uobis est statuendum: quid aratorem ipsum arationis nomi-

B



# IN VERREM

ne muneris in Remp. fungi, ac sustinere uelitis. impo-  
 nitis decumas: patiuntur. alteras: temporibus uestris ser-  
 uiendum putant. dent emptum præterea: dabunt siuo-  
 letis. Hæc quàm sint grauias: & quid his rebus de-  
 tractis possit ad dominos puri, ac reliqui peruenire: cre-  
 do uos ex uestris rebus rusticis coniectura assequi posse.  
 addite nunc eodem istius edicta, instituta, iniurias: ad-  
 dite Apronij, Veneriorumq; seruorum in agro decu-  
 mano regna, ac rapinas: quanquam hæc omitto: de cel-  
 la loquor. placet ne uobis in cellam magistratibus no-  
 stris frumentum siculos gratis dare? quid hoc indi-  
 gnus? quid iniquius? atq; hoc scitote aratoribus hoc præ-  
 tore optandum ac petendum fuisse. Sositenus est Entelli-  
 nus homo cum primis ciuitatis prudens, & domi nobi-  
 lis: cuius uerba audistis: qui ad hoc iudicium legatus pu-  
 blice cum Arthemone, & Menisco primarijs uiris mis-  
 sus est. Is cum in Senatu Entellino multa mecum de istius  
 iniurijs ageret: hoc dixit: si hoc de cella, atq; hac æsti-  
 matione concederetur: uelle Siculos Senatui polliceri fru-  
 mentum in cellam gratis: ut post hæc tantas pecunias  
 magistratibus nostris decerneremus. perspicere uos cer-  
 to scio: Siculis quantopere hoc expediat, non ad æquita-  
 tis conditionem, sed ad minima malorum eligenda. Na-  
 qui mille modium Verri, suæ partis in cellam gratis  
 dedisset: duo millia nummum, aut summum tria dedis-  
 set. idem nunc pro eodem numero frumenti HS VIII  
 millia dare coactus est. hoc arator assequi per trienniu  
 certo fructu suo non potuit: uendiderit instrumentum  
 necesse est. quod si hoc munus, & uectigal aratio tolera-  
 re, hoc est Sicalia ferre, ac pati potest: populo Ro. ferat po-  
 tius: quàm nostris magistratibus. magna est pecunia: ma-

*ad Octavianum. In duobus aut uelis, ut facienda magis laus, et legatione  
 Lex quæ  
 de Reg. p.  
 annuunt. nummum  
 alit.*



gnum, præclarumq; uectigal. si modo id salua prouin-  
cia, si sine iniuria sociorum percipere possitis: nihil de-  
traho. Magistratibus tantundem detur in cellam: quan-  
tum semper datum est. quod præterea Verres imperat:  
id si facere non possunt: recusent: si possunt: populi Ro-  
potius hoc sit uectigal, quàm præda prætoris. deinde cur  
in uno genere solo frumenti ista æstimatio constituitur?  
si est æqua, & ferenda: populo Ro. Sicilia decumas det,  
pro singulis tritici modijs, ternos denarios: sibi habeat  
frumentum. Data tibi pecunia est Verres, una, qua fru-  
mentum tibi emeret in cellam: altera, qua frumentum  
emeret à ciuitatibus: quod Romam mitteres. tibi datam  
pecuniam domi retines: & præterea pecuniam perma-  
gnam tuo nomine aufers. fac idem in eo frumento, quod  
ad populum Ro. pertinet: exige eadem æstimatione pe-  
cuniam à ciuitatibus: et refer quam accepisti. tum refer-  
tius erit aerarium populi Ro. quàm unquam fuit. At  
enim istam rem in publico frumento Sicilia non ferret:  
hæc rem in meo frumento tulit. proinde quasi aut æquior  
sit ista æstimatio in tuo, quàm in populi Ro. commodo:  
aut ea res, quam ego dico, & ea, quam tu fecisti, inter se  
genere iniuriæ, non magnitudine pecuniæ differat. Ve-  
rum istam ipsam cellam ferre nullo modo possunt, ut  
omnia remittantur: ut omnibus iniurijs, & calamitati-  
bus, quas te prætor tulerunt: in posterum liberentur:  
istam se cellam, atque istam æstimationem negant ullo  
modo ferre posse. Multa Sophocles Agrirentinus apud  
Cn. Pompeium Cons. nuper homo disertissimus, & o-  
mni doctrina, & uirtute ornatissimus pro tota Sicilia de  
aratorum miserijs grauiter, ac copiose dixisse, ac deplo-  
rasse dicitur. Ex quibus hoc, ijs qui aderant (nam ma-



# IN VERREM

gno conuentu acta res est) indignissimum uidebatur:  
 qua in re Senatus optime, ac benignissime cum arato-  
 ribus egisset: large liberaliterq; aestimasset: in ea re prae-  
 dari praetorem: bonis euertere aratores: & id non modo  
 fieri: sed ita fieri: quasi liceat: concessumq; sit. Quid  
 ad haec Hortensius? falsum esse crimen? hoc nunquam di-  
 cet. non magnam hac ratione pecuniam captam? ne id  
 quidem dicet. non iniuriam factam Siculis, atq; ara-  
 toribus? qui poterit dicere? quid igitur dicet? fecisse alios?  
 quid est hoc? utrum crimini defensio, an comitatus exi-  
 lio quaeritur? tu in hac Rep. atq; in hac hominum li-  
 bidine, & ut adhuc habuit se status iudiciorum: etiam  
 licentia, non ex iure, non ex aequitate, non ex lege,  
 non ex eo, quod licuerit: sed ex eo, quod aliquis fece-  
 rit: id, quod reprehenditur, recte factum esse defendes?  
 fecerunt aliqui alia quam multa. cur in hoc uno crimi-  
 ne isto genere defensionis uteris? sunt quaedam omnino  
 in te singularia: quae in nullum alium hominem dicta,  
 neq; conuenire possint: quaedam tibi cum multis commu-  
 nia. ergo, ut omittam tuos peculatus, ut ob ius dicen-  
 dum pecunias acceptas, ut eiusmodi caetera: quae forsi-  
 tan alij quoq; etiam fecerint: illud, in quo te grauissime  
 accusari: quod ob iudicandam rem pecuniam accepis-  
 ses: eadem ista ratione defendes? fecisse alios? ut ego as-  
 sentiar orationi: defensionem tamen non probabo. po-  
 tius enim te damnato, caeteris angustior locus improbi-  
 tatis defendendae relinquetur: quam te absoluto, alij qd  
 audacissime fecerunt: recte fecisse existimentur. lugent  
 omnes prouinciae: queruntur omnes liberi populi: re-  
 gna deniq; iam omnia de nostris cupiditatibus, & in-  
 iurijs expostulant: locus intra oceanum iam nullus est,

In hoc loco de urbe intra longam agit disputationem Collig. XII. cap. XII.  
 Illud ego magis miror quod ipse hoc uerba ex tota uerba dicit  
 cum sit quarta a Dominatione. hac et superior ratione datur  
 contextus et codices hoc non habet sed ex ipso subiungit quales uerba sunt



neq; tam longinquus, neq; tam reconditus: quo non per  
 hæc tempora nostrorum hominum libido, iniquitasq;  
 peruaferit: sustinere iam populus Ro. omnium nationu  
 non uim, non arma, non bellum, sed luctum, lachry  
 mas, querimonias non potest. in eiusmodi re, ac mori  
 bus, si is qui erit adductus in iudicium, cum manife  
 stis in flagitijs tenebitur: alios eadem fecisse dicet: illi exē  
 pla non deerunt: Reip. salus deerit: si improborum exē  
 plis improbi, iudicio, ac periculo liberabuntur. placent  
 uobis hominum mores? placet ita geri magistratus, ut  
 geruntur? placet socios sic tractari quod restat: ut per  
 hæc tempora tractatos uidetis? cur hæc a me opera consu  
 mitur? quid sedetis? cur nō in media oratione mea consur  
 gitis: atq; disceditis? Vultis autem istorum audacias, ac  
 libidines aliqua ex parte refecare? desinite dubitare,  
 utrum sit utilius, propter multos improbos uni parce  
 re: an unius improbi supplicio multorum improbita  
 tem coercere. tamen si quæ ista sunt exempla multoru  
 nam cum in causa tanta: cum in crimine maximo dici  
 a defensore coeptum est: factitatum esse aliqd: expectant  
 ij qui audiunt exempla ex uetere memoria, & monu  
 mentis, ac literis, plena dignitatis, plena antiq̃tatis: hæc  
 plurimum solent & authoritatis habere ad probandū:  
 & iucunditatis ad audiendum. Africanos mihi, & Ca  
 tones, & Lelios commemorabis? & eos fecisse idem di  
 ces? quamuis res non placeat: tamen contra hominum  
 authoritatem pugnare non potero. an cum eos non pote  
 ris proferre: hos recentes Q. Catulum patrem, C. Ma  
 rium, Q. Scauolam, M. Scaurum Q. Metellum? qui  
 omnes prouincias habuerunt: & frumentum cellæ no  
 mine imperauerunt. magna est hominum authoritas.



# IN VERREM

Et tanta: ut etiam delicti suspicionem tegere possit. non habes ne ex his quidem hominibus qui nuper fuerunt: ullum authorem istius aestimationis. quo me igitur, aut ad quæ exempla reuocas? ab illis hominibus, qui tunc uersati sunt in republica: cum et optimi mores erant: et hominum existimatio grauis habebatur: et iudicia seuera fiebant: ad hanc hominum licentiam, et libidinem me abducis? et in quos aliquid exempli populus Ro. statui putat oportere: ab ijs tu defensionis exempla quaeris? non fugio ne hos quidem mores: dum modo ex his ea quæ probat populus Ro. exempla: non ea quæ condemnat, sequamur. non circumspectam: non quaeram foris: cum habeas iudices principes ciuitatis, P. Seruilium, Q. Catulum: qui tanta authoritate sunt, tantis rebus gestis: ut in illo antiquorum, et clarissimorum hominum, de quibus antea dixi: numero reponantur. exempla quaerimus: et ea non antiqua. modo uterque horum exercitum habuit. quære Hortensi, quoniam te recentia exempla delectant: quid fecerint. Ita ne uero? Q. Catulus frumento est usus: pecuniam non coegit: P. Seruilius quin quennium exercitui cum praesset: et ista ratione innumerabilem pecuniam facere posset: non statuit sibi quicquam licere: quod non patrem suum, non auum Q. Metellum facere uidisset: C. Verres reperietur: qui quod expediat: id licere dicat? quod nemo improbus fecerit: id aliorum exemplo se fecisse defendat? At in Sicilia factitatum est. quæ est ista conditio Siciliae? cur, quæ optimo iure propter uetustatem, fidelitatem, propinquitatem esse debet: huic præcipua lex iniuriæ definitur? sed in ista ipsa Sicilia, non quaeram exemplum foris: hoc ipso ex consilio utar exemplis: C. Marcelle te apello. Sicilia pro-

*d. cupit lib. 1. 1. 1.*



uinciae, cum esses pro Consule: praefuisti. nunquam in tuo imperio pecuniae cellae nomine coactae sunt? neque ego hoc in tua laude pono. alia sunt tua facta, atque consilia summa laude digna: quibus illam tu provinciam afflictam, et perditam crexisti: atque recreasti. nam hoc de cella ante Lepidus quidem fecerat: cui tu successisti. Quae sunt tibi igitur exempla in Sicilia cellae? si hoc crimen non modo Marcelli factum, sed ne Lepidi quidem potes defendere. An me ad M. Antonij aestimationem frumenti, exactionemque pecuniae reuocaturus es? ita inquit: ad M. Antonij. hoc enim mihi significasse, et annuisse uisus est. ex omnibus ne igitur populi romani praetoribus, Consulibus, imperatoribus, M. Antonium delegisti? et eius unum improbissimum factum, quod imitare? et hic utrum mihi difficile est dicere? an his existimare? ita se in isto infinito imperio M. Antonium gessisse: ut multo isti perniciosius sit dicere, se in re improbissima uoluisse Antonium imitari: quam se possit defendere, nihil in uita se M. Antonio simile fecisse. homines in iudicijs ad crimen defendendum, non quid fecerit quispiam, proferre solent: sed quid probarint. Antonium, cum multa contra sociorum salutem, multa contra uoluntatem provinciarum, et faceret: et cogitaret in medijs eius iniurijs, et cupiditatibus mors oppressit. tu mihi quasi eius omnia facta, atque consilia Senatus, populique romani iudices comprobarint: ita Antonij exemplo istius audaciam defendis. At idem fecit sacerdos. hominem innocentem, et summa prudentia praeditum nominas: sed tum idem fecisse erit existimandus: si eodem consilio fecerit. nam genus aestimationis ipsum, a me nunquam est reprehensum. sed eius aequitas, aratorum commodo, et uoluntate perpenditur. non potest re



# IN VERREM

prehendi ulla aestimatio: quæ aratori non modo incommoda non est: sed etiam grata est. Sacerdos ut in provinciam uenit: frumentum in cellam imperauit. cum esset ante nouum tritici mod. HS XV: petuerunt ab eo ciuitates ut aestimaret. remissior aliquanto eius fuit aestimatio, quàm annona. nã aestimauit denarijs III. uides eandem aestimationem propter temporis dissimilitudinem, in illo laudis causam habere, in te criminis? in illo beneficij, in te iniuriæ? Eodẽ tempore Antonius III denarijs aestimauit post messem, summa in uilitate: cum aratores frumentum dare gratis malebant: & aiebat, se tantidem aestimasse, quanti sacerdotem: neq; mentiebatur: sed eadem ista aestimatione alter subleuaret aratores: alter euerterat. quod nisi omnis frumenti ratio, ex temporibus esset, & annona, non ex numero, neque ex summa considerata: nunquam tam grati hi sesquimodij Q. Hortensi fuissent: quos tu cum ad mensuræ tam exiguarationem, populo Ro. in capita descripsisses: gratissimum omnibus fecisti. caritas enim annonæ faciebat: ut istuc, quod re paruum uidebatur, tempore magnum uideretur. Idem istuc si in uilitate, populo Ro. largiri uoluisses: derisum tuum beneficium esset, atque contemptum. Noli igitur dicere istum idem fecisse, quod sacerdotem: quoniam non eo tempore, neq; simili fecit annondicito potius, quoniam habes authorem idoneum: quod Antonius uno aduentu, & uix mensuris cibarijs fecerit: id istum per triennium fecisse: & istius innocentiam M. Antonij facto, atq; authoritate defendito. Nã de Sex. quidem Peduceo fortissimo, atq; innocentissimo uiro qd dicitis? de quo quis unquam arator quæstus est? aut qs non ad hoc tempus innocentissimam omnium diligen-



tissimamq; præturam illius hominis exishmauit.² Bien-  
nio provinciam obtinuit: cum alter annus in uilitate, al-  
ter in summa caritate fuerit: num aut in uilitate num-  
mum arator quisquam dedit.² aut in caritate de aestima-  
tione frumenti quæstus est.² At uberiora cibaria facta  
sunt caritate. credo: neq; id est nouum, neq; reprehende-  
dum. modo C. Sentiū uidimus hominem uetere illa, ac  
singulari innocentia præditum, propter caritatem fru-  
menti, quæ fuerat in Macedonia: per magnam ex ciba-  
rijs pecuniam deportare. quamobrem non ego inuideo  
tuis commodis: si qua ad te lege uenerunt: iniuriā que-  
ror: improbitatem arguo: auariciam in crimen, et in iu-  
diciū uoco. Quod si suspensiones inijcere uoletis, ad plu-  
res homines, et ad plures provincias crimen hoc perti-  
nere: non ego istam defensionem uestram pertimescam:  
sed me omnium provincialium defensorem esse profite-  
bor. Etenim hoc dico: et magna uoce dico: ubicunq; hoc  
factum est: improbe factum est: quicunq; hoc fecit: sup-  
plicio dignus est. nam per deos immortales uidete Iudi-  
ces: et prospicite animis quid futurum sit. multi ma-  
gnas pecunias ab inuitis ciuitatibus, atq; ab inuitis ara-  
toribus ista ratione cellæ nomine coegerunt (omnino ego  
neminem uideo, præter istum. sed do hoc uobis: et con-  
cedo, esse multos) in hoc homine rem adductam in iudi-  
cium uidetis. quid facere potestis? utrum cum iudices si-  
tis de pecunia capta, conciliata: tantam pecuniā captam  
negligere.² an cum lex sociorum causa rogata sit: socio-  
rum querimonias non audire.² uerum hoc quoq; uo-  
bis remitto: negligite præterita: si uultis: sed ne reliquas  
spes turbetis: atq; omnes provincias euertatis: id proui-  
dete: ne auariciæ, quæ antehac occultis itineribus, atque



# IN VERREM

angustius uti solebat: auctoritate uestra uia patefaciatis  
 illustre, atq; latam. nam si hoc probatis: et si hoc licere, pe-  
 cunias isto nomine capi, iudicatis: certe hoc, quod adhuc  
 nemo nisi improbissimus fecit: posthac nemo nisi stultis-  
 simus non faciet. improbi sunt: qui pecunias contra le-  
 ges cogunt: stulti: qui quod licere iudicatum est: prae-  
 mittunt. Deinde Iudices uidete: quam infinitam sitis ho-  
 minibus licentiam pecuniarum eripiendarum daturi.  
 Si ternos denarios qui coegit, erit absolutus: quaternos,  
 denos deniq; aut uicenos coget alius: quæ erit reprehen-  
 sio? in quo primum iniuriæ gradu resistere incipiet seu-  
 ritas iudicis? quotus erit iste denarius: qui non sit dese-  
 rendus? Et in quo primum æstimationis iniquitas, atq;  
 improbitas reprehendatur? non enim à uobis summa, sed  
 genus æstimationis est comprobatum: neq; hoc potestis iu-  
 dicare: ternis denarijs æstimare licere. ubi enim semel ab  
 annonæ ratione, et ab aratorum uoluntate res ad præ-  
 toris libidinem translata est: non est iam in lege, atque  
 in officio, sed in uoluntate hominum, atq; audacia po-  
 situs modus æstimandi. Quapropter si uos semel in iu-  
 dicando finem æquitatis, et legis transieritis: scitote  
 uos nullum cæteris in æstimando finem improbitati,  
 et auariciæ reliquisse. uidete igitur quam multa si-  
 mul à uobis postulentur. absoluite eum: qui se fatea-  
 tur maximas pecunias cum summa sociorum iniuria  
 cœpisse. non satis. sunt alij quoque complures: qui  
 idem fecerint. absoluite etiam illos, si qui sunt: ut uno  
 iudicio quâ plurimos impios liberetis. ne id quidem sa-  
 tis est. facite, ut cæteris posthac idem liceat. licebit. at hoc  
 parum est. permittite, ut liceat: quàm quisq; uelit, tanti  
 æstimabit. Videtis iam profecto Iudices hac æstimatione



à uobis comprobata, neq; modum post hac auariciæ cuiusquam, neq; pœnam improbitatis futuram. Quas ob res quid agis Hortensi? consul es designatus: provinciam sortitus es: de æstimatione cum dices frumenti: sic te audiemus: quasi id quod ab isto recte factum esse defendes: te facturum profiteare: & quasi quod isti licitum esse dices: uehementer cupias tibi licere. atqui si id licebit: nihil est, quod putetis quenquam post hac commissurum: ut de pecunijs repetundis condemnari possit. quantam enim quisq; concupierit pecuniam: tantam licebit per cellæ nomen æstimationis magnitudine consequatur. At enim est quiddam: quod etiam si palam in defendendo non dicat Hortensius: tamen ita dicit: ut uos id suspicari, & cogitare possitis: pertinere hoc ad commodum Senatorium: pertinere ad utilitatem eorum, qui iudicant: qui in provincijs cum potestate, aut cum legatione se futuros aliquando arbitrentur. præclaros uiros existimas iudices nos habere: quos alienis peccatis concessuros putes: quo facilius ipsos peccare liceat. Ergo id uolumus populum romanum, id provincias, id socios, nationesq; exterarum existimare? si Senatores iudicant: hoc certe unum genus infinitæ pecuniæ per summam iniuriam cogendæ nullo modo posse reprehendi? quod si ita est: quid possumus contra illum prætorem dicere: qui quotidie templum tenet: qui Remp. sistere negat posse: ni ad equestrem ordinem iudicia referantur? quod si ille hoc unum agitare cœperit: esse aliquod genus cogendæ pecuniæ, senatorum commune, & iam propè concessum ordini: quo genere ab socijs maxima pecunia per summam iniuriam auferatur: neq; illud modo Senatorijs iudicijs reprehendi posse: idq; dum equester ordo iudicaret: nunquam esse commissum:

quid quid libet  
libet



# IN VERREM

quis obstat? quis erit tam cupidus uestri? tam fautor ordinis? qui de transferendis iudicijs possit recusare? Atque utinam posset aliqua ratione hoc crimen, quamuis falsa, modo humana, atque usitata defendere. minore periculo uestro, minore periculo prouinciarum omnium, iudicaretis. negaret hic aestimatione se usum. uos id credidisse homini, non factum comprobasse uideremini. nullo modo negare potest: urgetur tota Sicilia: nemo est ex tanto numero aratorum: a quo pecunia cellae nomine non sit exacta. uellem etiam hoc posset dicere: nihil ad se istam rationem pertinere: per quaestores rem frumentariam esse administratam. ne id quidem ei licet dicere: propterea quod ipsius literae recitantur ad ciuitates de ternis denarijs missae. quae est igitur de fensio? feci quod arguis: coegi pecunias maximas cellae nomine. sed hoc mihi licuit: uobis, si prospicitis: licet. periculosum prouincijs, genus iniuriae confirmari iudicio. perniciosum nostro ordini, populum Romanum existimare, non posse eos homines, qui ipsi legibus teneantur: leges in iudicando religiose defendere. Atque isto praetore Iudices non solum aestimandi frumenti modus non fuit: sed ne imperandi quidem. neque enim id quod debebatur: sed quantum commodum fuit: imperauit. Summam faciam uobis ex publicis literis, et testimonijs ciuitatum frumenti in cellam imperati. reperietis quinque tanto Iudices amplius istum, quam quantum ei in cellam sumere licitum sit: ciuitatibus imperasse. Quid ad hanc impudentiam addi potest? si et aestimauit tanti: ut homines ferre non possent? et tanto plusquam erat ei concessum legibus, imperauit? Quapropter cognita tota re frumentaria Iudices, iam facillime perspicere



potestis, amissam esse populo Ro. Siciliam fructuosissimam, atq; opportunissimam provinciam: nisi eam uos istius damnatione recuperatis. quid est enim Sicilia? si ei agri cultionem sustuleris? & si aratorum numerum, ac nomen extinxeris? quid enim potest esse in calamitate residui? quod non ad miseros aratores isto prætore per summam iniuriam ignominiamq; peruenierit? quibus, cum decumas dare deberent: uix ipsis decumæ relictæ sunt: cum pecunia deberetur: soluta non est: cum optima aestimatione Senatus frumentum eos in cellam dare uoluisset: etiam instrumenta agrorum uendere coacti sunt. dixi iam antea Iudices: ut has omnes iniurias tollatis: tamen ipsam rationem arandi spe magis, & iucunditate quadam, quàm fructu, atq; emolumento teneri. etenim ad incertum casum, & euentum, certus quot annis labor, & certus sumptus impenditur. annona porro precium, nisi in calamitate fructuum non habet: si autem ubertas in percipiendis fructibus fuit: consequitur uilitas in uendendis: ut aut male uendendum intelligas: si processit: aut male præceptos fructus: si recte licet uendere. Totæ autem res rusticæ eiusmodi sunt: ut eas non ratio, neq; labor, sed res incertissimæ uenti, tempestatesq; moderentur. Hinc cum unæ decumæ lege, & conditione trahantur: alteræ nouis institutis, propter annonæ rationem imperentur: ematur præterea frumentum quot annis publice: postremo etiam in cellam magistratibus, & legatis impetur: quid, aut quantum præterea est? quod aut liberum possit habere ille arator, ac domum in potestate, suorum fructuum? aut in ipsis fructibus solutum? Quod si hæc feruntur omnia: si uobis potius, ac populo roma-



# IN VERREM

no, quàm sibi, & suis commodis, opera, sumptu, labore  
deserviunt: etiam ne hæc noua debent edicta, & impe-  
ria prætorum, & Apronij dominationem, & Venerio-  
rum seruorum furta, rapinasq; perferre? etiam ne  
frumentum pro empto gratis dare? etiam ne in cel-  
lam, cum cupiant gratis dare ultro, pecuniam gran-  
dem dare? etiam ne hæc tot detrimenta, atque da-  
mna cum maximis iniurijs contumelijsq; perferre?  
Itaque hæc Iudices, quæ pati nullo modo potuerunt:  
non pertulerunt. arationes tota Sicalia desertas, atque  
a dominis relictas esse cognoscitis: neque quicquam  
aliud agitur hoc iudicio. nisi ut antiquissimi socij, fide-  
lissimiq; Siculi, Coloni populi Ro. atq; aratores, uestra  
seueritate, et diligentia, me duce, atq; authore, in agros,  
atq; in sedes suas reuertantur.

fici  
re pe  
inde  
pella  
te, te  
cipio  
aut d  
ritan  
fign  
ulla  
quin  
mag  
dum  
di co  
rum  
acut  
quam  
bus, n  
cimen  
acren  
facti  
pian



## ACCUSATIONIS IN C. VER-

## REM LIBER VI. ORA-

## TIO IX.

*ad signis.*

ENIO nunc ad istius, quemadmodum  
 u ipse appellat: studium: ut amici eius:  
 morbum, & insaniam: ut Siculi: latro-  
 cinium. ego quo nomine appellem, ne-  
 scio: rem uobis proponam: uos eam suo nominis ponde-  
 re penditote. genus ipsum prius cognoscite Iudices: de-  
 inde fortasse non magnopere quaeritis, quo nomine ap-  
 pellandum putetis. Nego in Sicilia tota, tam locuple-  
 te, tam uetere prouincia, tot oppidis, tot familijs, tam  
 copiosis, ullum argenteum uas, ullum Corinthium,  
 aut deliacum fuisse: nego ullam gemmam, aut margar-  
 ritam fuisse: aut quicquam ex auro, aut ebore factum,  
 signum ullum aeneum, marmoreum eburneum: nego  
 ullam picturam, neq; in tabulis, neq; textilem fuisse:  
 quin quaesierit: inspexerit: quot placitum sit: abstulerit.  
 magnum uideor dicere. attendite etiam quemadmo-  
 dum dicam. non enim uerbi, neq; criminis causa augē-  
 di complector omnia: cum dico nihil istum eiusmodi re-  
 rum in tota prouincia reliquisse: latine me scitote, non  
 accusatorie loqui. etiam planius: nihil in aedibus cuius-  
 quam, ne in oppidis quidem, nihil in locis communi-  
 bus, ne in fanis quidem, nihil apud Siculum, nihil apud  
 ciuem romanum denique istum, quod oculos, animumq;  
 accenderit: neq; priuati, neq; publici, neq; profani, neq;  
 sacri, tota in Sicilia reliquisse. Vnde igitur potius inci-  
 piam? quam ab ea ciuitate, quæ tibi una in amore, atq;



IN VERREM

in delicijs fuit? aut ex quo potius numero? quam ex ip-  
 sis laudatoribus tuis? facilius enim perspicitur, qualis  
 apud eos fueris, qui te oderunt: qui accusant: qui per-  
 sequuntur: cum apud tuos Mamertinos inueniare im-  
 probissima ratione esse prædatus. C. Heius est Ma-  
 mertinus (omnes hoc mihi facile concedent, qui Messa-  
 nam accesserunt) omnibus rebus in illa ciuitate orna-  
 tissimus. huius domus est uel optima Messanæ, notis-  
 sima quidem certe, & nostris hominibus apertissi-  
 ma, maximeq; perhospitalis. Ea domus ante aduentum  
 istius sic ornata fuit: ut urbi quoq; esset ornamento. nam  
 ipsa Messana, quæ situ, menibus, portuq; ornata sit:  
 ab his rebus, quibus iste delectatur: sanè uacua, atq;  
 nuda est. Erat apud Heium sacrarium cum magna  
 dignitate in ædibus à maioribus traditum, per antiquū:  
 in quo signa pulcherrima quatuor summo artificio,  
 summa nobilitate: quæ non modo istum hominem in-  
 geniosum, atq; intelligentem: uerum etiam quemuis no-  
 strum, quos iste idiotas appellat: delectare possent: unū  
 Cupidinis marmoreum, Praxitelis (nimirum didici eti-  
 am, dū in istum inquirō: artificum nomina) idē opinor  
 artifex eiusdēmodi Cupidinem fecit illū: qui est Thespijs:  
 propter quem Thespiæ uisuntur: nam alia uisendi causa  
 nulla est. Itaq; ille L. Mummius cum Thespiade quæ  
 ad ædem felicitatis sunt, cæteraq; profana ex illo oppi-  
 do signa tolleret: hunc marmoreum Cupidinem, quod  
 erat consecratus: non attigit. uerum ut ad illud sacra-  
 rium redeam: signum erat hoc, quod dico Cupidinis  
 è marmore. ex altera parte Hercules egregie factus ex  
 ære. is dicebatur esse Myronis, ut opinor: & certe. item  
 ante hosce deos erant tabulæ: quæ cuius sacrarij reli-  
 gionem

Idiot.



gnem significare possent. erant aenea præterea duo si-  
 gna non maxima, uerum eximia uenustate, uirginali  
 habitu, atq; uestitu: quæ manibus sublatis sacra quæ-  
 dam more Atheniensium uirginum reposita in capiti-  
 bus sustinebant. Canephora ipsæ uocabantur. sed ea-  
 rum artificem quem nam? recte admones. Policletum  
 esse dicebant. Messanam ut quisq; nostrum uenerat, hæc  
 uisere solebat: omnibus hæc ad uisendum patebant quo-  
 tidie: domus erat non domino magis ornamento, quam  
 ciuitati. C. Claudius, cuius ædilitatem magnificenti-  
 mam scimus fuisse: usus est hoc cupidine tam diu: dum  
 forum dijs immortalibus, populoq; Ro. habuit orna-  
 tum: Et cum esset hospes Heiorum, Mamertini autem po-  
 puli patronus: ut illis benignis usus est ad commodandū:  
 sic ipse diligens fuit ad reportandum. Nuper homines  
 nobiles eiusmodi Iudices: Et, quid dico nuper? immo  
 uero modo, ac plane paulo ante, uidimus: qui forum ac  
 basilicas non spolijs provinciarum, sed ornamentis ami-  
 corum, commodis hospitum, non furtis nocentium, orna-  
 rent: q; tamen signa, atq; ornamenta sua cuiq; reddebant:  
 non ablata ex urbibus sociorum quadridui causa per  
 simulationem ædilitatis, domum deinde, atq; ad suas uil-  
 las auferabant. Hæc omnia, quæ dixi, signa Iudices ab  
 Heio de sacrario Verres abstulit: nullum inquam ho-  
 rum reliquit, neq; aliud ullū tamen, præter unum per-  
 uetus ligneum, bonam fortunam. ut opinor, eam iste  
 domi suæ habere noluit. Pro deū hominumq; fidē, quid  
 hoc est? quæ hæc causa? quæ hæc impudentia est? quæ di-  
 co signa, antequam abs te sublata sunt, nemo Messa-  
 nam cum imperio uenit: quin uiderit. tot Prætores, tot  
 Consules in Sicilia, tum in pace, tum etiam in bello fue-



# IN VERREM

runt: tot homines cuiusq; modi, non loquor de integris,  
innocentibus, religiosis: tot cupidi, tot improbi, tot audaces:  
quorum nemo sibi tam uehemens, tam potens, tam nobilis,  
uisus est: qui ex illo sacrario quicquam poscere, aut tollere,  
aut attingere auderet. Verres quod ubiq; erit pulcherrimum  
auferet? nihil habere præterea cuiquam licebit? tot domus  
locupletissimas, domus istius una capiet? itaque nemo  
superiorum attigit: ut iste tolleret? ideo C. Claudius  
Pulcher retulit: ut C. Verres posset auferre? At non  
requirebat ille cupido lenonis domum, ac meretriciam  
disciplinam: facile illo sacrario patrio continebatur.  
Hic se à maioribus relictum esse sciebat. an hereditatem  
sacrorum non querebat? meretricis heredem querebat?  
Sed qd ego tam uehementer inuehor? uerbo iam uno  
repellar. em inquit. O' dij immortales præclaram  
defensionem. mercatorem cum imperio, ac securibus  
in prouinciam misimus: qui omnia signa, tabulas  
pictas, omne argentum, aurum, ebur, gemmas, coemere:  
nihil cuiquam relinqueret. hæc enim mihi ad omnia  
defensio patefieri uidetur: emisse. Primum, si id, quod  
uis, tibi ego concedam: ut emeris: quoniam in toto hoc  
genere hac una defensione usus es: quero cuiusmodi tu  
iudicia Romæ putaris esse? si tibi hoc quenquam concessurum  
putasti? te in Prætura, atq; imperio, tot res, tam  
preciosas, omnes deniq; res, quæ alicuius precij fuerint:  
tota ex prouincia coemisse. uidete maiorum diligentiam:  
qui nihil dum etiam istiusmodi suspicabantur: ueruntamen  
ea, quæ paruis in rebus accidere poterant: providebāt.  
neminem, qui cum potestate, aut legatione in prouinciam  
esset profectus: tam amentem fore putarunt: ut emeret  
argentum. dabatur enim de publico. ut uestem. pre



bebatur enim legibus. mancipium putauerunt. quo & omnes utimur. & non prebetur à populo. sanxerunt nequis emeret mancipium: nisi in demortui locum. si quis Romæ esset demortuus? immo si quis ibidem. non enim te instruere domum tuam uoluerunt in prouincia: sed illum usum prouinciæ supplere. quæ fuit causa? cur tam diligenter nos in prouincijs ab emptionibus remouerent? hæc Iudices: quod putabant ereptionem esse, non emptionem: cum uenditori suo arbitratu uendere nō liceret. in prouincijs intelligebant, si is, qui esset cum imperio, ac potestate: quod apud quenq; esset, emere uellet: idq; liceret: fore, uti quod quisq; uellet, siue esset uenale: siue non esset: quanti uellet, auferret. dicet aliquis: noli isto modo agere cum Verre: noli eius facta ad antiquæ religionis rationem exquirere: concede ut impune emerit: modo ut bona ratione emerit: nihil ab inuito: nihil per iniuriam. sic agam. si quid uenale habuit Heius: si id quanti æstimabat: tanti uendidit: desino quærere cur emeret. quid igitur nobis faciundum est? num argumentis utendum in re eiusmodi? quærendum est credo, Heius iste num æs alienum habuerit? num auctionem fecerit? si fecit: num tanta difficultas eum rei nummaria tenuerit? tanta egestas, tanta uis oppresserit? ut sacrariū suum spoliaret? ut deos patrios uenderet? At hominem uideo auctionem fecisse nullam: uendidisse præter fructus suos nihil unquam: nō modo in ære alieno nullo, sed in suis nummis multos esse: ac semper fuisse: si hæc contra, ac dico, essent omnia: tamen illum hæc, quæ tot annos in familia, sacrarioq; maiorum fuissent: uenditurum non fuisse. quid si magnitudine pecuniæ persuasum est ei? uerisimile non



# IN VERREM

est: ut ille homo tam locuples, tam honestus, religioni suæ,  
monumentisq; maiorum pecuniam anteponeret. sunt  
ista: ueruntamen abducuntur homines nonnunquam  
etiam ab institutis suis magnitudine pecuniæ. uideamus  
quanta ista pecunia fuit: quæ potuerit Heium hominem  
maxime locupletem, minime auarum, ab humanitate,  
et pietate, ab religione deducere. Ita iussisti opinor ipsum  
in tabulas referre: hæc omnia signa Praxitelis, Myro-  
nis, Polycleti HS VI mil. Verri uendita sint. Re-  
cita ex tabulis. Iuuat me, hæc præclara nomina  
artificum, quæ isti ad cælum ferunt: Verris æstimatione  
sic concedisse. cupidinem Praxitelis HS M DC.  
profecto hinc natum est: malo emere: quàm rogare. di-  
cet aliquis: quid? tu ista per magno æstimas? ego uero ad  
meam rationem, usumq; meum non æstimo. uerunta-  
men à uobis ita arbitror spectari oportere: quanti hæc  
eorum iudicio, qui studiosi sunt harum rerum: æstimen-  
tur: quanti uenire soleant: quanti hæc ipsa, si palàm li-  
bereq; uenirent: uenire possent: deniq; ipse Verres quan-  
ti æstimet. nunquam enim si denarijs quadringentis co-  
pidinem illū putasset: commississet, ut propter eum in ser-  
monem hominum, atq; in tantam uituperationem ueni-  
ret. quis uestrum igitur nescit, quanti hæc æstimentur?  
in auctione signum æneum non magnum HS CXX  
millibus uenire non uidimus? quid si uelim nominare  
homines: qui aut non minoris, aut etiā pluris emerent:  
nonne possum? etenim qui modus est in his rebus cupi-  
ditatis: idem est æstimationis. difficile est enim finem face-  
re precio: nisi libidini feceris. Video igitur Heium, neq;  
uoluntate, neq; difficultate aliqua temporis, neq; magni-  
tudine pecuniæ adductum esse: ut hæc signa uenderet:



teq; ista simulatione emptionis, ui, metu, imperio, fasci-  
bus, ab homine eo, quem una cum cæteris socijs non so-  
lum potestati tuæ, sed etiam fidei populus Ro. commisse-  
rat: eripuisse: atq; abstulisse. Quid mihi tam optandum  
Iudices potest esse in hoc crimine: quàm ut hæc eadem  
dicat ipse Heius? nihil profecto. sed ne difficilia opte-  
mus. Heius est Mamertinus: Mamertina ciuitas istum  
publice communi consilio sola laudat: omnibus ipse cæ-  
teris Siculis odio est: ab his solis amatur. eius autem lega-  
tionis, quæ ad istum laudandum missa est: Princeps est  
Heius. Et enim est primus ciuitatis. ne forte, dum publi-  
cis mandatis seruiat: de priuatis iniurijs reticeat. hæc  
cum scirem: Et cogitarem: commisi tamen me Iudices  
Heio: produxi eum prima actione: neque id tamen  
ullo periculo feci. quid enim poterat Heius respondere:  
si esset improbus? si sui dissimilis? signa illa domi suæ esse?  
non apud Verrem? qui poterat quicquam eiusmodi di-  
cere? ut homo turpissimus esset: impudentissimèq; menti-  
retur: hoc diceret: illa se habuisse uenalia: eaq; sese quan-  
ti uoluerit uendidisse. Homo domi suæ nobilissimus, qui  
uos de religione sua, ac dignitate uere existimare maxi-  
me uellet: primo dixit se istum publice laudare: quod  
sibi ita mandatum esset: deinde neq; se habuisse illa ue-  
nalia: neq; ulla conditione, si utrum uellet: liceret: ad-  
duci unquam potuisse, ut uenderet illa: quæ in sacrario  
fuissent à maioribus suis relictæ, Et tradita. Quid se-  
des Verres? quid expectas? quid te à Centuripina cui-  
tate, à Catinenfi, ab Halesina, Tindaritana, Aetnen-  
si, Agyrinensi cæterisq; Siciliae ciuitatibus circumueniri,  
atq; opprimi dicis? tua te altera patria, quemadmodum  
dicere solebas, Messana circumuenit: tua inquam Messa-



# IN VERREM

na tuorum adiutrix scelerum, libidinum testis, praeda-  
rum, ac furtorum receptrix. adest enim uir amplissimus  
eius ciuitatis, legatus huiusce iudicii causa domo missus,  
princeps laudationis tuae, qui te publice laudat: id enim  
mandatum, atque imperatum est: tamen si rogatus de Cy-  
bea tenetis memoria quid responderit: aedificatam pu-  
blicas operis publice coactis: eique aedificandae publice Ma-  
mertinum Senatorem praefuisse. Idem ad uos priuatim  
iudices confugit: utitur hac lege, qua iudicium est: com-  
muni arce sociorum. tamen si lex est de pecuniis repetun-  
dis: ille se negat pecuniam repetere: quam ereptam non  
tantopere desiderat: sacra se maiorum suorum repete-  
re abs te dicit: deos penates a te patrios reposcit. Ecqui  
pudor est? ecquae religio Verres? ecqui metus? habitasti  
apud Heium Messanæ: res illum diuinas apud eos deos  
in suo sacrario propè quotidie facere uidisti. non moue-  
tur pecunia: denique quae ornamenti causa fuerunt: non  
requirit: habe Canephoras: deorum simulachra resti-  
tue. quae quia dixit: quia tempore dato modeste apud uos  
socius, amicusque populi Ro. quaestus est: quia religioni suae  
non modo in dijs patrijs repetundis, sed etiam in ipso iu-  
reiurando, ac testimonio proximus fuit: hominem mis-  
sum ab isto scitote esse Messanam de legatis unum, il-  
lum ipsum, qui naui istius aedificandae publice praefuit:  
qui a Senatu peteret, ut Heius ignominia afficeretur.  
Homo amentissime quid putasti? te impetraturum? quanti  
is a ciuibus suis fieret: quanti autoritas eius habere-  
tur: ignorabas? fac te impetrauisse: fac aliquid grauius  
in Heium statuisse Mamertinos: quantam putas autho-  
ritatem laudationis eorum futuram: si in eum quem con-  
stet uerum pro testimonio dixisse: poenam constituerent?



tametsi quæ est ista laudatio? cum laudator interroga-  
tus lædat necesse est. quid isti laudatores tui, non ne testes  
mei sunt? Heius est laudator: læsit grauissime. produ-  
cam cæteros: reticebunt, quæ poterunt, libenter: dicent  
quæ necesse erit, gratis. negent isti onerariam nauem ma-  
ximam ædificatam esse Messanæ? negent ei nauis faciun-  
dæ Senatorem Mamertinum publice præfuisse? utinam  
negent. sunt etiam cætera: quæ modo integra reseruare  
uolui: ut quamminimum dem illis temporis ad meditan-  
dum, confirmandumq; periuriū. hæc tibi laudatio pro-  
cedat in numerum. hi te homines auctoritate sua sub-  
leuent: qui te neq; debent adiuuare, si possent: neq; pos-  
sunt, si uelint: quibus tu priuatim iniurias plurimas, con-  
tumeliasq; imposuisti: quo in oppido multas familias in  
perpetuum infames tuis stupris, flagitijsq; fecisti. At pu-  
blice commodasti. non sine magno quidem Reip. pro-  
uinciæq; Siciliæ detrimento. tritici modium LX mul-  
lia emptæ populo Ro. dare debebant: et solebant. abs te  
solo remissum est. Resp. detrimentū fecit: quod per te im-  
perij ius uia in ciuitate imminutum est. Siculi: qd hoc  
non de summa frumenti detractum est: sed translatum  
in Centuripinos, & Halesinos immunes populos: et hoc  
plus impositum: quàm ferre possent. nauem imperare  
ex foedere debuisti: remisisti, in triennium. militem nul-  
lum unquam poposcisti per tot annos. fecisti item uti præ-  
dones solent: qui cum communes hostes sint omnium: ta-  
men aliquos sibi instituunt amicos: quibus non modo par-  
cant: uerum etiam præda quos augeant: & eos maxi-  
me: qui habet oppidum opportuno loco: quo sæpe adeū-  
dum sit nauibus, nonnunquam etiam necessario. Pha-  
selis illa, quàm cepit P. Seruilius: non fuerat urbs an-



# IN VERREM

te Cilicum, atq; prædonum. Lycij illam græci homines incolebant. sed quod erat eiusmodi loco, atq; ita proiecta in altum: ut & exeuntes e Sicilia prædones sæpe ad eam necessario deuenirent: & cum ex hisce se locis reciperent: eodem deferrentur: asciuerunt illud sibi oppidum piratæ, primo commercio: deinde etiam societate. Mamertina ciuitas improba antea non erat: etiam erat inimica improborum: quæ C. Catonis illius, qui Consul fuit: impedimenta retinuit. at cuius hominis? clarissimi, potentissimiq; qui tamen, cum consul fuisset: condemnatus est. Ita C. Cato duorum hominum clarissimorum nepos, L. Pauli, et M. Catonis, P. A. Africani sororis filius: quo damnato, tum cum seuera iudicia fiebant: HS XVIII millibus lis æstimata est. Huic Mamertini irati non fuerunt: qui maiorem sumptum, quàm quanti Catonis lis æstimata est: in Timarchidis prandium sæpe fecerunt. Verum hæc ciuitas isti prædoni, ac piratæ Siciliensi Phaselis fuit. huc omnia undiq; deportabantur: apud istos relinquebantur: quod celari oportuerat: habebant sepositum, ac reconditum: per istos, quæ uolebat, in nauem clàm imponenda, occulte exportanda curabat: nauem deniq; maximam, quam onustam furtis in Italiam mitteret: apud istos faciendâ, ædificandamq; curauit. pro hisce rebus, uacatio data est ab isto sumptus, laboris, militiæ, rerum deniq; omnium. per triennium soli non modo in Sicilia, uerum, ut opinio mea fert: his quidem temporibus in omni orbe terrarum, uacui, expertes, soluti, ac liberi fuerunt ab omni sumptu, molestia, munere. hinc illa Verrea nata sunt. quod in conuiuium Sextum Cominium protrahi iussit: in quem Scyphum de manu iacere conatus est: quem obtorta gula



de conuiuio in uincula, atq; in tenebras abripi iussit. hinc illa crux: in quam ciue Ro. iste multis inspectantibus sustulit: quam non ausus est usquam defigere, nisi apud eos: quibus cum omnia scelera sua, ac latrocinia communicasset. laudatum etiam uos quenquam uenire audetis? qua auctoritate? utrum quam apud Senatorium ordinem? an quam apud populum Ro. habere debetis? ecquæ ciuitas est? non modo in provinciis nostris, uerum in ultimis nationibus, aut tam potens, aut tam libera, aut etiam tam immanis, ac barbara? rex deniq; ecquis est? qui Senatorem populi Ro. tecto, ac domo non inuitet? qui honos non homini solum habetur: sed primum populo romano: cuius beneficio nos in hunc ordinem uenimus: deinde ordinis auctoritati: quæ nisi grauis erit apud socios: in exteras nationes ubi erit imperij nomen, & dignitas? Mamertini me publice nõ inuitauerunt. me cū dico: leue est. Senatorem populi Ro. si non inuitauerunt: honorem debitum detraxerunt non homini, sed ordini. nā ipsi Tullio patebat domus locupletissima, & amplissima Cn. Pompei Basilisci: quo, etiā si esset inuitatus a uobis: tamen diuertisset. erat etiam, Percenniorum, qui nunc item Pompei sunt: domus honestissima: qua L. frater meus, summa illorum uoluntate diuertit. Senator populi Ro. quod in uobis fuit, in uestro oppido iacuit, & pernoctauit in publico. nulla hoc alia ciuitas unquam commisit. amicum enim nostrum in iudicium uocabas. tu quid ego priuatim negocij geram, interpretabere, in minuendo honore Senatorio? uerū hæc tum queremur: si quid de uobis per eum ordinem agetur: qui ordo à uobis adhuc solus contemptus est. in populi Ro. quidem conspectum, quo ore uos commisi-



# IN VERREM

stis? nec prius illam crucem, quæ etiam nunc ciuis Ro-  
sanguine redundat: quæ fixa est ad portum, urbemq;  
uestram: reuellistis: neq; in profundum abieistis: locumq;  
illum omnem expiastis: quam Romam, atq; in horum con-  
uentum adiretis? in Mamertinorum solo effoederato, atq;  
pacato monumentum istius crudelitatis constitutum est.  
uestra ne urbs electa est? ad quam cum adirent ex Ita-  
lia: crucem ciuis romani prius, quam quenquam ami-  
cum uiderent populi romani: quam uos Rheginis, quorum  
ciuitati inuidetis: item incolis uestris, ciuibus Ro. ostende-  
re soletis: quominus sibi arrogant: minusq; uos despi-  
ciant: cum uideant ius ciuitatis, illo supplicio esse macta-  
tum, Verum hæc emisse te dicis. quid illa Attali-  
ca, tota Sicilia nominata, ab eodem Heio peripetasmata  
emere oblitus es? licuit eodem modo, ut signa. quid enim  
actum est? an literis pepercisti? uerum hominem amen-  
tem hoc fugit. minus clarum putauit fore, quod de ar-  
mario, quam quod de sacrario esset ablatum. at quomo-  
do abstulit? non possum dicere planius: quam ipse apud  
uos dixit Heius. cum quæsissem: nunquid aliud de bonis  
eius peruenisset ad Verrem? respondit istum ad se misisse:  
ut sibi mitteret a grigentum peripetasmata. quæsiui an  
misisset? respondit id quod necesse erat: scilicet dicto au-  
dientem fuisse prætoris: misisse. rogauit peruenissent ne A gri-  
gentum? dixit, peruenisse. quemadmodum reuertissent?  
negauit adhuc reuertisse. risus populi, atq; admurmura-  
tio omnium facta est. Hic tibi in mentem non uenit: in-  
bere ut hæc quoq; referret HS D se tibi uendidisse. me-  
tuisti ne æs alienum tibi cresceret: si HS VI millibus  
D tibi constarent ea: quæ tu facile posses uendere HS  
CC millibus. fuit tanti mihi crede: haberes quod de-



fenderes: nemo quæreret quanti illa res esset: si modo te posses docere emisse: facile cui uelles tuam causam, & factum probares. nunc de Peripetasmatis quemadmodum te expedias non habes. Quid? à Philarcho Centuripino homine locuplete, ac nobili Phaleras pulcherrime factas, quæ Regis Hieronis fuisse dicuntur: utrum tandem abstulisti? an emisti? Siciliæ quidem cum essem: sic à Ceturipinis, sic à cæteris audiebam: non enim parum res erat clara. tam te has phaleras à Philarcho Centuripino abstulisse dicebant: quam alias item nobiles, ab Aristo Panormitano, quæ tertias à Cratippo Tyndaritano. etenim si Philarchus uendidisset: non ei, postea quam reus factus es: redditurum te promississet. quod quæ uidisti plures scire: cogitasti si ei reddidisses: te minus inuidiæ habiturum: rem nihilominus testatam futuram: non reddidisti. dixit Philarchus pro testimonio: se, quod nosset tuum istum morbum, ut amici tui appellant, studium: cupisse te celsæ de Phaleris: cum abs te appellatus esset: negasse habere sese: apud alium quoque eas habuisse depositas: nequa inuenirentur: tuâ tantam fuisse sagacitatē: ut eas per illū ipsum inspiceres, ubi erant depositæ: tum se deprehensum negare non potuisse: ita ab se inuito ablatas Phaleras gratis. Iam ut hæc omnia reperire, ac perscrutari solitus sit Iudices, est opere precium cognoscere. Cybira sunt fratres quidam, Cleopolemus, et Hiero: quorum alterum fingere opinor è cetera solitum esse: alterum esse pictorem. hosce opinor Cybira, cum in suspicionem uenissent suis ciuibus, fanum expilasse Apollinis: ueritos poenam iudicij, ac legis, domo profugisse. quod Verrem artificij sui cupidum cognouerant tum, cum iste, id quod ex testibus didicisti: Cybiram cum in



# IN VERREM

nibus syngraphis uenerat: domo profugientes ad eum se  
exules, cum iste esset in Asia: contulerunt. habuit secum  
eos ab illo tempore: & in legationis prædis, atq; furtis  
multum illorum opera, consilioq; usus est. hi sunt illi:  
quibus in tabulis retulit sese Q. Tadius dedisse iussu  
istius græcis pictoribus. Eos iam bene cognitos, et re pro-  
batos secum in Siciliã duxit. quo postea quã uenerunt: mi-  
randũ in modũ canes uenaticos diceret: ita odorabantur  
omnia: & peruestigabant: ut ubi quicquid esset: aliqua  
ratione inuenirent. aliud minitendo, aliud pollicendo,  
aliud p̄seruos, aliud per liberos, p̄ amicum aliud, aliud  
per inimicum inueniebant. quicquid illis placuerat: per-  
dendum erat. nihil aliud optabant: quorum posceba-  
tur argentum: nisi ut Hieroni & Tlepolemo displice-  
ret. Vere mehercules hoc Iudices dicam. Memini Pam-  
philum Lilybetanum hospitem meum, & amicum,  
nobilem hominem, mihi narrare: cum iste ab sese Hy-  
driam Boeti manu factam, præclaro opere, & gran-  
di pondere, per potestatem abstulisset: se sanẽ tristem,  
& conturbatum domum reuertisse: quod uas eiusmodi,  
quod sibi à matre, & maioribus esset relictum: quo soli-  
tus esset uti ad festos dies, ad hospitũ aduentum: à se esset  
ablatum. Cum sederẽ, inquit, domi tristis: accurrit Ve-  
nerius: iubet me scyphos sigillatos ad prætorem statim  
afferre. permotus sum inquit: binos habebam: iubeo pro-  
mi utrosq;: ne quid plus mali nasceretur: & mecum  
ad prætoris domum ferri. eod̄ cum uenio: prætor quiesce-  
bat: fratres illi Cybiratæ inambulabant. qui simul ut  
me uiderunt: ubi sunt Pamphile inquirunt scyphi: osten-  
do tristis. laudant. incipio queri, me nihil habiturum,  
quod alicuius esset precij: si etiam scyphi essent ablati.



tum illi, ubi me conturbatum uident: quid uis nobis dare, isti ne auferantur abs te? ne multa HS M me inquit dixi daturum. uocat interea Prætor: scyphos poscit. tum illos cœpisse prætori dicere: putasse se, id quod audissent: alicuius precij scyphos esse Pamphili: luteum negotium esse: non dignum, quod in suo argento Verres haberet. ait ille idem sibi uideri. ita Pamphilus scyphos optimos aufert. Et mehercules ego antea, tamen si hoc nescio quid nugatorium sciebam esse, ista intelligere: tamen mirari solebam, istum in his ipsis rebus aliquem sensum habere: quem scirem nulla in re quicquam simile hominis habere. tum primum intellexi ad eam rem istos fratres Cybistas fuisse: ut iste in furando manibus suis, oculis illorum uteretur. At ita studiosus est huius præclaræ existimationis: ut putetur in hisce rebus intelligens esse: ut nuper (uidete hominis amentiam) posteaquam est comperendinatus: cum iam pro damnato, mortuoq; esset: ludis circensibus mane apud L. Sisennam uirum primarium, cum essent triclinia strata: argentumq; expositum in ædibus: cum pro dignitate L. Sisennæ domus esset plena hominum honestorum: accesserit ad argentum: contemplari unūquodq; ociose, et considerare cœperit. mirari stulticiam alij: quod in ipso iudicio eius ipsius cupiditatis, cuius insimularetur: suspicionem augeret. alij amentiam: cui comperendinato, cum tam multi testes dixissent: quicquam illorum ueniret in mentē. pueri autem Sisennæ, credo qui audiissent, quæ in istum testimonia essent dicta: oculos de isto nusquam deicere: neq; ab argento digitum discedere. Est boni iudicis, paruis ex rebus coniecturam facere unus cuiusq;, et cupiditatis, et incontinentiæ. qui reus lege, et reus cō-

*insimulatio*

*certe q. nuppi*

*at. iam qd. v. g.*



IN VERREM

perendinatus, re, & opinione hominum penè damna-  
tus, temperare non potuerit maximo conuentu: quin L.  
Sisennæ argentum tractaret: & consideraret: hunc in  
provincia prætorem quisquam putabit à Siculorum ar-  
gento cupiditatem, aut manus abstinere potuisse? Verum  
uti Lilybeum, unde digressa est: oratio reuertatur: Dio-  
cles est Pamphili gener illius, à quo Hydria ablata ē:  
Popillius cognomine. ab hoc abaci uasa omnia, ut expo-  
sita fuerant: abstulit. dicat se emisse. etenim hic propter  
magnitudinem furti sunt, ut opinor, litteræ factæ. iussit  
Timarchidem æstimare argentum, quomodo qui unquā  
tenuissime, in donatione histrionum æstimauit. tam etsi  
iam dudum erro: qui tam multa de tuis emptionibus uer-  
ba faciam: & quæram, uirum emeris: & quomodo, &  
quanti emeris: quod uerbo transigere possum. ede mihi  
scriptum, quid argenti in provincia Sicilia pararis: un-  
de quicq; aut quanti emeris. quid sit? quanquam non de-  
bebam ego abs te has literas poscere. me enim tabulas tuas  
habere, & proferre oportebat. uerum negas te horū an-  
norum aliquot confecisse. compone hoc quod postulo de  
argento: de reliquo uidero. nec scriptum habeo: nec pos-  
sum edere. quid futurum igitur est? quid existimas hosce  
iudices facere posse? domus plena signorum pulcherri-  
morum iam etiam ante præturam: multa ad uillas tuas  
posita: apud amicos multa deposita: multa alijs data: atq;  
donata: tabulæ nullum indicant emptum: omne argen-  
tum ablatum ex Sicilia est: nihil cuiquam, quod suum  
dici uellet: relictum: fingitur improba defensio: prætorem  
omne id argentum coemisse: tamen id ipsum tabulis de-  
monstrari non potest: si quas tabulas profers: in his, quæ  
habes, quomodo habeas, scriptum non est: horum autem



temporum, cum te plurimas res emisse dicis: tabulas omnino nullas proferas: nonne te, & prolatis, et non prolatis tabulis condemnari necesse est? Tu a' M. Celio equite Ro. lectissimo adolescente, quæ uoluisti uasa argentea Lilybei abstulisti: tu P. Cacurij proptissimi hominis, & experientis, & in primis gratiosi, suppellectilem omnem auferre non dubitasti: tu maximam, et pulcherrimam mensam atream a Q. Lutadio Diodoro, qui Q. Catuli beneficio a L. Sylla ciuis Ro. factus est: omnibus sciētibus Lilybei abstulisti. non tibi obijcio, quod hominem dignissimum tuis moribus, Appollonium Niconis filium Drepanitanum, qui nunc A. Clodius uocatur: omni argento optime facto spoliasti: ac depeculatus es. taceo. non enim putat ille sibi iniuriam factam: propterea quod homini iam perditō, & collum in laqueum inferenti, subuenisti: cum pupillis Drepanitanis bona patria erepta, cum illo partitus es. gaudeo etiam si quid ab illo abstulisti: & abs te nihil rectius factum esse dico. a' Lisone uero Lilybetano primo homine, apud quem diuersatus es: Apollinis signum ablatum certe esse nō oportuit. at dices te emisse. scio: HS M. ita opinor. scio inquam. proferam literas: et tamen id factum non oportuit. a' pupillo Heio, cui Marcellus tutor est: a' quo pecuniam grandem eripueras: scaphia cum emblematis Lilybei uirum emptā esse dicis? an confiteris erepta? sed quid ego istius in eiusmodi rebus mediocres iniurias colligo? quæ tantummodo in furtis istius, & damnis eorum, a' quibus auferebat: uersata esse uideantur? accipite si uultis Iudices rem eiusmodi: ut amentiam singularem, ut furorem iam non cupiditatem eius perspicere possitis. Melitensis Diodorus est: qui apud uos an-



# IN VERREM

tea testimonium dixit. is Lilybei multos iam annos ha-  
bitat, homo & domo nobilis, & apud eos, quo se con-  
tulit: propter uirtutem splendidus, & gratosus. de hoc  
Verri dicitur, habere eum perbona toreumata: in his  
pocula duo quædam, quæ Heraclea nominantur, Men-  
toris manu summo artificio facta. quod ubi iste audi-  
uit: sic cupiditate inflamatus est, non solum inspicuendi,  
uerum etiam auferendi: ut Diodorum ad se uocaret: ac  
posceret. ille, qui illa non inuitus haberet: respondit se  
Lilybei non habere: Melitæ apud quendam propin-  
quum suum reliquisse. tum iste continuo mittit homi-  
nes certos Melitam: scribit ad quosdam Melitenses: ut ea  
uasa perquirant: rogat Diodorum, ut ad illum suum  
propinquum det literas. nihil ei longius uidebatur: qu-  
dum illud uideret argentum. Diodorus homo frugi, ac  
diligens, qui sua seruare uellet: propinquo suo scribit:  
ut is, qui à Verre uenissent: responderet: illud argentum  
se paucis illis diebus misisse Lilybeum. ipse interea re-  
cedit. abesse ab domo paulisper maluit: quàm præsens  
illud optime factum argentum amittere. Quod ubi au-  
diuit iste: usque eò est commotus: ut sine ulla dubitatione  
insanire omnibus, ac furere uideretur: quia non potue-  
rat argentum eripere. ipse à Diodoro erepta sibi uasa  
optime facta dicebat: minitari absenti Diodoro: uocifera-  
re palàm: lachrymas interdum uix tenere. Eriphylā  
accepimus in fabulis ea cupiditate: ut, cum uidisset mo-  
nile, ut opinor, ex auro, & gemmis: pulchritudine eius  
incensa salutem uiri proderet. Similis istius cupiditas:  
hoc etiam acrior, atque insanius: quod illa cupiebat id,  
quod uiderat: huius libidines non solum oculis, sed  
etiam auribus excitabantur. conquiri Diodorum tota  
prouincia



provincia iubet. ille ex Sicilia castra iam mouerat: & uasa collegerat. homo, ut aliquo modo illum in prouinciam reuocaret: hanc excogitauit rationem: si hæc ratio potius, quam amentia nominanda est. apponit de suis canibus quendam: qui dicat se Diodorum Melitensem rei capitalis reum uelle facere. primo mirum omnibus uideri, Diodorum reum, hominem quietissimum, ab omni non modo facinore, uerum minimi errati suspitione remotissimum. deinde esse perspicuum: fieri omnia illa, propter argentum. iste non dubitat, iubere nomen deferri. & tum primum opinor istum absentis nomen recepisse. reclamat Sicilia tota: propter coelati argenti cupiditatem, reos fieri rerum capitalium: neque solum præsentis reos fieri, sed etiam absentes. Diodorus Romæ sordidatus circum patronos, atq; hospites cursare: rem omnibus narrare. literæ mittuntur isti à patre uel hemetes: ab amicis item: uideret quid ageret: de Diodoro quo progredieretur: rem claram esse: & inuidiosam: insanire hominem: periturum hoc uno crimine: nisi cecisset. iste etiam tum patrem, si non in parentis, at in hominum numero putabat: ad iudicium nondum se satis instruxerat: primus annus erat prouinciæ: non, ut in Sthenio, iam refertus pecunia. itaq; furor eius paululum non pudore, sed metu, ac timore repressus est. condemnare Diododorum non audet: absentem de reis eximit. Diodorus interea prætoris isto propè tricennium prouinciæ, domoq; caruit. cæteri non solum Siculi, sed etiam ciues Ro. hoc statuerant: quoniam iste tantum cupiditate progredieretur: nihil esse: quod quisquam putaret se, quod isti paulo magis placeret: conseruare, aut domu retinere posse. postea uero quàm intellexerunt: isti uirum for-

D



# IN VERREM

tem, quem summe provincia expectabat: Q. Arrium non succedere: statuerunt se nihil tam clausum, neq; tam reconditum posse habere: quod non istius cupiditati aper-  
tissimum, promptissimumq; esset. Tum iste ab Equite Ro. splendido, & gratiofo Cn. Calidio, cuius filium sciebat, Senatorem populi Ro. & iudicem esse: equi-  
leos argenteos nobiles, qui Q. Maximi fuerant: au-  
fert. imprudens huc inadi Iudices. emit enim: non ab-  
stulit. nollem dixisse. iactabit se: & his equitabit equi-  
leis. emi: pecuniam solui. credo, etiam tabulae proferen-  
tur. est tanti. cedo tabulas. diluc sane crimen hoc Ca-  
lidianum: dum ego tabulas aspicere possim. uerunta-  
men quid erat, quod Calidius Romae quereretur: se cu-  
tot annos in Sicilia negociaretur: abs te solo ita esse con-  
temptum: ita despectum: ut etiam cum ceteris Siculis di-  
spoliaretur: si emeris? quid erat, quod confirmabat: se  
abs te argentum esse petiturum: si tibi sua uoluntate uen-  
diderat? tu porro posses facere ut Cn. Calidio non red-  
deres? praesertim cum is L. Sisenna defensore tuo: tam  
familiariter uteretur? & cum ceteris familiaribus Si-  
sennae reddidisses? Deniq; non opinor negaturum esse  
te, homini honesto, sed non gratiosiori quam Cn. Ca-  
lidius est: L. Cordio argentum per Potamonem ami-  
cum tuum reddidisse. qui qdem ceterorum causam apud  
te difficiliorem fecit. nam cum te compluribus confirmas-  
ses redditurum: posteaquam Cordius pro testimonio di-  
xit te sibi reddidisse: finem reddendi fecisti: quod intel-  
lexisti te praeda de manibus amissa, testimonium. tamen  
effugere non posse. Cn. Calidio equiti Ro. per o-  
mnes praetores licuit argentum habere bene factum: li-  
cuit posse domesticis copijs, cum magistratum, aut ali-



quem superiorem inuitasset: ornare, & apparare conuiuium. multi domi Cn. Calidij cum imperio, ac potestate fuerunt: nemo inuentus est tam amens: qui illud argentum tam præclarum, ac tam nobile eriperet: nemo tam audax: qui posceret: nemo tam impudens: qui postularet, ut uenderet. superbum est enim Iudices, & nõ ferendum: dicere prætorem in provincia homini honesto, locupleti, splendido: uende mihi uasa celata. hoc est enim dicere: non es dignus tu, qui habeas: quæ tam bene facta sint: meæ dignitatis ista sunt. tu dignior Verres, quàm Calidius. qui, ut non conferam uitam, atq; existimationem tuam, cum illius: neq; enim est conferenda. hoc ipsum conferam: quo tu te superiorem fingis. quod HS LXXX millia diuisoribus, ut prætor renuntiarere dedisti: trecenta accusatori: ne tibi odiosus esset: ea re contemnis Equestrem ordinem, ac despicias: ea re indignum tibi uisum est: quicquam, quod tibi placeret: Calidium potius habere, quàm te? Iactat se iã dudum de Calidio: narrat omnibus se emisse. num etiã de L. Papirio uiro primario, locuplete, honestoq; Equite Ro. thuribulum emisti? qui pro testimonio dixit: te, cum inspicendum poposcisses: auulso emblemate remisisse: ut intelligatis, in homine intelligentiam esse, nõ auariciam: artificij cupidum, non argenti fuisse. nec solum in Papirio fuit hac abstinentia: tenuit hoc institutum in thuribulis omnibus: quæcunq; in Sicilia fuerunt. incredibile est autem q̃ multa, & q̃ præclara fuerunt. Credo tum, cum Sicilia florebat opibus, & copijs: magna artificia fuisse in ea insula. nam domus erat ante istum prætorem nulla paulo locupletior: qua in domo hæc non essent: etiam si præterea nihil esset argenti: patella grãdis, cum

D ij



# IN VERREM

figillis simulacris deorum, patera, qua mulieres ad res  
diuinas uterentur: thuribulum. hæc autem omnia anti-  
quo opere, & summo artificio facta: ut hoc liceret suspi-  
cari: fuisse aliquando apud Siculos per æqua proportione  
cætera: sed quibus multa fortuna ademisset: tamen apud  
eos remansisse ea, quæ religio retinisset. dixi Iudices,  
multa fuisse fere apud Siculos omnes: ego idem confirmo,  
nunc ne unum quidem esse. quid hoc est? quod monstrum?  
quod prodigium in prouinciâ misimus? non ne uobis  
id egisse uidetur? ut non unius libidinem, nõ suos oculos,  
sed omnium auarissimorum insanias, cum Romam re-  
uertisset: expleret? qui simul atq; in oppidum quoppiam  
uenerat: immittebantur illi continuo Cybiratici canes:  
qui inuestigabant, & perscrutabantur omnia. si quod  
erat grande uas, & maius opus inuentum: læti aufere-  
bant. si minus eiusmodi quippiam uenari poterant: il-  
la quidem certe pro lepisculis capiebantur: patellæ, pa-  
teræ, thuribula. Hic quos putatis fletus mulierum? quas  
lamentationes fieri solitas esse in hisce rebus? quæ forsi-  
tan uobis paruæ esse uideantur. sed magnum & acer-  
bum dolorem commouent: mulierculis præsertim: cum  
eripiuntur è manibus ea: quibus ad res diuinas uti con-  
sueuerunt: quæ à suis acceperunt: quæ in familia sem-  
per fuerunt. Hic nolite expectare dum ego hoc cri-  
men agam hostiatim: ab Aeschilo Tindaritano istum pa-  
teram abstulisse: à Thrasone item Tindaritano patel-  
lam: à Nymphodoro Agrigentino thuribulum. cum te-  
stes ex Sicilia dabo: quem uolet eligat: quem ego inter-  
rogem de patellis, pateris, thuribulis: non modo oppidum  
nullum: nulla domus paulo locupletior ex pers huius in-  
iuriæ reperietur. Qui cum in conuiuium uenisset: si quic-



quam coelati aspexerat: manum abstinere Iudices non poterat. Cn. Pompeius est Philo: qui fuit Tindaritanus. is coenam isti dabat apud uillam in Tindaritano. fecit quod Siculi non audebant. ille ciuis Ro. quod erat: impunius id se facturum putauit. apposuit patellam, in qua sigilla erant egregia. iste continuo ut uidit: non dubitauit illud insigne penatum, hospitaliumq; deorum, ex hospitali mensa tollere. sed tamen, quod antea de istius abstinentia dixeram: sigillis auulsis reliquum argentum sine ulla auaricia reddidit. Quid? Eupolemo Calactino homini nobili, Lucullorum hospiti, ac perfamiliari, qui nunc apud exercitum cum L. Lucullo est: non idem fecit? coenabat apud eum. argentum illi caeterum purum apposuerat: ne purus ipse relinqueretur: duo pocula non magna, ueruntamen cum Emblematis. hic quasi festum Achroama ne sine corollario de conuiuio discederet: ibidem conuiuiis inspectantibus Emblemata auellenda curauit. Neq; ego nunc istius facta omnia enumerare conor. neq; opus est: nec fieri ullo modo potest. tantummodo uniuscuiusq; de uaria improbitate generis indicia apud uos, & exempla profero. neq; enim ita se gessit in his rebus: tanquam rationem aliquando esset redditurus: sed prorsus ita: quasi aut reus nunquam esset futurus: aut quo plura abstulisset: eo minore periculo in iudicium esset uenturus. Qui haec quae dico iam, non occulte, non per amicos, atq; interpretes, sed palam de loco superiore ageret, pro imperio, & potestate. Catinam cum uenisset, oppidum locuples, honestum, copiosum: Dionysiarchum ad se Pardiorum hoc est summum magistratum uocari iubet. ei palam imperat: ut omne argentum, quod apud quenq; esset Catinae, conquirendum eis

D ij



# IN VERREM

raret: & ad se transferendum. Philarchum Centuri-  
pinum primum hominem genere, uirtute, pecunia, non  
hoc idem iuratum dicere audistis: sibi istum negociū de-  
disse: atq; imperauisse: ut Centoripis, in ciuitate totius Si-  
ciliæ multo maxima, omne argentum conquireret: et ad  
se comportari iuberet. Agyrio similiter istius imperio  
uasa Corinthia per Apollodorum, quem testem audi-  
stis: Syracusas deportata sunt. Illa uero optima est: quod  
cum ad Haluntium uenisset Prætor laboriosus, & di-  
ligens: ipse in oppidum accedere noluit: quod erat diffi-  
li ascensu, atq; arduo: Artagathum Haluntinum, homi-  
nem non solum domi suæ, sed tota Sicilia in primis no-  
bilem, uocari iussit. ei negocium dedit: ut quicquid Ha-  
lunti esset argenti cœlati: aut siquid etiam Corinthio-  
rum: ut omne statim ad mare ex oppido deportaretur.  
ascendit in oppidum Artagathus: homo nobilis, qui à su-  
is & amari, & diligere uellet: ferebat grauius, illam si-  
bi ab isto prouinciam datam: nec quid faceret, habebat.  
pronunciat quid sibi imperatum esset: iubet omnes pro-  
ferre, quæ haberent. metus erat summus. ipse enim tyrā-  
nus non discedebat longius: Artagathum, & argentum  
in lectica cubans, ad mare infra oppidum expectabat.  
quem concursum factum in oppido putatis: quem cla-  
morem: quem porro fletum mulierum: qui uiderent:  
equum troianum introductum, urbem captam esse, di-  
cerent. efferrī sine thecis uasa: extorqueri alia de mani-  
bus mulierum: effringi multorū fores: reuelli claustra.  
quid enim putatis: scuta siquando conquiruntur à priua-  
tis in bello, ac tumultu: tamen homines inuicti dant: etsi  
ad salutem communem dari sentiunt: ne quem putetis si-  
ne maximo dolore argentum cœlatum domo, quod alter



eriperet: protulisse. omnia deferuntur. Cybirata fratres  
 vocantur: pauca improbant. quæ probant, ijs crustæ,  
 aut Emblemata deirahantur. sic Haluntini excussis  
 delicijs, cum argento puro domum reuerterunt. Quod  
 unquam Iudices huiusmodi euerriculum in illa pro-  
 uincia fuit? auertere aliquid de publico quam obscurissi-  
 me per magistratum solebant. etiam aliquid de priua-  
 to nonnunquam occulte auferebant. et illi tamen conde-  
 mnabantur. et si queritis ut ipse de me deirahat: illos ego  
 accusatores puto fuisse: qui huiusmodi hominum furta  
 odore, aut aliquod leuiter presso uestigio, persequen-  
 tur. nam nos quidem quid facimus in Verre? quem in  
 luto uolutatum totius corporis uestigijs inuenimus? per-  
 magnum est in eum dicere aliquid: qui præteriens, lecti-  
 ca paulisper deposita, non per præstigia, sed palam per  
 potestatem, uno imperio hostiatum totum oppidum com-  
 pilarit. Attamen ut possit se dicere emisse: Artagathus im-  
 perat: ut aliquid illis, quorum argentum fuerat: num-  
 morum dicis causa daret. inuenit Artagathus paucos q-  
 uellent accipere. his dedit. eos nummos tamen iste Art-  
 gathus non reddidit. uoluit Romæ petere Artagathus:  
 Cn. Lentulus Marcellinus dissuasit: sicut ipsum dicere  
 audistis. atq; hac tota de re audistis Artagathi, & Len-  
 tuli testimonium. Et ne forte hominem existimetis hanc  
 tantam uim Emblematum sine causa coaceruare uoluisse:  
 uidete quanti uos, quanti existimatione populi roma-  
 ni, quanti leges, & iudicia, quanti testes sículos, negocia-  
 toresq; fecerit. posteaquam tantam multitudinem college-  
 rat Emblematum: ut ne unum quidem cuiquam reli-  
 quisset: instituit officinam Syracusis. in Regiâ maximâ,  
 palam artifices omnes, cælatores, ac uasculares conuo-



# IN VERREM

cari iubet: & ipse suos complures habebat. eo' conducebat  
 magnam hominum multitudinē. menses octo continu-  
 os opus his non defuit: cum uas nullum fieret nisi aure-  
 um. tam illa, ex patellis, & ihuribulis quæ uellerat: ita  
 scite in aureis poculis illigabat: ita apte in scyphis au-  
 reis includebat: ut ea ad illam rē nata esse diceret. ipse  
 tamen Prætor, qui sua uigilantia pacem in Sicilia dicit  
 fuisse: in hac officina maiorem partem dici cum tunica  
 pulla sedere solebat, & pallio. Hæc ego Iudices non  
 auderem proferre: ni uererer ne forte plura de isto ab  
 alijs in sermone, quàm à me in iudicio audisse uos dicere-  
 tis. quis enim est, qui de hac officina, qui de uasis aureis,  
 qui de istius pallio, pulla non audierit? quem uoles de  
 conuictu Syracusanorum uirum bonum nominato. pro-  
 ductam. nemo erit quin hoc se aut uidisse, aut audisse di-  
 cat. O' tempora: O' mores. nihil nimum uetus proferā.  
 sunt uestrum aliquam multi: qui L. Pisonem cognoue-  
 runt, huius L. Pisonis, qui Prætor fuit: patrem. is cum  
 esset in Hispania Prætor: qua in prouincia occisus est: ne  
 scio quo pacto dum armis exercetur: annulus aureus,  
 quem habebat, fractus est, & conminutus. cum uellet  
 sibi annulum facere: aurificem iussit uocari in foro, ad  
 sellam, Cordubæ: & ei palam appendit aurum. homi-  
 nem in foro sellam iubet ponere: & facere annulum  
 omnibus præsentibus. Nimiū fortasse dicet aliquis hunc  
 diligentem. hætenus reprehēdat si quis uolet: nihil am-  
 plius. uerum fuit ei concedendum: filius enim L. Piso-  
 nis erat eius: qui primus de pecunijs repetundis legem  
 tulit. ridiculum est nunc de Verre me dicere: cum de  
 Pione frugi dixerim. ueruntamen quantum intersit: ui-  
 dete. iste cum aliquot abacorum faceret uasa aurea: non



laborauit, quin non modo in Sicilia, uerum etiam Ro-  
 mæ in iudicio audiret. ille in auri semina totam Hi-  
 spaniam scire uoluit: unde prætori annulus fieret. ni-  
 mirum ut hic nomen suum comprobauit: sic ille cogno-  
 men. nullo modo possum omnia istius facta aut memoria  
 consequi: aut oratione complecti. genera ipsa cupio bre-  
 uiter attingere. ut hoc modo me commonuit Pisonis an-  
 nulus: quod totum effluxerat. Quam multis istum puta-  
 tis. hominibus honestis, de digitis annulos aureos abstu-  
 lisse? nunquam dubitauit: quotienscunq; alicuius aut  
 gemma, aut annulo delectatus est. incredibilem rem di-  
 cam, sed tam claram: ut ipsum negaturum nō arbitrer.  
 Cum Valentio eius interpreti epistola Agrigenti alla-  
 ta esset: casu signum iste animaduertit in cretula: pla-  
 cuit ei: exquisiuit unde esset epistola: respondit Agrigen-  
 to. iste literas ad quos solebat, misit: ut is annulus ad se  
 primo quoq; tempore afferretur. ita literis istius patris fa-  
 milias L. Titio cuidam, cui Ro. annulus de digito de-  
 tractus est. Illa uero eius cupiditas incredibilis est. nam  
 ut singula conclauia, quæ iste non modo Romæ, sed o-  
 mnibus in uillis habet: tricenos lectos optime stratos cum  
 cæteris ornamentis communij quæerent: nimium multa  
 comparare uideretur. nulla domus in Sicilia locuples  
 fuit: ubi iste non texturam instituerit. Mulier est Sege-  
 stana per diues, & nobilis Lamia nomine. per triennium  
 isti plena domo telarum, stragulam uestem confecit, nihil  
 Conchilio tinctum. Attalus homo pecuniosus nec uulgo  
 Lilybei: Chritolaus Ennæ, Syracusis Aeschrio, Cleomo-  
 nes, Theomnastus, Pelori Archonides, Megistus. uox me-  
 citius defecerit quàm nomina. ipse dabat purpuram tan-  
 tum. amici opera. credo iam enim non libet omnia cri-



# IN VERREM

minari. quasi uero hoc mihi non satis sit ad crimen: habuisse tam multum, quod daret: uoluisse deportare tam multa: hoc denique quod concedit: amicorum operis esse in huiusmodi rebus usum. Iam uero lectos æratos, et candelabra ænea num cui præter istum Syracusis per triennium facta esse existimatis? emebat credo. sed tantum uos certiores Iudices facio: quid iste in prouincia prætor egerit: ne cui forte nimium negligens fuisse uideatur: neque se satis, cum potestatem habuerit, instruxisse, et ornasse. Venio nunc non iam ad furtum, non ad auariciam, non ad cupiditatem: sed ad eiusmodi facinus: in quo omnia nefaria contineri mihi, atque inesse uideantur: in quo dii immortales uolati: existimatio, atque authoritas nominis populi romani immutata: hospitium spoliatum, ac proditum: ab alienati scelere istius à nobis omnes reges amicissimi, nationesque: quæ in eorum regno, ac ditione sunt. Nam reges Syriæ regis Antiochi filios pueros scitis Romæ nuper fuisse: qui uenerant non propter Syriæ regnum. nam id sine controuersia obtinebant, ut à patre, et à maioribus acceperant. sed regnum Aegypti ad se, et ad Selinem matrem suam pertinere arbitrabatur. hi postquam temporibus populi Romæ exclusi per Senatum agere, quæ uoluerant, non potuerunt: in Syriam in regnum patrium profecti sunt. eorum alter, qui Antiochus uocatur: iter per Siciliam facere uoluit. itaque isto prætore uenit Syracusas. Hic Verres hereditatem sibi uenisse arbitratus est: quod in eius regnum, ac manus uenerat. iste, et audierat multa secum præclara habere: et suspicabatur. mittit homini munera satis large: hæc ad usum domesticum, uini, olei, quod uisum erat: etiam tritici, quod satis esset, de his decimus.



deinde ipsum Regem ad coenam uocauit. exornat ample, magnificeq; triclinium: exponit ea, quibus abundabat, plurima, ac pulcherrima uasa argentea: naq; haec aurea nondum fecerat: omnibus curat rebus instructum, et paratum sit conuiuium. quid multa? rex ita discessit: ut & istum diligenter ornatum, & se honorifice acceptum arbitraretur. uocat ad coenam deinde ipse Praetorem: exponit suas copias omnes: multum argentum, non pauca etiam pocula ex auro, quae ut mos est regius, & maxime in Syria, gemmas erant distincta clarissimis. erat etiam uas uinarium ex una gemma pergrandi, trulla excauata cum manubrio aureo: de qua credo satis idoneum, satis grauem testem Q. Minutium dicere audistis. Iste unumquodq; uas in manus sumere: laudare: mirari. Rex gaudere praetori satis iucundum, & gratum illud esse conuiuium. posteaquam inde discessum est: cogitare iste nihil aliud, q̄ id quod ipsa res declarauit: nisi quemadmodum Regem ex prouincia spoliatum, expilatumq; dimitteret. mittit rogatum uasa ea, quae pulcherrima apud illum uiderat: ait se suis celatoribus uelle ostendere. Rex, qui istum non nosset: sine ulla suspitione, libentissime dedit. mittit etiam trullam gemmeam rogatum: uelle eam se diligentius considerare. ea quoq; ei mittitur. nunc reliquum Iudices attendite: de quo & uos audistis: et populus Ro. nunc primum audiet: & in exteris nationibus ad ultimas terras peruagatum est. Candelabrum & gemmas clarissimas, & opera mirabili perfectum, Reges hi, quos dico, Romam cum attulissent: ut in Capitolio poneret: quod nondum etiam perfectum templum offenderat: neq; ponere, neq; uulgo ostendere, ac proferre uoluerunt.

Trulla

Iste. p. noscitur



IN VERREM

ut & magnificentius uideretur: cum suo tempore in cel-  
la Iouis optimi Maximi poneretur: & clarius: cum pul-  
chritudo eius recens ad oculos hominum, atq; integra  
perueniret. statuerunt id se cum in Syriam reportare:  
ut, cum audissent simulacrum Iouis optimi Maximi  
dedicatum: legatos mitterent: qui cum cæteris rebus il-  
lud quoq; eximium, atq; pulcherrimum donum in Ca-  
pitolum afferrent. Peruenit res ad istius aures nescio  
quomodo. nam Rex id coelatum uoluerat: non quo quic-  
quam metueret: aut suspicaretur: sed ut ne multi illud an-  
te perciperent oculis: quàm populus romanus. iste petit  
à Rege: et eum pluribus uerbis rogat: uti ad se mittat: cu-  
pere se dicit inspicere: neq; se alijs uidendi potestatem  
esse facturum. Antiochus qui animo & puerili esset,  
& regio: nihil de istius improbitate suspicatus est. impe-  
rat suis ut in prætorium inuolutum quamocultissime  
deferrent. quo posteaquam attulerunt: inuolucrisq; re-  
iectis constituerunt: iste clamare cœpit: dignam rem esse  
regno Syriæ: dignam regio munere: dignam Capitolio.  
etenim erat eo splendore: qui ex clarissimis, & pluri-  
mis gemmis esse debebat: ea uarietate operum: ut ars cer-  
tare uideretur cum copia: ea magnitudine: ut intelligi  
posset non ad hominum apparatus, sed ad amplissimi  
templi ornamentum esse factum. quod cum satis iam per-  
spexisse uideretur: tollere incipiunt: ut referrent. iste ait,  
se uelle illud etiam, atq; etiam considerare: nequaquam  
se esse satiatum. iubet illos discedere: et candelabrum re-  
linquere. sic illi tum inanes ad Antiochum reuertun-  
tur. Rex primo nihil metuere: nihil suspicari. dies unus,  
alter, plures: non referri. tum mittit Rex ad istum: si sibi  
uideatur: ut reddat. iubet iste posterius ad se reuerti. mē



rum illi uideri. mittit iterum. non redditur. ipse ho-  
 minem appellat: rogat: ut reddat. os hominis, insignēq;  
 impudentiam cognoscite. quod sciret, quodq; ex ipso  
 Rege audisset, in Capitolio esse ponendum: quod Ioui  
 optimo maximo, quod populo romano seruari uideret:  
 id sibi ut donaret rogare: & uehementer petere cœpit.  
 Cum ille se, & religione Iouis capitolini: & hominum  
 existimationē impediri diceret: quod multæ nationes testes  
 essent illius operis, ac muneris: iste homini minari acer-  
 rime cœpit. Vbi uidet eum nihilo magis minus, quàm  
 precibus permoueri: repente hominem de provincia iu-  
 bet ante noctem discedere. ait se comperisse ex eius re-  
 gno piratas in Siciliam esse uenturos. Rex maximo cō-  
 uentu Syracusis, in foro, nequis forte me in crimine ob-  
 scuro uersari, atq; affingere aliquid suspicionē hominū  
 arbitretur: Syracusis inquam flens, ac deos, hominesq;  
 contestans clamare cœpit: Candelabrum factum ē gem-  
 mis, quod in capitolium missurus esset: quod in templo  
 clarissimo, populo Ro. monumentum suæ societatis, amā-  
 tiæq; esse uoluisset: id sibi C. Verrem abstulisse. de cæte-  
 ris operibus ex auro, & Gemmis, quæ sua penes illum *penes*  
 essent: se non laborare. hoc sibi eripi miserum esse, &  
 indignum. id & si antea iam mente, & cogitatione sua,  
 fratrisq; sui consecratum esset: tamen tum se in illo conuē-  
 tu ciuium Ro. dare, donare, dicare, consecrare Ioui Opt.  
 maximo: testemq; ipsum Iouem suæ uoluntatis, ac re-  
 ligionis habere. Quæ uox? quæ latera? quæ uires hu-  
 ius unius criminis querimoniam possint sustinere? Rex  
 Antiochus, qui Romæ ante oculos omnium nostrum biē-  
 nium ferè conutatu regio, atq; ornatu fuisset: is cum ami-  
 cis, & socius populi romani esset: amicissimo patre,



# IN VERREM

auo, maioribus, antiquissimis, et clarissimis Regibus, opus  
lentissimo, & maximo regno, præceptus est provincia po-  
puli Ro. exturbatus est. quemadmodum hoc accepturas  
nationes externas: quemadmodum huius tui facti famam  
in regna aliorum, atq; in ultimas terras peruenturam  
putasti? cum audierint a Prætoris populi R. in provincia  
violatum Regem: spoliatum hospitem: eiectum socium  
populi romani, atq; amicum. Nomen uestrum populiq;  
Ro. odio, atq; acerbitati scitote nationibus exteris Iudi-  
ces futurum: si istius hæc tanta iniuria impunita discesse-  
rit. sic omnes arbitrabuntur: præsertim cum hæc omni-  
no fama de nostrorum hominum auaricia, & aperi-  
ditate percubuerit: non istius solius hoc esse facinus: sed  
eorum etiam, qui approbarint. multi Reges, multæ ci-  
uitates, multi priuati opulenti, ac potentes habent pro-  
fecto in animo Capitolium sic ornare: ut templi digni-  
tas, imperijq; nostri nomen desiderat. qui si intellexe-  
rint: interuerso regali hoc dono, grauius uos tulisse:  
grata fore uobis populoq; Ro. sua studia, ac dona arbi-  
trabuntur. Sin hoc uos, in Rege tam nobili, in re tam exi-  
mia, in iniuria tam acerba neglexisse audierint: non  
erunt tam auerentes: ut operam, curam, pecuniam, im-  
pendant in eas. res: quas uobis gratas fore non arbi-  
trantur. Hoc loco Q. Catule te appello. loquor enim  
de tuo clarissimo, pulcherrimoq; monumento. non iudi-  
cis solum seueritatem in hoc crimine, sed propè inimi-  
ci, atq; accusatoris uim suscipere debes. tuus est enim  
honor in illo templo Senatus populiq; Ro. beneficio: tui  
nominis æterna memoria simul cum templo illo conse-  
cratur. tibi hæc cura suscipienda: tibi hæc opera sumen-  
da est: ut Capitolium quomodo magnificentius est re-



stitutum: sic copiosius ornatum sit: quam fuit: ut illa flam-  
 ma diuinitus extitisse uideatur: non quæ deleret Iouis  
 opt. max. templum: sed quæ præclarius magnificen-  
 tiusq; deposceret. audisti Q. Minutium Rufum dice-  
 re domi suæ diuersatum esse Antiochum regem Syracu-  
 sis: se illud scire ad istum esse delatum: se scire non red-  
 ditum. audisti, & audies omnes è conuentu Syracusa-  
 no: qui ita dicant: sese audientibus illud Ioui Opt.  
 Max. dicatum esse ab Rege Antiocho: & consecratum.  
 Si iudex non esses: & hæc ad te delata res esset: te po-  
 tissimum hoc persequi, te petere, & agere oporteret.  
 quare non dubito, quo animo iudex huius criminis esse  
 debeas: qui apud alium iudicem multo acrior, quam  
 ego sum, actor, accusatorq; esse deberes. Vobis autem Iu-  
 dices, quid hoc indignius, aut quid minus ferendum ui-  
 deri potest? Verres ne habebit domi suæ candelabrum  
 Iouis Opt. Max. gemmis, auroq; perfectum? cuius ful-  
 gore collucere, atq; illustrari Iouis Opt. Max. templū  
 oportebat: id apud istum in eiusmodi conuiujs consti-  
 tur: quæ domesticas stupris, flagitijsq; flagrabunt? in  
 istius lenonis turpissimi domo simul cum cæteris Che-  
 lidonis hæreditarijs ornamentis, Capitolijs ornamenta po-  
 nentur? quid huic sacri unquam fore: aut quid fuisse re-  
 ligiosi putatis? qui nunc tanto scelere se obstrictum esse  
 non sentiat? qui in iudicium ueniat: ubi ne precari qui-  
 dem Iouem Opt. Max. atq; ab eo auxilium petere mo-  
 re omnium possit? à quo etiam dij immortales sua re-  
 petunt in eo iudicio: quod hominibus ad suas res repetun-  
 das est constitutum. miramur Athenis Minervam, Deli  
 Apollinem, Iunonem Sami, Pergæ Dianam, multos  
 præterea ab isto deos tota Asia, greciaq; uiolatos: qui à



# IN VERREM

capitolio manus abstinere non potuerit: quod privati homines de suis pecunijs ornant: ornaturiq; sunt: id C. Verres ab regibus ornari non est passus. Itaq; hoc nefario scelere concepto, nihil postea tota in Sicilia neq; sacri, neq; religiosi esse duxit: ita sese in ea prouincia per triennium gessit: ut ab isto non solum hominibus, uerum etiam dijs immortalibus bellum indictum putaretur. Segesta est opidum peruetus in Sicilia Iudices: quod ab Aenea fugiente à Troia, atq; in hæc loca ueniente, conditum esse demonstrant. Itaq; Segestani non solum perpetua societate, atq; amicitia, uerum etiam cognatione secum Populo Romano coniunctos esse arbitrantur. Hoc quondam oppidum, cum illa ciuitas cum Poenis suo nomine, ac sua sponte bellaret: à Carthaginensibus uicaptum, atq; deiectum est: omniaq; quæ ornamento ibi esse possent: Carthaginem sunt ex illo loco deportata. fuit apud Segestanos ex ære simulacrum Dianæ tum summa, atq; antiquissima præditum religione, tum singulari opera, artificioq; perfectum. hoc translatum Carthaginem locum tantum, hominesq; mutarat: religionem quidem pristnam conseruabat. nam propter eximiam pulchritudinem, etiam hostibus digna, quam sanctissime colerent: uidebatur. Aliquot seculis post, P. Scipio bello punico tertio Carthaginem cepit. qua in uictoria (uidete hominis uirtutem, & diligentiam: ut & domesticis præclarissimæ uirtutis exemplis gaudeatis: & eo maiore odio dignam istius incredibilem audaciam iudicetis) conuocatis Siculis omnibus, quod diutissime, sepiissimeq; Siciliam uexatam à Carthaginensibus nouerat: iubet omnia conqueri: sibi pollicetur magnæ curæ fore: ut omnia ciuitatibus, quæ cuiusq; fuissent:



fuissent: restituerentur. tum illa quæ quondā fuerant Hi-  
 mera sublata, de quibus antea dixi: Thermitanis sunt  
 reddita. tum alia Gellensibus: alia Agrigentinis. in  
 quibus, etiam ille nobilis taurus, quem crudelissimus  
 omnium tyrannorum Phalaris habuisse dicitur: quo  
 uiuos supplicij causa dimittere homines, et subicere flam-  
 mam solebat. quem Taurum Scipio cum redderet A gri-  
 gentinis: dixisse dicitur: æquum esse illos cogitare: utrum  
 esset Sículus utilius: suis ne seruire? an populo Ro. ob-  
 temperare? cum idem monumentum et domesticæ cru-  
 delitatis, et nostræ mansuetudinis haberent. Illo tem-  
 pore Segestanis maxima cum cura hæc ipsa Diana, de  
 qua dicimus: redditur. reportatur Segestam: in suis anti-  
 quis sedibus summa cum gratulatione ciuium, et læti-  
 tia reponitur. Hæc erat posita Segestæ, sanè excelsa im-  
 basi: in qua grandibus literis P. Africani nomen erat  
 incisum: eumque Carthagine capta restituisse perscriptum.  
 colebatur à ciuibz: ab omnibus aduenis uisebatur. cum  
 quæstor essem: nihil mihi ab illis est demonstratū prius.  
 erat admodum amplum, et excelsum signum cum sto-  
 la: ueruntamen inerat in illa magnitudine ætas, atque  
 habitus uirginalis: sagittæ pendebant ab humero: sini-  
 stra manu retinebat arcum: dextra ardentem faciem præ-  
 ferebat. Hæc cum iste sacrorum omnium hostis, religio-  
 numque prædo uidisset: quasi ipsa illa facie percussus esset:  
 ita flagrare cupiditate, atque amentia cœpit. imperat ma-  
 gistratibus iste, ut eā demoliantur: et sibi dent: nihil si-  
 bi gratius ostendit futurum. illi uero dicere id sibi ne-  
 phas esse: seque cum summa religione, tum summo metu le-  
 gum, et iudiciorum teneri. iste tum petere ab illis: tum  
 munari: tum spem, tum metum ostendere. opponebant illi

E



## IN VERREM

interdum nomen Africani: domum populi ro. illud esse dicebant: nihil se in eo potestatis habere: quod imperator clarissimus, urbe hostium capta, monumentum uictoriae populi ro. esse uoluisset. Cum iste nihilo remissius, atq; etiam multo uehementius instaret quotidie: res agitur in Senatu: uehementer ab omnibus reclamatur. itaq; illo tempore, ac primo istius aduentu pernegatur. postea quicquid erat oneris in nautis, remigibusq; exigendis, in frumento imperando: Segestanis praeter ceteros imponebat aliquanto amplius: quam ferre possent. praeterea magistratus eorum euocabat: optimum, et nobilissimum quenq; ad se acersebat: circum omnia prouinciae fora rapiebat: sigillatim unicuiq; calamitati fore se denunciabat: uniuersam se funditus illam euersurum esse ciuitatem minabatur. Itaq; aliquando multis malis, magnosq; metu uicti Segestani praetoris imperio parendum esse decreuerunt. magno cum luctu, et gemitu totius ciuitatis, multis cum lachrymis, et lamentatione uirorum, mulierumq; omnium, simulacrum Dianae tollendum locatur. uidete quanta religione fuerit. apud Segestanos repertum esse Iudices scitote neminem neq; liberum, neq; seruum, neq; ciuem, neq; peregrinum: qui illud signum auderet attingere. barbaros quosdam Lilybeo scitote aduocatos esse operarios. hi deniq; illud ignari potius negotij, ac religionis, mercede accepta sustulerunt. Quod cum ex oppido exportaretur: quem conuentum mulierum factum esse arbitramini? quem fletum maiorum natu? quorum nonnulli etiam illum die memoria tenebant: cum illa eadem Diana Segestam Carthagine reuecta, uictoriae populi Ro. reditu suo nuntiasset. quam dissimilis hic dies illi tempori uidebatur. tum



Imperator populi Ro. uir clarissimus deos patrios repor-  
tabat Segestanis, ex urbe hostium recuperatos. nunc ex  
urbe sociorum prætor eiusdem populi turpissimus, atq;  
impurissimus, eosdem illos deos nefario scelere aufere-  
bat. quid hoc tota Sicilia est clarius? quam omnes Sege-  
stanas matronas, et uirgines conuenisse: cum Diana ex-  
portaretur ex oppido? unxisse unguentis? complexisse co-  
ronis, et floribus? thure odoribusq; incensis, usq; ad agri  
fines profectas esse? Hanc tu tantam religionem situm,  
in imperio propter cupiditatem, atq; audaciam non ti-  
mescebas: ne nunc quidem in tanto tuo, liberorumq; tuo-  
rum periculo perhorrescis? quem tibi aut hominem, in-  
uitis dijs immortalibus, aut uero deum tantis eorū re-  
ligionibus uiolatis auxilio futurum putas? tibi illa Dia-  
na in pace, atque in ocio religionem nullam attulit?  
quæ cum duas urbes, in quibus locata fuerat: captas  
incensasq; uidisset: bis ex duorum bellorum flamma,  
ferroq; seruata est: quæ Carthaginiensium uictoria lo-  
co mutato, religionem tamen non amisit: P. Africa-  
ni uirtute, religionem simul cum loco recuperauit. Quo  
quidem scelere suscepto, cum inanis esset basis: et in ea  
P. Africani nomen incisum: res indigna, atque into-  
leranda uidebatur omnibus: non solum religiones esse  
uiolatas: uerum etiam P. Africani uiri fortissimi, rerum  
gestarum gloriam, memoriam uirtutis, monumenta ui-  
ctoriæ, C. Verrem sustulisse. Quod cum isti renuncia-  
retur de basi, ac literis: existimauit homines in obliuio-  
nem totius negocij esse uenturos: si etiam basim tanquam  
indicem sui sceleris, sustulisset. itaq; tollendam istius im-  
perio locauerunt. quæ uobis locatio ex publicis Sege-  
stanorum literis priore actione recitata est. Te nunc

E ij



# IN VERREM

P. Scipio, te inquam lectissimum, ornatissimumq; adolescentem appello: abs te officium tuum debitum generi, & nomini requiro: & flagito. cur pro isto, qui laudem honoremq; familiae uestrae depeculatus est: pugnas? cur eum defensum esse uis? cur ego tuas partes suscipio? cur tuum onus sustineo? M. Tullius P. Africani monumenta requirit: P. Scipio eum, qui illa sustulit: defendit. cum mos a maioribus traditus sit: ut monumenta maiorum ita suorum quisq; defendat: ut ea ne ornari quidem nomine alieno sinat: tu isti aderis? qui non obtrusit aliqua ex parte monumenta P. Scipionis: sed funditus sustulit: ac deleuit. quis nam igitur per deos immortales tuebitur P. Scipionis memoriam mortui? quis monumenta, atq; indicia uirtutis? si tu ea relinquis: ac deseris? neq; solum spoliata illa pati? sed etiam eorum spoliatorem uexatoremq; defendes? Adsunt Segestani Clientes tui, socij populi Ro. atq; amici: certior te faciunt: P. Africani Carthagine deleta simulacrum Dianae maioribus suis restituisse: idq; apud Segestanos eius imperatoris nomine positum, ac dedicatum fuisse: hoc Verrem demoliendum, & asportandum, nomenq; omnino P. Scipionis delendum, tollendumq; curasse. orant: atq; obsecrant: ut sibi religionem, generi tuo laudem, gloriamq; restituas: ut quod ex urbe hostium per P. Africani recuperarint: id per te ex praedonis domo conseruare possint. quid aut his respondere honeste potes? aut illi facere? nisi ut te, ac fidem tuam implorent? adsunt: & implorant. potes domesticae laudis amplitudinem Scipio tueri. potes. omnia in te sunt: quae aut fortuna hominibus, aut natura largitur. non praecерpo fructum officij tui: non alienam mihi lau-



dem appeto: non est pudoris mei, P. Scipione florentis-  
 simo adolescente uiuo, & incolumi, me propugnatores  
 monumentorum P. Scipionis, defensoremq; profiteri.  
 quamobrem si suscipis domesticæ laudis patrocinium:  
 me non solum silere de uestris monumentis oportebit:  
 sed etiam letari, P. Africani eiusmodi esse fortunas mor-  
 tui: ut eius honos ab ijs, qui ex eadem familia sint: de-  
 fendatur: neque ullum aduentitium requiratur auxi-  
 lium. Si istius amicitia te impediēt: si hoc, quod abs te  
 postulo, ad officium tuum minus pertinere arbitrabe-  
 re: succedam ego uicarius tuo munere: suscipiam partes,  
 quas alienas esse arbitrabar: nā ista præclara nobili-  
 tas desinat queri, populum Ro. hominibus nouis, atq;  
 industrijs libenter honores mandare: semperq; manda-  
 se non est querendum in ea ciuitate, quæ propter uir-  
 tutem omnibus nationibus imperat: uirtutem plurimū  
 posse. sit apud alios imago P. Africani: ornentur alijs  
 mortui uirtute, ac nomine. talis ille uir fuit: ita de po-  
 pulo Ro. meritis est: ut nō uni familiæ, sed uniuersæ ciui-  
 tati commēdatus esse debeat. Est aliqua mea pars uiril-  
 is: quod eius ciuitatis sum: quam ille amplam, illustrem,  
 claramq; reddidit. præcipue quod in his artibus pro  
 mea parte uersor: quarum ille princeps fuit: æquitate,  
 industria, temperantia, defensione miserorum, odio im-  
 proborum: quæ cognatio studiorum, & artium prope-  
 modum non minus est coniuncta: quā ista, qua uos  
 delectamini generis, & nominis. Repeto abs te Verres  
 monumentum P. Africani: causam Siculorum, quam  
 suscepi, relinquo: iudicium de pecunijs repetundis ne sit  
 hoc tempore: Segestanorum iniuriæ negligantur: ba-  
 sis P. Africani restituatur: nomen inuictissimi Impera-



IN VERREM

toris incidatur: signum pulcherrimum Carthagine cap-  
 tum reponatur. hæc abs te non Siculorum defensor,  
 non tuus accusator, non Segestani postulant: sed his, qui  
 laudem, gloriamq; P. Africani tuendam, conseruan-  
 damq; suscepit. non uereor ne hoc officiū meum P. Ser-  
 uilio iudici non probem: qui cum res maximas gesserit:  
 monumentaq; suarum rerum cum maxime constituat:  
 atq; in his elaboret: profecto uolet hæc non solum suis  
 posteris, uerum etiam omnibus uiris fortibus, et bo-  
 nis ciuibus defendenda, non spolianda improbis tra-  
 dere. non uereor ne tibi Q. Catule displiceat, cuius  
 amplissimum in orbe terrarum, clarissimumq; monu-  
 mentum est: quamplurimos esse custodes monumento-  
 rum: putare omnes bonos alienæ gloriæ defensionem,  
 ad officium suum pertinere. Et quidem cæteris istius fur-  
 tis, atq; flagitijs ita moueor: ut ea reprehendenda tan-  
 tum putem. hic uero tantum dolore afficior: ut nihil mi-  
 hi indignius ferendum uideatur. Verres Africani mo-  
 numentis domum suam plenam stupri, plenam flagi-  
 tij, plenam dedecoris, ornabit. Verres temperatissimi,  
 sanctissimiq; uiri monumentum, Dianæ simulacrum  
 uirginis, in ea domo collocabit. in qua semper meretri-  
 cum lenonumq; flagitia uersantur. At hoc solū A fri-  
 cani monumentum uiolasti. quid? à Tindaritanis non  
 eiusdem Scipionis beneficio positum simulacrum Merca-  
 rij pulcherrime factum sustulisti. at quemadmodum  
 dij immortales? quàm audacter, quàm libidinoſe, quàm  
 impudenter. audistis nuper dicere legatos Tindarita-  
 nos, homines honestissimos, ac principes ciuitatis: Mer-  
 curium, qui sacris anniuersarijs apud eos, ac summa  
 religione coleretur: quem P. Africanus Carthagine ca-



pta Tintadaritanis non solum suæ uictoriæ, sed etiam illorum fidei, societatisq; monumentum, atq; indicium dedisset: huius ui, scelere, imperioq; esse sublatum. qui ut primum in illud oppidum uenit: statim tanquam ita fieri non solum oporteret: sed etiam necesse esset: tanquam hoc Senatus mandasset: populusq; Ro. iussisset: ita continuo signum ut demolirentur: & Messanam deportarent: imperauit. quod cum illis, qui aderant, indignum: qui audiebant, incredibile uideretur: non est ab isto primo illo aduentu perseveratum. discedens mandat Proagoro Sopatro, cuius uerba audistis: ut demolia-  
tur. cum recusaret: uehementer minatur. ita tum ex illo oppido proficiscitur. Proagorus refert rem ad Senatum: uehementer undiq; reclamatur. ne multa. iterum iste aliquanto post ad illos uenit: quærit continuo de signo. respondetur ei: Senatum non permittere: poenam capitis constitutam: si iniussu Senatus quisquam attigisset. simul religio commemorabatur. Tum iste quàm mihi religionem narras? quam poenam? quem Senatum? uiuum te non relinquam: mori uirgis: nisi signum traditur. Sopater iterum flens ad Senatum defert istius cupiditatē: minasq; demonstrat. Senatus Sopatro responsum nullū dat: sed commotus, perturbatusq; discedit. Ille prætoris accersitus nuncio, rem demonstrat: negat ullo modo fieri posse. atq; hæc (nihil enim prætermittendū de istius impudentia uidetur) agebantur in cōuentu palam, de sella, ac de loco superiore. Erat hyems summa: tempestas, ut ipsum Sopatrum dicere audistis: perfrigida: imber maximus: cum iste imperat licitoribus ut Sopatrum de porticu, in qua ipse sedebat: præcipitem in forum deiciant: nudumq; constituent. uix erat hoc plane etiam

E iij



IN VERREM

imperatum: cum illum spoliatum, stipatumq; lictoribus  
uideres. omnes ideo putabant: ut miser, atq; innocens uir  
gis cederetur. fefellit hæc homines opinio. uirgis iste cede  
ret sine causa socium populi Ro. atq; amicum. non usq;  
eo improbus: non omnia sunt in eo uicia: nunquam  
fuit crudelis. leuiter hominem, clementerq; accepit. eque  
stres sunt medio in foro Marcellorum statuæ: sicuti fere  
cæteris in oppidis Siciliae. ex quibus iste C. Marcelli sta  
tuam delegit: cuius officia in illa ciuitate, totaq; prouin  
cia recentissima erant, & maxima. in ea Sopatrum  
hominem, tum domi nobilem, tum summo magistratu  
præditum diuariari, ac deligari iubet. Quo cruciatus  
sit affectus uenire in mentem necesse est omnibus: cum  
esset uinctus, nudus, in aere, in hymbri, in frigore. neq;  
tamen finis huic iniuriæ, crudelitatiq; fiebat: donec po  
pulus, atq; uniuersa multitudo atrocitate rei, misericor  
diæq; comota, Senatum clamore coegit: ut ei simulachrū  
illud Mercurij polliceretur. clamabant fore, ut ipsi sese  
dij immortales ulciscerentur: hominem interea perire  
innocentem non oportere. Tum frequens Senatus ad eū  
uenit: pollicetur signum. Ita Sopater de statua C. Mar  
celli, cum iam penè obduruisset: uix uiuus aufertur.  
Non possum disposite istum accusare: si cupiam. opus est  
non solum ingenio, uerum etiam artificio quodam sin  
gulari. unum hoc crimen uidetur esse: & à me pro uno  
ponitur, de Mercurio Tindaritano. plura sunt. sed ea  
quo pacto distinguere, ac separare possim: nescio. est pe  
cuniarum captarum: quod signum à socijs pecuniæ ma  
gnæ sustulit. est peculatus: quod publice populi Ro. si  
gnum, de præda hostium captum, positum Imperatoris  
nostri nomine, non dubitauit auferre. est maiestatis: qđ



imperij nostri gloriae, rerumq; gestarum monumenta  
 euertere, atq; asportare ausus est. est sceleris: quod reli-  
 giones maximas uiolauit. est crudelitatis: quod in homi-  
 nem innocentem, in socium nostrum, atq; amicum, no-  
 uum, ac singulare supplicij genus excogitauit. illud ue-  
 ro quid sit, iam non quæro dicere: quo nomine appellem,  
 nescio: quod in C. Marcelli statua. quid est hoc? patronus  
 ne quod erat? quid tum? quo id spectat? utrum ea res  
 ad opem, an ad calamitatem clientium, atq; hospitum  
 ualere debebat? an ut hoc ostenderes? contra uim tuam  
 in patronis nihil præsidij esse? quis hoc non intelli-  
 get: in improbi præsentis imperio maiorem esse uim:  
 quam in bonorum absentium patrocínio? an uero ex  
 hoc illa tua singularis significatur insolentia, superbia,  
 contumacia? detrachere uidelicet aliquid te de magni-  
 tudine Marcellorum putasti? itaq; nunc Siculorum Mar-  
 celli non sunt patroni: verres in eorum locum substitu-  
 tus est. quam in te tantam uirtutem esse, aut dignitatem  
 arbitratus es? ut conarere clientelam tam illustre, tam  
 splendide provincie, transducere ad te: auferre à certis-  
 simis antiquissimisq; patronis? tu ista stulticia, nequi-  
 tia, inertia, non modo totius Siciliae, sed unius tenuissimi  
 Siculi clientelam tueri potes? tibi Marcelli statua pro pa-  
 tribulo in clientes Marcellorum fuit? tu ex illius honore  
 in eos ipsos, qui honorem illi habuerant, supplicia quæ-  
 rebas? quid postea? quid tandem tuis statuis fore arbi-  
 trabare? an uero id quod accidit? Nam Tindaritani sta-  
 tuam istius, quam sibi propter Marcellos, altiore etiã ba-  
 si poni iusserat: deturbarunt: simul ac successum isti audie-  
 runt. Dedit igitur tibi fortuna Siculorum C. Marcelli  
 iudicem: ut cuius ad statuam Siculi te prætoris alliga-



IN VERREM

bantur: eius religioni te eundem uinctum, astrictumq;  
dedamus. Ac primo Iudices hoc signum Mercurij dice-  
bat iste Tindaritanos C. Marcello huic Aesernino uen-  
didisse: atq; hoc sua causa etiā Marcellum ipsum spera-  
bat esse dicturum. quod mihi nunquam uerisimile ui-  
sum est: adolescentem illo loco natum, patronum Sicaliae,  
nomen suum isti ad translationem criminis commodat-  
urum. ueruntamen ita res mihi tota praeuifa, atq; prae-  
cauta est: uti si maxime esset inuentus: qui in se susci-  
pere istius culpam, crimenq; cuperet: tamen is pro-  
ficere nihil posset. eos enim testes deduxi: & eas li-  
teras deportaui: ut de istius facto dubium nemini  
esse posset. Publicae literae sunt: deportatum esse Mer-  
curium Messanam sumptu publico: dicunt quanti:  
praeuisse huic negotio publice legatum Poleam. quid  
is? ubi est? praesto est: testis est. Proagori Sopatri ius-  
su. quis est hic? qui ad statuam astrictus est. quid  
is? ubi est? testis est. uidistis hominem: & uerba eius  
audistis. demoliendum curauit Demetrius Gymna-  
siarchus: quod is ei loco praeerat. quid? hoc nos dici-  
mus? immo uero ipse praesens: Romae, nuper ipsum esse  
pollicitum, sese id signum legatis esse redditurum: si eius  
rei testificatio tolleretur: cautumq; esset eos testimonium  
non esse dicturos. dixit hoc apud uos Zosippus, &  
Hismenias homines nobilissimi, & principes Tynda-  
ritanae ciuitatis. Quid Agrigento? non ne eiusdem  
Sapionis monumentum, signum Apollinis pulcherri-  
mum, cuius in femine literulis minutis argenteis no-  
men Myronis erat inscriptum: ex Aesculapij religiosis-  
simo fano sustulisti? quod iste Iudices cum clam fecis-  
set: cum ad suum scelus illud, furtumq; nefarios quos-



dam homines improbos duces, atq; adiutores adhibuisset: uehementer commota ciuitas est. uno eodem tempore Agrigentini, beneficium Africani, religionem domesticam, ornamentum urbis, indicium uictoriae, testimonium societatis, requirebant. itaq; ab illis, qui principes in ea ciuitate erant: praecipitur, & negotium datur quaestoribus, & aedilibus: ut noctu uigilias agerent ad aedes sacras: etenim iste Agrigenti, credo pro multitudine illorum hominum, atq; uirtute, & quod ciues Ro. uiri fortes, ac strenui, & honesti permulti in illo oppido conuinctissimo animo cum ipsis Agrigentinis uiuunt: ac negotiantur: non audebat palam tollere, aut poscere, quae placebant. Hercules templum est apud Agrigentinos, non longe à foro, sanè sanctum apud illos, & religiosum. ibi est ex aere simulacrum ipsius Herculis: quo nò facile quicquā dixerim me uidisse pulchrius: tamen si non tam multum in istis rebus intelligo: quàm multa uidi. usq; eo Iudices: ut rictus eius, ac mentum paulo sit attritus: quod in precibus, & gratulationibus non solum id uenerari, uerum etiam osculari solent. Ad hoc templum, cum esset iste Agrigenti: duce Timarchide repente nocte intempesta seruorum armorum fit concursus, atq; impetus. clamor à uigilibus, faniq; custodibus tollitur. qui primo cum obsistere, ac defendere conarentur: male mulctati clauis, ac fustibus repelluntur. postea conuulsis repagulis, effractisq; ualuis, demoliri signum, ac uectibus labefactare conantur. interea ex clamore fama tota urbe percrebuit: expugnari deos patrios, non hostium aduentu, neq; repentino praedonum impetu: sed ex domo, atq; cohorte praetoria manuum fugitiuorum instructam, armatamq; uenisse.



# IN VERREM

nemo Agrigenti neque ætate tam affecta, neque uiribus tam infirmus fuit: qui non illa nocte eo nuncio excitatus, surrexerit: telumque, quod cuique sors afferebat: arripuerit. itaque breui tempore ad fanum ex urbe tota concurratur. Hora amplius iam in demoliendo signo permulti homines moliebantur: illud interea nutabat ex parte: cum alij uectibus subiectis conarentur commouere: alij deligatum omnibus membris rapere ad se funibus. repente Agrigentini concurrunt: fit magna lapidatio: dant sese in fugam istius præclari imperatoris nocturni milites. duo tamen sigilla per paruula tollunt: ne omnino inanes ad istum prædonem religionum reuenterentur. nunquam tantum mali est Siculis: quin aliquid facere, et commode dicant. uelut in hac re. aiebant in labores Herculis non minus hunc immanissimum Verrem, quam illum aprum Erimanthium referri oportere. Hanc uirtutem Agrigentini imitati sunt Assorini postea uiri fortes, et fideles, sed nequaquam ex tam ampla, neque tam ex nobili ciuitate. Chrysas est annis: qui per Assorinorum agros fluit. Is apud illos habetur deus: et religione maxima colitur. fanum est eius in agro, propter ipsam uiam: qua Assoro itur Ennam. in eo Chrysa est simulacrum præclare factum è marmore. id iste poscere Assorinos propter singularem eius fani religionem non ausus est. Tlepolemo dat, Hieroni que negotium. illi noctu facta manu, armataque ueniunt: fores ædis effringunt. æditui, custodesque mature sentiunt: signum, quod erat notum uicinitati, bucina datur: homines ex agris concurrunt: euicatur, fugaturque Tlepolemus: neque quicquam ex fano Chrysa præter unum perparuum signum ex ære, desideratum est. Matris ma-



gnæ fanum apud Enguinos est. iam enim mihi non-  
 modo breuiter de uno quoq; dicendum est: sed etiam præ-  
 tereunda uidentur esse permulta: ut ad maiora istius, et  
 illustriora in hoc genere furta, & scelera ueniamus. In  
 hoc fano loricas, galeasq; æneas, cælatas opere corin-  
 thio, hydriasq; grandes simili in genere, atq; eadem ar-  
 te perfectas, idem ille P. Scipio, uir omnibus rebus præcel-  
 lentissimus posuerat: & suum nomen inscripserat. quid  
 iam de isto plura dicam? aut querar? omnia illa iudi-  
 ces abstulit: nihil in religiosissimo fano, præter uestigia  
 uiolatæ religionis, nomenq; P. Scipionis reliquit. hostiū spo-  
 lia, monumenta imperatorum, decora, atq; ornamen-  
 ta fanorum, posthac his præclaris nominibus amissis  
 in instrumento, ac suppellectili C. Verris nomina-  
 buntur. tu uidelicet solus uasis corinthijs delectaris?  
 tu illius æris temperationem, tu operum liniamenta so-  
 lertissime perspicis? hæc Scipio ille non intelligebat, ho-  
 mo doctissimus, atq; humanissimus? tu sine ulla bona  
 arte, sine humanitate, sine ingenio, sine literis, intelli-  
 gis: & iudicas? uide ne ille non solum temperantia,  
 sed etiam intelligentia te, atq; istos, qui se elegantes dica-  
 uolunt: uicerit. nam quàm pulchra essent intelligebat.  
 itcirco existimabat ea, non ad hominum luxuriam, sed  
 ad ornatum fanorum, atq; oppidorum esse facta: ut  
 posteris nostris monumenta religiosa esse uideantur.  
 Audite etiam singularem eius Iudices cupiditatem, aus-  
 daciā, amentiam: in his præsertim sacris polluentis:  
 quæ non modo manibus attingi, sed ne cogitatione uio-  
 lari fas fuit. Sacrum Cereris est apud Catinenses,  
 eadem religione qua Romæ, qua in cæteris locis, qua  
 prope in toto orbe terrarum. In eo sacrario intimo fuit



# IN VERREM

signum Cereris per antiquum: quod uiri, non modo cuiusmodi esset, sed ne esse quidem sciebant. aditus enim in id sacrarium nō est uiris. sacra per mulieres, ac uirgines confici solent. hoc signum noctu clam istius serui, ex illo religiosissimo, atq; antiquissimo fano sustulerunt. postridie sacerdotes Cereris, atq; illius fani antistites, maiores natu, probatae, ac nobiles mulieres, rem ad magistratus suos deferunt. omnibus acerbum, indignum, luctuosum deniq; uidebatur. tum iste permotus illa atrocitate negocij, ut ab se sceleris istius suspicio remoueretur: dat hospiti suo cuidam negotium: ut aliquē reperiret: quem ea fecisse insimularet: daretq; operam: ut is eo crimine damnaretur: ne ipse esset in crimine. res non paocrastinatur. nam cum iste Catinam profectus esset: serui cuiusdam nomen defertur. is accusatur: ficti testes in eum dantur: rem cunctus Senatus Catinensium, legibus iudicat. sacerdotes uocantur: ex his quaeritur secreto in curia, quid esset factum: quemadmodum arbitrentur signum esse ablatum. respondent illae, praetoris in illo loco seruos esse uisos. res, quae esset antea non obcura: sacerdotum testimonio perspicua esse coepit. itur in consilium: seruus ille innocens omnibus sententijs absoluitur: quo facilius uos hunc omnibus sententijs condemnare possetis. quid enim postulas Verres? quid speras? quem tibi aut deorum, aut hominum auxilio putas futurum? eodē ne tu seruos ad spoliandū fanum immittere ausus es? quo liberos adire ne orandi quidem causa fuerat? his ne rebus manus afferre non dubitasti? a quibus etiam oculos cohibere te religionum iura cogebant? tamen, ne oculis quidem captus in hanc fraudem, tam sceleratam, ac tam nefariam decidisti. nam id concupi



fti: quod nunquam uideras: id inquam adamasti: quod  
 antea non aspexeras. auribus tu tantam cupiditatem con-  
 cepisti: ut eam non metus, non religio, non deorum uis,  
 non hominum existimatio contineret. at ex uiro bono  
 audieras credo, & bono authore. qui id potest? qui ne  
 ex uiro quidem audire potueris. audisti igitur ex mulie-  
 re: quoniam id uiri neq; uidisse, neq; nosse poterant. qua-  
 lem porro illam foemnam fuisse putatis Iudices? quam  
 pudicam: quæ cum verre loqueretur? quam religiosam:  
 quæ sacrariū spoliandi ostenderet rationem? at minime  
 mirum: quæ sacra per summam castimoniam uirorum,  
 ac mulierum erant: eadem per istius stuprum, ac flagi-  
 tium esse uiolata. Quid ergo hoc solum auditione ex-  
 petere cœpit: cum id ipse non uidisset? imo uero alia  
 complura. ex quibus eligam spoliationem nobilissimi,  
 atq; antiquissimi fani: de qua priore actione testes dicere  
 audistis. nunc illa eadem quæso audite: et diligenter, si-  
 cut adhuc fecistis: attendite. Insula est Melita Iudi-  
 ces, satis lato ab Sicilia mari, periculosoq; disiecta: in  
 qua est eodem nomine oppidum: quo iste nunquam ac-  
 cessit. quod tamen isti texirinum per triennium ad mu-  
 liebrem uestem conficiendam fuit. Ab eo oppido non lon-  
 ge, in promontorio fanum est Iunonis antiquum: quod  
 tanta religione semper fuit: ut non modo illis punicis bel-  
 lis, quæ in his fere locis nauali prælio gesta, atq; uer-  
 sata sunt: sed etiam in hac prædonum multitudine sem-  
 per inuiolatum, sanctumq; fuerit. quin etiam hoc me-  
 moriæ proditum est: classe quondam Masinissæ regis ad  
 eum locum appulsa, præfectum regum dentes eburne-  
 os incredibili magnitudine e fano sustulisse: & eos in  
 Africam portasse: Masinissæq; donasse. regem quidē pri-  
 uatim cap. 4. Hic gl. in Religione.



IN VERREM

mo delectatū esse munere: post, ubi audisset unde essent: statim certos homines in quāquērem misisse: qui eos dentes reportarent. itaq; in his inscriptum literis punicis fuit: Regem Masinissam imprudentem accepisse: re cognita reponendos, restituendosq; curasse. Erat præterea magnavis eboris: multa ornamenta: in quibus eburneæ victoriae antiquo opere, ac summa arte perfectæ. Hæc iste omnia, ne multis morer: uno impetu, atq; uno nuncio per servos uenerios, quos eius rei causa miserat: tollēda, atq; asportanda curauit. Pro' dī immortales quem ego hominem accuso? quem legibus, ac iudiciali iure persequor? de quo uos sententiam per tabellam feretis? dicunt legati Melitenses publice: spoliatum templum esse Iunonis: nihil istum in religiosissimo fano reliquisse: quem in locum classes hostiū sæpe accesserint: ubi piratæ ferē quot annis hyemare solebāt: quod neq; prædo uiolauerit antea: neq; hostis attigerit: id ab uno isto sic spoliatum esse: ut nihil omnino sit relictum. hic nunc iste reus, aut ego accusator, aut hoc iudiciū appellabitur? criminibus enim coarguitur: aut suspicionibus in iudicium uocatur. dī ablati, fana uexata, nudatæ urbes reperiuntur. earum autem rerum nullam sibi iste neq; inficiandi rationem, neq; defendēdi facultatem reliquit: omnibus in rebus coarguitur à me: conuincitur à testibus: urgetur confessione sua: manifestis in maleficijs tenetur: & manet etiam: ac tacitus facta mecum sua recognoscit. Nimum mihi diuideor in uno genere uersari criminum: sentio Iudices occurrendum esse facietati aurium, animorumq; uestrorum. quamobrem multa prætermittam. ad ea autem, quæ dicturus sum: reficite uos quæso Iudices per deos immortales: per eos ipsos, de quorum religione iam diu dicamus:



dicimus: dū id eius facinus commemoro: & profero: quo  
 provincia tota commota est. de quo si paulo altius ordi-  
 ar. ac repetere memoriā religionis uidebor: ignoscite. rei  
 magnitudo me breuiter perstringere atrocitatem crimi-  
 nis non sinit. Vetus est hæc opinio: quæ constat ex an-  
 tiquissimis græcorum literis, atq; monumentis: insulam  
 Sicaliam totam esse Cereri, & liberæ consecratam. hoc  
 cum cæteræ gentes sic arbitrantur: tum ipsis Siculis tam  
 persuasum est: ut animis eorum insitum, atq; innatum  
 esse uideatur. nam & natas esse has in his locis deas,  
 & fruges in ea terra primum repertas arbitrantur: &  
 raptam esse Liberam, quam eandem Proserpinam uo-  
 cant: ex Ennensium nemore: qui locus, quod in media  
 est insula situs: umbilicus Sicalie nominatur. quam cū  
 inuestigare, & conquirere Ceres uellet: dicitur inflam-  
 masse ihædas ex iis ignibus: qui ex ætnæ uertice erum-  
 punt: quas sibi cum ipsa præferret: orbem omnium  
 peragrassæ terrarum. Enna autem, ubi ea, quæ dico,  
 gesta esse memorantur: est loco præcelso, atq; edito: quo  
 in summo est æquata agri planicies, & aquæ peren-  
 nes. tota uero omni aditu circumcisa, atq; direpta est.  
 quam circa lacus, luciq; sunt plurimi, & lectissimi flo-  
 res omni tempore anni: locus ut ipse raptum illum uir-  
 ginis, quem iam à pueris accepiimus: declarare uidea-  
 tur. etenim propter est spelunca quædam, conuersa ad  
 aquilonem, infinita altitudine: qua Ditem patrem fe-  
 runt repente cum curru extitisse: abreptamq; ex eo loco  
 uirginem secum asportasse: & subito non longe à Sy-  
 racusis penetrasse sub terras: lacumq; in eo loco repen-  
 te extitisse: ubi usq; ad hoc tempus Syracusani festos dies  
 anniuersarios agunt, celeberrimo uirorum, mulierūq;



## IN VERREM

conuentu. propter huius opinionis uetustatem, quod eorum in his locis uestigia, ac propè incunabula reperiuntur deorum: mira quædam tota Sicilia priuatum, ac publice religio est Cereris Ennensis. etenim multa sæpe prodigia uim eius, numenq; declarant: multis sæpe in difficilissimis rebus præsens auxilium eius oblatum est: ut hæc insula ab ea non solum diligit, sed etiam incoli, custodiriq; uideatur. nec solum Siculi, uerum etiam cæteræ gentes, nationesq; Ennensem Cererem maxime colunt. etenim si Atheniensium sacra summa cupiditate expetuntur: ad quos Ceres in illo errore uenisse dicitur: frugesq; attulisse: quantam esse religionem conuenit eorum: apud quos eam natam esse, & fruges inuenisse constat: itaq; apud patres nostros atroci, ac difficili Reip. tempore, cum Ty. Graccho occiso magnorum periculorum metus ex ostentis portenderetur: P. Mutio, L. Calphurnio Cons. aditum est ad libros Sybillinos: à quibus inuentum est Cererem antiquissimam placari oportere. tum ex amplissimo collegio decemuirali Sacerdotes populi romani, cum esset in urbe nostra pulcherrimum, & magnificentissimum templum: tamen usq; Ennam profecti sunt. tanta enim erat autoritas, & uetustas illius religionis: ut cum illuc irent: non ad ædem Cereris, sed ad ipsam Cererem proficisci uiderentur. Non obtundam diutius aures uestras: iam dudum uereor, ne oratio mea aliena ab iudicorum ratione, & quotidiana dicendi consuetudine esse uideatur. hoc dico: hanc ipsam Cererem, antiquissimam, religiosissimam, principem omnium sacrorum, quæ apud omnes gentes, nationesq; fiunt: à C. Verre ex suis templis, ac sedibus esse sublatam. Qui accessi-



istis Ennam, uidistis simulacrum Cereris è marmore: Et  
 in altero templo Liberæ. sunt ea per ampla, atq; præ-  
 clara, sed non ita antiqua. ex ære fuit quoddam modi-  
 ca amplitudine, ac singulari opere, cum facibus, per an-  
 tiquum, omnium illorum, quæ sunt in eo fano: multo  
 antiquissimum. id sustulit. ac tamen eo contentus non  
 fuit. ante aedem Cereris in aperto, ac propatulo loco  
 signa duo sunt, Cereris unum, alterum Triptolemi,  
 Et pulcherrima, Et per ampla. his pulchritudo peri-  
 culo, amplitudo saluti fuit: quod eorum demolitio, atq;  
 asportatio perdifficilis uidebatur. insistebat in manus  
 Cereris dextra simulacrum pulcherrime factum ui-  
 ctoriæ. hoc iste è signo Cereris auellendum, asprotan-  
 dumq; curauit. Qui tandem istius animus est nunc in  
 recognitione scelerum suorum? cum ego ipse in commemo-  
 ratione eorum non solum animo commouear: ue-  
 rum etiam corpore perhorrescam? Venit enim mihi fa-  
 ni, loci, religionis illius in mentem: uersantur ante oculos  
 omnia: dies ille, quo ego Ennam cum uenissem: pre-  
 sto mihi Sacerdotes Cereris cum insulis, ac uerbenis  
 fuerunt: contio, conuentusq; ciuium: in quo ego cum lo-  
 querer: tanti fletus, gemitusq; fiebant: ut acerbissimus to-  
 ta urbe luctus uersari uideretur. non illi decumarum im-  
 peria, non bonorum direptiones, non iniqua iudicia,  
 non importunissimas istius libidines, non uim, non con-  
 tumelias, quibus operti, oppressiq; erant: conquereban-  
 tur: Cereris numen, sacrorum uetustatem, fani religio-  
 nem, istius sceleratissimi, atq; audacissimi supplicio ex-  
 piari uolebant. omnia se cætera pati ac negligere di-  
 cebant. hic dolor erat tantus: ut Verres alter orcus ue-  
 nisse Ennam, Et non proserpinam asportasse, sed ipsam



## IN VERREM

abripuisse Cererem uideretur. etenim urbs illa, non urbs  
uideretur, sed fanum Cereris esse. habitare apud sese Ce-  
rerē Ennenses arbitrantur. ut mihi nō aues illius ciuita-  
tis, sed omnes sacerdotes, omnes accolæ, atq; antistites  
Cereris esse uideantur. Ennæ tu simulacrum Cereris  
tollere audebas? Ennæ tu de manu Cereris uictoriam  
diripere, & deam deæ detrahare conatus es? quorum  
nihil uiolare, nihil attingere ausi sunt, in quibus erant  
omnia quæ sceleri propria sunt, quàm religioni. Te-  
nuerunt enim P. Popilio, P. Rupilio cons. illum lo-  
cum serui, fugitiui, barbari, hostes. sed neq; tam serui  
illi dominorum: quàm tulibidinum: neq; tam fugiti-  
ui illi a dominis: quàm tu à iure, & à legibus: neq; tam  
barbari lingua, & natione illi: quàm tu natura, & mo-  
ribus: neq; illi tam hostes hominibus: quàm tu dijs im-  
mortalibus. quæ deprecatio est igitur ei reliqua? qui in  
dignitate seruos, temeritate fugitiuos, scelere barbaros,  
crudelitate hostes uicerit? Audistis Theodorum, & Nu-  
minium & Nicasionem Legatos Ennenses publice dice-  
re: sese a suis ciuibus hæc habere mandata: ut ad Ver-  
rem adirent: & eum simulacrum Cereris, & uicto-  
riæ reposcerent: id si impetrassent: tum ut morem ue-  
terem Ennensium conseruarent: publice in eum, tametsi  
uexasset Siciliam: tamen, quoniam hæc a maioribus con-  
stituta accepissent: testimonium ne quod dicerent. sin au-  
tem ea non reddidisset: tum ut iudicio adessent: tum uti  
de eius iniurijs iudices docerent: sed multo maxime de  
religione quererentur. quas illorum querimonias no-  
lite per deos immortales aspernari: nolite contemnere,  
ac negligere Iudices. Aguntur iniuriæ sociorum: ag-  
tur ius legum: agitur existimatio, ueritasq; iudiciorum.



quæ sunt omnia permagna: uerum illud maximū. tanta religione obstricta tota provincia est: tanta superstitio ex istius facto mentes omnium Siculorum occupauit: ut quæcunq; accidunt publice, uel priuatim incommoda: propter eam causam scelere istius euenire uideantur. Audi istis Centuripinos, Agrinenses, Catinenses, Herbitenses, Aetnenses, complures alios, publice dicere, quæ solitudo esset in agris: quæ uastitas: quæ fuga aratorum: quàm deserta, quàm inculta, quàm relictæ omnia. ea tametsi istius multis, & uarijs iniurijs aciderunt: tamē hæc una causa in opinione Siculorum plurimum ualet: quod Cerere uiolata, omnes cultus, fructusq; Cereris, in his locis interijssse arbitrantur. medemini religioni sociorum Iudices: conseruate uestram auctoritatem. neque enim hæc externa nobis est religio: neq; aliena. quod si esset: si suscipere eam nolletis: tamen in eo, qui uiolasset: sancire uos uelle oporteret. nūc uero in communi omnium gentium religione, inq; his sacris, quæ maiores nostri ab exteris nationibus adscita, atq; accersita coluerunt: quæ sacra, ut erant re uera, sic appellari Græci uoluerunt: negligentes, ac dissoluti, si cupiamus esse: qui possumus? Vnius etiam urbis omnium pulcherri-  
mæ, atq; ornatissimæ Syracusarum direptionem commemorabo: et in medium proferam Iudices: ut aliquādo totam huius generis rationem concludam, ac definiā. Nemo ferē uestrum est: quin, quemadmodū captæ sint à M. Marcello Syracusæ, sæpe audierit: nonnunquam etiam in annalibus legerit. conferte hanc pacem, cum illo bello: huius prætoris aduentum, cum illius imperatoris uictoria: huius cohortem impuram, cum illius exercitu inuicto: huius libidines, cum illius continentia. ab il



# IN VERREM

lo, qui coepit, conditas, ab hoc, qui constitutas accepit, ce-  
 ptas dicetis Syracusas. Nunc iam illa omitto: quæ disper-  
 se à me multis locis dicentur: ac dicta sunt: forum Syra-  
 cusanorum, quod introitu Marcelli à plurima cæde ser-  
 uatum est: id aduentu Verris Siculorum innocentium  
 sanguine redundasse: portum Syracusanorum, qui tum  
 et nostris classibus, et Carthaginensium clausus fuis-  
 set: eum isto prætoris Cilicum myoparoni, prædonibusq;  
 patuisse. mitto adhibitam uim ingenuis: matres familias  
 uiolatas: quæ tum urbe capta commissa non sunt, neque  
 odio hostili, neq; licentia militari, neq; more belli, neq; iu-  
 re uictoriæ. mitto inquam hæc omnia: quæ ab isto per  
 triennium perfecta sunt. ea, quæ coniuncta cum illis re-  
 bus sunt, de quibus antea dixi: cognoscite. Urbem Sy-  
 racusas maximam esse græcarum urbium, pulcherri-  
 mamq; omnium sæpe audistis. est Iudices ita, ut dicitur.  
 nam et situ est communito, tum ex omni aditu, uel terra,  
 uel mari præclaro ad aspectum: et portus habet propè  
 in ædificatione, aspectuq; urbis inclusos: qui cum diuer-  
 sos inter se aditus habeant: in exitu coniunguntur: et  
 conflunt. eorum coniunctione, pars oppidi, quæ appel-  
 latur insula: mari disiuncta angusto, ponte rursum ad-  
 iungitur: et continetur. Ea tanta est urbs: ut ex quatuor  
 urbibus maximis constare dicatur: quarum una est ea,  
 quam dixi, Insula: quæ duobus portibus cincta, in utri-  
 usq; portus hostium, aditumq; proiecta est: in qua domus  
 est quæ Regis Hieronis fuit: qua prætores uti solent. in  
 ea sunt ædes sacræ complures: sed duæ, quæ longe cæte-  
 ris antecellunt: Dianæ una, et altera, quæ fuit ante isti-  
 us aduentum ornatissima: Mineruæ. In hac insula ex-  
 trema est fons aquæ dulcis, cui nomen Arethusa est: in-

*Arethusa*



credibili magnitudine, plenissimus piscium: qui fluctu totus operiretur: nisi munitione, ac mole lapidum à mari disiectus esset. Altera autem est urbs Syracusis: cui nomen Acradina est: in qua forum maximum, pulcherri-  
 rimæ porticus, ornatissimum prytaneum, amplissima est curia, templumq; egregium Iouis Olympij: cæte-  
 ræq; urbis partes una lata uia perpetua, multisq; trans-  
 uersis diuisæ, priuatis ædificijs continentur. Tertia est  
 urbs: quæ quod in ea parte fortunæ sanum antiquum  
 fuit: Tyche nominata est: in qua et gymnasium amplis-  
 simum est, et complures ædes sacræ: coliturq; ea pars,  
 et habitatur frequentissime. Quarta autem est urbs:  
 quæ, quia postrema ædificata est: Neapolis nominatur:  
 quam ad summam Theatrum est maximum: præterea  
 duo templa sunt egregia, Cereris unum, alterum Libe-  
 ræ, signumq; Apollinis qui Themistes uocatur pulcher-  
 rimum, et maximum: quod iste si portare potuisset: non  
 dubitasset auferre. Nunc ad Marcellū reuertar: ne hæc  
 à me sine causa commemorata esse uideantur. Qui cum  
 tam præclaram urbem uis, copijsq; cœpisset: non putauit  
 ad laudem populi ro. hoc pertinere: hanc pulchritudi-  
 nem, ex qua præsertim nihil periculi ostenderetur: de-  
 lere: et extinguere. itaq; ædificijs omnibus, publicis, pri-  
 uatis, sacris, et profanis sic peperat: quasi ad ea defenden-  
 da cum exercitu, non expugnanda uenisset. in orna-  
 tu urbis habuit uictoriæ rationē: habuit humanitatis.  
 uictoriæ putabat esse: multa Romam deportare: quæ or-  
 namento urbi esse possent. humanitatis: non planè spo-  
 liare urbē: præsertim quam conseruare uoluisset. In hac  
 partitione ornatus, non plus uictoria Marcelli populo ro.  
 appetiuit: quàm humanitas Syracusanis reseruauit. Ro



# IN VERREM

mam quæ affortata sunt, ad ædem honoris, atq; uirtu-  
 tis, itemq; alijs in locis uidemus. nihil in ædibus, nihil  
 in hortis posuit: nihil in suburbano. putauit si urbis or-  
 namenta domum suam non contulisset: domum suam ur-  
 bi ornamento futuram. Syracusis autem permulta, atq;  
 egregia reliquit: deum uero nullū uiolauit: nullum at-  
 tigit. Conferte Verrem: non ut hominem cum homine  
 comparetis: nequa tali uiro mortuo fiat iniuria: sed ut  
 pacem cum bello, leges cum ui, forum, et iurisdictionem  
 cum ferro, & armis, aduentum, et comitatum cum exer-  
 citu, & uictoria conferatis. Aedes Mineruæ est in insu-  
 la, de qua ante dixi: quam Marcellus non attigit: quā  
 plenam, atq; ornatam reliquit. quæ ab isto sic spoliata,  
 atq; direpta est: non ut ab hoste aliquo, qui tamen in bel-  
 lo religionum, & consuetudinis iura retineret: sed ut a  
 barbaris prædonibus uexata esse uideatur. Pugna erat  
 equestris Agathoclis regis in tabulis picta præclare. his  
 autem tabulis interiores templi parietes uestiebantur. ni-  
 hil erat ea pictura nobilius: nihil Syracusis, quod magis  
 uisendum putaretur. has tabulas M. Marcellus, cum o-  
 mnia illa uictoria sua profana fecisset: tamen religione  
 impeditus non attigit. iste, cum iam illa propter diutur-  
 nam pacem, fidelitatemq; populi Syracusani sacra, re-  
 ligiosaq; accepisset: omnes eas tabulas abstulit: parietes,  
 quorum ornatus tot secula manserat: tot bella effugerat:  
 nudos ac deformatos reliquit. Et Marcellus, qui, si Syra-  
 cusas cœpisset: duo templa dedicaturum se Romæ uoue-  
 rat: id quod erat edificaturus his rebus ornare, quas cœ-  
 perat, noluit. Verres, qui non Honori, neq; Virtuti, ut il-  
 le, sed Veneri, et Cupidini uota deberet: is Mineruæ tem-  
 plum spoliare conatus est. Ille deos deorum spolijs orna-



re noluit. hic ornamenta Mineruæ uirginis in meretriciam domum transtulit. Viginti & septem præterea tabulas pulcherrime pictas ex eadem æde sustulit: in quibus erant imagines Sicalæ Regum, ac Tyrannorum: quæ non solum pictorum artificio delectabant: sed etiam commemoratione hominum, & cognitione formarum. Ac uidete quanto tetrior hic tyrannus Syracusanis fuerit: quàm quisquā superiorum: cum illi tamen ornarent templa deorum immortalium: hic etiam deorum monumenta, atq; ornamenta sustulerit. Iam uero quid ego de ualuis illius templi commemorem? uereor, ne hæc qui non uiderunt: omnia me nimis augere, atq; ornare arbitrentur. quod tamen nemo suspicari debet: tam esse me cupidum: ut tot uiros primarios uelim, præsertim ex indicum numero, qui Syracusis fuerint: qui hæc uiderint: esse temeritati, et mendacio meo conscios. Confirmare hoc liquido Iudices possum: ualuas magnificentiores ex auro, atq; ebore perfectiores nullas unquam ullo tempore fuisse. incredibile dictu est, quam multi græci de ualuarum harum pulchritudine scriptum reliquerint. nimium forsitan hæc illi mirentur: atq; offerant. esto. uerum tamen honestius est Reip. nostræ Iudices ea, quæ illis pulchra esse uideantur: Imperatorem nostrum in bello reliquisse: quàm prætorem in pace abstulisse. Ex ebore diligentissime perfecta argumenta erant in ualuis. ea detrahenda curauit omnia. Gorgonis os pulcherrimum, cinctum anguib; reuellit: atq; abstulit. & tamen indicauit, non solum artificio, sed etiam precio, quæstusq; duci. nam bullas omnes aureas ex his ualuis, quæ erant & multæ & graues: non dubitauit auferre: quarum iste non opere delectabatur: sed pondere. itaq; eiusmodi ual-



IN VERREM

uas reliquit: ut quæ olim ad ornandum templum erant  
maxime: nunc tantum ad claudendū factæ esse uidean-  
tur. Etiam ne gramineas hastas? uidi enim uos in hoc  
non minime, cum testes dicerent: commoueri: quod erāt  
huiusmodi: ut semel uidisse satis esset: in quibus neq; ma-  
nu factum quicquam, neq; pulchritudo erat ulla: sed  
tantum magnitudo incredibilis: de qua, uel audire sa-  
tis esset: nimum, uidere plusquam semel. etiam ne id con-  
cupisti? nam Sappho, quæ sublata de Prytaneo est: dat  
tibi iustam excusationem: propè ut concedendum, atq;  
ut ignoscendum esse uideatur. M. Syllanionis opus tam  
perfectum, tam elegans, tam elaboratum, quisquam non  
modo priuatus, sed populus potius haberet, quàm ho-  
mo elegantissimus atq; eruditissimus Verres? nimirum  
contradicta nihil potest. nostrum enim unusquisq;, qui  
tam beati quàm iste est, non sumus: tam delicati esse  
non possumus: si quando aliquid istiusmodi uidere uolet:  
eat ad ædem felicitatis, ad monumentum Catuli, in por-  
tici Metelli: det operam, ut admittatur in alicuius isto-  
rum Thusculanum: spectet eorum ornatum, si quid iste  
suorum, Aedilibus accommodauit: Verres hæc habeat  
domi: Verres ornamentis fanorum, atq; oppidorum  
habeat plenam domum: uillas refertas. Etiam ne huius  
operarij studia, ac delicias Indices perferetis? qui ita na-  
tus est: ita educatus: ita factus, & animo, & corpore:  
ut multo appositior ad deferenda, quàm ad auferenda si-  
gna esse uideatur. Atq; hæc Sappho sublata quantum  
desiderium sui reliquerit, dici uix potest. nam tum ipsa  
fuit egregie facta: tum epigramma græcum pernobile  
in casum habuit in Basi: quod iste eruditus homo, & græ-  
culus, qui hæc subtiliter iudicat: qui solus intelligit: si



unam literam græcam scisset: non sustulisset. nunc enim  
 quod inscriptum est inani in basi, declarat quid fue-  
 rit: & id ablatum indicat. Quid? signum Peanis ex  
 æde Aesculapij præclare factum, sacrum, et religiosum  
 nõ sustulisti? quod omnes propter pulchritudinem uisere,  
 propter religionem colere solebant. Quid? ex æde  
 Liberi simulacrum Aristei non tuo imperio palam ab-  
 latum est? Quid? ex æde Iouis religiosissimum simula-  
 crum Iouis Imperatoris, quem Græci Vrion nomi-  
 nant: pulcherrime factum nonne abstulisti? Quid? ex  
 æde Liberi paruum illud caput pulcherrimum, quod  
 uisere solebamus: dubitasti tollere? Atq; ille Pean sacri-  
 ficij anniuersarijs simul cum Aesculapio apud illos cole-  
 batur. Aristeus, qui, ut græci ferunt: Liberi filius inuen-  
 tor olei esse dicitur: una cum Libero patre apud illos eo-  
 dem erat in templo consecratus. Iouem autem Impera-  
 torem quanto honori in suo templo fuisse arbitramini?  
 hinc colligere potestis, si recordari uolueritis quanta re-  
 ligione fuerit eadem specie, atq; forma signum illud: quod  
 ex Macedonia captum, in Capitolio posuerat Flaminius.  
 etenim tria ferebantur in orbe terrarum signa: Iouis  
 Imperatoris uno in genere pulcherrime facta. unum,  
 illud Macedonicum, quod in Capitolio uidemus. alte-  
 rum in ponti ore, & angustijs. tertium, quod Syracusis  
 ante Verrem prætorem fuit. illud Flaminius ita ex æde  
 sua sustulit: ut in Capitolio, hoc est in terrestri domicilio  
 Iouis poneret. quod autem est ad introitum Ponti, id cum  
 tam multa ex illo mari bella emerferint: tam multa por-  
 ro in pontum inuecta sint: usq; ad hanc diem integrum  
 inuiolatumq; seruatum est. hoc tertium, quod erat Syra-  
 cusis: quod M. Marcellus armatus, & uictor uiderat:



# IN VERREM

quod religioni concesserat: quod ciues, atq; incolæ Syra-  
cusani colere, aduenæ non solum uisere, uerum etiam  
uenerari solebant: id Verres ex templo Iouis sustulit.  
Vt sæpius ad M. Marcellum reuertar Iudices: sic habeto-  
te: plures esse à Syracusanis istius aduentu Deos, quàm  
uictoria Marcelli homines desideratos. Etenim ille requi-  
sisse dicitur etiam Archimede[m] illum, summo ingenio ho-  
minem, ac disciplina: eumq; cum audisset interfectum:  
permolestè tulisse. Iste omnia quæ requisuit: non ut ser-  
uaret, uerum ut asportaret, requisuit. Iam illa, quia le-  
uiora uidebuntur, si hoc loco dicerentur: ideo preteribo:  
quod iste mensas delphicas è marmore, crateras ex ære  
pulcherrimas, uim maximam uasorum Corinthiorum,  
ex omnibus ædibus sacris Syracusis abstulit. Itaq; Iu-  
dices hi qui hospites ad ea, quæ uisenda sunt: ducere so-  
lent, et unumq; ostendere: quos illi Mystagogos uocant:  
conuersam iam habent demonstrationem suam. nam ut  
ante demonstrabant, quid ubiq; esset: ita nunc quid un-  
diq; ablatum sit: ostendunt. Quid tum? mediocri ne tan-  
dem dolore eos affectos esse arbitramini? non ita est Iu-  
dices: primum, quod omnes religione mouentur: et deos  
patrios, quos à maioribus acceperunt: colendos sibi dili-  
genter, & retinendos esse arbitrantur. deinde hic orna-  
tus, hæc opera, atq; artificia, signa, tabulæ pictæ, græ-  
cos homines nimio opere delectat. Itaq; ex illorū que-  
rimonijs intelligere possumus, hæc illis acerbissima ui-  
deri: quæ forsitan nobis leuia, & contemnenda esse ui-  
deatur. mihi credite Iudices: tametsi uosmetipsos hæc ea-  
dem audire certo scio. cum multas acceperint per hosce  
annos focij, atq; exteræ nationes calamitates, & inu-  
rias: nullas græci homines grauius tulerunt: nec ferunt:



quàm huiusmodi spoliationes fanorum, atq; oppido-  
rum. licet iste dicat, emisse se: sicuti solet dicere: credite  
mibi Iudices: nulla unquam ciuitas tota Asia, & Græ-  
cia signum ullum, & tabulas pictas, ullum deniq; or-  
namentum urbis, sua uoluntate cuiquam uendidit. nisi  
forte existimatis, posteaquam iudicia seuera Romæ fieri  
desierint: græcos homines hæc uedere cœpisse: quæ tum,  
non modo non uendebant: cum iudicia fiebant: uerum  
etiam cœmebant. nisi arbitramini L. Crasso, C. Scæuo-  
læ, Q. Claudio potentissimis hominibus, quorū ædilita-  
tes ornatisimas uidimus: commercium istarum rerum  
cum græcis hominibus non fuisse: his qui post iudicio-  
rum dissolutiones, ædiles facti sunt: fuisse. Acerbiorem  
etiam scitote esse ciuitatibus falsam istam, et simulatam  
emptionem: quam si quis clàm surripiat: aut eripiat pa-  
lām: atq; auferat. nam turpitudinem summam esse arbi-  
trantur: referri in literas publicas, precio paruo ea, quæ  
accepissent à maioribus: uendidisse: atq; alienasse. etenim  
mirandum in modū græci rebus istis, quas nos contemni-  
mus: delectantur. itaq; maiores nostri facile patiebantur,  
hæc esse quamplurima apud socios: ut imperio nostro  
quam ornatisimi florentissimiq; essent. apud eos autem  
quos uestigales, aut stipendarios fecerant: tamen hæc re-  
linquebant: ut illi, quibus ea iucunda sunt: quæ nobis  
leuia uidebantur: haberent hæc oblectamenta, & sola-  
tia seruitutis. Quid arbitramini Rheginos, qui iam ci-  
ues Ro. sunt: mereri uelle: ut ab ijs marmorea Venus il-  
la ne auferatur? quid Tarentinos? ut ne Europam in  
tauro sedentem amittant? ut satyrum? qui apud illos  
in æde uestæ est? ut cætera? quid Thespienses? ut Cupi-  
dinis signum: propter quod unum uisuntur Thespiæ?



# IN VERREM

quid Gnydios? ut Venerem marmoream? quid ut pt-  
etam, Coos? quid Ephesios? ut Alexandrum? quid Ci-  
Xicenos? ut Aiace, aut Medeam? quid Rhodios? ut Ia-  
lysum? quid Athenienses? ut ex marmore Iachum, aut  
Parthalum pictum, aut ex ære Myronis buculam?  
longum est, & non necessariū commemorare, quæ apud  
quosq; uisenda sunt tota Asia, & Græcia. uerum illud  
est quamobrem hæc commemorarim: quod existimare  
uos hoc uolo: mirum quendam dolorem accidere ijs, ex  
quorum urbibus hæc auferantur. atq; ut cæteros omitta-  
mus: de ipsis Syracusanis cognoscite. Ad quos ego cum  
uenissem: sic primo existimabam: ut Romæ ex istius ami-  
cis acceperam: ciuitatem Syracusanam, propter Heraclij  
hereditatem, non minus esse isti amicam: quam Mamer-  
tinam propter prædarium, ac furtorum omnium socie-  
tatem. simul & uerebar, ne mulierum nobilium, &  
formosarum gratia, quarum iste arbitrio præturâ per-  
triennium gesserat: uirorumq; quibus cum nuptiæ erant:  
nimia in istum non lenitudine, sed etiam liberalitate op-  
pugnaret: si quid ex literis Syracusanorum conquire-  
rem. itaq; Syracusis cum ciuibus romanis eram: eorum  
tabulas scribebam: iniurias cognoscebam. cum diutius  
in eo negotio, curaq; fueram: ut requiescerem: curamq;  
animi remitterem: ad Carpinatij præclaras tabulas re-  
uertebam. ubi cum Equitibus Ro. ex illo conuentu hone-  
stissimus, illos Verrutios, de quibus ante dixi: explicabã.  
à Syracusanis prorsus nihil adiumenti neq; publice, neq;  
priuatim expectabam: neq; erat in animo postulare.  
Cum hæc agerem: repente ad me uenit Heraclius is: q-  
tum magistrum Syracusis habebat: homo nobilis, qui Sa-  
cerdos Iouis fuisset: qui honos apud Syracusanos est am-



plissimus. agit mecum, & cum fratre meo: ut, si nobis uideretur: adiremus ad eorum Senatum: frequentes esse in curia: se iussu Senatus à nobis petere: ut ueniremus. Primo nobis fuit dubium, quid ageremus. deinde cito uenit in mentem, non esse uitandum nobis illum conuentum, & locum: itaq; in curiam uenimus. honorifice sanè confurgitur. nos rogatu magistratus assedimus. Incipit is loqui, qui & auctoritate, & etate, & ut mihi uisum est: usu rerum antecedeat Diodorus Timarchides. cuius omnis oratio hanc habuit primo sententiam: Senatum Populumq; Syracusanū moleste grauiusq; ferre: quod ego, cum in cæteris Siciliae ciuitatibus Senatum populūq; docuissem: quid eis utilitatis, quid salutis afferrem: & cum ab omnibus mandata, legatos, literas, testimoniāq; sumpsissem: in illa ciuitate nihil eiusmodi facerem. respondi neq; Romæ in conuentu Siculorum, cum à me auxilium communi omnium legationum consilio petebatur: causāq; totius ad me Siciliae deferebatur: legatos Syracusanorum affuisse: neq; me postulare, ut quicquam contra C. Verrem decerneretur, in ea Curia: in qua inauratam C. Verri statuam uiderem. Quod posteaquam dixi: tantus est genitus factus aspectu statuæ, & commemoratione: ut illud in Curia positum monumentum scelerum, non beneficiorum uideretur. Tum pro se quisq; quantum dicendo assequi poterat: docere me cœpit ea, quæ paulo ante commemorauī: spoliatam urbem: fana direpta: ex Heraclij hereditate, quam palestritis concessisset, qui etiam inuentorem olei deum sustulisset: neq; illam statuam esse ex pecunia publica datam: sed eos qui hereditatis diripiendæ participes fuissent: faciendam, statuendamq; curasse. eosdem Romæ fuisse legatos, illius



## IN VERREM

adiutores improbitatis, socios furtorum, conscios flagitiorum: eo minus mirari me oportere: si illi communi legatorum uoluntati, & saluti Siciliae defuissent. Vbi eorum dolorem non modo non minorem, sed propè maiorem, quàm cæterorum Siculorum esse cognouimus: tum meum animum in illos, tum ego mei consilij, negocijque totius suscepti causam, rationemque proposui: tum eos hortatus sum: ut causæ communi, salutique ne deessent: ut ei illam laudationem, quam se ui, ac metu coactos paucis illis diebus decreuisse dicebant: tollerent. Ita que Iudices Syracusani hæc faciunt istius clientes, atque amici: primum mihi literas publicas, quas in ærario sanctiore conditas habebant: proferunt: in quibus ostendunt omnia, quæ dixi ablata: esse perscripta: & plura etiam, quàm ego potui dicere. Perscripta autem hoc modo: quod ex æde Mineruæ hoc et illud abesset: quod ex æde Iouis, quod ex æde liberi: ut quisque eis rebus tuendis conseruandisque præfuerat: ita perscriptum erat: cum rationem ex lege redderet: & quæ acceperat, deberet tradere: petisse, ut sibi, quod hæc res abessent, ignosceretur: itaque omnes liberatos discessisse: & esse ignotum omnibus. quas ego literas obsignandas publico signo, deportandasque curavi. De laudatione autem ratio sic reddita est. primum cum à Verre literæ aliquanto ante aduentum meum de laudatione uenissent: nihil esse decretum. deinde, cum quidam ex illis amicis commonerent: oportere decerni: maximo esse clamore, et conuicio repudiatos. et posteaquam meus aduentus appropinquaret: imperasse eum, qui summam potestatem haberet: ut decernerent. decretum ita esse: ut multo plus illa laudatio aliquid mali, quàm boni possit afferre. Id adeo Iudices, ut mihi ab illis demonstratum est:



tum est: sic uos ex me cognoscite. Mos est Syracusis: ut si qua de re ad Senatum referatur: dicat sententiā, qui uelit. nominatim nemo rogatur. et tamen, ut quisq; honore, et ætate antecedit: ita primus solet sua sponte dicere: idq; à cæteris ei conceditur. si quando taceant omnes: tunc sortito coguntur dicere. Cum hic mos esset: refertur ad Senatum de laudatione Verris. in quo primum, ut aliquid esset moræ: multi interpellant: de Sex. Peduceo, qui de illa ciuitate, totaq; prouincia optime meritus esset: sese ante, cum audissent ei negotium facessitum: cumq; eum publice, pro plurimis eius, et maximis meritis laudare cuperent: à C. Verre prohibitos esse. iniquum esse, tametsi Peduceus eorum laudatione iam nō uteretur: tamen non prius ei decernere quod aliquādo uoluissent: quā quod tum cogerentur. conclamant omnes: et approbāt, ita fieri oportere. refertur de Peduceo. ut quisq; ætate, et honore antecederet: ita sententiam dixit ex ordine. Id adeo ex ipso S. C. cognoscite. nam principium sententiæ perscribi solet. *Recita.* QVOD VERBA FACTA SVNT DE SEX. PEDVCEO. dicit qui primi suaserint. decernitur. refertur deinde de Verre. dic quæso quomodo? QVOD VERBA FACTA SVNT DE C. VERRE. quid postea scriptum est? CVM SVRGERET NEMO: NEQVE SENTENTIAM DICERET. quid hoc est? SORS DVCITVR. quamobrem? nemo erat uoluntarius laudator Præturæ tuæ? defensor periculorum tuorum? præsertim cum inire à populo Romanam gratiam posset? nemo. ipsi illi tui conuiuæ, consiliarij, et conscij uerbum facere non audebant. In curia statua tua stabat, et nuda in ea filij: nemo fuit ne quæ

G



## IN VERREM

nudus quidem filius, nuda provincia commoueret. Atque  
 est hoc me docent: eiusmodi senatus consulto sese fecisse lau-  
 dationem: ut omnes intelligere possent: non laudationem,  
 sed potius irrisionem esse illam: quæ commonefaceret  
 istius turpem calamitosamque præturam. Ea enim scripta  
 est: quod iste uirgis neminem cecidisset: à quo cognosci-  
 tis, nobilissimos homines, atque innocentissimos securi esse  
 percussos. quod uigilanter provinciam administrasset:  
 cuius omnes uigilias in stupris constat, adulterisque esse  
 consumptas. Hoc autem scriptum esse: quod proferre  
 non auderet reus: accusator recitare non desineret. quod  
 prædones procul ab insula Sicilia prohibuisset Verres.  
 quos etiam intra Syracusanam insulam recepisset. Quæ  
 postquam, ex illis cognoui: discessi cum fratre è Cu-  
 ria: ut nobis absentibus, siquid uellent: decernerent. de-  
 cernunt statim: primum, ut L. Fratri hospitium publi-  
 ce fieret: quod is eandem uoluntatem erga Syracusanos  
 suscepisset: quam ego semper habuissem. Id non modo tum  
 scripserunt: uerum etiam in ære incisum nobis tradi-  
 derunt. Valde hercle te Syracusani tui, quos crebro com-  
 memorare soles: diligunt: qui cum accusatore tuo satis iu-  
 stam causam coniungendæ necessitudinis putant: quod te  
 accusaturus sit: Et quod ad inquirendum in te uene-  
 rit. postea decernitur: ac non uarie, sed propè coniunctis  
 sententijs: ut laudatio, quæ C. Verri decreta esset: tolle-  
 retur. An \* eo cum iam non solum discessio facta esset: sed  
 etiam perscriptum, atque in tabulas relatum: Prætor ap-  
 pellatur. at quis appellat? magistratus aliquis? nemo. se-  
 nator? ne id quidem. Syracusanorum aliquis? minime.  
 quis igitur Prætorem appellat? qui quæstor istius fuerat,  
 Cealius. O rem ridiculam: O desertum hominem: O



desperatum, ac relictum. à magistratu Siculo, ne Senatusconsultum Siculi homines facere possent: ne suum ius suis moribus, suis legibus, obtinere possent: non amicus istius, non hospes, non deniq; aliquis Siculus, sed Quaestor Prætozem appellat. quis hoc uidit? aut quis audiuit? Prætor æquus, & sapiens dimitti iubet Senatum. concurrat ad me maxima multitudo. primum Senatores clamare: eripi sibi ius: eripi libertatem: populus Senatum laudare: gratias agere: ciues romani à me nusquam discedere. quo quidē die, nihil ægrius factum est multo labore meo: quàm ut manus ab illo appellatore abstinerentur. Cum ad prætozem in ius adissemus: excogitat sane' diligenter, & caute quid decernat. nam, antequam uerbum facerem: de sella surrexit: atq; abiit. Itaq; tum de foro, cum iam ad uesperasceret: discessimus. postridie mane ab eo postulo: ut Syracusanis liceret senatusconsultum, quod pridie fecissent: mihi reddere. Ille enim uero negat: & ait indignum facinus esse: quod ego in Senatu græco, uerba fecissem: quod quidem apud græcos græce locutus essem: id ferri nullo modo posse. respondi homini ut potui: ut uolui: ut debui. tum multa, tum etiam hoc me memini dicere: facile esse perspicuum, quantum inter hunc, & illum Numdicum uerum & germanum Metellum interesset. illum noluisse sua laudatione iuuare L. Lucillum sororis uirum: qui cum optime conuenisset. hunc homini alienissimo, à ciuitatibus laudationes per uim, & metum comparare. Quod ubi intellexi, multum apud illum recentes nuncios, multum tabulas non commendaticias, sed tributarias ualuisse: admonitu ipsorum Syracusanorum, impetum in eas tabulas facio: in quibus sigilla perscripta



# IN VERREM

erant. Ecce autem noua turba atq; rixa: ne tamen istū  
omnino Syracusis sine hospitibus plane nudum esse ac  
desertum putetis. retinere coepit tabulas Theomnastus  
quidam, homo ridicule insanus: quem Syracusani theo=  
ractum uocant: qui illic eiusmodi est: ut eum pueri se=  
ctentur: ut omnes, cum loqui coeperit, irrideant. Huius  
tamen insania, quæ ridicula est alijs: mihi tum molesta  
sanè fuit. nam cum spumas ageret in ore: arderent oca=  
li: uoce maxima uim me sibi asferre clamaret: copula=  
ti in ius peruenimus. Hic ego postulare coepi: ut mihi ta=  
bularum obsequium, ac deportare liceret. ille contra. recita=  
re, omnium mihi tabularum, & literarum fieri pote=  
statem oportere. Ille furiosus urgere, nihil ad se uestras  
leges pertinere. Prætor intelligens, negare sibi placere,  
quod S. C. ratum esse non deberet: id me Romam depor=  
tare. qd multa? nisi uehementius homini minatus essem:  
nisi legum sanctionem, poenamq; recitasset: tabularum  
mihi potestas facta non esset. Ille autem insanus, q pro=  
isto contra me uehementissime declamasset: postquam nō  
impetravit: credo ut in gratiam mecum rediret: libel=  
lum mihi dat: in quo istius furta Syracusana perscri=  
pta erant: quæ ego antea iam ab illis cognoram: & ac=  
ceperam. Laudent te sanè iam Mamertini: qui ex tanta  
provincia soli sunt: qui te saluum uelint: ita tamen lau=  
dent: ut Heius, q eius princeps legationis est: adsit: ita lau=  
dent: ut ea quæ rogati erunt: mihi parati sint responde=  
re. ne subito à me opprimantur: hæc sum rogaturus. na=  
uem debeant ne? fatebuntur. præbuerint ne prætore C.  
Verre? negabunt. ædificauerint ne nauem onerariam  
maximam publice: quam Verri dederunt? negare non  
poterunt. frumentum ne ab his sumpserit Verres: quod



populo Ro. mitteret sicuti superiores? negabunt. quid malitum, aut nautarum per triennium dederunt? nullum datum dicent. fuisse Messanam omnium istius furto-  
rum, ac prædarum recepticem? negare non poterunt. permulta multis nauibus illinc exportata? hanc deniq; nauem maximam à Mamertinis datam, onustam cum isto prætore profectam? fatebuntur. Quamobrem tibi habe sanè istam laudationem Mamertinam: Syracusanam quidem ciuitatem, ut abs te affecta sit: ita in te esse animatam uidemus. apud quos etiam Verrea illa flagitiosa sublata sunt. etenim minime conueniebat, ei deorum honores haberi: qui simulacra deorum sustulisset. Etiam mehercule illud in Syracusanis merito reprehenderetur: si cum diem festum ludorum de fastis suis sustulissent celeberrimum, et sanctissimum: quod eo ipso die Syracusæ à Marcello captæ esse dicuntur: idem diem festum Verris nomine agerent: cum iste Syracusanis quæ ille calamitosus dies reliquerit: ademisset. At uide de hominis impudentiam, atq; arrogantiam Iudices: qui non solum Verrea hæc turpia, hæc ridicula ex Heracly pecunia constituerit: uerum etiam Marcellea tolli imperarit: ut ei sacra facerent quot annis: cuius opera omnium annorum sacra, deosq; patrios amiserant: eius autem familie dies festos tollerent: per quam cæteros quoq; festos dies recuperarent.

G ij



ACCUSATIONIS IN C. VER-

REM LIBER VII. ORA-

TIO X.

*de supplicijs.*

EMINI uideo dubium esse Iudices:  
 quin apertissime C. Verres in Sicilia sa-  
 cra, profanaq; omnia & priuatim, &  
 publice spoliari: uersatusq; sit sine ulla  
 non modo religione, uerum etiam dissimulatione in. o-  
 mni genere furandi, atq; praedandi. sed quaedam mihi  
 magnifica, & praeclara eius defensio ostenditur: cui  
 quemadmodum resistam, multo mihi ante est Iudices pro-  
 uidendum. ita enim causa constituitur. provinciam Sici-  
 liam uirtute eius, & uigilantia singulari dubijs, formi-  
 dosisq; temporibus a fugitiuis, atq; a belli periculis tu-  
 tam esse seruata. quid agam Iudices? quo accusationis  
 meae rationem conferam? quo me uertam? ad omnes enim  
 meos impetus, quasi murus quidam, boni nomen impe-  
 ratoris opponitur. noui locum: uideo ubi se iactaturus  
 sit Hortensius. belli pericula, tempora reipublicae, Im-  
 peratorum penuriam commemorabit. tum deprecabitur  
 a uobis: tum etiam pro suo iure contendet: ne patiamini  
 talem imperatorem, populo romano Siculorum testi-  
 monijs eripi: ne ue obteri laudem imperatoriam crimi-  
 nibus auariciae uelitis. Non possum dissimulare Iudices:  
 timeo, ne C. Verres propter hanc uirtutem eximiam in  
 re militari, omnia, quae fecit, impune fecerit. uenit enim  
 mihi in mentem: in iudicio M. Aquili quantum auctorita-  
 tatis, quantum momenti, oratio M. Antonij habuisse ex-  
 stimata sit. qui ut erat in dicendo non solum sapiens,



sed etiam fortis: causa propè perorata, ipse arripuit M.  
 Aquilius: constituitq; in conspectu omnium: tunicamq;  
 eius à pectore abscedit: ut cicatrices populus Ro. iudicesq;  
 aspicerent, aduerso corpore exceptas. simul & de illo  
 uulnere, quod ille in capite ab hostium duce acceperat:  
 multa dixit: eoq; adduxit eos, qui erant iudicaturi: ue-  
 hementer ut uererentur: ne quem uirum fortuna ex ho-  
 stium telis eripuisset: cum sibi ipse non pepercisset: hic nò  
 ad populi Ro. laudem, sed ad iudicium crudelitatem ui-  
 deretur esse seruatus. Hæc eadem nunc ab illis defensio-  
 nis ratio, ui aq; tentatur: idem quæritur. sit fur: sit sacri-  
 legus: sit flagitiorum omnium, uictorumq; princeps: at  
 est bonus imperator, & felix, & ad dubia Reip. tem-  
 pora reseruandus. Non agam summo iure tecum: non dē-  
 cam id, quod debeam forsitan obtinere: cum iudicium  
 certa lege sit constitutum: non quid in re militari forti-  
 ter feceris, sed quemadmodum manus ab alienis pecu-  
 nijs abstinueris, abs te doceri oportere. non inquam sic  
 agam. sed ita quæram, quemadmodum te uelle intelli-  
 go: quæ tua opera, & quanta fuerit in bello? quid di-  
 ces? an bello fugitiuorum Siciliã uirtute tua liberatam? ma-  
 gna laus, et honesta oratio. sed tamen quo bello? nos enim  
 post id bellum, quod M. Aquilius confecit: sic accepimus:  
 nullum in Sicilia fugitiuorum bellum fuisse. at in Ita-  
 lia fuit. fateor: & magnum quidem, ac uehemens. num  
 igitur ex eo bello partem aliquam laudis appetere cona-  
 ris? num tibi illius uictoriæ gloriam cum M. Crasso,  
 aut Cn. Pompeio communicandam putas? non arbitror  
 hoc etiã deesse tuæ impudentiæ: ut quicquam eiusmodi  
 dicere audeas. obstitisti uidelicet, ne ex Italia transire  
 in Siciliam fugitiuorum copiæ possent. ubi? quando? qua



# IN VERREM

ex parte? cum aut nauibus, aut ratibus conarentur ac-  
cedere? nos enim nihil unquam prorsus audiuius: &  
illud audiuius: M. Crassi fortissimi uiri uirtute, consi-  
lioq; factum: ne ratibus coniunctis freto fugitui ad Mes-  
sanam transire possent. à quo illi conatu non tantopere  
prohibendi fuissent: si ulla in Sicilia praesidia ad illorum  
aduentum opposita putarentur. At cum in Italia bellum  
tam propè à Sicilia: tamen in Sicilia non fuit? quid mi-  
rum? ne cum in Sicilia quidem fuit eodem intervallo:  
pars eius belli in Italiam ulla peruasit. etenim propin-  
quitas ad utram partem hoc loco profertur? utrum adi-  
tum facilem hostibus? an contagionem imitandi eius bel-  
li periculosam fuisse? aditus omnis, hominibus sine ulla  
facultate nauium non modo disiunctus, sed etiam clau-  
sus fuit: ut illis, quibus Siciliam propinquam fuisse di-  
cis: facilius fuerit ad oceanum peruenire: quàm ad Pe-  
loridem accedere. contagio autem ista seruilis belli, cur  
abs te potius, quàm ab his omnibus, qui ceteras prouin-  
cias obtinuerunt: praedicatur? an quod in Sicilia iam  
ante bella fugitiuorum fuerunt? at ea ipsa causa est:  
cur ipsa prouincia minimo in periculo sit, & fue-  
rit. nam posteaquam illinc M. Aquilius decessit: o-  
mnium instituta, atque edicta praetorum fuerunt eius-  
modi: ut ne quis cum telo seruus esset. Vetus est, quod  
dicam: et propter seueritatem exēpli nemini fortasse ue-  
strum inauditum: L. Domitium praetorem in Sicilia,  
cum aper ingens ad eum allatus esset: admiratum req-  
sisse, quis eum percussisset. cum audisset pastorem cuius-  
dam fuisse: eum ad se uocari iussit. illum cupide ad prae-  
torem quasi ad laudē, atq; ad premiū accurrisse. quæsisse  
Domitium, qui tantam bestiam percussisset? illum re-



spondisse, uenabulo. statim deinde iussu prætoris in cruce  
esse sublatum. durum hoc fortasse uideatur: neq; ego  
ullam in partem disputo: tantum intelligo maluisse Do-  
mitium crudelem in animaduertendo, quàm in præter  
mittendo dissolutum uideri. Ergo his institutis prouin-  
ciæ, iam tum, cum bello fugitiuorû tota Italia arderet  
homo non acerrimus, nec fortissimus, Cn. Norbanus in  
summo ocio fuit. perfacile enim sese Sicilia tuebatur: ne  
quod in ipsa bellum posset existere. etenim cum nihil tã  
coniunctum sit, quàm negociatores nostri cum Siculis,  
usu, re, ratione, concordia: & cum ipsi Siculi res suas ita  
constitutas habeant: ut his pacem expediat esse: impe-  
rium autem populi Ro. sic diligant: ut id imminui, aut  
commutari minime uelint: cumq; hæc ab seruorum bel-  
lo pericula, et prætorum institutis, et dominorum disci-  
plina prouisa sint: nullum est malum domesticum: quod  
ex ipsa prouincia nasci possit. Quid igitur? nulli ne  
motus in Sicilia seruorum Verre prætoris? nullæ ne cõ-  
fensiones factæ esse dicuntur? nihil sanè quod ad S. P. q;  
R. peruenierit: nihil quod iste Romam publice conscripse-  
rit. & tamen coeptum esse in Sicilia moueri aliquot lo-  
cis seruitium suspicor. id adeo non tam ex re, quàm ex  
istius factis, decretisq; cognosco. Ac uidete quàm non  
inimico animo sim acturus. ego ipse hæc, quæ ille quæ-  
rit: quæ adhuc nunquam audistis: commemorabo: &  
proferam. In Tricalino, quem locum fugitiui iam ante  
tenuerunt: Leonidæ cuiusdam Siculi familia in suspicio-  
nem est uocata coniurationis. res delata ad istum. statim  
(ut par fuit) iussu eius homines qui nominati erant: com-  
prehensi sunt: adductiq; Lilybeum: domino denuncia-  
tum est: ut adesset: causa dicta damnati sunt. quid dein-



# IN VERREM

de? quid censetis? furtum fortasse, aut prædam expecta-  
tis aliquam? nolite usquequaq; quidem querere. in me-  
tu belli, furandi qui locus potest esse? etiam si qua sic fuit  
in hac re occasio: prætermissa est. tum potuit à Leonida  
nummorum aliquid auferre: cum denunciauit, ut adef-  
set. fuit mundinatio aliqua, et isti non noua: ne causam  
diceret. etiam alter locus: ut absoluerentur. damnatis  
quidem seruis, quæ prædandi potest esse ratio? produci  
ad supplicium necesse est. testes enim sunt, qui in consi-  
lio fuerunt: testes publicæ tabulæ: testis splendidissima ci-  
uitas Lilybetana: testis honestissimus, maximusq; conuen-  
tus ciuium romanorum. nihil potest. producendi sunt  
itaq; producuntur: & ad palum alligantur. etiam nunc  
mihi expectare uidemini Iudices, quid deinde factum  
sit: quod iste nihil unquam fecit sine aliquo quæstu, atq;  
præda. quid in eiusmodi re fieri potuit? quod commo-  
dum est? expectate facinus quàm uultis improbum:  
uincam tamen expectationem omnium. nomine sceleris,  
coniurationisq; damnati, ad supplicium traditi, ad pa-  
lum alligati, repente multis millibus hominum inspe-  
ctantibus soluti sunt: & Leonidæ illi domino redditi.  
quid hoc loco potes dicere homo amentissime? nisi id, quod  
ego non quæro: quod deniq; in re tam nefaria, tametsi  
dubitari non potest: tamen, ne si dubitetur quidem: quæ-  
ri oporteat: quid, aut quantum, aut quomodo acceperis.  
remitto tibi hoc totum: atq; ista te cura libero. neq; enim  
metuo ne hoc cuiquam persuadeatur: ut ad quod faci-  
nus nemo, præter te, ulla pecunia adduci potuerit: id tu  
gratis suscipere conatus sis. uerum de ista furandi præ-  
dandi; ratione nihil dico: de hac imperatoria iam tua  
laude disputo. quid ais bone custos, defensorq; prouin-



cia? tu quos seruos arma capere, ac bellum facere in si-  
 cilia uoluisse cognoras: et de consilij sententia iudicaras:  
 hos ad supplicium iam more maiorum traditos, & ad  
 palum alligatos ex media morte eripere, ac liberare au-  
 sus es? ut quam damnatis seruis crucem fixeras: hanc  
 indemnatis ciuibus Ro. reseruares? Perditæ ciuitates, de-  
 speratis omnibus rebus, hos solent exitus exitiales ha-  
 bere: ut damnati in integrum restituantur: uincti soluan-  
 tur: exules reducantur: res iudicatæ rescindantur. quæ  
 cum accidunt: nemo est, quin intelligat ruere illam rem-  
 publicam. hæc ubi ueniunt: nemo est, qui ullam spem sa-  
 lutis reliquam esse arbitretur. atq; hæc sicubi, facta  
 sunt: ut homines populares, aut nobiles supplicio, aut  
 exilio lenarentur: ut non ab his ipsis, qui iudicassent: ut  
 non statim: ut non eorum facinorum damnati, quæ ad  
 uitam & fortunas omnium pertinerent. hoc uero no-  
 uum, & eiusmodi est: ut magis propter reū, quam pro-  
 pter rem ipsam credibile esse uideatur: ut homines ser-  
 uos, ut ipse qui iudicat, ut statim è medio supplicio di-  
 miserit: ut eius facinoris dānatos seruos, quod ad omni-  
 um liberorum caput, & sanguinem pertineret. O' præ-  
 clarum Imperatorem: nec iam cum M. Aquilio fortis-  
 simo uiro, sed uero cum Paulis, Scipionibus, Marijs con-  
 ferendum. tantum ne uidisse in metu, periculoq; provin-  
 ciæ? cum seruiorum animos in Sicilia suspensos pro-  
 pter bellum Italiæ fugitiuorum uideret: ne quis se com-  
 mouere auderet: quantum terroris iniecit? comprehendi  
 iussit. quis non pertimescat? causam dicere dominos.  
 quid seruis tam formidolosum? fecisse uideri pronun-  
 ciavit. ortam uidetur flammam paucorum dolore, ac  
 morte restinxisse. quid deinde sequitur? uerbera, atque



IN VERREM

*figuralis* ignes, & illa extrema ad supplicium damnatorum, metum cæterorum, cruciatus, et crux. hisce omnibus supplicijs sunt liberati. quis dubitet, quin seruorum animos summa formidine oppresserit? cum uiderent ea facilitate prætorem: ut ab eo sceleris, coniurationisq; damnatorum uita, uel ipso carnifice internuncio redimeretur. Quid? hoc in Apolloniense Aristodamo? quid? in Leonte Magarensi non idem fecisti? quid? iste motus seruorum, belliq; subita suspicio, utrum tibi tandem diligentiam custodiendæ prouinciæ, an nouam rationem improbissimi quæstus attulit? Halicyensis Eumenidæ nobilis hominis, & honesti magnæ pecuniæ uillicus, cum impulsu tuo insimulatus esset: HS LX a domino accepisti. quod nuper ipse iuratus docuit quemadmodum gestum esset. Ab Equite Ro. C. Matriniio absente, cum is esset Romæ: quod eius uillicos, pastoresq; tibi in suspicionem uenisse dixeras: HS centies abstulisti. Dixit hoc L. Flauius: qui tibi eam pecuniam numerauit: procurator C. Matrini: dixit ipse C. Matrinius: dicet uir clarissimus Cn. Lentulus Censor: qui Matrini honoris causa, recenti negotio ad te literas misit: mittendasq; curauit. Quid? de Apollonio Diocli filio Panormitano, cui Gemino cognomē est: præteriri potest? ecquid hoc tota Sicilia clarius? ecquid indignius? ecquid manifestius proferri potest? quem is, uti Panormum uenit: ad se uocari, & de tribunali citari iussit, concursu magno, frequentiaq; conuentus. homines statim loqui: mirari: quod Apollonius homo pecuniosus tam diu ab isto maneret integer: excogitauit: nescio quid attulit: profecto homo diues, repente a Verre non sine causa citatur: expectatio summa omnium, quid nam id esset: cum



exanimatus subito ipse accurrit cum adolescente filio. nam pater grandis natuiam diu lecto tenebatur. nomi-  
 nat iste seruum: quem magistrum pecoris esse diceret: cum dicit coniurasse: & alias familias concitasse. is omni-  
 no seruus in familia non erat. cum statim exhiberi iubet. Apollonius affirmat seruum se omnino illo no-  
 mine habere nemine. iste hominem arripi a tribunali, & in carcerem conijci iubet. ille clamare, cum rape-  
 retur: nihil se miserum fecisse: nihil commississe: pecuniam sibi esse in nominibus: numeratam in praesentia non ha-  
 bere. haec cum maxime summa hominum frequentia testificaretur: ut quiuis intelligere posset: eum, quod pe-  
 cuniam non dedisset: ideo illa tam acerba iniuria af-  
 fici: cum maxime ut dico hoc de pecunia clamaret: in uin-  
 cla coniectus est. Videte constantiam praetoris, et eius praetoris: qui in rebus non ita defendatur, ut mediocris praetor: sed ita laudetur, ut optimus Imperator. Cum seruorum bellum metueretur: quo supplicio dominos in-  
 demnatos afficiebat: hoc seruos damnatos liberabat. Apolloniū locupletissimum hominem, qui, si fugitiui bel-  
 lum in sicilia facerent: amplissimas fortunas amitte-  
 ret: belli fugitiuorum nomine indicta causa, in uincla coniecit: seruos, quos ipse cū consilio belli faciēdi causa con-  
 sensisse iudicauit: eos sine consilij sententia, sua sponte om-  
 ni supplicio liberauit. quid? si ab Apollonio ali-  
 quid commissum est: quamobrem iure in eum animad-  
 uerteretur: tamen ne hanc rem sic agemus? ut crimini, aut inuidiae reo putemus esse oportere: si quo de homi-  
 ne seuerius iudicauit? non agam tam acerbē: non utar ista accusatoria consuetudine: si quod est factum clemen-  
 ter: ut dissolute factum criminer: si quid uindicatum



# IN VERREM

seuere est: ut ex eo crudelitatis inuidiam colligam. non  
agam ista ratione: tua sequar iudicia: tuā defendam au-  
thoritatem, quoad tu uoles. simul ac te coeperis tua  
iudicia rescindere: mihi succensere desinito. meo iure enim  
contendam: eum, qui suo iudicio condemnatus sit: iura-  
torum iudicium sententijs damnari oportere. non defen-  
dam Apollonij causam amici, atq; hospitis mei: ne tuum  
iudicium uidear rescindere: nihil de hominis frugalita-  
te, uirtute, diligentia, dicam: praetermittam illud etiam,  
de quo antea dixi: fortunas eius ita constitutas fuisse, fa-  
milia, pecore, uillis, pecunijs creditis: ut nemini minus  
expediret, ullum in Sicilia tumultum, aut bellum com-  
moueri: non dicam ne illud quidem: si maxime in culpa  
fuerit Apollonius: tamen in hominem honestissimum, ci-  
uitatis honestissimae, tam grauius animaduerti causa in-  
dicta non oportuisse: nullam inuidiam in te, ne ex illis  
quidem rebus concitabo: cum esset talis uir in carcere,  
in tenebris, in squalore, in sordibus, tyrannicis inter-  
dictis tuis patri exacta aetate, et adolescenti filio aduen-  
di ad illum miserum potestatem nunquam esse factam:  
etiam illud praeteribo: quotienscunq; Panormum uene-  
ris illo anno & sex mensibus (nam tam diu fuit in car-  
cere Apollonius) totiens ad te Senatum Panormitanum  
adisse supplicem cum magistratibus, sacerdotibusq; pu-  
blicas, orantem, atq; obsecrantem: ut aliquando ille mi-  
ser, atq; innocens calamitate illa liberaretur. relin-  
quam haec omnia: quae si uelim persequi: facile ostendā  
tua crudelitate in alios, omnes tibi aditus misericordiae  
iudicium iam pridem esse praecclusos. omnia igitur conce-  
dam: & remittam. praeuideo enim quid sit defensorus  
Hortensius. fatebitur apud istum, neq; senectutem pa-



eris, neq; adolescentiam filij, neq; lachrymas uiriusq; plus  
ualuisse: q̄ utilitatem, salutemq; provinciae. dicet Remp.  
administrari sine metu, ac seueritate non posse. quæret  
quamobrem fasces prætoribus præferantur? cur secu-  
res datæ? cur carcer ædificatus? cur tot supplicia sint  
in improbos more maiorum constituta? quæ cum omnia  
grauiter, seuerèq; dixerit: quæram cur hunc eundem  
Apollonium Verres idem, repente, nulla noua re alla-  
ta, nulla defensione, sine causa, de carcere emitti iusse-  
rit? tantumq; in hoc crimine suspicionis esse affirmabo:  
ut iā ipsis iudiciabus sine mea argumentatione coniecturā  
facere permittam: quod hoc genus prædandi, quàm im-  
probum, quàm indignum, quamq; ad magnitudinem  
quæstus immensum, infinitumq; esse uideatur. nam quæ  
iste in Apollonio fecit: ea primum breuiter cognoscite  
quot, & quanta sint: deinde hæc expendite, atq; æsti-  
mate pecunia: reperiatis itaq; hæc in uno homine pecu-  
nioso tot constituta: ut cæteris formidines similium in-  
commodorum, atq; exempla periculorum proponeren-  
tur. primum insimulatio est repentina, capitalis, atq;  
inuidiosi criminis. statuite quanti hoc putetis: & quàm  
multo redemisse. deinde crimen sine accusatore, senten-  
tia sine consilio, damnatio sine defensione. æstimate ha-  
rum rerum omnium precia: & cogitate in his iniqui-  
tatibus unum hæsisse Apolloniū: cæteros, profecto multos  
ex his incōmodis pecunia se liberasse. postremo tenebræ,  
uincla, carcer inclusum supplicium, atq; a conspectu  
parentum, ac liberum, deniq; a libero spiritu, & com-  
muni luce seclusum. hæc uero, quæ uel uita redimi  
recte possunt: æstimare pecunia non queo. hæc omnia se-  
ro redemit Apollonius, iam mœrore, ac miseris per-



# IN VERREM

ditus: sed tamen cæteros docuit: ante istius auariciæ, ac sceleris occurrere. Nisi uero existimatis hominem pecuniosissimum sine aliqua causa quæstus iniectum ad tam incredibile crimen: aut sine eadem causa repente è carcere emissum: aut hoc prædandi genus ab isto in illo uno adhibitum, ac tentatum: & non per illum, omnibus pecuniosis Siculis metum propositum, & iniectum. Cupio mihi iudices ab illo subici: quoniam de militari eius gloria dico: siquid forte prætereo. nam mihi uideor de omnibus iam rebus eius gestis dixisse: quæ quidem ad belli fugitiuorum pertinerent suspicionem. certe nihil sciens prætermisi. Habetis hominis consilia, diligentiam, uigilantiam, defensionemq; provinciae. summa illuc pertinet: ut sciatis, quoniam plura genera sunt imperatorum: ex quo genere iste sit. ne diutius in tanta penuria uirorum fortium talem imperatorem ignorare possitis: nõ ad Q. Maximam sapientiam, neq; ad illius superioris Africani in re gerenda celeritatem, neq; ad huius, qui postea fuit, singulare consilium, neq; ad Pauli rationem, ac disciplinam, neq; ad C. Marii uim, atq; uirtutem, sed ad aliud genus imperatorum sane diligenter retinendum, & conseruandum, quæso cognoscite. Itinerum primum laborem, qui uel maximus est in re militari Iudices, & in Sicilia maxime necessarius: accipite quàm facilem sibi iste, & iucundum ratione, consilioq; reddiderit. Primum temporibus hybernis ad magnitudinem frigorum, & ad tempestatum uim, ac fluminum, præclarum sibi hoc remedium comparat. urbem Syracusas elegerat: cuius hic situs, atq; hæc natura esse loci, cæliq; dicitur: ut nullus unquam dies tam magna, turbulentaq; tempestate fuerit: quin aliquo tempore solẽ eius dici homines



diei homines uiderent. hic ita uiuebat iste bonus Imperator hybernis mensibus: ut eum non facile, non modo extra tectum, sed ne extra lectum quidem quisquam uideret. ita diei breuitas conuiuijs, noctis longitudo stupris, & flagitijs conterebatur. Cum autem uer esse coeperat: cuius initium iste, non à fauonio, neq; ab aliquo astro notabat: sed cum rosam uiderat: tunc incipere uer arbitrabatur: dabat se labori, atq; itineribus. in quibus usq; eo se præbebat patientem, atq; impigrum: ut eum nemo unquam in equo sedentem uideret. nam, ut mos fuit Bithyniæ regibus: lectica octo foro ferebatur: in qua puluinus erat perlucidus melitensi rosa fæctus. Ipse autem coronam habebat unam in capite: alteram in collo: reticulumq; ad nares sibi apponebat tenuissimo lino, minutis maculis, plenum rosæ. sic confecto itinere, cum ad aliquod oppidum uenerat: eadem lectica usq; ad cubiculum deferebatur. Eo ueniebant Siculorum magistratus: ueniebant Equites romani: id quod ex multis iuratis audietis: controuersiæ secreto deferebantur: paulopost palam decreta auferebantur. deinde ubi paulisper in cubiculo preao, nō æquitate iura descripserat: Veneri iam, & Libero reliquū tempus deberi arbitrabatur. quo loco mihi non prætermittenda uidetur præclari Imperatoris egregia, ac singularis diligentia. nā scitote esse oppidum in Sicilia nullum, ex ijs oppidis, in quibus Prætores consistere, & conuentum agere solent: quo in oppido non isti ex aliqua familia non ignobili, delecta ad libidinem mulier esset. itaq; nonnullæ ex eo numero in conuiuium adhibebantur palam. si quæ castiores erant: ad tempus ueniebant: lucem conuētumq; uitabant. erant autem conuiuia non illo silentio Præto-

H



## IN VERREM

rum, atq; Imperatorum: neq; eo pudore: qui in magistra-  
 tuum conuiuijs uersari solet: sed cum maximo clamo-  
 re, atq; conuitio. nonnunquam etiam res ad manus, atq;  
 ad pugnam ueniebat. iste enim prætor seuerus, ac dili-  
 gens, qui populi Ro. legibus nunquam paruisset: illis di-  
 ligenter legibus, quæ in poculis ponebantur: obtempera-  
 bat. itaq; erant exitus eiusmodi: ut alius inter manus è  
 conuiuiio, tanquam è prælio auferretur: alius tanquam  
 occisus relinqueretur: pleriq; fusi sine mente, ac sine ul-  
 lo sensu iacerent. quibus ut cum aspexisset: non se præ-  
 toris conuiuium, sed ut canensem pugnam nequitia uide-  
 dere arbitraretur. Cum uero æstas summa esse iam cœ-  
 perat: quod tempus omnes semper Siciliae prætores in iti-  
 neribus consumere consueuerunt: propterea quod tum pu-  
 tant obeundam esse maxime provinciam: cum in aruis  
 frumenta sunt: quod & familiae congregantur: & ma-  
 gnitudo seruitij perspicitur: & labor operis maxime of-  
 fenditur: & frumenti copia commonet: tempus anni non  
 impedit: tum inquam, cum concursant cæteri prætores:  
 iste nouo quodam ex genere Imperator pulcherrimo  
 Syracusarum loco statua sibi castra faciebat. nam in  
 ipso aditu, atq; ore portus, ubi primum ex alto sinus ad  
 urbem ab litore inflectitur: tabernacula carbaseis inten-  
 ta uelis collocabat. huc ex illa domo Prætoria, quæ Re-  
 gis Hieronis fuit: sic emigrabat: ut per eos dies nemo  
 istum extra illum locum uidere posset. in eum autem  
 ipsum locum aditus erat nemini: nisi qui aut socius, aut  
 minister libidinis esse posset. huc omnes mulieres, quibus  
 iste consueuerat: conueniebant. quarum incredibile est  
 quanta multitudo fuerit Syracusis. huc homines digni  
 istius amicitia, digni uita illa, conuiuijsq; ueniebant. in-



ter eiusmodi viros, ac mulieres adulta ætate filius uer-  
 sabatur: ut eum, etiam si natura à parentis similitudine  
 abriperet: consuetudo tamen, ac disciplina patri simile  
 esse cogeret. huc Tertia illa perducta per dolum, atque  
 insidias ab rhodio tibicinae, maximas in istius castris ef-  
 fecisse turbas dicitur: cum indigne pateretur uxor Cleo-  
 menis Syracusani, nobilis mulier, itemq; Aeschionis ho-  
 nesto loco nata, in conuentum suum muni Isidori filiã  
 uenisse. iste autem Hannibal, qui in suis castris uirtute  
 putaret oportere, non genere certari: sic hanc Tertiam  
 dilexit: ut eam secum ex provincia exportaret. ac per  
 eos dies cum iste cum pallio purpureo talariq; tunica uer-  
 saretur in conuiujs muliebribus: non offendeabantur ho-  
 mines in eo: neq; moleste ferebant: abesse à foro magi-  
 stratum: non ius dici: non iudicia fieri. lucum illum li-  
 toris, percrepare totum mulierum uocibus, cantuq; sym-  
 phoniae: in foro silentium esse summum causarum, atq;  
 iuris: non ferebant homines moleste. non enim ius abes-  
 se uidebatur à foro, neq; iudicia, sed uis, & crudelitas,  
 & bonorum acerba, atq; indigna direptio. Hunc igitur  
 tu Imperatorem esse defendis Hortensi? huius fur-  
 ta, rapinas, cupiditatem, crudelitatem, superbiam, scelus,  
 audaciam, rerum gestarum magnitudine, atq; Impera-  
 toris laudibus tegere conaris? hic scilicet est metuendum:  
 ne ad exitum defensionis tuæ, uetus illa Antoniana di-  
 cendi ratio, atq; autoritas proferatur: ne excitetur Ver-  
 res: ne demudetur à pectore: ne cicatrices populus Ro-  
 aspiciat, ex mulierum morsu uestigia libidinis, atq; ne-  
 quitiae. dij faciant: ut rei militaris, ut belli mentionem fa-  
 cere audeas. cognoscantur enim omnia istius æra illa ue-  
 tera: ut non solum in imperio, uerum etiam in stipen-

H ij



# IN VERREM

dijs qualis fuerit intelligatis. renouabitur prima illa militia: cum iste è foro abduci, non, ut ipse prædicat, perducere solebat. aleatoris Placentini castra commemorabuntur: in quibus cum frequens fuisset: tamen ære dirutus est. multa eius in stipendijs damna proferentur: quæ ab isto ætatis fructu dissoluta, & compensata sunt. Iam uero, cum in eiusmodi patiëntia turpitudinis, aliena, non sua facietate obduruisset: qui uir fuerit: quot præsidia, quæ munita pudoris, & pudicitiae cœperit ui, & audacia: quid me attinet dicere? aut coniungere cum istius flagitio cuiusquam præterea dedecus? non faciam Iudices. omnia uetera prætermittam. duo sola recentia sine cuiusquam infamia ponam: ex quibus coniecturam facere de omnibus possitis. unum illud, quod ita fuit illustre, notumque omnibus: ut nemo tam rusticanus homo L. Lucullo, M. Cotta Cons. Romam ex ullo municipio uadimonij causa uenerit: quin sciret, iura omnia populi Romani, atque arbitrio Chelidonis mercetriculae gubernari. alterum, quod cum paludatus exisset: uotaque pro imperio suo, communique populi Romani nuncupasset: noctu stupri causa lectica in urbem introferri solitus est ad mulierem, nuptam uni, propositam omnibus, contra fas, contra auspicia, contra omnes diuinas, atque humanas religiones. O dij immortales, quid interest inter mentes hominum, et cogitationes. ita mihi meam uoluntatem, spemque reliquæ uitæ uestra populi Romani existimatio comprobet: ut ego quos adhuc mihi magistratus populus Romanus mandauit: sic eos accepi: ut me omnium officiorum obstringi religione arbitrarer. Ita quæstor sum factus: ut mihi honorem illum tum non solum datum: sed etiam creditum, ac commissum putarem. sic obtinui quæsturam in prouincia



sialia: ut omnium oculos in me unum coniectos arbitra-  
 rer: ut me, quæsturamq; meam, quasi in aliquo orbis ter-  
 ræ theatro uersari existimarem: ut omnia semper, quæ  
 iucunda uidentur esse: non modo his extraordinarijs ca-  
 peditatibus, sed etiam ipsi naturæ, ac necessitati denega-  
 rem. Nunc sum designatus ædilis: habeo rationem quid  
 à populo Ro. acceperim: mihi ludos sanctissimos maxi-  
 ma cum cerimonia Cereris, Libero, Liberæq; faciendos:  
 mihi Floram matrem populo, plebiq; Ro. ludorum cele-  
 britate placendam: mihi ludos antiquissimos, qui primis  
 Romani sunt nominati: maxima cum dignitate, ac re-  
 ligione Ioui, Iunoni, Minervæq; esse faciendos: mihi sa-  
 crarum ædium procurationem, mihi totam urbem tue-  
 dam esse commissam: ob earum rerum laborem, et solli-  
 citudinem fructus illos datos: antiquiorem in Senatu sen-  
 tentiæ dicendæ locum, togam prætextam, sellam curu-  
 lem, ius, imagines ad memoriam, posteritatemq; proden-  
 dam. Ex his ego rebus omnibus Iudices, ita mihi deos  
 omnes propicios esse uelim: ut, tamen si mihi iucundissi-  
 mus est honos populi: tamen nequaquam tantum capio uo-  
 luptatis: quantum sollicitudinis, et laboris: ut hæc ipsa  
 ædilitas, non quia necesse fuerit: alicui candidato data,  
 sed quia sic oportuerit: recte collocata, et iudicio popu-  
 li in loco posita esse uideatur. Tu cum esses prætor renun-  
 ciatus quoquo modo (mitto enim, et prætereo, quid tum  
 sit actum) sed cum esses renunciatus, ut dixi: non ipsa  
 præconis uoce excitatus es? qui te totiens seniorum, iu-  
 niorumq; centurijs illo honore affici pronūciavit: ut hoc  
 putares: aliquam Reip. partem creditam? annum tibi il-  
 lum unum, domo carendum esse meretricis? cum tibi  
 sorte obtigisset, ut ius diceres: quantum negocij, quid one

H iij



## IN VERREM

ris haberes, nunquam cogitasti: neq; illud rationis ha-  
 buisti: si forte expergescere te posses: eam provinciam  
 quam tueri singulari sapientia, atq; integritate difficile  
 esset: ad summam stulticiam, nequitiamq; uenisse. Itaq;  
 non modo domo tua Chelidonem in prætura extrude-  
 re nolui: sed in Chelidonis domum præturam tuam to-  
 tam detulisti. Secuta provincia est: in qua tibi nunquam  
 uenit in mentem: non tibi iarco fasces, & securis, &  
 tantam imperij uim, tantamq; ornamentorum omnium  
 dignitatem datam: ut earum rerum ui, & authorita-  
 te omnia repagula iuris, pudoris, et officij perfringeres:  
 ut omnium bona prædam tuam duceres: nullius res tu-  
 ta, nullius domus clausa, nullius uita septa, nullius pu-  
 dicitia munita, contra tuam cupiditatem, & audaciam  
 posset esse. in qua tu te ita gessisti: ut cum omnibus tene-  
 re rebus: ad bellum fugitiuorum confugas: ex quo iam  
 intelliges, non modo tibi nullam defensionem, sed maxi-  
 mam uim criminum exortam. Nisi forte italici belli fu-  
 gitiuorum reliquias, atq; illud Thempsanum incommo-  
 dum proferes. ad quod recens, cum te peropportune for-  
 tuna obtulisset, si quid in te uirtutis, atq; industriæ fuis-  
 set: idem, qui semper fueras, inuentus es. cum ad te Va-  
 lentini uenissent: & pro his homo disertus, & nobilis  
 M. Marius loqueretur: ut negotium susciperes: ut, cum  
 penes te prætorium imperium, ac nomen esset: ad illam  
 paruum manum extinguendam ducem te, principemq;  
 preberes: non modo id refugisti: sed eo ipso tempore, cum  
 esses in litore: Tertia illa tua, quam tecum deportabas:  
 erat in omnium conspectu. ipsis autem Valentinis ex-  
 tam illustri, nobiliq; municipio, tantis de rebus respon-  
 sum nullum dedisti: cum esses cum tunica pulla, & pal-



lio. Quid hunc proficiscentem, quid in ipsa provincia fecisse existimatis? qui cum iam ex provincia non ad triumphum, sed etiam ad iudicium decederet: ne illam quidem infamiam fugerit: quam sine ulla uoluptate capiebat. O' diuina Senatus frequentis in aede Bellonae admurmuratio. memoria tenetis Iudices: cum ad uespera sceret: et paulo ante esset de hoc Thempsano incommodo nuntiatum: cum inueniretur nemo qui in illa loca cum imperio mitteretur: dixisse quendam Verrem esse non longe à Thempsa? quam ualde uniuersi admurmurauerint? quā palam principes contradixerint? Et is tot criminibus, testimonijsq; conuictus in eorum tabellis spem sibi aliquam ponit: quorum omnium palam causa incognita uoce damnatus est. Esto nihil ex fugitiuorum bello, aut suspitione belli, laudis adeptus est: quod neq; bellū eiusmodi, neq; belli fuit periculum in Sicilia: neq; ab isto prouisum est: ne quod esset. at uero contra bellum praedonum classē habuit ornata, diligentiamq; in eos singularem: itaq; isto praetore praecclare defensa provincia est. sic de bello praedonum, sic de classe Siciliensi Iudices dicam: ut hoc iam ante confirmem: in hoc uno genere omnes inesse culpas istius maximas auariciae, maiestatis, dementiae, libidinis, crudelitatis. haec dum breuiter expono: quaeso, ut fecistis adhuc: diligenter attendite. Rem naualem primum ita dico esse administratam: non uti provincia defenderetur: sed ut classis nomine pecunia quaereretur. Superiorum praetorum consuetudo cum haec fuisset: ut naues ciuitatibus, certusq; numerus nautarum, militumq; imperaretur: maximae, et locupletissimae ciuitati Mamertinae nihil horum imperauisti. ob quam rem quid tibi Mamertini pecuniae clā

H iij



# IN VERREM

dederint: post uidebitur: ex ipsorum literis & testibus  
queremus. nauem uero Cybeam maximam triremis  
instar pulcherrimam, atq; ornatissimam, palam ædifi-  
catam sumptu publico, sciente Sicilia, per magistratum,  
senatumq; Mamertinū, tibi datam, donatamq; esse dico.  
hæc nauis onusta præda Sicalensi, cum ipsa quoq; esset  
ex præda: simul cum iste decederet: appulsa Veliam est,  
cum plurimis rebus, & ijs quas ante Romam mittere  
cum cæteris furtis noluit: quod erant carissimæ: maxi-  
mæq; eum delectabant. Eam nauem nuper egomet ui-  
di Velie: multiq; alij uiderunt, pulcherrimam, atq; or-  
natissimam Iudices. quæ quidē omnibus, qui eam aspe-  
xerant: prospectare iam exilium, atq; explorare fugā  
domini uidebatur. Quid mihi hoc loco respondebis? ni-  
si forte id: quod tametsi probari nullo modo potest: ta-  
men dici quidem in iudicio de pecunijs repetundis ne-  
cesse est: de tua pecunia constare ædificatam esse eam  
nauem. Aude hoc saltem dicere, quod necesse est. no-  
li metuere Hortensi ne quæram, qui licuerit ædifi-  
care nauem Senatori? antiquæ sunt istæ leges, &  
mortuæ, quemadmodum tu soles dicere: quæ uetant. fuit  
ista responsio quondam: fuit ista seueritas in iudicijs: ut  
istam rem accusator in magnis criminibus obijciendam  
putaret. quid enim tibi naue opus fuit? qui si quo publi-  
ce proficisceris: & præsidij, & uecturæ causa sum-  
ptu publico nauigia præberentur. priuatim autem nec  
proficisci quoquam potes: nec accersere res transmarinas  
ex ijs locis, in quibus tibi habere, mercari nihil licet. de-  
inde cur quicquam contra leges parasti? ualeret hoc cri-  
men in illa ueteri seueritate, ac dignitate Reipublicæ.  
nunc non modo te hoc crimine non arguo: sed ne illa q=



dem communi uituperatione reprehendo. Postremo tu tibi hoc nunquā criminofum, nunquā inuidiofum fore protasti? celeberrimo loco palam tibi ædificari onerariam nauē in ea prouincia, quam tu cum imperio obtinebas? quid eos loqui, qui uidebant: quid existimare eos, qui audiebant: arbitrare? inanem te nauem esse in Italiā deducturum? nauiculariam te, cum Romam uenisses: esse facturum? ne illud quidem quisquam poterat suspicari: te habere in Italia maritimum fundum: & ad fructus deportandos onerariam nauem comparare. eiusmodi de te uoluisti sermonem esse omnium? palam ut loquerentur, te illam nauem parare: quæ prædam ex Sicilia deportaret: & quæ ad ea furtiua, quæ reliquisses: commearet? Verum hæc omnia, si doces nauem de tua pecunia ædificatam: remitto: atque concedo. sed hoc homo amantissime non intelligis priore actione ab istis ipsis tuis Mamertinis laudatoribus esse sublatum. nam dixit Heius princeps ciuitatis, princeps istius legationis, quæ ad tuam laudationem missa est: nauē tibi operis publicis Mamertinorum esse ædificatam: eiq; faciendæ Senatorem Mamertinum publice præfuisse. Reliqua est materies. hanc Rheginis, ut ipsi dicunt (tametsi tu negare non potes) publice, quod Mamertini materies non habent: imperaui. Si, & quo fit nauis, et qui faciunt, imperio tibi tuo, non precio præsto fuerunt: ubi tandem istuc latet: quod tu de tua pecunia dicas impensum? At Mamertini in tabulis nihil habent. primum uideo potuisse fieri: ut ex ærario nihil darent. etenim uel Capitolium, sicut apud maiores nostros factum est: publice gratis coactis fabris, operisq; imperatis, ex ædificari, atque effici potuit. deinde id, quod perspicio, & quod ostendam, cum istos



## IN VERREM

produxero, ipsorum ex literis: multas pecunias isti erogatas in operum locationes falsas, atque inanes esse perscriptas. nam illud minime mirum est: Mamertinos, a quo summum beneficium acceperant: quem sibi amicorem quam populo Romano esse cognouerant: eius capiti literis suis peperasse. Si argumento est, Mamertinos pecunias tibi non dedisse: quia scriptum non habent: sit argumento, tibi gratis constare nauem: quia quid emeris, aut quid locaueris, scriptum proferre non potes. At enim ideo nauem Mamertinis non imperasti: quod sunt foederati. dii approbent. habemus hominem in Fecialium manibus educatum: unum, praeter ceteros, in publicis religionibus foederum, sanctum, diligentem. omnes qui ante te, Praetores fuerunt: dedantur Mamertinis: quod is nauem contra pacem foederis imperarit. sed tamen tu sancte homo, ac religiose, cur Tauromunitanis ite foederatis nauem imperasti? an hoc probabis? in aequa causa populi, sine precio uarium ius, et disparem conditionem fuisse? Quid si eiusmodi esse haec duo foedera duorum populorum Iudices doceo: ut Tauromunitanis nominatum datum, et exceptum sit foedere: ne nauem dare debeant? Mamertinis in ipso foedere sanctum, atque perscriptum sit: uti nauem dare necesse sit? istum autem contra foedus, et Tauromunitanis imperasse: et Mamertinis remisisse? num cui dubium poterit esse: quin Verre praetore plus Mamertinis Cybea, quam Tauromunitanis foedus opitulatum sit? Recitentur foedera. Isto igitur tuo, quemadmodum praedicas, beneficio, ut res indicat, precio, atque mercede, minuisi maiestatem rei publicae: minuisi auxilia populi romani: minuisi copias, maiorum uirtute, ac sapientia comparatas: sustulisti ius imperii, conditionem



seniorum, memoriam fœderis. Qui ex fœdere ipso nauem uel usq; ad oceanum, si imperassent, sumptu, periculoq; suo armatam, atq; ornatam mittere debuerunt: hi ne in freto ante sua tecta & domos nauigarent: ne sua mœnia, portusq; defenderent: precio abs te ius fœderis, imperij conditionem emerunt. quid censetis in hoc fœdere faciundo uoluisse Mamertinos impendere laboris, operæ, pecuniæ? ne hæc biremis ascriberetur: si id ullo modo possent à nostris maioribus impetrare? nam cum hoc munus imperaretur tam graue ciuitati: inerat nescio quomodo in illo fœdere societatis quasi quædam nota seruitutis. Quod tum recentibus suis officijs, integra re, nullis populi ro. difficultatibus, à maioribus nostris fœdere assequi non potuerunt: id nunc nullo nouo officio suo, tot annis post, iure imperij nostri quot annis usurpato, ac semper retento, summa in difficultate nauis, à C. Verre precio assecuti sunt. At nō hoc solū assecuti, ne nauē darent. ecquē nautam, ecquē militem, qui aut in classe aut in præsidio eēt: te prætor p trienniu Mamertini dederunt? deniq; cum ex senatus consulto, itemq; ex lege Terentia & Cassia, frumentum æquabiliter emi ab omnibus Sicilia ciuitatibus oporteret: id quoque munus leue, atq; commune Mamertinis remisisti. dices frumentum Mamertinos non debere. quomodo non debere? an ut ne uenderent? non enim erat hoc genus frumenti ex eo genere, qđ exigeretur: sed eo, quod emeretur. Te igitur authore, & interprete, ne foro quidem, & comætu Mamertini populū ro. iuuare debuerunt. Quæ tandem ciuitas fuit, quæ deberet? qui publicos agros arant, certum est quid ex lege Censoria dare debeant. cur ijs quicquam præterea, ex alio genere imperauisti?



# IN VERREM

quid decumani? nunquid præter singulas decumas ex lege Hieronica debent? cur is quoque statuit: quantum ex hoc genere frumenti empti darent? qui sunt immunes: ij certe nihil debent. at is non modo imperasti: uerum etiam quo plus darent, quam poterant, hæc sexagena millia modium, quæ Mamertinis remiseras: addidisti. neque hoc dico: cæteris non recte imperatum esse. Mamertinis, qui erant in eadem causa: et quibus superiores omnes prætores item, ut cæteris, imperarant: pecuniâque ex senatus consulto, et ex lege dissoluerant: his dico non recte remissum. et ut hoc beneficium, quemadmodum dicitur, trabali clauo figeret: cum consilio causam Mamertinorum cognoscit: et de consilij sententia Mamertinis se frumentum non imperare pronunciat. audite decretum mercennarij prætoris ex ipsius commentario: et cognoscite quanta in constituendo iure sit autoritas. Recita commentarium R. C. libenter ait se facere: itaque perscribit. quid si hoc uerbo non esses usus, libenter? nos uidelicet, inuitum te questum facere putaremus? ac de consilij sententia præclarum recitari consilium Iudices audistis. utrum uobis consilium recitari tandem prætoris uidebatur: cum audiebatis nomina? an prædonis improbissimæ societas, atque comitatus? an foederum interpretes, societatis pactores, religionis authores? nunquã in Sicilia frumentum publice est emptum: quin Mamertinis pro portione imperaretur: antequam hoc delectum, præclarumque consilium iste dedit: ut ab his nummos acciperet: ac sui similis esset. Itaque tantum ualuit istius decreti autoritas: quantum debuit eius hominis: qui à quibus frumentum emere debuisset: is decretum uendidisset. nam statim L. Metellus, ut isti successit: ex C. Sacer-



dotis, & Sex. Peducei instituto, ac literis frumentum Mamertinis imperauit. tum illi intellexerunt, se id, quod a malo auctore emissent: diutius obtinere non posse. Age porro tu, qui te tam religiosum existimari uoluisti inter pretem foederum: cur Tauromunitanis frumentum, cur Netinis imperasti? quarum ciuitatum utraq; foederata est. Ac Netini quidem sibi non defuerunt. nam simulac pronunciaſti, libenter te Mamertinis quidem remittere: te adierunt: & eandem suam causam foederis esse docuerunt. tu aliter decernere in eadem causa non potuiſti: pronuncias Netinos frumentum dare non oportere: & ab his tamen exiſti. Cedo mihi eiusdem praetoris literas, & rerum decretarum, & frumenti imperati, & rerum decretarum tritici empti. quid potius in hac tanta, ac tam turpi inconstantia suspicari possumus Iudices? quam id quod necesse est? aut istam a Netinis pecuniam cum posceret: non datam: aut id esse actum ut intelligerent Mamertini: se bene apud istum tam multa praecia, ac munera collocasse: cum idem alij iuris ex eadem causa non obtinerent. Hic mihi etiam audebit mentionem facere Mamertinae laudationis. in qua quam multa sint uulnera, quis est uestrum Iudices quin intelligat? primum, ut in iudicijs, qui decem laudatores dare non potest: honestus est ei nullum dare: quam illum quasi legitimum numerum consuetudinis non explere. tot in Sicilia ciuitates sunt: quibus tu per triennium praefuisti: arguunt caeterae: paucae, & paruae metu repressae silent: una laudat. hoc quid est? nisi intelligere quid habeat utilitatis uera laudatio? sed tamen ita Verres provinciae praefuisti: ut hac utilitate necessario sit carendum. Deinde id, quod alio loco ante dixi: quae est ista tandem



# IN VERREM

laudatio? cuius laudationis legati principes, & publice tibi nauem ædificatam, & priuatim seipsos abs te spoliatos, expilatosq; esse dixerunt? Postremo quid aliud isti faciunt, cum te soli ex Sicilia laudant: nisi testimonio nobis sunt: omnia sibi esse largitum: quæ tu de republica nostra detraxeris? Quæ colonia est in Italia, tam bono iure? quod tam immune municipium? quod per hos annos tam commoda uacatione sit usum omnium rerum: quæ Mamertina ciuitas per triennium? soli, ex fœdere quod debuerunt: non dederunt: soli isto prætore omnium rerum immunes fuerunt: soli in istius imperio ea conditione uitæ fuerunt: ut populo ro. nihil darent: Verri nihil denegarent. Verum ut ad classem, quo ex loco sum digressus: reuertar: accepisti à Mamertinis nauem contra legem: remisisti contra fœdera. ita in una ciuitate bis improbus fuisti: cum & remisisti, quod non oportebat: & accepisti, quod non licebat. exigere te oportuit nauem: quæ contra prædones, non quæ cum præda nauigaret: quæ defenderet ne prouincia spoliaretur: non quæ noua prouinciæ spolia portaret. Mamertini tibi & urbem, quo furti undiq; portares: & nauem, qua exportares: præbuerunt. illud tibi oppidum receptaculum prædæ fuit: illi homines testes, custodesq; furtorum: illi tibi & locum cum furtis, & furtorum uehiculum comparauerunt. itaq; ne tum quidem cum classem auaricia, ac nequitia tua perdidisti: nauem Mamertinis imperare ausus es. quo tempore in tanta inopia nauium, tantaq; calamitate prouinciæ, etiam si precario essent rogandi: tamen ab his impetraretur. reprimebat enim tibi & imperandum, & rogandi conatum præclara illa non populo reddita biremis: sed prætori donata Cybea. Ea tui mer-

*inocatio Regum  
lux in eam luit*



res imperij, auxilium iuris, consuetudinis, fœderis. Habetis unius civitatis firmum auxilium amissum, ac uenditum precio. cognoscite nunc nouam prædandi rationem, ab hoc primum excoꝑitatam. Sumptum omnem in classem frumento, stipendio, cæterisq; rebus, Nauarcho suo quæq; ciuitas semper dare solebat. is neq; ut accusaretur à nautis committere audebat: & ciuibus suis rationem referre debebat. in illo omni negotio non modo labore, sed etiam periculo suo uersabatur. Erat hoc, ut dico, factitatum semper: nec solum in sicilia, sed in omnibus prouincijs: etiam in sociorum, & latinorum stipendio, ac sumptu, tum cum illorum auxilijs uti solebamus. Verres post imperium constitutum, primus imperauit: ut ea pecunia omnis à ciuitatibus sibi adnumeraretur: ut is eam pecuniam tractaret: quem ipse præficeret. cui potest esse dubium? quamobrem & omnium consuetudinem ueterem primus immutaris? & tantam utilitatem per alios tractandæ pecuniæ neglexeris? et tantam difficultatem cum crimine molestiæ, cum suspitione susceperis? Deinde alij quæstus instituuntur: ex uno genere nauali uidete quàm multi: accipere à ciuitatibus pecunias: ne nautas darent: precio certo missos facere nautas: missorum omne stipendium lucrari: reliquis quod deberet: non dare. Hæc omnia ex ciuitatum testimonijs cognoscite. Recita testimonia ciuitatum. Huncine hominem? hancine impudetiã Iudices? hancine audaciã? ciuitatibus pro numero militum pecuniarum summas describere: certo precio sexcentenos nûmos nauatarum missione constituere. quos qui dederat comineatu potius ætatis abstulerat. iste quod et nauæ nomine pro stipendio, frumentoq; acceperat: lucrabatur. Itaq; quæ-



# IN VERREM

stus duplex unius missione fiebat. Atque hæc homo amentissimus in tanto prædonum impetu, tantoq; periculo provinciae, sic palam faciebat: ut & ipsi prædones scirent: & tota provincia testis esset. Cum propter istius hanc tantam auariciam, nomine classis, essent in Sicilia re quidem uera naues inanes: quæ prædâ prætori, non quæ prædonibus metum afferrent: tamen, cum P. Cæcilius, & P. Tadius decem nauibus his semiplenis nauigare: nauem quandam piratarum præda refertam non coeperunt: sed abduxerunt onere suo plane captam, atq; depressam. Erat ea naus plena iuuentutis formosissimæ, argenti facti, atq; signati, multa cum stragula ueste. Hæc una naus ex classe nostra nõ capta est, sed inuenta ad Megaridē: qui locus est nõ longe à Syracusis. quod ubi isti nunciatum est: tametsi noctu cum mulierculis iacebat ebrius: erexit se tamen: & statim questori, legatoq; suo custodes misit complures: ut omnia sibi integra, quàm primum exhiberetur. Appellitur naus Syracusas: expectatur ab omnibus: supplicium summi de captiuis putatur. iste quasi præda sibi aduecta, non prædonibus captis, si qui senes aut deformes erant: eos in hostium numero ducit. qui aliquid formæ, ætatis, artificijq; habebant: abducit omnes: nonnullos scribis suis, filio, cohortiq; distribuit: symphonicos homines sex, quidam amico suo Romam muneri misit. nox illa tota exinanienta naui consumitur. Archipiratam ipsum uidet nemo: de quo supplicium summi oportuit: hodieq; omnes sic habent persuasum (quid eius sit, uos coniectura quoq; asse qui debetis) istum clam a piratis ob hunc Archipiratam pecuniam accepisse. coniectura bona est. iudex esse bonus nemo potest: qui suspitione certa non mouetur.

hominem



hominem nostis: consuetudinemque omnium tenetis: qui  
 ducem praedonum, aut hostium coeperit: quam libenter  
 eum palam ante oculos omnium esse patiatur. Hominem  
 in tanto conuentu Syracusis uidi neminem Iudices: qui  
 Archipiratae captum uidisse se diceret: cum omnes, ut  
 mos est: ut solet fieri: concurrerent: quaererent: uidere ca-  
 perent. quid accidit? cur tantopere iste homo occultare-  
 tur? ut eum ne casu quidem quisquam aspicere posset?  
 Homines Mamertini Syracusis, qui saepe istius ducis no-  
 men audissent: cum eum saepe timuissent: cum eius cru-  
 ciatu, atque supplicio pascere oculos, animumque exaturare  
 uellent: potestas aspiciendi nemini facta est. Unus plures  
 praedonum duces uiuos coepit P. Seruilius: quam omnes  
 antea. ecquando igitur isto fructu quisquam caruit: ut  
 uidere piratae captum non liceret? At contra, quacumque  
 iter fecit: hoc iucundissimum spectaculum omnibus, uin-  
 ctorum, captorumque hostium prebebat. itaque ei concur-  
 sus undique fiebat: ut non modo ex his oppidis, qua du-  
 cebantur: sed etiam ex finitimis uisendi causa conueni-  
 rent. ipse autem triumphus quamobrem omnium triu-  
 phorum gratissimus populo fuit, atque iucundissimus?  
 quia nihil est uictoria dulcius. nullum est autem testimo-  
 niu uictoriae certius: quam quos saepe metueris: eos te uin-  
 ctos ad supplicium ducta uidere. Hoc tu quamobrem non  
 fecisti? quamobrem ita iste pirata celatus est: quasi eum aspi-  
 cere nefas esset? quamobrem supplicium non sumpsisti?  
 quam ob causam hominem reseruasti? ecquem audisti in  
 Sicilia antea captum Archipiratae: qui non securi per-  
 cussus sit? unum cedo auctore tui facti: unius profer ex-  
 plum. uiuum tu Archipiratae seruabas: quem per triu-  
 phum credo, quem ante currum tuum duceres. neque



# IN VERREM

enim quicquam erat iam reliquum: nisi ut classe populæ  
 ro. pulcherrima amissa, provinciaq; lacerata, triumphus  
 naualis tibi decerneretur. Age porro, custodiri ducem  
 prædonum nouo more, quàm securi feriri omnium ex-  
 emplo magis placuit. quæ sunt istæ custodiæ? apud quos  
 homines? quemadmodum est asseruatus? Lautumnas Sy-  
 racusanas omnes audistis: pleriq; nostis. opus est ingens,  
 magnificum, regum, ac tyrannorum: totum est, ex saxo,  
 in mirandam altitudinem depressum, & multorum  
 operis penitus excisum. nihil tam clausum ad exitus,  
 nihil tam septum undiq; nihil tam tutum ad custodias  
 nec fieri, nec cogitari potest. in has Lautumnas, si qui  
 publice custodiendi sunt: etiam ex cæteris oppidis Sici-  
 liæ deduci imperantur. Eò quod multos captiuos ciues  
 romanos coniecerat: et quod eodem cæteros piratas con-  
 trudi imperarat: intellexit, si hunc subditiuum Archi-  
 piratam in eandem custodiam dedisset: fore ut à multis  
 illis in Lautumnijs uerus ille dux quæreretur. itaq; homi-  
 nem huic optime, tutissimæq; custodiæ non audet com-  
 mittere. deniq; Syracusas totas timet. amādat hominem.  
 quo? Lilybeum fortasse. uideo: tamē homines maritimos  
 non planè reformidat. minime Iudices. Panormum  
 igitur? audio: quanquam Syracusis, quoniam in Syra-  
 cusano captus erat: maxime si minus supplicio affici, at  
 custodiri oportebat. ne Panormum quidem. quid igitur?  
 quo putatis? ad homines à Piratarum metu, &  
 suspitione alienissimos, à nauigando, rebusq; mariti-  
 timis remotissimos, ad Centuripinos, homines maxime  
 mediterraneos, summos aratores: qui nomen nunquam  
 timuissent maritimi prædonis: unum te prætore horruis-  
 sent Apronium terrestrem Archipiratam. Et ut quiuis



facile perspiceret: id ab isto actum esse: ut ille suppositus facile et libèter se illum qui non erat: esse simularet: imperat Centuripinis: ut is uictu, cæterisq; rebus quamlibet alissime commodissimeq; habeatur. Interea Syracusani homines periti, et humani, qui non modo ea, quæ perspicua essent: uidere, uerum etiam occulta suspicari possent: habebant rationem omnes quotidie piratarum: qui securi ferirentur: quàm multos esse oporteret, ex ipso nauigio, quod erat factum sex remorum numero coniecebant. Iste quod omnes, qui artificij aliquid habuerant, aut formæ: remouerat: atq; abduxerat: reliquos si ut consuetudo est, uniuersos ad palum alligasset: clamorē populi fore suspicabatur: cum tãto plures abducti essent: quàm relictī. propter hanc causam cum instituisset alios alio tempore producere: tamen in tanto conuentu nemo erat, quin rationem numerumq; haberet: & reliquos, non desideraret solum: sed etiam posceret: & flagitaret. cum maximus numerus deesset: tum iste homo nefarius in eorum locum, quos domum suam de piratis abduxerat: substituere, & supponere cœpit ciues romanos: quos in carcerē antea coniecerat, quorum alios Sertorianos milites fuisse insinulabat: & ex hispania fugientes ad Siciliam appulsos esse dicebat: alios qui à prædonibus erat capti, cum mercaturas facerent: ut aliquam ob causam nauigarent, sua uoluntate cum piratis fuisse arguebat. Itaq; alij ciues Ro. ne cognoscerentur: capitibus obuolutis e' carcere ad palum atq; ad necem rapiebantur. alij cum à multis ciuibus Ro. recognoscerentur: ab omnibus defenderentur: securi feriebantur. quorum ego de acerbissima morte, crudelissimoq; cruciatu dicam: cum eū locū tractare cœpero: et ita dicam: ut si me in ea querē



# IN VERREM

monia quam sum habiturus de istius crudelitate, & de  
cuius Ro. indignissima morte: non modo vires, uerum  
etiam uita deficiat: id mihi præclarum, & incundum  
putem. Hæc igitur est gesta res: hæc uictoria præclara:  
myoparone piratico capto, dux liberatus: symphoniaci  
Romam missi: formosi homines, & adolescentes, & arti-  
fices domum abducti: in eorum locum, & ad eorum nu-  
merum ciues Ro. hostilem in modum cruciati: & neca-  
ti: omnis uestis ablata: omne aurum, & argentum, & ab-  
latum, & auersum. At quemadmodum ipse sese induit  
priori actione? qui tot dies tacuisset: repente in M. Annij  
hominis splendidissimi testimonio, cum is ciues Ro. dixis-  
set, & Archipiratam negasset, securi esse percussum: exi-  
luit conscientia sceleris, & furore ex maleficijs concepto,  
exaltatus: dixit se, quod sciret sibi crimini datum iri pe-  
cuniam accepisse: neq; de uero Archipirata sumpsisse sup-  
plicium: ideo securi non percussisse: domi esse apud sese  
archipiratas dixit duos. O' clementiam populi romani,  
seu potius patientiam miram, ac singularem. cuem Ro.  
securi esse percussum Annij eques Ro. dicit. taces. Archi-  
piratam negat. fateris. fit in eo gemitus omnium, & cla-  
mor. cum tamen à præsentis supplicio tuo se continuit po-  
pulus romanus: & repressit: & salutis tuæ rationem iu-  
dicum seueritati reseruauit. qui sciebas tibi crimini da-  
tum iri? quamobrem sciebas? quamobrem etiam suspi-  
care? inimicum habebas neminem. si haberes: tamen nõ  
ita uixeras ut metum iudicij propositum habere debe-  
res. an te, id quod fieri solet: conscientia timidum, suspi-  
ciosumq; faciebat? qui igitur cum esses in imperio iam  
tum iudicium, & crimen horrebas: is cum tot testibus co-  
arguare: potes de damnatione dubitare? Verum si cri-



men hoc metuebas: ne quis abs te suppositum esse diceret: qui pro archipirata securi feriretur: utrum tandem tibi ad defensionem firmitus esse putasti? iudicium coactum, atque efflagitatum? co' producere: ad ignotos tanto post eum, quem archipiratam esse diceres? an recenti re, Syracusis apud notos, inspectante Sicilia penè tota, securi ferire? uide quid intersit, utrum faciendum fuerit. in illo reprehensio nulla esse potuit. hic defensio nulla est. itaque illud semper omnes fecerunt: hoc quis ante te, quis præter te fecerit, quero. Piratam uiuum tenuisti. quem ad finem? dum cum imperio fuisti? quamobrem? quam ob causam? quo exemplo? cur tam diu? cur inquam, ciuibus romanis, quos piratæ coeperant: securi statim percussis, ipsis piratis lucas usuram tam diuturnam dedisti? uerum esto: sit tibi illud liberum omne tempus: quod cum imperio fuisti. etiam ne priuatus? etiã ne reus? etiam ne penè damnatus, hostium duces priuata in domo retinuisti? vnum, alterum mensem, prope annum, deniq; domi tuæ piratæ, a quo tempore capti sunt: quoad per me licitum est: fuerunt: hoc est quoad per M. Acilium Glabionem licitum est: qui postulat te me, produci, atq; in carcerem condi imperauit. quod est huiusce rei ius? quæ consuetudo? quod exemplum? hostem acerrimum, atq; infestissimum populi Ro. seu potius communem hostem gentium, nationumq; omnium quisquam omnium mortalium priuatus intra moenia domus suæ retinere poterit? qui, si pridie, quàm a me tu coactus es confiteri, ciuibus Ro. securi percussis, prædonum ducem uiuere: apud te habitare: si inquam pridie domo tua profuisset: si aliquam manum contra populum Ro. facere potuisset: quid diceres? apud me habitauit: me-



# IN VERREM

cum fuit: ego illum ad iudicium meum, quo facilius crimen inimicorum diluere possem: uiuum, atq; incolumē reſeruauī. ita ne uero? tu tua pericula communi periculo defendes? tu ſupplicia, quæ debentur hoſtibus uictis: ad tuum non ad populi R. tempus conferes? populi R. hoſtis priuatis cuſtodijs aſſeruabitur? At etiā qui triumphant: eoq; diutius uiuos hoſtium duces ſeruant: ut his per triumphum ductis, pulcherrimum ſpectaculum fructumq; uictoriæ populus R. præcipere poſſit: tamen cū de foro in Capitolium currum ſlectere incipiunt: illos duca in carcerem iubent: idemq; dies & uictoribus imperij: & uictis uitæ finem facit. Et nunc credo eſſe dubium: quin tu id commiſſurus non fueris: præſertim cū ſtatuiffes, ut ais, tibi cauſam eſſe dicendam: ut ille archipirata non potius ſecuri feriretur: quàm quod erat ante oculos poſitum: tuo periculo uiueret. Si enim eſſet mortuus: tu qui crimen ais te metuiffe: quæro cui probares? cum conſtaret iſtum Syracuſis ab nullo uiſum eſſe archipiratam: ab omnibus deſideratum? Cum dubitaret nemo: quin abſte pecunia liberatus eſſet: cum uulgo loquerentur ſuppoſitum in eius locum, quem pro illo probare uelles: cum tu te faſſus eſſes, te id crimen tanto ante metuiffe: ſi eum diceres eſſe mortuum: quis te audiret? nunc cum uiuum iſtum neſcio quem produces: tamen te derideri uides. quid ſi auſugiffet? ſi uinclâ rupiſſet? ita ut in eo ille nobiliſſimus pirata fugit: quem P. Seruilius, qua felicitate cœperat: eadem recuperauit. quid diceres? uerum hoc erat: ſi ille ſemel uerus archipirata ſecuri percuffus eſſet: pecuniam illam nō haberes. ſi hic falſus eſſet mortuus: aut profuſugiffet: non eſſet difficile alium in ſuppoſiti locum ſuppo-



nere. Plura dixi, quam uolui, de illo archipirata: Et tamen ea quæ certissima sunt huius criminis argumenta prætermisi. uolo enim mihi totum esse crimen hoc integrum. est certus locus: certa lex: certum tribunal: quo hoc reſeruetur. Hac tanta præda auctus, manapijs, argento, ueste locupletatus, nihilo diligentior ad classem ornandam, milites reuocandos, alendosq; esse cœpit: cum ea res, non solum provincie saluti, uerum etiam ipsi prædæ esse posset. Nam æstate summa, quo tempore cæteri prætores obire provinciam, Et concurrere consueuerunt: aut etiam in tanto prædonum metu, Et periculo ipsi nauigare: eo tempore ad luxuriam, libidinesq; suas domo sua regia quæ Regis Hieronis fuit: qua prætores uti solent: contentus non fuit. tabernacula, quæ admodum consueuerat temporibus æstiuis: quod antea iam demonstraui: carbasis intenta uelis collocari iussit in litore: quod est litus in insula Syracusis post Archusæ fontem, propter ipsum introitum atq; hostium portus, ameno sanè, Et arbitris remoto loco. Hic dies æstiuos sexaginta Prætor populi romani, custos, defensorq; provincie sic uixit: ut muliebria quotidie conuiuia essent: uir acumberet nemo, præter ipsum, Et prætextatum filium. tametsi recte sine exceptione dixeram: uirum, cum isti essent: neminem fuisse. nonnunquam et libertus Timarchides adhibebatur. mulieres aut nupte, nobiles, præter unā mimi Isidori filiam: quā iste propter amorem ab Rhodio tibicine abduxerat: Pippa quædam, uxor Aescrionis Syracusani: de qua muliere plurimi uersus, qui in istius cupiditate facti sunt: tota Sicilia pœlebratur. Erat Nice facie eximia, ut prædicatur: uxor Cleomenis Syracusani. hanc Cleomenes uir amabat:



# IN VERREM

ueruntamen huius libidini aduersari nec poterat: nec  
audebat: & simul ab isto donis, beneficijsq; plurimis  
deuinciebatur. illo autem tempore iste, tamen si ea est ho-  
minis impudentia: quam nostis: ipse tamen cum uir esset  
Syracusis: uxorem eius parum poterat animo soluto,  
ac libero tot in acta dies secum habere. itaq; excogi-  
tat rem singularem. naues, quibus Legatus praesuerat:  
Cleomeni tradidit. Classi populi Ro. Cleomenem Sy-  
racusanum praesse iubet, atq; imperat. hoc eo facit:  
ut ille non solum abesset a domo, tum cum nauigaret:  
sed etiam libenter cum magno honore, beneficioq; abes-  
set. Ipse autem remoto atq; ablegato uiro non liberius  
quam ante: quis enim unquam istius libidini obstitit?  
sed paulo solutiore tamen animo secum illam haberet: si  
non tanquam uirum, at tanquam aemulum remouisset.  
Accipit nauem sociorum atq; amicorum Cleomenes Sy-  
racusanus. Quid primum aut accuset: aut quaerat Iu-  
dices? Siculo ne homini legati, quaestoris, populi R. deniq;  
potestatem, honorem, auctoritatem dari? si te impedi-  
bat ista conuiuiorum, mulierumq; occupatio: ubi qua-  
estores? ubi legati? ubi ternis denarijs aestimatum frumen-  
tum? ubi muli? ubi tabernacula? ubi tot tantaq; ornamen-  
ta magistratibus, & legatis senatu populoq; romano p-  
missa, & data? deniq; ubi praefecti, & tribuni tui? si ci-  
uis Ro. dignus isto negotio nemo fuit: quid ciuitates quae  
in amicitia fideq; populi R. perpetuo manserant? ubi Se-  
gestana? ubi Centuripina ciuitas? quae tum officijs, fide,  
uetustate, tum etiam cognatione populi R. nomen attin-  
gunt? O dij immortales. quid si harum ipsarum ciui-  
tatum militibus, nauibus, Nauarchis Syracusanus Cleo-  
menes iussus est imperare? non omnis honos ab isto di-



gnitatis, æquitatis, officijq; sublatus est. Ecquod in Sicilia bellum gessimus? quin centuripinis socijs, Syracusanis hostibus uteremur? atq; hæc omnia ad memoriam uetustatis, nõ ad contumeliam ciuitatis referri uolo. itaq; ille uir clarissimus, summusq; Imperator, M. Marcellus, cuius uirtute captæ, misericordia conseruatæ sunt Syracusæ: habitare in ea parte urbis, quæ insula est: Syracusanum neminem uoluit. hodie inquam Syracusanum in ea parte habitare non licet. est enim locus, quem uel pauci possunt defendere. committere igitur eum non fidelissimis hominibus noluit. simul quod ab illa parte urbis nauibus aditus ex alto est. quamobrem qui nostros exercitus sæpe excluderant: ipsi claustra loci commitenda non existimauit. Vide quid intersit inter tuam libidinem, maiorumq; authoritatem: inter amorem, furemque tuum, & illorum consilium, atq; prudentiam. illi aditum litoris Syracusanis ademerunt. tu maritimum imperium concessisti. illi habitari in eo loco Syracusanum, quo naues accedere possent: noluerunt. tu classi, & nauibus Syracusanum præesse uoluisti. quibus illi urbis suæ partem ademerunt: ipsi tu nostri imperij partem dedisti: & quorum sociorum opera Syracusani nobis dicto audientes sunt: eos Syracusanis dicto audientes esse iussisti. Egreditur Centuripina quadrigem Cleomenes e portu: sequitur Segestana nanis, Tindaritana, Herbitensis, Heracliensis, Apolloniensis, Haluntina, præclara classis in specie, sed inops, & infirma propter dimissionem propugnatorum, atq; remigum. tandem in imperio suo classem iste prætor diligens uidit: quæ diu conuiuium eius flagitiosissimum præteruecta est. ipse autem qui uisus multis diebus non esset: tum se tamen in



IN VERREM

conspicuum nautis paulisper dedit. stetit soleatus Prætor populi R. cum pallio purpureo, tunicaq; talari, muliercula nixus in litore. iam hoc ipso istum uestitu Sicili, civesq; romani permulti sæpe uiderunt. Posteaquam paulum prouecta classis est: Et Pachinum quinto die deniq; appulsa est: nautæ fame coacti, radices palmarum agrestium, quarum erat in illis locis, sicut in magna parte Siciliae, multitudo colligebant: Et his miseri, perditiq; alebantur. Cleomenes autem, qui alterum se Verrem cum luxuria, atq; nequitia, tum etiam imperio putaret: similiter totos dies, in litore tabernaculo posito, perpotabat. Ecce autem repente ebrio Cleomene, esurientibus cæteris, nunciatur piratarum naues esse in portu Edissæ. nam ita is locus nominatur. nostra autem classis erat in portu Pachini. Cleomenes autem, quod erat terrestre præsidium non re, sed nomine: sperabat ijs militibus, quos ex eo loco deduxisset: exple-re se numerum nautarum, Et remigum posse. reperta est eadem istius hominis auarissimi ratio in præsidys, quæ in classibus. nam erant perpauca reliqui: cæteri q; dimissi. princeps Cleomenes in quadriremi Centuripina malum erigi: uela fieri: præadi anchoras imperauit: Et simul, ut se cæteri sequerentur: signum dari iussit. hæc Centuripina nauis erat incredibili celeritate uelis. nam scire isto prætore nemo poterat, quid quæq; nauis remis facere posset. Et si in hac quadriremi propter honorem, Et gratiam Cleomenis minime multi remiges, Et milites deerant. Euolarat iam e conspectu ferè fugiens quadriremus: cum etiam nunc cæteræ naues suo in loco moliebantur. Erat animus in reliquis. quanquam erant pauca: quoquo modo sese res hæ



bebat: pugnare tamen se uelle clamabant: & quod reliquum uitæ, uiriumq; fames fecerat: id ferro potissimū reddere uolebant. Quod si Cleomenes non tanto ante fugisset: erat enim sola illa naui constrata, & ita magna: ut propugnaculo cæteris posset esse: quæ, si in prædonum pugna uersaretur: urbis instar habere inter illos piraticos myoparones uideretur. sed tunc inopes relictī à duce, præfectoq; classis, eundem necessario cursum tenere coeperunt. Pelorum uersus, ut ipse Cleomenes: ita cæteri nauigabant. neq; ita tamen prædonum fugiebant impetum: quàm Imperatorem sequebantur. Tum ut quisq; in fuga postremus, ita periculo princeps erat. postremam enim quāq; nauē piratæ primam adoriebantur. ita prima Haluntinorum naui capitur: cui præerat Haluntinus homo nobilis Philarcus: quem ab illis prædonibus Locrenses postea publice redemerunt. ex quo uos priore actione iurato, rem omnem causamq; cognostis. deinde Apolloniensis naui capitur: & eius præfectus Anthropinus occiditur. Dum hæc aguntur: interea Cleomenes iam ad Pelori litus peruenerat: iam sese in terra è naui eiecerat: quadrirememq; in solo fluctuantem reliquerat. reliqui Præfecti nauium, cum in terram Imperator exisset: cum ipsi neq; repugnare, neq; mari effugere ullo modo possent: appulsis ad Pelorum nauibus Cleomenem persecuti sunt. Tunc prædonum dux Heracleo, repente, præter spem, non sua uirtute, sed istius auaricia, nequitiaq; uictor, classē pulcherrimā populi Ro. in litus expulsam, & eiectam, cum primum aduerspersceret: inflammari, incendiq; iussit. O' tempus miserū, atq; acerbū provincie Sicilie. O' casum illum multis



## IN VERREM

innocentibus calamitosum, atq; funestum. O' istius nequitiam, ac turpitudinem singularem. una atq; eadem nox erat: qua prætor amoris turpissimi flamma, ac classis populi romani prædonum incendio conflagrabat. Affertur nocte intempesta grauis huiusce mali nuntius syracusis: curritur ad Prætorium: quo istum è conuiuio illo præclaro reduxerant paulo ante mulieres cum cantu, atq; symphonia. Cleomenes, quanquam nox erat: tamen in publico esse non audet: includit se domi: neque aderat uxor: quæ consolari hominem in malis posset. Huius autem præclari Imperatoris ita erat seuera domi disciplina: ut in re tanta, in tam graui, nuntius nemo admitteretur: nemo esset: qui auderet aut dormientiẽ excitare: aut interpellare uigilantem. Iam uero re ab omnibus cognita, concursabat urbe tota maxima multitudo. non enim, sicut antea consuetudo erat: prædonum aduentum significabat ignis è specula sublatus, aut tumulto: sed flamma ex ipso incendio nauium & calamitatem acceptam, & periculum reliquum nuntiabat. Cum prætor quæreretur: & constaret ei neminem nuntiasse: fit ad domum eius cum clamore concursus, atq; impetus. Tum iste excitatus exit: audit rem omnem ex Timarchide: sagum sumit. lucebat iam ferè: procedit in medium uini, somni, stupri plenus. Excipit ab omnibus eiusmodi clamorem: ut ei lampsaceni periculi similitudo uersaretur ante oculos. hoc etiam maius hoc uidebatur: quod in odio simili, multitudo hominum hæc erat maxima. tum istius acta commemorabantur: tum flagitiosa illa conuiuia: tum appellabantur à multitudine mulieres nominatim: tum quærebatur ex ipso palam, tot dies continuos, per quos nunquam



uisus esset: quid egisset? tum imperio ab isto præpositus Cleomenes flagitabatur: neque quicquam propius est factum: quam ut illud uticense exemplum de Adriano transferretur Syracusas: ut duo sepulchra duorum Prætorum improborum, duabusq; in prouincijs constituerentur. uerum habita est à multitudineratio temporis: habita est tumultus: habita etiam dignitatis, existimationisq; communis: quod is est conuentus Syracusis Ciuum Romanorum: ut non modo illa prouincia, uerum etiam hac Re P. dignissimus existimetur. Cõfirmant ipsi se: cum is etiam tum semisomnus stupeat. arma capiunt: totum forum, atq; insulam, quæ est urbis magna pars: complent. Vnam illam solam noctem prædones ad Pelorum commorati, cum fumantes etiam nostras naues reliqissent: accedere incipiunt ad Syracusas. cū uidelicet sæpe audissent: nihil esse pulchrius, q̃ Syracusarū mœnia, ac portus: statuerant sese, si ea Verre prætore non uidissent: nunquā esse uisuros. ac primo ad illa æstua Prætoris accedunt: ipsam illā ad partem litoris, ubi iste per eos dies tabernaculis positis castra luxuriæ collocarat. quem posteaquam inanem locum offenderūt: et Prætorem commouisse ex eo loco castra senserunt: statim sine ullo metu in portum ipsum penetrare cœperūt. cum in portum dico Iudices (explanandum est enim diligentius, eorum cūsa qui locum ignorant) in urbē dico, atq; in urbis intimam partem uenisse piratas. nō enim portus illud oppidū clauditur: sed urbe portus ipse cingitur: et concluditur: nō ut alluantur à mari mœnia extrema: sed influat in urbis sinum portus. Hic te prætore Heracleo Archipirata cū quatuor myoparonibus paruis ad arbitrium suum nauigauit. Pro' dij immortales: pi-



*Huius insulae forme sententia quanta consuetudo sit. Tertio ab urbe  
condita orationem habuit, cum Equi et Volsci iniquissimi Romanorum ad-  
fuerint ad maria ipsa. Romae p.* **IN VERREM** *palabundi accessissent*

raticus myoparo, cum imperium Populi Romani, no-  
men, ac fasces essent Syracusis: usq; ad forum, & ad o-  
mnes urbis crepidines accessit: quo neq; Carthaginen-  
sium gloriosissimae classes, cum mari plurimum poterat:  
multis bellis saepe conatae, unquam aspirare potuerunt:  
neq; populi Ro. inuicta ante praetorem te gloria illa na-  
ualis unquam tot punicis, scaliensibusq; bellis penetra-  
re potuit: qui locus eiusmodi est: ut ante Syracusani in-  
moenibus suis, in urbe, in foro hostem armatum, ac ui-  
ctorem, quam in portu ullam hostium nauem uiderent.  
hic te praetore praedonum nauiculae peruagatae sunt: quo  
Atheniensium classis sola post hominum memoriam  
CCC nauibus ui, ac multitudine inuasit: quae in co-  
ipso portu, loci ipsius, portusq; natura uicta, atq; supera-  
ta est. hic primum opes ipsius ciuitatis uictae, commi-  
natae, depressaeq; sunt: in hoc portu Atheniensium  
nobilitatis, imperij, gloriae naufragium factum existi-  
matur. conne pirata penetravit: quo simul atq; adesset: no-  
modo a latere, sed etiam a tergo magnam partem ur-  
bis relinqueret. Insula totam praeteruectus est: quae est  
urbis magna pars Syracusis suo nomine ac moeni-  
bus. quo in loco maiores (ut ante dixi) Syracusanum  
quenquam habitare uetuerunt. quod qui illam partem  
urbis tenuerint: in eorum potestatem portum futurum  
intelligebant. At quemadmodum peruagatus? radices  
palmarum agrestium, quas in nostris nauibus inueno-  
rat: iaciebat: ut omnes istius improbitatem, & calami-  
tatem Siciliae possent cognoscere. Siculos ne milites? ara-  
torum ne liberos? quorum patres tantum labore suo frui  
menti exarabant: ut populo R. toti q; Italiae suppedita-  
re possent: eos ne in insula Cereris natos, ubi primum

fructus  
maior  
runt.  
dones  
serui  
puli  
ratia  
R. m  
inert  
stea q  
tate ex  
illius a  
tare: r  
dimissi  
re tot  
nia, et  
tio, at  
suis c  
illo m  
rant.  
esse. re  
certite  
agi na  
a. Nat  
los re  
mugum  
Quod  
re cog  
te, qu  
dicere  
nam



fruges inuenta esse dicuntur: eo cibo esse usos: a quo maiores eorum ceteros quoque frugibus inuentis remouerunt. Te praetore Siculi milites palmarum stirpibus: praedones Siculo frumento alebantur. O spectaculum miserum, atque acerbum: ludibrio esse urbis gloriam, populi R. nomen: hominum conuentu, atque multitudine piratico myparone, in portu syracusano de classe populi R. triumphum agere piratam: cum Praetoris nequissimi, inertissimique oculos praedonum remi respergerent. Postea quam portu piratae non metu aliquo affecti, sed satietate exierant: tum coeperunt quaerere homines causam illius tantae calamitatis: dicere omnes, et palam disputare: minime esse mirandum: si militibus, remigibusque dimissis, reliquis egestate, et fame perditis, praetore tot dies cum mulierculis perpotante, tanta ignominia, et calamitas esset accepta. haec autem istius uituperatio, atque infamia confirmabatur eorum sermone: qui a suis ciuitatibus illis nauibus praepositi fuerant: qui ex illo numero reliqui, Syracusas classe amissa refugerant. dicebant, quos ex sua quisque nauis missos sciret esse. res erat clara: neque solum argumentis sed etiam certis testibus istius audacia tenebatur. homo certior fit: agi nihil in foro, et conuentu toto die: nisi hoc quaerere a Nauarchis: quemadmodum classis esset amissa. illos respondere, et docere unumquemque, missione remigum, fame reliquorum, Cleomenis timore, et fuga. Quod posteaquam iste cognouit: hanc rationem habere coepit. causam sibi dicendam esse statuerat iam ante, quam hoc usu uenerit: ita ut ipsum priore actione dicere audistis. uidebat illis nauarchis testibus, tantum hoc crimen sustinere se nullo modo posse: consti-



# IN VERREM

lium capit primo stultum, ueruntatem clemens: Cleome-  
nem, & Nauarchos ad se uocari iubet. ueniunt. adu-  
sat eos: quod huiusmodi de se sermones habuerint: ro-  
gat: ut id facere desistant: & in sua quisq; naui dicat se  
tantum habuisse nautarum: quantum oportuerit: neque  
quēquā esse dimissum. Illi enim uero, se ostendunt, qđ  
uellet, esse facturos. iste non procrastinat: aduocat ami-  
cos statim: quærit ex his sigillatim, quot quisq; nautas  
habuerit. respondit unusquisq;: ut erat præceptum. iste  
in tabellas refert: obsignat signis amicorum. providens  
homo: ut contra hoc crimen, si quando opus esset: hac ui-  
delicet testificatione uteretur. Derisum credo esse homi-  
nem amentem a suis consiliarijs: & admonitum, ha-  
sæ ei tabellas nihil profuturas. etiā plus ex nimia Præto-  
ris diligentia suspicionis in eo crimine futurum. Etiam  
iste erat hac stultitia multis in rebus usus: ut publi-  
cæ quoq; , quæ uellet in ciuitatum literis, & tolli, &  
referri iuberet. quæ omnia nunc intelligit sibi nihil  
prodesse: postea quam certis literis, testibus, authorita-  
tibusq; conuincatur. ubi hoc uidet: illorum confessionem,  
testificationem suam, tabellas sibi nullo adiumento futu-  
ras: inuit consilium non improbi prætoris. nam id quidē  
esset ferendum: sed importuni, atq; amentis tyranni.  
Statuit, si hoc crimen extenuare uellet (nam omnino  
tollī posse non arbitratur) Nauarchos omnes testes sui  
sceleris uita esse priuandos. Occurrebat illa ratio: quid  
Cleomeni fiet? potero ne animaduvertere in eos: quos  
dicto audientes esse iussi? missum facere eum: cui impe-  
rium potestatemq; permisi? potero ne eos afficere sup-  
plicio: qui Cleomenem secuti sunt? ignoscere Cleo-  
meni: qui secum fugere: & consequi iussit? potero ne in  
eos esse



eos esse uehemens: qui naues inanes non modo habuerunt:  
 sed etiam apertas: in eum dissolutus: qui solus habue-  
 rit constratam nauē, et minus exinanitam: pereat Cleo-  
 menes una. ubi fides? ubi execrationes? ubi dextræ, cō-  
 plexusq;? ubi illud contubernium muliebris militiæ, in  
 illo delicatissimo litore? fieri nullo modo poterat: quin  
 Cleomeni parceretur. Cleomenem uocat: dicit ei, se sta-  
 tuisse animaduertere in omnes Nauarchos: ita sui peri-  
 culi rationes ferre, ac postulare. tibi uni parcam: Et to-  
 tius istius culpæ crimen, uituperationemq; inconstantia,  
 potius suscipiam: quam aut in te sim crudelis: aut tot tam  
 graues testes uiuos, incolumesq; esse patiar. agit gratias  
 Cleomenes: approbat consilium: dicit ita fieri oportere.  
 admonet tamen illud: quod istum fugerat: in Phalar-  
 gum Centuripinum nauarchum non posse animaduer-  
 ti: propterea, quod secum fuisset una in Centuripina  
 quadriremi. quid ergo? iste homo ex eiusmodi ciuitate,  
 adolescens nobilissimus, testis relinquetur? in præsentia  
 inquit Cleomenes: quoniam ita necesse est. sed post ali-  
 quid uidebimus: ne iste nobis obstare possit. Hæc po-  
 steaquam acta, Et constituta sunt: procedit iste repente  
 è prætorio: inflammatus scelere, furore, crudelitate, in  
 forum uenit: Nauarchos uocari iubet. qui nihil metue-  
 rent: nihil suspicarentur: statim accurrunt. iste homini-  
 bus miseris, innocentibusq; iniici cithenas iperat. im-  
 plorare illi fidem populi romani: Et quare id faceret:  
 rogare. tunc iste hoc causæ dicit: quod classem prædo-  
 nibus prodidissent. Fit clamor, Et admiratio populi:  
 tantam esse in homine impudentiam, atque audaciam:  
 ut aut alijs causam calamitatis attribueret: quæ omnis  
 propter auariciam ipsius acidisset: aut, cum ipse prædo

K



# IN VERREM

eum socius putaretur: alijs proditoris crimen inferret. deinde, hoc quintodecimo die crimen esse natum, postq̃ classis esset amissa. Cum hæc fierent: quærebatur ubi esset Cleomenes. non quo illum ipsum, cuiusmodi esset: quisquam supplicio propter illud incommodum dignum putaret. nam qd Cleomenes facere potuit (non enim possum quenkum insimulare falso) quid inquam magnopere potuit Cleomenes facere, istius auaricia nauibus exinanitis? atq; eum uident sedere ad latus prætoris: & ad aurem familiariter, ut solitus erat, insusurrare. tum uero omnibus indignissimū uisum est: homines honestissimos, electos ex suis ciuitatibus, in ferrum, atq; in uincla coniectos: Cleomenem propter flagitiorū, ac turpitudinis societatem familiarissimum esse prætoris. apponitur his tamen accusator Neuius turpio quidam, qui C. Sacerdote prætore, iniuriarum damnatus est: homo bene appositus ad istius audaciam: quē iste in decumis, in rebus capitalibus, in omni calumnia, præcursorem habere solebat, & emissarium. Veniunt Syracusas parentes, propinqui; miserorum adolescentium hoc repentino calamitatis suæ commoti nuncio: uinctos aspiciunt catenis liberos suos: cum istius auariciæ poenam, collo, & ceruicibus suis sustinerent: adsunt: defendunt: proclamant: fidem tuam, quæ nusquam erat: nec unquam fuit: implorant. Pater aderat Dextio Tindaritanus homo nobilissimus, hospes tuus: cuius tu domi fueras: quem hospititem appellaras. eum, cum illa auctoritate, & miseria uideres præditum: non te eius lachrymæ, non senectus, non hospitij ius, atq; nomen a scelere aliquam ad partem humanitatis reuocare potuit. Sed quid ego hospitij iura in hac tam immani bellua commemoro? Qui



Sithenium Thermitanum hospitem suum, cuius domum per hospitium exhausit: & exinanivit: absentem in reos retulerit: causa indicta capite damnari: ab eo nunc hospitiorum iura, atq; officia quæramus? cum homine enim crudeli nobis res est? an cum fera atq; immani bellua? te patris lachrymæ de innocentis filij periculo non movebant? cum patrem domi reliquisses: filium tecum haberes: te neque præsens filius de liberorum charitate, neq; absens pater, de indulgentia patria comonebat? Catheras habebat hospes tuus Aristeus, Dexionis filius. quid ita? prodiderat classem. quod ob præmum? deseruerat exeratum. quid Cleomenes? ignavus fuerat. at eum tu ob uirtutem corona aurea donaras. dimiserat nautas. at ab omnibus tu mercedem missionis acceperas. Alter pater erat Herbitensis Eubulida, homo domi suæ clarus, & nobilis: qui quia Cleomenem in defendendo filio læserat: nudus pene est destitutus. Quid erat autem quod quisquam diceret: aut defenderet? Cleomenem nominare non licet. at causa cogit. moriere si appellaris. nunquam enim iste est cuiquam mediocriter minatus. At remiges non erant. prætorem tu accusas? frange cervicem. Si neq; prætorem, neq; prætoris æmulum appellare licebit: cum in his duobus tota causa sit: quid futurum est? Dicit etiam causam Heraclius Segestanus homo domi suæ summo loco natus. audite, ut uestra humanitas postulat Iudices. audietis enim de magnis incommodis, iniurijsq; sociorum. Hunc scitote fuisse Heraclium in ea causa: qui propter gravem morbum oculorum, tum cum nauigaret: & iussu eius qui potestatem habuit, in comœatu Syracusis remanserit. Iste certe neq; prodidit classem: neque metus



# IN VERREM

perterritus fugit: neque exeratum deseruit. etenim tum  
 esset hoc animaduersum: cum classis Syracusis profici-  
 scebatur. iste in eadem causa fuit: quasi esset in aliquo  
 manifesto scelere deprehensus: in quem ne falso quidem  
 causa conferri criminis potuit. Fuit in illis Nauarchis  
 Heracliensis quidam Furius (nam habent in illi non  
 nulla huiusmodi latina nomina) homo quandiu ui-  
 xit, domi suae, non solum post mortem tota Sicilia cla-  
 rus, & nobilis. in quo homine tantum animi fuit: non  
 solum ut istum libere læderet (nam id quidem, quoni-  
 am moriendum uidebat: sine periculo se facere intelli-  
 gebat) uerum morte proposita cum lachrymans in car-  
 cere mater noctes, diesq; assideret: defensionē causae suae  
 scripsit: quam nunc nemo est in Sicilia, quin habeat: quin  
 legat: quin tui sceleris, & crudelitatis ex illa oratione  
 commonefiat. In qua docet, quot à ciuitate sua nautas  
 acceperit: quot, & quanti quenq; dimiserit: quot secum  
 habuerit. item de cæteris nauibus dicit. quæ cum apud  
 te diceret: uirgis oculi uerberabantur. ille morte propo-  
 sita, facile dolorem corporis patiebatur. clamabat, id  
 quod scriptum reliquit: facinus esse indignum: plus im-  
 pudicissimæ mulieris apud te de Cleomenis salute, quàm  
 de sua uita lachrymas matris ualere. deinde etiam il-  
 lud uideo esse dictum: quod, si recte uos populus Ro. co-  
 gnouit: non falso ille iam in ipsa morte de uobis præ-  
 dicauit. non posse Verrem testes interficiendo, crimina  
 sua extinguere: grauiorem apud sapientes iudices se  
 fore ab inferis testem, quàm si uiuus in iudicium pro-  
 duceretur. tum auariciæ solum, si uiueret: nunc, cum ita  
 esset necatus: sceleris, audaciæ, crudelitatis testem fore.  
 Iam illa præclara: non testium modo caternas, cum



tua res ageretur: sed tum à dijs manibus innocentium  
 poenas, sceleratorumq; furias in tuum iudicium esse uen-  
 turas. sese ideo leuiorem casum suum fingere: quod  
 iam ante aciem securium tuarum, Sextiq; tui carnifi-  
 cis uultum, & manum uidisset: cum in conuentu ciui-  
 um Ro. iussu tuo securi ciues Ro. ferirentur. ne multa  
 Iudices: libertatem quam uos socys dedistis: hac ille in  
 acerbissimo supplicio miserrimæ seruitutis abusus est.  
 Condemnat omnes de consilij sententia: tamen neq; iste  
 in tanta re, tot hominum causa, P. Vectium ad se ac-  
 cersit, quæstorem suum: cuius consilio uteretur: neque  
 P. Ceruium talem uirum Legatum: qui, quia Legatus  
 isto prætore in Sicilia fuit: primus ab isto iudex reie-  
 ctus est prætore sed de latronū, hoc est de comitū suorū  
 sententia condemnat omnes. Hic cuncti Siculi fidelis-  
 simi, atque antiquissimi socij, plurimus affecti benefi-  
 cys à maioribus nostris, grauius commouentur: & de  
 suis periculis, fortunisq; omnibus pertimescunt. Illam  
 clementiam, mansuetudinemq; nostri Imperij in tan-  
 tam crudelitatem, inhumanitatemq; esse conuersam.  
 condemnari tot homines uno tempore nullo crimine? de-  
 fensionem suorum furtorum prætorem improbum ex  
 indignissima morte innocentium quærere? Nihil addi-  
 iam uidetur Iudices ad hanc improbitatem, amentiam,  
 crudelitatemq; posse. & recte nihil uidetur. nam, si cum  
 aliorum improbitate certet: longe omnes multumq; supe-  
 rabit. sed secum ipse certat: id agit: ut semper superius  
 suum facinus nouo scelere uincat. Phalargum Centuri-  
 pinum dixeram exceptum esse à Cleomene: quod in eius  
 quadriremi Cleomenes uectus esset: tamen quia perti-  
 nuerat adolescens: quod eandem suam causam uideret



# IN VERREM

bat esse, quam illorum, qui innocentes peribant: ad ha-  
minem accedit Timarchides: à securi negat esse ei pe-  
riculum: uirgis ne cederetur, monet ut caueret. ne mul-  
ta. ipsum dicere adolescentem audistis: se ob hunc uirga-  
rum metum, pecuniam Timarchidi numerasse. Leuia  
sunt hæc in hoc reo crimina. metum uirgarum Nauar-  
chus nobilissimæ ciuitatis precio redemit. humanum.  
alius ne condemnaretur pecuniam dedit. usitatum est.  
non uult populus Ro. obsoletis criminibus accusari Ver-  
rem: noua postulat: inaudita desiderat: non de præto-  
re Siciliæ, sed de crudelissimo tyranno fieri iudicium  
arbitratur. Includuntur in carcerem condemnati. sup-  
plicium constituitur in illos: sumitur de miseris parenti-  
bus Nauarchorum. adire ad filios suos prohibentur:  
liberis suis cibum, uestitumq; introferre. patres hi, quos  
uidetis, iacebant in limine: matresq; misera pernocta-  
bant ad hostium carceris, ab extremo complexu libe-  
rum exclusæ: quæ nihil aliud orabant: nisi ut filio-  
rum extremum spiritum exapere sibi liceret. Aderat  
ianitor carceris, carnifex prætoris, mors, terrorq; socio-  
rum, & ciuium, licitor Sestius: cui ex omni gemitu, do-  
loreq; certa merces comparabatur. ut adeas: tantum da-  
bis: ut cibum tibi introferre liceat: tantum. nemo recu-  
sabatur. quid ut uno ictu securis asseram mortem filio  
tuo? quid dabis? ne diu crucietur? ne sæpius feriat? ne  
cum sensu doloris aliquo, aut cruciatus spiritus aufe-  
ratur? Etiam ob hanc causam pecunia licitori dabatur.  
O' magnum atq; intolerandum dolorem: O' grauem  
acerbamq; fortunam. non uitam liberum, sed mortis  
celeritatem precio redimere cogebantur parentes. atque  
ipsi etiam adolescentes cum Sestio de eadem plaga, &



de uno illo ictu loquebatur: idq; postremū parētes suos liberi orabant: ut leuandi cruciatus sui gratia pecunia licitori daretur. Multi, & graues dolores inuenti parentibus, & propinquis. multi. ueruntamen mors sit extrema. non erit. est ne aliquid ultra, quo crudelitas progredi possit? reperietur. nam illorum liberi, cum erunt securi percussi, ac necati: corpora feris obijciuntur. hoc si luctuosum est parenti: redimat precio sepeliendi potestatem. Onasum Segestanum hominem nobilem dicere audistis: se ob sepulturam Heraclij Nauarchi pecuniam Timarchidi dinumerasse: hoc ne possis dicere. patres enim ueniunt amissis filiis irati: uir primarius, homo nobilissimus, dicit: neque de filio dicat. Iam hoc quis tum fuit Syracusis qui non audierit? quin sciat? has per Timarchidem pactiones sepulture cum uiuis etiam illis esse factas. non palam cum Timarchide loquebantur? non omnes hominum propinqui adhibebantur? non palam uiuorum funera locabantur? Quibus rebus omnibus actis, atque decessis, producuntur e carcere: & deligantur ad palum. Quis tam fuit illo tempore durus, & ferreus? quis tam inhumanus? prater unum te: qui non illorum ætate, nobilitate, miseria commoueretur? ecquis fuit, quin lachrymaretur? quin ita calamitatem putaret illorum: ut fortunam tamen non alienam, periculum autem commune agi arbitraretur? Feriuntur securi. letaris tu in omnium gemitu: & triumphas: testes auaricie tue gaudes esse sublato. Errabas Verres: & uehementer errabas: cum te maculas furtorum, & flagitiorum tuorum, sociorū innocentium sanguine lueres arbitrare: præceptis amentia ferebare: q te existima-



# IN VERREM

res auariciae uulnera crudelitatis remedijs posse sanare. etenim, quanquam illi sunt mortui sceleris tui testes: tamen propinqui neq; tibi desunt: tamen ex illo ipso numero nauarchorum aliqui uiuunt: & adsunt: quos ui mihi uidetur ab illorum innocentium poena fortuna ad hanc causam reseruauit. Adest Philarchus Haluntinus: qui quia cum Cleomene non nauigauit: oppressus à prædonibus, & captus est: cui calamitas saluti fuit: q; nisi captus à piratis esset: in hunc prædonem sociorum incidisset. dicet is pro testimonio de missione nautarum, de fame, de Cleomenis fuga. Adest Centuripinus Phalargus in amplissima ciuitate, amplissimo loco natus. eadem dicit: nulla in re discrepat. Per deos immortales Iudices quo tandem animo feretis? aut hæc quemadmodum auditis? Vtrum ego desipio: et plusquam satis opus est, doleo in tanta calamitate, miseriâq; sociorum? an uos quoq; hic acerbissimus innocentium cruciatus, et moeror pari sensu doloris afficit? ego enim cum Herbitensem, cum Heracliensem securi esse percussum dico: uersatur mihi ante oculos indignitas calamitatis. eorum ne populorum ciues, eorum ne agrorum colonos, ex quibus maxima uis frumenti quot annis plebi romanæ illorum operis, ac laboribus quæritur: qui à parentibus spe nostri imperij, nostræq; æquitatis suscepti educatiq; sunt: ad C. Verres nefariam immanitatem, & ad eius securẽ funestam esse seruatos? cum mihi Tindaritani illius uenit in mentem: cum Segestani: tum iura simul ciuitatum, atq; officia considero. quas urbes P. Africanus etiã ornandas esse spolijs hostium arbitratus est: eas C. Verres non solum illis ornamentis, sed etiam uiris nobilissimis nefario scelere priuauit. en quod Tindaritani libenter



prædicent: nos in septemdecim populis Siciliae non eramus: nos semper in omnibus Punici Siciliensibusq; bellis amicitiam fidemq; populi Ro. secuti sumus: à nobis omnia populo Ro. semper et belli adiumenta, et pacis ornamenta administrata sunt. Multum uero hæc his iura profuerunt in istius imperio ac potestate. Vestros quondam nautas contra Carthaginem Scipio duxit. at nunc naues contra prædones penè inanes Cleomenes ducit. Vobiscum Africanus hostium spolia, et præmia laudis communicauit. At nunc per me spoliati naue à prædonibus abducta, ipsi in hostium numero, locoq; ducemini. Quid uero illa Segestanorum non solum literis tradita, neq; commemorata uerbis, sed multis officiis illorum usurpata et comprobata cognatio, quos tandem fructus huiusce necessitudinis in istius imperio tulit? nempe hoc fuit iure Iudices: ut ex sinu patris nobilissimus adolescens, et è complexu matris ereptus innocens filius, carnifici Sextio dederetur. Cui ciuitati maiores nostri maximos agros, atq; optimos concesserunt: quam immunem esse uoluerunt: hæc autem apud te cognationis, fidelitatis, uetustatis, authoritatis, ne hoc quidem iuris obtinuit: ut unius honestissimi, atq; innocentissimi ciuis mortem, et sanguinem deprecaretur. Quo confugient socij? quem implorabunt? qua spe deniq; ut uiuere uelint tenebuntur? si uos eos deseritis? ad Senatum deuenient: qui de Verre supplicium sumat? non est usitatum, non Senatorium. ad populum Ro. confugient? facilis est causa populi. legem enim sociorum causa iussisse, et eius legis custodes, ac uindices præposuisse dicit. Hic locus est igitur unus: quo persugiant: hic portus: hæc arx: hæc ara sociorum: quo quidem nunc non ita confu-



# IN VERREM

giunt: ut antea in suis repetendis rebus solebant. non argentum, non aurum, non uestem, non mancipia repetunt: non ornamenta, quæ ex urbibus, fanisq; crepta sunt. metuunt homines imperiti, ne iam hæc populus Ro. concedat. Et iam fieri uelit. patimur enim iam multos: Et silemus: cum uideamus ad paucos homines omnes omnium nationum pecunias peruenisse. quod eo magis ferre æquo animo atque concedere uidemur: quia nemo istorum dissimulat: nemo laborat, ut obscura sua cupiditas esse uideatur. in urbe nostra pulcherrima atque ornatissima quod signum? quæ tabula picta est? quæ non ab hostibus uictis capta, atque apportata sit? at istorum uillæ sociorum fidelissimorum Et plurimis, Et pulcherrimis spolijs ornatae refertæq; sunt. ubi pecunias exterarum nationum esse arbitramini? quibus nunc omnes egent: cum Athenas, Pergamum, Cylicum, Miletum, Chion, Samon, totam deniq; Asiam, Achaiam, Græciam, Siciliam iam in paucis uillis inclusas esse uideatis. Sed hæc, ut dico, omnia iam socij uestri relinquunt, Et negligunt Iudices: ne publice à populo Ro. spoliarentur, officijs ac fide prouiderunt. paucorum cupiditati, tum cum obsistere non poterant, tamen sufficere aliquo modo poterant. nunc uero iam adempta est non modo resistendi, uerum etiam suppeditandi facultas. Itaq; res suas negligunt: pecunias, quo nomine iudicium hoc appellatur: non petunt: relinquunt: Et negligunt. hoc iam ornatu ad uos confugiunt. aspici- te, aspiciate Iudices squalorem, sordesq; sociorum. est Sthenius hic Thermitanus cum hoc capillo, atq; ueste: domo sua tota expilata, mentionem tuorum furtorum non facit: sese ipsum abs te repetit: nihil amplius. totum



enim tua libidine, & scelere, ex sua patria, in qua multis uirtutibus, & beneficijs floruit princeps sustulisti. Dexio hic, quem uidetis: non quæ publice Tyndari, non quæ priuatim sibi eripuisti: sed unicum miser abs te filium optimum, atq; innocentissimum flagitat. non ex libris æstimatis tuis pecuniam domum, sed ex tua calamitate cineri, atq; ossibus filij sui solatium uult reportare. Hic iam grandis natu Ebulida hoc tantum exacta ætate laboris, itinerisq; suscepit: non ut aliquid ex huius bonis usurparet: sed ut quibus oculis cruentas ceruices filij sui uiderat: isdem te condemnatum uideret. Si per L. Metellum licitum esset Iudices: matres illorum, uxores, sororesq; ueniebant. quarum una, cum ego ad Heracliam noctu accederem: cum omnibus matronis eius ciuitatis, & cum multis facibus mihi obuiam uenit: & ita me suam salutem apellans, te suum carnificem nominans, filij nomen implorans, mihi ad pedes misera iacuit: quasi ego exatire filium eius ab inferis possem. faciebant hoc idem in cæteris ciuitatibus grandes natu matres, & item paruuli liberi miserorum: quorum utrorumq; ætas laborem, & industriam meam, fidem, & misericordiam uestram requirebant. Itaq; ad me Iudices præter cæteras hanc querimoniam Sicilia detulit lachrymis. ego ad hoc non gloria inductus accessi: sed ne falsa damnatio, ne carcer, ne catinæ, ne uerbera, ne seculæ, ne cruciatus sociorum, ne sanguis innocentium, ne deniq; etiam exanguum corpora mortuorum, ne mæror parentum, ac propinquorum magistratibus nostris quæstui posset esse. Hunc ego si metum Siciliae, damnatione istius per uestram fidem, & uirtutem deiecero Iudices: satis offi-



## IN VERREM

cio meo, satis illorum uoluntati, qui a' me hoc petue-  
 runt: factum esse arbitror. quapropter, si quē forte in-  
 ueneris: qui hoc nauale crimen conetur defendere: ista de-  
 fendat: illa communia, quæ ad causam nihil perti-  
 nent prætermittat: me culpam fortunæ assignare: cala-  
 mitatem crimini dare: me amissionem classis obijcere:  
 cum multi uiri fortes in communi, incertoq; periculo bel-  
 li, & terra, & mari sæpe offenderint. Nullam tibi obij-  
 cio fortunam: nihil est, quod cæterorum res minus com-  
 mode gestas proferas: nihil est, quod multorum nau-  
 fragia fortunæ colligas. ego naues inanes fuisse dico: re-  
 miges, nautasq; dimissos: reliquos stirpibus uixisse pal-  
 marum: præfuisse classi populi Ro. Siculum, perpetuo so-  
 cius, atq; amicus Syracusanum: te ipso illo tempore supe-  
 rioribusq; diebus omnibus in litore, cum mulierculis per-  
 potasse dico. harum rerum omnium auctores, testesq; pro-  
 duco. Num tibi insultare in calamitate, num interclude-  
 re per fugium fortunæ, num casus bellicos exprobare,  
 aut obijcere uideor? tametsi solent hi fortunam sibi obij-  
 ci nolle: qui se fortunæ commiserunt: qui in eius pericu-  
 lis sunt ac uarietate uersati. istius quidem calamitatis tua  
 fortuna particeps non fuit. homines enim in prælijs, nō  
 in conuiujs belli fortunam tentare, ac periclitari solēt.  
 in illa autem calamitate non Martem fuisse communem,  
 sed Venerem possumus dicere. quod si fortunam tibi obij-  
 cere non oportet: cur tu fortunæ illorum innocentium ue-  
 niam, ac locum non dedisti? Etiam illud prædicis licet:  
 quod supplicium more maiorum sumpseris: se curiq; per-  
 cusseris: ita'ro a' me in crimen & inuidiam uocari. nō  
 in supplicio crimen meum uertitur: non ego securi nego  
 quenquam feriri debere: non ego metum ex re militari,



*non seueritatem imperij, non poenam flagitij tolli dico oportere: fateor non modo in socios, sed etiam in ciues, militesq; nostros persape esse uere, ac uehementer uindictatum. quare hæc quoq; prætermittas licet. Ego culpam nõ in Nauarchis, sed in te fuisse demonstro: precio milites, remigesq; dimisisse arguo. hoc Nauarchi reliq; dicunt: hoc Netinorum fæderata ciuitas publice dicit: hoc Herbitenses, hoc Amestratini, hoc Ennenses, hoc Agyrinenses, Tindaritani, Locrenses publice dicunt: tuus deniq; testis, tuus Imperator, tuus hospes Cleomenes hoc dicit: sese in terra esse proiectum: uti pachyno, è terrestri præsidio milites colligeret: quos in nauibus collocaret. quod certe non fecisset: si suum numerum naues haberent. ea est enim ratio instructarum nauium, ornatarumq;: ut non modo plures, sed ne singuli quidem possint accedere. dico præterea, illos ipsos reliquos nautas fame, atque inopia rerum omnium confectos fuisse, ac perditos. dico aut omnes extra culpam fuisse: aut si uni attribuenda culpa sit: in eo maximam fuisse: qui optimam nauem, plurimos nautas haberet: summum imperium obtineret. aut si omnes in culpa fuissent: non oportuisse Cleomenem constitui spectatorem illorum mortis, atque cruciatus. dico etiam, in illo supplicio mercedem lachrymarum, mercedem uulneris, atq; plagæ, mercedem funeris, ac sepulturæ constitui nefas fuisse. Quia propter si mihi respondere uoles: hoc dicito. classem instructam, atq; ornata fuisse: nullum propugnatores abfuisse: nullum uacuum tractum esse remum: rem frumentariã esse suppeditatã: mentiri Nauarchos: mentiri & tam graues ciuitates: mentiri etiã Siciliam totam: proditum esse te à Cleome-*



# IN VERREM

ne: qui se dixerit exisse in terram: ut pachyno deduce-  
ret milites: animum illis, non copias defuisse: Cleomenem  
acerrime pugnantem ab his relictum esse, atq; desertum:  
numum ob sepulturam datum nemini. quæ si dices: tene-  
bere. sin alia dices: quæ à me dicta sunt, non refutabis.  
Hic tu etiam dicere audebis? est in Iudiciis ille fami-  
liaris meus: est paternus amicus ille? non ut quisq; maxi-  
me est, qui cum tibi aliquid sit: ita te huiusmodi crimi-  
ne maxime eius pudet? Paternus amicus est. ipse pater si  
iudicaret per deos immortales quid facere posset, cum ti-  
bi hæc diceret? Tu in provincia populi Ro. prætor, cum  
tibi maritimum bellum esset administrandum: Mamer-  
tinis, ex fœdere quam deberent nauem, per triënum re-  
misisti: tibi apud eosdem priuatim nauis oneraria maxi-  
ma publice est ædificata: tu à ciuitatibus pecunias classis  
nomine coegisti: tu precio remiges dimisisti: tu cum nauis  
esset à quæstore, & ab Legato capta prædonum: archi-  
piratam ab omnium oculis remouisti: tu, ciues romani  
qui esse dicerentur: qui à multis cognoscerentur: se curi fe-  
rire potuisti: tu tuam domum piratas abducere: in iudi-  
cium archipiratam domo producere ausus es: tu in pro-  
uincia tam splendida, apud socios fidelissimos, ciues Ro-  
honestissimos, in metu, periculoq; provinciae, dies conti-  
nuos. complures in litore, conuiuijsq; iacuisti: te per eos  
dies nemo domi tuæ conuenire, nemo in foro uidere potu-  
it: tu sociorū, atq; amicorum ad ea conuiuia matres famili-  
as adhibuisti: tu inter eiusmodi mulieres prætextatum tu-  
um filium, nepotem meum, collocauisti: ut ætati maxime  
lubricæ, atq; incertæ exempla nequitiae parētis uita præ-  
beret: tu prætor in provincia cum tunica pallioq; purpu-  
reo uisus es: tu propter amorem libidinemq; tuam, impe-



*rum* nauium Legato populi R. ademisti: Syracusano  
 tradidisti: tui milites in provincia Sicaliae frugibus, fru-  
 mentoq; caruere: tua luxuria, atque auaricia classis po-  
 puli R. capta & incensa est: post Syracusas conditas quæ  
 in portum nunquam hostis accesserat: in eo te prætor  
 primū piratæ nauigauerunt: neq; hæc tot tantaq; dedeco-  
 ra dissimulatione tua, neque obliuione hominum, ac ta-  
 citurnitate, tegere uoluisti: sed etiam nauium præfectos  
 sine ulla causa, de complexu parentum suorum, hospi-  
 tumq; tuorum, ad mortem cruciatumq; rapuisti: neque in  
 parentum luctu, atq; lachrymis, te mei nominis comme-  
 moratio mitigauit: tibi hominum innocentium sanguis  
 non modo uoluptati: sed etiam quæstui fuit. Hæc si tibi  
 tuus parens diceret: posses ab eo ueniam petere? posses  
 ut tibi ignosceret postulare? Satis est factum  
 Siculis: satis officio, ac necessitudini Iudices: satis promissum  
 nostro, ac recepto. reliqua est ea causa Iudices: quæ nō  
 iam recepta, sed innata, neq; delata ad me, sed in anima,  
 sensuq; meo penitus affixa, atq; insita est: quæ non ad so-  
 ciorum salutem, sed ad ciuium romanorum, hoc est ad-  
 uniuscuiusq; nostrum uitā, et sanguinē pertinet. In qua  
 nolite à me, quasi dubium sit aliquid, argumenta Iudi-  
 ces expectare. omnia quæ dicam de supplicio ciuium ro-  
 manorum: sic erunt clara, et illustria: ut ad ea probāda  
 totam Siciliam testem adhibere possim. furor enim quidā  
 sceleris, & audaciæ comes, istius effrenatum animum, im-  
 portunamq; naturam tanta oppressit amentia: ut nunquā  
 dubitaret in conuentu, palam, supplicia, quæ in conui-  
 ctos maleficij seruos constituta sunt: ea i ciues Ro. exprome-  
 re. uirgis quā multos ceciderit: quid ego commemorem?  
 tantum breuissime dico Iudices. nullum fuit omnino isto



## IN VERREM

pratore in hoc genere discrimen. Itaque iam consuetu-  
 dine ad corpora ciuium Ro. etiam sine istius nutu,  
 ferebatur manus ipsa lictoris. Num potes hoc negare  
 Verres? in foro Lilybei, maximo conuentu, C. Seruiliū  
 ciuem romanum, in conuentu Panormitano ueterem ne-  
 gociatorem, ad tribunal, ante pedes tuos, ad terram uir-  
 gis, & uerberibus abiectum? aude hoc primum negare  
 si potes. nemo Lilybei fuit: quin uiderit. nemo in Sicilia:  
 quin audierit. plagis confectum dico a lictoribus tuis  
 ciuem Romanum, ante oculos tuos concidisse. ob quam cau-  
 sam dij immortales? tametsi iniuriam facio communi  
 cause, & iuri ciuitatis. quasi enim possit esse ulla causa:  
 cur hoc cuiq; cui Ro. iure accidat: ita quaero, quae in Ser-  
 uilio causa fuerit. ignoscite in hoc uno Iudices. in cete-  
 ris enim non magno pere causas requiram. Locutus erat  
 liberius de istius improbitate, atq; nequitia. quod isti si-  
 mul ac renunciatum est: hominem iubet Lilybeum uadi-  
 monium Venerio seruo promittere. promittit. Lily-  
 beum uenit. cogere eum coepit: cum ageret nemo: nemo  
 postularer: HS duobus nullibus sponsionem facere cum  
 lictore suo: ni furtis quaestum faceret. Recuperatores de  
 cohorte sua dicit daturum. Seruilius & recusare: & de-  
 precari: ne iniquis iudicibus, nullo aduersario, iudicium  
 capitis in se constitueretur. Haec cum maxime loqueretur:  
 sex lictores circumsistunt ualentissimi, & ad pulsandos,  
 uerberandosq; homines exercitatissimi: caedunt acerrime  
 uirgis: deniq; proximus lictor (de quo saepe iam dixi)  
 Sextius, conuerso bacillo oculos misero tundere uche-  
 mentissime coepit: itaq; illi cum sanguis os, oculosq; com-  
 plesset: concidit: cum illi nihilominus iacenti latera  
 tunderet: ut aliquando spōdere se diceret. sic ille affectus  
 illinc



illinc tum pro mortuo sublatus, breui postea est mortuus.  
 Iste autem homo uenerius, & affluens omni lepore, &  
 uenustate, de bonis illius in æde Veneris argenteum  
 Cupidinem posuit. sic etiam fortunis hominum abuteba-  
 tur ad nocturna uota cupiditatum suarum. Nam quid  
 ego de cæteris ciuium Ro. supplicijs sigillatim potius, q̃  
 generatim, atq; uniuerse loquar? Carcer ille, qui est à  
 crudelissimo tyranno Dionysio factus Syracusis: quæ  
 Lautumæ uocantur: in istius imperio domicilium roma-  
 norum fuit. ut quisq; istius animum, aut oculos offende-  
 rat: in lautumnas statim coniciebatur. Indignum hoc ui-  
 deo uideri omnibus Iudices: & id iam priore actione,  
 cum hæc testes dicerent: intellexi. retineri enim putatis  
 oportere iura libertatis non modo hic, ubi tribuni plebis  
 sunt: ubi cæteri magistratus: ubi plenum forum iudicio-  
 rum: ubi Senatus auctoritas: ubi existimatio populi Ro.  
 & frequentia: sed ubicunq; terrarum, & gentium uio-  
 latum ius ciuium Ro. sit: statuitis id pertinere ad commu-  
 nem causam libertatis, & dignitatis. In externorum  
 hominum, & maleficorum, sceleratorumq; in prædo-  
 num, hostiumq; custodias tu tantum numerum ciuium Ro.  
 includere ausus es? nunquam ne tibi iudicij, nunquam  
 concionis, nunquã huius tantæ frequentiæ, quæ nunc ani-  
 mo te iniquissimo, infestissimoq; intuetur: uenit in men-  
 tem? nunquam tibi populi Ro. absentis dignitas, nunquã  
 species ipsa huiusmodi multitudinis, in oculis, animoq;  
 uersata est? nunquam te in horum conspectum redi-  
 turum, nunquam in forum populi Ro. uenturum, nun-  
 quam sub legum, & iudiciorum potestatem casurum esse  
 putasti? At quæ erat ista libido crudelitatis exercen-  
 dæ? quæ tot scelerum suscipiendorum causa? nulla Iu

L



## IN VERREM

*quæ fortissimè accipimus*  
 dices: præter prædandi novam singularemq; rationem.  
 Nā ut illi, quos à poetis accipimus: qui sinus quosdam  
 obsedisse maritimos, aut aliqua promontoria, aut præris-  
 pta saxa tenuisse dicuntur: ut qui essent appulsi navi-  
 gijs, interficere possent. sic iste in omnia maria infestus,  
 ex omnibus Siciliae partibus imminabat. quæcunq; na-  
 vis ex Asia, quæ ex Syria, quæ Tyro, quæ Alexandria  
 venerat: statim certis indicibus, et custodibus tenebatur:  
 vectores omnes in lautumias conijciebantur: onera, atq;  
 merces in prætoriam domum deferabantur. Versabatur  
 in Sicilia longo intervallo alter, non Dionysius ille, nec  
 Phalaris (tulit enim illa quondā insula multos, et crude-  
 les tyrannos) sed quoddam novum monstrum, ex uete-  
 re illa immanitate: quæ in iisdem locis uersata esse dici-  
 tur. non enim Carybdin tam infestam, neq; Scyllā navi-  
 tis: quā istum in eodem fretō fuisse arbitror. hoc ē iste  
 infestior: quod multo se pluribus, et maioribus canibus  
 succinxerat. Cyclops alter, multo importunior. hic enim  
 totam insulam obtinebat: ille Aetnam solā, et eā Sici-  
 liae partem tenuisse dicitur. At quæ causa tum subicie-  
 batur ab ipso Iudices huius tam nefariæ crudelitatis: ea-  
 dem quæ nunc in defensione commemorabitur. Quicūq;  
 accesserant ad Siciliam paulo pleniores: eos Sertorianos  
 milites esse, atq; à Dianio fugere dicebat. illi ad depre-  
 candum periculum proferebant, alij purpuram Tyriā,  
 thus alij, atq; odores, uestemq; lintheam: gemmas alij, et  
 margaritas: uina nonnulli græca, uenalesq; Asiaticos: ut  
 intelligeretur ex mercibus: quibus locis nauigarent. non  
 intelligebant eas ipsas sibi causas esse periculi: quibus ar-  
 gumentis se ad salutem uti arbitrabatur. iste enim hæc  
 eos ex piratarum societate adeptos esse dicebat: ipsos in



laurumias abduci imperabat: naues eorum, atq; onera  
 diligenter asseruanda curabat. His institutis, cum com-  
 pletus iam mercatorū carcer esset: tum illa fiebant, quæ  
 L. Suetium equitem Ro. lectissimum virū dicere audi-  
 stis: quæ ceteros audietis. ceruices in carcere frange-  
 bantur indignissime ciuium romanorum: ut etiam illa  
 uox, & illa imploratio, ciuis Ro. sum: quæ sæpe multis  
 in ultimis terris opem inter barbaros, & salutem tulit:  
 ea mortem illis acerbiores, & supplicium maturius fer-  
 ret. Quid est Verres? quid ad hæc cogitas respondere?  
 num mentiri me? num fingere aliquid? num augere cri-  
 men? num quid horū dicere istis defensoribus tuis audes?  
 cædo mihi quæso ex ipsius sinu literas Syracusanorū:  
 quas iste ad arbitrium suum confectas esse arbitratur:  
 cædo rationem carceris: quæ diligentissime conficitur:  
 quo quisq; die datus in custodiā, quo mortuus, quo ne-  
 catus sit. LITERAE SYRACVSANO-  
 RVM. Videtis ciues romanos gregatim coniectos in lau-  
 tumias: uidetis indignissimo in loco coacervatam mul-  
 titudinem uestrorum ciuium: quærite nunc uestigia  
 prius: quibus exitus illorum, ex illo loco compareant.  
 nulla sunt. omnes ne mortui? si ita posset defendere: ta-  
 men fides huic defensioni non haberetur. sed scriptum  
 extat in iisdem literis: quod iste homo barbarus, ac dis-  
 solutus neq; attendere unquā, neq; intelligere potuit. *ἰσθὲν*  
*νόστον* inquit: hoc est, ut Siculi loquuntur, supplicio af-  
 fecti, ac necati sunt. Si quis rex, siqua ciuitas extera-  
 rum gentiū, siqua natio fecisset aliqd in ciuē Ro. eiusmo-  
 di: nō ne publice vindicaremus? nō bello psequeremur?  
 possemus hæc iniuriā ignominiaq; nominis romani inul-  
 tam, impunitaq; dimittere? quot bella maiores nostros,



# IN VERREM

Et quanta suscepisse arbitrari: quod ciues Ro. iniu-  
 ria affecti: quod nauicularij retenti: quod mercatores spo-  
 liati dicerentur? at ego retentos non queror: spoliatos fe-  
 rendum puto: nauibus, mancipijs, mercibus ademptis, in  
 uincla coniectos esse mercatores: Et in uinculis ciues Ro.  
 necatos esse, arguo. Si hæc apud Scythas dicerem, non  
 hic in tanta multitudine ciuium romanorū, non apud  
 Senatores lectissimos ciuitatis, non in foro populi Ro. de  
 tot, Et tam acerbis supplicijs ciuium romanorum: ta-  
 men animos etiam barbarorum hominum permouere.  
 tanta enim huius imperij amplitudo, tanta nominis Ro.  
 dignitas est apud omnes nationes: ut ista in nostros ho-  
 mines crudelitas nemini concessa uideatur. Num ego ti-  
 bi ullam salutem, ullum periculum putem? cum te im-  
 plicatum seueritate iudicij, circumretitum frequentia  
 populi Ro. esse uideam? Si mehercules (id quod fieri in-  
 telligo non posse) ex his laqueis te exueris: ac te aliqua  
 ui, ac ratione explicaris: in illas tibi maiores plagas in-  
 cidendum est: in quibus te ab eodem me, superiore ex lo-  
 co confici, Et concidi necesse est. Cui si etiā, id quod de-  
 fendit: uelim concedere: tamen illa ipsa defensio non mi-  
 nus esse ei perniciofa, quā mea uera accusatio debeat.  
 quid enim defendit? ex Hispania fugientes se excepisse:  
 Et supplicio affectos dicit. quis tibi id permisit? quo id  
 iure fecisti? quis idem fecit? qui tibi facere licuit? forum  
 plenum, Et basilicas, istorum hominum uidemus: et ani-  
 mo æquo uidemus. ciuili enim dissensionis, Et siue amen-  
 tiæ, siue fati, seu calamitatis, non est iste molestus exi-  
 tus: in quo reliquos saltem ciues incolumes licet conserua-  
 re. Verres ille uetus proditor Cōsulis, translator Quæ-  
 sturæ, auersor pecuniæ publicæ, tantum sibi authorita-



tis in Rep. suscepit: ut quibus hominibus per Senatum,  
 per populum romanum, per omnes magistratus, in foro,  
 in suffragiis, in hac urbe, in Rep. uersari liceret: ijs o-  
 mnibus mortem acerbam, crudelemq; proponeret: si for-  
 tuna eos ad aliquam partem Siciliae detulisset. ad Cn.  
 Pompeium clarissimum uirum, et fortissimum permul-  
 ti occiso Perpenna ex illo Sertoriano numero militum con-  
 fugerunt. quem non ille summo cum studio saluum, in-  
 columemq; seruauit? cui cui supplici non illa dextera in-  
 uicta & fidem porrexit? & spem salutis ostendit? Ita-  
 ne uero? quibus fuit portus apud eum, contra quem ar-  
 ma tulerunt: ijs apud te, cuius nullum in Rep. unquam  
 monumentum fuit: mors, et cruciatus erat constitutus? ui-  
 de quam commodam defensionem excogitaris. malo me  
 hercules id, quod tu defendis: his iudiciis populoq; ro-  
 mano, quam id, quod ego insimulo: probari. malo in qua  
 te, isti generi hominum, quam mercatoribus, & nauicu-  
 laris inimicum, atq; infestum putari. meum enim cri-  
 men auariciae te nimiae coarguit: tua defensio furoris cu-  
 iusdam, & immanitatis, & inaudita crudelitatis, &  
 pene nouae proscriptionis. Sed non licet me isto tanto bo-  
 no Iudices uti: non licet. adsunt enim Puteoli toti: fre-  
 quentissimi uenerunt ad hoc iudicium mercatores ho-  
 mines locupletes, atq; honesti: qui partim socios suos, par-  
 tim liberos ab isto spoliatos, in uincla coniectos, partim  
 in uinclis necatos, partim securi percussos esse dicent. Hic  
 uide quam me sis usurus aequo: cum ego Granium te-  
 stem produxero: qui suos liberos a te securi percussos  
 esse dicat: qui a te nauem suam, mercesq; repetat: refellito  
 si poteris: meum testem deferam: tibi fauebo: te inquam  
 adiunabo: ostendito illos cum Sertorio fuisse: a Dianio fia-



# IN VERREM

gentes ad Siciliam esse delatos. nihil est quod te malim  
probare. nullum enim facinus, quod maiore supplicio de-  
gnum sit: reperiri, neq; proferri potest. Reducam iterum  
Equitem romanum L. Flavius, si uoles. quoniam prio-  
re actione, ut patroni tui dictitant: noua quadam sapien-  
tia, ut omnes intelligunt: conscientia tua, atq; authorita-  
te meorum testium, testem nullum interrogasti: interro-  
getur Flavius si uoles: qui nam fuerit L. Herennius is:  
quem ille argentariam Lepti fecisse dicit: qui cum am-  
plius centum ciues romanos haberet, ex conuentu Syra-  
cusarum: qui eum non solum cognoscerent: sed etiam  
lachrymantes, ac te implorantes defenderent: tamen a  
te inspectantibus omnibus Syracusanis securi percus-  
sus est. Hunc quoq; testem meum refelli, et illum Heren-  
nium sertorianum fuisse abs te demonstrari, & pro-  
bari uolo. quid de illa multitudine dicemus eorum: qui  
capitibus inuolutis in piratarum, captiuorumq; nume-  
ro producebantur: ut securi ferirentur? quae ista noua  
diligentia? quam ob causam abs te cogitata? an te L.  
Flavius, ceterorumq; de L. Herennio uociferatio commo-  
uebat? an M. Annius grauissimi, atque honestissimi uiri  
summa authoritas paulo ante diligentiorum timidioreq;  
fecerat? qui nuper pro testimonio, non aduenam nescio  
quem, nec alienum, sed eum ciuem romanum, qui omni-  
bus in illo conuentu notus, qui Syracusis natus esset: a te  
securi percussus esse dixit. Post hanc illorum uocifera-  
tionem, post hanc communem famam, atq; querimoniam,  
non mitior in supplicio, sed diligentior esse cepit. capi-  
tibus inuolutis ciues Ro. ad necem producere instituit.  
quos tamen iacirco necabat palam: quod homines in con-  
uentu (id quod antea diximus) nimum diligenter pra-



donum numerū requirebant. Hæc in plebe Ro. te præ-  
 tore est constituta conditio: hæc negotij gerendi spes: hoc  
 capitis, uitæq; discrimen. parum ne multa mercatoribus  
 sunt necessario pericula subeunda fortunæ? nisi etiam  
 hæc formidines ab nostris magistratibus, atq; in nostris  
 prouincijs impendebunt? ad eam ne rem fuit hæc sub  
 urbana, ac fidelis prouincia Sicilia, plena optimorum  
 sociorum, et honestissimorum ciuium romanorū: quæ  
 ciues Ro. omnes suis ipsa sedibus libentissime semper ac-  
 cepit: ut qui ex ultima Syria, atq; Aegypto nauigarent:  
 qui apud barbaros propter togæ nomen in honore ali-  
 quo fuissent: qui ex prædonum insidijs, qui ex tempesta-  
 tum periculis profugissent: in Sicilia securi ferirentur?  
 cum se iam domum uenisse arbitrarentur? Nam quid  
 ego de P. Gaio Consano munice dicam Iudices? aut  
 qua ui uocis, qua grauitate uerborum, quo dolore animi  
 dicam? tametsi dolor me non deficiat. ut cætera mihi in  
 dicendo digna re, digna dolore meo suppetant, magis  
 elaborandum est. quod crimen eiusmodi est: ut, cum pri-  
 mum ad me delatum est: usurum me illo non putarem.  
 tametsi enim uerissimum esse intelligebam: tamen credi-  
 bile fore non arbitrabar. coactus lachrymis omnium  
 ciuium Ro. qui in Sicilia negotiantur: adductus Valē-  
 tinorum hominum honestissimorū testimonijs, omniūq;  
 Rheginorum, multorumq; Equitum Ro. qui casu tum  
 Messanæ fuerunt: dedi tantum priore actione testimo-  
 nium: res ut nemini dubia esse posset. quid nunc agam?  
 cum iā tot horas de uno genere, ac de istius nefaria cru-  
 delitate dicam: cum propè omnem uim uerborum eius-  
 modi, quæ scelere istius digna sunt: alijs in rebus con-  
 sumperim: neq; hoc prouiderim: ut uarietate criminū



# IN VERREM

uos attentos tenerē: quemadmodum de tanta re dicam?  
 opinor unus modus, atq; una ratio est. rem in medio po-  
 nam: quæ tantum habet ipsa gravitatis: ut neque mea,  
 quæ nulla est: neq; cuiusquam, ad inflāmandos uestros  
 animos eloquentia requiratur. Gaius hic, quem dico,  
 Consanus, cum illo numero ab isto in uinacula coniectus  
 esset: & nescio qua ratione, clām ē lautumijs profugisset:  
 Messanamq; uenisset: qui propē iam Italiā, & moenia  
 Rheginorū uideret: & ex illorum metu mortis, ac tene-  
 bris, quasi luce libertatis, et odore aliquo legum recrea-  
 tus, renixisset: loqui Messanæ cœpit: & queri, se in uin-  
 cla esse coniectum: sibi recta iter esse Romam: Verri se  
 præsto aduenienti futurū. non intelligebat miser: nihil  
 interesse, utrū hæc Messanæ, an apud ipsum in prætorio  
 loqueretur. nam, ut ante uos docui: hanc sibi iste urbem  
 delegerat: quā haberet adiutricē scelerum, furtorū rece-  
 pitricem, flagitiorū omniū sociā. Itaq; ad magistratū Ma-  
 mertinū statim deducitur Gaius: coq; ipse die casu Mes-  
 sanam Verres uenit. res ad eum defertur: esse ciuem ro-  
 manum: qui se Syracusis in Lautumijs fuisse querere-  
 tur: quē iam ingredientem nauem, & Verri numis atro-  
 citer minitantem, a se retractum esse: & asseruatum: ut  
 ipse in eum statueret, quod uideretur. Agit hominibus  
 gratias: & eorum erga se beneuolentiā diligentiamq;  
 collaudat. ipse inflammatus scelere, et furore, in forū ue-  
 nit. ardebant oculi: toto ex ore crudelitas eminebat. ex-  
 pectabāt oēs, quo tandē progressurus, aut quidnā actu-  
 rus esset: cū repente hoīem proripi, atq; in foro medio nu-  
 dari, ac deligari, et uirgas expediri iubet. clamabat ille  
 miser, se ciuē esse romanū, municipē Cossanū: meruisse se  
 cū L. Precioso plēdidissimo Equite romano: q; Panormi ne-



gocaretur: ex quo hæc Verres scire posset. tum iste, se cō-  
 perisse ait, eum speculandi causa in Siciliam, ab duci-  
 bus fugitiuorū esse missum. cuius rei neq; index, neq; ue-  
 stigium aliquod, neq; suspicio cuiquam esset ulla. deinde  
 iubet undiq; hominem proripi: uehementissimēq; uerbe-  
 rari. Cedebatur uirgis in medio foro Messanæ cuius ro-  
 manus Iudices: cum interea nullus gemitus, nulla uox  
 alia istius miseri inter dolorem, crepitumq; plagarum  
 audiebatur: nisi hæc: cuius Romanus sum. hac se comme-  
 moratione ciuitatis, omnia uerba depulsurum, crucia-  
 tumq; à corpore deiecturum, arbitrabatur. is non modo  
 hoc non perfecit, ut uirgarū uim deprecaretur: sed cum  
 imploraret sæpius, usurparetq; nomen ciuitatis: crux,  
 crux inquam infelici, et erumno so, qui nunquam istam  
 potestatem uiderat: comparabatur. O' nomen dulce li-  
 bertatis: O' ius exinuum nostræ ciuitatis: O' lex Portia,  
 legesq; Sempronæ: O' grauius desiderata, & aliquā-  
 do reddita plebi romanæ tribunitia potestas: hucine tan-  
 dem omnia reciderunt? ut cuius Ro. in prouincia popu-  
 li romani, in oppido fœderatorum, ab eo, qui beneficio  
 populi ro. fasces, & se cures haberet: deligatus in foro uir-  
 gis cederetur? quid cum ignes, ardentesq; laminae, cæte-  
 riq; cruciatus admouebantur? si te illius acerba implo-  
 ratio, & uox miserabilis, non inhibebat: ne cuiū qui-  
 dem romanorum, qui tum aderant: fletu, & gemitu ma-  
 ximo commouebare? in crucem tu agere ausus es quen-  
 quam: qui se ciuem romanum esse diceret? Nolui tam ue-  
 hementer agere hoc prima actione Iudices: nolui. uidi-  
 stis enim ut animi multitudinis in istum dolorem, & odio,  
 & communis periculi metu conatarentur. statui egomet  
 mihi, tum modum orationi meæ, & C. Numitorio Equi



# IN VERREM

a Ro. primo homini, testi meo: & Glabrionem id quod  
 sapientissime fecit, facere laetatus sum: ut repente consilio  
 in medio testem dimitteret. & enim uerebatur ne po-  
 pulus Ro. ab isto eas poenas ui repetisse uideretur: quas  
 ueritus esset, ne iste legibus, & uestro iudicio non esset  
 persoluturus. Nunc quoniam iam exploratum est omni-  
 bus, quo loco causa tua sit: & quid de te futurum sit: sic  
 tecum agam. Gaium istum, quem repentinum specula-  
 torē fuisse dicis: ostendam in lautumias Syracusis a te es-  
 se coniectum: neq; id solum ex literis ostendam Syra-  
 cusanorum: ne possis dicere me, quia sit aliquis in li-  
 teris Gaius, hoc fingere, & eligere nomen: ui hunc  
 illum esse possim dicere: sed secundum arbitrium tu-  
 um testes dabo: qui istum ipsum Syracusis abs te in lau-  
 tumias coniectum esse dicant. producam etiam Cossanos  
 municipes illius, ac necessarios: qui te nunc sero doce-  
 ant: iudices non sero: illum P. Gaium, quem tu in cru-  
 cem egisti: ciuem Ro. & municipem Cossanum, non spe-  
 culatorem fugitiuorum fuisse. Cum haec omnia, quae pol-  
 liceor: cumulate tuis proximis plana fecero: tum istuc  
 ipsum tenebo: quod abs te mihi datur. eo contentum me es-  
 se dicam. quid enim nuper, tu ipse, cum populi Ro. cla-  
 more, atq; impetu perturbatus exiluisti: quid inquam lo-  
 cutus es? illum, quod moram supplicio quaereret: ideo  
 clamitasse, se esse ciuem romanum. sed speculatorem fuis-  
 se. iam mei testes ueri sunt. quid enim dicit aliud C. Nu-  
 mitorius? quid M. P. Cotij nobilissimi homines, ex agro  
 Tauromunitano? quid Q. Luceius? qui argentariam  
 Rhegi maximam fecit? quid enim caeteri? adhuc enim  
 testes ex eo genere a me sunt dati: non qui nouisse Ga-  
 uium: sed qui se uidisse dicerent: cum is, qui se ciuem

Ro. p.  
 diat.  
 num.  
 ut dub  
 mias: f  
 ferre. h  
 omitto,  
 guletur  
 se suspic  
 oratione  
 in extr  
 ducere  
 manum  
 ros, apu  
 sus, no  
 tis pro  
 ptebas  
 rer: ap  
 tis men  
 Homi  
 ea loca  
 is, qu  
 possum  
 nostros  
 nicalo  
 & fer  
 et sum  
 hanc s  
 spem: t  
 hil eff  
 ne pr



Ro. esse clamaret: in crucem ageretur. hoc tu Verres idē  
 dicis: hoc tu confiteris: illum clamitasse, se ciuem esse roma-  
 num: apud te nomen ciuitatis ne tantum quidē ualuisse:  
 ut dubitationem aliquam crucis, ut crud. lissimū, teterri-  
 mūq; supplicij aliquam paruam moram saltem posset af-  
 ferre. hoc teneo: hic hæreo Iudices: hoc sum cōtentus uno:  
 omitto, ac ne gligo cætera: sua confessione induatur, ac in-  
 guletur necesse est. qui esset, ignorabas? speculatore m es-  
 se suspicabare? non quero qua suspicione: tua te accuso  
 oratione. ciuem Ro. se esse dicebat. si tu apud Persas, aut  
 in extrema India deprehensus Verres, ad supplicium  
 ducerere: quid aliud clamitares: nisi te ciuem esse ro-  
 manum? Et si tibi ignoto, apud ignotos, apud barba-  
 ros, apud homines in extremis, atq; ultimis gentibus po-  
 sitos, nobile, & illustre apud omnes nomen tuæ ciuita-  
 tis profuisset: ille, quisquis erat: quem tu in crucem ra-  
 piebas: qui tibi esset ignotus: cum ciuem se Ro. esse dice-  
 ret: apud te prætorem si nō effugiū, ne moram quidē mor-  
 tis mentione, atq; usurpatione ciuitatis assequi potuit?  
 Homines tenues, obscuro loco nati nauigant: adeunt ad  
 ea loca: quæ nunquam antea uiderunt: ubi neq; noti esse  
 ijs, quo uenerunt: neque semper cum cognitoribus esse  
 possunt. hac una tamen fiducia ciuitatis non modo apud  
 nostros magistratus, qui & legum, & existimationis pe-  
 riculo continentur: neq; apud ciues solum romanos, qui  
 & sermonis, & iuris, & multarum rerum societate iū-  
 ti sunt: fore se tutos arbitrantur: sed, quocunq; uenerint:  
 hanc sibi rem præsidio sperant esse futurum. tolle hanc  
 spem: tolle hoc præsidium ciuibz romanis: constitue ni-  
 hil esse opis in hac uoce: ciuis romanus sum: posse impu-  
 ne prætorem, aut alium quemlibet supplicium, quod ne



# IN VERREM

lit, in eum constituere, qui se ciuem Ro. esse dicat: quod quis ignoret: iam omnes prouincias, iam omnia regna, iam omnes liberas ciuitates, iam omnem orbem terrarum, qui semper nostris hominibus maxime patuit: ciuibus romanis ista defensione præcluseris. Quid si L. Precium Equitem romanum, qui tum in Sicilia: nominabat? etiam ne id magnum fuit? Panormum literas mittere: asservasse hominem: custodis Mamertinorum tuorum uinctum, clausum habuisse: dum Panormo Precius ueniret: cognosceret hominem: aliquid de summo supplicio remitteres: si ignoraret: tum, si ita tibi uideretur: hoc iuris in omnes constitueres: ut, qui neque tibi notus esset: neque cognitorem locum daret: quamuis ciuis Ro. esset: in crucem tolleretur. Sed quid ego plura de Gaudio? quasi tu Gaudio tum fueris infestus: ac non nomini, generi, iuri ciuium hostis: non illi inquam homini, sed causæ communi libertatis inimicus fuisti. quid enim attinuit, cum Mamertini more, atque instituto suo crucem fixissent post urbem, in uia Pompeia: te iubere in ea parte figere: quæ ad fretum spectaret? hoc addere, quod negare nullo modo potes: quod omnibus audientibus dixisti palam: te itaque illum locum deligere: ut ille, qui se ciuem Ro. esse diceret: ex cruce Italiam cernere, ac domum suam prospicere posset. Itaque illa crux sola Iudices post conditam Messanam illo in loco fixa est. Italiae conspectus ad eam rem ab isto delectus est: ut ille in dolore, cruciatuque moriens, pangusto freto diuisa seruitutis, ac libertatis iura cognosceret: Italia autem alumnum suum, seruitutis extremo, summoque supplicio affixum uideret. Facinus est uinciari ciuem romanum: scelus uerberari: prope parricidium necari: quid dicam in crucem tollere? uerbo satis di-



gno tam nefaria res appellari nullo modo potest. non  
 fuit his omnibus iste contentus. spectet inquit patriam:  
 in conspectu legum, libertatisq; moriatur. non tu hoc lo-  
 co Gaium, non unum hominem, nescio quem, ciuem romanum,  
 sed communem libertatis, et ciuitatis causam in illius cru-  
 ciatum, et crucem egisti. Iam uero uidete hominis au-  
 dacia. nonne eum grauiter tulisse arbitramini? quod il-  
 lam ciuibus Ro. crucem, non posset in foro, non in comi-  
 tio, non in rostris defigere? quod enim his locis in provin-  
 cia sua celebritate simillimum, regione proximum, po-  
 tuit: elegit: monumentum sceleris, audaciaeque suae uoluit  
 esse in conspectu Italiae, uestibulo Siciliae, praeteruectio-  
 ne omnium: qui ultro citroque nauigarent. Si haec non ad  
 ciues romanos, non ad aliquos amicos nostrae ciuitatis,  
 non ad eos, qui populi romani nomen audissent: denique,  
 si non ad homines, uerum ad bestias, aut etiam, ut lon-  
 gius progrediar: si in aliqua desertissima solitudine  
 ad saxa, et ad scopulos haec conqueri, et deplorare  
 uellem: tamen omnia muta, atque inanima, tanta, et tam  
 indigna rerum atrocitate commouerentur. nunc uero,  
 cum loquar apud Senatores populi Ro. legum, iudicio-  
 rumque, et iuris authores: timere non debeo: ne non unus  
 iste ciuis Ro. illa cruce dignus, caeteri omnes simili peri-  
 culo indignissimi iudicentur. Paulo ante Iudices lachry-  
 mas in morte misera, atque indignissima Nauarchorum  
 non tenebamus: et recte, ac merito sociorum innocen-  
 tiu miseria commouebamur. quid nunc in nostro san-  
 guine tandem facere debemus? nam ciuium Ro. sanguis  
 coniunctus existimandus est: quoniam id et salutis o-  
 mnium ratio, et ueritas omnium postulat. omnes hoc lo-  
 co ciues Ro. et qui adsunt: et qui ubicunque sunt: uestra



# IN VERREM

seueritatem desiderant: uestram fidem implorant: uestrum auxilium requirunt: omnia sua iura, commoda, auxilia, totam deniq; libertatem, in uestris sententijs uersari arbutantur. A me, tamen si satis habent: tamen si res aliter acciderit: plus habebunt fortasse: q̄ postulant. nam & si quis istum de uestra seueritate eripuerit: id quod neq; metuo Iudices: neq; ullo modo fieri posse uideo: sed si in hoc me ratio fefellerit: Siculi causam suam perisse querentur: et mecum pariter moleste ferent: populus quidem romanus breui, quoniā mihi potestatem apud se agendi dedit: ius suum, me agente, suis suffragijs ante Cal. februiarias recuperabit. Ac si de mea gloria, & amplitudine queritis Iudices: non est alienum meis rationibus, istum mihi ex hoc iudicio ereptum ad illud populi Ro. iudiciū reseruari. splendida est illa causa, probabilis mihi, et fidelis: populo grata, atq; iucunda. deniq; si uideor hic, id quod ego nō quāsiui: de uno isto uoluisse crescere: isto absoluto, quod sine multorū scelere fieri non potest: de multis mihi crescere licebit. Sed me hercules uestra, rei q; publicae causa Iudices, nolo hoc in hoc delecto consilio tantum flagitium esse commissum: nolo eos iudices, quos ego probarim: atq; delegerim: sic in hac urbe notatos, isto absoluto ambulare: ut non cēra, sed ceno obliti esse uideantur. Quamobrem te quoq; Hortensi, quia monendi locus est: ex hoc loco moneo: uideas ēt, atq; ēt: et consideres: quid agas: quo progrediare: quem hominem, & quā ratione defendas. neq; de illo quicquam tibi praeferas: quominus ingenio mecum, atq; omni dicendi facultate contendas. cetera, si qua putas te occultius extra iudicium, quae ad iudicium pertinent: facere posse: si quid artificio, consilio, potentia, gratia, copijs istius, moliri cogitas: ma-



gnopere cenſeo deſiſtas: & illa quæ tentata iam, & crepta ab iſto ſunt: à me autem perueſtigata, & cognita: moneo ut extinguas: & longius progredi ne ſinas. magno tuo periculo peccabitur in hoc iudicio: maiore quàm putas. quod enim te liberatum iam exiſtimationis metu, deſunctum honoribus, deſignatum conſ. cogites: mihi crede ornamenta iſta, & beneficia populi Ro. non minore negotio retinentur: quàm comparantur. tulit hæc ciuitas, quoad potuit: quoad neceſſe fuit: regiam iſtam ueſtram dominationem in iudijs, & in omni republica: tulit. ſed quo die populo Ro. Tribuni pl. reſtituti ſunt: omnia iſta uobis (ſi forte nondum intelligitis) adempta, atq; crepta ſunt. omnium nunc oculi conuecti ſunt hoc ipſo tempore in unumquemque noſtrum: qua fide ego accuſem: qua religione hi iudicent: qua tu ratione defendas. de omnibus nobis, ſi quis tantulum de recta regione deflexerit: non illa tacita exiſtimatione, quam antea contemnere ſolebatis: ſed uehemēs, ac liberum populi Ro. iudicium conſequetur. nulla tibi Quinte cum iſto cognatio eſt: nulla neceſſitudo: quibus excuſationibus antea, numquam in aliquo iudicio ſtudium tuum defendere ſolebas: earum habere in hoc homine nullā potes: quæ iſte in prouincia palam dictitabat cum ea, quæ faciebat: tua ſe fiducia facere dicebat: ea ne uera putentur: tibi maxime eſt prouidendum. Ego mei iam rationem officij conſido eſſe omnibus iniquiſſimis meis perſolutam. nam iſtum, paucis horis primæ actionis omnium mortalium ſententijs condemnaui. reliquum iudicium non iam de mea fide, quæ perſpecta eſt: neq; iſtus uita, quæ damnata eſt: ſed de iudicijs, & uere ut dicam, de te futurum eſt. at quo tem=



pore futurum est. nam id maxime providendum est. et-  
 enim cum omnibus in rebus, tum in Rep. permagni mo-  
 menti est, ratio, atq; inclinatio temporum. nepe eo: cum  
 populus Ro. aliud genus hominum, atq; alium ordinem  
 ad res iudicandas requirit: nempe ea lege iudicys, iudi-  
 cibusq; nobis promulgata, quam non is promulgavit:  
 cuius nomine proscriptam uidetis: sed hic reus. hic in-  
 quam sua spe, atq; opinione, quam de uobis habet: le-  
 gem illā scribendam, promulgandamq; curavit. Itaq;  
 cum primo agere coepimus: lex non erat promulgata:  
 cum iste uestra seueritate permotus, multa signa dede-  
 rat, quamobrem quibus responsurus non uideretur: men-  
 tio de lege nulla fiebat. posteaquam iste recreari, &  
 confirmari uisus est: lex statim promulgata est: cui legi  
 cum uestra dignitas uehementer aduersaretur: istius spes  
 falsa, & insignis impudentia maxime suffragatur. Hic  
 siquid erit commissum à quoquam uestrum: quod repre-  
 hendatur: aut populus Ro. iudicabit de eo homine, quem  
 iam antea iudicys indignū putauit: aut hi, qui propter  
 offensionem iudiciorum de ueteribus iudicys lege noua  
 noui iudices erunt constituti. mihi porro, ut ego non di-  
 cam: quis omnium mortalium non intelligit, quā lon-  
 ge progredi sit necesse. potero silere Hortensi. potero  
 dissimulare? cum tantum Resp. uulnus acceperit: ut ex-  
 pilatae provinciae, uexati socj, dī immortales spoliati,  
 aues Ro. cruciati, & necati impune me actore esse ui-  
 deantur. potero hoc ego onus tantum, aut in hoc iudi-  
 cio deponere? aut diutius tacitus sustinere? non agitanda  
 res erit? non in medium proferenda? non Populi Ro. fi-  
 des imploranda? non omnes, qui tanto se scelere obstrin-  
 xerint: ut aut fidem suam corrumpi paterentur: aut iu-  
 diciū



dicium corrumpere: in discrimen, ac iudicium uocandi? Quæret aliquis fortasse: tantum ne igitur laborem, tantas inimicitias, tot hominum suscepturus es? non studio quidem hercule ullo, neque uoluntate. sed non idem mihi licet: quod is, qui nobili genere nati sunt: quibus omnia Populi Romani beneficia dormientibus deferuntur. longe alia mihi lege in hac ciuitate, et conditione uiuendum est. uenit enim mihi in mentem M. Catonis hominis sapientissimi: qui cum se uirtute, non genere Populo Romano commendari putaret: cum ipse sui generis initium, ac nominis, ab se gigni, et propagari uellet: hominum potentissimorum suscepit inimicitias: et maximis in laboribus usque ad summam senectutem, summa cum gloria uixit. posteaque Pompeius humili, atque obscuro loco natus nonne plurimus inimicitijs, maximisque suis periculis, ac doloribus amplissimos honores est adeptus? modo L. Fimbriam, C. Marium, C. Celiū uidimus non mediocribus inimicitijs, ac laboribus contendere: ut ad istos honores peruenirent: ad quos uos per ludum, ac negligentiā peruenistis. Hæc eadem est nostræ rationis regio, et uia: horum nos hominum sectam, atque instituta persequimur. uidemus quanta sit in inuidia, quantoque in odio apud quosdam homines nobiles, nouorum hominum uirtus, et industria: si tantulum oculos deiecerimus: præsto esse insidias: si ullum locum aperuerimus suspicioni aut crimini: accipiendum esse statim uulnus: esse nobis semper uigilandum, semper laborandum uidemus. inimiciæ sunt: subeantur labores: suscipiatur. etenim tacitæ magis, et occultæ inimiciæ timendæ sunt: quàm indictæ, et apertæ. hominum nobiliū non se-

M



# IN VERREM

re quisquam nostrae industriae fauet: nullis nostris officiis beniuolentiam illorum allicere possumus: quasi natura, et genere disiuncti sint: ita dissident à nobis animo, ac uoluntate. quare quid habent eorum inimicitiae periculi? quorum animos iam ante habueris inimicos, & inuidos: quàm ullas inimicitias susceperis? Quam obrem mihi Iudices optandum est illud: in hoc reo finem accusandi facere: cum & populo Ro. satisfactum: et receptum officium Siculis necessarijs meis erit persolutum. deliberatum autem est: si res opinionem meam, quam de uobis habeo: fefellerit: non modo eos persequi: ad quos maxima culpa corrumpendi iudicij, sed etiam illos, ad quos consuetudinis contagio pertinebit. Proinde si qui sunt: qui in hoc reo, aut potentes, aut audaces, aut artifices ad corrumpendum iudicium uelint esse: ita sint parati: ut disceptante populo Ro. mecum sibi rem uideant futuram. & si me in hoc reo, quem mihi inimicum Siculi dederunt: satis uehementem, satis perseuerantem, satis uigilantem esse cognorunt: existiment in his hominibus, quorum ego inimicitias populi Ro. salutis causa suscepero: multo grauiorem, atque acriorem futurum. Nunc te Iupiter Optime Maxime, cuius iste donum regale, dignum tuo pulcherrimo templo, dignum Capitolio, atque ista arce omnium nationum, dignum regio munere, tibi factum ab regibus, tibi dicatum, atque promissum per nefarium scelus de regijs manibus extorsit: cuiusque sanctissimum, et pulcherrimum simulachrum Syracusis sustulit: teque Iuno Regina, cuius duo fana duabus in insulis posita sociorum, Melitae, & Sami, sanctissima, & antiquissima simili scelere idem iste omnibus bonis, ornamentisque nu-

dum  
reli  
de pe  
rietes  
rū ifi  
ligio  
roam  
chio  
spolia  
apud  
P. Afr  
teq; M  
palestr  
nasio T  
presidi  
nocte i  
nu con  
teq; sa  
gustiss  
quic: m  
religio  
namen  
filioru  
stes, cel  
quoru  
impro  
farum  
um q  
gendu  
sicut c



clauit: teq; Minerva, quam iste duobus in clarissimis, & religiosissimis tēplis expilauit: Athenis, cum auri grande pondus, Syracusis, cum omnia præter tectum, et parietes abstulit: teq; Latona, & Apollo, & Diana, quorū iste Deli non fanum, sed, ut hominum opinio, & religio fert: sedē antiquā, diuinūq; domaliū nocturno latrocinio, atq; impetu compilauit: etiam te Apollo, quē iste Chio sustulit: teq; etiam, atq; etiam Diana, quam Pergæ spoliavit: cuius simulachrum sanctissimum Segestæ, bis apud Segestanos consecratū, semel ipsorū religione, iterū P. Africani uictoria, tollendū, asportandumq; curauit: teq; Mercuri, quē Verres in uilla, et in priuata aliqua palestra posuit: P. Africanus in urbe sociorum, & gymnasio Tyndaritanorum, iuuentutis illorum custodem, et præsidem uoluit esse: teq; Hercules, quem iste Agrigenti nocte intempesta, seruorum instructa, et comparata manu conuellere ex suis sedibus, atq; auferre conatus est: teq; sanctissima mater Idea, quam apud Enguinos augustissimo, et religiosissimo in templo sic spoliata reliquit: ut nunc nomen modo Africani, et uestigia uiolatæ religionis maneant: monumenta uictoriæ fanūq; ornamenta non extent: uosq; omnium rerum forēsium, consiliorum maximorum, legū, iudiciorumq; arbitri, et testes, celeberrimo in loco prætorij locati Castor, et Pollux, quorū ē templo quæstum sibi iste, & prædā maximam improbissime cōparauit: omnesq; dy, qui uehiculis Thēsarum solennes cetus ludorū initis: quorū iter iste ad suum quæstum, nō ad religionū dignitatem faciendū, exigendumq; curauit: teq; Ceres, et Libera, quarū sacra, sicut opiniones hominū, ac religiones ferunt: longe maxi



# IN VERREM

mis, atq; occultissimis cerimonis continentur: à quibus ini-  
 tia uitæ, atq; uictus, legum, morum, mansuetudinis, hu-  
 manitatis exēpla hominibus, & ciuitatibus data, ac di-  
 spersa esse dicuntur: quarum sacra Populus Ro. à græ-  
 cis ascita, & accepta, tanta religione, & publicæ, et pri-  
 uatim tuetur: non ut ab alijs huc allata, sed ut cæteris  
 hinc tradita esse uideantur: quæ ab isto uno sic pollu-  
 ta, & uiolata sunt: ut simulacrum Cereris unū, quod  
 à uiro non modo tangi, sed ne aspici quidem fas fuit: è sa-  
 crario Catinæ conuellendum, auertendumq; curaue-  
 rit: alterum autem Ennæ ex sua sede, ac domo sustule-  
 rit: quod erat tale: ut homines cum uiderent, aut ipsam  
 uidere se Cererem, aut effigiem Cereris non humana  
 manu factam esse: sed cælo delapsam arbitrarentur: uos  
 etiam, atq; etiam imploro & appello sanctissimæ deæ,  
 quæ illos Ennenses lacus, lucosq; colitis: cunctæq; Sici-  
 liæ, quæ mihi defendēda credita est: præsidetis: quibus,  
 inuentis frugibus, & in orbem terrarum distributis, om-  
 nes gentes, ac nationes uestri religione numinis conti-  
 nentur: cæteros item deos deasq; omnes, imploro: atq; ob-  
 testor: quorum templis, & religionibus iste nefario quo-  
 dam furore, & audacia instinctus, bellum sacrilegum  
 semper, impiumq; habuit indictum: ut si in hoc reo,  
 atq; in hac causa, omnia mea consilia ad salutem socio-  
 rum, dignitatem populi romani, fidem meam spectau-  
 runt: si nullam ad rem, nisi ad officium, & ueritatem  
 omnes meæ curæ, uigiliæ, cogitationesq; laborarūt: quæ  
 mea mens in suscipienda causa fuit: fides in agenda: ea-  
 dem uestra in iudicanda sit. deniq; uti C. Verre, si eius  
 omnia sunt inaudita, et singularia facinora sceleris, au-



dacæ, perfidiæ, libidinis, auariciæ, crudelitatis: dignus  
exitus eiusmodi uita, atq; factis uestro iudicio consequa-  
tur: utq; respublica, meaq; fides, una hac accusatione mea  
contenta sit: mihiq; post hac bonos potius defendere li-  
ceat: quàm improbos accusare necesse sit.



- Hoc  
 quibus  
 ante.  
 totam  
 non a  
 infect  
 quam  
 operae  
 fores;  
 re con  
 m m r  
 negoc  
 tabul  
 longe  
 genti  
 stitu  
 tam.  
 norm  
 ante.  
 les, q  
 M. Fe  
 num  
 stra  
 na g



PRO M. FONTEIO.  
ORATIO XI.

Desunt permulta.

- Hoc prætore oppressam esse ære alieno Galliam. à quibus uersuras tantarum pecuniarum factas esse dicunt. à Gallis. nihil minus. à quibus igitur. à ciuibus romanis: qui negotiantur in Gallia. cur eorum uerba non audimus? cur eorum tabulae nulla proferuntur? insector ultro: atq; in isto accusatori Iudices: insector inquam: ac flagito testis. plus ego in hac causa laboris, & operæ consumo, in poscendis testibus: quàm cæteri defensores, in refutandis. audacter hoc dico Iudices: non temere confirmo. referta Gallia negotiatorum est: plena ciuium romanorum. nemo Gallorum sine aue Ro. quicquã negocij gerit: nummus in Gallia nullus sine ciuium Ro. tabulis commouetur. uidete quo descendam Iudices: q̃ longe uidear à consuetudine mea, & cautione, ac diligentia discedere. unæ tabulae proferantur: in quibus uestigium sit aliquod: quod significet pecuniam Fonteio datam: unum ex toto negotiatorum, colonorum, publicanorum, aratorum, pecuariorum, numero testem producant: uere accusatum esse concedam. Pro dij immortales, quæ est hæc causa? quæ defensio? Prouinciæ Galliæ M. Fonteius præfuit: quæ constat ex his generibus hominum, & ciuitatum: qui (ut uetera mittam) partim nostra memoria, bella cum Populo Ro. acerbæ, ac diuturna gesserunt: partim modo ab nostris imperatoribus

M iij



PRO M.

subacti, modo bello domiti, modo triumphis ac monu-  
mentis notati, modo ab Senatu agris urbibusq; mulcta-  
ti sunt: partim, qui cum ipso M. Fonteio ferrum, ac ma-  
nus contulerunt: multoq; eius sudore ac labore sub Po-  
puli Ro. imperium, ditionemq; ceciderunt. est in eadem  
provincia Narbo martius, colonia nostrorum civium,  
specula Populi romani, ac propugnaculum istis ipsis na-  
tionibus oppositum, et obiectum. est item urbs Massilia:  
de qua ante dixi: fortissimorum, fidelissimorumq; sociorum:  
qui Gallicorum bellorum pericula Populi Ro. copijs, re-  
missisq; compensarunt. est praeterea numerus civium Ro-  
atq; hominum honestissimorum. huic provinciae: quae ex  
hac gentium uarietate constaret: M. Fonteius (ut dixi)  
praefuit: qui erant hostes: subegit: qui proximi fuerant:  
eos ex ijs agris, quibus erant mulctati: decedere coegit:  
caeteris, qui iaro magnis saepe erant bellis superati: ut  
semper Populo Ro. parerent: magnos equitatus ad ea  
bella, quae tum in toto orbe terrarum a Populo Ro. gere-  
bantur: magnas pecunias, ad eorum stipendium, maxi-  
mum frumenti numerum ad Hispaniense bellum tole-  
randum, imperavit. is, qui gessit: in iudicium uocatur:  
uos, qui in re non interfuistis: causam una cum Populo  
Ro. cognoscitis. dicunt contra, quibus inuitissimus im-  
peratum est: dicunt, qui ex agris ex Cn. Pompeij decre-  
to decedere sunt coacti: dicunt, qui ex bello, caede, & su-  
ga nunc primum audent contra M. Fonteium inermem  
consistere. quid coloni Narbonenses? quid uolunt? quid  
existimant? hunc per uos uolunt, se per hunc incolu-  
mes existimant esse. quid Massiliensium ciuitas? hunc praesentem ijs affecit honoribus: quos habuit amplissimos:  
uos autem absens orat: atq; obsecrat: ut sua religio, lau-

datio  
ti hab  
nemo  
aa, de  
tetur.  
tium:  
uestra  
coloni  
tiquiss  
his, qui  
infaeli  
etiam h  
ius uirt  
ne plus  
thoritas  
Iudices  
nips, el  
tes roma  
quotien  
maxima  
tio imp  
& conse  
rum: qui  
ex tanto  
ere pote  
nat: co  
tis etiam  
proposu  
misi ut d  
ta Reip  
posthac



datio, authoritas, aliquid apud uestros animos momen-  
ti habuisse uideatur. quid? ciuium Ro. quæ uoluntas est?  
nemo est ex tanto numero: quin hunc optime de prouin-  
cia, de imperio, de socijs, & ciuibus meritum esse arbi-  
tretur. Quoniam igitur uidetis, qui oppugnent M. Fon-  
teium: cognoscitis qui defensum uelint: statuite nunc, qd  
uestra æquitas, quid Populi Ro. dignitas, postulet: utrū  
colonis uestris, negociatoribus uestris, amicissimis, atq; an-  
tiquissimis socijs, & credere, & consulere malitis: an  
his, quibus neq; propter iracundiam fidem, neq; propter  
infidelitatem honorem habere debetis. quid si maiorem  
etiam hominum honestissimorum copiam affert: qui his  
ius uirtuti, atq; innocentiae testimonio possint esse? tamen  
ne plus Gallorum consensio ualebit? quam summa au-  
thoritas omnium? Cum Galliae Fonteius præesset: scitis  
Iudices maximos Populi Ro. exercitus in duabus Hispa-  
nijs, clarissimosq; imperatores fuisse. quammulti Equi-  
tes romani, quammulti Tri. militum, quales, & quot, et  
quotiens legati ad eos exercitus? præterea Cn. Pompeius  
maximus, atq; ornatissimus hyemauit in Gallia, M. Fon-  
teio imperante. satis ne uobis multos, satis idoneos testes,  
& conscios uidetur ipsa fortuna esse uoluisse earum re-  
rum: quæ M. Fonteio prætore gererentur in Gallia? quæ  
ex tanto hominum numero testem in hac causa produ-  
cere potestis? quis est ex eo numero: qui uobis author pla-  
ceat? eo nos iam laudatore & teste utemur. Dubitabi-  
tis etiam diutius Iudices: quin illud, quod initio uobis  
proposui: uerissimum sit: aliud per hoc iudiciū nihil agi:  
nisi ut M. Fonteio oppresso testimonijs eorum, qbus mul-  
ta Reip. causa inuitissimis imperata sunt: se gniores  
posthac ad imperandum cæteri sint: cum uideant eos



PRO M.

oppugnari: quibus oppressis populi romani imperium incolume esse non possit. Obiectum est etiam: quæstum M. Fonteium ex uiarum munitione fecisse: ut aut ne cogeret munire: aut id, quod munitum esset: ne improbaret. si & coacti sunt munire omnes: et multorum opera improbata sunt: certe utrumque falsum esset: & ob uacationem precium datum: cum immunis nemo fuerit: et ob probationem, cum multa improbata sint. quid? si hoc crimen optimis nominibus denegare possumus: & ita: ut non culpam in alios transferamus: sed uti doceamus: eos isti munitioni præfuisse: qui facile officium suum, & præstare, & probare possunt? tamen ne uos omnia in M. Fonteium iratis testibus freti conferetis? Cum maioribus Reip. negocijs M. Fonteius impediretur: & cum ad Remp. pertineret, uiam Domitiam munire: legatis suis primarijs uiris C. Annio Bellieno, & C. Fonteio, negotium dedit: itaque præfuerunt: imperauerunt pro dignitate sua, quod uisum est: & probauerunt. quod uos, si nulla alia ex re, ex literis quidem uestris, quas scripsistis: & missis, & allatis, certe scire potuistis. quas si antea non legistis: nunc ex nobis quid de ijs rebus Fonteius ad legatos suos scripserit: quid ad eum illi rescripserint: cognoscite. Lege M. ad C. Annium legatum ad C. Fonteium legatum. Lege à C. Annio legato, à C. Fonteio legato. Satis opinor esse perspicuum Iudices: hanc rationem munitionis, neque ad M. Fonteium pertinere: & ab his esse tractatam: quos nemo possit reprehendere. Cognoscite nunc de crimine Vinario: quod illi inuidiosissimum & maximū esse uoluerunt. Crimen à Pletorio Iudices ita constitutum est: Fonteio non in Gallia primum uenisse in mentem: ut portorium uini

instituta  
profec.  
in sing  
diminui  
ch. d. lora  
h. loci  
esse ex a  
sam &  
uellent.  
ad hoste  
men &  
um fru  
rationem  
maxime  
uoluerunt  
quod ost  
fieri qu  
occupari  
ueritati

Desider.  
non, qu  
bernari



institueret: sed in Italia hac proposita ratione Roma  
profectum. Itaq; Titurium Tolosæ quaternos denarios  
in singulas uini amphoras portorij nomine exegisse. Cro-  
dimum Portium & Nummum ternos uictoriatos. nul-  
chalone serene umbinos & uictoriatos mille. atq; in  
his locis se crodim & nulchalone ab his portorium  
esse exactum: si qui Cobiamacho: qui uicus inter Tolo-  
sam & Narbonem est, diuerterentur: neq; Tolosam ire  
uellent. Elefiodolus tantum senos denarios ab his: qui  
ad hostem portarent exegissent. Video Iudices esse cri-  
men & genere ipso magnum. Vectigal enim esse imposi-  
tum fructibus nostris dicitur: & pecuniam per magnā  
rationem ista cogi potuisse confiteor & inuidiam. Vel  
maxime enim inimici hanc rem sermonibus diuulgare  
uoluerunt. Sed ego ita existimo quo maius crimen sit id  
quod ostendatur esse falsum, hoc maiorem ab eo iniuriā  
fieri qui id confingat. Vult enim magnitudine rei sic  
occupare animos eorum: qui audiunt: ut difficilis aditus  
ueritati relinquatur. -

Desideratur quæ de crimine Vinario erant reliqua. nec  
non, quæ ad bellum Vocontiorum, et dispositionem hy-  
bernorum pertinebant.



At hoc Galli negant. Actio rerum et ius argumen-  
torum coargui potest. Igitur testibus Iudices non crede-  
re cupidis, et iratis, et coniuratis, et ab religione re-  
motis, non solum potestis: sed etiam debetis. etenim si, quia  
Galli dicunt: itcirco M. Fonteius nocens existimandus  
est: quid mihi opus est sapiente iudice? quid a quo quæsi-  
tore? quid oratore non stulto? dicunt enim Galli. nega-  
re non possumus. hic si ingeniosi, et periti, et æqui iu-  
dices has partes esse existimatis: ut quoniam quidem testes  
dicunt: sine ulla dubitatione credendum sit: salus ipsa ui-  
rorum fortium innocentia tueri non potest. sin autem  
in rebus iudicandis non minimam partem ad unamquaq;  
rem existimandam, momentoq; suo ponderandam, sapi-  
entia iudicis tenet: ne multo uestræ maiores grauiorēq;  
partes sunt ad cogitandum, quam ad dicendum meæ. mi-  
hi enim semper unaquaq; de re, testis non solum semel,  
uerum etiam breuiter interrogandus: et saepe etiam non  
interrogandus: ne aut irato facultas ad dicendum data,  
aut cupido auctoritas attributa esse uideatur. uos et se-  
pius eandem rem animis agitare: et diutius uno de te-  
ste cogitare potestis. et si quem nos interrogare nolumus:  
quæ causa nobis tacendi fuerit, existimare debetis.  
Quamobrem si hoc Iudices præscriptum lege, aut offi-  
cio putatis: testibus credere: nihil est, cur alius alio iudi-  
ce melior, aut sapientior existimetur. unum est enim, et  
simplex aurium iudicium, et promiscue, et commu-  
niter stultis, ac sapientibus ab natura datum. quid est  
igitur: ubi elucere possit prudentia? ubi discerni stultus  
auditor, et credulus, ab religioso, et sapienti iudice?  
nimirum illud: in quo ea, quæ dicuntur à testibus: con-  
iectura, et cogitatione traduntur, quanta auctoritate,



quanta animi æquitate, quanto pudore, quanta fide, quan-  
ta religione, quanto studio existimationis bonæ, quanta  
cura, quanto timore dicantur. An uero uos id in testimo-  
nijs hominum barbarorum dubitabitis? quod persepe  
et nostra, et patrum memoria sapientissimi Iudices  
de clarissimis nostræ ciuitatis uiris dubitandum non pu-  
tauerunt? qui Cn. et Q. Cepionibus, L. et Q. Me-  
tellis testibus in Q. Pompeium hominem nouum non  
crediderunt: quorum uirtuti, generi, rebus gestis, fidem  
et authoritatem, in testimonio, cupiditatis, atq; inimi-  
ciarum suspicio derogauit. Ecquem hominem uidimus?  
ecquem uere commemorare possumus? parem consilio,  
grauitate, constantia, cæteris uirtutibus, honoris, inge-  
nij, rerum gestarum ornamentis, M. Emilio Scauro fuis-  
se? tamen huius, cuius iniurati nutu propè terrarum  
orbis regebatur: iurati testimonio, neq; in C. Fimbriam,  
neq; in C. Memmium creditum est. noluerunt ij, qui iu-  
dicabant: hanc patere inimicitijs uiam: quem quisq; odif-  
set: ut eum testimonio posset tollere. Quamuis in L. Cras-  
so pudor fuerit, quod ingenium, quanta authoritas, quis  
ignorat? tamen is, cuius etiam sermo testimonij autho-  
ritatem habebat: testimonio ipso, quæ in M. Marcellum  
inimico animo dixit: probare non potuit. Fuit, fuit il-  
lis iudicibus diuinum ac singulare iudices consiliū: qui  
se non solum de reo, sed etiam de accusatore, de teste,  
iudicare arbitrabantur: quid fictum, quid fortuna, ac  
tempore allatum, quid precio corruptum, quid spe, aut  
metu deprauatum, quid à cupiditate aliqua, aut inimi-  
cijs profectum uideretur. quæ si iudex non amplecte-  
tur omnia consilio: non animo, ac mente circumspeciet:  
si quicquid ex illo loco dicatur: ex oraculo aliquo dica-



arbitrabitur: profecto satis erit id, quod dixi antea: nō  
 surdum iudicem huic muneri, atq; officio præesse: nihil  
 erit quamobrem ille nescio quis sapiens homo, ac mul-  
 tarum rerum peritus ad res iudicandas regratur. An  
 uero illi Eqtes Ro. quos nos uidimus: qui nuper in Rep.  
 iudicijsq; maximis floruerunt: habuerunt tantum ani-  
 mi, tantum roboris: ut M. Saturo testi non crederent?  
 uos Belgarum, atq; Allobrogum testimonijs non credere  
 timetis? Si inimico testi credi non oportuit: inimicius Mar-  
 cello Crassus: an Fimbriæ Scaurus ex civilibus studijs,  
 atq; obrectatione domestica: quàm huic Galli? quorum,  
 qui optima in causa sunt: equites, frumentum, pecuniā,  
 semel, atq; iterum, ac sæpius inuitissimi dare coacti sunt:  
 cæteri, partim ex ueteribus bellis a gro mulctati: par-  
 tim ab hoc ipso, bello superati, & oppressi. Siqui ob  
 aliquod emolumentum suum cupidius aliquid dicere ui-  
 dentur: ijs credi non conuenit: credo maius emolumen-  
 tum Cepionibus, & Metellis propositum fuisse ex Q.  
 Pompeij damnatione: cum studiorum suorū obrectato-  
 rem sustulissent: quàm cunctæ Galliæ ex M. Fonteii ca-  
 lamitate: in qua illa prouincia propè suam immunita-  
 tem, ac libertatem positam esse arbitratur. An si homi-  
 nes ipsos spectare conuenit (id quod in teste profecto ua-  
 lere plurimum debet) nōmodo cum summis ciuitatis no-  
 stræ uiris, sed cum infimo aue Ro. quisquam amplissi-  
 mus Galliæ comparandus est? Scit Indutiomarus quid  
 sit testimonium dicere? mouetur eo timore quo nostrum  
 unusquisq; cum in eum locum productus est? Recordamini  
 Iudices quantopere laborare soleatis: nonmodo qd  
 dicatis pro testimonio: sed etiam quibus uerbis utamini:  
 nequod minus moderate positum, nequod ab aliqua ca

pidita  
 Labora  
 Et cum  
 pudore  
 seruata  
 marum  
 illud ne  
 arbitror  
 ti, que a  
 menio fa-  
 ciam uia  
 sumatioe  
 modi: Im-  
 mere dix-  
 ter uocem  
 casatorib  
 tiones rel  
 alium i  
 que tanta  
 sentiunt:  
 piunt: ist  
 rendis a  
 iste cum  
 sunt nat  
 Delphor  
 erbis ter  
 isdem q  
 sum Cat  
 iores na  
 rant. p  
 uideri



piditate prolapsum uerbum esse uideatur. uultu deniq;  
laboratis: nequa significari possit suspicio cupiditatis: ut  
et cum proditis: existimatio sit quædam tacita de uobis  
pudoris, ac religionis: et cum disceditis: ea diligenter con-  
seruata, ac retenta uideatur. credo hæc eadem Indutio-  
marum in testimonio tenuisse: aut cogitasse: qui primum  
illud uerbum consideratissimum nostræ consuetudinis,  
arbitror: quo nos etiã tunc utimur: cum ea dicimus iura-  
ti, quæ comperta habemus: quæ ipsi uidimus: ex toto testi-  
monio suo sustulit: atq; omnia se scire dixit. uerebatur  
enim uidelicet: ne quid apud uos populumq; Ro. de exi-  
stimatione sua deperderet: nequa fama consequeretur eius-  
modi: Indutiomarum talem uirum, tam cupide, tam te-  
mere dixisse: non intelligebat, se in testimonio nihil præ-  
ter uocem, et os, et audaciam neq; ciuib; suis, neq; ac-  
cusatoribus nostris præstare debere. An uero istas na-  
tiones religione iurisiurandi, ac metu deorum immor-  
taliu in testimonijs dicendis commoueri arbitramini?  
quæ tantum à cæterarum gentium more, ac natura dis-  
sentiant: quod cæteræ pro religionibus suis bella susci-  
piunt: istæ contra omnium religiones. illæ in bellis ge-  
rendis ab dijs immortalibus pacem, ac ueniam petunt:  
istæ cum ipsis dijs immortalibus bella gesserunt. Hæ  
sunt nationes: quæ quondam tam longe ab suis sedibus,  
Delphos usq; ad Apollinem Pythium, atq; ad oraculū  
orbis terræ uexandum, ac spoliādum profectæ sunt. ab  
iisdem gentibus sanctis, et in testimonio religiosi, obses-  
sum Capitolium est, atq; ille Iupiter: cuius nomine ma-  
iores nostri sanctam testimoniorum fidem esse uolue-  
runt. postremo his quicquam sanctum, ac religiosum  
uideri potest? qui, etiam si quando aliquo metu adducti



deos placandos esse arbitrantur: humanis hostijs eorum  
 aras, ac templa funestant: ut ne religionem quidem co-  
 lere possint: nisi eam ipsam prius scelere uiolarint. quis  
 enim ignorat eos, usq; ad hanc diem, retinere illam im-  
 manem, ac barbaram consuetudinem hominum immo-  
 landorum? quamobrem quali fide, quali pietate existi-  
 matis esse eos: qui etiam deos immortales arbitrentur ho-  
 minum scelere, & sanguine facillime posse placari? cū  
 his uos testibus uestram religionem coniungetis? ab his  
 quicquam sancte, aut moderate dictum putabitis? hoc  
 uestre mentes tam castę, tam integrę sibi suscipient? ut  
 cum omnes legati nostri, qui illo triennio in Galliam ue-  
 nerunt: omnes Equites romani, qui in illa prouincia fue-  
 runt: omnes negociatores eius prouincię, deniq; omnes in  
 Gallia, qui sunt socij Populi Ro. atq; amici: M. Fonteiu  
 incolumem esse cupiant: iurati priuatim & publice lau-  
 dent: uos tamen Gallis credere malitis? qd ut secuti esse  
 uideamini? uoluntatem ne hominum? grauior igitur uo-  
 bis erit hostium uoluntas, q̄ ciuium? an dignitatem te-  
 stium? potestis igitur ignotos notis, iniquos æquis, alie-  
 nigenas domesticis, cupidos moderatis, mercenarios gra-  
 tuitis, impios religiosis, inimicissimos huic imperio, ac  
 nomini, bonis, ac fidelibus, & socijs & ciuibus antefe-  
 re? An uero dubitatis Iudices? quin insitas inimici-  
 tias istę gentes omnes, & habeant, & gerant cum Po-  
 puli Ro. nomine? sic existimatis eos hic sagatos bracha-  
 tosq; uersari animo derisso, atq; humili: ut solent ij, qui  
 affecti iniurijs, ad opem iudicum supplices inferioresq;  
 confugiunt? nihil uero minus. Hi contra uagantur læti,  
 atq; erecti passim toto foro, cum quibusdam minis, &  
 barbaro, atq; immuni terrore uerborum. quod ego pro-  
 fecto non



fecto non crederem: nisi aliquoties ex ipsis accusatori-  
bus uobiscum simul Iudices audissem: cum præciperent,  
ut caueretis: ne hoc absoluto, nouum aliquod bellum  
Gallicum concitaretur. Si M. Fonteium Iudices in cau-  
sa deficerent omnia: si turpi adolescentia, uita infami,  
magistratibus, quos ante oculos uestros gessit: conuictis  
uirorum bonorum testimonijs, legationibus flagitiose  
obitis inuitis suis omnibus, in iudicium uocaretur: si in  
eo iudicio colonorum populi Ro. Narbonensium, fide-  
lissimorum sociorum Massiliensium, ciuium Ro. o-  
mnium testimonijs, tabulisq; premeretur: tamen esset  
uobis magnopere prouidendum: ne quos ita afflictos  
a uestris patribus, maioribusq; accepissetis: ut contem-  
nendi essent: eos pertinuisset, & eorum minis, & ter-  
rore commoti esse uideremini. Nunc uero, cum lædat  
nemo bonus: laudent omnes uestri ciues, atque socij: op-  
pugnent ij: qui sæpissimæ hanc urbem, & hoc impe-  
rium oppugnarunt: cumq; inimici M. Fonteii uobis, ac  
Po. Ro. minentur: amici ac propinqui supplicent uobis:  
dubitabit non modo uestris ciuibus, qui maxime glo-  
ria, ac laude ducuntur: uerum etiam exteris nationi-  
bus, ac gentibus ostendere: uos in sententijs ferendis ci-  
ui parcere, quàm hosti cedere maluisse? Magna meher-  
cule causa Iudices absolutionis cum cæteris causis hæc  
est: nequa insignis huic imperio macula, atq; ignomi-  
nia suscipiatur: si hoc ita perlatum erit in Galliam, Se-  
natum, Equitesq; Populi Ro. non testimonijs Gallorum,  
sed minis commotos, rem ad illorum libidinem iudicas-  
se. Ita uero: si illi bellum facere conabuntur: excitandus  
nobis erit ab inferis C. Marius: qui Indutiomaro isti  
minaci, atq; arroganti par in belligendo esse possit: ex



citandus Cn. Domitius, & Maximus: qui nationem Allobrogum, & reliquias, suis iterum armis conficiat: atq; opprimat. aut quoniam id quidem non potest: orandus erit nobis amicus meus M. Pletorius: ut suos novos cliētes à bello faciendo deterreat: ut eorum iratos animos, atq; horribilis impetus deprecetur. aut si nō poterit: M. Fabium subscriptorem eius rogabimus: ut Allobrogum animos mitiget: quoniam apud illos Fabiorum nomen amplissimum. Nolunt isti, aut quiescere, id quod uicti ac subacti solent: aut, cum minantur: intelligere, se populo Ro. non metum belli, sed spem triumphi tendere. Quod si in turpi reo patiendum non esset: ut quicquā isti se minis profecisse arbitrarentur: quid faciendum uobis in M. Fonteio arbitramini? de quo homine Iudices (iam enim mihi uideor hoc, propē causa duabus actio nibus perorata, debere dicere) de quo uos homine Iudices ne ab inimicis quidē ullum fictum probrosum non modo crimen, sed ne maledictum quidem audistis. Equis unquam reus, praesertim in hac uitae ratione uersatus, in honoribus petendis, in potestatibus, in imperijs gerendis, sic accusatus est: ut nullum probrum, nullum facinus, nulla turpitudine, quae à libidine, aut à petulantia, aut ab audacia nata esset: ab accusatore obiceretur, si non uera, attamen ficta, cum aliqua ratione, ac suspitione? M. Emiliū Scaurū summum nostrae ciuitatis uirum scimus accusatum à M. Bruto. extant orationes: ex quibus intelligi potest: multa in illum ipsum Scaurū esse dicta. falso? quis negat? ueruntamen ab inimico dicta, & obiecta. Quam multa M. Aquilius audiuit in suo iudicio: quam multa L. Cotta: deniq; P. Rutilius: qui & si damnatus est, mihi uidetur tamen inter uiros opti-

*sumus in iudicio  
et in iudicio  
et in iudicio*



mos, atq; innocentissimos esse numerandus. ille igitur ipse homo sanctissimus, ac temperatissimus multa audiuit in sua causa: quæ ad suspicionem stuprorum, ac libidinem pertinerent. Extat oratio hominis (ut opinio mea fert) nostrorum hominum longe ingeniosissimæ, atq; eloquentissimæ, C. Gracchi: quæ in oratione permulta in L. Pisonem turpia ac flagitiosa dicuntur. at in quem uirum? qui tanta uirtute, atq; integritate fuit: ut etiam illis optimis temporibus, cum hominem inuenire nequam neminem posses: solus tamen frugi nominaretur. quem cum in concionem Gracchus uocari iuberet: & uiator quæreret, quem Pisonem? quod erant plures: cogis me inquit dicere inimicum meum frugi. Is igitur uir: quæ ne inimicus quidem satis in appellando significare poterat: nisi ante laudasset: qui uno cognomine declarabatur, non modo quis esset: sed etiam qualis esset: tamen in falsam atq; iniquam probrorum insimulationem uocabatur. M. Fonteius ita duabus actionibus accusatus est: ut obiectum nihil sit: quo significari uestigium libidinis, petulantiae, crudelitatis, audaciae possit. non modo nullum facinus huius protulerunt: sed ne dictum quidem aliquod reprehenderunt. quod si aut quantam uoluntatem habent ad hunc opprimendum: aut quantam ad maledicendum licentiam: tantum haberent aut ad ementiendum animi: aut ad fingendum ingenij: non meliore fortuna ad probra nunc audienda Fonteius, quam illi, de quibus antea commemoravi: fuisset. Frugi igitur hominem Iudices, frugi inquam, & in omnibus uitæ partibus moderatum, ac temperantem, plenum pudoris, plenum officij, plenum religionis uidetis positum in ue-

N ij



stra fide, ac potestate: atq; ita: ut commissus sit fidei: per-  
missus potestati. uidete igitur utrum sit æquius: homi-  
nem honestissimum, uirum fortissimum, quem optimū,  
dedi inimicissimus, atq; immanissimis nationibus: an red-  
di amicis: præsertim cum tot res sint: quæ uestris ani-  
mis pro huius innocentis salute supplicent. primum ge-  
neris antiquitas: quam Thuscule ex clarissimo munici-  
pio profectam in monumentis rerum gestarum incisam  
ac notatam uidemus. tum autē continuæ Præturæ: quæ  
et cæteris ornamentis, et existimatione innocentie ma-  
xime floruerunt. deinde recens memoria parentis: cu-  
ius sanguine non solum Asculanorum manus, à qua  
interfectus est: sed totum illud sociale bellum macula  
sceleris imbutum est. postremo ipse, cum in omnibus ui-  
tæ partibus honestus, atque integer: tum in re militari  
cum summi consilij et maximi animi: tum uero usu  
quoq; bellorum gerendorum in primis eorum hominū,  
qui nunc sunt: exersatus. Quare si etiam monendi estis  
à me: quod non estis Iudices: uideor hoc leuiter pro mea  
authoritate uobis præcipere posse: ut ex eo genere homi-  
nes, quorum cognita uirtus, industria, felicitas in re mi-  
litari sit: diligenter uobis retinendos existimetis. fuit enim  
maior talium uirorum in hac Rep. copia: quæ cum es-  
set: tamen eorum non modo saluti, sed etiam honori con-  
sulebatur. quid nunc uobis faciendum est, studijs mili-  
taribus apud iuuentutem obsoletis, hominibus autem,  
ac summis ducibus partim ætate, partim ciuitatis di-  
scordijs, ac Reip. calamitate consumptis: cum tot bella  
aut à nobis necessario suscipiantur: aut subito atq; im-  
promissa nascentur: non ne et hominem ipsum ad du-

bis R  
dis, ac  
legatos  
L. Cat  
M. Cor  
nes, bel  
Didiun  
ad rei n  
eruditos  
ficiat p  
posse ac  
derit: eo  
quæ si a  
labores  
ac disci  
sum, for  
retineri  
delissim  
fns prop  
stant: ac  
dacia. n  
uobis a  
riæ res  
tus Mac  
quæ, cu  
manu E  
Thorac  
ius nū  
constit  
fecto n



bia Reip. tempora reſeruandum, & cæteros ſtudio lau-  
dis, ac uirtutis inflāmandos putatis. Recordamini quos  
legatos nuper in bello L. Iulius, quos P. Rutilius, quos  
L. Cato, quos Cn. Pompeius habuerit. ſciētis fuiſſe tum  
M. Cornutum, L. Cinnam, L. Syllam prætorios homi-  
nes, belli gerendi peritiſſimos: præterea C. Marium, P.  
Didium, Q. Catulum, P. Crāſſum, non literis homines  
ad rei militaris ſcientiam, ſed rebus geſtis, ac victorijs  
eruditos. Age uero nunc inferte oculos in curiam: intro-  
ſpiciſſe penitus in omnis Reip. partes: utrum uidetis nihil  
poſſe accidere: ut tales uiri deſiderandi ſint? an, ſi acci-  
derit: eorum hominum copia Populum Ro. abundare?  
quæ ſi diligenter attendetis: proſpecto Iudices uirum ad  
labores belli impigrum, ad pericula fortem, ad uſum,  
ac diſciplinam peritum, ad conſilia prudentem, ad ca-  
ſum, fortunamq; felicem, domi uobis, ac liberis ueſtris  
retinere, quam inimiciſſimis Reip. nationibus, & cru-  
deliſſimis, tradere, & condemnare maletis. At infe-  
ſtis propè ſignis inferuntur Galli in Fonteium: & in-  
ſtant: atq; urgent ſummo cum ſtudio, ſumma cum au-  
dacia. nos uero Iudices & multis, & firmis præſidijs,  
uobis adiutoribus iſti immāni, atq; intolerandæ barba-  
riæ reſiſtemus. Primum obijcitur contra iſtorum impe-  
tus Macedonia fidelis, & amica Populo Ro. provincia:  
quæ, cum ſe ac ſuas urbes non ſolum conſilio, ſed etiā  
manu Fontei conſeruata eſſe dicat: ut illa per hunc a  
Thracum aduentu, ac depopulatione deſenſa: ſic ab ho-  
ius nunc capite Gallorum impetus terroresq; depellit.  
Conſtituitur ex altera parte ulterior Hiſpania: quæ pro-  
ſpecto non modo religione ſua reſiſtere iſtorum cupidi-



tati potest: sed etiam sceleratorum hominum periuria  
testimonijs, ac laudationibus suis refutare. Atq; ex ipsa  
etiam gallia fidelissima, & grauissima auxilia sumun-  
tur. Venit huic subsidio misero, atq; innocenti Massiliē-  
sium cuncta ciuitas: quæ non solum ob eam causam la-  
borat: ut huic, à quo ipsa seruata est: parem gratiā re-  
ferre uideatur: sed etiam, quod ea conditione, atq; eo fa-  
cto se in his terris collocatam esse arbitratur: ne quid no-  
stris hominibus istæ gentes nocere possint. pugnat pari-  
ter pro salute M. Fontei Narbonensis colonia: quæ per  
hunc ipsa nuper obsidione hostium liberata, nunc eius-  
dem miseris, ac periculis commouetur. deniq; ut opor-  
tet bello Gallico: ut maiorum iura, moresq; præscribūt:  
nemo est ciuis romanus: qui sibi ulla excusatione uten-  
dum putet. omnes illius prouinciæ publicani, agricolæ,  
pecuarij, cæteri negotiatores, uno animo M. Fonteium,  
atq; una uoce defendunt. Quod si tantas auxiliorū no-  
strorum copias Indutiomarus ipse despexerit, dux Al-  
lobrogum, cæterorumq; Gallorum: num etiam de ma-  
tris hunc complexu lectissimæ, miserrimæq; fœminæ  
uobis inspectantibus auellet? atq; abstrahet? præsertim  
cum uirgo Vestalis ex altera parte germanum fratrem  
complexa teneat: uestramq; Iudices, ac populi Ro. fidem  
imploret: quæ pro uobis, liberisq; uestris tot annos in  
dijs immortalibus placandis occupata est: ut ea nunc  
pro salute sua, fratrisq; sui, animos uestros placare pos-  
sit. cui miseræ quod præsidium, quod solatium reliquū  
est, hoc amisso? nam cæteræ fœminæ gignere ipsæ si-  
bi præsidia, & habere domi fortunarum omnium so-  
cium, participemq; possunt. huic uero uirgini quid est

præte  
possit.  
Vestæ  
de uest  
nus no  
cerdoti  
det ad  
pro uob  
ne peri  
repudi  
esse non  
tissimu  
ratione  
peritima  
multitu  
eadem  
us pat  
peritima  
sit suis  
num  
longe a  
telis t  
tion en  
nunc  
nas ad  
sunt: a  
te Iue  
stris t  
ni: pla  
se: gr



præter fratrem? quod aut iucundum, aut carum esse  
possit? Nolite pati Iudices aras deorum immortalium,  
Vestæq; matris, quotidianis virginis lamentationibus  
de uestro iudicio commoueri. prospicite ne ignis ille æter-  
nus nocturnis Fonteie laboribus, uigilijsq; seruatus, sa-  
cerdotis Vestæ lachrymis extinctus esse dicatur. Ten-  
det ad uos uirgo Vestalis manus supplices easdem: quas  
pro uobis dijs immortalibus tendere consuevit. caute  
ne periculosum, superbumq; sit, eius uos obsecrationem  
repudiare: cuius preces si dij aspernarentur: hæc salua  
esse non possent. Videtis ne subito Iudices: uirum for-  
tissimum M. Fonteium parentis, & sororis commemo-  
ratione lachrymas profudisse? qui nunquam in acie  
pertimuerit: qui se armatus sæpe in hostium manum  
multitudinemq; immiserit: cum in eiusmodi periculis  
eadem se solatia suis relinquere arbitretur: quæ su-  
us pater sibi reliquisset: idem nunc perturbato animo  
pertimescit: ne non modo ornamento, & adiumento non  
sit suis: sed etiam cum acerbissimo luctu dedecus æter-  
num miseris, atq; ignominiam relinquat. O' fortuna  
longe disparem M. Fonte: si diligere potuisses: ut potius  
telis tibi Gallorum, quàm periurijs intereundum esset.  
tum enim uitæ socia uirtus, mortis comes gloria fuisset.  
nunc uero qui est dolor? uictoriæ te, atq; imperij pœ-  
nas ad eorum arbitrium sufferre: qui aut uicti armis  
sunt: aut inuitissimi paruerunt? à quo periculo defendi  
te Iudices auem fortem, atq; innocentem: curate ut no-  
stris testibus plus, quàm alienigenis credidisse uideami-  
ni: plus saluti ciuium, quàm hostium libidini consuluis-  
se: grauiorem duxisse eius obsecrationem, quæ uestris

N iij



PRO M. FONTEIO.

sacris praesit: quàm eorum audaciam: qui cum omnium  
sacris, delubrisq; bella gesserunt. postremo prospicite Iu-  
dices id quod ad dignitatem Populi Ro. maxime perti-  
net: ut plus apud uos preces uirginis Vestalis, quam ma-  
na Gallorum ualuisse uideantur.

sex. E.  
audaci  
ut: qua  
dere: C  
luisse: e  
aud. ex  
homini  
solum c  
tamest  
tum) se  
fiteri. a  
morib  
contra  
pterrit  
infatut  
non su  
dentur  
aut im  
fidenti  
quo ma  
alia r  
action  
tusse  
fession



PRO A. CECINNA.  
ORATIO XII.

I QVANTVM IN AGRO, lo  
cisq; desertis audacia potest: tantum in fo  
ro, atq; in iudicijs impudentia ualeret,  
non minus in causa caderet A. Cecinna  
Sex. Ebutij impudentiæ: quàm tum in ui facienda cessit  
audaciæ. uerum & illud considerati hominis esse puta-  
uit: qua de re iure decertari oporteret: armis non conten-  
dere: & hoc constantis: qui cum ui, & armis certare no-  
lisset: eum iure, iudicioq; superare. Ac mihi qdem cum  
audax præcipue fuisse uidetur Ebutius in conuocandis  
hominibus, & armandis: tum impudens in iudicio: nò  
solum quod in iudiciũ uenire ausus est (nam id quidem,  
tametsi improbe fit in aperta re: tamẽ malicia est iã usita-  
tum) sed quod nò dubitauit id ipsum, quod arguitur: con-  
fiteri. nisi forte hoc ratiois habuit: quoniã si facta uis esset  
moribus: superior in possessione retinẽda nò fuisset: quia  
contra ius morẽq; facta sit: A. Cecinnã cum amicis metus  
p̃territum profugisse. nũc quoq; in iudicio, si causa more,  
institutoq; omniu defendatur: nos inferiores in agendo  
non futuros. sin è consuetudine recedatur: se, quo impu-  
dentius egerit: hoc superiorem discessurum. quasi uero,  
aut in iudicio possit idem improbitas: quod in ui con-  
fidencia: aut non eo libentius tum audaciæ cesserimus:  
quo nunc impudentiæ facilius obsisteremus. Itaq; longe  
alia ratione Recuperatores ad agendam causam hac  
actione uenio: atq; initio ueneram. tum enim nostræ  
cause spes erat posita in defensione mea: nunc in con-  
fessione aduersarij. tum in nostris, nunc uero in illo-



PRO A.

rum testibus. de quibus ego antea laborabam: ne si im-  
probi essent: falsi aliquid dicerent: si probi existima-  
rētur: quod dixissent, probarent: nunc sum animo æquis-  
simo. si enim sunt uiri boni: me adiuant: cum id iurati  
dicunt: quod ego iniuratus insinulo. sin autem minus  
idonei: me non lædunt: cum ijs siue creditur hoc ipsum,  
quod nos arguimus: siue fides non habetur: de aduersa-  
rij testium fide derogatur. Veruntamen cum illorum cau-  
sæ actionem confidero: non uideo quid impudentius  
dici possit. cum autem uestram in iudicando dubi-  
tationem: uereor ne id, quod uidentur impudenter fecis-  
se: astute, & callide fecerint. nam si negassent uim homi-  
nibus armatis esse factam: facile honestissimis testibus in  
re perspicua tenerentur. sin confessi essent: & id quod  
nullo tempore iure fieri potest: tum ab se iure factum esse  
defenderēt: sperarunt id, quod assecuti sunt: se iniectu-  
ros uobis causam deliberandi, & iudicandi iustam mo-  
ram, ac religionem. simul illud, quod indignissimum est:  
futurum arbitrati sunt: ut in hac causa non de impro-  
bitate sex. Ebutij, sed de iure ciuili iudicium fieri ui-  
deretur. Quia in re si mihi esset unius A. Cecinnæ cau-  
sa agenda: profiterer satis idoneum esse me defensorem:  
propterea, quod fidem meam, diligentiamq; præsta-  
rem: quæ cum sunt in actore causæ: nihil est, in re præ-  
sertim aperta, ac simplici, quod excellens ingenium re-  
quiratur. sed cum de eo iure mihi dicendum sit: quod  
pertineat ad omnes: quod constitutum sit à maioribus:  
conseruatum usq; ad hoc tempus: quo sublato non solum  
pars aliqua iuris diminuta, sed etiam uis ea, quæ iurē  
maxime est aduersaria: iudicio confirmata esse uidea-  
tur: uideo summi ingenij causam esse: non uti demon-



streter, quod ante oculos est: sed ne, si quis uobis error in  
 tanta re sit obiectus: omnes potius me arbitrentur cau-  
 se, quam uos religioni uestræ defuisse. quanquam ego  
 mihi sic persuadeo Recuperatores: non uos tam propter  
 iuris obscuram, dubiamque rationem, bis iam de eadem  
 causa dubitasse: quam, quod uidetur ad summam illius  
 existimationem hoc iudicium pertinere: moram ad con-  
 demnandum acquisisse: simul & illi spatium ad sese  
 colligendum dedisse. Quod quoniam iam in consuetu-  
 dinem uenit: & id uiri boni uestri similes in iudicando  
 faciunt: reprehendendum fortasse minus: querendum  
 uero magis etiam uidetur: ideo, quod omnia iudicia aut  
 distrahendarum controuersiarum, aut puniendorum  
 malefactorum causa reperta sunt: quorum alterum le-  
 uius est: propterea, quod & minus ledit: & persepe  
 disceptatore domestico diiudicatur: alterum est uehemen-  
 tissimum: quod & ad grauiiores res pertinet: & non  
 honorariam operam amici, sed seueritatem iudicis, ac  
 uim requirit. quod est grauius, & cuius rei causa ma-  
 xime iudicia constituta sunt: id iam mala consuetudine  
 dissolutum est. nam, ut quæque res est turpissima: sic ma-  
 xime, & maturissime iudicanda est. at ea, de qua exi-  
 stimationis periculum est: tardissime iudicatur. qui igitur  
 conuenit, quæ causa fuerit ad constituendum iu-  
 dicium: eandem moram esse ad iudicandum? Siquis,  
 quod spondit, qua in re uerbo se uno obligauit: id  
 non facit: maturo iudicio, sine ulla religione iudicis  
 condemnatur. qui per tutelam, aut societatem, aut rem  
 mandatam, aut fiduciæ rationem, fraudauit quem-  
 piam: in eo, quo delictum maius est: eo poena est tar-  
 dior. est enim turpe iudicium: & facto quidem tur-



pe. Videte igitur quàm inique accidat: quia res in-  
digna sit: ideo turpem existimationem sequi: quia tur-  
pis existimatio sequatur: ideo rem indignam non uin-  
dicari. At si quis mihi hoc iudex, recuperator'ue dicat:  
potuisti enim leuiore actione conflagere: potuisti ad tuum  
ius faciliore, & commodiore iudicio peruenire. quare  
aut muta actionem: aut noli mihi instare, ut iudicem.  
tamen is aut timidior uideatur, quàm fortem, aut cupi-  
dior, quàm sapientem iudicem esse æquum est: si aut m-  
hi præscribat quemadmodum meum ius persequar:  
aut ipse id, quod ad se delatum sit. non audeat iudicare.  
etenim si Prætor is, qui iudicia dat: nunquam petitori præ-  
stituit: qua actione illū uti uelit: uidete quàm iniquum  
sit: constituta iam re, iudicem quid agi potuerit: aut quid  
possit: non quid actum sit: quærere. uerum tamen ni-  
mæ uestre benignitati pareremus: si alia ratione ius  
nostrum recuperare possemus. nunc uero quis est? qui aut  
uim armatis hominibus factam relinqui putet oportere?  
aut eius rei leuiorem actionem nobis aliquam de-  
monstrare possit? ex quo genere peccati, ut illi clami-  
tant: uel iniuriarum, uel capitis iudicia constituta sunt:  
in eo potestis atrocitatem nostram reprehendere? cum  
uideatis nihil aliud actum: nisi possessionem per in-  
terdictum esse repetitam? Verum siue uos existima-  
tionis illius periculum, siue iuris dubitatio tardiores  
fecit adhuc ad iudicandum: alterius rei causam uos-  
metipsi iam uobis sæpius prolato iudicio sustulistis: al-  
terius ego uobis hodierno die causam profecto auferam:  
ne diutius de controuersia nostra, ac de communi iure  
dubitetis. & si forte uidebor altius initium rei demon-  
strandæ petisse: quàm me ratio iuris, & ius, de quo ius-



dictū est: & natura causae coegerit: quæso ut ignoscatis.  
non enim minus laborat A. Cecinna: ne summo iure egis-  
se: quàm ne certum ius non obtinuisse uideatur.

M. Fulanius fuit Recuperatores è municipio Tarqui-  
niensi: qui & domusæ cum primis honestus existima-  
tus est: & Romæ argentariam non ignobilem fecit. Is  
habuit in matrimonio Cesenniam, eodem è municipio,  
summo loco natam, & probatissimam foeminam: sicut  
& uiuus multis ipse rebus ostendit: & in morte sua  
testamento declarauit. huic Cesenniae fundum in agro  
Tarquiniensi uendidit temporibus illis difficillimis so-  
lutionis. cum uteretur dote uxoris numerata: quo mulie-  
ri esset res cautior: curauit ut in eo fundo dos collocare-  
tur. aliquanto post iam argentaria dissoluta, Fulanius  
huic fundo uxoris continentia quædam prædia, atq;  
adiuncta mercatur. moritur Fulanius. multa enim quæ  
sunt in re: quia remota sunt à causa: prætermittam. te-  
stamento facit hæredem, quem habebat è Cesennia fi-  
lium: usum fructum omnium bonorum suorum Cesen-  
niae legat: ut frueretur una cum filio. magnus honos  
uiri, iucundus mulieri fuisse: si diuturnum esse licuisset.  
frueretur enim bonis cum eo: quæ suis bonis hæredē esse  
cupiebat: & ex quo maximum fructum ipsa capiebat.  
sed hunc fructum mature fortuna ademit. nam breuē  
tempore M. Fulanius adolescens mortuus est: hæredem  
P. Cesennium fecit: uxori grande pondus argenti, ma-  
triq; partem bonorum maiorem legauit. itaq; in partem  
mulieres uocatae sunt. Cum esset hæc auctio hæredita-  
ria constituta: Ebutius iste, qui iandiu Cesenniae uiduita-  
te, ac solitudine aleretur: ac se eius in familiaritatē in-  
sinuasset hac ratione: ut cum aliquo suo compendio ne-

*ipsa seq. fulanius  
ex eo qd. exquit.*

*continuitia ubi  
uulgo continet.*



gocia mulieris, si qua acciderent: controuersiasq; susci-  
 ret: uersabatur quoq; eo tpe in his ratioibus auctionis, et  
 partitionis: atq; et se ipse inferebat: et intrudebat: et in ea  
 opinionem Cesenniam adducebat: ut mulier imperita ni-  
 hil putaret agi callide posse: ubi non adesset Ebutius.  
 quam personam iam ex quotidiana cognoscitis uita Re-  
 cuperatores mulierum assentatoris, cognitoris uiduaru,  
 defensoris nimium litigiosi, conciti ad rixam, inepti, ac  
 stulti inter uiros, inter mulieres periti iuris, & callidi:  
 hanc personam imponite Ebutio. is enim Cesenniae fuit  
 Ebutius: ne forte quaeratis num propinquus? nihil alie-  
 nus. amicus aut a patre, aut a uiro traditus? nihil ma-  
 nus. quis igitur? ille, quem supra deformauimus: uoluntari-  
 us amicus mulieris, non necessitudine aliqua, sed ficto  
 officio, simulataq; sedulitate coniunctus, magis opportu-  
 na opera nonnunquam, quam aliquando fideli. Cum  
 esset, ut dicere instituerat: constituta auctio Romae: suade-  
 bant amici, cognatiq; Cesenniae id, quod ipsi quoq; mulie-  
 ri in mentem ueniebat: quoniam potestas esset emendi  
 fundum illum Fulcanianum: qui fundo eius antiquo con-  
 tinens esset: nullam esse rationem, amittere eiusmodi oc-  
 casionem: cum praesertim pecunia ex partitione debere-  
 tur: nusquam eam posse melius collocari. Ita q; mulier  
 facere constituit. mandat: ut fundum sibi emat. cui tan-  
 dem? cui putatis? an non in mentem uenit omnibus illius  
 ad hoc munus, & ad omnia mulieris negotia parati? si-  
 ne quo nihil satis caute, nihil satis callide agi posset? re-  
 ste attenditis. ebutio negotium datur. adest ad tabu-  
 lam: licetur Ebutius: deterrentur emptores multi, par-  
 tim gratia Cesenniae, partim etiam precio: fundus ad-  
 diatur Ebutio: pecuniam argentario promittit Ebutius.







lumniam, stulticiamq; obtrivit: ac contudit. in possessione bonorum cum esset: & cum ipse sextulam suam nimium exaggeraret: nomine hæredis arbitrum familiæ heriscundæ postulavit. Atq; illis paucis diebus, postquam uidet nihil se ab A. Cecinna posse litum terrore abradere: homini Romæ in foro denunciavit: fundum illum, de quo ante dixi: cuius istum emptorem demonstravi fuisse mandato Cesenniae: suum esse: seq; sibi emississe. Quid ais? Istus ille fundus est: quem sine ulla controversia quadriennium, hoc est, ex quo tempore fundus uenit: quoad uixit, possedit Cesennia. Vnus enim inquit eius & fructus fundi testamento uiri, fuerat Cesenniae. Cum hoc nouæ litis genus tam maleficiose intendere: placuit Cecinnæ de amicorum sententia constituere: quo die in rem præsentem ueniretur: & de fundo Cecinna moribus deduceretur. colloquuntur: dies ex utriusq; commodo sumuntur. Cecinna cum amicis ad diem uenit in castellum Axiâ: ex quo loco fundus is, de quo agitur: non longe abest. Ibi certior fit à pluribus: homines permultos liberos, atq; seruos coegisse, & armasse Ebutium. cū id partim mirarentur: partim nō crederent: ecce ipse Ebutius in castellum uenit: denūciat Cecinnæ se armatos habere: abiturum eum non esse, si accessisset. Cecinnæ placuit & amicis, quoad uideretur saluo capite fieri posse: experiri. tum de castello descendunt: in fundum proficiunt. Videtur temere commissum. uerum, ut opinor, hoc fuit causæ: tam tenere istum re commissurum, quàm uerbis nunciabatur: nemo putauit. Atque iste ad omnes introitus, qua adiri poterat non modo in eum fundum, de quo controversia fuerat: sed etiam in illum proximum, de quo nihil ambigebatur:

armatos



armatos homines opponit. Itaq; primo cum in antiquū  
fundum ingredi uellet: quod ea proxime accedi pote-  
rat: frequentes armati obstitērunt. quo loco depulsus Ce-  
cinna: tamen qua potuit ad eum fundum profectus: ex  
quo, ex conuentu uim fieri oportebat. eius autem fundi  
extremam partem oleæ directo ordine definiunt. ad eas  
cum accederetur: iste cum omnibus copijs præsto fuit: ser-  
uumq; suum nomine Antiochum ad se uocauit: et cla-  
ra uoce imperauit: ut eum, qui illum olearum ordinē  
intrasset: occideret. Homo mea sententia prudentissimus  
Cecinna, tamen in hac re plus mihi animum, quā consi-  
lij uidetur habuisse. nam cum & armatorum multitu-  
dinem uideret: & eam uocem Ebutij, quam commemo-  
raui: audiisset: tamen accessit propius: & iam ingredi-  
ens intra finem eius loci, quem oleæ terminabant: im-  
petum armati Antiochi, cæterorumq; tela, atq; incur-  
sus refugit. eodem tempore se in fugam conferunt una  
amici, aduocatiq; eius metu perterriti: quemadmodum il-  
lorum testem dicere audistis. His rebus ita gestis, P. Do-  
lobella Prætor interdixit, ut est consuetudo, de ui homi-  
nibus armatis, sine ulla exceptione, tantum, ut unde de-  
ieasset: restitueret. restituisse se dixit. sponsio facta est.  
hac de sponsione uobis iudicandum est. Maxime fuit  
optandum Cænnæ Recuperatores: ut controuersie ni-  
hil haberet. secundo loco: ut ne cum tam improbo homi-  
ne. tertio: ut cum tam stulto haberet. etenim non minus  
nos stulticia illius subleuat: quā lædit improbitas.  
improbus fuit: quod homines coegit: armauit: coactis, ar-  
matisq; uim fecit. læsit in eo Cænnam. subleuauit ibi-  
dem. nam in eas ipsas res, quas improbissime fecit: testi-  
monia sumpsit: & eis in causa testimonijs utitur. Itaq;



*Confutatio  
Ebutij.*  
 mihi certum est Recuperatores: antequam ad meam de-  
 fensionem, meosq; testes uenio: illius uti confessione, &  
 testimonijs. quid confitetur? atq; ita libenter confitetur? ut  
 non solum fateri: sed etiam profiteri uideatur Recu-  
 peratores? conuocati homines: coegi: armaui: terrore mor-  
 tis, ac periculo capitis, ne accederes, obstiti. ferro (inquit)  
 ferro, et hoc dicit in iudicio: te reieci: atq; perterrui. quid?  
 testes quid aiunt? P. Vetilius propinquus Ebutij, se  
 Ebutio cum armatis seruis uenisse aduocatum. quid præ-  
 terea? fuisse complures armatos. quid aliud? minatum  
 esse Ebutium Cecinna. quid ego de hoc teste dicam? ni-  
 si hoc Recuperatores? ut itaq; non minus ei creda-  
 tis: quod homo minus idoneus habetur: sed ideo cre-  
 datis: quod ex illa parte id dicit: quod illi causæ ma-  
 xime est alienum. A. Terentius alter testis, non modo  
 Ebutium, sed etiam se ipsum arguit. in Ebutium hoc  
 dicit: armatos homines fuisse. de se autem hoc prædi-  
 cat: Antiocho Ebutij seruo imperasse: ut in Cecinnam  
 aduenientem cum ferro inuaderet. quid loquar am-  
 plius hoc de homine? in quem ego dicere, cum rogarer  
 a Cecinna: nunquam uolui: ne arguere illum rei capi-  
 talis uiderer: de eo dubito nunc, quomodo aut loquar,  
 aut taceam: cum ipse hoc de se iuratus prædicet. Dein-  
 de L. Celius non solum Ebutium cum armatis dixit  
 fuisse compluribus: uerum etiam cum aduocatis perpau-  
 cis eo uenisse Cecinnam. de hoc ego teste detraham? cui  
 æque, atque meo testi ut credatis, postulo. P. Memmius  
 secutus est: qui suum non paruum beneficium comme-  
 morauit in amicos Cecinna: quibus sese uiam per fra-  
 tris sui fundum dedisse dixit: qua effugere possent: cum  
 essent metu omnes perterriti. huic ego testi gratias agam:



quod & in re misericordem se præbuit: & in testimo-  
 nio religiosum. A. Attilius & eius filius L. Attilius  
 & armatos ibi fuisse: & se suos armatos adduxisse di-  
 xerunt. etiam hoc amplius. cum Ebutius Cecinnæ ma-  
 lum minaretur: ibi tum Cecinnam postulasse: ut mori-  
 bus deductio fieret. hoc idem P. Rutilius dixit: & eo  
 libentius dixit: ut aliquo in iudicio eius testimonio cre-  
 ditum putaretur. duo præterea testes nihil de ui, sed de  
 ipsa emptione fundi dixerunt, P. Cesennius author fun-  
 di, non tam autoritate graui, quàm corpore: & ar-  
 gentarius, Sex. Clodius: cui nomen est Phormio: nec mi-  
 nus niger, nec minus confidens, quàm ille Terentia-  
 nus est Phormio: nihil de ui dixerunt: nihil præterea,  
 quod ad uestrum iudicium pertineret. Decimo uero lo-  
 co testis expectatus, & ad extremum reseruatus dixit  
 Senator Populi romani, splendor ordinis, decus atque  
 ornamentum iudiciorum, exemplar antiquæ religio-  
 nis Fidiculanus Falcula: qui cum ita uehemens, acerq;  
 uenisset: ut non modo Cecinnam periurio suo læderet:  
 sed etiam mihi uideretur irasci: ita eum placidum,  
 mollemq; reddidi: ut non auderet: sicut meministis:  
 iterum dicere, quot millia fundus suus abesset ab urbe.  
 nam cum dixisset minus abesse LIII: populus cum  
 risu acclamauit ipsa esse. memnerāt enim omnes, quā-  
 tum in Albiano iudicio accepisset. In eum quid di-  
 cam? nisi id, quod negare non possit: uenisse in consilium  
 publicæ quæstionis, cum eius consilij iudex non esset:  
 & in eo consilio, cum causam non audisset: & pote-  
 stas esset ampliandi: dixisse sibi liquere: dum incogni-  
 ta re iudicare uoluisset: maluisse condemnare, quàm ab-  
 soluere: cum si uno minus damnarent: condemnari reus



non posset: non ad cognoscendam causam, sed ad explen-  
dam damnationem præsto fuisse. utrum grauius ali-  
quid in quempiam dici potest: quàm ad hominem con-  
demnandum, quem nunquam uidisset: neq; audisset: ad-  
ductum precio esse? an certius quicquam obijci potest?  
quàm quod is, cui obijcitur: ne nutu quidem infirmare  
conatur? Veruntamen is testis, ut facile intelligeretis eum  
non adfuisse animo: cum ab illis causa ageretur: testesq;  
dicerent: sed tantisper de aliquo reo cogitasse: cum omnes  
ante eum dixissent testes, armatos cum Ebutio fuisse com-  
plures: solus dixit non fuisse. uisus est mihi primo uete-  
rator intelligere præclare, quid causa optaret: & tan-  
tummodo errare, quod omnes testes infirmaret: qui an-  
te eum dixissent: cum subito ecce idem qui solet, suos  
solos seruos armatos fuisse dixit. quid huic tu homini fa-  
cias? non ne concedas interdum: ut excusatione sum-  
mæ stulticiæ, summæ improbitatis odium deprecetur?  
Vtrum Recuperatores his testibus non credidistis: cum  
quid liqueret, non habuistis? at controuersia non erat,  
quin uerum dicerent. an in coacta multitudine, in ar-  
mis, in telis, in præsentis metu mortis, perspicuo pericu-  
lo cædis, dubium uobis fuit, an esse uis aliqua uidere-  
tur, nec ne? quibus igitur in rebus uis intelligi potest:  
si in his non intelligitur? An uero illa defensio uobis  
præclara uisa est: non deiect: sed obstiti. non enim te  
sum passus in fundum ingredi: sed armatos homines  
opposui: ut intelligeres, si in fundo pedem posuisses: sta-  
tim tibi esse pereundum. quid ais? is, qui armis perter-  
ritus, fugatus, pulsus est: non uidetur esse deiectus? po-  
sterius de uerbo uidebimus. nunc rem ipsam ponamus:  
quam illi non negant: et eius rei ius, actionemq; quæ



ramus. Est hæc res posita: quæ ab aduersario non negatur. Cecinnam, cum ad constitutam diem, tempusq; uenisset: ut ius, ac deductio moribus fieret: pulsum, prohibitumq; esse ui, coactis hominibus, & armatis. Cum hoc constet: ego homo imperitus iuris, ignarus negotiorum, ac litium, hanc puto me habere actionem: ut per interdictum, meum ius teneam: atque iniuriam tuam persequar. fac in hoc errare me: nec ullo modo posse per hoc interdictum id assequi: quod uelim: te uti in hac re magistro uolo. quæro, sit ne aliqua huius rei actio? an nulla? conuocari homines propter possessionis controuersiam non oportet: armari multitudinem iuris retinendi causa non conuenit: nec iuri quicquam tam inimicum, quam uis: nec æquitati quicquam tam infestum est, quam conuocati homines, & armati. quod cum ita sit: resq; eiusmodi sit: ut in primis à magistratibus animaduertenda esse uideatur: iterum quæro: sit ne eius rei aliqua actio? an nulla? nullam esse dices? audire cupio qui in pace, & ocio, cum manum fecerit: copias pararit: multitudinem hominum coegerit: armarit: instruxerit: homines inermes, qui ad constitutum experiundi iuris gratia uenissent: armis, uiris, terrore, periculoq; mortis repulerit: fugarit: auerterit: hoc dicat: feci equidem, quæ dicis, omnia: & ea sunt, & turbulenta, & temeraria, & periculosa. quid ergo est? impune feci. nã quid agas mecum ex iure civili, ac prætorio nõ habes. Ita ne uero Recuperatores? hoc uos audietis? & apud uos dici patiemini sæpius? cum maiores nostri tanta diligentia, prudentiaq; fuerint: ut omnia omnium non modo tantarum rerum, sed etiam tenuissimarum iura statuerint: persecutiq; sint? ut hoc genus unum, uel ma-



ximum praeatermitterent: ut si qui me exire domo mea  
 coegisset armis: haberem actionem: si qui introire pro-  
 hibuisset: non haberem? nondum de Cecinna causa di-  
 sputo: nondum de iure possessionis nostrae loquor: tan-  
 tum de tua defensione C. Piso queror. quando ita dicis:  
 Et ita constituis: si Cecinna, cum in fundo esset: inde de-  
 iectus esset: tum per hoc interdictum eum restitui oportu-  
 fuisse. nunc uero deiectum nullo modo esse inde: ubi non  
 fuerit: hoc interdicto nihil nos affectos esse: quero, si  
 te hodie domum tuam redeuntem coacti homines, et  
 armati non modo limine, tectoq; aedium tuarum, sed  
 primo aditu, uestibuloq; prohibuerint: quid acturus  
 sis? monet amicus meus te L. Calphurnius: ut idem di-  
 cas: quod ipse antea dixit: iniuriarum. quid ad causam  
 possessionis? quid ad restituendum eum: quem oportet  
 restitui? quid denique ad ius civile: aut ad actoris no-  
 tionem, et ad animadversionem ages? iniuriarum?  
 plus tibi ego largiar. non solum egeris: uerum etiam  
 condemnaris licet: nunquid magis possidebis? actio enim  
 iniuriarum non ius possessionis assequitur: sed dolorem  
 imminuta libertatis iudicio, poenaq; mitigat. praetor in-  
 terea, Piso tanta de re tacebit? quemadmodum te restitu-  
 tuat in aedes tuas non habebit? qui dies totos aut uim  
 fieri uetat: aut restitui factam iubet: qui de fossis, de  
 cloacis, de munimis aquarum, itinerumq; controuersis,  
 interdictis repente obmutescet? in atrocissima re quid  
 faciat non habebit? et C. Pisone domo, tectisq; suis  
 prohibito, prohibito inquam per homines coactos, et ar-  
 matos, praetor quemadmodum more, et exemplo opi-  
 tulari possit non habebit? quid enim dicet? aut quid tu-  
 tam insigni accepta iniuria postulabis? unde ui prohi-



bitus sis? nemo unquam interdixit. nouum est, non dico inusitatum, uerum omnino inauditum. unde deiectus? quid proficies: cum illi hoc respondebunt tibi: quod tu nunc mihi: armatos se tibi obstitisse: ne in aedes accederes: deici porro nullo modo potuisse: qui non accesserit. deicior ego inquis: si quis meorum deijatur. omnino iam bene agis. à uerbis enim recedis: Et æquitate uteris. nam uerba ipsa si sequi uolumus: quomodo tu deiceris: cum seruus tuus deijatur? Verum ita est uti dicas: te deiectum debeo intelligere: etiam si tactus non fueris. nonne? age nunc: si ne quidem tuorum quisquā loco motus erit: atque omnes in ædibus adseruati, ac re-tenti: tu solus prohibitus: Et à tuis ædibus ui, atq; armis perterritus: utrum hanc actionem habebis: qua nos usi sumus? an aliam quampiam? an omnino nullā? nullam esse actionem dicere in re tam insigni, tamq; atroci, neq; prudentiæ, neq; authoritatis tuæ est. alia si quæ forte est: quæ nos fugerit: dic quæ sit. cupio discere. hæc si est, qua nos usi sumus: te iudice uincamus necesse est. non enim uereor ne hoc dicas, in eadem causa eodem interdicto te oportere restitui: Cecinnam non oportere. etenim cui perspicuum non sit? ad incertum reuocari bona, fortunas, possessiones omnium: si ulla ex parte sententia huius interdicti diminuta, aut infirmata sit: si authoritate uirorum talium ius armatorum hominum iudicio approbatum uideatur: in quo iudicio non de armis dubitatum: sed de uerbis quæsitum esse dicatur. is ne apud uos optinebit causam suam? qui se ita defenderit: eiei ego te armatis hominibus, non deieci: ut tantum facinus non in æquitate defensionis: sed in una litera latuisse uideatur? huiusce rei uos statuetis nul-



lam esse actionem. nulli experiundi ius constitutum. quod obstitit armatis hominibus: qui multitudine co-  
 acta non introitu, sed omnino aditu quempiam prohi-  
 buerit. Quid ergo, hoc quam habet vim? ut ista re ali-  
 quid cum aliqua ex parte differre uideatur: utrum, pe-  
 dem cum intulero: atque in possessionem uestigium fecero:  
 tum expellar, atque deiciar: an in eadem ui atque ysdem  
 armis mihi ante occurratur: ne non modo intrare, uerum  
 etiam aspicere, aut aspirare possim. qui hoc ab illo dif-  
 fert: ut ille cogatur restituere: qui ingressum expulerit: il-  
 le qui ingredientem repulerit, non cogatur? Videte per  
 deos immortales quod ius nobis, quam conditionem  
 uobismetipsis, quam denique ciuitati legem constituere ue-  
 litis. huiusce generis una est actio, per hoc interdictum,  
 quo nos usi sumus: constituta. ea si nihil ualet: aut si ad  
 hanc rem non pertinet: quid negligentius, aut quod stul-  
 tius maioribus nostris dici potest? qui aut tantæ rei præ-  
 termiserint actionem: aut eam constituerint: quæ nequa-  
 quam satis uerbis causam, et rationem iuris amplecte-  
 retur? periculosum est dissolui hoc interdictum: captio-  
 sum est omnibus rem ullam constitui eiusmodi: quæ cum  
 armis gesta sit: rescindi iure non possit. uerum tamen est  
 turpissimum illud: tantæ stulticiæ prudentissimos homi-  
 nes condemnari: ut uos iudicetis huius rei interdictum,  
 atque actionem in mentem maioribus nostris non uenisse.  
 Queramur inquit licet: tamen hoc interdicto Ebu-  
 tius non tenetur. quid ita? quod uis Cecinæ facta non  
 est. dici in hac causa potest: ubi arma fuerint: ubi co-  
 acta hominum multitudo: ubi instructi, et certis locis  
 cum ferro homines collocati: ubi minæ, pericula, ter-  
 roresque mortis: ibi vim non fuisse? nemo inquit oati-

sus est,  
 uersa  
 loquar  
 facta n  
 gator es  
 quam n  
 recuper  
 strum,  
 que per  
 territum  
 ci sepe  
 men non  
 tuerint  
 bium sit  
 perterrit  
 si ui pul  
 nui sep  
 impuls  
 cominus  
 ipso mil  
 gnas co  
 us in b  
 quod ne  
 uili iudi  
 aduocat  
 nus cor  
 rabit et  
 stabit?  
 aduocat  
 modo  
 quæse



sus est, neq; saucius. quid ais? cum de possessionis contro-  
uersia, & de priuatorum hominum contentione iuris  
loquamur: tu uim negabis esse factam: si cædes & occasio  
facta non erit? ego exercitus maximos sæpe pulsos, & fu-  
gatos esse dico, terrore ipso, impetuq; hostium sine cuius-  
quam non modo morte, uerum etiam uulnere. Etenim  
Recuperatores non ea sola uis est: quæ ad corpus no-  
strum, uitamq; peruenit: sed etiam multo maior ea:  
quæ periculo mortis iniecto, formidine animum per-  
territum loco sæpe, & certo de statu dimouet. itaq; sau-  
cij sæpe homines, cum corpore debilitantur: animo ta-  
men non cædunt: neq; eum relinquunt locum: quem sta-  
tuerint defendere. at alij pelluntur integri: ut non du-  
bium sit: quin maior adhibita uis ei sit: cuius animus sit  
perterritus: quàm illi, cuius corpus uulneratum sit. quod  
si ui pulsos dicimus exercitus esse eos, qui metu, ac te-  
nui sæpe suspitione periculi fugerunt: & si non solum  
impulsu scutorum, neque conflictu corporum, neq; ictu  
cominus, neque coniectione telorum, sed sæpe clamore  
ipso militum, aut instructione, aspectuq; signorum ma-  
gnas copias pulsas esse, & uidimus: & audiuius: quæ  
uis in bello appellatur: ea in otio non appellabitur? &  
quod uehemens in re militari putatur: id leue in iure ci-  
uili iudicabitur? & quod exercitus armatos mouet: id  
aduocationem togatorum non uidebitur mouisse? & uul-  
nus corporis magis istam uim, quam terror animi decla-  
rabit? et sauciatio quæretur: cum fugam factam esse con-  
stabit? tuus enim testis hoc dixit: metu perterritis nostris  
aduocatis, locum qua effugerent demonstrasse. qui non  
modo ut fugerent: sed etiam ipsius fugæ tutam uiam  
quæsierunt: his uis adhibita non uidebitur? quid



igitur fugiebant? propter metum? quid metuebant?  
 uim uidelicet. potestis igitur principia negare: cum ex-  
 trema conceditis? fugisse perterritos confitemini: cau-  
 sam fugæ dicitis eandem, quam omnes intelligimus:  
 arma, multitudinem hominum, incursionem, atque im-  
 petum armorum: hæc ubi conceduntur esse facta: ibi uis  
 facta negabitur? At uero hoc quidem iam uetus est, et  
 maiorum exemplo multis in rebus usitatum: cum ad  
 uim faciendam ueniretur: si quos armatos quamuis  
 procul conspexissent: ut statim testificati discederent: opti-  
 me sponsonem facere possent: ni aduersus edictum præto-  
 ris uis facta esset. Ita ne uero? scire esse armatos satis  
 est: ut uim factam probes? in manus eorum incidere non  
 est satis? aspectus armatorum ad uim probandam ua-  
 lebit? incursus & impetus non ualebit? qui abierit fa-  
 cilius sibi uim factam probabit? quam qui effugerit?  
 At ego dico hoc: si, ut primo in castello Cecinnæ dixit  
 Ebutius, se homines coegisse: & armasse: neque illum, si  
 eo accessisset: abiturum: statim Cecinna discessisset: dubi-  
 tare uos non debuisse: quin Cecinnæ facta uis esset.  
 si uero, simulac procul conspexit armatos: recessisset: eo  
 minus dubitaretis. omnis enim uis est: quæ periculo aut  
 decedere nos alicunde cogit: aut prohibet accedere. Quod  
 si aliter statuatis: uidete ne hoc uos statuatis: qui uiuus  
 discesserit: ei uim non esse factam: ne hoc omnibus in  
 possessionum controuersijs præscribatis: ut confligen-  
 dum sibi, & armis decertandum putent: ne, quemad-  
 modum in bello, poena ignauis ab imperatoribus con-  
 stituitur: sic in iudicijs deterior causa sit eorum, qui fuge-  
 rint: quam qui ad extremam usque contenderint. Cum de  
 iure, & legitimis hominum controuersijs loquimur: &



in his rebus uim nominamus: pertenuis uis intelligi debet. uidi armatos: quamuis paucos: magna uis est. decessi unius hominis telo perterritus: deiectus, detrususque sum. hoc si ita statuetis: non modo non erit cur depugnare quisquam post hac possessionis causa uelut: sed ne illud quidem, cur repugnare. sin autem uim sine caede, sine uulneratione, sine sanguine nullam intelligetis: statuetis homines possessionis cupidiores, quam uitae esse oportere. Age uero: de ui te ipsum habebo iudicem Ebuti: responde si tibi uidetur: in fundum Cecinna utrum noluit tandem: an non potuit accedere? cum te obtinuisse, & repudiasse dicis, certe hunc uoluisse concedis. potes igitur dicere non ei uim fuisse impedimento? cui cum cuperet: eoque consilio uenisset: per homines coactos non sit licitum accedere? Si enim id, quod maxime uoluit: nullo modo potuit: uis profecto quaedam obstiterit necesse est: aut tu dic quamobrem cum uellet accedere: non accesserit. iam uim factam negare non potes. deiectus quemadmodum sit, qui non accesserit: id quaeritur. dimoueri enim, & depelli de loco necesse est eum: qui deiciatur. id autem accidere ei qui potest? qui omnino in eo loco, unde se deiectum esse dicit: nunquam fuit? Quod si fuisset: & ex eo loco, metu permotus fuisset: cum armatos uidisset: diceret ne esse deiectum? opinor. an tu, qui tam diligenter, & tam callide uerbis controuersias, non aequitate dyudicatis: & iura non utilitate communi, sed literis exprimis: poteris ne dicere deiectum esse eum, qui tactus non erit? quid? detrusum dices? nam eo uerbo antea Praetores hoc interdicto uti solebant. quid ais? potest ne detrudi quisquam qui non attingatur? non ne, si uerbum sequi uolumus:



hoc intelligamus necesse est? eum detrudi: cui manus affe-  
rantur? necesse est inquam, si ad uerbum rem uolumus  
attingere: neminem statu detrusum qui non adhibita ui,  
manu demotus, & actus præceptis intelligatur. deiectus  
uero qui potest esse quisquam, nisi in inferiorem locum  
de superiore motus? potest pulsus, fugatus, eiectus de-  
niq; illud uero nullo modo potest, deiectus esse quisquam:  
non modo qui tactus non sit: sed ne æquo quidem, &  
plano loco. quid ergo? hoc interdictum putamus co-  
rum esse causa compositum? qui se præcipitatos ex locis  
superioribus dicerent? eos enim uere possumus dicere  
esse deiectos. an, cum uoluntas, & consilium, & senten-  
tia interdicti intelligatur: impudentiam summam, aut  
stulticiam singularem putabimus: in uerborum errore  
uersari? rem, & causam, & utilitatem communem  
non relinquere solum: sed etiam prodere? An hoc du-  
bium est? quin neq; uerborum tanta copia sit, non mo-  
do in nostra lingua, quæ dicitur esse inops: sed ne in alia  
quidem ulla: res ut omnes suis certis, ac proprijs uoca-  
bulis nominentur? neq; uero quicquam opus sit uerbis:  
cum ea res, cuius causa uerba quæsitæ sint, intelligatur.  
quæ lex, quod senatus consultum, quod magistratus edi-  
ctum, quod foedus, aut pactio, quod (ut ad priuatas res  
redeam) testamentum, quæ iudicia, aut stipulationes, aut  
pacti, & conuenti formula, non infirmari, aut conuelli  
potest? si ad uerba rem deflectere uelinus? consilium  
autem eorum, qui scripserunt: & rationem, & auctori-  
tatem relinquamus? sermo hercule & familiaris, &  
quotidianus non cohærebit: si uerba inter nos aucupabi-  
mur. deniq; imperium domesticum nullum erit: si ser-  
uulis hoc nostris concesserimus: ut ad uerba nobis obe-



diant: non ad id, quod ex uerbis intelligi possit: obtem-  
 perent. Exemplis nunc uti uidelicet mihi necesse est ha-  
 rum rerum omnium? non occurrit unicuique uestrum aliud  
 alij in omni genere exemplum? quod testimonio sit: non  
 ex uerbis aptum pendere ius: sed uerba seruire homi-  
 num consilijs, & auctoritatibus? Ornate & copiose L.  
 Crassus homo longe eloquentissimus, paulo ante quam  
 nos in forum uenimus: iudicio centumuirali hanc sen-  
 tentiam defendit: & facile, cum contra eum pruden-  
 tissimus homo Q. Mutius diceret: probauit omnibus:  
 M. Curium, qui haeres institutus esset ita, mortuo postu-  
 mo filio: cum filius non modo non mortuus, sed ne na-  
 tus quidem esset: haeredem esse oportere. quid? uer-  
 bis satis hoc cautum erat? minime. quæ res igitur ua-  
 luit? uoluntas. quæ si tacitis nobis intelligi posset: uerbis  
 omnino non uteremur. quia non potest: uerba reperta  
 sunt: non quæ impedirent: sed quæ indicarent uolun-  
 tatem. Lex usum, & auctoritatem fundi iubet esse bien-  
 nium. at utimur eodem iure in ædibus: quæ in lege non  
 appellantur. si uia sit immunita: iubet, quæ uelit, agere  
 iumentum. potest hoc ex uerbis intelligi: licere si uia sit  
 in Brutijs immunita: agere, si uelit, iumentum per M.  
 Scæuri Thufculanum. actio est in authorem præsentem  
 his uerbis. quâdoquidē te in iure conspicio. hac actione  
 Appius ille Cæcus uti non posset: si tam uere homines  
 uerba confectarētur: quàm rem, cuius causa uerba sunt:  
 non considerarent. testamento si recitatus haeres esset pro-  
 pillus Cornelius: isq; iam annos XX haberet: uobis in-  
 terpretibus amitteret hereditatem? ueniunt in mentem  
 mihi permulta: uobis plura certo scio. uerum ne ni-  
 mium multa complectamur: atque ab eo, quod propo-



fitum est: longius aberret oratio: hoc ipsum interdictum de quo agitur: consideremus. intelligetis enim in eo ipso, si in uerbis ius constituamus: omnem utilitatem nos huius interdicti, dum uersuti, & callidi uolumus esse: amissuros. VNDE TV, AVT FAMILIA, AVT PROCURATOR TVVS. si me uillius tuus solus deiecerit: non familia deiecerit, ut opinor, sed aliquis de familia. recte igitur dices te restituisse? quippe. quid enim facilius est? quam probari ijs, qui latine sciant: in uno seruo familiae nomen non ualere? si uero ne habeas quidem seruum praeter eum, qui me deiecerit: clames uidelicet: si habeo familiam: a familia mea fateor te esse deiectum. neque dubium est: quin, si ad rem iudicandam uerbo ducimur, non re: familiam intelligamus: quae constet ex seruis pluribus: quin unus homo familia non sit. uerbum certe hoc non modo postulat: sed etiam cogit. at uero ratio iuris, interdicti quoque ius, et Praetorum uoluntas, et hominum prudentium consilium, et auctoritas, respiciat hanc defensionem: & pro nihilo putet. quid ergo? isti homines latine non loquuntur? immo uero tantum loquuntur: quantum est satis ad intelligendam uoluntatem: cum sibi hoc proposuerint: ut siue me tu deieceris: siue tuorum quispiam, siue seruorum, siue amicorum: ut seruos non numero distinguant: sed appellent uno familiae nomine. de liberis autem, quisquis est, procuratoris nomine appellatur: non quo omnes sint: aut appellentur procuratores: qui negotij nostri aliquid gerant: sed in hac re, cognita sententia interdicti uerba exquiri omnia noluerunt. non enim alia causa est aequitatis in uno seruo, & in pluribus: non alia ratio iuris in hoc genere duntaxat, utrum me tuus procurator deie-

erit is.  
eius, qu  
dam pe  
tius col  
quius, q  
tuo nom  
ni deiect  
intellect  
rum us  
bertus de  
curator de  
qui aliqui  
queri nū  
si familia d  
quod famli  
dicatur, qu  
us a uerbo  
derm: si tu  
mercenari  
& nomen  
dictum se  
minem, co  
is, qui con  
qui ab al  
modo con  
i modo fa  
colendi, aut  
des homin  
rabis, me  
iudice. nū  
solum co



erit is, qui legitime procurator dicitur omnium rerum  
 eius, qui in Italia non sit: absit'ue Reip. causa: quasi qui  
 dam pene' dominus, hoc est alieni iuris vicarius: aut  
 tuus colonus, aut vicinus, aut cliens, aut libertus, aut  
 quivis, qui illam vim, deiectionemq; tuo rogatu, aut  
 tuo nomine fecerit. Quare si ad eum restituendum, qui  
 vi deiectus est: eandem vim habet æquitatis ratio: ea  
 intellecta, certe nihil ad rem pertinet: quæ verbo-  
 rum vis sit, ac nominum: tam restitues: si tuus me li-  
 bertus deiecerit: nulli tuo præpositus negotio: quàm si pro-  
 curator deiecerit: non quo omnes sint procuratores:  
 qui aliquid nostri negotij gerunt: sed quod in hac re  
 quæri nihil attinet: tam restitues: si unus servulus, q̃  
 si familia deiecerit uniuersa: non quo idem sit servulus,  
 quod familia: uerum quia non quibus uerbis quidq;  
 dicatur, quæritur: sed quæ res agatur. etiam, ut longi-  
 us à uerbo recedamus: ab æquitate ne tantulum qui-  
 dem: si tuus seruus nullus fuerit: & omnes alieni, ac  
 mercennarij: tamen & ipsi tuæ familiæ & genere  
 & nomine continebuntur. Perge porro hoc idem inter-  
 dictum sequi. HOMINIBVS COACTIS. ne-  
 minem coegeris: ipsi conuenerint sua sponte: certe coegerit  
 is, qui congregat homines: & conuocat. Coacti sunt ij,  
 qui ab aliquo sunt unum in locum congregati. si non  
 modo conuocati nõ sunt: sed ne conuenerunt quidẽ: sed  
 ij modo fuerunt: qui etiã antea, non uis ut fieret: uerũ  
 colendi, aut pascendi causa esse in agro consueuerat: defen-  
 des homines coactos non fuisse: & uerbo quidem supe-  
 rabis, me ipso iudice: re autem ne consistes quidem ullo  
 iudice. vim enim multitudinis restitui uoluerunt: non  
 solum conuocatae multitudinis. sed, quia plerumque



ubi multitudine opus est: homines cogi solent: ideo de coa-  
 ctis compositum interdictum est: quod etiam si uerbo  
 differre uidebitur: re tamen erit unum: & omnibus in  
 causis idem ualebit: in quibus perspicitur una atque ea-  
 dem causa æquitatis. ARMATIS'VE. quid di-  
 cemus? armatos si latine loqui uolumus: quos appellare  
 uere possumus? opinor eos, qui scutis, telisq; parati,  
 ornatiq; sunt. quid igitur? si glebis, aut saxis, aut fusti-  
 bus aliquem de fundo præcipitem egeris: iussusq; sis, quæ  
 hominibus armatis deieceris, restituere: restituisse te di-  
 ces? uerba si ualent: si causæ non ratione, sed uocibus  
 ponderantur: me authore dicito. uinces profecto non  
 fuisse armatos eos: qui saxa iacerent: quæ de terra ipsi  
 tollerent: non esse arma cespites, neque glebas: non fuis-  
 se armatos eos: qui prætereuntes ramum de fringerent  
 arboris: arma esse suis nominibus, alia ad tegendum:  
 alia ad nocendum: quæ qui non habuerint: inermes  
 fuisse uinces. uerum siquidem erit armorum iudicium:  
 tum ista dicto iuris iudicium cum erit, & æquitatis:  
 caue in ista tam frigida, tam ieiuna calumnia delite-  
 scas. non enim reperies quenquam iudicem, aut Recu-  
 peratorem: qui tanquam si arma militis inspicunda  
 sint: ita probet armatum. sed perinde ualebit: quasi ar-  
 matissimi fuerint: si reperientur ita parati fuisse: ut uim  
 uitæ aut corpori potuerint afferre. Atq; ut magis in-  
 telligas, q̄ uerba nihil ualeant: si tu solus, aut quiuis  
 unus cum scuto, cum gladio impetum in me fecisset:  
 atque ego ita deiectus essem: auderes ne dicere? inter-  
 dictum esse de armatis hominibus? hic autem hominem  
 armatum unum fuisse? non opinor tam impudens esses.  
 atqui uide ne multo nunc sis impudentior. nam tum  
 quidem

quidem  
 res in  
 ermes ar  
 de plurib  
 res esse ho  
 uerba uen  
 ba hec in  
 put, & ad  
 uoluerunt  
 mōq; si alie  
 re esse uola  
 milia, quæ  
 alieni, ac m  
 uicinus, aut  
 uoluntarius  
 matis, quæ  
 rum, ad n  
 mato quib  
 res appell  
 uis est: ea,  
 men senter  
 nunc ad i  
 to te ipsum  
 quiorq; di  
 mati, cum  
 hi non co  
 malim di  
 mis in gr  
 qui sine  
 aliam uir



quidem omnes mortales implorare posses: quod homi-  
 nes in tuo negotio latine loqui obliuiscerentur: quod in-  
 ermes armati iudicaretur: quod, cum interdictum esset  
 de pluribus: commissa res esset ab uno: unus homo plu-  
 res esse homines iudicaretur. uerum in his causis non  
 uerba ueniunt in iudicium: sed ea res, cuius causa uer-  
 ba hæc in interdictum coniecta sunt. Vim, quæ ad ca-  
 put, & ad uitam pertinet: restitui sine ulla exceptione  
 uoluerunt. ea fit plerumq; per homines coactos, arma-  
 tosq;: si alio consilio, eodem periculo facta sit: eodem iu-  
 re esse uoluerunt. non enim maior est iniuria, si tua fa-  
 milia, quàm si tuus uillicus, non si tui serui, quàm si  
 alieni, ac mercennarij, non si tuus procurator, quàm si  
 uicinus, aut libertus tuus, non si coactis hominibus, q̃ si  
 uoluntarijs, aut etiam assidujs, ac domesticis, non si ar-  
 matis, quàm si inermibus, qui uim haberent armato-  
 rum, ad nocendum, non si pluribus, quàm si uno ar-  
 mato. quibus enim rebus plerumq; uis fit: eiusmodi hæ-  
 res appellantur interdicto. si per alias res eadem facta  
 uis est: ea, tamen si uerbis interdicti non concluditur: ta-  
 men sententia iuris, atq; auctoritate retinetur. Venio  
 nunc ad illud tuum non deieci: si non sui accedere. pri-  
 mo te ipsum Piso perspicere, quanto ista sit angustior, ini-  
 quiorq; defensio: quàm si illa uterere: non fuerunt ar-  
 mati, cum fustibus, & saxis fuerunt. Si me hercule mi-  
 hi non copioso homini ad dicendum, optio detur: utrum  
 malim defendere: non esse deiectum eum, cui ui, & ar-  
 mis ingredienti sit ocursum. an armatos non fuisse eos:  
 qui sine scutis, ac sine ferro fuerint: omnino ad proban-  
 dum utranq; rem uideā infirmam, nugatoriamq; esse:



PRO A.

ad dicendum autem in altera uidear mihi aliquid repe-  
 rire posse: nō fuisse armatos eos, qui neq; ferri quicquā,  
 neq; scutum ullum habuerint: hic uero hāream: si mi-  
 hi defendendum sit, eum qui pulsus, fugatusq; sit: non  
 esse deiectum. Atq; illud in tota defensione tua, mihi  
 maxime mirum uidebatur: te dicere iurisconsultorum  
 auctoritati obtemperari non oportere. quod ego, tametsi  
 non nunc primum, neq; in hac causa solum audio: ta-  
 men admodū mirabar, abs te quāobrem diceretur. nam  
 ceteri tum ad istam hortationē decurrunt: cum se in cau-  
 sa putant habere aequū, & bonū, quod defendant. si con-  
 tra uerbis, & literis, & (ut dici solet) summo iure con-  
 tenditur: solent eiusmodi iniquitati & boni, et aequi no-  
 mē, dignitatemq; opponere. tum illud, quod dicitur: si ue-  
 ni, be, \* irridet: tum aucupia uerborū, et literarū tendi-  
 las in inuidiā uocant: tum uociferantur ex aequo, et bo-  
 no, non ex callido, uersutoq; iure rem iudicari oportere:  
 scriptum sequi calūniatoris esse: boniq; iudicis, uolum-  
 tatē scriptoris, auctoritatēq; defendere. In ista uero cau-  
 sa, cum tu sis is, qui te uerbo, literaq; defendas: cū tuæ  
 sint eæ partes: unde deiectus es? an id de quo prohibitus es  
 accedere? eiectus es, non deiectus. cum tua sit hæc ora-  
 tio: fateor me homines coegisse: fateor armasse: fateor tibi  
 mortem esse minitatum: fateor hoc interdictum prætoris  
 \* uindicauit: si uolūtas, et æqtas ualeat. sed ego inuenio in  
 interdicto uerbum unum: ubi deliteſcam. non deieci te  
 ex eo loco: quē in locum prohibui ne uenires. in ista de-  
 fensione accusas eos: qui consuluntur: quod æquitatis cen-  
 seant rationem, non uerbi haberi oportere. Et hoc loco  
 Scæuolam dixisti causam apud Centūuiros non tenuis-

se: quem  
 ret, quod  
 tu in null  
 quia uerb  
 meror, te h  
 ista causa  
 dicis & n  
 mihi miru  
 ius civile i  
 disputant:  
 consulant  
 nibus stult  
 sponere co  
 male iudic  
 aliud iudic  
 quisquam  
 ius: quod  
 tra iudica  
 recte: id fi  
 bium est, a  
 deinde si  
 contra iuri  
 mutio pla  
 us statueb  
 ita causan  
 sultos dice  
 fendebar:  
 nes affer  
 ritissimus  
 simile con



se: quem ego antea non commemoravi: quod idem faceret, quod tu nunc: tamen si ille in aliqua causa faciebat: tu in nulla facis. tamen probasse nemini quod defendis: quia uerbis oppugnare aequitatem uidebatur. Cum id miror, te hoc in hac re alieno tempore, et contra, quam ista causa postulasset, defendisse: tum illud uulgo in iudicijs & nonnunquam ab ingeniosis hominibus defendi mihi mirum uideri solet: nec iurisconsultis concedi: nec ius ciuile in causis semper ualere oportere. Nam qui hoc disputant: si id dicunt: non recte aliquid statuere eos, qui consulantur: nec hoc debent dicere iuri ciuili, sed hominibus stultis obtemperari non oportere. sin illos recte respondere concedunt: & aliter iudicari dicunt oportere: male iudicari oportere dicunt. neq; enim fieri potest: ut aliud iudicari de iure, aliud responderi oporteat: nec ut quisquam iuris numeretur peritus: qui id statuat esse ius: quod non oporteat iudicari. At est aliquando contra iudicatum. primum utrum recte: an perperam? si recte: id fuit ius, quod iudicatum est. sin aliter: non dubium est, utrum indices, an iurisconsulti uituperandi sint. deinde si de iure uario quippiam iudicatum est: non potius contra iurisconsultos statuunt: si aliter pronunciatum est, ac Mutio placuit: quam ex eorum auctoritate: si ut Manilius statuebat, sic est iudicatum. Etenim ipse Crassus non ita causam apud centumuiros egit: ut contra iurisconsultos diceret: sed ut hoc doceret: illud quod Scenola defendebat: non esse iuris: et in eam rem non solum rationes afferret: sed etiam Q. Mutio socero suo, multisq; peritissimis hominibus authoribus uteretur. Nam qui ius ciuile contemnendum putat: is uincula reuellit, non-



PRO A.

modo iudiciorum, sed etiam utilitatis, uitæq; communis. qui autem interpretes iuris uituperat: si imperitos iuris esse dicat: de hominibus nō de iure civili detrahit. sin peritis non putat esse obtemperandum: non homines lædit: sed leges, ac iura labefactat. quod uobis uenire in mentem profecto necesse est: nihil esse in ciuitate tam diligenter, quam ius civile retinendum. etenim hoc sublato, nihil est, quare exploratum cuiquam possit esse, qd suum, aut quid alienum sit: nihil est quod æquabile inter omnes, atq; unum omnibus esse possit. Itaq; in ceteris controuersijs, atq; iudicijs, cum quæritur aliquid factum, nec ne sit: uerum an falsum proferatur: et fictus testis subornari solet: et imponi falsæ tabulæ nonnunquam honesto, ac probabili nomine: bono uiro iudici error obijci: improbo facultas dari: ut cum sciens perperam iudicari: testamentum aut tabulas secutus esse uideatur. In iure nihil est eiusmodi Recuperatores: non tabulæ falsæ: non testis improbus: deniq; nimia ista, quæ dominatur in ciuitate potentia, in hoc solo genere quiescit: quid agat: quomodo aggrediatur iudicem: qua deniq; digitum proferat: non habet. Illud enim potest dici iudici ab aliquo, nō tam uerecundo homine, quàm gratioso: iudica hoc factum esse: aut nunquam esse factum, uel cogitatum: crede huic testi: has comproba tabulas. hoc non potest. cui filius agnatus sit, eius testamentum non esse ruptum, iudica: quod mulier sine tutore auctore promiserit, deberi. non est aditus ad huiusmodi res neq; potentiæ cuiusquam, neq; gratiæ. deniq; quo maius hoc, sanctiusq; uideatur: ne precio quidem corrupti iudex in eiusmodi causa potest. iste uester testis, qui

ausus e  
argueret  
ret indi  
thore di  
nendam  
neq; infle  
terari per  
etiam de  
est: quod q  
apertum  
refert, ad  
ratione ha  
omnia tu  
parum sit  
tra alicui  
dest fund  
ioribus in  
sunt: hæc  
sunt: mult  
in iisdem  
bus illa i  
fundus te  
meum fac  
patre reli  
liatitudinis  
tur: sed a  
patre, sed  
re civili  
que a m  
primariæ



ausus est dicere fecisse uideri eum: de quo ne cuius rei argueretur quidem scire potuisset: ipse nunquam aude-  
ret iudicare, deberi uiro dotem: quam mulier nullo au-  
thore dixisset. O' rem praeclaram, uobisq; ob hoc reti-  
nendam Recuperatores. quod enim est ius ciuile? quod  
neq; inflecti gratia, neq; perfringi potentia, neq; adul-  
terari pecunia possit: quod si non modo oppressum, sed  
etiam desertum, aut negligentius adseruatum erit: nihil  
est: quod quisquam sese habere certum, aut à patre ac-  
cepturum, aut relicturum liberis arbitretur. quid enī  
refert, aedes, aut fundum relictum à patre: aut aliqua  
ratione habere bene partum: si incertum sit? quæ cum  
omnia tua iure mancipij sint: ea possis ne retinere? si  
parum sit communium ius: si ciuili, ac publica lege con-  
tra alicuius gratiam teneri non potest? quid inquit pro-  
dest fundum habere? si, quæ decentissime descripta à ma-  
ioribus iura finium, possessionum, aquarū, itinerumq;  
sunt: hæc perturbari aliqua ratione, commutariq; pos-  
sunt? mihi credite: maior hæreditas uenit unicuiq; uestri  
in ijsdem bonis, à iure, et à legibus: quam ab ijs, à qui-  
bus illa ipsa bona relictæ sunt. nam ut perueniat ad me  
fundus testamento alicuius fieri potest: ut retineā quod  
meum factum sit: sine iure ciuili non potest. fundus à  
patre relinqui potest: at usucapio fundi, hoc est finis sol-  
licitudinis, ac periculum litium, non à patre relinqui-  
tur: sed à legibus. aquæductus, haustus, iter, actus, à  
patre, sed rata autoritas harum rerum omnium à iu-  
re ciuili sumitur. quapropter non minus diligenter ea,  
quæ à maioribus accepistis: publica patrimonia iuris, q̄  
privatæ rei uestre retinere debetis. non solū quod hæc



iure civili septa sunt: sed etiam quod patrimonium, unū  
us incommodo dimittitur: ius amitti non potest sine ma-  
gno incommodo ciuitatis. In hac ipsa causa Recupe-  
ratores, si hoc nos non obtinemus: ui armatis homi-  
nibus deiectum esse eum, quem ui armatis hominibus  
pulsū, fugatūq; esse constet: Cecinna rem non amit-  
tet: quam ipsam animo forti, si tempus ita ferret, amit-  
teret: in possessionem in præsentia non restituetur: ni-  
hil amplius. populi ro. causa, ciuitatis ius, bona, for-  
tunæ, possessionesq; in dubium, incertūq; reuocabūtur:  
uestra auctoritate hoc constituetur: hoc præscribetur:  
qui cum tu posthac de possessione contendes: eum si in-  
gressum modo deieceris: in prædium restituas oportebit.  
sin autem ingredienti cum armata multitudine ob-  
uius fueris: & ita uenientem repuleris: fugaris: auer-  
teris: nō restitues \* tu res si equos uestes \* si uim nō in-  
cæde solum sed etiam in animo libidinis. nisi cruor  
\* appareat: uim non esse factam: iniuriarum delictum  
esse: qui prohibitus sit: nisi ex eo loco ubi uestigium  
impresserit, deici neminem posse: iuris retinet senten-  
tiam: & æquitatem plurimum ualere oportere: uer-  
bo, ac litera ius omne torqueri: uos statuete Recupera-  
\* tores ut uiliores esse uideantur. Hoc loco percommode  
accidit: quod non adest is: qui paulo ante affuit: &  
adesse nobis frequenter in hac causa solet: uir ornatiss-  
simus C. Aquilius. nam ipso præsente de uirtute eius, et  
prudencia timidius dicerem: quod & ipse pudore quo-  
dam afficeretur ex sua laude: & me similis ratio pu-  
doris à præsenti laude tardaret. cuius auctoritati di-  
ctum est ab illa causa concedi nimium non oportere.

Vereor  
aut apu  
am: nū  
ius prud  
endo per  
æquitatē  
fidem suā  
buerit: qu  
disciplina  
ut ex iure  
etiam bon  
ita promp  
quidamq;  
tis a nobis  
sionis esse  
tra me ser  
pelletis: n  
uester au  
tiationq;  
nominen  
istam age  
qui cum i  
posse pro  
quo fuisse  
batur: ue  
adi nō  
materia  
rebus in  
id ualui  
æquitat



Vereor de tali uiro ne plus dicam: q̄ uos aut sentiat: aut apud uos commemorari uelitis. quapropter hoc dicam: nunquam eius auctoritatem nimium ualere: cuius prudentiam populus Ro. in cauendo, non in decipiendo perspexerit: qui iuris civilis rationem nūquam ab æquitatē seiunxerit: qui tot annos ingenium, laborē, fidem suam populo Ro. promptam, expositamq; præbuerit: qui ita iustus, & bonus uir est: ut natura, non disciplina consultus esse uideatur: ita peritus, ac prudēs: ut ex iure civili non scientia solum quædam, uerum etiam bonitas nata uideatur: cuius tantum est ingenium: ita prompta fides: ut quicquid inde haurias: purum, liquidumq; te haurire sentias. Quare per magnam iniuriam a nobis gratiam: cum eum authorem nostræ defensionis esse dicatis. illud autem miror: cur uos aliquid contra me sentire dicatis: cum eum authorem uos pro me appelletis: nostrum nominetis. Veruntamen quid ait iste uester author? omnibus quicquid uerbis actum pronuntiatumq; sit. conuenit. Ego ex isto genere consultorum nō nomen ut opinor istum ipsum, quo uos authorem rem istam agere, & defensionem causæ constituere uos dicatis. qui cum istam disputationē mecum ingressus esset: non posse probare quenquā esse deiectum, nisi ex eo loco in quo fuisset: rem et sententiā interdicti mecum facere fatebatur: uerbo me excludi dicebat: a uerbo autem posse recedi nō arbitratur. Cū exēplis uteretur multis: etiā illa materia æqtatis ab uerbo, et ab scripto: plurimis sæpe in rebus ius, et æqui boniq; rationē esse seiunctā: semperq; id ualuisse plurimum: quod in se auctoritatis habuisset æquitatisq; plurimum: consolatus est me: & ostendit



PRO A.

in hac ipsa causa nihil esse quod laborarem. nam uerba ipsa sponsonis facerent mecum: si uellē diligenter attendere. quoniam inquam modo? quia certe inquit deiectus est Cecinna ui hominibus armatis aliquo ex loco: si non ex eo loco, quem in locum uenire uoluit: at ex eo certe, unde fugit. quid tum? Prætor inquit interdixit: ut, unde deiectus esset: eo restitueretur: hoc est quicunque is locus esset: unde deiectus esset. Ebutius autem, qui factetur aliquo ex loco deiectum esse Cecinnam: is quo modo se restituisse dixit: necesse est: male fecerit sponsonem. Quid est Piso? placet tibi pugnare uerbis? placet causam iuris, et æquitatis, et non nostræ possessionis, sed omnino possessionum omnium constituere in uerbo? Ego quod mihi uideretur: quod à maioribus factitatum: quod horum autoritate, quibus iudicandum est: dignum esset: ostendi: id uerum, id æquum, id utile omnibus esse: spectari quo consilio, et qua sententia, non quibus quidque uerbis esset actum. tu me ad uerbum uocas. non ante uenio: quam recusaro. nego oportere: nego obtineri posse: nego ullam rem esse: quæ aut comprehendi satis, aut caueri, aut excipi possit: si aut præterito aliquo uerbo, aut ambigue posito, sententia, et re cognita non id quod intelligitur, sed id quod dicitur: ualebit. quoniam satis recusavi: uenio iam quo uocas: quero abs te: sum ne deiectus: non de Fulciniano fundo: neque enim Prætor, si ex eo fundo essem deiectus: ita me restitui iussisset: sed eo unde deiectus essem: sum ex proximi vicini fundo deiectus, qua adibam ad istum fundum: sum de uia: sum certe alicunde, siue de privato, siue de publico: eo restitui sum iussus. restituisse te di-



xisti. nego me ex decreto Prætoris restitutum esse. Quid  
ad hæc dicamus? aut tuo, quemadmodum dicitur, gladio,  
aut nostro defensio tua conficiatur necesse est. si ad inter-  
dicti sententiam confugis: et de quo fundo actum sit tum,  
cum Ebutius restituere iubebatur: id quærendum esse di-  
cis: neque æquitatem rei uerbi laqueo capi putas oport-  
tere: in meis castris, præsijsq; uersaris. mea, mea est  
ista defensio: ego hoc uociferor: ego omnes homines deosq;  
testor: cum maiores uim armatam nulla iuris defensio-  
ne texerint: non uestigium eius, qui deiectus sit: sed  
factum illius, qui deiecerit: in iudicium uenire: de-  
iectum esse, qui fugatus sit: uim esse factam, cui peri-  
culū mortis sit iniectum. istum locum fugis: et refor-  
midas: et me ex hoc, ut ita dicam, campo æquitatis, ad  
istas uerborum angustias, et ad omnes literarum angu-  
los reuocatis. in ijs ipsis intercludere insidijs: quas mihi co-  
naris opponere. non deieci: sed eieci. peracutum hoc ti-  
bi uidetur: hic est mucro defensionis tuæ: in eum ipsum  
causa tua incurrat, necesse est. ego enim tibi refero: si non  
sum ex eo loco deiectus: quo prohibitus sum accedere:  
at ex eo sum deiectus: quo accessi: unde fugi. si prætor nō  
distinxit locum: quo me restitui iuberet: et restitui iussit:  
non sum ex decreto restitutus. Velim Recuperatores,  
hoc totum si uobis uersutius, quàm mea consuetudo de-  
fendendi fert, uidebitur: sic existimetis: primum alium  
non me excogitasse: deinde huius rationis non modo  
nunc inuentorem, sed ne probatorem quidem esse me:  
idq; me non ad meam defensionem attulisse: sed illorū  
defensioni retulisse. me posse pro meo iure dicere neque  
in hac re, quam ego protuli: quæri oportere, quibus



uerbis Prætor interdixit: sed de quo loco sit actum:  
 cum interdixit: neque in ui armatorum spectari oportere, in quo loco sit facta uis: uerum sit ne facta. te uero nullo modo posse defendere: in qua re tu uelis: uerba spectari oportere: in qua re nolis: nõ oportere. Verũtamen et qd mihi respondetur ad illud: quod antea dixi: non solum re & sententia, sed uerbis quoq; hoc interdictum ita esse compositum: ut nihil commutandum uideretur? attendite diligenter quæso Recuperatores: est enim uestri ingenij, non meam, sed maiorum prudentiam cognoscere. non enim sum id dicturus, quod ego inuenerim: sed quod illos non fugerit. Cum de ui interdicitur: duo genera causarum esse intelligebant: ad quæ interdictum pertineret. unum, si qui ex eo loco, quo ueniret: alterum, si ab eo deiectus esset. & horum utrumq; neq; præterea quicquam potest accidere Recuperatores. id adeo, si placet, considerate. Si qui meam familiam de meo fundo deiecerit: ex eo me loco deiecerit. si qui mihi præsto fuerit cum armatis hominibus extra meum fundum: & me introire prohibuerit: non ex eo, sed ab eo loco me deiecerit. ad hæc duo genera rerum, unum uerbum, quod satis declararet utraq; res: inueniunt: ut siue ex fundo, siue à fundo deiectus essem: uno, atq; eodẽ interdicto restituerer. Vnde TV. hoc uerbum unde, utrumq; declarat: & ex quo loco, & à quo loco. unde deiectus est Cecinna? ex urbe. unde deiecasti? ab urbe. unde deiecti Galli? à Capitolio. unde qui cum Graccho fuerunt? ex Capitolio. uidetis igitur hoc uno uerbo significari res duas: et ex quo, & à quo loco. VI. Cum autem eo restitui iubet: ita iubet: ut si Gal.



li à maioribus nostris postularent: ut eo restitueretur: unde deiecti essent: & aliqua ui hoc assequi possent: nō opinor eos in cuniculum, qua aggressi erant: sed in Capitolium restitui oporteret. hoc enim intelligitur: unde deiecisti, siue ex quo loco, siue à quo loco: eo restituas: hoc iam simplex est: in eum locum restituas: siue ex hoc loco deiecisti: restitue in hunc locum: siue ab hoc loco: restitue in eum locum: non ex quo, sed à quo deiectus. Vt si qui ex alto, cum ad patriam accessisset: tempestate subito reiectus optaret, ut cū esset à patria deiectus: eo restitueretur: hoc opinor optaret: ut à quo loco depulsus esset: in eum se fortuna restitueret: non in salū, sed in ipsam urbem, quam petebat. Sic quoniam uim uerborum necessario similitudine rerum aucupamur: qui postulat, ut à quo loco deiectus est: hoc est unde deiectus est: eo restituatur: cum uerba nos eo ducant: tum res ipsa hoc sentire, atque intelligere cogit. Etenim Piso (redeo nunc ad illa principia defensionis meae) si quis te ex aedibus tuis ui hominibus armatis deiecerit: quid ageres? opinor hoc interdicto, quo nos usi sumus: persequerere. quid? si qui iam de foro redeuntem armatis hominibus domum tuam te introire prohibuerit? quid ages? utere eodem interdicto. cum igitur praetor interdixerit: unde deiectus es: ut eo restituaris: tu hoc idem, quod ego dico: & quod perspicuum est: interpretabere: cum illud uerbum unde in utranq; rem ualeat: eoq; tu restitui sis iussus: tam te in aedes tuas restitui oportere, si è vestibulo, quam si ex interiore aedium parte deiectus sis. Vt uero iam Recuperatores nulla dubitatio sit: siue rem, siue uerba spectare uultis: quin secun-



dum nos iudicetis: exoritur hic iam obrutis rebus omnibus, & perditis, illa defensio, eum deici posse, qui tum possideat: qui non possideat, nullo modo posse. itaque, si ego sim à tuis ædibus deiectus: restitui non oportere: si ipse sis: oportere. numera quàm multa in ista defensione falsa sint Piso: ac primum illud attende: te iam ex illa ratione esse depulsum: quod negabas quenquam deici posse: nisi in eo loco esset: nunc iam posse concedis. eum qui non possideat, negas deici posse. cur ergo aut in illud quotidianum interdictum, unde ille me ui deiecit, additur: cum ego possiderem: si deici nemo potest: qui non possidet? aut in hoc interdictum, de hominibus armatis non additur? si oportet quæri: possederit nec ne? negas deici, nisi qui possideat. ostendo si sine armatis, coactis uel hominibus, deiectus quisquam sit: eum, qui fateatur se deiecisse: uincere sponsonem: si ostendat eum non possedisse. negas deici, nisi qui possideat. ostendo ex hoc interdicto de armatis hominibus, qui possit ostendere non possedisse eum, qui deiectus sit: condemnari tamen sponsonis necesse esse: si fateatur esse deiectum. dupliciter homines deiciuntur: aut sine coactis, armatis uel hominibus: aut per eiusmodi rationem aut uim. ad duas dissimiles res, duo deuincta interdicta sunt. in illa ui quotidiana non satis est posse docere se deiectum: nisi ostendere possit: cum possideret: tum deiectum. ne id quod satis est: nisi docet ita se possedisse: ut nec ui, nec clā, nec precario possederit. itaque is, qui se restituisse dixit: magna uoce sæpe confiteri solet: se ui deiecisse: uerū illud addit: nō possidebat. uel etiam, cum hoc ipsum concessit: uincit tamen sponsonem: si planum facit, ab se illum, aut ui, aut clam, aut

preca  
qui si  
iores  
nis mo  
gerit:  
matus a  
sione ce  
terdicta  
A. Cec  
ecquid i  
maioru  
teret. ac  
hoc Cec  
experate  
tamen b  
commu  
pter u  
ductu  
condu  
fennia  
eius m  
ipse Ce  
dum:  
stimon  
alio, si  
non po  
duci u  
sentent  
legem  
Reip.



precatro possedisse. Videtis ne quot defensionibus eum,  
 qui sine armis, ac multitudine vim fecerit: uti posse ma-  
 iores uoluerunt? hunc uero qui ab iure, officio, bo-  
 nis moribus, ad ferrum, ad arma, ad cædem confu-  
 gerit: nudum in causa destitutum uidetis: ut, qui ar-  
 matus de possessione contendisset: inermis planè de spon-  
 sione certaret. ecquid igitur interest Piso inter hæc in-  
 terdicta? ecquid interest utrum hoc additum? cum  
 A. Cecinna possederit: nec ne? ecquid te ratio iuris,  
 ecquid interdictorum dissimilitudo, ecquid autoritas  
 maiorum commouet? si esset additum: de eo quæri oport-  
 teret. additum non est: tamen oportebit. Atque ego in  
 hoc Cecinnam non defendo. possedit enim Cecinna Re-  
 cuperatores: & id, tametsi extra causam est: percurram  
 tamen breui: ut non minus hominem ipsum, quàm ius  
 commune defensum uelitis. Cesenniam possedisse pro-  
 pter usum fructum non negas. qui colonus habuit con-  
 ductum de Cesennia fundum: cum idem ex eadem \*  
 conductione fuerit in fundo: dubium est, quin si Ce-  
 sennia tum possidebat: cum erat colonus in fundo: post  
 eius mortem hæres, eodem iure possederit? deinde  
 ipse Cecinna, cum circuiret prædia: uenit in istum fun-  
 dum: rationes à colono accepit. sunt in eam rem te-  
 stimonia. postea cur Ebuti de isto potius fundo, quàm de  
 alio, si quem habes, Cecinnæ denunciabas? si Cecinna  
 non possidebat? ipse porro Cecinna cur se moribus de-  
 duci uolebat? idq; tibi de amicorū, et de ipsius C. Aglij  
 sententia responderat: et ad eum. \* At enim Sylla  
 legem tulit. ut nihil de illo tempore, nihil de calamitate  
 Reip. querar: hoc tibi respondeo: adscripsisse eundem



Syllam in eandem legem: si quid ius non esset rogari: eius ea lege nihilum rogatum. quid est quod ius non sit: quod populus iubere, aut uetare non possit? ut ne longius abeam: declarat ista ascriptio esse aliquid. nam nisi esset: hoc in omnibus legibus non ascriberetur. Sed quæro abs te putes ne si populus iusserit me tuum, aut item te meum seruum esse: id iussum ratum, atque firmum futurum? perspicias hoc nihil esse: ut in cæteris: quæ rogavi. Primum illud concedis: non quicquid populus iusserit, ratum esse oportere. deinde nihil rationis affers: quamobrem si libertas adimi nullo modo possit: ciuitas possit. nam & eodem modo de utraq; re traditum nobis est: & si semel ciuitas adimi potest: retineri libertas non potest. qui enim potest iure Quiritum liber esse is: qui in numero Quiritum non est? Atq; ego hanc adolescentulus causam cum agerem contra hominem disertissimum nostræ ciuitatis Cottam: probaui. cum Aretinæ mulieris libertatem defenderem: & Cottæ Decemuiris religionem inieci: non posse sacramentum nostrum iustum iudicari: quod Aretinus adempta ciuitas esset: & ego uehementius contendissem ciuitatem adimi non potuisse: Decemuires prima actione non iudicauerunt. postea re quesita, et deliberata, sacramentum nostrum iustum iudicauerunt. Atque hoc & contradicente Cottæ, & Syllæ uiuio iudicatum est. Iam uero in cæteris, ut omnes, qui in eadē causa sunt: et lege agant: & suum ius persequantur: et omnes iure civili sine cuiusquam aut magistratus, aut iudicis, aut periti hominis, aut imperiti dubitatione utantur: quid ego commemorem? dubium nemini uestrum est. Certe quæri hoc solere



me non præterit: ut ex me ea, quæ tibi in mentem non ueniunt, audias: quemadmodum si ciuitas adimi non possit: in colonias latinas sæpe nostri ciues profecti sint. aut sua uoluntate, aut legis mulcta profecti sunt: quam mulctam si sufferre uoluissent: tum manere in ciuitate uoluissent. Quid? quem Pater patratus dedit: aut suus pater populusue uendit: quo is iure amittit ciuitatem? Vt religione ciuitas soluatur: ciuis romanus traditur: qui cum est acceptus: est eorum: quibus est deditus: si non accipiunt, ut Mancinum Numantini: retinet integram causam, et ius ciuitatis. Si pater uendit: eum, quem in suam potestatem suscepit: ex potestate dimittit. Iam populus cum eum uendit, qui miles factus non est: non adimit ei libertatem: sed iudicat non esse eum liberum: qui ut liber sit: adire periculum noluit. cum autem incensum uendit: hoc iudicat: cum ij qui in seruitute iusta fuerunt: censu liberentur: eum, qui cum liber esset: censeretur noluerit: ipsum sibi libertatem abiudicasse. Quod si maxime ij scire rebus adimi libertas aut ciuitas potest: non intelligunt qui hæc commemorant: si per has rationes adimi maiores posse uoluerunt: alio modo noluisse. Nam ut hæc ex iure civili protulerunt: sic afferant uelim: quibus lege, aut ratione ciuitas, aut libertas erepta sit. Nam quod ad exilium attinet: perspicue intelligi potest quale sit. exilium enim non supplicium est: sed profugium portusque supplicij. nam qui uolunt poenam aliquam subterfugere, aut calamitatem: eo solū uertunt: hoc est sedē ac locū mutant. Itaque nulla in lege nostra reperietur, ut apud cæteras ciuitates: maleficiū ullū exilio esse mulctā



PRO A.

tum. Sed cum homines, uincla, necesse. ignominiasq; uitant, quæ sunt legibus constitutæ: confugiunt quasi ad arma in exilium: qui si in ciuitate legis uim subire uellent: nõ prius ciuitatem quàm uitam amitterent. quia nolunt: non adimitur his ciuitas: sed ab his relinquitur: atq; deponitur. Nam cum ex nostro iure duarum ciuitatum nemo esse possit: tum amittitur hæc ciuitas deniq;: cum is qui profugit: receptus est in exilium, hoc est in aliam ciuitatem. Non me præterit Recuperatores, tametsi de hoc iure multa prætereo: tamen me longius prolapsum esse: quàm ratio uestri iudicij postularit. Verum id feci: non quod uos in hac causa hanc defensionem desiderare arbitrarer: sed ut omnes intelligerent: nec ademptam cuiquam ciuitatem esse: nec adimi posse. hoc cum coscire uolui: quibus Sylla uoluit iniuriam facere: tum omnes cæteros nouos, ueteresq; ciues. neq; enim ratio afferri potest: cur si cuiquam nouo ciui potuerit adimi ciuitas: non omnibus patricijs, omnibus antiquissimis ciuibus possit. Nam ad hanc quidem causam nihil hoc pertinuisse: primum ex eo intelligi potest: quod uos ea de re iudicare non debetis: deinde quod Sylla ipse ita tulit de ciuitate: ut nõ sustulerit horum nexa, atque hæreditates. iubet enim eodem iure esse, quo fuerint Ariminenses: quos quis ignorat duodecim coloniarum fuisse? Et a Populo Ro. hæreditates capere potuisse? Quod si adimi ciuitas A. Cecinnae lege potuisset: magis illam rationem tamen omnes boni quæreremus: quemadmodum spectatissimum, prudentissimumq; hominem, summo consilio, summa uirtute, summa auctoritate domesticæ præditum leuatum iniuria ciuem retinere possemus: quàm uti nunc cum de iure



de iure ciuitatis nihil potuerit deperdere: quisquam  
existat: nisi tui Sexte simulis & stulticia & impu-  
dentia: qui huic ciuitatem ademptam esse dicat. Qui  
quoniam Recuperatores suum ius non deseruit: neq;  
quicquam illius audaciæ, petulantiaeq; concessit: de-  
relinquo iam communem causam: populiq; ius in  
uestra fide ac religione depono. Is homo ita se pro-  
batum uobis uestriq; similibus semper uoluit: ut  
id non minus in hac causa laborarit: nec conten-  
derit aliud: quàm ne ius suum dissolute relin-  
quere uideretur: nec minus uereretur: ne conte-  
mnere Ebutium: quàm de eo contemptus esse existi-  
maretur. Quapropter si quid extra iudicium est:  
quod homini tribuendum sit: habetis hominem sin-  
gulari pudore, uirtute cognita, & spectata fide am-  
plissimū, Hetruriæ nomine totius in utraq; fortu-  
na cognitum multis signis & uirtutis & humani-  
tatis. siquid in contraria parte in homine offenden-  
dum sit: habetis eum, ut nihil dicam amplius: qui se  
homines coegisse fateatur. sin hominibus remotis  
de causa quæritis: cum iudicium de ui sit: is qui ar-  
guitur, uim se hominibus armatis fecisse fateatur:  
uerbo se non æquitate defendere conetur: id quoq; ei  
uerbum ipsum ereptum esse uideatis: auctoritatem  
sapientissimorum hominum facere nobiscum: in iu-  
dicium nō uenire, utrum Cecinna possederit, nec ne:  
tamen doceri possedisse: multo etiā minus quæri A.  
Cecinnæ fundus sit, nec ne: me tamen id ipsum do-  
cuisse, fundum esse Cecinnæ: cum hæc ita sint: sta-

Q



PRO A. CECINNA.

tuite quid uos tempora Reip. de armatis hominibus,  
quid illius confessio de ui, quid nostra decisio de æqui-  
tate, quid ratio interdicti de iure admoneant, ue  
indictis.

a b c  
t w

VENE

E 1

5824366



a b c d e f g h i k l m n o p q r s  
t u x y z A B C D E F G  
H I K L M N O P Q

Omnes Quaterniones præter  
Q duernum.


VENETIIS IN AEDIBVS ALDI,  
ET ANDREAE SOCERI,  
MENSE IANVARIO.  
M. D. XVIII.



ANNO 1564  
MENSE IANUARIO  
ET ANDREA SOCIET  
VENETIS IN AEDIBUS ALO  
H. K. E. M. N. O. P. Q.  
I. N. X. A. B. C. D. E. F. G.  
a. b. c. d. e. f. g. h. i. k. l. m. n. o. p. q. r. s. t. u. v. w. x. y. z.










34































Tom. 3. f. 75





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.6



